

續

修

四


庫

全

書

《續修四庫全書》編纂委員會編

續修四庫全書



上海古籍出版社

四〇七・史部・紀事本末類

欽定剿平粵匪方略四百二十卷(卷一百六十五至卷二百零二)

〔清〕奕

訢等撰

.....

E284/07

一
二
三
四
五
六
七
八
九
十
十一
十二
十三
十四
十五
十六
十七
十八
十九
二十
二十一
二十二
二十三
二十四
二十五
二十六
二十七
二十八
二十九
三十
三十一
三十二
三十三
三十四
三十五
三十六
三十七
三十八
三十九
四十
四十一
四十二
四十三
四十四
四十五
四十六
四十七
四十八
四十九
五十

欽定剿平粵匪方略卷一百六十五 丙辰年

十一月初二日 丙辰 曾國藩文俊奏言據

義靖安三縣紳士稟稱懇留吳坤修一軍勦辦

奉新匪黨等語既據紳民合詞懇留自不宜調

開此軍以失民望擬卽札飭李元度由崇仁帶

兵馳赴廣信駐防惟此軍僅駐郡城則不能設

法籌餉若令駐紮貴溪則河口商民可以復業

聖諭

七屬錢漕可以徵收於餉糶大有裨益合無懇

懇

天恩飭下浙江撫臣咨行總兵饒廷選統率得勝之師

仍駐廣信府城臣等卽飭李元度之師駐守貴

溪俾該府得趕緊徵收錢漕以濟眉急玉山至

郡城僅八十里均係江西境內饒廷選之駐廣

信與駐玉山無甚區別萬一婺源開化等處有

警饒廷選仍可馳往策應李元度卽可移紮府

城如此一轉移閒於浙江之兵力無損於江西

之籌餉有益奏入

上命軍機大臣傳諭何桂清曰據曾國藩等奏吳坤修

一軍因奉新安義靖安三縣紳民懇留未便調往現

飭李元度由崇仁帶兵馳赴廣信擬令駐紮貴溪招

徠商民請飭饒廷選仍駐廣信等語該省兵餉專賴

聖諭

錢漕接濟若移李元度於貴溪俾河口商民可以復

業七屬錢漕可以徵收於餉糶甚有裨益玉山卽係

廣信所屬饒廷選之駐廣信與駐玉山相去本不甚

遠著何桂清飭該總兵仍在廣信留防卽婺源開化

等處亦可就近兼顧

曾國藩文俊又奏言江楚兩軍於九月初二日

飭同知李元度等分兵四營先剿宜黃初四日

舉人陳大力帶兵先到城外賊卽出城迎敵被
我軍轟斃刃斃十餘人賊將望城返奔陳大力
等槍占縣城東關之大通橋斷賊入城之路賊
見歸路已絕沿港斜趨訓導郭式源率勇續至
賊竄南關守備伍連魁等相繼追殺陳大力簇
擁入城城內守賊紛紛由北關奪門而逃卽將
宜黃縣城收復乘勝遂赴崇仁該處有兩城相

聖朝集略卷一百一十五

三

間一河中有大橋百長鍾連升等衝入橋邊守
備劉長培率二哨鼻水過河彭厚坤等首先梯
城砍倒點礮二賊親兵羅順高槍開城門各營
擁擁而入殲賊百餘名賊黨由北門逃往臨江
復追殺數十名知縣費兆鎔等隨同入城於初
九日將崇仁縣城收復撫州之賊初六至十一
等日窺我軍分剿崇宜乘虛連日撲營周岐山

李元度等迎擊疊獲勝仗李元度等以老營單
薄商議退紮四五里許江楚兩軍聚紮一處又
飛調宜黃崇仁之師回保撫州老營尙未回郡
適有另股賊匪三千餘人自景德鎮竄擾萬年
安仁以至東鄉勢將先抵許灣卽援撫州李元
度等派把總彭大壽等帶八百人往守許灣十
六日城賊大舉出犯我軍迎擊斃賊三十餘名

聖朝集略卷一百一十五

四

又有援賊千餘人從流坊過河意圖夾擊官軍
李元度等急派四哨往截賊忽從下游近城處
偷渡水淺河寬不能截住援賊遂與城賊合犯
江軍李元度等鏖戰竟日援賊一股進城一股
分擾河東省城道路遂梗十七日城賊出犯先
分三支撲楚軍中營經彭斯舉等擊敗另支圍
撲江軍經唐得升親兵擊敗忽大股賊匪又從

流坊過渡合圍江軍將附營民房縱火焚燒唐
得升躍馬衝突手刃十餘賊馳赴中營林源恩
唐得升及從九品周尚桂等同時殉難李元度
先率陳英等往救勢已無及回營則賊來愈多
四面合圍李元度將聚積軍裝縱火自焚與陳
英等突圍而出定計直趨崇仁崇宜兩處尙有
左右兩營益以許濟彭大壽之師計完好者共

聖朝方略卷百六十五

五

有七營暫駐該處招集潰散重加整頓以圖再
振查撫州一軍大小五十餘戰除五月初五七
月初九兩次小挫外餘俱獲勝三四五六等月
各府之賊萃於該郡尙能肅清東路外通江浙
內蔽省垣厥後傷亡過多暑疫交加臣等慮其
疲乏致挫札飭全軍退駐七里岡李元度志在
破賊堅不肯退九月克復宜黃崇仁兩縣方期

軍威更振不圖分兵太多景德鎮另股援賊突
至遂致挫敗同知李元度調度失宜請

旨革去花翎同知仍以知縣降補至殉難之湖南補用

同知直隸州知州林源恩擬請

賞加道銜卽照道員例議卹都司唐得升擬請照遊

例議卹教諭耿光宣擬請照同知例議卹從九

品周尚桂擬請照縣丞例議卹奏入

聖朝方略卷百六十五

六

上諭內閣曰江西撫州之賊以宜黃崇仁爲來路同知
李元度將宜黃縣城收復乘勝遂赴崇仁收復縣城
撫州之賊屢次出城來犯疊經我軍擊退忽大股援
賊從流坊過渡合圍江軍林源恩等同時陣亡李元
度等招集潰散並紮崇仁著曾國藩等卽飭克復郡
城毋許延玩同知李元度調度失宜著拔去花翎革
去同知仍以知縣降補補用同知直隸州知州林源

恩著賞加道銜照道員例議卹都司唐得升著照遊擊例議卹教諭耿光宣著照同知例議卹從九品周尙桂著照縣丞例議卹

曾國藩文俊又奏言八月二十八日瑞州之賊由西路來搗戰我軍寶營湘中營出隊擊之仍退聚西路官軍兩路夾擊賊敗走九月初三日劉騰鴻等由外城直趨飛蛾亭朱祖貴等由金

聖朝聖略卷一百六十五

七

川門八時甫五鼓飛蛾亭守卡之賊酣睡我軍圍而殲之燒濟賊之戶百餘家初十日賊由西門出隊伏於城北田畔省兵五營出隊擊之賊節返奔十五日西門出賊二三百人護礮船上犯北城出賊約二三千圍撲省兵營壘劉騰鴻派兵由河岸趨西門橫截之昇大礮堵擊賊船瑞州城內多廣東老賊槍礮最準劉騰鴻亦以

火器擅長斃賊二三百名賊隊不退我軍亦堅立相持賊忽回頭搗戰劉騰鴻之親兵素稱驍悍莫不一以當十刀矛並舉賊遂紛紛奪路入

城臣曾國藩九月初三日赴瑞州軍營二十日仍回省河在瑞周視城垣履勘各路與各營官熟商必須先斷南路臨江之接濟而後可以困賊自二十日後賊之礮船不時上衝石鼓嶺擾

聖朝聖略卷一百六十五

八

湘勇各營之後二十七日普承堯等因南路之陰岡嶺傅家墟等處係臨江各賊接濟之路派黃澤遠等兩營往勦二十八日賊窺我分兵遠出遂來撲犯老營西門出賊二千伏樹林中南城賊數百護礮船上衝營壘劉騰鴻昇大礮至河岸截擊賊船普承堯率寶營擊樹林中之伏賊傷斃數百賊始遁竄入城三十日賊復以戰

船上犯陸賊二千餘人撲省兵之營壘適黃澤遠等兩營往勦陰岡嶺傅家墟者自南路歸來南城之賊卽遁竄入城當我師之全集瑞州也後路之新昌上高二縣時有逆匪回竄前經吳坤修回勦一次上高之賊復來竄踞飭知縣傅自銘募勇五百人與新昌縣知縣沈曦營勇協同勦辦九月十七日傅自銘等率平江勇由北

聖皇聖方略卷一百六十五

九

路進新昌撥魏大伸等兩營由南路抄擊十八日馳抵上高逆匪大隊由西門來撲我軍分路夾擊又有臨江援賊數千拚死堅拒平江勇衆寡不敵卽時潰散傅自銘手刃數賊力竭陣亡曾國華劉騰鴻等以上高爲瑞軍後路不可令寇氛梗阻卽派黃澤遠等三營於十月初三四等日進勦速獲勝仗立克上高縣城查瑞州地

接兩湖爲西路要衝但使屯軍屹然不動大局終有可轉之機上高縣知縣傅自銘募勇勦賊力戰捐軀籲懇

天恩交部照知縣例從優議卹守備詹榮清應請照例議卹奏入

上諭內閣曰瑞州勦匪獲勝並上高縣再被賊擾旋即收復上高縣知縣傅自銘募勇勦賊力戰捐軀深堪

聖皇聖方略卷一百六十五

十

憫惜著照知縣例從優議卹守備詹榮清著照例議卹

同日官文胡林翼奏言九月二十七日派副將顏朝斌等環攻漢陽東門該逆於鐵門關及南門兩路各出賊千餘圍襲我軍之後顏朝斌等佯退以誘之軍功陸得勝等又各帶勇從小路分抄賊後俟其離卡已遠馬步隊前後夾擊斃

賊百餘名賊敗退八卡其帶傷撲港淹斃者無算十月初一日署臬司李孟羣等於東南兩路進攻五里墩山後附近賊卡賊壘前荊州將軍綿洵等往來策應李孟羣等密派兵勇會合巴揚阿馬隊疾馳而進焚燒賊壘賊出力拒我軍槍箭齊施將五里墩一帶賊壘毀平即於五里墩前後左右進紮大營四座環掘長濠以總兵楊昌泗統之並令都司鄧清等嚴船防守為陸營援應十三日早先有武昌賊眾渡江過漢經外江水師礮船分投轟擊賊仍退竄是日三更漢陽城又出賊二千餘直撲沌口營盤顏朝斌飛調馬隊伏於隄內步兵繼進外江內湖礮船同時接應適賊眾蟻擁而至我軍槍礮齊施馬隊從旁衝出截斷賊陣四面圍擊斃賊多名生

聖朝聖略卷一百二十五

十一

擒偽總制朱長春一名十五日李孟羣等由五里墩齊隊進攻逆眾千餘拌死衝撲哨官凌益祥等負傷血戰殺悍賊十餘名賊遂敗退二十三日夜偵知武昌賊潛渡與漢陽賊偃旗息鼓欲乘夜偷竄將奔至漢口下關經李光榮等率勇擊退截斃多名該逆仍復拌命奔突又經水師礮船齊出夾攻賊大敗回巢查該逆連日逃散甚多現經我軍攻毀賊巢進逼要隘該逆已如釜底游魂臣胡林翼與李續賓武昌城外各營及提臣楊載福外江水師均嚴密扼截以斷該逆上援下竄之路務期盡殲醜類迅克堅城官文胡林翼又奏言查楊逆被洪逆所殺韋逆又捕拏石逆傳聞在九江互鬪楚北傳言不一臣等已飛咨確查刻下武漢逆勢日蹙臣等密

聖朝聖略卷一百二十五

十二

函熟商恐石逆情急進踞武漢而武漢逆黨亦宜防其竄助石逆頓增羽翼諸爲可慮惟有親督將士奮勉圖功斷不敢遷延時日自取罪戾同日德興阿翁同書奏言據安勇等稟稱十月二十日探悉距江浦城三四里許伏賊甚多安勇等先行帶兵向前搜擊賊見官軍勢壯不敢拒敵棄械而遁我軍追至縣城西北直越重濠

欽定剿平粵匪方略卷百六十五

三

毀其土壘一面分攻東門以分賊勢俄由西南出賊七八百名意欲擾襲我軍營總舒通額等帶兵攔截槍斃黃衣賊目一名該逆始行敗退嗣因東門壁堅賊衆力向西北圍攻相持甚久甫經撤隊賊仍出巢襲我後隊兵勇折回痛擊又殲賊匪四十餘名是日總管台斐音等馬步隊及六合弁勇在寶鳳莊一帶接應並杜九汰

洲賊援亦截殺六七十名惟據探連日賊蹤由上江連橋下駛均係石字旗號多泊金陵內河並已分股潛至北岸幫守江浦等語臣等現飭浦口水軍加意嚴防相機進取

德興阿翁同書又奏言前因河臣庚長漕臣邵燦以徐郡告急咨調馬隊一千名赴援臣等當撥馬隊三起七百餘名又兵勇一千名派侍衛

欽定剿平粵匪方略卷百六十五

十四

蘊秀統帶業於二十二三等日分起啟程旋准庚長等函稱徐州城圍已解囑將前撥兵勇暫行緩發祇令蘊秀管帶馬隊赴徐會勦現將參領富明阿所帶吉林馬隊一起千總詹啟綸所帶義勇六百餘名檄飭仍回揚營防勦吉林黑龍江馬隊兩起直隸兵四百名仍交蘊秀帶往均奏入報

聞

初五日己未福興奏言臣統兵自丹陽大營起程

南下行抵蘇州省城晤署撫臣趙德轍等以徐

州郡城被圍無兵可分商令臣移師往援臣思

徐州一郡為南北衝要現在匪黨糾眾至三四

萬之多圍攻郡城並所屬之豐沛蕭碭四縣均

有匪蹤儘援勦稍遲則南路之清淮與該郡接

聖朝聖學卷百二十五

十五

聖朝聖學卷百二十五

十五

壤於揚州一軍固有回顧之憂其界連東省之

曹沂及豫省之歸德各屬關繫北路門戶尤為

至重當由蘇州統帶前赴江西官兵一千名折

回徐州進勦一俟行抵清江即與漕河兩臣面

商攻勦機宜迅解城圍奏入報

聞

初七日辛酉何桂清奏言易逆石達開竄踞南陵

後於十月十一日從涼潭一帶來撲涇縣之幕

山營盤經同知徐慮善等軍擊退是日石埭大

股賊匪由孝思嶺竄入涇縣十三日攻撲縣城

蔣錫光與在城文武登陴守禦夏寶慶督隊出

城迎勦十四日涇縣之賊分為四股一攻南門

一攻東門一攻滬勇營盤一攻幕山營盤蔣錫

光馬鎮國分守東南兩門督勇奮擊夏寶慶帶

聖朝聖學卷百二十五

十五

隊出城先解滬勇之圍一面直前迎勦賊勢稍

卻而幕山營盤尚未解圍蔣錫光派隊連夜往

援十六日石玉龍等援涇之師由羊溪嶺行至

胡村道路梗塞不能前進幕山兩營被圍四晝

夜衝圍而出併入城中駐守鄧紹良以逆氛去

甯國不遠該縣為浙省門戶當派弁帶勇一千

六百名兼程赴甯國縣駐紮十七日石玉龍等

行至晏公堂遇賊接仗擊斃一百餘名行至千
子山已紮有賊卡兩座蘇朝清衝入賊卡斬黃
衣賊一名賊卽奔潰我軍乘勢踏毀兩卡進偏
東門斬獲首級三百餘顆生擒賊目八名衝圍
入城十八十九等日疊有斬馘石達開又糾合
江西江北死黨併歸涇縣賊數又增萬餘該縣
全境旱荒兼以瘡痍未復無處購覓米糧我軍
四千餘人絕糧兩日不得已於十九夜間破圍
而出陸續回甯國縣防堵伏思石達開糾合逆
黨至三四萬之多入思占踞皖南窺伺江浙刻
下徽州一路江長貴駐守漁亭西扼祁門石埭
周天受駐紮三溪保衛旌德績溪兼顧徽浙兩
路婺源偏近江西 臣另派已革參將師長鑣帶
勇一千五百名前往防守其甯國縣一路爲內

犯浙省杭湖要隘鄧紹良先經派兵駐紮今復
將涇縣退回之師飭令合隊仍探明前途軍情
步步移營進剿宣涇二縣賊勢已蔓延百餘里
思與甯郡之賊聯爲一黨鄧紹良飭令各營以
五成扼守營盤兼備甯城攻剿以五成迎擊外
援已屬萬難支持而蕪湖等處逆援又愈聚愈
衆蕪湖對岸之裕溪口葛家圩兩處匪黨增至
二萬有餘若渡江內犯則甯國建平廣德路路
可通秦如虎建平一軍僅存一千二百名斷難
兼顧各路浙省兵勇又無可再籌 臣咨和春速
撥精兵三四千名迅赴建平甯國一帶相機防
剿並調徐州鎮總兵傅振邦前來會同鄧紹良
督師勦辦仰懇
飭下和春迅速照辦奏入

上命軍機大臣傳諭和春怡良何桂清曰皖南情形萬分喫緊逆蹤分股竄擾徽甯各處宣城涇縣賊勢蔓延百餘里儘令與甯國郡城之賊聯為一氣則建平廣德路路可通浙省邊防實形危急著和春即撥精兵三四千名迅飭傅振邦統帶前往甯國一帶會同鄧紹良相機力勦其溧水一路攻城各軍即著和春速派得力大員督辦仍著何桂清嚴飭師長鑣等步

聖朝聖略卷五十五

十九

步前進先行疏通軍火糧餉之路規復涇縣城池以杜該匪內竄至石逆由池州而來一經糾結即至三四萬人皆因地方被旱飢民為其裹脅以致愈聚愈多怡良兼轄安徽省自應亟籌妥辦著速委明幹曉事大員分齎銀米馳赴甯郡一帶將未被賊裹之飢民加以撫恤免致流而為匪其已陷賊中者亦著設法招徠俾得漸就解散則賊勢自孤勦辦亦易得手

初八日壬戌福濟鄭魁士奏言桐城逆賊節次出撲均經擊退十月二十四日探聞易賊石達開自安慶發眾數千由練潭前來二十五日臣等派隊赴五里拐等處防守並在東路要隘設伏一面令守備穆恆德等帶兵勇在黃泥岡下紮營臣鄭魁士會同秦定三登高瞭望見東門出賊萬餘分五股來撲當派余兆青等帶楚粵兵

聖朝聖略卷五十五

二十

勇由中路進桂成帶熱河兵陳友勝等帶廣勇黃安邦等帶川勇由東路進滕仲武等帶陝黔兵曹遠勝等帶六勇勝勇由西路進麟瑞統領吉林馬隊分左右翼以待該逆分路而下相距百步我軍槍礮齊施殲賊無算臣鄭魁士等督各路兵勇直衝賊隊協領富和等帶馬隊從兩旁抄擊該逆大隊掣動餘黨驚潰我軍乘勢追

殺至城下，圍伏賊，又起潰匪，合力回拒我軍。復乘勢壓下，擒殺數百名。餘匪狂奔入城，先後殺賊千餘名，奪獲軍械馬匹無數。該逆經此次懲創，勢漸窮蹙。連日臣鄭魁士督率兵勇進逼城邊，逆匪堅伏不出。臣福濟由巢縣拔營前來，添集兵勇，聲威更壯。自當設法圍攻，迅圖克復。奏

欽定剿平粵匪方略卷一百一十五

三

欽定剿平粵匪方略卷一百一十五

三

上諭內閣曰：安徽桐城逆賊踞城日久，疊經官軍進攻，獲勝勢漸窮蹙。福濟現由巢縣拔營前往，兵力更厚。著卽會同鄭魁士督飭將弁，迅將該城克復，毋再延緩。

福濟鄭魁士又奏言：逆首石達開踞守安慶，久在湖北江西一帶竄擾，最稱兇悍。現雖金陵內亂與洪韋二逆自相仇殺，然上游江楚各郡皆

聞

石逆黨與盤踞卽安慶所屬潛太宿望等縣，淪陷日久，均在桐城南路。該逆占地較廣，水陸處處可通，其勢未甚窮蹙。臣鄭魁士抵桐後，察看該處與安慶唇齒相依，連日督飭兵勇紮營進逼。該逆復恃眾抗拒，百計圖援。現在多布閒謀，徧張示諭，解散其黨。探聞日來脅從賊眾頗有乘閒逃逸者。俟臣福濟到桐，會商勦辦，不敢輕議招撫。致貽巨患。奏八報。

欽定剿平粵匪方略卷一百一十五

三

十一日乙丑，福濟奏言：臣於克復巢縣後，周視城垣，查看要隘，諭令地方文武認真防堵，並令吉順等在東關一帶堵剿。音德布駐紮和州，與巢縣聲勢聯絡。臣於二十五日督嵩瑞帶領兵勇由巢拔營，二十七日行抵廬州，諄飭畢承昭等

嚴加防範復派金光飭時赴巢縣廬江無爲等處緝捕土匪分布已定卽於十一月初一日起程初二日行抵舒城派嵩瑞帶兵先赴桐城東路紮營查桐城之賊雖屢經擊敗惟桐城爲安慶門戶該逆勢所必爭潛太一路直通楚省援賊時來撲救必當分路進兵始可得手臣札派知縣劉兆彭在潛山募勇糾約民團知府李元華由無爲州帶勇問道急趨暗攻潛邑其無爲州防堵事宜卽責成知縣葉藩辦理臣惟有竭盡心力以期迅復城垣奏入

上命軍機大臣傳諭福濟曰本日已明降諭旨令秦定三留於桐城與福濟督辦南路勦匪事務矣桐城屢勝之後賊勢漸蹙福濟務與秦定三督飭將弁奮力進攻速將該城克復毋再延緩

上諭內閣曰福建提督秦定三著留於桐城會同福濟督辦南路勦匪事務

福濟又奏言臣甫經拔營二十六日西梁山賊匪卽會合銅城屬賊黨數千名窺伺東關吉順等督率各軍連開大礮斃賊多名該逆仍蟻擁而進馬隊衝勦槍箭齊施賊衆不支狂奔四散我兵追勦十餘里查該逆詭譎百出乘臣移營之後來犯東關幸已先期飭令吉順等妥爲備禦得以立挫其鋒現仍嚴飭實力堵勦奏入報

聞

十二日 丙寅

上諭內閣曰勝保著發往安徽軍營交福濟差遣委用十四日 戊戌和春奏言臣於十月十六日由丹陽移營句容十九日同張國樞督率副將王浚等

帶領兵勇進攻並於南門外扼要紮營逆匪大股出巢猛撲兵勇奮力直前槍礮齊施該逆復分股抄來意在襲我後路官軍迎頭截殺斃賊多名其勢漸卻臣與張國樑揮令兵勇三面環轟逆匪紛紛倒地餘賊潰逃臣和春被賊槍傷左膀並傷左肋幸不甚重惡戰數時約斃賊七八百名生擒十五名二十二二十五二十七等

聖皇聖方略卷百六十五

三

日連次出隊擇要移營該逆分股出撲均被我軍擊退三十日張國樑等帶領馬步隊分路進攻逆匪突出四五千入分途迎拒我軍屹立不動攻擊多時賊勢不支我軍三路追殺殲斃無數追至濠邊該逆過橋不及落水死者尤衆十一月初一初三等日張國樑等帶領官軍進前紮營該逆節次衝撲我軍槍礮刀矛痛加擊刺

兩日約斃賊五六百名守備黃龍璋李逢春額外外委張仁和把總馬萬斗馮開猷外委周元亨奮勇殺賊臨陣捐軀深堪憫惜相應請

旨飭部從優議卹

和春又奏言准浙江撫臣何桂清提臣鄧紹良咨稱東壩建平防兵無多請撥兵三四千名令總兵傅振邦帶往會剿等因查東壩建平現有

聖皇聖方略卷百六十五

三

提臣德安副將秦如虎共帶兵勇三千餘名駐守今涇縣既失甯邑情形喫緊東南關繫重大自應酌量添兵嚴防東壩以固門戶臣已調撥兵勇一千餘名飭令傅振邦於溧水軍營揀委勇敢得力之將卽日管帶起程馳赴東壩隨同德安等嚴加堵禦以昭周密至傅振邦剿辦溧水賊匪現值軍務喫緊之時未便更易奏入

上命軍機大臣傳諭和春曰據奏督攻句容連獲勝仗
 惟接得浙江緊信因傳振邦未便更易已調兵勇千
 餘名由溧水軍營另派得力將弁管赴東壩會剿傳
 振邦既留溧水著即趕緊攻勦力圖克復此次和春
 親督各軍進攻句容斬賊甚多該大臣身先將士不
 避矢石實堪嘉尚惟身為統帥舉動須出萬全不但
 以衝鋒陷陣見長該大臣務當於奮勇之中加以慎
 重十九日出隊雖受傷尚輕殊深繫念著發給如意
 拔毒散四料趕緊敷治就痊以慰朕望

聖學集考卷六十五

三七

上諭內閣曰此次官兵移營前進連獲勝仗斬賊多名
 著即乘勝進攻迅圖克復陣亡守備黃龍璋李逢春
 額外外委張仁和把總馬萬斗馮開猷外委周元亨
 均著交部從優議卹

和春又奏言據余萬清咨稱十月二十一日副

將米興朝等赴鎮江東北二門誘戰都司王瑞
 圖等於南門虎頭山一路堵截該逆由甘露寺
 江邊突出千餘名來撲參將吳世斌副都統巴
 棟阿等奮力攻勦斃賊多名南門虎頭山之賊
 經王瑞圖等奮勇擊退焦山水師駛進南岸開
 礮夾攻斃賊無算二十六日各軍分路潛伏先
 飭楚黔官兵進攻東北二門使逆匪知南路空
 虛勢必出巢抄襲正攻擊間該逆果由南門突
 出三千餘人虎頭山亦出賊數百人擁擁直前
 我軍伏兵齊出三面圍抄奮力擊刺逆匪紛紛
 倒地餘賊敗遁入巢又據傳振邦等稟稱十月
 二十二日帶領兵勇進攻溧水南門派參將李
 定太等設伏山後托克通阿帶馬隊揮兵猛撲
 南門突出賊千餘人傳振邦且戰且退誘至山

聖學集考卷六十五

三八

後伏兵陡起斃賊不少二十六日奮擊西門之賊亦有斬擒臣仍飭分投進攻力圖克復奏入報

聞

同日

上諭內閣曰楊文定著發往軍臺效力贖罪

十六日庚午何桂清奏言易逆石達開於十月二

聖朝集方略卷一百六十五

三

十三日自柿木鋪高橋楊柳鋪一帶蠶擁而來圖竄甯郡提臣鄧紹良派知府仲孫懋等分赴西南城截勦並以夏家渡爲大營後路兼通甯國縣境飭令副將蕭知音帶隊扼守一面親督各軍迎勦殲賊一百數十名追至雙柑埠沿途斬首五十餘級是日西南兩城復出賊三千餘名仲孫懋等左右夾攻斃賊無算惟夏家渡一

帶該逆連夜築壘不少賊氛日偏鄧紹良將甯郡南路之勇移至夏家渡駐紮力杜內竄二十五二十七等日該逆疊次猛撲鄧紹良督師圍攻該逆忽擁衆數千分左右兩路來迎鄧紹良擊其右楊名聲擊其左被賊圍裏身受重傷經瞿先仲等奮力救出重圍斬獲賊首七十餘級賊匪潰奔回巢南路逆衆自夏家渡蔓延而西連夜增添賊壘二十八日鄧紹良親督蕭知音等往攻接戰兩時斃賊尤衆惟南路賊壘偏近浙營鄧紹良飭令將士在賊營之前趕築一營以石玉龍督帶凱勇駐守作爲頭敵三十日該逆撲我新營石玉龍會同浙軍開礮轟擊鄧紹良親督蕭知音馳往策應槍礮齊施前隊之賊立斃後隊仍蠶擁而來楊國正等帶兵迴環衝

聖朝集方略卷一百六十五

三

撲殺賊目二十餘名逆眾回撲夏家渡營盤鄧
紹良卽飭冉正祥等繞出賊前令楚營弁兵伏
於附近以爲接應一面親督大隊翻山而進直
擣夏家渡四面圍剿殺賊尤多查石達開擁眾
數萬從南陵出竄蔓延百餘里賊卡數十座我
軍四路堵剿眾寡不敵先經 臣 函商和春速發
援師該大臣派參將馬永清等帶兵勇一千二

勦平匪類卷一百六十五

三十一

百名赴東壩助防僅能杜其竄入蘇省之路 臣
復調衛防兵勇一千名而往返需時深恐緩不
濟急乃此次逆眾疊次挫衄遁回南陵蕪湖者
已有二三千人俟攻剿夏家渡賊壘得手非特
內竄無虞卽甯國堅城亦可速拔在事出力員
弁可否由 臣 擇尤保獎以昭激勸奏入

上諭內閣曰甯國逆匪負嵎日久經鄧紹良調撥兵勇

分投截剿連戰皆捷實足以褫賊膽著速將夏家渡
一股掃蕩卽可克復甯郡所有此次出力員弁著何
桂清查明保奏

二十日 甲 德興阿翁同書奏言探得江浦城內

賊黨接首逆偽檄令其誘攻浦口營盤乘隙直
擾六合十一月初三日瞭見賊船蔽江而下圖
攻浦口六合現在賊眾已到高旺約有數萬查

勦平匪類卷一百六十五

三十一

高旺在江浦之西距城二十餘里自是糾合踞
城之賊圖犯浦營當飭防兵設法捍禦復於揚
營撥馬隊一起義勇六百名交副將成明統帶
於十三日馳往又飭富春於六合防兵內撥出
馬隊一起會合進剿惟揚營兵數本屬不足近
日瓜州賊眾時在土橋虹橋等處窺伺經鞠殿
華富明阿等隨時擊退毛三元又密派投出難

民穿過賊營縱火夜攻賊衆頗形驚慌惟以耽
耽負隅近在門闕萬一偵我兵少糾股內犯首
尾恐難兼顧因思援徐一旅本係勉力抽撥現
聞捻匪退回皖境福興已帶兵赴徐卽蕭錫之
閒尙留餘孽有福興與史榮椿兩軍足資掃蕩
擬將侍衛蘊秀所帶馬隊二起直隸兵四百名
仍行調回揚營俾收實用奏入

欽定剿平粵匪方略卷一百六十三

三

命軍機大臣傳諭德興阿翁同書曰該逆圖擾浦口
六合已非一日此次沿江下駛之賊多至數萬是浦
口一軍甚爲喫緊該大臣等撥出馬隊義勇兵力未
厚亟應乘其初到之時奮力急擊使不得與城中之
賊併爲一處並將江浦縣城力圖克復方能保固揚
州後路若徒爲添兵保守營盤之計則前顧瓜州後
顧浦口徒見分兵益形力絀况瓜州之賊時刻思竄

該大臣旣調回蘊秀援徐之兵亦應設法進攻計圖
克復未可曠日相持致令上游之賊時萌覬覦之心

欽定剿平粵匪方略卷一百六十三

三

欽定勦平粵匪方略卷一百六十六 丙辰年

十一月二十二日丙子福濟鄭魁士奏言臣等進

勦桐城於十一月初二日派隊附城築營該逆

分路來撲臣鄭魁士督飭熱河等處官兵夾道

設伏而以楚粵兵勇前往挑戰該逆迎拒接仗

未久逆勢不支忽有大股悍賊由東路抄出臣

鄭魁士督隊轟擊賊衆折回紛竄麟瑞等左右

勦平粵匪方略卷一百六十六

十一

批勦步騎交錯賊骸遍野城賊傾巢出救當飭

都司黃正吉等奮力緊攻臣秦定三督隊接應

斬馘尤多初六日臣福濟由舒城拔營馳抵桐

城會商勦辦初七日出隊進攻城內出賊七八

千人由北門山坡透迤而來意在繞出我後嵩

瑞等一面環攻賊營一面抽調槍礮迎至坡前

盡力截擊佐領海綬等槍上山梁刺斃黃衣悍

聞

賊數人賊勢披靡我軍竭力迎勦又斃多名逆

衆敗遁入城查桐城之賊屢被痛懲實足以寒

逆膽惟有督飭各鎮將移營緊逼設法圍攻以

期迅復堅城奏入報

同日山西道監察御史趙元模奏言金陵地勢

雖在上游而大江南北口門如鎮江瓜州最爲

扼要之處就南岸而論鎮江又爲金陵唇齒之

依逆賊肆擾以來不敢久踞揚城而於瓜鎮困

守不去者則以內固金陵巢穴外思竄擾蘇州

也臣聞金陵城中賊情內變自相殘害傷斃極

多其逃出難民僉云賊糧已盡漸成坐困之勢

惟念京口郡城係蘇常門戶七省咽喉素稱險

要西門以外路接金陵久爲賊踞北面臨江有

勦平粵匪方略卷一百六十六

十二

北固山爲之屏蔽賊衆負嶠我軍進攻難以得
力焦山壁立江中與爲斜峙我師依險據守已
歷數年賊之不敢竄越東下者則以焦南焦北
兩口門均有艇船控扼屢次擊敗賊船故也由
焦山水路東行八十里爲圖山關又四十里爲
鵝鼻背俱各安設大礮屯列營兵鵝鼻背以下
漸近海門其南岸則孟河江陰北岸則泰興靖
江均有口門可通內地雖已節節設防然扼險
之處究以焦山爲最要至鎮城南門外之河路
東門外之陸路直達丹陽自吉爾杭阿失事後
九華山遂爲賊踞惟京峴山丹徒鎮余萬清之
營盤未經移動東路賴以保全逆匪詭譎多端
稔知水陸通衢重兵阻守一面牽掣我師而由
東壩金壇之僻路直撲丹陽幸張國樑親督弁

聖朝聖學卷一百六十六

三

聖朝聖學卷一百六十六

四

兵屢獲大勝賊匪望風潰散退至句容與金陵
互爲犄角現在大兵圍偏句容逆匪自知無可
解脫必將鋌而走險鎮江水陸兩途甚爲喫緊
亟宜嚴加防範可否

飭下統兵大臣激勵焦山水師丹徒兵勇乘此大兵進
攻句容之際將鎮城賊匪嚴密堵剿迅圖克復
則金陵之賊勢自孤不難併力掃除盡殲醜類

奏八

上命軍機大臣傳諭和春張國樑余萬清曰御史趙元
模奏金陵賊勢已窮惟鎮江係蘇常門戶久爲賊踞
扼險之處以焦山爲最要現在大兵圍偏句容逆匪
將鋌而走險鎮江水陸兩途亟應防範等語鎮江逆
匪本有余萬清在彼攻剿焦山一帶亦有周士法泊
承陞等水師分布雖屢次獲勝究未能克復郡城近

日下竄之賊甚眾著該大臣等查照該御史所奏情形迅籌勦辦毋再遲延朕聞逆匪石達開已入金陵將城中逆黨盡行殺戮惟洪逆韋逆尙無下落未知是否確實著卽查明具奏逆匪內訌大有可乘之機惟和春等大營遠紮丹陽鞭長莫及須將句容等處先行克復移營仍駐紫金山一帶密邇賊巢方可觀釁而動萬勿坐失事機

聖皇聖考卷百六

五

二十三日 丁丑 何桂清奏言甯國逆黨先於夏家渡及團山七里岡結壘二十六座我軍擊退逆援尙有悍賊八千餘人分踞各壘仍思援應甯郡提臣鄧紹良檄飭周天受力遏甯國縣以防內竄一面派副將蕭知音等攻夏家渡之左知府仲孫懋等合攻團山十一月初一日該提臣親至夏家渡督戰蕭知音等分隊衝突斃賊四

百餘名餘匪逃竄我軍連奪逆壘六座其團山一路仲孫懋等先從西邊攻入鄧紹良自夏家渡繞至逆眾潰竄我軍追殺百餘名連破逆壘二座鄧紹良復於是夜督隊進攻七里岡蕭傳科從山前撲上連破兩壘楊國正攻其山後吳再升等攻其山北逆勢不支紛紛奔赴山南我軍勇氣百倍槍礮齊施南城之賊聞聲出援先

聖皇聖考卷百六

六

經鄧紹良分兵擊回一面進逼山南該逆棄壘而逃鄧紹良諸軍追出雙柑埠二十餘里沿途俘斬一千六百餘名團山南北兩面及山後賊壘十六座悉數踏平查石達開糾黨從涇縣竄入甯國負嵎踞守鄧紹良晝夜督戰以寡勝眾轉危爲安洵屬不負委任惟該逆鬼蜮之伎變幻百出鄧紹良等探知石達開已往金陵而蕪

湖之賊分黨四五千入於本月初三四等日蟻聚於水陽慈溪一帶聲言欲往東壩建平鄧紹良以東壩一路已由和春添兵助防建平兵力尙單先後派撥官兵三千八百名前赴東夏沈村各路協防歸秦如虎調遣臬司慶廉亦親往廣德州嚴密布置自可無虞內犯臣仍飭鄧紹良乘此聲威迅克甯國堅城以期早慰

宸廑奏八

上諭內閣曰此次痛加勦洗賊援已絕甯國逆匪勢成孤立各營將士同心戮力甚屬可嘉著鄧紹良乘此聲威妥爲激勵迅將郡城克復以杜上游逆匪窺伺毋再遲延

二十四日 戊寅 略秉章奏言自七月後道員劉長

佑知府蕭啟江各率所部分路進逼袁城大小

聖皇聖后

七

聖皇聖后

八

數十戰均有斬擒逆賊堅踞未能痛加勦洗因思自古攻城諸法雖多總以斷接濟覓內應爲主屢令劉長佑蕭啟江善爲籌辦旋據劉長佑稟稱城中米糧尙多油鹽漸就匱乏八月十一日賊於南門外嶺上築大營一座意圖通南路接濟劉長佑蕭啟江等督勇一鼓平之是時分宜上高之賊窺蕭啟江等營均會攻袁州遂率股匪四千餘人乘虛攻撲萬載遊擊田興恕會商萬載縣知縣李吉言率兵勇禦之斗門陣斬僞指揮艾春榮斃賊約三百餘人自是賊不敢復窺萬載八月二十九日吉安有賊三千餘人攜油鹽子藥將由彬江赴袁蕭啟江等夤夜伏兵隘口截之燒燬賊船十二隻追至昌山而返九月二十五日臨江吉安援賊六千餘人復由

分宜昌山分三路長驅而來劉長佑蕭啟江等亦分軍三路截之賊遂大潰竄入分宜二十六日袁城之賊四門齊出意圖撲營官軍俟賊逼近奮力轟擊賊大驚潰逸賊之從左路出者亦隨之而敗官軍先派出獅陂峽者甫抵峽口卽與右路賊遇府經歷陳鈞和千總余謀忠同時遇害知縣劉坤一等督勇從厚田馳救蕭啟江

聖朝聖略卷二十六

九

亦分軍入陣賊遂反奔城賊聞之喪膽自是始謀棄城逃竄更番出城攻撲官軍營盤均被擊退賊遂潰走分宜十月二十四日劉長佑蕭啟江復派隊夜襲分宜距城里許賊方驚覺官軍大呼衝殺賊啟東門逸去立復縣城自是賊之外援盡絕而城中兩月以來油鹽旣斷米糧火藥日匱劉長佑蕭啟江會商賊已困極盡力環

攻以擾之一面射示城中長髮賊能殺廣賊投誠者免其死廣賊能殺長髮賊投誠者亦如之賊首各懷疑懼多冒死出投者我兵攻城益急二十七日忽城中賊目李能通率黨十餘人出降城中驚擾益甚劉長佑派隊潛伏各路截其竄逸一面督隊猛攻十一月初一日僞檢點黃毓生率死黨潛由東南門逸出伏兵急起擊之

聖朝聖略卷二十六

十

旋卽驚退入城李能通報知官軍約啟西門以待劉坤一督勇奪門而入見賊卽殺城下官軍紛紛梯城而上賊由南門突出墜城死者不可勝計僞檢點黃毓生以死黨百餘斷後甫行里許官軍追及楚勇胡盛久等四人擒之以歸其東南路繞竄逃逸者被官軍前後夾擊共計各路斃賊五千餘人投誠者二千六百餘人立將

袁州府城克復降賊李能通密屬其黨開門延
納官軍其贖罪之誠尙屬可信疊奉

諭旨凡賊中自拔來歸者准其免死應卽欽遵辦理以

普

皇仁此次官軍疊克堅城勞績卓著江西卽補道劉長

佑等謹先行開列請獎陣亡之江西補用府經

歷陳鈞和等請

聖皇聖德卷二十六

十一

飭部分別議卹其餘出力員弁兵勇可否容臣覈明勞

績彙入克復萍鄉萬載兩案奏懇

恩施奏入

上諭內閣曰官軍疊獲大勝克復袁州分宜郡縣兩城

劉長佑等經略秉章派令赴援江西五月之中前後

數十百戰殺賊萬餘遂能克復堅城盡殄羣醜實屬

奮勉出力卽補道劉長佑著賞加按察使銜並賞給

該員父母三品封典知府蕭啟江著賞加道銜並賞
給該員父母四品封典知縣劉坤一著以直隸州知

州卽選並賞戴花翎遊擊田興恕著以參將仍留湖

南補用都司楊恆升著以遊擊留於湖南補用遊擊

劉培元著以參將留於湖南補用千總崔大光著以

守備留於湖南補用並賞換花翎其餘出力員弁兵

勇著駱秉章查明彙入克復萍鄉萬載案內從優請

聖皇聖德卷二十六

十一

獎陣亡之府經歷陳鈞和著照府經歷從優議卹千

總李光祝著照守備例從優議卹余謀忠著照千總

例議卹把總任開元著照把總例議卹外委石大美

著照外委例議卹李能通身陷賊中卒能自拔來歸

著留於軍營效力俟續有勞績卽行保奏

上又諭內閣曰湖南巡撫駱秉章自前年籌辦船廠接

濟曾國藩等大軍嗣後派兵援剿江西等省均能不

分畛域極力圖維茲又派兵越境克復江西袁州府
分宜縣二城實屬盡力調度蓋績堪嘉駱秉章著加
恩賞戴花翎

駱秉章又奏言此次援剿江西臣原擬分三路
一由北路出瑞州一由中路出袁州一由南路
出吉安方可漸期得力至吉安原應添派一軍
以取建瓚之勢無如中路袁州兩軍人數已逾

聖朝聖略卷百六十六

十一

九千口糧欠至百日實不能再籌一軍之餉前
蒙

垂詢道員王鑫如病能痊愈飭令由茶陵州進剿蓮花

廳一帶以資策應時王鑫病尙未痊未便促其
前進比王鑫病愈而石逆上竄武昌遂飭王鑫
率勇赴岳援剿前羅定協副將周鳳山適來省
稟請募勇復赴江西剿賊臣以其久經行陣飭

聞

聖朝聖略卷百六十六

十四

募道州勇二千餘名兵部侍郎曾國藩之胞弟
同知銜優貢生曾國基亦收集前甯紹台道羅
澤南部曲及湘勇之在營告假歸籍者千餘人
益以新募之勇共二千名請赴江西討賊臣即
先後札飭周鳳山曾國基由江西萬載萍鄉前
進合剿安福直趨吉安其所以不由茶陵州進
剿者蓋由茶陵出境次第攻取蓮花廳永新永
甯諸縣道路迂遠賊得嚴爲之備不若由萍鄉
進攻安福即可徑抵吉安似與三路援江之議
相符於大局不無小補奏入報

二十六日庚辰閩浙總督王懿德護理福建巡撫

布政使慶端奏言江右逆股肆擾臣等派副將
琳潤一軍往援駐紮建昌北門距東南門張從

龍等營約二十里該逆自攻破撫州營盤屢圖撲犯張從龍軍營臣等節飭晝夜防範一面飛咨江省酌派勁旅赴援十月十八日撫州賊匪在離建昌三十里之茅家排地方祭旗圖撲我營張從龍督兵馳往堵截斃賊一百餘名餘賊潰竄二十三日建昌紳士張家駒在朱嶺地方勦賊失利張從龍等派兵往援行抵士安橋遇賊接仗互有殺傷二十四日張從龍復統兵勇在苗溪地方奮力打仗該逆馬隊衝突勢甚剽悍各股匪徒分路迎拒我兵寡不敵衆死傷甚多琳潤督隊馳往接應行抵建昌東門外太平橋地方被賊截住琳潤揮兵迎擊斃匪數十名且戰且退該逆不敢窮追現在琳潤駐兵杉關外之飛鳶地方與張從龍等會合撫輯兵勇分

欽定剿平粵匪方略卷一百六十六

十五

欽定剿平粵匪方略卷一百六十六

十六

布要隘以杜該逆竄入閩疆查此次建昌賊匪勾結撫州宜黃大股內外夾攻我軍猝遭挫敗至江閩交界之杉關飛鳶等處最爲險要兼之延平匪氛甚熾逼近邵武縣轄之水口地方萬一該逆互相勾結勦辦愈形棘手茲責成張從龍琳潤等卽在飛鳶杉關扼守以固全閩門戶其江閩接壤各處隘口林立已飭一律嚴防臣惟有督飭將士固守要衝並將延屬各股匪徒痛加掃蕩俟江省援兵馳赴建昌張從龍等卽帶閩兵會合夾攻痛殲醜類奏入

上命軍機大臣傳諭會國藩文俊王懿德慶端曰閩兵赴援建昌節次獲勝茲因該逆勾結撫州宜黃股匪內外夾攻致遭挫敗杉關飛鳶等處爲江閩交界要區王懿德以閩兵新敗暫令張從龍等固守邊防俟

江西撥兵來援再行會合進勦將軍福興已帶兵一千名由浙江前赴江西不日即可到省該將軍或即帶兵前赴建昌與張從龍等兩路夾攻著曾國藩文俊與福興妥商辦理福興未到以前如江西另有兵勇可分亦著該侍郎等迅速調派應援毋令匪勢更增猖獗閩省順昌等處匪徒滋擾內患未消王懿德等務飭張從龍琳潤力扼要衝勿令匪蹤闖入以致

聖輿集方略卷一百六十六

七

聖輿集方略卷一百六十六

末

勾結為患俟曾國藩文俊派兵到日即令該副將等夾攻兜勦以戰為防
二十八日 壬午 官文都與阿楊載福胡林翼奏言
八月初七日追勦逆賊石達開後因攻城未下徒傷精銳添募陸勇五千添建水師六營水師護軍四營為長圍坐困之計以遊擊張寅恭領九營扼青山之要而以團練四千人伏於村外

以參將張榮貴領四營扼守石背之要以團練四千人助之其長濠各寬二丈深如之外護土城臣胡林翼五里墩之營與李續賓洪山之營繼長增高濠亦加深其魯家巷之濠壘高深各二丈餘以遊擊趙克彰等統之賊之米糧既斷信息難通至十月十五至二十三等日疊次奔突冀得一逞臣等四路營壘排礮轟擊每夜必傷賊數百二十六日臣楊載福率水師七營並護軍四營進攻武昌鮎魚套漢陽南岸背賊船參將王明山等以水師由南岸背溯流上擊把總丁泗濱等以水師由塘角至黃鶴樓過江從上下擊遊擊陳金鼇等由江之中流直上擊賊之腰賊之沿江陸壘礮子如雨王明山首先衝入右手已被火箭燒傷血戰不退陳金鼇等繼

進其丁泗濱一軍從上衝入宋美富等繼進賊不能支奪燒賊艦二十餘隻輜重船三十餘隻王明山獨奪三板五隻丁泗濱獨奪三板一隻長龍一隻賊船焚燒殆盡十一月初五至十四日賊分股各一二千人出戰夜襲我營均經我軍擊敗十五日賊分四路各出六七千人背城決戰臣令同知邢高魁等各路迎勦殺賊一千

欽定剿平粵匪方略卷一百六

十九

餘人賊奔入城臣官文偵知賊勢日蹙咨會臣等水陸剋期大舉臣楊載福與李續賓卽定水陸合勦之計二十二日水師分上下夾攻以六營自上下擊而以楊明萬之大戰艦爲先鋒以七營自下上擊而以周清元之大戰艦爲先鋒臣楊載福自行督陣指揮是日乘風破浪左右轟擊將賊之攔江鐵鎖斫毀賊船逐一焚燒片

帆無存賊計已窮乃於巳刻洞開各門一股由塘角撲青山之營張寅恭率各營禦之一股由花園撲石觜之營張榮貴率榮字左右兩營禦之周瑞率安勇橫抄之一股由八步街繞出五里墩大營同知邢高魁葉永泰率訓導李景湖鄒漢章都司楊德武等五營禦之一股由長虹橋直撲五里墩大營守備胡連萼等五營禦之

欽定剿平粵匪方略卷一百六

二十

一股由小龜山撲洪山之右一股由賽湖隄撲洪山之左一股由嶽廟撲洪山之前李續賓以參將周寬世等營勦右路以國子監典簿蔣凝學等營勦左路以遊擊胡裕發率湘副左營隨李續賓自帶之湘右營勦前路以參領富新率馬隊百名助之又飛調魯家巷兩營及東南兩湖水師爲策應待其偏近突擊鏖戰三時之久

士氣奮厲賊始大敗狂奔諸勇乘勝猛追午時收復武昌省城殺斃溺斃燒斃賊匪約一萬餘名生擒偽檢點古又新賴集愚偽指揮周宏元偽將軍陳得篤鄧侍俊黃開發等及先鋒黨與八百餘名當卽駢誅生降四千餘人俟訊明是賊是民分別辦理其城內應辦安撫事宜並上年二月死事忠骨由臣次第清釐另行奏報查

聖朝聖學卷之六

三

武漢既已同日克復臣當檄水陸各營交楊載福李續賓統率卽夜分三路追剿期與團練合力盡數殲除又探得江西義甯竄匪六千餘人屯聚興國州境擬派兵直下武昌縣及大冶興國等處並力勦蕪黃以冀全境肅清布政使銜候補道安慶府知府李續賓功績最偉管帶馬隊參領富新奮勇當先可否均懇

皇上恩施候選同知邢高魁等應請分別獎勵其餘在事出力文武員弁兵勇容俟查明另行保獎所有首先入城陣亡之藍翎千總羅春和請照守備例議卹藍翎把總曾謀績彭正興請照千總例議卹藍翎外委劉致祥外委許鏡清請照把總例議卹其餘陣亡受傷弁勇計五百餘名容再詳查分別辦理奏入

聖朝聖學卷之六

三

上命軍機大臣傳諭官文胡林翼曰據胡林翼等馳奏水陸大舉克復武昌省城覽奏欣慰摺內所敘有武漢同日克復之語諒官文當已奏報在途如果南北兩岸均已肅清所有水陸各營自應分撥進剿卽已克兩城亦應留兵防守胡林翼現擬派兵直下武昌縣及大冶興國等處並力勦蕪黃以期肅清全境當此聲威甚盛此等零星竄賊不難剋日掃蕩從此建

領東下江西安徽兩省均關長江大局究應先從何
路進剿近日江西撫建兩府官兵連挫湖南兵勇雖
已克袁州而崇通一帶終未一律掃除今義甯竄匪
又屯聚興國是江西待援情形實爲喫重著官文胡
林翼迅速會商卽將如何分撥如何酌留之處妥籌
具奏所有善後安撫事宜並著該督撫悉心酌辦

上諭內閣曰逆賊占踞武昌省城負隅日久經胡林翼

聖學方略卷一百六

三

激勵將士前後數十戰無不克捷遂將該城克復逆
寨被殲淨盡辦理極爲得手自應立沛恩施以昭懋
賞胡林翼著補授湖北巡撫並賞給頭品頂戴總兵
楊載福著賞加提督銜記名道安慶府知府李續賓
著記名以按察使用參領富新著賞加副都統銜同
知邢高魁著免選本班以知府留於湖北儘先補用
並賞戴花翎參將朱品隆張榮貴均著免補參將以

副將儘先補用遊擊何紹彩著以參將仍留湖北儘
先補用並賞加副將銜都司李續燾著免補都司以
遊擊留於湖北儘先補用並賞換花翎訓導蔣澤溥
著免補訓導以知縣儘先選用並賞戴藍翎其餘在
事出力員弁兵勇著胡林翼查明保奏陣亡之千總
羅春和著照守備例議卹把總會謀績彭正興均著
照千總例議卹外委劉致祥許鏡清均著照把總例

聖學方略卷一百六

三

議卹

胡林翼又奏言查楚勇出省打仗叻自前安徽
巡撫江忠源計每勇月支銀五兩及四兩八錢
不等嗣曾國藩奉

旨幫辦湖南團防以本省鄉勇防本省地方卽酌量覈
減四年率師東征較團防章程加增視江忠源
所發章程仍大加覈減計每勇一名日支銀一

錢五分長夫月支銀二兩四錢臣到鄂後仍思
覈減以節糜費惟業經支發年餘各勇又均出
力不得不仍前放給本年湖北錢米各價無不
昂貴若再議減實屬不敷食用合無仰懇

聖恩俯念楚勇尚為得力所有臣營水陸各軍仍准做
照會國藩原擬章程支給庶該勇等益知感奮
於勦辦大局實有裨益奏入

聖恩俯念楚勇尚為得力所有臣營水陸各軍仍准做

奏

上諭內閣曰胡林翼所帶水陸各軍勦賊尚屬得力現
在該省錢米各價均形昂貴著准其仍照會國藩原
定章程每勇每日支銀一錢五分長夫每月支銀二
兩四錢以示體恤

二十九日癸未官文奏言武漢賊匪久踞七八月
內石逆大股上犯經我軍力戰數次絕其外援
我軍進紮要隘兼旬以來連獲勝仗十一月二

十二日臣親赴五里墩分督各營進攻筵外江
水師由沌口直下沙口礮船駛上會攻臬司李
孟羣分攻西南北三路城外賊卡翼長巴揚阿
等率馬隊繼之副將顏朝斌等各督兵勇四面
圍攻襄河內湖水師鄧清等均帶礮船轟擊該
逆出數千人於東門外與大江水師對敵龜山
五顯廟西門橋報國菴各賊卡礮子如雨我軍
蛇行而進聞礮即伏數伏數起直抵濠邊總兵
王國才親率兵勇拔其濠籤或架雲梯或拋火
彈燒斃賊匪不計其數臣探察五顯廟卡賊較
少復派兵勇直越賊濠砍倒守牆數賊乘勢力
破卡牆數重卡內賊匪勦殺淨盡維時龜山之
賊欲來搶救李孟羣又分隊搶上龜山王國才
督兵勇攻西門橋楊昌泗督兵勇攻報國菴廣

聖恩俯念楚勇尚為得力所有臣營水陸各軍仍准做

奏

勇力攻南門一帶牆柵該逆面面受敵驚慌無措我軍斃賊二千餘人馬步兵勇直逼城下銳氣益奮於申刻將漢陽城池克復兵勇一擁入城與賊巷戰斃黃冠黃袍紅衣賊數十名斃賊二千餘人生擒偽將軍司馬旅帥五百餘名賊由東門逸出適遇顏朝斌大隊並前荊州將軍綿洵等各路伏勇分投擊斃者又三千餘名

聖朝聖略卷二十六

七

至江面賊船先經水師焚燬賊有從沙洲爭渡者復溺斃千餘人其有搶先上船之賊約十餘艘行至江心適暴風大作全行覆沒提訊生擒各賊僉供偽指揮劉洪偽丞相鍾逆被礮轟斃臣當飭王國才等於龜山西門橋等處紮營防守一面派兵渡江偵知武昌兵勇亦於二十二日克復省城查武漢逆眾踞守幾及兩載官軍

力攻智取無計不施仰仗我

皇上威福使兩城同日克復勦除逆賊鮮有漏網洵足伸

天討而快人心現擬撫綏遺黎會籌防守一面整師東下容再次第奏報奏入

上命軍機大臣傳諭官文胡林翼曰據官文馳奏克復漢陽賊匪斬殺無遺覽奏實深嘉悅我軍克復武漢

聖朝聖略卷二十六

七

已據長江上游惟安徽江西兩省賊勢未衰崇通一帶亦未一律肅清該大臣等固當乘此銳氣建瓴東下惟須將本境餘匪殄除淨盡然後分路下擊方不致有內顧之虞江面必須有水師扼截以遏賊船往來道士湫素稱險要但今昔情形不同該處現在能否駐紮水軍或此外另有險要堪以扼守陸路則崇通一帶匪蹤出沒亦應留兵防勦水陸兩軍位置妥

協則水師據大江之險陸軍遏數省之衝該逆自無從竄越紛擾兩城兵燹之餘撫綏不易務須慎選良吏安輯民人使不致流而為匪則賊勢日孤軍聲益壯現擬先由何路進兵是否胡林翼督兵在前官文在後路接應著卽妥籌具奏

上

諭內閣曰昨據胡林翼等奏官軍於十一月二十二

日克復武昌省城本日復據官文馳奏同日克復漢

聖朝聖略卷百二十六

三

陽殺賊無遺逆匪踞守武漢幾及兩年此次同日克復堅城逆賊鮮有漏網官文督率有方著賞戴花翎並交部議敘所有在事出力員弁兵勇著官文會同胡林翼覈實保奏

欽定勦平粵匪方略卷一百六十七 丙辰年

十二月初一日 甲申 德興阿翁同書奏言據安勇

等報稱湯泉等處敗匪多竄江浦城內卽帶領官兵於二十日進攻適富春等由六合帶領馬隊亦至當卽分路進攻官兵人人奮勇越過濠溝突由西門出賊數百人我軍連壓三次復佯退引入平地經馬隊從陣後抄出絕其歸路賊

聖朝聖略卷百二十七

一

蒼黃無計棄械狂奔我兵跟追斃賊無算正擬撤隊忽南門出賊千餘名來撲官兵折回迎擊又經馬隊旁抄入陣賊勢不支奪路逃回步兵槍礮攢擊計陣斃賊匪四五百名燒燬卡房五座奏入報

問

初二日 酉 載增富森奏言據報十一月初九日

下游襄陽匪眾復竄老河口盤踞勢甚猖獗署
總兵德恩已紮營老河口對岸李家洲當覓船
渡河會同水師鄉團進攻於十三四五等日開
仗該賊蠶擁來撲我軍前後抄截兩路夾攻莫
不奮勇出力鏖戰三日合計先後轟斃殲斃賊
匪共二千餘名內獲匪首邱添祿偽元帥楊玉
奎雷政洪劉輝基偽總制胡友明偽監軍華潰

聖朝聖方略卷一百二十七

二

偽指揮雷政富偽司馬王新八名均卽正法其
由水陸逃竄匪徒經礮船團勇分擊殆盡當將
老河口克復查老河口屢被蹂躪此次痛剿三
日之久匪膽已寒亟宜乘勢追捕以絕根株奏
八

神內閣曰官兵克復老河口大獲勝仗辦理尙屬得
手著該署將軍等迅飭帶兵將弁將零匪搜捕淨盡

毋留餘孽所有前次毅城光化二處勦賊出力員弁
兵勇著載增等分別奏請獎勵

初三日丙戌和春奏言據余萬清咨呈十一月初

八日督率副將站住等帶領兵勇分路進攻鎮
江府城及城外賊營並於山坡下設伏余萬清
往來策應攻擊未久東北二門及南水關各出
賊千餘人分途衝撲官軍迎頭攔擊且戰且退

聖朝聖方略卷一百二十七

三

誘至山坡余萬清揮令伏兵一齊衝出斃賊無
數餘賊敗奔入巢追至城邊城上連開大礮仰
攻多時約斃賊四百餘名兵勇間有受傷十七
日探得瓜州賊船紛紛渡江糾合鎮逆來犯當
令吳世斌等帶領兵勇分攻東北二門站住等
帶勇由隄陞繼進巴棟阿等率領旗綠官兵由
江邊進攻甘露寺比固山王瑞圖等帶兵勇於

南門一帶設伏未幾東北二門南水關江邊各出賊千餘名分路來撲吳世斌等連開槍礮直前衝殺逆屍枕藉其向南門逃逸者經王瑞圖伏兵截殺多名又據傅振邦虎嵩林稟稱十一月初三日溧水賊匪由東門突出千餘人窺伺我軍營盤飭副將魯占鼐等帶兵出剿虎嵩林督兵抄截賊後殲斃甚多該逆漸卻適東門出

聖朝聖略卷二百六十七

四

賊數百來援西北二門又同時各出賊千餘名傅振邦督同李定太張玉良虎坤元周天培托克通阿龍正耀鄧聯科馬騰霄率馬步隊分路迎剿斃賊甚多該逆抵死不退傅振邦親督各軍奮力衝突馬隊兩面抄擊將賊眾截為兩段兵勇分路擊殺賊始敗退十四日逆匪在溧水城外西北角添挖濠意圖築壘傅振邦虎嵩

林督同官兵分途攻擊趕緊填濠賊見我軍大至即棄鋤鋤而逃兵勇追殺十數名適西北門突出二三千人分股來撲魯占鼐李定太帶兵迎截張玉良等分襲其後托克通阿等帶領馬隊左右圍抄兵丁王起發首先衝入賊隊立斬執旗賊目二名餘賊驚潰分路敗逃十六至十九等日連次進攻壘有殲擒臣仍飭趕緊進軍

聖朝聖略卷二百六十七

五

力圖克復奏八報

初六日己丑官文奏言刻下武漢肅清興國大冶等屬及黃郡一帶匪黨亦經分派李續賓都興阿孔廣順方映川等分岸星馳下剿水師楊載福礮船續進並調羅田麻城等縣團練以助兵力直擣黃州務將下游郡縣次第收復儻蒙

皇上如天之福事機順利由九江入皖而達金陵掃蕩

逆氛曷勝愉快此次克復漢陽出力人員謹先

行開列懇

恩分別獎勵奏入

上諭內閣曰漢陽久被賊踞經該大臣督率水陸帶兵

各員攻克堅城懋著勞績自應量予恩施江甯將軍

都興阿著賞給霍欽巴圖魯名號湖北按察使李孟

聖恩聖方略卷一百六十七

六

羣著賞加布政使銜以布政使遇缺提奏已革荊州

將軍綿洵著開復原官卽行赴任已革提督孔廣順

已革總兵訥欽均著開復原官候旨簡放副都統銜

協領巴揚阿副都統銜乾清門頭等侍衛克興阿均

著交軍機處記名以副都統簡放巴揚阿並著賞給

伊勒固爾巴圖魯名號黑龍江委營總佐領巴克坦

布名以額外協領儘先補用並賞戴花翎陝西延綏

鎮總兵楊昌泗著賞加提督銜副將王國才顏朝斌

均著賞加總兵銜交軍機處記名遇有總兵缺出請

旨簡放升用副將侯鳳岐著免補副將交軍機處記

名遇有總兵缺出請旨簡放三等侍衛奕榕著賞給

頭等侍衛知縣黃培基著賞換花翎員外郎銜李玉

田著賞加知府銜其餘在事出力文武員弁兵勇並

武昌出力人員仍著官文等查明保奏

聖恩聖方略卷一百六十七

七

官文又奏言臣周歷漢陽漢口兩岸後十一月

二十六日至武昌省城沿途目擊老弱男婦飢

因情狀當飭地方官購米搭棚妥為撫恤是日

申刻據都興阿孔廣順楊載福等稟稱於二十

四日同李續賓克復武昌縣城其樊口一帶賊

匪悉數擒斬水師礮船卽由武邑直抵黃州連

日進攻縱火焚其卡壘於二十五日攻克郡城

亂竄我軍沿途搜殺及於樊口賊爭先渡水急將浮橋燒斷其未及渡者又殲四百餘名敗賊復糾武昌縣城之賊踞城西之山岡以圖抗拒李續賓率勇夜造浮橋乘勢攻取橋成而楊載福水師亦至李續賓率各營以攻賊壘李濟清率水師以攻城北水勇登岸齊力攻城隨由北門攀躋而上李續賓率陸勇由西門入賊卽由

聖朝方略卷百二十七

十

東南門竄出諸勇由羊欄湖追殺十餘里而返於二十四日克復武昌縣城武昌縣對江爲黃州府楊載福率水師先於二十四日申刻將黃州城下賊船盡行焚奪李續賓令各營於四更渡江二十五日賊見水師泊岸不虞我陸師之夜渡也遂出賊二千餘人撲我水軍待其離城較遠伏勇突起賊衆大亂不能入城我軍縱橫

衝擊守城之賊驚惶無措水師亦繞道上岸從下游入城於二十五日立將黃州府城克復至武昌縣城逸賊經參領富新等率各營馬隊於二十四夜東下窮追李續賓於二十六日仍由黃州渡江進勦興國大冶卽擬直入九江楚境似可剋期肅清此次兩日之間追勦二百餘里連復府縣兩城實由馬隊將領踴躍用命而道

聖朝方略卷百二十七

十一

員李續賓參領富新等忠勇冠軍尤屬可嘉在事出力員弁兵勇可否容臣查明保奏署武昌縣知縣林之華武昌汛把總方寅山隨同克復縣城可否免其治罪仍請革職留任以觀後效出自

鴻慈奏入

上諭內閣曰官軍追勦賊匪獲勝克復武昌縣黃州府

二城現在富新率馬隊東下窮追李續賓進勦興國
大冶楚境卽可一律肅清著胡林翼等乘勝進攻盡
殲醜類在事出力員弁著胡林翼查明奏請獎勵署
武昌縣知縣林之華武昌汛把總方寅山隨同克復
縣城均著免其治罪仍革職留任以觀後效

同日曾國藩文俊奏言自琳潤續帶閩兵抵建
與省城之贛兵龍泉勇合紮北路建勇亦自新

聖朝聖考二百六十七

十二

城回軍駐紮西北兵力較厚八月二十一至九
月十三等日疊次攻勦均有斬擒自九月十七
日撫州李元度之營被賊撲陷賊燄頓長建昌
之局勢爲之一變據何栻張家駒稟稱李元度
崇仁之兵撤調貴溪十月初七日賊匪卽入崇
仁初十日又陷宜黃前僞監軍冷逆於初九日
入金谿又於陷宜黃後擾及楓林神岡大雄關

軍山以偏南豐陷金谿後擾及黃獅渡高陂以
偏沈溪建郡地界四五十里面面皆賊十五日
宜黃出賊二千餘人直抵岱七都十七日至規
下距郡城三十里各營議定抽兵赴規下迎勦
潛師夜出建營天明已抵規下楊錦斌揮軍掩
殺該逆不及措手緣崖逃竄兵勇追勦斃賊百
餘何栻等以該逆必不因此一挫遂戢其鋒仍

聖朝聖考二百六十七

十三

囑各營面面戒嚴二十一日楓林一路有逆匪
七八千人前來張從龍派兵六百名往擊張家
駒自帶壯勇三百名堵東路張大雄率贛標兵
勇三百名爲接應二十二日行抵距城四十里
之大安橋適與賊遇皆爲我軍擊敗正待窮追
左右逆匪抄出將我軍衝爲兩段先勝後挫把
總蘇廷美力戰陣亡南軍併由東岸紛紛敗退

是日賊卽撲至上湖橋下兩處距郡城三十餘里張從龍因南岸兵勇傷亡較多卽親督所部扼駐廟嶺張大雄連夜赴南岸助剿次日迎賊復戰該逆漫山塞野而來張大雄楊錦斌奮力掩殺將賊左右兩路擊敗中路賊亦退走正待收軍賊復掩至城內之賊探知外援已到出城接應將馬隊分兩翼包裹我軍困在垓心署閩

聖朝軍方略卷百二十七

十四

安協副將陳上國截任南門之賊我軍首尾不能相顧西北兩城之賊叢擁而出琳潤正分途迎擊而南營敗卒紛紛由西奔回知南軍失利急於馳援乃會同拔營東行時已申酉之間南營張從龍張大雄楊錦斌始從重圍衝出賊馬攢追張從龍張大雄均受重傷副將陳上國等併入漳營在麻橋苦戰內外之賊併力交擊二

十五日營中火起遂爲賊陷陳上國呂文价丁開第同時遇害比軍福建兵勇退駐閩境之飛鷲自守南軍各營敗散甚多張家駒率龍泉勇由貴溪河口一路回省查撫建兩郡輔車相依撫營旣陷建昌勢難孤立加以師老力疲援賊新至鏖戰兩晝夜之久遂至挫失所有護閩安協副將陳上國深明大義力戰捐軀應請與同

聖朝軍方略卷百二十七

十五

時遇害之把總蘇廷美守備伍連青通判呂文价巡檢丁開第一併

飭部從優議卹奏八

上諭內閣曰此次閩兵赴援建昌因衆寡不敵營壘被陷著會國藩等派兵援應與閩兵夾攻兜剿迅克郡城陣亡護副將陳上國把總蘇廷美守備伍連青通判呂文价巡檢丁開第均著交部從優議卹

曾國藩文俊又奏言查石逆於甲寅八月踞守安慶十一月臣國藩師次九江石逆與羅大綱同赴湖口救援官軍被挫乙卯春武漢復陷該逆往來蕪黃一帶調遣賊軍十月由通城竄入新城招納廣東新附之匪連陷江西數府本年三月下竄蕪湖等處七月初九復由興國州上援武昌為李續賓之師所敗現據各路探報石

聖朝聖考卷二十七

七

逆糾集匪黨十餘萬人前往金陵誓殺洪章二賊為楊秀青報讐以臣等愚見揆之如果洪章勝而石逆敗則投誠乃意中之事若石逆勝而洪章敗則該逆挾詭詐以馭眾假仁義以安民方且飛揚自恣未必遽有反正之心臣等曾檄諭九江賊目林啟容令其歸順又作偽文調瑞州賊目賴積新令赴下游均無成效假令石達

開自知大勢已去

天威難犯稽顙投誠則臣等招撫之法當令其立功贖罪獻城為質以大局言之北岸安慶南岸九江該逆之所必爭也以江西言之瑞州臨江為根本撫州吉安為膏腴亦該逆之所不肯輕棄也能於此六城中獻一二城為質則可信其真心歸附臣等立即奏懇

聖朝聖考卷二十七

七

恩施否則外稱歸義內懷叵測臣等亦不敢貪招撫之虛名弛防勦之實務是否有當伏乞

訓示刻下瑞州奉新兩軍疊獲勝仗勦辦尚屬得手周鳳山等之師差稱勁旅水師則彭玉麟駐下游之吳城鎮劉于瀆駐上游之樟樹鎮均甚得力惟撫建疊控東路空虛臣等惟當嚴飭諸將恪遵

諭旨先圖攻克數城使該逆無所憑藉奏入

上諭曰爾等主見甚屬允妥勦撫固應並用尤重先勦後撫可隨時審其機宜好爲之

曾國藩文俊又奏言據道員劉長佑等稟稱袁城之賊十分窮蹙於吉安糾合萬餘人齊踞分宜十月初三日夜前隊已到彬江次日我軍出隊下浦以待賊果臚至遂分頭迎擊又人敗之

聖朝方略卷二百六十七

十六

初七八等日賊悉數駐紮合山築立土城誓決死戰劉長佑等飛調遊擊田興恕一軍來袁助勦十三日擊賊於下浦賊潰轉守合山十六日蕭啟江田興恕等分三路進破合山賊巢斬奪無算積聚概行燒盡乘勢追逐距分宜僅十三里是夜分宜賊悉數遁去二十三日復有回竄者二十四日劉長佑派隊會勦收復分宜縣

賊援自此絕矣二十七日賊目李能通請劉長

佑軍中乞降十一月初一日遊擊劉培元率兵列陣楊家山城賊數千由秀江橋擁擁而來我軍斃賊十餘名乘勝追至城下賊衆大亂初更時僞檢點黃逆率數十賊由北門出我軍悉其竄向萍鄉派隊堵禦該逆欲逃無路四更後賊多縋城出者我師併力攻之蕭啟江營勇斬縋

聖朝方略卷二百六十七

十九

城之賊而奪其索縋入急開北門以納諸勇西門內應之賊亦啟關以納劉長佑一軍賊悉向東南冒死突出我軍分路跟追逃賊殄滅殆盡城內投誠者二千餘人立將袁州城池克復查湖南援軍圍攻袁州吉臨等處之賊盡銳以救袁城迨鄂軍圍攻瑞州又盡銳以救瑞城互相援應我之兵力已疲而賊之負隅如故臣等焦

灼莫名茲幸仰仗

天威袁州克復一郡得手全局自有轉機奏入報

聞

十一日甲午福濟鄭魁士奏言臣鄭魁士奉

旨會同英桂勦辦捻匪自應趕緊起程第桐城賊本兇

悍江西湖北賊船連檣而下合之安慶死黨并

命赴援南路賊匪縱橫數十里我軍僅有此數

聖朝聖旨卷二十七

三

東迎西拒實已力盡筋疲較十日以前更形喫

緊臣鄭魁士本紮營前敵若再抽一旅之師必

致不能堵禦盡棄前功查有駐紮東關之總兵

吉順帶兵五百名署廬鳳道金光飭帶勇五百

名均檄飭速往北路以資進勦原派宣化陝甘

壽春四川各營責成該鎮道會同珠克登管帶

其郝光甲兵九百餘名調赴東關會同扎隆武

嚴防巢縣水陸要隘現在固鎮賊股雖經吳秀

等擊退恐其從水路窺伺五河泗州已飭各屬

備禦俟該鎮道抵防後即由鳳屬以次進勦不

必汲汲赴毫徒博會勦之名轉致貽誤本境奏

入

上命軍機大臣傳諭福濟奏定三英桂鄭魁士日前因

鄭魁士已抵巢縣特命秦定三赴蒙城與英桂會勦

聖朝聖旨卷二十七

三

擒匪嗣因福濟請將該提督留於桐城朕念鄭魁士

於蒙宿情形較熟是以允其所請今北路勦匪喫緊

該撫復請留鄭魁士似此朝令夕更茫無定見必致

南北兩路彼此牽制且所稱不必徒博會勦之名亦

未免意存畛域朕豈能因福濟此奏復行改派惟該

撫現既派吉順金光飭分帶兵勇各五百名前赴北

路與前派鄭魁士帶往兵數尚足相抵所有鄭魁士

一軍著准其暫留桐城一俟縣城克復卽日馳赴蒙
毫不得再有耽延

福濟鄭魁士又奏言上月十四日遊擊于昌麟
等帶勇前赴桐城臣秦定三督同副將鮑雲翥
等臣鄭魁士督同嵩瑞等分路進攻城內出賊
萬餘人分五股來撲我軍亦分五路迎擊賊勢
潰敗忽有悍賊數十人攔住潰賊臣鄭魁士督

聖恩交部照千總陣亡例從優議卹

三

飭遊擊章敬章等跟蹤痛剿斃賊無數臣鄭魁
士卽調隊分攻烏石岡木魚山賊營協領富和
把總江忠才等奮力搶進各受重傷鏖戰逾時
因逆營死拒未易攻入殲斃賊匪一千餘名十
八日都司黃山吉等帶勇進徧木魚山賊營臣
鄭魁士密令余兆春等分帶槍礮從旁抄擊並
令麟瑞馬隊直趨賊後三面圍裹乘勢截殺逆

屍徧野營內忽出賊三四千人由山坡繞來嵩
瑞等奮力齊攻殲賊多名賊仍猛撲桂成等衝
入賊隊逆衆驚亂不暇回顧城中之賊復出救
應臣鄭魁士臣秦定三督兵緊攻共斃賊五六
百名查把總江忠才因傷殞命仰懇

聖恩交部照千總陣亡例從優議卹

福濟鄭魁士又奏言賊匪於二十二日乘夜至

聖恩交部照千總陣亡例從優議卹

三

桐城向陽門外匯鋪地方紮營三座當令各軍
往勦並知照秦定三帶兵勇在西北山坡下牽
綴城中之賊該逆分路來撲余成蛟等奮勇直
前軍聲雷震復飭嵩瑞等乘勢分攻賊營兵勇
越牆而入殲賊無數立將新築賊營三座踏平
二十四日滕仲武等在匯鋪添築兩營正在鳩
工該逆一由城中一由老營一由孔城後路繞

至分三路夾攻麟瑞等帶領馬步隊分投迎勦將各路之賊擊退二十五日各兵亦乘勝進擣忽有大股賊數千由天林莊一路前來約會城內外老賊併力來撲一面挑濬城河以阻我軍麟瑞等整隊迎擊直至天林莊殺斃悍賊並濬河之賊五百餘名二十七日千總黃安邦等帶川勇繞赴賊營之前紮營該逆見我軍相逼太

聖朝軍略卷一百六十七



甚抵死出撲各將領奮力衝殺斃賊數百名營亦紮定現再設法督攻以圖克復奏入

諭內閣曰安徽桐城匪黨勢已窮蹙經官兵前往攻擊斃賊甚眾著福濟等卽飭文武員弁督率兵勇趕緊圍攻務將桐城迅速克復毋再延宕藍翎把總江忠才著交部照千總陣亡例從優議卹

福濟又奏言查廬州府屬各城收復陸路防兵

業已分佈所慮巢湖遼闊最易藏奸又兼一水通江必得戰船數十隻上下巡緝以杜該逆窺伺之心會國藩前在江西製造長龍三板等礮船最為靈便擬倣照章程妥為辦理所需洋礮自五六百斤至二三百斤百餘尊皖省無款可籌不得不藉資鄰省懇

恩飭下怡良趙德轍於上海關稅內籌款製辦洋礮百

聖朝軍略卷一百六十七



餘尊派員解皖並

飭下會國藩揀派管帶水師得力將弁一二員帶同工匠數十名來廬監造俟戰船工竣再募水勇分佈各船認真訓練實於南北軍務兩有裨益奏入

上命軍機大臣傳諭會國藩怡良趙德轍曰福濟奏稱巢湖水面遼闊必得戰船巡緝會國藩前在江西所

造長龍三板等船最爲得力請飭令揀派將弁帶同
工匠前赴廬州倣照製造所需洋礮請飭怡良等在
上海關稅內撥款辦解等語著會國藩卽揀派水師
得力將弁一二員帶同熟諳造船工匠數十名前赴
廬州聽候福濟差遣安徽造船尙需時日著怡良趙
德轍屆時於上海關稅內撥款製辦五六百斤至二
三百斤洋礮百餘尊派員解往以資攻剿

聖皇聖鑒事

三

十三日
丙官文胡林翼奏言十一月二十五日

我軍分路進剿下游各屬逆賊水陸抗拒楊載
福以單舸迎敵分撥長龍三板整隊隨行連日
轟燬賊舟無數陸路南岸李續賓由武昌縣進
取興國大冶北岸都興阿等率馬步各軍由黃
岡直搗蘄水蘄州沿途斃匪無數於二十六七
八等日將興國大冶蘄水蘄州四屬先後克復

敗匪竄入黃梅廣濟者極多十二月初一初二
等日都興阿率營總多隆阿等進剿廣濟行抵
蘄州廣濟連界之純陽橋逆衆萬餘直前來撲
我軍四路衝壓斃賊千餘名餘逆潰逃我軍已
紮廣濟境內力圖攻克進取黃梅查黃郡甫復
興國等屬餘匪亟應搜除臣酌留馬步兵勇分
路駐守並派總兵王國才帶兵勇四千人爲都

聖皇聖鑒事

三

興阿後路應援據報已抵黃梅一俟廣濟黃梅
得手卽可會合李續賓等力攻九江彼時水陸
各軍或全師由潯達皖或分兵會剿江西容卽
相機籌辦

官文又奏言正拜摺間接都興阿咨初二日由
廣濟曹家河進兵殲賊無數餘賊逃散者數千
人都興阿會督孔廣順等兵勇規取廣濟將守

卡守城各賊盡行殺斃於初三日將廣濟縣城克復現在賊勢全注黃梅其孔隴驛小池口等處聯絡賊營二百餘里臣現飭各軍奮力進攻肅清全楚奏八

上命軍機大臣傳諭官文胡林翼曰我兵沿江下勦克復興國大冶蘄水蕪州四屬並將廣濟縣城克復辦理尙屬得手惟該匪尙踞黃梅孔隴驛小池口等處

聖學聖考卷二十七

三

其勢尙張必須次第勦除又稱俟黃梅廣濟得手力攻九江或全師由潯達皖或分兵會勦江西此時水陸大軍勢如破竹必應謀定後戰體察江皖兩省情形相機進攻務操勝算各處甫經收復尤須妥爲布置毋令該匪乘間上竄復蹈從前覆轍此次大軍東下是否胡林翼督兵在前官文在後路接應仍著妥籌具奏

十六日己亥德興阿翁同書奏言瓜州逆匪自十

一月十八日疊受懲創恐其別施詭計通飭各營嚴爲戒備二十三日玉皇閣江岸出賊千餘名總兵鞠殿華帶隊分路兜勦斃賊二百餘名餘賊奪路竄回其西岸迤西之樸樹灣則有參領富明阿統帶馬步兵勇由雙橋進行至高橋伏賊齊出力遏我兵進攻之路參將王巨孝等

聖學聖考卷二十七

三

帶兵踵至斃賊多名署儀徵縣知縣楊鍾琛帶勇在土橋堵禦敗賊無路竄逸土橋師船又連檣下駛賊卽遁回官兵追至外濠施放火箭燒燬卡房多處東岸則有總兵鞠殿華帶兵由四里鋪進搭橋緊逼賊壘參將吳奉龍力擣上瓜州賊巢營總烏爾恭額帶隊繞至尹家橋抄其歸路前後夾攻殲賊無算是日土橋水營總兵

陳國泰等督帶師船抵瓜州中下各口更番攻
擊賊營房屋望樓均經轟塌斃賊不少臣等以
此次水陸會攻極爲得手亟應迅圖再舉十二
月初二日親督各隊由東西兩岸分路進兵派
千總詹啟綸帶義勇先至賊營誘敵大隊繼進
斃賊四百餘名時馬橋等處亦有賊與參領富
明阿等接仗該逆見官兵四面齊進卽由上瓜

聖朝方略卷一百六十七

三

州出援屬聚馬橋一帶富明阿等軍會合夾擊
土橋師船圍泊瓜州賊匪應接不暇敗退回巢
水陸諸軍同時並舉將士齊心上下游舟師尤
能踴躍用命統計各路斃賊一千八九百名臣
等惟有督率各軍凡遇可乘之機卽行勦辦殄
茲醜類再侍衛蘊秀已回揚營現將其援徐馬
隊撥出一起飭赴浦六協防奏入

上諭內閣曰水陸各軍會攻瓜州焚燬卡房船隻疊獲
人勝舟師尤能踴躍統計各路斃賊一千八九百名
勦辦尙爲得手著德興阿等激勵將弁乘勝進攻迅
卽克復瓜州盡殲醜類

十八日辛丑何桂清奏言南陵寒亭水陽灣沚等

處逆援仍圖竄併甯郡十一月二十六七八九
等日逆衆屬聚桃花園團山妙葛山麒麟山等

聖朝方略卷一百六十七

三

處鄧紹良親督副將蕭知音侍衛胡鳳鳴知府
仲孫懋等軍分路進攻各有斬擒其城中之賊
分出二千餘人撲我東門外營盤鄧紹良令吳
再升等從東南路分隊截殺賊竄八巢十二月
初一日鄧紹良進兵妙葛山逆衆伏巢死拒其
南門外向有賊卡三處悍賊數千屯踞先經鄧
紹良密飭胡鳳鳴遣敢死之士濶八城中於是

夜縱火焚賊資糧卡內之賊正在蒼黃失措鄧紹良復飭各營帶火器於三更時銜枚疾走拋入卡內一面乘勢衝殺賊卡三處同時焚燬斃賊不計其數餘孽竄併妙葛山初二日鄧紹良派隊往攻更番疊擊斬首二千餘級撤隊後間諜回營知城中焚糧後賊勢甚蹙鄧紹良卽於酉刻督令各軍前往攻城直逼城下沿城賊棚

聖朝聖事略卷一百二十七

三

賊卡經我軍槍礮圍環燒燬淨盡蘇朝清帶勇數十人先從東門踴躍登城周萬遠曾得勝等亦從東西兩門而上蕭知音仲孫懋楊國正申明照轟散守城之賊而以賊礮旋轉返擊殲偽丞相朱鳳魁於陣逆眾奪路狂奔我軍奮勇勦洗餘逆逃出南門鄧紹良復派隊追擊全股剷除卽於初二日亥刻克復甯國府城查本年八

春以後大江左右軍情疊變浙師援救廣信會勦東壩保護建平並攻復休甯祁門婺源黟縣太平涇縣茲又克復甯國府城所有出力文武員弁兵勇容與提臣鄧紹良查明併案保奏道員胡元博於甯國失守時未能先事豫防此次辦理糧臺得力功過相抵應毋庸置議臬司慶廉總司糧餉兼顧四安廣德防務臣不敢沒其

聖朝聖事略卷一百二十七

三

微勞相應隨摺聲明奏入

上諭內閣曰皖南官兵連獲大勝克復甯國府城前任浙江巡撫何桂清不分畛域撥兵籌餉攻復休甯祁門婺源黟縣太平涇縣茲又克復甯國府城實屬調度有方加恩著賞戴花翎浙江提督鄧紹良身先將士力拔堅城加恩著賞還花翎道員胡元博於甯國失守案內本有應得處分此次辦理糧臺出力功過

尙足相抵著免其置議浙江按察使慶廉總司糧餉兼顧防務亦屬著有微勞著交部從優議敘其餘出力員弁兵勇著何桂清會同鄧紹良查明保奏

二十日癸卯福濟鄭魁士奏言查潛山縣與桐城

安慶太湖接壤江西湖北之賊皆取道於此最為險阻臣等以正兵攻桐城當以偏師取潛山使賊首尾難顧中路一軍知府李元華等十二

聖朝方略卷百二十七

三十四

月初一日行抵龍井關該逆紮營二座阻我進兵我軍奮勇爭先將賊營躡平斃賊七百餘名東路一軍甫過廬鎮關賊卡百餘人旋即驚散初二日由源潭鋪進剿該逆紛紛逃竄西路一軍行至天堂附近之主簿園該逆拚死抗拒注龍化奮勇當先各兵皆以一當百立將賊寨燒燬臣等以三路既皆得手亟當乘勝進攻飭令

拔隊直抵城根初三日文錫璿與東路官兵已抵賊營極力攻擊約斃賊八百餘名將東門外賊營平毀史克寬會同西路官兵已抵西門李元華等已抵北門外賊營千總張照青等填濠直進截殺一百餘人將北門外賊營躡毀徐振卿等於四門豎立雲梯翻城而進殲賊無算南門竄出餘賊三百餘名復經我軍擒斬殆盡當

聖朝方略卷百二十七

三十五

將潛山縣城克復查潛山自咸豐三年冬間被賊竄踞其時以廬舒未復無可設法今幸大兵進剿斬關奪隘克復堅城兵事大有轉機在事尤為出力之知府李元華等開列懇請分別獎勵其餘出力員弁兵勇團練容臣等查明保奏外委夏鳳臺力戰陣亡請

勅部從優議卹奏入

上諭內閣曰安徽潛山縣久被賊踞茲以分兵進剿迅克堅城辦理尙屬得手知府李元華著賞戴花翎並交部從優議敘千總徐振卿著以守備儘先拔補並賞戴花翎儲開元著以守備儘先拔補並賞戴藍翎武舉韓元鼎劉開元均著以千總儘先拔補並賞戴藍翎陣亡外委夏鳳臺著交部從優議卹其餘出力員弁兵勇團練著福濟等查明保奏

聖朝集略卷二十七

庚

二十一日甲辰官文胡林翼奏言十一月二十六

日李續賓仍由黃郡南渡會合富新巴克坦布及臣營知府邢高魁所派各軍進剿大冶該縣本無城池賊難竊踞知縣岳屏環率團眾會合我軍搜斬餘匪即日直擣興國先是臣胡林翼於九月內商同湖南撫臣駱秉章派道員王鑫駐軍通山已豫斷賊之後路而李續賓又以屢

勝之軍馬步齊攻勢如破竹賊遂不支開城而出我軍即乘勢攻入斃賊約一千餘名將興國州城克復即以邢高魁領軍駐城搜伏辦團窮治土匪李續賓會督馬步由江西瑞昌一路追剿直達九江此二十六至二十九等日收復大冶興國鄂省兩岸肅清之情形也臣楊載福於十一月二十五日克復黃州是夜即率水師下

聖朝集略卷二十七

庚

駛二十六日行抵蘄州隨派正後營易景照新右營丁泗濱攻城斃悍賊二十餘名賊仍入城拒守楊載福於三更後飭兩營持火器火繩登岸進攻列炬如星而以千餘水師從中路轟城斬殺頗多賊即遁走遂復蘄州其時署蘄水縣知縣劉榮等團勇連日殺賊將蘄水縣城同日收復二十八九等日水師由廣濟追賊至九江

見城下賊泊礮船五十餘號對岸小池口泊二十餘號其輜重船約三四十號江岸護以礮壘臣楊載福令丁泗濱萬化林兩營從中流衝下以抄攻兩岸賊船之尾王明山易景照兩營分擊其腰李濟清張啟基兩營迎擊其首餘營上下截擊斃賊無算賊棄船入壘死拒我軍併力以攻其壘賊又棄壘入城賊船除焚燬外悉為

聖皇聖考百本七

奉



我有九江以上之賊船片帆不返十二月初二日都興阿以其馬隊大捷於曹家河克復廣濟此十一月二十六至初二等日攻復蘄州蘄水廣濟又水師大捷於九江奪獲賊船之情形也查楚境江面一律肅清兩岸均已羸定惟須窮治從亂之莠民撫馭瘡痍整飭吏治乃可善後曾國藩於十月內密約臣等以武漢克復速派

水陸各軍先攻九江內湖水師亦期迅速會合等語臣思武漢黃三府甫經收復應辦事宜頭緒紛繁勢難置省垣於不顧都興阿楊載福李續賓均已東下臣又檄飭參將鮑超改由北岸直趨小池口以瞰九江對岸統歸都興阿節制必可得力此次出力員弁兵勇可否由臣擇尤另案彙保出自

聖皇聖考百本七

奉



恩施奏八

上命軍機大臣傳諭曾國藩文俊曰楚北官軍自攻克武漢黃三郡後連次收復大冶興國蘄州蘄水廣濟城池楊載福等率領水師直抵九江大獲勝仗該逆棄壘入城九江以上之賊船片帆不返胡林翼復飭參將鮑超由北岸趨小池口以瞰九江對岸統歸都興阿節制如果江西內湖水師力能會合則潯城不

難卽拔前據曾國藩等奏該省各路軍情似有起色
上下游水營均能得力現在楚兵疊勝機會可乘亟
宜激勵將弁由湖出江與楊載福都興阿水陸之師
兩路夾攻俾九江賊匪應接不暇而克復後亦不致
內竄各郡勿得專恃客兵致誤事機

上諭內閣曰此次湖北水陸各軍將沿江州縣迅速攻
復水師已達九江連獲大勝江面賊船盡行焚奪所

聖皇聖考卷一百二十七

甲

辦甚屬得手楚境沿江業已肅清仍著官文胡林翼
等督飭各軍迅卽乘勝攻克九江府城以扼江而而
圖進取此次出力員弁兵勇准其擇尤保奏

二十三日 丙午

命軍機大臣傳諭福濟奏定三鄭魁士曰鄭魁士係
奉旨督剿捻匪之員前因桐城克復在卽是以暫留
該處今桐城既未能卽克而北路事機正在喫緊鄭

魁士徒事逗留必至兩失福濟已到桐城卽可攻剿
桐城東南鄭魁士著卽前赴蒙城一帶不准再有遷
延致滋貽誤

二十五日 戊申 官文胡林翼奏言上游各路敗賊

盡竄黃梅其盤踞唐家山孔隴驛小池口等處
水陸賊營聯絡二百餘里十二月初九日我軍
由大河鋪進攻黃梅逆賊五六千人出城抗拒

聖皇聖考卷一百二十七

甲

都興阿率翼長多隆阿等馬隊直入賊陣斃悍
賊百餘名賊勢不支適王國才率石清吉等兵
勇攀堞而登與賊酣戰賊由東門棄城逃竄我
軍追殺二十餘里當將黃梅縣城克復是日都
興阿由沿江一路派營總祿昌攻孔隴驛以牽
小池口賊勢焚燬賊卡多處初十日孔廣順駐
守黃梅派兵至宿松太湖毗境搜剿伏匪多名

探聞逆賊盡踞楚皖連界之福林子地方賊數
不下四五萬揚言回撲黃梅都興阿駐兵新凱
鎮以扼其衝查黃屬敗賊盡竄安徽宿松一帶
道路紛歧防不勝防現於各要隘駐兵扼守搜
捕餘孽趕辦團練保護地方至小池口與九江
對岸賊築堅壘爲兩岸犄角之勢已飭水陸各
軍痛加勦洗再行會攻九江臣等當慎之又慎

聖學匪方略卷一百六十七

聖

先清後路餘匪節節掃蕩一俟蕩城報捷分別
接江達皖相機布置奏八

命軍機大臣傳諭官文胡林翼曰湖北上游各路敗
匪盡竄黃梅唐家山孔隴驛小池口等處賊營聯絡
我軍水陸並進克復縣城事機順利惟該逆尙踞楚
皖連界之福林子地方必須謀定後戰爲一鼓殲除
之計不可令敗竄餘匪抄我後路致有挫失小池口

賊壘與九江互爲犄角我軍早爲攻克則蕩城不難
克復現在官文尙在漢陽胡林翼駐紮武昌辦理善
後卽日移師東下該大臣等何人前進何人留守地
方著卽豫籌速奏總期步步爲營將本境餘匪盡數
掃除然後水陸進攻庶不致再蹈從前覆轍

上諭內閣曰湖北黃梅縣城克復黃梅與國以上南北
兩岸肅清此次出力人員著官文等彙案保奏

聖學匪方略卷一百六十七

聖

官文胡林翼又奏言武漢民多歸業臣現飭文
武員弁窮搜餘孽趕辦國防當此餉項支絀亟
須酌撤兵勇以節虛糜除下游得力兵勇並武
漢兩城彈壓守禦酌留二三千名外其應撤遣
者萬餘人量給川資以免沿途肆擾又糧臺分
設糜費較多現議併歸武昌省城由臣胡林翼
督同藩司經理所有防剿及裁撤兵勇口糧川

資由臣胡林翼總局一體酌發臣官文隨營糧
臺卽於年底截止以歸畫一奏入

上是之

同日和春奏言據甯國道府稟報十二月初二
日官兵進攻甯國卽於是夜將郡城收復查甯
國既復東壩高瀆建平等處防堵情形較緩惟
溧水久爲賊踞亟須趕緊進攻以圖克復應將

聖學聖方略卷二百六十七

聖

米興朝防守建平之兵勇一千餘名周天培駐
守東壩之鎮勇四百名楊冠孫帶赴高瀆之義
勇六百九十名共二千餘名一併調赴溧水歸
傅振邦調遣以資得力奏入報

三十日 癸丑 福濟鄭魁士奏言據探武昌漢陽甯

國各路敗匪約有三四萬人由樅陽土橋裕溪

等江口竄入桐城含山無爲巢縣處處喫緊防
不勝防臣等於無可抽撥之中派同知秦榮成
福等分路堵禦已屬不敷布置而收復地方如
和州巢縣廬江無爲潛山等州縣均須派兵駐
守疊請添兵各省均未允撥察哈爾馬隊六百
名能否催赴桐營抑或就近另撥俾臣等得資
勦辦出自

聖學聖方略卷二百六十七

聖

聖裁奏入

上命軍機大臣傳諭英桂曰據福濟等奏稱武漢甯國
敗匪約有三四萬人竄入桐城安徽各處防不勝防
且和州等州縣收復後又須增兵防勦兵力實形單
薄所奏自係實情前諭英桂派穆騰阿帶察哈爾馬
隊五六百名前赴安徽嗣經英桂奏請暫留北路今
皖省需兵甚急著英桂卽遵前旨迅將此項馬隊交

穆騰阿如數帶往以資攻剿

欽定剿平粵匪方略卷一百六十七

罕

欽定剿平粵匪方略卷一百六十八 丁巳年

七年正月初六日己未兩江總督怡良江蘇巡撫

趙德轍奏言臣等接奉

諭旨令另派實任大員督辦大營糧臺事宜查有江蘇

臬司楊能格歷署藩司素稱明幹人亦公正堪

以督辦糧臺事宜業經咨行和春等查照

同日德興阿翁同書奏言瓜州賊匪因疊經官

欽定剿平粵匪方略卷一百六十八

一

兵捕剿近於句容等處撥來賊黨二千餘名窺

伺西北一帶合謀竄出擄糧臣等親往土橋一

路履勘知該處池西二里許五新橋地方為西

北山往來咽喉必須添設營盤以資扼堵因將

千總詹啟綸所帶義勇五百餘名移往紮營正

在掘濠築壘賊眾數百人突出撲營經富明阿

王巨孝等帶領馬步兵山間道潛軍邀擊賊不

聞

虞我師猝至已自披靡其後隊見前行之賊被我兵槍礮轟壓首尾莫救向原路奔回其前隊百餘人為官兵夾擊盡殲無一返者二十六日東岸又出賊三百餘人由虹橋直竄被總兵鞠殿華等勦退次日臣等豫飭水陸各營分擣老巢東西兩岸同時進攻兵勇踰濠直撲賊壘轟擊多時因風轉西北上下游師船均不能攏近

聖朝方略卷二百十八

二

瓜隄遂即撤隊適巡勇緝獲奸細一名搜出逆文七件係逆首吳如哮差赴詹啟綸義勇營盤送信文內勸其仍行入夥幫拒大兵誘以高官重賞等語可見逆情叵測若非招回舊黨即係反間詭謀臣等查詹啟綸義勇自在連鎮大營投順後撥來揚營頗知嚮義因坦懷相待示以不疑仍飭嚴加鈴束毋啟猜嫌均奏八報

初九日壬戌和春奏言句容悍賊甚多雖屢有斬

擒而深溝高壘拒守甚堅十二月十八等日張

國樑明安泰督率副將王浚朱承先等分途進

攻午後突出賊千餘人我軍奮力攻擊斃百餘

名餘賊敗退二十三日南門並城外賊營復出

六七千人意圖圍攻我軍南路營盤即飭王浚

聖朝方略卷二百十八

三

等由右路進攻張國樑帶隊策應多廉等由中路擊勦雷丙陽等帶兵接應明安泰率同色爾固善由東土岡相機進勦臣和春督兵前往調度各軍分途直前立斃賊匪無算該逆拚死抵拒即令官兵連開擡礮擊倒執旗悍賊數名落馬賊勢稍卻張國樑統軍擁進該逆驚潰兵勇盡力砍殺死者枕藉正得手間忽有馬步賊千

餘人由東南繞出欲抄我軍後路臣和春親督馬隊迎勦揮兵奮擊賊勢大敗復經明安泰等攔截張國樑率兵追勦亦即馳至我軍會合齊力衝殺追擊數里槍至濠邊接仗五時之久約斃賊匪一千餘名砍獲首級一百餘顆生擒六十三名內騎馬賊二十餘名奪獲軍械三百餘件贏馬五十餘匹二十七日臣與張國樑復帶

欽定剿平粵匪方略卷一百六十八

四

馬步隊分路進攻南門突出賊四五百人兇猛撲來各軍分途迎擊槍礮絡繹斃賊不少左右圍抄賊勢不支張國樑匹馬衝入眾軍一擁直前礮槍甚眾追至濠邊約斃賊四五百名生擒七十名砍獲首級五十一顆奪獲軍械馬匹二百餘件溧水逆匪於十二月十二日由鄔山一帶移至西門外修築礮臺傅振邦派李定太等

帶勇攻勦至山坡後埋伏派虎坤元等往攻北門魯占鼈等進攻小東門通判博恩等進攻大東門並派吳朝清等於北門外截賊糧食托克通阿等馳往策應該總兵與虎嵩林往來調度於北門外十里之大路村見逆匪數百人擁護車輛吳朝清揮令兵勇連開槍礮托克通阿等率領馬隊左右分抄立刺悍賊數十名奪獲米

欽定剿平粵匪方略卷一百六十八

五

糧食物七八十車適北門出賊千餘人來援經虎坤元等迎截勇氣百倍痛加擊刺賊敗入城李定太等進攻西門令眾軍詐敗該逆追趕約有一里之遙伏兵齊起傅振邦等又兩面圍抄逆匪奔敗自相踐踏官兵追殺又斃無數趕至山坡所築礮臺工未及半立即拆毀填滿外濠將所釘梅花椿板片等件焚燒約斃賊五百餘

名次日該逆於前築礮臺處所偷築營壘傅振邦虎嵩林馳往攻勦並令我軍於西門外添營三座官兵銜枚急進逆眾正在搬取木石紛紛趕築見我軍大至即分路來撲兵勇奮力急攻斃賊數百名該逆敗退守備高永堂等馳至城根正欲攀援而上城內突出賊二三千人高永堂匹馬衝殺立刺悍賊數十名被城上大礮擊

聖朝聖略卷二十八

木

聖朝聖略卷二十八

七

傷腦頂立時陣亡龐大文手刃執大黃旗賊目七名被賊槍傷傅振邦等從西門城下抄來截住該逆歸路賊眾兩面受敵我軍盡力痛勦逆屍徧野遂趕築營壘十五日各營相地進紮該逆突出大股來撲傅振邦督軍痛擊斃賊不計其數賊敗潰兩日共約斃賊八九百名生擒六十一名十六日督同魯占鼇等於大小東門外

扼要築壘移營前進工將及半城內出逆匪四五千人兵勇分途迎殺魯占鼇等追至城下賊眾敗退逃回馬永清馬文美均陣亡官軍即在西門外高山紮營西北二門又出賊五千餘人來撲我軍迎擊殺賊山積賊眾奔逃追至濠邊俱被殲擒仍飭令趕緊攻勦迅圖克復參將馬永清等臨陣捐軀應請

旨飭部從優議卹奏入

上諭內閣曰此次勦賊陣亡之參將馬永清守備高永堂五品藍翎馬文美殺賊捐軀深堪憫惻均著交部從優議卹

初十日 癸亥 福興奏言查江西自袁州克復後臨

江瑞州吉安匪勢尙眾均有官軍分投攻堵其九江一城聞楚師水陸並下即可合力進逼惟

撫州建昌之賊分踞各城肆行奔突兵力不敷兼顧伏查撫州接壤廣信爲浙中門戶逆匪大股聚集府城自該郡以至建昌如東鄉金谿瀘溪南豐新城各屬匪蹤徧地幾成賊藪西達吉臨等處該逆又復聯絡一氣往來自如刻下若能添集兵力卽由此路進兵以次勦洗不但屏蔽廣信兼可東西兩路夾擊使匪不能趨救吉

聖學方略卷一百六十八

八

臨於該二郡勦辦事宜亦易得手臣現在由廣信行走自應以先勦撫州一路爲扼要惟原帶之兵僅有千名不敷堵勦昨經函商曾國藩文俊等酌調得力兵勇來營稍期厚集臣卽日由玉山入江西境一俟行入廣郡再行察看情形督兵前進
福興又奏言江西全省勇多兵少兵則知有紀

律勇則甚難駕馭貴溪之勇因口糧缺乏卽挾制滋鬧撫州一潰收輯之餘尙有三四千名臣此去不能舍之不用惟須有兵制之該省兵力既屬不敷副將張從龍及署副將琳潤所帶閩兵自建昌挫敗後退守邊境之杉關地方不知有無潰散臣擬咨督臣王懿德仍令張從龍等統領原帶之兵隨營進勦並懇

聖學方略卷一百六十八

九

飭調粵東精兵一二千名由間道行走入江該省參將衛佐邦久於行陣膽識俱優署參將會廷相人亦明白此時臣隨營將才實少應請旨飭下兩廣督臣卽令該二員管帶前來歸臣調遣奏

上命軍機大臣傳諭福興曰江西大股逆匪聚集撫州該將軍由廣信一路前進以次勦洗籌畫尙屬周妥

卽著咨調張從龍所帶閩兵與該將軍原帶之兵自
爲一軍統歸節制江西如有派撥兵勇更可聯絡聲
勢相機進剿所請調廣東兵一二千名由間道入江
已諭葉名琛酌量辦理惟該省現有軍務能否調兵
尙未可定該將軍惟當先就現有兵力迅圖剿辦

上又命軍機大臣傳諭葉名琛曰福興會剿江西逆匪
擬由廣信先剿撫州一路因所帶兵力過單請調粵

聖朝聖訓卷一百六十八

十

京精兵一二千人交參將衛佐邦管帶從間道入江
聽調自應酌量添撥著葉名琛妥籌調派前赴福興
軍營毋稍延誤

上又命軍機大臣傳諭王懿德曰江西賊氛猖獗該省
勇多兵少本屬難資控制此次福興前往會剿所帶
兵僅千名實形單弱該將軍現擬先剿撫州一路福
建援剿江西之兵前因建昌失利張從龍琳潤等誓

退杉關等處嗣據王懿德奏復添調福甯漳泉兵勇
一千六百名馳往分布著王懿德卽飭該副將等所
統兵勇悉歸福興調遣相機前進不得徒事株守致
誤機宜

同日駱秉章奏言臣前調卽選道王鑫帶所部
勁勇由臨湘龍窖源進駐通城搜捕土匪整頓
團練漸有起色適報崇陽之石屋洪橋雷裕等

聖朝聖訓卷一百六十八

十一

堡團民連日與賊交戰先勝後敗王鑫率勇急
援之賊分三路前來王鑫設伏待之陣斬悍賊
百餘賊衆大奔追至龍船港賊背水回拒我兵
擊敗之追至官塘畝白泉橋崇陽縣城之賊出
城援應與官軍遇又敗之沿途斃賊約數百人
生擒先鋒賊目九名賊不敢踞城相抗遁至白
寬橋十一月十一日王鑫出隊剿白寬橋之賊

派遊擊朱南桂等由左路高回嶺進都司陳品南等由右路子岸進王鑫自率湘勇由中路進右路官軍先到賊整隊抗拒易普照匹馬陷陣連斫多賊賊陣始亂百長唐清揚馳馬賊之朱南桂等由左路掩至陳品南等復由右路斜擊之官軍縱橫蕩決連斬騎馬賊目十餘名斃賊五百餘名王鑫縱兵追截直至通山縣二都地

聖朝軍方略卷一百六十八

十三

方沿途斬獲無數生擒五十五名奪獲羸馬十五匹旗幟槍械千餘件崇陽遂無賊蹤王鑫派朱南桂等進勦蒲圻踞城賊目梁一舉逃竄興國適江西武甯敗匪由建昌折回興國併屯州城聞王鑫方攻蒲圻合力潛犯崇陽二十一日出賊七八千名至通山號稱數萬由沙坪界頭而來抵白霓橋五路撲營王鑫豫伏以待賊衆

漫山而至先撲官軍營盤湘勇示之以怯賊纔擁而進伏兵從林中發劈山礮賊旗紛紛倒地王鑫發號振鼓各路齊進橫衝側擊頃刻屍橫遍野羣賊亂奔大溪山南門洲伏兵截之於前大隊從後猛追之陣斬騎馬賊目八名追至白霓橋約共斃賊二千餘名忽白霓橋股匪出而接應官軍又擊敗之追至路口賊翻山四竄生

聖朝軍方略卷一百六十八

十三

擒賊目五十四名奪獲大黃旗二百九十餘面擄烏槍刀矛一千餘件二十五日王鑫率軍追至通山賊又竄回興國州通城崇陽蒲圻通山現已無賊當派官軍分駐重兵臣又札調王鑫暫駐岳州如鄂省上游江西邊界有警卽當出其不意捲甲赴之以壯聲勢奏入

上諭內閣曰此次官軍越境勦捕通城等縣迅就肅清

洵屬著有微勞在事出力文武員弁著略秉章查明保奏

十二日乙丑福濟奏定三鄭魁士奏言無為州瀕

臨大江為賊出沒之區署知州葉藩募勇三千餘名於水路倉頭鎮陸路文城壩紮營七座不意上月初旬武漢黃斬及甯國諸賊沿江直下數道並進金陵賊眾復由裕溪駛入突至襄安

聖恩

聖恩

運漕等鎮水路匪船三千餘號礮船二百餘號共八九萬人逆首陳玉城等分撲州城該署州親往斗澗壩及塔橋地方迎勦倉頭各營盤被賊圍撲經該署州馳往督勦賊勢甚盛千總孫芝蘭繞道來援合力鏖戰斃賊數千無如該逆冒死衝鋒愈殺愈眾襄安另股又由東關城橋小路撲來團練潰散賊已抵城該署州抽勇四

百名回城救護力戰敗潰該署州出城招集潰勇暫住北門外舊壘運漕又來賊數萬獨力難支遂至失守斗澗壩營盤亦以絕糧圍困傷亡相繼遂至潰散署知州葉藩雖與守備不設者異究屬咎有難辭應請

旨革職責令帶罪自效臣等在桐攻勦猝難制勝實屬

聖恩

聖恩

他顧不遑且沿江各州縣防不勝防巢縣東關偏近無為尤為喫緊臣已飭總兵嵩瑞等帶兵勇二千餘名並咨德興阿速撥馬隊一千名一而檄催郝光甲帶陝兵九百餘名星馳巢縣會合堵勦第皖省兵力單弱不敷分布仰懇聖恩迅撥直隸正定宣化鎮兵二千名吉林馬隊二千名並飛飭楚北酌撥得勝兵勇由蘄州取道太湖水陸並進直搗安慶以分下游賊勢

福濟奏定三鄭魁士又奏言臣等正在繕摺聞據報賊眾數萬一股攻撲巢縣一股攻撲東關總兵扎隆武帶兵迎擊該逆由南門搭橋繞越巢城直趨夏關並據藩司畢承昭等稟稱廬州居民紛紛遷徙存城兵僅二百餘名勢甚危急各等語廬州爲江北關鍵大局所關而桐賊兇悍我軍左迎右拒抽撤亦復爲難臣福濟卽統

聖輿聖略卷一百六十八

七

帶兵勇一千餘名由桐拔隊馳抵廬州察看情形再行抽撥其桐城堵勦事宜卽交臣秦定三臣鄭魁士會同辦理嵩瑞一軍現已飭赴三河嚴堵湖路總兵扎隆武駐紮東關不能援應巢縣致賊竄夏關一帶與署巢縣知縣張葆均屬咎無可辭請

旨將扎隆武暫行革職張葆卽行革職仍責令實力進

勦奏八

上命軍機大臣傳諭福濟奏定三鄭魁士曰該逆糾合大股復陷無爲竄及夏關廬州情形喫緊福濟已帶勇赴廬惟桐城賊尙兇悍兵勇勢難多調自應添撥援兵湖北前調吉林等處馬隊已諭官文酌分一千名飭赴廬州助勦現在楚北水軍戰艦已抵九江或可沿流東下攻安慶以分廬州等處賊勢秦定三鄭魁士務當迅克桐城庶可合兵一處福濟卽飭帶兵各員實力防勦毋得專待外援致有貽誤

聖輿聖略卷一百六十八

七

上又命軍機大臣傳諭官文胡林翼曰前因英桂奏請調撥湖北馬隊當諭官文酌調一二千名前赴亳州此時無爲失陷皖省緊要卽著該大臣等分撥一千名赴皖協勦現在湖北水軍已在九江獲勝若能分水陸兵勇直搗安慶以牽賊勢則江北之賊當不致

肆行猖獗該大臣等務須統籌全局酌量辦理不可稍存畛域之見

上諭內閣曰逆匪竄撲無爲州城署知州葉藩募勇守禦先往斗澗壩及塔橋地方堵剿復帶勇回城救護力竭不支州城復陷葉藩著卽革職責令帶罪克復城池

上又諭內閣曰安徽逆匪攻撲巢縣東關繞竄夏關總

聖朝聖略卷二十八

兵扎隆武等未能先事防堵實屬援應不力湖南綏靖鎮總兵扎隆武著暫行革職署巢縣知縣張葆著卽革職仍責令實力進剿以贖前愆

十四日卯丁官文胡林翼奏請 臣等接奉

諭旨令調吉林黑龍江馬隊赴皖查東省馬隊陸續遣撤及調赴豫省留楚省者不足二千名實堪調用者僅一千五六百名派往襄陽二百名調赴

武昌南岸三百名在襄陽黃州協防北路者又三四百名其都興阿統帶由北路下剿者數百名尙須蓄其銳氣間日輪替出陣其馬匹連年打仗倒斃尤多竭力設法添買尙未補足刻下武漢兩岸僅存兵勇三四千名全恃下游馬隊水師堵禦追剿且黃梅廣濟後路或上通德安或毗連豫省尤慮宿太逆黨窺伺北竄經 臣等

聖朝聖略卷二十八

十九

諄飭王國才等於黃屬要隘節節籌防漢陽地面僅留兵勇二千餘名水陸分防以壯黃州後路聲威此時北省馬隊實難抽調赴皖莫若於九江得手後酌留馬隊固守楚疆其餘由宿太下剿而直達安慶節節掃蕩自可一律殲除奏

上命軍機大臣傳諭官文胡林翼曰湖北水陸各軍現

攻九江如卽克復順流可達安慶所有前調赴皖馬隊著准其暫停調撥卽飭水陸各軍迅將九江郡城攻克一俟得手卽可直搗安慶與福濟會合進剿

官文胡林翼又奏言九江爲楚北江西安徽三省咽喉該逆力爭長江恃九江爲總匯而以對岸黃梅之小池口爲犄角扼險築壘堅不可拔臣等於克復黃梅後詳查地勢總以先破小池

欽定剿平粵匪方略卷二十八

三

口爲勝算十二月二十二日探報宿松太湖之賊三四萬人意圖回竄黃梅又以萬人攻撲雙城驛又以二萬餘人由余家嘴出蕪水上竄漢陽都興阿會商王國才等督隊迎剿適臣胡林翼派鮑超率南勇趕至黃梅軍威益振次日分投進剿逆眾遙擁出拒我軍縱橫衝擊斃賊數千敗賊仍竄歸小池口及宿松一帶鮑超等毀

其小池口土城及賊壘數座南岸李續賓與楊載福連日水陸會攻復將九江外土城轟倒而重濠壘卡賊礮如雨我軍未能深入曾國藩於客臘由豫章至九江面晤都興阿楊載福約會新正來潯力攻九江臣卽飭知水陸各軍仍先力攻小池口撤其藩籬刻下江皖各軍已與楚北聲息相通卽當約期大舉會合夾攻楚北郡

欽定剿平粵匪方略卷二十八

三

縣現俱收復惟小池口一隅賊壘未破至武漢省城重地臣更當妥辦善後以固民心而昭慎重奏八報

同日曾國藩文俊奏言查撫州師潰後臨江之賊數日增樟樹之警報頻至新淦縣城復爲賊踞十月二十一日劉于瀆督水師潛往襲之城

池新葺賊望見官軍甚少負嶠固拒劉于瀆等督軍分門力攻連日晝夜不息復以噴筒射入頃刻火起城內鼎沸西門亦放火延燒槍礮乘之聲震山谷各勇緣城而入賊卽開南門逃竄追逐十餘里殺賊無算其時臨江之賊乘虛來犯樟樹鎮老營從西岸突出李逢春派船上下迎擊賊衆敗退自袁州克復後有賊二三千陸

聖朝聖曆卷一百六十八

三

續至臨江在西岸沙湖屯踞撫州樂安復陷有賊三四千在東岸永泰屯踞聲言欲糾合圍撲樟樹鎮營盤劉于瀆派蔡康業等沿河直上謝得龍等由隄內包裹專擊東岸之賊衝鋒出戰賊衆敗卻西岸之賊又出二千餘來犯劉于瀆令礮船排列河口廣勇川貴勇分兩路抄裏斃其首逆偽張指揮賊盡敗退次日賊出大隊來

犯東西兩岸水陸兵勇登岸衝殺賊衆引退我軍鼓譟乘之殺賊六百餘名二十七日賊復兩岸來犯相約投誠我軍方推心待之該逆忽放排槍傷斃官軍五人各弁勇憤甚登岸力戰我猛進則賊退我稍卻則賊又進回合十餘次斃賊八百餘名苦戰六時之久賊始退遁該逆又於杜家村築礮臺三座用木桶架砌中實以土

聖朝聖曆卷一百六十八

三

外空深濠十分堅固官軍不得所以破之之法適臣等派康國器水軍前往二十九日至樟樹鎮尚未紮營一擁登岸劉于瀆派兵與之同進該逆分五隊迎拒馬隊當先勢如潮湧劉于瀆親督兵勇大呼衝陣康國器昇小礮擊必命中賊稍畏懼劉于瀆施放一窩蠶火箭賊遂潰敗我軍乘勝追北蔡康業圍攻賊營縱火環燒無

一得脫遂毀其杜家村礮臺三座連日之戰斃賊約六千餘人道員劉于瀉以水陸二千之衆拒兇悍十倍之賊實屬謀勇兼優願懇

天恩賞加巴圖魯名號蔡康業懇請

賞換花翎其餘出力員弁容臣等擇尤保獎奏入

上諭內閣曰江西賊黨復踞新淦縣城經劉于瀉督飭水陸兵勇蔡康業等四面火攻登時克復臨江之賊

聖朝聖學卷二百六十八

三

屢犯樟樹鎮老營復經蔡康業等奮力擊敗追殺甚多記名道劉于瀉著賞給圖薩太巴圖魯名號蔡康業著賞換花翎其餘出力員弁著准其擇尤保奏

會國藩文俊又奏言臣國藩於十二月初一日

由江西省河赴吳城鎮與道員彭玉麟酌酌水

師進剿事宜適楊載福督水師於十一月二十

九日直抵九江焚奪賊船殆盡李續賓督陸師

追剿南岸賊匪於十二月初九日進攻九江府

城臣查外江水師上年正月赴湖北援剿是時

戰船或入內湖或爲風損僅存一百四十餘號

駛至武昌今陸續添至四百餘號李續賓陸軍

上年八月赴湖北援剿是時羅澤南李續賓所

帶湖寶各營僅五千人今添至八千餘人該二

軍馳驅數省轉戰三年所向有功而江甯將軍

聖朝聖學卷二百六十八

三

都興阿統帶之馬隊亦由北岸以至小池口臣

由吳城馳赴九江迎勞諸軍見其軍威嚴肅士

氣樸誠自十二至十八日環攻六晝夜並未收

隊楊載福李續賓與都興阿聯絡契合愛敬交

至雖積勞之後屢勝之餘猶復日夕兢兢衣不

解帶不特東三省馬隊忠勇可風卽湘營與水

師亦實爲不可多得之勁旅惟是餉項匱乏應

請

飭催山西陝西按月撥解並請

飭下廣東按月酌撥以資軍食奏入

上從之

曾國藩文俊又奏言臣等接據湖南撫臣駱秉

章咨稱派委臣國藩之弟曾國荃帶湘勇二千

人與新授吉安府知府黃冕湖北藩司夏廷樾

聖朝聖略卷百六十八

七

廣東羅定協副將周鳳山先後援師進勦曾國

荃由萍鄉入周鳳山由萬載入會攻安福以趨

吉郡十一月十二日周鳳山駐軍楓溪距安福

城四十里探知大嶺小嶺伏有賊匪即派守備

劉之能等分路進攻殺賊數十名曾國荃於是

日行至江口遇賊迎拒分路擊之殺斃二百餘

名生擒十六人窮追三十里申刻即抵安福克

復縣城周鳳山入城安撫兩軍均紮東門之外

嗣據探稱通吉安之東路大汾楓田等處屯賊

甚多周鳳山等出隊分三路進兵曾國荃派蕭

孚泗等由中路進周鳳山派劉之能等抄右路

進歐啟貴等抄左路進該逆亦分三股迎敵斃

賊二百餘名該逆敗竄追過大汾河十餘里正

擬移營進勦探知吉城永新有援賊千餘屯聚

聖朝聖略卷百六十八

七

固江里田並糾合安福敗匪二千餘竄至竹江

青一帶思踞河以拒我軍周鳳山由河東北徑

擊竹江青之賊曾國荃由樓背洋口兜勦里田

之賊周鳳山行三十里竹江青股匪先遁曾國

荃偵知賊在洋口對河之千金壇山上各弁勇

赤身涉河賊列陣山腰又伏賊出隴中大村冀

擊官軍之旁蕭孚泗等禦中左兩路而張開輯

偃旗蛇行由右路包出賊伏之外羣賊由山半乘高撲下槍礮兼施我軍屹立不動賊衆下山甫畢我軍衝鋒擁進衆勇大隊繼之羣賊奔竄追殺五里至橋東村賊踞石橋相拒思俟伏賊之勝卓旗回戰不意官軍追騎掩至刀矛相格張開輯之伏兵從右路抄出伏賊之旁中路之賊頓失所恃首尾不能相應大敗狂奔我軍窮

欽定剿平粵匪方略卷一百六十八

三

追六十餘里外之固江亭子奪獲洋槍礮械籐牌四百餘件殺賊千餘名臣等飭令乘此聲威迅攻吉郡或可得手成上游建瓴之勢以固南嶺天險
曾國藩文俊又奏言饒州餘逆屢次受創之後糾集都昌彭湖各處匪黨八千餘人盤踞鄱陽縣所屬之泥灣一帶防軍都司畢金科等督兵

進剿該逆糾合四五千人分五股直撲我軍畢金科等亦分五路迎敵鏖戰數時該逆抵死不
退畢金科下馬衝入賊陣已革都司岳炳榮由松嶺之旁潛襲賊後該逆首尾不能相顧我軍乘勝窮追斃賊四百餘名生擒六十二名十一月十六日據報前竄饒州之聶張二賊與新到李邱賊目各帶匪黨來犯官軍營壘畢金科等

欽定剿平粵匪方略卷一百六十八

三

以我軍僅二千人賊衆數倍不可力勝但可智取當派千總龔廷貴等五百餘人於初更時乘暗潛赴陶溪渡復派百餘人分布各路叢林埋伏以作疑兵十七日賊分兩路而來一由陶溪渡一由童子渡龔廷貴等由左路遠包以防童子渡之賊抄襲後路朱洪章等由右路繞過山後橫出以截之岳炳榮向前迎敵而自率親兵

策應頃刻開龔廷貴等已抄左路賊後朱洪章等亦將右路之賊截為兩段叢林中伏兵四起呼聲雷動畢金科縱馬衝突官軍回合力擊無不以一當十賊黨大敗我軍兩路窮追至臥虎山青田埠兩處殲斃及生擒共九百餘名二十三日該逆竄踞線州地方畢金科即派隊前進甫抵離線州三里該逆兩路列陣而待畢金科等督隊接戰伏賊齊起勢如潮湧我軍四面受敵幾不能支龔廷貴等躍馬衝陣斬大旗賊目一人中路親兵突起衝擊雜以噴筒火箭該逆敗北畢金科截住橋頭擒斬尤多賊多揭衣渡港我軍投鞭追至村後金龍橋擊斃及生擒千餘名仍飭畢金科等嚴加防守一俟鄂師進攻九江酌量調赴湖口水陸會剿

聖朝聖略卷一百六十八

三

聞

同日福濟奏言臣行抵廬州所有鄭魁士營內各兵勇一千餘名星速調回以資桐城攻剿奏定三營內抽撥之兵勇四百名暫交副將鮑雲翥扼守廬江先是正月初一初二等日廬州城內居民紛紛遷徙藩司畢承昭等募勇在城外東南門一帶紮營八九座臣抵廬後人心稍定探得賊匪於巢縣夏閣一帶紮營賊黨有八九萬之多大舉入寇武漢甯國之賊聚集於斯非攻撲廬州即乘虛北竄臣所帶之兵不足三千人其餘勇隊恐難深恃桐城已購有內應之線能否成功尚無把握比路擒匪金光飭帶勇勦辦尚屬得力臣俟廬州賊勢稍鬆即飭鄭魁士斟酌辦理均奏入報

聖朝聖略卷一百六十八

三

1. 續修四庫全書 史部 紀事本末類

十八日辛未官文胡林翼奏言臣等疊奉

諭旨飭籌楚軍進剿機宜查臣等於武漢克復後即派

李續賓由南岸進剿都興阿等由北岸進剿楊

載福督水師由江路進剿現北岸自黃州至黃

梅南岸自武昌至興國均已肅清崇通一帶亦

俱搜捕殆盡李續賓行抵九江偏城而營與都

興阿力攻六晝夜毀拔城外木城斃賊甚多楊

聖聖聖聖聖聖聖聖

三

載福將九江賊船焚燬曾國藩由南昌至九江

與李續賓會合進攻惟小池口賊壘尙未攻拔

復派副將鮑超馳往進攻馬步連獲大勝興國

州已派候補知府邢高魁帶勇六營駐紮搜剿

餘孽兼爲李續賓後應安徽之英山太湖宿松

望江皆與湖北接壤賊衆尙多臣等派王國才

駐紮黃梅之大河鋪界嶺嚴截要隘孔廣順駐

紮蘄水之孔離驛再撥巴揚阿馬隊二百名爲

各路援應以固楚北門戶臣等通籌大局我軍

已據水陸上游若能深固不搖實操破竹建瓴

之勢所可慮者江西七府未平吉安瑞州臨江

南康九江皆與兩楚相近是武昌尙有肘腋之

慮若由通城崇陽興國一帶竄越緊逼武昌反

出九江各軍之上且全師東下不能不以武昌

聖聖聖聖聖聖聖聖

三

爲後路根本兵弁之更番換替糧餉軍火之轉

運採辦皆倚武昌且武昌漢陽兩郡一江相望

形勢天成層齒輔車相爲鎖鑰漢口巨鎮經三

番蹂躪殘破一空必須趕緊招輯撫綏經營建

置使民庶安居商賈復業而後可通百貨而利

轉輸竊念戰守兩端今日勢難偏廢武昌爲全

省之頭目漢陽爲南北之咽喉控制荆襄西通

黔蜀北達豫陝自古皆設重兵以鎮之若捨而弗顧則根本不固枝葉易搖遠議遠征殊非控制之道擬俟司道入城布置嚴定 臣胡林翼卽馳往九江與曾國藩相機商辦先清江西七府會合水陸東勦皖江 臣官文相機籌畫南北兩軍節節進取仍步步嚴防庶軍行無返顧旁掣之虞

聖朝方略卷百六十八

三十四

同日何桂清奏言據總兵江長貴稟稱郭村地方距羊棧嶺二十里該總兵馳往督防十二月十四日逆匪由禾成嶺竄入督隊敗之於柏溪次日復敗之於大坦該逆一股竄楓林街一股竄華橋皆係通祁門之路隨令都司余永椿等由金字牌而進該總兵由白塔而進兩路合攻乃該逆已在祁門城外之五里牌三里街二處

築壘盤踞十六日我軍攻破賊壘該逆以馬隊衝來我軍佯退誘賊至金字牌余永椿等帶勇突出賊衆驚走退回華橋維時總兵周天受派兵由石埭來援兵心愈壯翼日該總兵親督各隊一鼓而進該逆抵敵不住竄往小路口渚口一帶是夜派兵衝枚直至渚口該逆不知我軍虛實驚懼潰逃計先後擒斬二百四十餘名各

聖朝方略卷百六十八

三十五

等語 臣思毗連徽甯之太平池州各屬一片賊氛必當分兵力扼要衝因與鄧紹良張芾函商甯國之防以西北兩面爲重徽州之防以西南兩面爲重現在甯國已派知府仲孫懋等帶勇二千九百名駐紮黃池遊擊費廷芳等帶勇二千五百餘名駐紮灣沚以防蕪湖內犯之路都司吳再升等帶勇一千三百名駐紮南陵千總

文懋官等帶勇五百名駐紮青弋江以防繁昌
銅陵內犯之路遊擊蔣錫光等帶勇九百名駐
紮涇縣縣丞劉福林等帶勇一千五百餘名駐
紮太平以防青陽內犯之路外委劉廷鼐等帶
勇六百餘名駐紮廟埠陳國柱等帶勇五百餘
名駐紮南卡副將蕭知音等帶勇八百餘名駐
紮五里亭以衛郡城鄧紹良自率守備石玉龍

欽定剿平粵匪方略卷一百一十八

奏

等帶勇四千餘名分紮郡城內外以備策應合
計兵勇一萬五千餘名徽郡派守備羅承勳等
帶兵勇一千四百餘名駐紮祁門以備建德浮
梁守備蔣廷選等帶兵勇七百名駐紮浙嶺已
革參將師長鑣帶勇一千五百名駐紮太白中
雲以備景德樂平江長貴統帶兵勇一千餘名
駐紮漁亭以爲黟祁婺三路聲援周天受統帶

聞

兵勇二千餘名駐紮崇覺寺以防貴池青陽入
徽要隘張芾自率余永椿等帶兵勇一千三百
餘名鎮守郡城居中調度合計兵勇七千餘名
現在祁門竄出之賊與湖北敗匪合併占踞淨
梁景德勢頗囂張恐其復竄徽境已函致鄧紹
良飛飭周天受帶兵回徽堵禦當可無虞均奏
入報

欽定剿平粵匪方略卷一百一十八

奏

二十五日戊寅福濟秦定三鄭魁士奏言查副將
鮑雲翥帶兵馳赴廬江無爲大股賊匪即於次
日竄入廬江池東黃姑牯地方本月初四日逆
匪萬餘人竄至城邊分股立營並於六門外築
壘阻絕援軍晝夜攻撲踰濠樹梯鮑雲翥堅守
三月初六日夜間賊衆暗由東門緣城而上施

放噴筒火彈城內民房火起逆眾一擁而進縣城失陷鮑雲翥巷戰受傷被兵勇救出重圍臣鄭魁士派遊擊余成蛟帶隊二千馳赴救援詎余成蛟等行至離城十五里廬江已陷賊知我軍遠來分路迎撲衛守備洪鍾等躍馬當先衝入賊隊被賊圍裏登時陣亡余成蛟督令兵勇開放連環槍礮斃賊百餘名賊勢稍卻適鮑雲

聖朝聖略卷二百六十八

三

翥突圍而出合力抵禦至桐邑三十里鋪扼紮以堵後路初九初十等日賊復進至桐城北鄉界河新店一帶連營十餘里密約桐賊前後夾攻使我軍應接不暇十一日城內悍賊由北門出撲兵勇營盤並於前面山岡架礮轟擊臣秦定三督令梁勝章黃國亮等馳往迎勦搶入山岡奪獲大礮躡毀賊營一座其東南之賊又出

撲廣勇營盤守備程友勝督勇埋伏牆內該逆越過重濠程友勝督勇開礮立斃黃衣賊目拋擲火罐燒斃不計其數臣鄭魁士督勇衝殺兩經擊退忽據鮑雲翥等自三十里鋪馳稟廬江賊匪由新店界杜岡一帶分股來撲一股直抵三十里鋪呂亭驛阻截我軍援路一股繞至白沙嶺攔住舒城來路山岡澗坳以及各村民房

聖朝聖略卷二百六十八

三

俱被占踞見我軍堅守護擁圍營漸入濠邊該副將等分投迎擊該逆退半里許復欲整隊來撲等語臣鄭魁士即督同麟瑞等馳赴追勦賊眾大潰查桐城賊多且悍我軍緊逼城根礙難遽撤而廬江復有大股賊匪在桐營後路層層進紮合力攻犯使我腹背受敵實屬危險萬分惟有竭力支持相機籌辦其陣亡守備洪鍾都

司彭萬鎰應請

旨交部從優議卹廬江縣知縣何輝級請

旨革職仍留署廬江縣事責令帶勇集團迅圖克復奏

八

上諭內閣曰逆匪攻陷廬江縣城守備洪鍾都司彭萬

鎰馳往救援被賊圍裏登時陣亡均著交部從優議

卹廬江縣知縣何輝級奉派赴鄉籌辦軍糧尙非有

聖學聖方卷一百六十八

甲

心退避著革職仍留署廬江縣事責令帶勇集團迅

圖克復以觀後效

福濟又奏言臣接會國藩來函楚師現攻九江

皖省之安慶府與爲犄角擬由江西先撥礮船

二百號協攻安慶以斷賊援等語此時皖北軍

務喫緊儻水路得有一軍可分賊勢且此項礮

船即可攜帶米糧爲接濟皖軍之用應請

旨飭下會國藩遴派得力大員督帶礮船下駛並

諭令文俊酌撥米石裝載各船俟商定行期臣卽抽撥

一軍馳往接應庶於兵食兩事均有所裨

同日英桂奏言臣欽奉寄

諭令派穆騰阿帶察哈爾馬隊五六百名前赴安徽遵

卽抽撥察哈爾二起官兵五百名派令穆騰阿

管帶於正月十六日起程取道太和前赴福濟

聖學聖方卷一百六十八

甲

軍營助勦均奏入

上命軍機大臣傳諭福濟曰現在廬江復陷賊黨屬至

情形實屬喫緊本日據英桂奏已撥馬隊五百名赴

皖助勦此外已無可調之兵著福濟督率帶兵各員

實力防勦俟江西援兵到日水陸夾攻當有轉機

上又命軍機大臣傳諭會國藩文俊曰九江安慶相爲

犄角會國藩既有先撥礮船二百隻協攻安慶之議

不但可斷賊援九江之路兼可分桐城後路賊勢現
在安徽賊匪屬至無為廬江復陷兵力甚單著曾國
藩卽遣派大員督帶礮船下駛以資攻勦至廬州一
帶米糧缺乏並著文俊酌撥米石卽交各船裝載帶
赴皖省俾福濟一軍得有接濟

福濟又奏言廬城周圍三十里設防不易已將

嵩瑞自三河調回派令巡防各門並據探稱夏

聖事集覽卷一百六十八

聖

聞一帶賊匪時出滋擾意圖北竄其扎隆武東
關之兵一軍孤懸四面皆賊亦突圍而出間有
傷亡臣已飭暫紮廬州隨臣進勦張光第之勇
令紮北山口金光飭聞廬垣緊急亦帶壽勇一
千名趕到令與副將塔思哈帶新募各勇赴柘
泉力堵竄越又派參將圖克坦布等帶兵勇一
千數百名駐紮三河嚴防湖路其郝光甲所帶

聞

陝甘兵九百餘名甫行到省因舒城爲桐營後
路飭令前往扼守又商同秦定三鄭魁士派副
將李德麟統帶水師並練勇八千人由土橋直
搗無爲以分賊勢臣俟兵勇齊抵廬郡布置嚴
定卽親督諸軍直攻東路奏入報

二十六日己卯福興奏言臣行抵廣信疊據探報

聖事集覽卷一百六十八

聖

浮梁縣屬之景德鎮屯集大股賊匪係甯國敗
竄之餘由祁門奔突而來意在攻撲廣信據在
籍侍郎臣黃贊湯商之於臣必得駐師郡城方
爲有備該逆此時未得我之虛實若大軍遽離
必致乘虛闖入臣查景德鎮竄入之賊其股不
一續來之匪人數多寡未定有已由安仁渡河
趨入東鄉者有仍踞景德鎮分竄樂萬安仁者

前次一聞警信卽令同知李元度就近撥勇向安仁一帶截勦並添派遊擊畢定邦帶勇馳赴該處協同堵勦臣一面就現在存城之兵扼紮駐守使該逆稍戢窺伺之念伏思江右通省軍務惟東路空虛特甚以目下情形而論東北之浮樂一帶則亟須議堵東南之撫建兩屬則亟須議勦而省城西路各軍正在攻勦喫緊之時

聖學匯考卷一百六十八

四

斷不能兼顧及此卽協防省會兵勇除調撥各路外間止存有數千勢不能不固根本重地他如所調閩粵兩省之兵亦均緩不濟急臣擬先勦撫建爲順商令曾國藩文俊添兵助力茲據覆稱有進賢貴溪兩軍尙屬就近其應如何調撥進勦各有途徑各有機宜要非至省面商不能折衷定議臣擬布置稍定卽輕騎減從先赴

聞

省垣與曾國藩文俊從長計議原帶各兵仍酌留廣信以資鎮壓設中途遇有緊急卽行飛調來營亦尙便捷此路距景德稍遠俟探明該處賊勢所趨信防果能稍鬆臣出省後卽可一意進攻撫建惟盼此時省西早復一城庶可添集兵力於堵勦兩事始敷調撥奏入報

聖學匯考卷一百六十八

五

中

欽定勦平粵匪方略卷一百六十九 丁巳年

中央民
學院圖書

二月初二日 甲和春奏言總兵余萬清

月初六日鎮逆糾合高資水圩金山等處賊匪

千餘名竄赴上塘一帶焚掠即經總兵李志和

等帶兵往勦約斃賊百餘名初七日出隊進攻

鎮城分途埋伏並知會總兵泊承陞等督帶艦

師開礮轟擊該逆由南水關虎頭山等處各出

勦平粵匪方略卷一百六十九

一

賊千餘人分股來撲我軍伏兵四起立斃多賊

吳世斌等從旁抄入巴棟阿等由後兜勦殺死

無算金山又出賊千餘人意圖抄襲經張金榜

等分路截殺泊承陞等亦派水勇登岸會合夾

擊我軍奮勇爭先盡力擊刺逆匪紛紛倒地約

斃賊匪五百餘名又據總兵吳全美稟稱正月

初七日蕪湖賊匪蟻聚雙港一帶該鎮督勇迎

擊刺殺黃衣執旗賊目數名該逆驚潰約斃賊

二百餘名該逆露夜築營四座卡柵數重牽連

相守當派遊擊唐國棟等管駕紅單拖帶快蟹

數船乘風對準賊營開礮又派守備盧起升等

帶兵由陸路分途前進該逆見我軍大至突出

二三千人前來迎敵兵勇乘勢搶上連砍騎馬

賊十餘名卡柵數重盡行焚燬立將賊營四座

勦平粵匪方略卷一百六十九

二

奪獲蕪湖又出賊千餘人來接經唐國棟等分

兵截殺追勦十餘里約斃賊八百餘名生擒五

十七名割取首級三百二十四顆奪獲划船二

十二隻大小礮位十五尊火藥鉛丸刀矛旗幟

五百餘件所有陣亡之千總劉得清臨陣捐軀

應請

旨飭部從優議卹奏八

上諭內閣曰此次江南各軍分路進攻尙爲得手著和春等督率水陸兵勇乘此聲威肅清江面迅克堅城千總劉得清臨陣捐軀深堪憫惜著交部從優議卹和春又奏言查江南逆匪以句容溧水爲犄角必須相機痛擊次第攻克庶可直擣金陵正月初一日句容南門突出賊七八千人由南土岡竄至尹家邊意欲撲攻我軍營盤卽飭張國樑趕調參將戴文英等分左路中路右路迎擊並派兵接應三路張國樑帶小隊策應臣和春督軍調度該逆兇猛撲來我軍槍礮齊施立斃賊匪多名張國樑揮令開礮擊倒黃衣騎馬賊數名官軍一擁而前盡力擊刺正得手聞南土岡後又突出賊匪二三千人夾以馬賊多名飛奔來援我軍佯退分路紮住張國樑率領步軍衝

入賊隊立刺悍賊數名落馬臣和春督同慶喜等兩面圍抄賊勢大敗馬步軍痛加擊勦約斃賊匪七八百名生擒六十餘名砍獲首級三百五十餘顆奪獲軍械馬匹四百數十件至初五初八十一等日連次進攻該逆堅守不出臣惟有再行設法攻勦句容迅圖克復和春又奏言溧水援賊在郎山築壘二月二十六日傳振邦派參將李定太等分兩路前進仍派馬隊於要隘埋伏策應賊匪約五六千人蟻擁而來我軍迎頭截擊並令馬隊從旁抄襲該逆自相驚亂越牆爬濠我兵乘勢擁進盡數砍殺立將賊營三座同時奪獲城內之賊又突出二三千人經米興朝等揮兵兜勦殺死無數該逆首尾不能相顧奔敗入城過濠落水死者

不少兩路約斃賊三千餘名生擒七十七名偽官五名正月初十日賊由北門出千餘人直撲東路營盤經魯占鼇李定太攔頭截斃斃甚多西門之賊又出千餘人來撲米興朝等盡力擊斃約斃賊六百餘名十五日該逆於北門外偷築營壘冀圖接應援賊即派魯占鼇等分兵圍攻該逆見我軍大至突出四五千入直前抗

聖朝聖方略卷一百二十九

五

拒李定太等奮力砍殺死者無算餘賊飛敗入城約斃賊六百餘名十七日飭令各營出隊先攻北門賊巢李定太等從兩旁抄入米興朝等於營內殺出馬隊由後路截斃四面兜洗斃賊尤多臣查溧水逆匪疊被懲創勢已窮蹙惟外援大股突至必須添兵合圍已飛調遊擊張克慎等帶勇一千餘名迅由東壩前赴溧水助剿

以期兵勇會合迅克堅城奏入均報

聞

初三日酉乙何桂清奏言已革江蘇巡撫許乃釗係奉

旨任江南大營差遣委用之員上年三月甯國失陷由

向榮飭令自鎮江來浙所有防局事務經臣奏

明交該革撫督辦奉

聖朝聖方略卷一百二十九

六

旨允准該員回浙以來團練民勇修濬城濠建設礮臺

尙屬著有微勞可否懇

恩賞給頂戴以示鼓勵奏入

上諭內閣曰已革江蘇巡撫許乃釗自奉派回浙練勇

修濠建設礮臺尙屬著有微勞著加恩賞給五品頂

戴

同日載增富森奏言查李光榮盧又



時興山已失因分兩路往攻興山詎料該逆已
潛伏兩股一股約有三千人繞遠安縣來撲荆
州適與盧又熊遇於該縣所屬之白虎渡等處
迎擊數次殺斃千人餘匪逃回保康而去一股
約有五千餘人繞小路來撲宜昌遂致失守近
於上下游擄大小船一百餘隻脅從者約有五
千欲分股由當陽陸路及大江齊趨荆州並聞

聖皇聖略卷二十九

七

李光榮因川勇猝變歿於營中臣等連日與荆
州道府籌商委都司宗維清等帶荆城守兵並
勁勇一千名馳赴宜昌迎勦復將盧又熊之勇
撤回與錫齡阿等所帶滿兵相機接應又飛飭
德恩速帶川兵繞出賊前由荆州會同滿兵策
應各處至大江尚有李光榮帶來大小礮船二
十餘隻另委員管帶同水師營都司周邦富沿

江防禦惟地方萬分喫緊兵分力單
飭下湖北督撫臣另派兵勇兼程來荆卽往宜昌速除

內患

同日胡林翼奏言查草店孫家灣敗匪二三千
人分三路竄入房縣鹽法道常恩督兵會同四
川松潘鎮德恩等分路跟追署房縣知縣金玉
堂督勇於火燒寺堵禦山徑紛歧該匪已於十

聖皇聖略卷二十九

八

一月二十九日襲踞縣城並分股於東浪地方
憑險抗拒十二月初六日馬步各軍攻克東浪
初九日抵房縣北門外紮營賊由東北門蠶擁
來撲馬隊迎擊賊退入城初十日賊復來撲德
恩督兵迎敵舒保帶馬隊分途夾擊賊始大敗
常恩督勇尾追生擒偽檢點熊國才等二十一
名次日探悉賊目張二瞎子分股竄馬驛地方

其高二先等一股仍踞縣城當卽會商進剿十
二日至北關外渡河將房縣城池收復賊由西
門敗走不料該逆竄陷竹山縣又分陷保康縣
常恩等追至塘灣地方進攻竹山戰於七里坡
逆衆奔潰斬獲尙多十八日移營火山岷二十
日署陝西延綏鎮總兵龍澤厚領兵一千一百
餘名由鄖陽來會二十一日攻破南關賊營是

聖朝方略卷百十九

九

日渡河攻龍背山之賊二十四日賊以大股出
北門來撲我軍力擊之賊敗回城是夜四更賊
由西門遁走收復竹山城池並分路追擊十餘
里賊分竄白鶴壩漁口郭家洲二十八日漁口
郭家洲之賊竄竹谿泉河白鶴壩之賊竄峪山
河我軍分路截擊大獲勝仗正月初二日泉河
之賊回竄竹山縣之泥溝我軍以馬步分擊敗

聖朝方略卷百十九

十

之於白河口又敗之於王家河初八日偵知賊
踞房保連界之茨坪官軍進抵保康之柳楊鋪
問道勦之獲勝十三日我軍冒雪由硃藏洞而
進登山擊之以少禦衆擒斬千餘其竄陷保康
之賊則署保康縣知縣方兆科守備熊運泰於
十二月二十五日將縣城收復賊竄縣屬歇馬
河復合竹山房縣之賊於正月初七日分竄宜
昌府屬之興山縣城經知縣孫寶田遊擊劉廷
麟旋卽收復荆宜施道莊受祺派守備盧又熊
率勇六百由宜昌北路徑赴興山進勦飭候補
知州李光榮率勇千名由宜昌南路進勦盧又
熊之軍與賊遇於當陽擒斬頗多李光榮之軍
距宜昌府城四十五里未與賊遇正月十七日
賊匪隨陷宜昌府城臣查襄陽匪徒起事以來

所過州縣輒多失守惟署均州知州升用同知直隸州吳嗣仲日夜堅守多方抵禦力挫賊鋒不愧守土之職可否仰懇

天恩以同知直隸州遇缺儘先補用並加知府銜

賞換花翎以昭激勸至已被賊擾之失守文武應請

旨革職責令實力防勦署宜昌鎮總兵景輝知府阮福

等並房縣竹山保康興山宜昌各城文武俟查

聖旨

十一

明參辦再查賊在均州時護鄖陽鎮總兵阿昌

阿督兵往援如能迅速迎擊常恩等亦迅速追

勦前後夾攻撲滅自易何至縱賊入山任其滋

蔓實屬追捕不力應請

旨將武昌鹽法道常恩署四川松潘鎮總兵德恩護理

鄖陽鎮總兵棟發參將阿昌阿均摘去頂戴

釋鄖陽一府實三省邊防之要現經督臣官文

派撥水師都司左光培並巴揚阿等馬步各軍兼程駛往荆宜防勦臣復添派寶營義營兵一千二百人倍道援勦並飛檄留防襄陽知府唐訓方等迅速夾擊勿任滋蔓均奏入

上命軍機大臣傳諭官文綿洵載增富森胡林翼曰本

日據載增等奏官文所派之李光榮因川勇猝變沒

於營中盧又熊所帶之勇雖將另股竄荆之匪擊退

聖旨

十三

而宜昌尚為賊踞有船一百餘隻匪眾五千欲圖水

陸窺伺荆州該郡為楚省上游重鎮萬不可稍有疏

虞載增等布置尙屬周妥惟兵分力單尙恐不敷培

勦現據胡林翼奏稱已由官文派撥水師都司左光

培並巴揚阿等馬步各軍前往荆宜該撫復添派寶

營義營兵一千二百人赴援是否足資攻勦仍著官

文胡林翼酌量情形或再於大營內抽撥官兵迅將

宜昌府城克復力過其下竄荊州之路綿洵如未經
抵任卽著兼程前進仍遵前旨在城外駐紮相機迎
勦官文胡林翼雖相距較遠仍應勤加偵探隨時調
度常恩德恩阿昌阿追勦不力業經摘頂示懲若再
不迅復宜昌致令荊州有警卽著嚴叅治罪此股匪
徒勾結川勇居多且李光榮所帶川勇又已中變大
營遣散川勇正在陸續過荆若令再有勾結必致更
肆猖獗著載增等一面妥為彈壓一面實力勦辦毋
使顧此失彼

聖朝方略卷一百二十九

三

上諭內閣曰湖北襄陽賊匪於上年十一月內竄撲均
州旋陷房縣竹山保康縣城經鹽法道常恩督帶兵
勇分路追勦疊有斬擒因山路崎嶇未能得力致該
匪復竄陷興山縣城迨各縣城次第收復宜昌府城
復被該匪攻陷各該帶兵文武及守土員弁或嬰城

固守或堵禦無方自應分別查辦以昭懲勸署均州
知州升用同知直隸州知州吳嗣仲登陴守禦力挫
賊鋒著以同知直隸州知州遇缺儘先補用並加知
府銜賞換花翎其被賊竄擾失守之署房縣事候補
同知金玉堂駐守房縣遊擊文英城守千總鄧德仁
竹山縣知縣湯一德署竹山協副將棟發參將佛爾
國春署保康縣知縣方兆科署保康汛守備千總熊

聖朝方略卷一百二十九

四

運泰署興山縣知縣孫寶田宜昌營遊擊劉廷麟雖
因出城堵禦旋卽收復究屬防範不力均著卽行革
職責令實力防勦以觀後效武昌鹽法道常恩署四
川松潘鎮總兵德恩護理鄖陽鎮總兵棟發參將阿
昌阿未能迅速撲滅致滋蔓延實屬追捕不力均著
摘去頂戴以示懲儆署宜昌鎮總兵督標中軍副將
景輝知府阮福等並房縣竹山保康興山宜昌各城

文武並著迅速查明據實參辦仍著該撫嚴飭在事將弁併力攻勦克復宜昌毋令再行竄擾

同日曾國藩文俊奏言查瑞州奉新經臣等分派大兵圍攻而由西迤北至於九江中間建昌武甯德安等縣數百里間均有逆黨盤踞往來遙爲奉新聲援而建昌近接省城武甯近接興國州尤爲賊匪出沒嘯聚之區十一月初六日

欽定剿平粵匪方略卷一百六十九

十五

臣等派千總張金壁等帶勇馳往建昌攻勦初九日抵三角湖焚燬把卡賊船二隻整齊隊伍分四路直撲小河口老巢賊匪亦分股迎敵鏖戰兩時賊始敗退我軍跟蹤力追殺斃溺斃四百餘名陣斬守城之賊目吳姓及來援之德安賊目卽將建昌縣城克復嗣聞該縣仍被德安之賊竄踞十二月初一日臣等復派張金壁等

前往攻勦賊於距城八里之廖姓村迎敵張金壁等直前擊之賊黨潰亂紛紛入城我兵四面環攻勇氣百倍親兵丁世昌等首先登城衝勇繼之共斃賊五百餘名生擒五十三名復將縣城攻克又據代理武甯縣知縣冒溶稟報十月初八日賊匪二千餘自紐絲嶺犯境舉人柯芬管帶平江勇與駐紮橫路之李述攀豫定前後

欽定剿平粵匪方略卷一百六十九

十六

火攻之計行至芭蕉地方遇賊接仗擊殺五百餘名賊衆大潰由旁峽分竄又斃六百餘名生擒二百名十八夜賊復分股撲營意圖抄襲甫至楊神坪張瑞嵐等伏兵出其不意開礮轟擊斃賊多名二十三夜賊目張佩五率黨千餘由瑞昌王家鋪撲紫鹿嶺營官軍從後截擊賊盡棄械越嶺而逃生擒張佩五回營二十八日賊

衆四千人由黃坊清溪港兩路入犯柯芬等四圍兜擊斃賊二百餘名十一月初一日至初七日疊次追賊我兵小有挫折舉人劉馨翰等招集潰勇力圖再戰初十日賊出千餘人至石口渡焚劫我軍人人思奮斬馘四五百名逐北四十餘里十一日四面攻城賊由東門竄出皆爲鄉團擒殺立復武甯縣城又據李續賓稟報自

聖皇聖方略卷一百六十九

七

大冶興國追賊東下十二月初六日行距瑞昌縣十里之亭子山該逆聞風遁去經該縣練勇抄擊殲賊多名生擒二十五名當將瑞昌縣城收復李續賓一面進駐九江一面派兵收復德安縣城又據道員劉長佑稟稱十一月二十日新喻賊目朱一點率衆二千勢將上竄劉長佑派隊馳赴分宜並催候選知府蕭啟江進屯洋

橋互爲聲援二十三日賊果悉衆來犯楚勇奮擊破之十二月初三日賊匪分股扼守寶山初八日我軍屯紮界首是夜進勦寶山李能通率衆先進劉坤一麾衆繞向山後賊勢不支乃敗入城中義勇逐之而入賊遂出東門逃遁收復新喻縣城義勇又從下游渡河邀擊賊首尾受敵狂奔四竄被我軍追殺二百餘名生擒五十

聖皇聖方略卷一百六十九

十六

名又據同知趙煥聯稟報十二月初九日派左右兩營進扼永新之橋頭初十日趙煥聯督中營越山而進探知甯新交界之泥湖坳有逆黨設伏守隘十一日且探且進該逆分三路來犯趙煥聯分三路擊之中路之賊先敗左右同時奔潰殲斃四十餘名十三日行抵縣城我軍甫入南門偵知賊伏城外五里之蕉碧村趙煥聯

率眾奮擊大敗之殺賊目二名餘匪五百餘名
克復永甯縣城臣等仍激勵諸將規復九江各
府城俟西路局勢大轉卽當分兵東路掃蕩羣
醜以期仰慰

宸廑奏入

上諭內閣曰江西自前年冬間各府州縣多被賊陷經
曾國藩等派撥兵勇並湖南湖北諸軍分投勦辦城

欽定剿平粵匪方略卷一百一十九

十九

池漸次收復茲據奏稱官軍於上年十一月及十二
月兩次克復建昌並將武甯縣城攻克李續賓一軍
將瑞昌德安二縣收復劉長佑趙煥聯兩軍先後克
復新喻永甯兩縣如此陸續攻克江西大局漸有轉
機仍著曾國藩等激勵將弁將九江等處合力攻勦
趕緊收復毋稍延宕

曾國藩文俊又奏言湖南候補知府吳坤修管

帶鄂省援師來江協勦十一月初八日探知建
昌之賊將欲上犯安義派彰武軍丁峻等馳往
迎擊初九日賊匪攻撲安義我軍佯北誘賊折
回擊之割取首級者百有九顆追奔二十餘里
保全安義縣城並約會副將普承堯來奉新助
勦慶戰三時賊黨大敗斃賊計在六百以外二
十一日賊來誘敵我軍力戰窮追忽於樹中衝
出悍賊吳坤修立馬揮眾苦戰經時賊旋敗竄
次日復戰亦如之二十三日又戰亦如之二十
四日逆黨大舉來犯我軍堅忍不出俟其情歸
開壁逐之勢如潮湧賊遂大敗自有此數日苦
戰士氣愈奮賊燄漸消我軍又於營外修築長
濠立壩遏水自立於不敗之地該逆邀瑞州悍
賊於十二月二十三日黎明乘霧來撲我營我

欽定剿平粵匪方略卷一百一十九

三

軍慶戰六時割取首級八十四顆從此賊膽已喪堅閉不出吳坤修料其不能固守此城矣但以官軍單薄甫及三千勦辦則有餘圍攻則不足乃嚴飭各鄉趕辦團練以相協助時在籍紳士御史帥方蔚等督令比戶練丁各持器械二十七八九等夜賊由南門出城赴各鄉擄劫頃刻間聚集團練數萬人鳴鑼震天賊知官兵方

聖主鴻恩其力戰捐軀之把總陳有才請

三

聖主鴻恩其力戰捐軀之把總陳有才請

三

盛團練又成始有逃遁之意正月初五日吳坤修派隊直逼城下焚其更樓各營由北門獅山梯繩而上該逆由西南兩門奔竄列炬追殺斃賊極多三更時克復奉新城池生擒老賊六百二十一名臣等查逆黨之在江西專以堅守為長策自九江瑞臨等六府之外又以全力守湖口奉新二縣蓋以湖口與九江為唇齒奉新與

瑞臨為犄角故也吳坤修自抵瑞州即思先拔奉新以翦瑞賊之羽翼賴團練協助乃克奪此堅城實屬謀勇兼優仰懇

天恩交軍機處記名以道員請

旨簡放知縣杜霖請免選本班以直隸州知州即選從九品孔廣晉請免選本班以知縣留於江西補用其餘營中員弁兵勇暨隨同出力之地方各

官團練紳士可否容臣等開單酌保之處出自

聖主鴻恩其力戰捐軀之把總陳有才請

旨飭部照守備例議卹外委余瑞林請照千總例議卹

奏八

上諭內閣曰湖北援兵前赴江西克復安義靖安嗣復圍攻奉新上年十一月賊眾蠶擁出撲經候補知府吳坤修約同副將普承堯會兵助戰斬擒甚眾該逆

復邀聚瑞州悍賊撲營官兵直逼城下鄉團併力環
攻克復奉新縣城勦辦尙屬奮勉湖南候補知府吳
坤修著交軍機處記名以道員用知縣杜霖著免選
本班以直隸州知州卽選從九品孔廣晉著免選本
班以知縣留於江西補用陣亡把總陳有才著照守
備例議卹外委余瑞林著照千總例議卹

同日崇恩奏言 臣查東省額設營馬除節次調

聖學方略卷百二十九



赴外省軍營及本省馬兵乘騎出師外存營本
屬無幾上年十一月間察哈爾四起官兵到豫
亟需馬隊不得已將兗曹登三鎮騰壯營馬儘
數調撥共得三百匹奏明起解今奉

諭旨著 臣挑馬解赴徐州 臣輾轉思維經費旣屬短絀
採辦亦殊難齊各標存贖營馬通省覈算尙不
足二百五十匹之數本省差操亦關緊要惟有

仰懇

天恩俯念東省營馬無可抽調准就別省改撥或由英
桂史榮椿軍營自行通融乘騎免致輾轉耽延
奏八

命軍機大臣傳諭崇恩曰據該撫奏稱各標存馬通
省覈算尙不足二百五十匹之數覽奏實堪詫異兵
丁差操馬匹最關緊要山東爲南北衝途當此鄰省

聖學方略卷百二十九



多事之秋早知營馬缺乏何不急籌買補所需馬價
能值幾何而顧以經費短絀爲慮乎除此次所調馬
匹已論由江蘇購備外所有山東缺額營馬卽著崇
恩趕緊籌款次第買補嗣後遇有調撥若再藉詞推
諉惟該撫是問

上又命軍機大臣傳諭邵燦庚長曰前因德勒格爾以
察哈爾馬隊倒斃過多請飭購買補足當經諭令崇

恩抽撥茲據覆奏該省存營馬匹無多不能抽調亦無可採買軍營馬匹最關緊要山東既無可抽調著邵燦庚長迅卽籌款於徐州附近各屬派員採買馬二百五十匹就近解交德勒格爾軍營應用

初四日丙戌福濟奏定三鄭魁士奏言桐城被圍緊急糧道不通前派郝光甲帶陝兵九百餘名早抵舒城已飭進紮軍鋪並令都司阿克敦帶

聖學聖學卷之九

三

勇千名馳往會合援勦查廬江係桐城後路若不先復廬江則桐城礙難得手臣秦定三臣鄭魁士現俱紮營城下腹背受敵處處爲賊牽掣廬桐賊勢屬集必須分路堵勦臣等相商臣秦定三一軍應由北門移紮呂亭二十里鋪三十里鋪等處以堵桐城北竄之路臣鄭魁士一軍應折回迎勦廬江迅圖克復以杜內竄廬州之

路奏八

上命軍機大臣傳諭福濟曰桐城賊勢屬集該提鎮等紮營城下糧道不通情形危急該撫等相商秦定三移營呂亭等處堵賊北竄鄭魁士折回迎勦廬江以杜內竄廬州之路惟移營有似退守而分兵又恐力單且俟郝光甲阿克敦兵勇到後如果糧道可通得有轉機再由福濟體察機宜與該提鎮妥商辦理以

聖學聖學卷之九

三

顧全局

福濟奏定三鄭魁士又奏言十二月初九日總兵吳全美派守備鄭吉星等各駕三板划船在沿江一帶巡探瞭見石壘江口草船十餘號當卽施放火箭奮勇攻擊正相持間小河南壘中火光衝起賊情驚駭當令千總梁正源等由雙港陸路吳全美親督遊擊唐國棟等由水路並

進該逆見我兵水陸夾攻分路迎敵北江蠟磯
逆壘遙放大礮互相聲援我軍轟擊多時將賊
壘中帳棚軍械焚燬一空死傷不計其數十六
日東北風起吳全美親督紅單各船乘風進剿
對準蠟磯賊壘開大礮牆垛木柵紛紛轟倒
斃賊極多二十九三十等日該逆一千餘人在
雙港一帶分股四出窺伺舟師正月初六日又
增賊五六千人另有多槩划船三四十隻意在
水陸合撲當飭徐克明等揚帆迎勦遠開大礮
立沈賊船十餘隻賊正擬轉棹我軍趕緊尾追
又奪獲划船多隻生擒賊匪十八名乘勢駛進
雙港該逆由隄埂下衝突而上老鴉山及田心
來賊亦已撲進魯港吳全美督飭遊擊唐國棟
等帶兵登岸分路迎勦千總范疊光等首先殺

聖皇聖方略卷一百六十九

三七

聞

八連斃悍賊數名各勇繼進將雙港之賊登時
擊退追殺二百十五名計是日之戰殺斃並落
水之賊約有四五百人臣等查南北兩岸賊壘
甚多雖小河南石壘被焚該逆旋又盤踞且該
逆尙在雙港恐其於老鴉山等處再築營盤陸
兵攻出蕪湖又多棘手已飛咨鄧紹良迅速撥
兵進搗蕪湖俾水陸聯絡一氣攻勦較易爲力
奏入報

聖皇聖方略卷一百六十九

三六

來賊數千寡不敵眾突圍而返陣亡守備何玉堂千總周德昌二名是日香泉地方亦被賊匪竄撲經和州知州陳麒昌等帶勇擊散斬首二十餘級連日在下家集等處奮勇追剿轟斃騎馬黃衣賊目四名賊黨數十名該逆不支棄械潰竄臣等仍飭嚴密防堵相機剿除所有陣亡守備何玉堂千總周德昌應請

聖學聖方略卷百六十九

无

旨各照升階飭部議卹奏入

上從之

初五日丁亥胡林翼奏言查賊竄興山時荆宜施道莊受祺派守備盧又熊督勇由北路進剿以屏荊州正月初十日盧又熊行至當陽即趨遠安十六日擊賊於白虎渡大破之十八日團勇先由金豹嶺繞出賊後而盧又熊自率精銳疾

行迎擊賊方集隊我軍突入其巢賊眾大亂盧又熊揮軍縱擊斃賊數百名臣查盧又熊奮勇直前勦退賊匪先清遠安一路乃得回顧荆郡大局所關亟應先行獎勵可否仰懇

恩施逾格將守備盧又熊以都司留於湖北儘先補用並加遊擊銜以昭激勸奏入

諭內閣曰守備盧又熊由當陽遠安進剿賊匪連獲

聖學聖方略卷百本九

三

勝仗復突入賊巢斃賊數百名實屬奮勇可嘉盧又熊著以都司留於湖北儘先補用並賞加遊擊銜

胡林翼又奏言上年十二月初九日李續賓陳師九江城下會同提臣楊載福籌商水陸環攻之策復曳運三板於內湖以攻之自十二月十三日更番攻城閱六日夜不息我軍負薪填濠城外之樁柵竹籤焚拔殆盡二十九日湖口縣

援賊大至城內賊匪齊出接應一由龍開河繞甘棠湖涸處渡港而來約三四千人李續賓督令何紹彩等按陣以待伺其渡港逾半奮力擊之賊大敗回竄偏至港邊梟水而逸李朝斌率內湖三板攔壩轟之斃賊六七百名一由小東門出會合援賊列於八里坡約六七千人李續賓督令胡裕發等分途迎勦鏖戰四時我軍益

聖學匪方略卷一百二十九

三

奮斃賊七百餘名陣擒偽將軍劉松綱偽旅帥徐添方等十七名老賊張羣材等九十餘名其偏蹙淹斃於湖港者約數百名奪獲旗械四百餘件至北岸小池口與九江對峙賊造石城業已二年城外築壘濬濠密排礮位江甯將軍都興阿與楊載福會商於新正初五日水陸馬步合力攻之以參將鮑超會同各路馬隊四面攻

聞

撲同時並進直造賊營踏毀南路土壘十座北路土壘十座關卡六座小壘無數殺賊五千餘名偏水淹斃者無算生擒偽檢點蕭逆偽指揮陳逆並老賊七百餘名奪獲羸馬多匹大礮七十三尊劈山礮十六尊擡槍鳥槍八百桿刀矛旗幟無算臣思南服之要惟襄陽荊州武昌爲最重次則莫切於潯陽現在逆首林啟榮日夜

聖學匪方略卷一百二十九

三

添設守具聚集米糧攻勦不易得手臣反覆籌思惟有長塹圍困之一策現飭興工開濬並先圍攻小池口賊城以期迅速克復奏入報胡林翼又奏言水師副後營營官周清元於上年攻克武漢督勇上擊右肘被礮子傷甚重於十二月初七日因傷身亡臣查該員由外委歷

保參將加副將銜白派管水師營務以來廉明
愛士圍攻武漢一年身經百戰無不身先士卒
每當危急之際一力擔當尤見忠勇茲因傷重
身亡深堪憫惻相應請

旨飭部照副將陣亡例從優議卹奏入

上從之

初六日戊子署直隸總督陝西巡撫譚廷襄奏言

聖朝集方略卷二百六十九

三

查湖北襄樊匪眾竄擾鄖郡房竹等屬毗連陝
界地方喫重前經臣檄令副將龍澤厚赴楚會
勦並飭副將興貴出境迎擊旋據興貴等先後
稟報賊由竹谿分股直撲平利縣該員等帶兵
接仗獲勝賊匪敗逃復據龍澤厚等稟報賊踞
竹山在南關河沿及龍背山築壘經龍澤厚等
於十二月二十一日攻破南關賊壘二十三日

進攻龍背山殲斃百餘名次日移營進逼圍攻
有步賊三四千人馬賊六七百人擁出北門衝
撲各軍奮勇兜勦自午至申斃賊六七百名生
擒四十六名當卽克復竹山縣城餘匪由白鶴
壩漁口及郭家洲等處竄逸臣查竹山雖經克
復餘賊竄逸必應窮其所往悉數殲除現仍飭
龍澤厚等統領原調征兵跟蹤追勦以圖殄滅
譚廷襄又奏言前署延綏鎮總兵甘肅副將龍
澤厚現署陝安鎮總兵棟發副將興貴前因進
兵延誤經臣奏余摘頂示懲茲龍澤厚督兵克
復竹山縣城興貴擊賊獲勝均知愧奮可否籲
懇
天恩俯准開復龍澤厚興貴頂戴至河州鎮標遊擊常
有防守關垵汛俾賊不敢侵犯陝界實屬勇敢

聖朝集方略卷二百六十九

三

可否

恩准量加獎勵以昭激勸奏入

上諭內閣曰湖北襄樊匪眾經譚廷襄派令副將龍澤厚等出境迎勦疊有斬擒其竄踞竹山之賊在南關河沿及龍背山築壘經龍澤厚等先後攻破斃匪數百名克復竹山縣城所有出力之前署延綏鎮總兵甘肅副將龍澤厚現署陝安鎮總兵棟發副將興貴

欽定剿平粵匪方略卷一百六十九

奏

均著給還頂戴河州鎮標遊擊常有著譚廷襄酌量保奏候朕施恩此股賊匪現由保康興山竄入宜昌著譚廷襄仍飭龍澤厚等不分畛域跟蹤勦捕會同湖北官兵合力夾擊盡殲醜類

同日浙江巡撫晏端書奏言據安徽撫臣福濟

來咨無為州業已失守請飭總兵周天受帶兵

五千剋日渡江會勦臣查周天受本係奏明帶

兵駐防青陽崇覺寺嗣因祁門竄出之賊與湖

北敗匪併踞浮梁景德恐其復竄徽境已飭該

總兵回駐徽州現據張芾來咨景德鎮之賊烏

擾樂平建德等處逼近婺源祁門情形十分危

急徽州圍郡之防全藉周天受居中調度兼須

策應青陽萬難撤兵他往若勉強抽派勢必顧

此失彼不獨徽甯難以固守且於蘇浙安危大

欽定剿平粵匪方略卷一百六十九

奏

有關繫奏入報

聞

晏端書又奏言浙省籌防總局向係委員督辦

查有前經留浙之雲南糧道王有齡在浙服官

最久而於皖南防務尤為熟悉且捐輸助餉各

局皆係該道一手經理合無仰懇

天恩俯准將王有齡暫行留浙辦理籌防奏入

上從之

初九日辛卯載增富森奏言逆匪於正月二十四

日從陸路先後竄至白洋地方經前敵曹立全等帶勇迎勦轟斃紅衣騎馬賊首餘匪回奔自相踐踏掩殺十餘里斬獲無數該匪偵知荊州防範嚴密官軍已水陸齊上不敢下竄次日開宜昌東門全行竄出由東北一帶遁去約有數

聖朝聖學卷之十九

三

千人各軍分投截勦斬獲甚多又探得該逆於二十七八等日竄入當陽遠安境內沿途間有逃散者臣等以宜昌甫經收復仍須留兵扼守已飭守備胡舉高等帶兵守豐寶山曹立全等帶勇守江口以防回竄宜昌水陸之路查當陽遠安均山城僻縣毗連荊州西北地方未可空虛當調回宗維清錫齡阿等各帶兵馳赴西北

一帶迎勦但此股匪徒肆行狂奔必須痛加勦洗以淨根株特派盧又熊等帶勇千名進勦當陽遠安即可與胡林翼所派唐協和管帶之勇併力夾擊計督撫派來步隊馬隊水師不日可到當催整隊前進會合諸軍務將全股掃蕩此時蜀道疏通前逗留荊州各處川勇臣等擬籌給行糧收其軍器押送回川庶免滋事

聖朝聖學卷之十九

三

載增富森又奏言前因宜昌失陷李光榮帶勇折回離宜郡三十里之珠寶山紮營於正月十九日督勇直偪城下開仗獲勝遂安營於天官橋以杜下竄之路是夜二更有從逆奸匪多人潛入營中該員猝不及防竭力與戰身受十二重傷而歿臣等查李光榮臨陣爭先身經百戰今歿於疆場情實可憫前誤傳為兵變現覆加

訪察實係力竭陣亡擬請將候選同知直隸州

李光榮

賞給知府銜照陣亡例

飭部從優議卹奏入

上命軍機大臣傳諭官文綿洵載增富森胡林翼曰前

因賊匪窺伺荊州已諭官文胡林翼等於派出水師

馬步各軍外再行酌量於大營內抽撥官兵前往荆

聖朝方略卷一百六十九

三九

宜一帶助剿現在宜昌雖已收復而當陽遠安均山

城僻縣毗連荊州西北地方最為緊要載增等布置

尙屬周妥前有旨令綿洵兼程赴荆此時諒已抵任

著卽會同載增富森督飭各軍相機追剿官文前派

水師左光培並巴揚阿張萬祿馬步各兵胡林翼前

派唐協和所帶練勇亦卽日到著官文等卽飭與

盧又熊一軍會合夾擊將當陽遠安竄匪悉數殲除

荆州各處逗留川勇並著載增等收其軍器押送回川免致滋事

上諭內閣曰候選同知直隸州李光榮帶勇殺賊屢立

戰功茲因勦辦宜昌匪徒身受多傷力戰陣亡實堪

憫惻李光榮著賞加知府銜照陣亡例從優議卹

聖朝方略卷一百六十九

四

欽定勦平粵匪方略卷一百七十丁巳年

中

二月十一日癸巳福濟秦定三鄭魁士奏籌剿

一邑係八省通衢必當迅圖克復李元華約會諸軍上年十二月初九日自潛啟行分爲五路進勦該逆聞信於新東門老東門連夜紮定五營意圖迎拒我軍先發制人將新東門老東門速用火攻賊衆驚潰紛紛逃竄計斬擒數百名

聖皇聖略卷一百七



聖皇聖略卷一百七

二

又速催千總鄔定魁等各督兵勇分攻西南北三門署太湖縣知縣蔡鏞等亦同時趕到奮力環擊勇氣百倍賊衆驚亂各思逃生先是李元華密謀內應舉火爲號鄔定魁等望見城內火光奮勇爭先緣城搶入該逆不知所措東竄西逃當經我軍搜捕殆盡共斃賊三千七八百名奪獲刀矛槍礮旗幟器械大小三千五百餘件

生擒三百十九名內有偽監軍潘姓一名偽典確宋姓一名偽將軍五名遂於十二月初十日將太湖縣城克復詎安慶悍賊探知太湖緊急乘潛山空虛擁衆直撲李元華迅卽折回二十九日逆衆四千餘人自宿松楓香驛來撲各營李元華飛調各勇由南北兩路抄殺生擒十七名斃賊三百餘人七年元旦宿松之賊一由楓香驛進一由水磨嶺進撲我西營望江之賊由棋盤寺進撲我南營約有萬餘各營員弁奮力接戰生擒賊首三十八名適蔡鏞之勇又由北路抄來會合攻擊斃賊一千餘名乃小孤山援賊一齊趕到初四日糾黨二萬復來侵擾李元華等四面環攻生擒三十一名斃賊二千餘名初五日該逆收合餘燼於西南兩路紮營三座

我軍急追奮勦斃賊不下三千新築賊營踏爲平地初八日賊以三千人繞至西營後面以二千人擁至南營前面各勇分投夾勦立即逐回該匪復與湖北來賊聚集一處卽依民房紮立營盤九座初九日大股來犯馬賊數百人排立山頭步賊四五千人自西面山岡壓下復以千餘賊在南路竹林一帶牽掣我軍當飭各營分兩路出戰一繞賊前一抄賊後乘該逆站立未定一擁上前連斃真賊多名餘悉退踞山麓李元華立帶精銳一軍橫衝賊陣截爲兩段面面兜殺斃賊三千餘名生擒七十八名九營次第俱成灰燼餘賊或回望江或回宿松或由小孤山遁去臣等查太湖縣在萬山之中與楚接壤我軍深入賊卽廣集外援彼逸我勞奏功非易

欽定剿平粵匪方略卷一百七

三



三

此次李元華一鼓登城力戰卻退一月之中斃賊一萬餘人逆鋒大挫該員已於克復無爲潛山案內保升道員並

賞戴花翎此次擬請

賞加按察使銜千總鄔定魁等並請分別獎勵其餘出力員弁紳董容臣等查明彙案請獎奏入

上諭內閣曰安徽太湖縣城久被賊踞上年十二月初

欽定剿平粵匪方略卷一百七

四



四

九日經候補知府李元華等統帶隊伍分攻各門斃賊一千七八百名生擒一百餘名將縣城克復該逆復敢糾衆攻撲官軍營盤疊經李元華調派各路兵勇連日擊退先後斃賊四千餘名並將南路竹林一帶賊營盡行燒燬復斃賊三千餘名辦理尙爲得手自應先加獎勵候選知府保升道員李元華著賞加按察使銜藍翎千總鄔定魁千總鄭海鼇均著免補

本班以守備儘先拔補鄔定魁並著賞換花翎鄭海
鼇並賞戴花翎武舉李登雲著以千總拔補並賞戴
藍翎署太湖縣事候補直隸州州判蔡鏐著補授太
湖縣知縣訓導姚繼詔著以知縣不論雙單月遇缺
卽選其餘在事出力員弁紳董並著福濟等查明彙
案請獎

上又諭內閣曰安徽太湖縣久爲逆賊竄擾現經官兵

聖朝聖德卷百七

五

克復該縣紳民犒師助勦深明大義亟應渥沛恩施
以示嘉獎所有太湖縣咸豐四五年正雜各項錢
糧及以前積欠著一併豁免

十二日^{甲午}官文胡林翼奏言正月二十一二等

日宜昌匪衆竄入宜都縣屬之白羊港經馬天
貴會同署宜都縣知縣吉臨率勇迎勦該匪敗
退^臣等以該匪烏合之衆亟應乘其無備智取

力攻以免負嵎因飛飭署宜昌總兵景輝等密
授機宜迅速攻勦茲據景輝會同宜昌府知府
阮福馳稟二十四日夜間調集弁兵練勇派署
前營遊擊豐依本等攻西門東湖縣知縣王恩
綸攻東門景輝與阮福圍攻南北二門該匪因
黑夜未辨我軍虛實景輝令兵勇聲東擊西先
於南門外縱火而潛令東西各路兵勇攀堞齊

聖朝聖德卷百七

六

登揮殺悍賊多名城內匪衆狂竄卽開北門突
圍而出被殺及自相踐踏死者不可勝數當將
郡城克復敗匪由東北當陽荆門山路逃竄^臣
等查宜昌乃川楚咽喉下接荆州重鎮而沙市
又係商賈雲集之區必爲匪衆垂涎今仰蒙
聖主威福未及旬日迅卽克復聲威甚壯匪膽自寒是
以荆郡及沙市一帶商民安堵如常洵堪仰紆

宸廑現在飛飭各軍於荆門當陽等屬將敗竄餘匪分
道兜勦景輝等當匪徒入境未能實力攻勦咎
無可辭惟於水陸各軍未到以前率團克復郡
城尙屬愧奮應請

旨將景輝阮福王恩綸一併革職仍暫留宜郡地方搜
捕餘匪奏入

上從之

聖恩厚方略卷一百七

七

十四日丙申官文奏言兩楚營務久經廢弛而楚

北尤甚亟須力圖整頓伏思練兵必先擇將將
強則兵自精查實缺候補揀發保升各員其中
戰守兼優者固不乏人而庸懦無能者亦復不
少自當徹底考覈分別去留俟軍務大定卽親
悉南北省按營查閱務使一兵得一兵之用以
挽積習而肅戎行溯查二次收復武漢曾國藩

等由岳州水陸分三路進兵遂克兩城旋因水
師失利礮船被焚賊遂無所畏忌前年臣與撫
臣督師武漢維時鮎魚套賊檣林立勢甚猖獗
經署提臣楊載福訓練水師遂成勁旅刻下九
江賊船盡行焚燬此皆水師得力之成效也臣
擬將兩楚有名無實各營水師分別裁汰挑選
精銳總合一營改設鎮協一員專司統率扼要
駐紮以一事權平時分巡會哨有警分撥勦防
上達洞庭下通江皖長江天塹據有其險庶幾
鞏固無虞俟九江下游一律肅清臣會同提臣
撫臣妥爲計議酌定章程再行請

旨奏入

上嘉之

同日德興阿翁同書奏言上年四月閒欽奉

聖恩厚方略卷一百七

八

諭旨嚴汰文員飭令酌留實在可用者數人以資差委

查已革兩淮運司劉良駒樸誠練達在營四年

熟習前後案卷原委是以派令總司文案該革

員矢慎矢勤不辭勞瘁上年六月閒經臣等奏

奉

恩旨免其遣戍仍留揚州軍營效力該革員倍加奮勉

承辦事件從無貽誤可否仰乞

聖恩

九

天恩酌賞頂戴出自

逾格鴻慈奏入

上諭內閣曰已革兩淮鹽運使劉良駒辦理文案在營

四年著賞給六品頂戴以示鼓勵

德興阿翁同書又奏言前直隸永平府休致知

府史佩瑋欽奉

恩旨准其留於軍營差遣該員在營四年前後結案七

百餘起聽斷平允歷著辛勤年力正強才猷素

裕當此軍興用人之際伏乞

天恩准以知府原官選用又已革知州銜甘泉縣知縣

梁園棣在營當差四年委辦團練捐資帶勇尙

有勤勞足錄可否准予開復原官奏入

上諭內閣曰休致直隸永平府知府史佩瑋在揚州軍

營辦理發審事件已革知州銜甘泉縣知縣梁園棣

聖恩

十

辦團帶勇均屬著有微勞史佩瑋著加恩賞戴花翎

所請以原官歸選之處著不准行梁園棣著准其開

復原官

十五日丁酉福濟奏言正月二十五日桐城賊匪

大股圍攻曹勝勇營盤秦定三督同梁勝章等

帶領兵勇飛速馳援斬馘甚多另股又撲三十

里鋪各營經余成蛟揮兵奮擊鄭魁士派兵趕

到合力衝突約斃賊數百名二十六日大股賊黨約有數萬由呂亭分三路來撲意圖安紮三營鄭魁士會同秦定三派隊迎勦分抄該逆紮營後路步軍攔截馬隊衝突立將逆營三座踏爲平地斃賊一千餘名至二十七日賊由呂亭西竄截我糧道二十八日賊匪一股由孔城出一股由呂亭出秦定三鄭魁士各帶兵勇在黃

聖朝方略卷一百七十

十一

栗岡一帶攻勦酣戰數時漸將賊衆圍抄斃賊數百名賊始退走乃二月初一等日安慶賊黨復行踵至不下四五萬人我軍糧道被賊阻遏秦定三鄭魁士麟瑞等會商事已危急決一死戰初一日午後出大隊迎勦該逆馬隊數千步隊不計其數層層圍裏愈殺愈多鄭魁士麟瑞振臂大呼喊聲雷震斃賊約一千餘名酉刻收

隊乃該逆甫退復合四路圍攻兵勇飢餓不支紛紛潰下鄭魁士麟瑞亦潰圍而出以賊必撲廬州由舒城星速折回已於初五日到廬臣查湖北甯國全股之賊竄入皖境桐營面面受敵實非無故潰散者可比惟臣疊商撤退該提鎮拘泥守營以致失利相應據實奏參請

聖朝方略卷一百七十

十三

旨定奪秦定三探聞已抵中梅河該處爲六安前路已咨飭該提督扼守六安鄭魁士到廬後旋探得該逆已抵舒北是否繞越舒城抑舒城業已失陷容查明再行具奏惟廬州爲七省通衢中原關鍵兵勇僅餘二千餘人桐營潰兵趕緊招集恐難得力惟有請

旨由北路迅撥馬步精兵三四千名派員管帶來皖歸臣調遣俾資堵禦

福濟又奏言皖營防勦兼籌情形萬緊鄭魁士一人督帶恐精力難以周到查副都統麟瑞明白諳練接仗勇往應請

旨飭令麟瑞會同鄭魁士管帶各營兵勇均歸臣節制以期力遏賊氛奏入

上命軍機大臣傳諭福濟曰湖北甯國賊匪全股竄入皖境秦定三等以飢疲之兵勇處腹背受敵之地以

聖皇聖考卷一百七

七

致力盡潰圍秦定三馳抵中梅河是否能過六安前路鄭魁士等雖已出圍折回廬郡而該逆已抵舒北舒城恐致失陷廬州存兵無多當此新挫之後恐軍威驟難復振朕心實深焦灼已諭桂良雙銳由直隸抽撥馬步官兵一千名並諭官文胡林翼於湖北得勝兵內酌派陸路兵一千名晏端書鄧紹良於甯國得勝兵內酌分一千名或數百名前往廬州均歸福

濟調遣並降旨將鄭魁士麟瑞各軍悉聽該撫節制該撫務當激勵將士協力固守探明何路緊急相機勦辦勿得以官兵新挫自墮銳氣致有疏虞

上又命軍機大臣傳諭桂良雙銳官文胡林翼晏端書鄧紹良曰現在廬州情形萬分喫緊必須添調兵力以資堵勦著桂良雙銳於景州駐紮之馬步官兵內抽撥一千名派員統帶即日馳赴廬州前因無為被

聖皇聖考卷一百七

七

陷卽諭令官文等分兵一千名赴廬助勦現在湖北荆宜一帶如已就肅清卽著官文胡林翼迅派陸路官兵一千名馳往協勦並督飭水師沿江東下以分賊勢甯國已經收復皖南軍務較鬆兵力當可抽撥著晏端書鄧紹良迅速籌商就近撥兵一千名或數百名渡江繞道赴廬州軍營聽候福濟調遣

上諭內閣曰此股占踞桐城賊匪秦定三等圍攻未下

雖因賊衆糧乏尙非無故潰散究屬督勦不力福建提督秦定三提督銜安徽壽春鎮總兵鄭魁士均著摘去頂戴拔去花翎以示薄懲安徽巡撫福濟督辦無方亦屬咎有應得著交部議處仍著督同將弁激勵兵勇保全廬郡力圖進剿以贖前愆

上又諭內閣曰提督銜安徽壽春鎮總兵鄭魁士前有旨令會同英桂勦辦擒匪現在攻剿桐城失利業經

欽定剿平粵匪方略卷一百七

十五

獲咎鄭魁士著毋庸會勦擒匪卽與副都統麟瑞管帶各營兵勇均歸福濟節制

十六日戊戌載增富森奏言探得該匪自宜昌逃

遁後已於正月二十七日攻陷遠安縣城復分

股肆擾各路並據常恩等稟稱穀城興山保康

房縣各境內股匪尙多是賊勢蔓延山谷不止

遠安一股惟遠安山城有險可扼在荊州襄陽

宜昌荆門適中之地各相距二百餘里賊情詭

譎莫測各郡防勦均不容稍疏其南竄一股已

至當陽所屬清溪河經盧又熊帶勇迎擊其北

竄一股已至南漳所屬茨河經唐協和帶勇迎

擊其西竄大股在保康房縣所屬金斗坪等處

經德恩等誅其逆首之子朱長幅等勦撫兼施

翦滅淨盡惟東竄一股已至荆門州城外該州

欽定剿平粵匪方略卷一百七

十六

帶兵勇堵截情形喫重祇因各軍相離過遠不

能互相應援現由省城來荆之副都統巴揚阿

帶馬步各隊遊擊張萬祿管帶川兵訓導鄒漢

章管帶寶勇均先後抵荆臣等已與會合計議

卽從荆門一帶相機進剿並知照常恩等統帶

馬步兵勇及德恩所帶川勇分投前進四面兜

捕使其無隙可乘如此合力會勦不難一鼓撲

滅新授荊州將軍綿洵已於二月初七日馳抵
荊州一切防勦事宜 臣當會商辦理奏入

上諭曰綿洵現已抵任諒已遵前旨出城防勦汝三人
須和衷妥辦以保完善之區

十七日 己 署察哈爾都統穆隆阿副都統慶昫
奏言據兵部來咨安徽巡撫福濟奏請撥馬二
千匹奉

聖學聖考卷百七

七

旨著照所請惟不能如數撥解 臣等擬在察哈爾商都

太僕寺兩翼現存馬內調撥馬一千匹以備該

處軍營補缺之用查商都太僕寺牧廠馬匹現

在尚未歸廠當即飛飭兩翼各總管親詣牧馬

處所將各項馬匹調回齊至本廠地方 臣等即

令委員出口會同總管等官務擇日輕騰壯可

資軍營乘騎者詳細挑選按起查驗前進奏入

上諭內閣曰察哈爾調赴軍營馬匹既經該署都統等
派員挑選著於所調一千匹外再行添備百餘匹一
併管解來京聽候查驗再行撥赴軍營

二十日 寅 和春奏言青德州滿營原派兵一千

名由河南赴揚州助勦因陸續開除僅存八百
名到廬隨 臣勦賊已逾三年之久甚為出力現
在句容節次進攻槍礮有準殺賊亦極勇往洵

聖學聖考卷百七

七

稱勁旅惟疊次出缺撤回刻下祇有六百餘名
為數過少查青州滿營存兵尙多茲與張國樑
籌商擬添調精壯兵丁二百名飭令迅速前來
隨勦以資得力奏入

上命軍機大臣傳諭崇恩恩夔曰據和春奏山東青德

州滿營官兵甚為奮勇擬添調二百名赴營隨勦此
時句容溧水節次進攻正當喫緊著崇恩恩夔即於

青州滿洲營存兵內挑選精壯二百名飭令迅速前赴和春軍營以資調遣

和春又奏言臣上年行抵江南卽聞刑部候補郎中盧應翔盤踞江蘇物議沸騰嗣該員來營報效未准收錄詎總兵余萬清留於鎮江軍營飭令總理營務頗加信用該員或遇事把持或借端挾制居心狡詐實屬形同無賴明察暗訪

聖學聖略卷一百七

十九

眾口僉同總兵余萬清濫收劣員遽加信用並不申報希圖朦混且才具平庸難勝幫辦之任相應據實奏參請

旨將刑部候補郎中盧應翔卽行革職押令趕緊回籍不許在軍營逗留並請將余萬清撤去幫辦軍務仍留鎮江帶兵攻勦迅圖克復以贖前愆奏入

上諭內閣曰刑部候補郎中盧應翔本係因案革職之員嗣在上海軍營著有微勞降旨開復乃不知愧奮輒敢遇事把持藉端挾制實屬形同無賴盧應翔著卽革職押令回籍不准逗留幫辦軍務總兵余萬清於此等劣員濫行收用並派總理營務實屬糊塗著撤去幫辦軍務仍留鎮江帶兵攻勦以示薄懲

聖學聖略卷一百七

二十

和春又奏言查句容縣城爲金陵往來要路急應上緊攻勦正月二十六日卽飭張國樑調隊攻擊派副將王浚等帶勇分路進攻相機截殺張國樑統領各軍往來策應臣和春居中調度城外賊營約出賊四五千名分途來迎兵勇奮力前驅該逆捋死抵拒都司程翔蛟由中路衝出立斃執旗悍賊數名賊勢稍卻我軍一擁直前刺死賊匪無算趕至西門餘賊敗逃入城未

幾東門復出賊二三千人橫衝而來張國樑親帶官兵分路迎擊逆匪愈來愈多我軍愈殺愈猛張國樑策馬衝入賊隊臣和春帶領馬隊左右分抄連斃賊首數名內有黃衣騎馬賊頭一名被程翔蛟立斬馬下我軍一齊追擊該逆槍礮甚密程翔蛟槍至外濠被礮子打入腹內登時陣亡是日鏖戰數時之久約共斃賊七八百

聖朝方略卷三十七

三

名二月初四日賊營突出四五千人分股來撲張國樑親督官兵由尹家邊進勦先行接仗立斃馬步賊十數名餘賊驚潰飛奔趕至濠邊落水死者不少正得手間忽南土梁後突出數千人飛奔來援張國樑等率領各軍兩面夾擊約斃賊四五百名砍取首級一百十五顆奪獲軍械百餘件臣仍飭設法攻勦迅圖克復都司程

翔蛟臨陣捐軀實堪憫惜應請

旨飭部從優議卹奏入

上從之

和春又奏言正月二十六日鎮江南門及南水關虎頭山等處各出賊一二千人分路來撲經副都統巴棟阿等帶領兵勇分途抄擊奮力攻勦斃賊無算該逆仍復抗拒經遊擊王夢熊帶

聖朝方略卷三十七

三

兵由甘棠橋分路抄來逆匪潰敗適金山突出賊千餘人希圖援應周士法等飭令水勇登岸兜勦約斃賊四百餘名其溧水防軍探得柘塘來賊七八千人已抵鄔山築立營壘即派參將張玉良等分三路進攻營總托克通阿等帶領馬隊於各路策應逆匪見我軍大至即分五股來迎兵勇分途攻擊斃賊多名托克通阿等從

山後抄出截其歸路大聲吶喊賊衆驚亂旋即
敗潰我軍齊力追勦一擁而進盡力砍殺即將
賊營五座毀爲平地城內之賊於西門突出千
餘人來撲經米興朝迎勦虎坤元由南路抄擊
馬騰霄等從兩旁衝殺先後共約斃賊二百餘
名二十五日派令各營兵勇圍攻溧城及北門
外賊壘該逆突出千餘人前來迎敵李定太等

聖皇聖方略卷一百七

三

衝入賊隊立刺悍賊二名其勢大潰兵勇追殺
斃賊一百餘名二十七日西北兩門各出賊二
千餘名分撲各營米興朝等馳往迎勦斃賊甚
衆周天培等從旁抄入槍斃騎馬賊二名賊勢
漸卻兵勇繼進刀矛並刺逆匪紛紛倒地餘俱
飛敗入城旋探得高陽橋觀音寺一帶賊匪沿
路裹脅不下四五千人復至鄔山築壘冀圖援

應當飭李定太等帶領馬步隊馳抵該處奮力
擊勦斃賊無數二十八日五鼓督同虎坤元等
進攻鄔山賊壘該逆分股來迎虎坤元等策馬
衝突兵勇一鼓作氣馬隊從旁截殺逆屍枕藉
賊又從西門突出千餘人經米興朝連開大礮
各兵左右分抄三面夾擊約共斃賊三百餘名
砍取首級二十一顆奪獲軍械九十餘件餘賊

聖皇聖方略卷一百七

三

奔敗入城現仍飭令趕緊攻勦以期迅復鎮江
溧水兩城
和春又奏言接安徽撫臣福濟咨請酌撥官兵
前往廬江等處援勦臣查句容雖節次進攻頗
有斬擒而逆勢尙衆溧水亦未克復攻勦正當
喫緊但皖省賊勢猖獗自應設法抽撥馳往援
應當與張國樑籌商揀派密雲兵三百餘名吉

林五起兵二百餘名遊兵營兵三百餘名共官兵八百餘名飭令協領玉崑等管帶馳往助剿奏八均報

同日

上諭內閣曰前因向榮督兵東下該營無文員襄辦是以派令前任鹽運使彭玉雯幫辦軍務辦理糧臺四

聖學聖略卷百七

五

載以來該運使並不與聞軍務至糧臺是其專責乃於應行報部之款疊經戶部查催迄今延不造報實屬疲玩所有前派彭玉雯幫辦軍務之處著即撤銷現在江南糧臺業經按察使楊能格接辦此後收支款項著楊能格遵照戶部奏定章程依限造報毋許遲誤

二十二日 甲辰 綿洵載增富森奏言查遠安賊匪

於本月初六日全竄荆門該州督勇迎敵未能

抵禦遂致州城失陷該匪即乘勢南竄適荆州

後起馬步各隊兼程而進前隊直過建陽迎頭

向擊訓導鄒漢章等分帶南勇亦進攻荆門之

東南守備胡舉高等帶川勇進攻荆門之西南

該匪前後受敵立即折回兵勇追至城下該州

文武各員會同剿擊設伏圍攻賊即於初九日

聖學聖略卷百七

五

潛開北門遁去各軍分投追殺一面攻入城內將餘匪全數殺盡臣等伏思該匪竄陷荆門距荆祇百餘里幸而後起馬步各隊及南勇等先後分投趕到使賊首尾不能兼顧棄城遁去荆州復獲安全現在巴揚阿等已由荆門分起前進該匪又至宜城若襄陽防剿果嚴將來回竄旁竄均未可料查南漳沙洋皆為旁竄之路其

南漳一帶已有鹽道常恩等之軍抄出截擊其沙洋襄河已派遊擊張萬祿等帶領川兵前往堵截惟山徑湖汊通荆沙之處極多臣綿洵已駐兵荊州北界要隘自當悉心調度隨時與載增富森互相知照務使城內城外一體防範嚴密以期仰慰

聖懷奏入

欽定剿平粵匪方略卷一百七十

三七

上諭內閣曰遠安逆匪全竄荆門遂致州城失陷守備胡舉高等分帶川勇南勇進攻該逆前後受敵潛開北門遁去收復荆門州城著該將軍等卽飭巴揚阿等乘勢追剿盡殲醜類並分兵堵截毋令旁竄荆門州文武各員有無先期逃避情事著官文胡林翼會同綿洵等確查具奏

二十五日

丁未

官文胡林翼奏言二月初二日宿

松匪衆三路上竄一由亭前驛南一由亭前驛北一由獨山鎮竄及魏家涼亭各距黃梅縣城數十里臣都興阿先期商派營總巴依爾呼蘭等各率兵勇紳團分路迎剿斃賊數百餘逆逃竄桂家畝一帶據生擒賊目僉供宿松僞擣天侯陳玉城等糾集太湖逆黨四萬餘將踞黃梅而竄蘄州等語署黃梅縣知縣覃瀚元密商都興阿等將計就計以空城誘賊入內而於要隘設伏擊之初三日逆衆由馬尾山桂家畝王家河三路上犯各萬餘人見城內空虛長驅直入各路騎馬賊不下千餘亦馳驟而至都興阿分撥馬隊槍箭齊施王國才等分撥步軍刀矛並刺立斃悍賊多名馬尾山桂家畝兩路之賊先敗王家河賊衆亦潰初四日覃瀚元派紳勇伏

欽定剿平粵匪方略卷一百七十

三

於城內翼長多隆阿帶隊由城南進擊營總倭
 克錦依由城北截勦王國才鮑超方映川由城
 西一帶分路進兵城內老賊數千驍勇異常死
 力拒敵復有獨山鎮股賊五六千抄出我軍步
 隊之後勢將不支適巴依爾呼蘭馬隊趕到縱
 橫衝擊賊勢披靡立斬悍賊數百名餘逆棄城
 逃竄我軍分投截擊越嶺追勦共斃賊四千餘
 名奪獲馬贏數百匹該逆本欲援應九江直踞
 黃梅乃官軍以少擊衆大獲全勝下游逆衆自
 必聞風膽落臣等現仍嚴密扼守一面會合水
 陸各軍環攻小池口及九江郡城設計圍困絕
 其應援期於迅速得手奏八

聖朝聖略卷二百七

三

上諭內閣曰此次攻勦援賊獲勝出力員弁紳勇著准
 其彙案保奏候朕施恩仍著官文胡林翼督飭在事

文武水陸環攻務將小池口及九江郡城之賊趕緊
 攻克毋稍延緩

二十六日戊申福濟鄭魁士奏言據署六安州知

州金寶樹等稟稱該員等聞舒城被陷卽募鄉
 勇千名飭令勇目呂成衡等管帶前往舒六安
 界之白洋鋪扼要嚴防不意未及安營已被賊
 匪衝散幸施家橋團練齊心截擊該逆尙未敢

聖朝聖略卷二百七

三

狂撲該員等遂於二月初八日隨同秦定三出
 城躡築營盤以備駐守而賊已驟至二十里鋪
 秦定三所帶各勇器械不全惟金寶樹等帶領
 練勇向東南奮擊殲斃騎馬賊目五名該逆恃
 衆衝突盞擁堦圍正在鏖戰間賊忽分爲三股
 抄至後路突見西北兩門火起賊已闖進六安
 州城該員等力不能援暫至木廠鋪馬頭集等

處整團再圖攻復臣等查六安至臨淮一水可
達儻被乘虛盤踞則淮河鎖鑰盡失軍餉無路
可通恐廬營因在核心不戰自潰且捻匪在穎
霍一帶紛紛肆擾互相勾結勢所必然非力遏
正陽關更有北竄之慮臣福濟已飛札署廬鳳
道金光飭堅守正陽嚴密堵禦惟兵勇無多萬
難支持應請

欽定剿平粵匪方略卷一百七

三

旨飛飭勝保迅帶大隊馳赴正陽會合迎截方可全大
局而免蔓延署六安州知州金寶樹六安營參
將喜瀛及被賊竄過之署舒城縣知縣梅鴻儒
均有守土之責相應請

旨革職令其帶罪克復城池以觀後效奏入

上命軍機大臣傳諭福濟英桂勝保曰正陽關爲北路
要衝雖署廬鳳道金光飭帶兵堅守而爲數無多自

應撥兵赴援惟現在穎州捻匪甚熾固始縣城被圍
正陽一路恐勝保未能兼顧然於無可籌撥之中仍
應酌撥數百名馳援以顧大局亳州一帶捻匪南竄
該處有朱連泰等沿途攻勦或卽令袁甲三酌帶兵
勇前赴正陽而另派委員會同朱連泰等攻鄧家園
等處零匪著英桂勝保妥爲籌畫趕緊布置如亳州
緊要袁甲三不能前往另有委員可派亦著迅速奏

欽定剿平粵匪方略卷一百七

三

明辦理萬不可稍有遲延致誤大局福濟惟當力保
廬州俟和春派往之密雲等兵邵燦等派往之關保
馬隊及皖南酌撥官兵陸續到廬卽可進圖規復
上諭內閣曰逆賊於攻撲舒城後復敢竄擾六安州地
方闖入州城著福濟鄭魁士迅圖克復署六安州知
州金寶樹參將喜瀛及被賊竄過之舒城縣知縣梅
鴻儒未能力籌堵禦均著革職責令帶罪自效

福濟鄭魁士又奏言疊據音德布函稱初八日賊眾自芝麻河黃泥壩赤泥壩卜家集等處分股圍撲列陣十餘里該總兵督飭官兵分投迎擊斃賊二三百名初九日江南來賊愈多水陸相望東南北三面分撲我軍極力抵禦奮勇擊刺斃賊數十名該逆愈聚愈眾在金家樓許家油坊高家油坊等處步步為營四面圍裹我軍

聖朝聖略卷一百七

三

晝夜苦戰不得少休適和州知州陳麒昌帶勇來援逆勢稍斂臣查該逆大股圍困營盤勢甚兇很此次雖經陳麒昌援勦解圍而音德布兵力甚單恐難即時擊退以保孤軍臣等再當設法相機進勦奏入報

閱

二十七日己酉駱秉章奏言查兵部右侍郎曾國

藩之父曾麟書於二月初四日在籍病故例應丁憂曾國藩現在江西辦理軍務其弟儘先選用同知曾國華現帶勇攻勦瑞州同知銜優貢生曾國荃現帶勇攻勦吉安均應丁憂惟軍務正值喫緊之時應否令該員等回籍守制之處伏乞

訓示施行奏入

聖朝聖略卷一百七

三

上命軍機大臣傳諭福興文俊曰據駱秉章奏曾國藩之父曾麟書在籍病故已有旨令曾國藩回籍治喪所帶湖南兵勇著暫交其弟曾國華統帶俟曾國藩銷假再令曾國華回籍著福興文俊傳旨諭知曾國藩等遵行現在江西軍務正當喫緊曾國華尙在瑞州卽著飭令回省統帶曾國藩一軍該員屢著戰功諒能得力福興想已到省與文俊等面商勦辦機宜

撫建一帶賊勢鷓張福興是否仍由廣信前往攻剿其九江賊匪經湖北水師東下聲勢甚壯自可即日攻克著福濟會同文俊通籌大局妥爲布置並將現在各路情形奏報以慰廑念

上諭內閣曰兵部侍郎曾國藩之父曾麟書在籍病故該侍郎現在江西督師軍務正在喫緊古人墨經從戎原可奪情惟念該侍郎素性拘謹前因母喪未終

欽定剿平粵匪方略卷一百七

三

授以官職具摺力辭今丁父憂若不令其回籍奔喪非所以遂孝思曾國藩著賞假三箇月回籍治喪並賞銀四百兩經理喪事俟假滿後再赴江西督辦軍務

三十日壬子英桂奏言據南陽鎮邱聯恩函稱楚

匪由均州以北竄至李官橋地方該鎮督兵迎剿斃賊多名忽左右伏賊突出圍裏鏖戰數時

未能得手當於鄧州之半扎店駐紮堵截本月

十五日該鎮督兵進偏文曲集該匪聞風西竄

現浙川廳屬之土地嶺等處已被該匪竄擾內

鄉縣境亦有匪蹤趕卽抽調本標兵丁雇募壯

勇實力勦辦臣查內鄉浙川距南陽郡城僅百

餘里堵剿萬分緊要該鎮所帶兵勇不滿二千

實爲單薄臣營兵力又屬無多現在救援光固

欽定剿平粵匪方略卷一百七

三

不敷分撥查武漢克復以後湖北軍情已鬆可否仰懇

天恩俯念豫省東南兩路勦匪緊要

飭下湖廣督臣酌撥吉林黑龍江馬隊數百名迅速前

來臣營協助並請

飭令楚陝統兵鎮將移軍西向繞山賊前與邱聯恩會

合堵剿以杜西竄奏入

上命軍機大臣傳諭官文胡林翼曰據英桂奏楚匪擾及豫疆請飭湖北酌調馬隊協剿此股匪徒竄至均房穀城等處總未大受懲創以致日久蔓延亟應厚集兵力剋日掃除湖北馬隊無多前已據官文奏明未便調撥自係實情卽著飭令派出之巴揚阿等馬步各隊將本境匪徒實力搜捕繞出賊前與邱聯恩合力兜擊以杜該匪西竄之路前任鹽法道常恩業經胡林翼奏參革職所統兵勇是否另派妥員接管並著飭令進剿毋許玩延陝西副將龍澤厚等統帶各軍業經譚廷襄奏明於克復竹山縣城後仍令跟蹤追剿此項官軍著官文等查明現在何處一併嚴飭會勦儻畏葸不能用命卽行嚴參懲辦

聖學匯方略卷百七

七

欽定勦平粵匪方略卷一百七十一 丁巳年

三月初一日 癸曾國藩奏言臣接到家信

父於二月初四日病故臣例應丁憂溯查臣自

咸豐二年奉

命典試江西行至太湖縣聞訃丁母憂回籍百日奉

旨飭辦團練三年冬間疊奉援鄂援皖肅清江面之

命聲明臣係丁憂人員辦理稍有起色卽當回籍補行

聖學匯方略卷百七十一

一

終喪五年九月蒙

恩補授兵部右侍郎維時雖已服闋而臣之私心常以

未得守制爲隱憾今又遽丁父憂椎胸自責抱

痛何極瑞州去臣家不過十日程途應卽日奔

喪回籍臣經手事件以水師爲一大端署提督

楊載福駐紮九江所統外江水師十五營道員

彭玉麟駐紮吳城所統內湖水師八營合計船

隻五百餘號噸位至二千餘尊之多此非臣一人所能爲力臣在衡州時僅奏明造船百六十號岳州以下雖陸續增添而九江挫後則水師中衰其時回援湖北者僅船百餘號賴彭玉麟力支危局胡林翼楊載福重廓規模而又有廣東督臣購運洋礮湖南撫臣督率官紳廣置船隻子藥於是外江之水師始振陷八鄱湖者亦

欽定剿平粵匪方略卷一百七十一

二

僅船百餘號賴江西撫臣竭力維持增修船礮籌備子藥於是內湖之水師亦振合四省之物力各督撫之經營楊載福等數年之戰功乃克成此一支水軍臣不過因人成事豈敢無其實而居其名惟臣因事離營內外水軍或分歧不定相應請

旨特派署提督臣楊載福總統外江內湖水師事務惠

潮嘉道彭玉麟協理外江內湖水師事務庶幾號令歸一楊載福戰功最偉才識遠勝於臣彭玉麟備歷險艱有烈士風伏乞

聖恩時加訓勵該二人必能肅清江面仍請

旨飭下湖北撫臣胡林翼月籌銀三萬兩江西撫臣文俊月籌銀二萬兩解交楊載福彭玉麟水營俾此軍不致飢疲則不特爲攻剿九江湖口所必

欽定剿平粵匪方略卷一百七十一

三

需卽將來圍攻金陵巡防長江亦必多所裨益自水師而外惟湘勇係同縣之人實勇係久從之卒於臣略有關係現在李續賓之湘勇駐紮九江精勁樸實隱然巨鎮劉騰鴻之湘勇普承堯之寶勇駐紮瑞州嚴明勤謹足當大敵但使餉項稍敷必可樹立功績臣在軍中亦無所益卽不在軍亦無所損此外江西水陸諸軍及各

省援師自去歲以來皆由撫臣與臣會商調遣
今臣丁憂開缺應由福興與撫臣會商辦理近
日逆匪內亂武漢肅清袁州奉新等處克復江
西局勢似有轉機臣猝遭父喪不復能料理營
務合無籲懇

天恩准臣在籍守制稍盡人子之心臣已函商將軍福

興巡撫文俊酌請一人前來瑞州拊循各營將

聖朝聖略卷百七十一

四

士臣即由瑞州奔喪回里奏入

上命軍機大臣傳諭福興文俊楊載福曰現在曾國藩

即由瑞州回籍福興文俊何人前往瑞州接辦軍務

福興原擬往勦撫建一路今是否另派大員帶兵前

往撫建抑該將軍仍自行前往務須斟酌盡善不可

顧此失彼至曾國華本係降服著傳諭該員仍遵前

旨暫留江西管帶兵勇歸楊載福等調度俟曾國藩

假滿回至江西再令回籍其水師軍營所需糧餉最
關緊要著文俊設法籌辦並咨照官文胡林翼一體
籌撥接濟毋使缺乏楊載福駐紮九江屢獲勝仗今
命就近統帶曾國藩一軍聲勢必能聯絡著即與彭
玉麟協力同心督兵勦辦

上諭內閣曰曾國藩現丁父憂業經降旨賞假三箇月

回籍治喪所帶湖南兵勇暫交其弟曾國華管帶惟

聖朝聖略卷百七十一

五

曾國華職分較卑仍須有大員統領方能得力所有

曾國藩前帶水師兵勇著派提督銜湖北鄖陽鎮總

兵楊載福就近統帶廣東惠潮嘉道彭玉麟協同調

度該侍郎假滿後著仍遵前旨即赴江西督辦軍務

以資統帥

初二日寅甲德興阿翁同書奏言臣等前以瓜州

賊匪意圖挺走亟宜約齊水陸夾攻因與總兵

陳國泰等密訂進攻之期一俟風順卽同時分
路並進二月初九日臣等督率東西兩岸官兵
分赴瓜州圍攻先由參將毛三元密派壯勇十
餘人潛入賊營放火殺死守更賊人賊衆大驚
堅壁不出而土橋焦山師船甫經起碇旋以風
逆未得駛上十五日又整隊而往先由上瓜州
出賊一股從富家井撲來其續出之賊約有二

聖朝聖略卷七十一

六

三千名分作兩股旁抄經參領富明阿帶同營
總常壽等爲一隊營總蘇沖阿等爲一隊兩路
迎戰該逆抵拒不退守備王富來帶勇由叢葦
中斜擊而來與馬步各隊合併衝入賊陣立見
披靡紛紛敗走陳國泰亦派勇登岸協勦該逆
腹背受敵狂奔回巢共斃賊匪一百數十名維
時總兵鞠殿華等正由四里鋪帶兵力持老巢

乘接仗時連奪險要撲濠而進營總德克津布

帶兵施放火箭賊中慌亂我兵仰攻三時之久

因天晚撤回十七十九等日狂風激浪舟師難

以駛攻陸軍列陣良久下瓜州出賊數十名百

餘名不等均被我軍殲殺殆盡二十日臣等分

督諸軍由四里鋪進勦衝枚疾走越過重濠不

見賊蹤用礮向賊巢轟擊亦無動靜總兵周士

聖朝聖略卷七十一

七

法等督帶戰艇截抵金山江面就攻賊隄轟斃

紅衣賊匪數名忽由中下瓜州竄出賊匪數千

直向土橋奔竄撲我義勇營盤適陳國泰由江

邊龍灣登岸同營總常壽等暨義勇儀徵南勇

連壓數次將薄賊壘賊復添出逆黨千餘徑向

我軍直衝正相持間富明阿帶同王巨孝等聞

道繞至應援擣賊中堅哈連升等亦帶勇繼進

連環衝擊該逆被我軍四面裹剿殺斃二百數十名陳國泰水師兵勇繞回截擊賊眾狂奔遂即乘勝窮追時由大營派出接應之成明海全各帶馬隊馳至併力鏖戰又斃賊百餘名惟水師總因風色不順未得暢駛現乘此次勝仗復激勵諸軍候風利天晴更圖采八冀得擒渠掃穴

聖學聖考卷七十一

八

德興阿翁同書又奏言據留防浦口總兵安勇等報稱旬日以來江浦及九洲賊匪不時竄出二月十九日夜江浦城內之賊竄出放火勢將抄我營後路經該總兵等帶兵往安定橋小店一帶迎剿賊眾千餘蟻擁而來官兵鼓銳奮擊賊見勢眾敗走當即追殺蓄髮賊二十餘名生擒長髮老賊四名二十日江浦賊匪又擾西

聞

關花橋等處九洲賊匪同時竄至三板橋經都司洪祿等分路擊退斃賊數十名等語臣等正飭嚴密堵剿適接福濟來文以和州軍營被圍咨由浦口酌撥官兵前往援應並據安勇等亦以接到咨文令速撥兵查浦營兵數本屬無多前月因廬州緊急甫經抽撥馬步隊七百餘名交穆克登額統帶赴廬助剿已屬設法通融

聖學聖考卷七十一

九

其時即慮及浦營空虛檄飭添募練勇三百名稍填缺額此時安能再應外援且江浦九洲之賊現在勾結為患尙虞防兵過單若再分撥恐剿辦更形竭蹶奏入均報

同日福興文俊奏言臣福興由廣信赴省先與臣文俊會晤會國藩亦於二月初間回省當經

公同酌商以全局而言廣信一府爲全省藩籬
撫建兩郡賊蹤屬集兼之饒郡兵單難資堵禦
此時亟圖撫建自不可緩然要非集有重兵斷
不能銳意取勝會國藩及臣文俊均以臣福興
此來聲威尙壯意在速進然遽以偏師輕於一
試設有挫衄轉於大局非宜約略計之總須勁
旅盈萬方敷勦辦至少亦須六七千始能著手

欽定剿平粵匪方略卷七十一

十一

現在九江一帶水陸合圍勢難抽撥臨江吉安
本屬無兵可分至瑞州經會國藩親督各營開
挖長濠四面圍困已大有可乘之機又恐兵分
力單或致功敗垂成其他則別無可調之師而
東路賊勢又不能任其滋蔓况議勦撫建尤須
先堵饒郡堵既不足勦更爲難正在籌議間復
據安仁貴溪弋陽等屬暨署廣信府知府沈葆

楨先後稟稱景德鎮續到賊匪數千竄至萬年
所屬之石鎮街由弋陽擾及河口鎮意圖上犯
廣信經駐貴溪之知縣李元度由弋陽一路跟
追嗣該逆復由河口竄至鉛山境內德興縣亦
有賊衆屯聚廣信郡城內外遷徙一空情形急
迫臣等伏思廣信一城該逆窺伺已久現在賊
蹤或直犯鉛山旁擾廣豐或回竄河口分掠興

欽定剿平粵匪方略卷七十一

十二

安均無一定廣信要皆四面受困該郡原紮兵
勇合臣福興留駐之軍數僅二千雖有署衢州
鎮饒廷選添派兵勇五百名協防究嫌單弱其
地東北則浙界東南則閩界即使該逆不犯郡
城亦可由德興與安一帶旁竄閩境至浙省駐
守之兵止三千名經臣福興酌調二千名隨營
會勦惟該省續派防兵能否到齊尙未可定是

以仍令副將張從龍等暫紮原處應請

旨飭下閩浙督臣迅催添調之兵到防以便檄調張從

龍等進剿廣信關繫緊要此路一失則省會咽喉

立梗各路餉道不通萬一撫賊與此股賊黨

聯絡勦辦更屬費手為今之計惟先守廣信為

要臣等意見相同臣福興擬即趕緊由省趨程

仍回廣信且就現有兵勇妥籌防勦一俟信防

聖學聖方略卷百七十一

十二

無虞兵力厚集即徑由廣信籌攻撫州其勢亦

順設兵力仍未湊齊或即擇要先圖規復他郡

曾國藩昨已還至瑞州其臨江一路即可就近

勦辦現在圍攻瑞郡不遺餘力總期此城一下

則可移兵進剿東路奏八

上命軍機大臣傳諭福興文俊王懿德慶端曰逆匪窺

伺廣信已非一日該郡為江西全省藩籬且係接壤

閩浙福興現已帶兵赴剿擬請飭調張從龍之兵聽

候調遣先保東路要區再圖規復他郡所籌尙合機

宜惟閩浙崇安縣屬分水等關距鉛山甚近光澤縣

黃石口村莊已被該逆焚燬聯甲兵勇退駐鐵牛關

內外兼顧兵力不敷雖經王懿德等另調標兵一千

名並募漳泉壯勇各五百名令署總兵懷他布帶往

崇安駐紮而邊防喫重所有張從龍等兵勇此時自

聖學聖方略卷百七十一

十三

難調往廣信據晏端書奏稱廣信存城兵勇尙有八

千名足資堵剿是以令饒廷選駐紮玉山防堵福興

抵廣信後如有可用之兵著酌量調撥或由貴溪弋

陽鉛山等處相機進剿冀與閩兵會合王懿德等亦

須飭令懷他布等隨剿隨進俟福興行近建昌即行

會合不得區分畛域株守閩疆至江西逆勢方張福

興已赴廣信曾國藩即行回籍瑞州一軍現派何員

接辦抑祇留會國華統帶著文俊妥籌辦理隨時具奏

同日晏端書奏言據張芾咨稱上年十二月間賊犯祁門經署皖南鎮總兵江長貴擊退後該逆即會合湖北敗匪併踞江西浮梁景德鎮偏近婺源張芾飛飭已革參將師長鑣擇險固守師長鑣親率各勇赴浮梁鯉魚橋巡哨該逆於

聖朝方略卷七十一

古

本年正月十七日全股竄往樂平二十二日復有股匪自鄱陽縣規田街竄踞景德鎮師長鑣移營進偏亦即竄往樂平其貴池之賊先於二十一日從香口竄入樺根嶺至祁門歷口地方江長貴飭令守備王恩榮等前往迎敵並移會總兵周天受馳往策應一面飛調七里亭崇覺寺兩路防勇星夜赴西武嶺以顧黟縣門戶二

十七日江長貴親至祁門督勦斬敵頗眾正盛

戰間周天受督隊馳至前後夾擊大獲勝仗賊遂敗退署黟縣知縣王垣復帶團馳赴柏溪助戰該逆由大洪嶺竄至石埭縣六七都又經駐防崇覺寺之都司吳偉奇於二月初二日督率兵勇迎頭截擊提臣鄧紹良派副將蕭知音帶勇會勦該逆連夜由陵陽鎮竄往青陽仍思抄

聖朝方略卷七十一

十五

襲崇覺寺後路內竄涇縣鄧紹良又派遊擊石玉龍等各帶兵勇助防涇縣兼以策應徽州其樂平之賊先於正月二十六日紛竄弋陽二月初二日竄河口鎮又竄石溪沿途焚掠偏近廣衢二郡臣因三衢在防兵單當於省城添撥守備黃熊飛全勇並咨鄧紹良抽撥彪勇星赴三衢接應署廣信府知府沈葆楨函請署衢州鎮

饒廷選統兵前往調度饒廷選以該郡存城兵
勇不下八千名尙足以資堵勦而賊已蔓延於
鉛山廣豐一帶玉山常山江山開化處處戒嚴
如該鎮前赴廣信恐逆匪四竄回援莫及當與
署金衢嚴道繆梓籌商先飭遊擊楊國正等帶
浙兵七百名前往玉山駐紮以爲廣信三衢策
應饒廷選親帶彪勇於初八日赴玉山分紮營

聖朝聖考卷百七十一

七

壘居中調度其江山之官溪等處開化之白沙
關等處另撥兵勇分投布置以防樂平德興臣
查皖南江西沿江一帶已成賊匪往來熟徑刻
下蕪湖賊壘倍增黃池灣沚軍情又緊其鄱陽
西路之賊復竄踞景德鎮婺源祁門時恐疏虞
逆黨愈分愈多每於徽甯池太饒廣之間伺隙
乘虛潛圖內犯浙江以一省兼防數省面面受

聞

敵實屬接應不遑東南大局攸關臣惟有隨時
咨行張芾等實力防勦務期固守疆圉奏入報
初五日丁福濟鄭魁士奏言二月十四日六安
州各員弁由木廠鋪帶練進攻接仗失利賊即
馳抵馬頭集經壽州知州黃元吉帶勇截擊互
有殺傷十五日賊至板橋迎河等集距正陽關

聖朝聖考卷百七十一

七

更近署廬鳳道金光飭會同德勒格爾等迎擊
突遇馬賊無數經我馬隊追殺數十人餘即退
回遙見步賊如蟻徧地撲來經官兵開放擡槍
擊斃多名賊又稍退十六日我軍整隊進剿正
鏖戰間忽見東南賊船五六百號連檣駛至即
飭兵勇回擊而賊已停泊河西祇得仍向陸路
急攻河西之賊紛至從我軍後路竄入大街該

署道等力不能支突圍而出退守壽州十八日馬賊數千步賊數百乘勢來撲距州城三十里經兵勇迎抵斫斃數十人突有大股數萬直逼城根該署道督飭在城文武嚴密守禦即在城上施放槍礮轟斃五六十名時察哈爾馬隊退紮城外東津渡亦有斬擒無如該逆愈來愈多四面合圍並紮營數十座意圖攻陷我軍單薄

欽定剿平粵匪方略卷一百七十一

十六

且夕難支而廬郡兵勇甫經收集器械不齊現又探聞賊匪數萬於日內由舒城五河巢縣三處合攻廬州即使士卒用命而四路圍逼糧絕援孤將蹈桐管覆轍前奉

旨飭撥之直隸湖北甯國兵各一千名既難剋期趕到而巢縣賊眾圍窺柘皋距廬已近該處防勦兵勇祇有二千不得已抽派四川壽州各兵勇一

千餘名馳往堵禦通計各營實在無從再援適協領關保帶領馬隊抵營因添募壯勇數百令其就近接應第賊多兵寡制勝殊難已飛咨勝保星夜往援該州水陸皆通或至臨淮則餉道文報斷絕或至蒙亳則逆捻土匪勾通皆有北竄之慮亟須重兵解圍惟有仰懇

欽定剿平粵匪方略卷一百七十一

十九

天恩迅催勝保督率大隊剋日前往毋為他處牽掣庶可保大局而靖逆氛至廬城危急萬分全賴將士出力而餉糈久匱軍心不固譁潰堪虞應懇恩旨再催山陝江浙等省立撥餉銀兼程來廬不得稍緩須臾

福濟鄭魁士又奏言臣等據報知賊匪突撲柘皋副都統穆克登額等僅帶馬步兵勇二千極力抵禦割獲首級七十餘顆轟斃數百人嗣復

兩次來撲均經擊退二十六日賊忽添大股一
二萬人撲營猝被圍逼我軍施放槍礮漸不能
支退至石塘橋駐守查柘皋距廬祇數十里孤
城危急已在呼吸之間昨派赴援柘皋之川兵
川勇雖令先紮店埠而能否截擊殊未可知其
直隸湖北甯國等兵斷難即來應請

旨飭令和春就近酌撥精兵二千德興阿就近酌撥精

聖朝聖略卷百七十一

三十一

聖朝聖略卷百七十一

三十一

兵一千飛速救援遲恐無及奏入

上命軍機大臣傳諭福濟英桂勝保曰逆匪擁眾數萬
由正陽進逼壽州四面合圍情形萬分緊急雖經福
濟由廬州撥兵堵禦惟逆勢方張恐兵力難支勝保
此時正在勦辦捻匪北路藩籬亦關緊要能否分身
前赴壽州殊未可定著英桂勝保迅即籌商如勝保
可以前往即行酌帶兵勇馳往救援如一時未能兼

顧亦應派兵助勦不得因地處淮南稍存畛域至柘
皋防兵失利退守石塘橋廬州門戶已失前調湖北
皖南兵各一千名本日已降旨飭催並諭湖北再添
調一千名由宿松太湖一帶赴皖其德興阿和春營
中兵勇前據奏報實已無可抽撥所有江北派出之
官兵五百名早已抵廬丹陽派往之官兵八百名即
著福濟趕緊催提以資攻勦所請飭催餉銀之處已

聖朝聖略卷百七十一

三十一

據戶部疊次飛催矣

上又命軍機大臣傳諭官文胡林翼晏端書曰前因皖
省無為州城被陷即諭官文等分兵一千名赴廬助
勦嗣因桐城兵潰廬州喫緊復經諭令官文等將前
調官兵迅速派往並諭晏端書鄧紹良就近酌撥兵
一千名或數百名渡江繞道赴廬州軍營本日據福
濟奏逆匪大股衝撲柘皋我軍迎擊失利柘皋距廬

祇數十里孤城危急該處需兵情形實屬萬緊前論
官文胡林翼派調之官兵一千名無論刻下業經起
程與否著再添派官兵一千名並派得力大員管帶
由黃州至宿松太湖一帶馳赴廬州軍營交福濟調
遣至前論在甯國軍營酌撥兵一千名並著晏端書
飭令迅速馳赴廬營藉資援救毋稍遲緩

福濟又奏言臣撫皖以來適值賊踞廬州屬邑

聖皇聖德卷一百七十一

三

皆失籌兵籌餉寢食不遑竭蹶數年心力俱瘁
上年五月間因積受潮溼觸動舊患肝氣齒臂
並痛徹夜不眠不得已請假一月趕緊調治第
念疆圉未靖何敢懷安故疾未大痊卽行銷假
八月後攻克巢縣進勦桐城本年正月初復因
廬州告警折回守禦往返積勞加以晝夜巡防
精神益困刻下桐營潰退舒六繼陷餉絀兵單

支持乏術萬分焦急鬱憤傷肝遂至頭暈耳鳴
變而加厲雖應節勞靜養而時勢孔棘正當力
疾從公惟軍務與地方斷難兼顧若勉強經理
恐致兩誤再四躊躇惟有願懇

天恩將安徽巡撫開缺另行

簡員補授俾臣專辦軍務不至分心庶免顧此失彼之

慮奏八

聖皇聖德卷一百七十一

三

上諭內閣曰安徽省自和春調往江南鄭魁士復經獲
咎福濟以巡撫督辦軍務責任至重況現在賊匪臨
張屬邑被陷軍務與地方公事均屬緊要何得以微
疾輒請開缺致負委任所請著不准行

福濟又奏言已革陝安鎮總兵郝光甲出兵數
年戰功懋著臣撫皖以來見其打仗奮勇每戰
必先深資得力茲以赴援桐城孤軍深入後援

無繼竭力抵禦卒以眾寡不敵陣捐舉合無
仰懇

天恩准其開復原官並

飭部照總兵陣亡例議卹出自

逾格鴻施奏入

上從之

初六日 戊午 胡林翼奏言 臣接奉

聖旨

旨

諭旨因桐城兵潰廬州喫緊令 臣等撥兵往援 臣即於

臬司李孟羣所帶兵勇內精選一千五百名先

行裹糧赴援皖省一俟湖北全境肅清再選精

銳陸續資遣至外江內湖水師當此春漲初起

自應會合夾擊肅清湖口趕緊直下以分賊勢

業經 臣知會楊載福彭玉麟迅速遵辦再河南

捻匪竄入固始與湖北之麻城毗連英山霍邱

開

賊匪續起與湖北之羅田蕪州毗連均在都興
阿大營之後 臣即挑選興國各營迅速渡江急
扼蕪州之張家塆以資堵剿奏入報

初七日 己未

上命軍機大臣傳諭怡良曰從前張國樑與福興共事
尚能迅解金壇之圍乃自和春到後數月之久句容

聖旨

旨

一邑仍未克復是否和春與張國樑意見不合以致
該鎮未能用命軍營統帥全在得人儻駕馭無方使
健將不肯出力貽誤匪輕怡良近在常州必能確有
見聞著即確查密奏至余萬清收用劣員盧應翔經
和春奏請撤去幫辦軍務業已降旨允准惟余萬清
攻剿鎮江如果不能得力該大臣早應據實奏何
以因收用盧應翔一節輒請撤去幫辦恐和春因該

員別有劣蹟遇事而發著怡良一併密行查訪如余萬清平庸著該督會同和春於江南軍營內察看何員可以接辦鎮江軍務酌保一二人速行奏聞候旨更換

初十日 壬戌和春奏言溧水之賊於二月初七日

竄至曹村一帶焚掠卽飭副將魯占鼈等帶兵往勦斃匪無算賊猶抵死不退張玉良等從旁

聖朝聖略卷百七十一

壬戌

抄襲各兵乘勢而進又斃賊百餘名金陵安慶之賊竄至鄔山築壘副將米興朝等分路進攻該逆槍礮回擊子密如雨總兵傅振邦督同張玉良等進攻並於山後埋伏逆匪約出五六千人迎拒我軍奮勇攻勦刺殺多名該逆直前撲兵勇誘至山後伏兵齊出兩面圍抄馬隊攔腰橫擊逆匪紛紛倒地大敗飛奔城內之賊於

西北門突出二千餘人分撲各營經副將魯占鼈等迎擊斃斃不少二十二十一等日逆匪過

河築壘李定太等帶兵分途齊進逆匪出巢迎拒我軍痛加勦洗該逆拚死拒敵李定太衝入賊隊周天培等帶兵槍至賊壘外濠槍礮連環賊眾驚潰越牆逃出我軍乘勢擁入盡數砍殺卽將賊營四座奪獲餘賊過河不及落水死者

聖朝聖略卷百七十一

壬戌

無數兵勇槍過河岸併力擊殺又斃多名追至鄔山尙有賊壘隨卽緊圍頻施火器逆匪驚亂越濠兵勇擁進將賊壘五座奪獲餘匪向柘塘奔逃我軍跟勦柘塘之賊亦棄壘狂奔兵勇窮追斬殺尤眾該處賊營一律踏毀西北兩門復出賊二千餘名徑撲川勇營盤經米興朝等奮擊張克慎等設伏坡下逆匪愈逼愈近伏兵猝

起左右衝突逆匪驚慌逃竄追殺數里死者枕藉先後共奪獲賊壘二十六座約斃賊三千餘名內有僞靠天侯馮得涓並僞指揮檢點司馬十餘名二十二二十四等日我軍仍奮勇攻城逆匪惟一意死守臣仍飭令趕緊追勦迅圖克復

和春又奏言句容逆匪經官軍節次痛勦殲

聖朝聖德卷七十一

天

甚衆二月十七日官兵分途進攻北門外賊壘突出賊二三千人兵勇奮擊槍礮連環立斃多名該逆敗退我軍追至濠邊盡力刺殺正得手間東北門各出賊千餘人來援張國樑揮令兵勇以槍礮轟擊斃賊無數賊勢大潰官軍跟追槍至外濠西門又出賊千餘欲抄襲我軍後路經臣飭令王浚等攔腰截殺王浚戴文英衝入

賊隊立刺黃衣悍賊數名餘賊驚潰我軍追至西門橋邊逆匪過橋不及溺斃不少南路經明安泰進攻該逆拌死拒守兵勇直進槍至外濠拔去梅花椿正擬槍進內濠突出逆匪數千分路來撲官軍迎擊該逆愈來愈多都司金昇等伏兵山坡衝突出三面夾攻斃賊無算賊勢大敗官軍合力追擊連放大礮火箭擊斃紅衣賊目六名燒燬更棚數十處哨樓六座適山後來賊千餘官兵迎截斃賊多名始行敗退直跟追至南門兩路共約斃賊八九百名其鎮江踞賊二月十八日余萬清派隊進攻南水關虎頭山賊營該逆突出一二千人蠶擁來撲副將站住等揮令兵勇奮擊立斃多名東北兩門復出賊千餘人意圖抄襲經副都統巴棟阿等伏兵

聖朝聖德卷七十一

天

齊出一擁而進該逆潰敗我軍會合追殺逆屍
遍野正酣戰間金山又出賊數百人經遊擊王
夢熊等迎截該逆退走餘即飛奔入巢約共斃
賊五百餘名臣仍飭令趕緊攻勦迅圖克復奏
八

上命軍機大臣傳諭和春張國樑曰句容溧水不過蕞
爾小縣該逆牽掣我軍而分其黨與四出滋擾現在

欽定剿平粵匪方略卷七十一

三

穴徽巢無舒六相繼失陷賊蹤距廬州僅數十里情
形萬分喫緊池州蕪湖之賊窺伺徽甯浙防又形喫
重總由大兵不能進偏金陵故該逆得以安居城中
從容布置現當各省荒旱兵餉缺乏日復一日伊於
胡底和春前在安徽督師得力張國樑在江南軍營
亦素稱勇敢何以區區二邑曠日持久不能攻克著
卽督飭將士謀勇兼施先將兩城攻下以便移師金

陵使該逆有所顧忌而我兵亦可分援安徽等處以
期次第廓清

十一日癸亥福濟鄭魁士奏言據署廬鳳道金光

筋稟稱二月十九日賊船數百號賊馬數百匹
向西北撲來城上開放火槍擊斃馬賊六名賊
旋退回二十日該逆擁衆由南關攻城該署道
會同遊擊成桂等督飭署壽州知州黃元吉署

欽定剿平粵匪方略卷七十一

三

鳳臺縣知縣李霖統率兵勇由西門出城繞撲
賊營該逆迎拒經勇目李士申等及壽州營兵
奮擊刺斃賊數百名斬首五十餘級焚毀賊營
七座二十一日該逆由東門外盞擁而來我軍
開礮轟擊當斃馬賊數名步賊數十名賊不敢
進遙聞東北十餘里外槍聲不絕係團練姚紹
孔擬在該處築壘遇賊接仗其北門外四頂山

忽見黃旗徧插恐賊紮營卽令李霖督飭勇目

朱在國縋城衝擊該逆東遁二十二日以後該

逆更番攻城徹夜衝突間用雲梯爬城並皆擊

退至二十五日被圍已歷八晝夜外援未到姚

紹孔練勇亦潰因商同各文武挑選奮勇出城

血戰一面暗約鄉團在十里外放火喊殺二十

五日夜調齊兵勇衝出東門各鄉火光四起該

逆不知虛實疑我援兵猝至內外夾攻蒼黃失

措棄營狂走互相踐踏死者不計其數該署道

等追剿二十餘里計斃賊三千餘名割獲首級

六百餘顆城圍已解等情查壽州係淮南重地

該城僅以數千兵勇支撐八日之久非謀勇素

裕斷難保此危城金光筭等激勵軍民同心守

禦出賊不意暗布奇謀遂令逆鋒頓挫立解重

圍實屬識力過人亟應仰懇

恩施金光筭擬請

賞加按察使銜署壽州知州黃元吉擬請

賞換花翎署鳳臺縣知縣李霖擬請

賞戴藍翎其餘出力員弁容臣等擇尤酌保賊雖回窺

正陽該署道業經追剿惟逆眾數萬非孤軍所

能支持應懇

天恩飭催勝保督帶大隊由正陽進剿六安與皖軍會

合方能廓清餘孽臣等駐守廬州三面皆賊竭

力守禦勉強相持斷難他顧如勝保能剋日抵

六藉分賊勢當可轉危為安奏入

上命軍機大臣傳諭英桂勝保曰據福濟等奏壽州匪

眾經署道金光筭連日擊剿城圍已解請飭勝保由

正陽進剿六安以分賊勢勝保現由烏龍集回剿顯

正陽進剿六安以分賊勢勝保現由烏龍集回剿顯

匪諒必續獲勝仗如該處股匪漸次掃蕩可以無虞
北竄自應徑趨六安會合皖軍藉分廬州賊勢廬州
三面皆賊情形甚為喫緊福濟兵力甚單必須速為
援應著卽與英桂妥速籌商酌量辦理

上諭內閣曰安徽賊匪竄撲壽州署廬鳳道金光飭等
於賊匪猝至之時激厲軍民同心守禦遂能出賊不
意大挫兇鋒立解重圍自應亟加獎勵安徽記名道

聖恩厚澤卷百七十一



員署廬鳳道廬州府知府金光飭著賞加按察使銜
記名知府署壽州知州黃元吉著賞換花翎署鳳臺
縣知縣李霖著賞戴藍翎其餘出力員弁人等著福
濟查明保奏

福濟又奏言查制勝之要貴乎諸將同心故師
克在和爲千古不易之論今秦定三鄭魁士威
名相埒去冬合勦桐城互相猜忌所帶兵勇亦

各懷私忿臣遇事調停雖不至釀成事變然爾
私未化實難共事一方鄭魁士辦事實心係皖
營不可少之員且本省總兵自應仍留督剿秦
定三前由金陵帶兵援皖應令仍回江南隨同
和春勦賊敢乞

明諭飭令秦定三貴州兵折回江南助勦於兩處軍務
各有所裨奏八

聖恩厚澤卷百七十一



上諭內閣曰句容溧水逆匪負嵎日久疊經官軍勦辦
尙未克復著秦定三卽統原帶之貴州官兵前赴江
南大營隨同和春等合力攻勦

福濟又奏言據總兵音德布函稱連日逆匪由
黃泥壩赤泥壩等處環紮營盤圍撲愈緊該總
兵督飭將弁兵勇齊力抵禦晝夜苦戰明攻暗
襲屢挫兇鋒而賊聚愈多重圍難解二十一日

該逆在金家樓施放火礮距營里許不得不出
奇制勝是夜四鼓潛令兵勇將火箭噴筒乘風
施放焚燒賊營內草棚該逆并死拒守須臾火
藥房轟發始各驚潰我軍直前截擊斃賊無數
遂將賊營毀平二十三日李官保莊等處之賊
自焚其營退回螺螄灣三里岡五里墩等處雖
係畏威思遁而賊情詭詐不可不防旋據探報

欽定四庫全書

卷七十一

賊將赴西鋪紮營絕我糧道並阻含山昭關之
路該總兵當即派勇在彼埋伏另派兵勇伏於
中路山岡天色漸明果有賊衆千餘直奔西鋪
伏勇驟開槍礮賊已大驚中路伏兵衝出斃匪
甚多賊愈不支遂皆潰散等情查和州一旅屏
蔽餘全且爲廬城後路從前江南各賊米糧皆
取給於此故必與我力爭現經該總兵竭力支

聞

持慶戰二十餘日始行擊退一時雖可無虞而
江南一水相通誠恐糾黨復來 臣仍飭令該總
兵相機堵剿毋稍疏虞奏入報

十二日 甲子 秦定三奏言查廬州爲皖省心腹臨
淮爲皖省咽喉東南賊氛未靖西北逆燄方張
兼有餘捻出沒淮泗之間河道梗塞餉路難通

欽定四庫全書

卷七十一

軍米亦無從購辦關係匪輕福濟等籌防廬郡
當此萬緊之時斷難分兵他顧然北路情形亦
甚緊急未有舍咽喉而心腹可以久固者 臣所
帶黔兵一千早經帶傷過半新挫之後道路流
離前次清釐兵數來廬者僅數百名經福濟撥
餉撫恤並酌撥槍礮交鮑雲翥帶領暫駐店埠
防堵一面招集新兵補足原數惟正六一帶不

僅賊逆須勦卽鳳穎各屬捻匪乘機勾結在在可慮且和春所撥馬隊尙未到皖勝保袁甲三縱能酌撥援兵亦恐緩不濟急臣所帶兵二千二百名水陸兼馳萬難敷用茲與福濟等籌商於萬無可撥之中酌撥富和所帶吉林馬隊二百五十名慶瑞等所帶陝西兵五百餘名先由臨淮前進以通餉路卽一面赴正陽關由水陸進攻清淮北之咽喉正以保廬州之心腹實於餉路有裨將來穎屬路通豫省米糧亦可源源運解南路軍心可期漸固全局攸關不得不力爲籌及至兵力單弱惟有懇

恩由北路迅撥馬步精兵並請

旨飭撫臣撥給糧餉俾壯聲威而資軍食奏入

上命軍機大臣傳諭福濟奏定三曰現在廬州三面皆

聖皇聖考卷一百七十一

三

賊勢成坐困所恃以通餉道者惟在臨淮一路卽福濟前奏亦稱逆匪若由六安直達臨淮則軍火糧餉無路可通是保全臨淮實關廬州大局該提督現旣帶兵前往著卽暫留臨淮一帶俟勦辦就緒再行前赴江南至請由北路添兵助勦之處此時實無可分撥勝保現在穎州勦匪儘彼處得手自可馳赴六安會勦正陽一路與臨淮聲息相通袁甲三業已帶兵前往俟到關後卽可與該提督合力進勦

聖皇聖考卷一百七十一

三

欽定勦平粵匪方略卷一百七十二 丁巳年

三月十四日 丙寅 福興文俊奏言 臣等因侍郎曾

國藩丁憂自行陳請由瑞州回籍該郡正當圍

攻喫緊經 臣等奏請留營一面委糧道李桓諄

切挽留據該道回省稟述曾國藩未允已於二

十一日起程還楚瑞軍一切布置悉如該侍郎

在營之日目下軍心大定各營兵勇已分隸副

將普承堯知府吳坤修知州劉騰鴻妥為統轄

臣等復統籌全局西路瑞臨等處既不可稍涉

鬆勁東路撫建兩屬尤不得置之度外加以撫

州亟宜進兵廣信亟應堵守正在熟籌兼顧東

西兩路疊據探報暨貴溪等縣稟稱十二三等

日景德鎮又續到皖南賊匪數千仍由祁婺竄

來循樂平萬年至貴溪之步前街安仁之黃金

勦平粵匪方略卷一百七十二

一

勦平粵匪方略卷一百七十二

二

埠等處意欲竄併撫州合前竄弋陽河口之賊

不下數萬該逆如併入撫建後長驅南路援吉

援臨隨其所之駐常山之署衢州鎮饒廷選因

廣信戒嚴即移玉山扼防原為就近策應諸路

協同保守信郡現聞賊竄婺源該處防剿之參

將師長鑣已退至白沙關該署總兵即駐常山

趕辦堵剿距信郡較遠難保該逆不旁竄德興

是廣信又當其衝現在各路警報疊至圍郡軍

民驚惶 臣等籌議欲迅復吉臨必須分攻撫州

欲進兵撫州必須先固廣信要非厚集兵力不

能圖功西路情形除瑞營圍攻正緊無可抽撥

外其吉安一軍昨因援賊突至不下二萬餘眾

我軍大戰傷亡不少臨江一路近又因統帶援

師之候補道劉長佑挫敗退紮新喻知府蕭啟

師之候補道劉長佑挫敗退紮新喻知府蕭啟

江所紮陰岡嶺之軍遂形單薄該二處皆無兵
可分查九江水陸兩軍數及二萬頃由臣等函
商湖北督撫臣等酌合於李續賓所帶兵勇內
分調數千名來江協助進攻撫州惟能否前來
尙未可知至咨調之閩兵二千節據該督臣咨
稱防兵本屬無多實難再撥須俟江省進剿建
昌時方能會合夾攻以剿爲堵現時尙隔撫州
勢不能越撫而圖建而請調之粵兵迄今亦未
接准咨覆此外則別無可調之兵若欲就地募
勇大率彼散此募斷難得力臣等目睹臨張傍
徨中夜幾於無計可施因思山東陝甘直隸等
省官兵夙稱勁旅可否額懇

聖恩於各該省添調精兵數千名協助江省兵力俾臣
等得以盡心勦辦庶冀疆圉早靖臣福興拜摺

聖恩厚澤卷百七十二

三

後卽先赴瑞州仍趕緊馳往廣信籌辦東路現
在由省至廣信安仁沿河一帶已有逆匪在梅
港紮營與東鄉之賊相聯四出擄掠惟當迎擊
而前爲且進且剿之計曾國藩業經回籍目下
軍務緊要應請

旨飭催該侍郎迅卽來江以便共圖勦辦奏入

上命軍機大臣傳諭官文胡林翼福興文俊曰此時江

聖恩厚澤卷百七十二

四

西西路各城圍攻正緊惟東路空虛特甚該將軍所
擬力保廣信分攻撫州自係要著惟北路勁兵徵調
已多此時實無可抽撥湖北水陸兩軍在九江者數
幾二萬旣據福興咨商官文等於李續賓所帶兵勇
內分調數千名卽著官文胡林翼斟酌速辦如九江
卽可克復固應分兵協濟若攻克需時亦應移緩就
急至該將軍擬先赴瑞州再回廣信兩郡相距較遠

誠恐策應不及著於行抵瑞州後卽由梅港東鄉一帶節節進剿直抵廣信以固閩浙藩籬瑞州營中無可分之兵亦著妥籌分撥但不可顧此失彼南昌省城現存會國藩兵勇尙有若干能否分撥前赴撫州亦著福興等酌量辦理前據晏端書奏廣信存城兵勇不下八千名福興前赴該郡亦可就近調撥分投勦辦

聖朝聖考卷二百七十二

五

十七日己巳晏端書奏言查婺源防所先經己革

參將師長鑣等各帶兵勇在中雲大白司分紮兩營賊自景德鎮入婺源之富村等處師長鑣督隊迎勦在橫槎接仗頗有斬馘署婺源縣知縣吳詔綸等各帶兵勇助陣該逆大股屬至由兩路山梁包抄中雲營盤師長鑣力戰陣亡吳詔綸等突圍衝出詎該匪前股已竄入城內趕

援不及張芾於賊竄婺源境之先已添派遊擊王夢麟會同守浙嶺之都司程永年等分布扼禦聞警時復令派隊赴清華街策應又以五嶺空虛飭休甯縣知縣唐寶昌募勇並飭遊擊吳偉奇等各帶川勇同赴五嶺相機堵勦又派余永椿等帶勇前赴休甯隨同總兵周天受策應各路迨婺源失守卽飭周天受親往五嶺督勦時

聖朝聖考卷二百七十二

六

貴池之賊屯聚香口殷家匯祁黟更形喫緊復飭署皖南鎮總兵江長貴督率都司陳培基等分防華橋柏溪漁亭羊棧嶺等處飭黟縣知縣王垣齊團固守該逆知防守嚴密不敢入嶺由香口竄擾石埭之穰溪河意圖取道太平以進竊嶺張芾飛調駐防休甯之余永椿等駐防柏溪之許璜等從竊嶺馳赴太平之甘棠村又調

駐防濠亭之都司張崇禮等出羊棧嶺會勦太平縣知縣楊裕仁亦督團在三折嶺堵截周天受聞太平之警留吳偉奇等扼守五嶺從間道馳出湯口二月二十七日賊犯三折嶺楊裕仁督團擊退二十九日周天受派守備袁國祥防龍門嶺都司馬懷珍防三折嶺訓導吳欽曾等防鐵甲嶺該總兵督同余永椿等扼駐甘棠並

欽定剿平粵匪方略卷一百七十三

七

飭楊裕仁帶勇分守竹龍岡新嶺等處而婺源之賊因聞官軍進攻在西南兩門搭造浮橋意圖逃竄王夢麟等當於浙嶺派隊會同吳詔綸等整旅而前施放槍礮賊眾驚潰即由西南兩路逃竄當將婺源縣城收復張芾以石埭之賊未退北路正在緊要飭令帶兵各員仍回嶺防以備調遣其三衢各路前因婺源失守後大股

匪徒自新建鎮竄近白沙關繆梓等添兵防勦刻下餘匪分竄樂平德興而開化等處尙有遊匪各路之防尙關緊要臣已咨饒廷選等實力防勦至婺源縣城距徽郡二百餘里距開化一百餘里閒以崇山峻嶺本屬兼顧爲難將來應如何分兵協守之處容臣咨商張芾鄧紹良酌覈辦理至已革參將師長鑣力戰捐軀可否仰

欽定剿平粵匪方略卷一百七十三

八

懇

天恩俯准開復原官照例議卹之處伏候恩施其餘陣亡員弁兵勇暨在事出力官紳人等俟查明分別奏請獎卹奏入

上諭內閣曰江西景德鎮賊匪竄陷安徽婺源縣城遊擊王夢麟等同時進攻當將縣城收復竄逸各匪仍著該撫飭令帶兵各員分投搜勦盡殲醜類已革參

將師長鑣到防後屢著勞績此次在橫槎地方擊賊
斬馘甚多嗣以大股屬至力戰陣亡殊深憫惜著開
復原官照例議卹在事出力官紳准酌保陣亡員弁
查明請卹

晏端書又奏言池州青陽等處賊匪蟻聚二月
二十三日從香口橫船渡一帶圖竄徽甯兩路
守嶺川勇眾寡不敵駐防崇覺寺總兵蕭知音

聖皇聖考卷二百七十三

九

督隊接應賊知後有援師從間道竄入石埭抄
崇覺寺之後蕭知音拔隊馳赴漳村與遊擊石
玉龍連營屯紮力扼內竄鄧紹良派遊擊吳再
升等從涇縣進發相機援勦二十六七日蕭
知音石玉龍會督守備吳正熙等及署涇縣知
縣高楨帶領二十七姓民團兩次敗賊槍斃賊
目二十名俘斬五百餘名鄧紹良現飭蕭知音

扼守涇縣吳正熙扼守萬級嶺一面派副將蔣
錫光統領吳再升等凱勇知縣曾繼勳等英勇
同所部清勇馳出孝思嶺會合張芾派援太平
之師力圖恢復石埭並令涇太民團齊心協助
至蕪湖之賊於二月二十七日從紅楊樹分股
直撲灣沚並從大王廟後路叢擁而進道員仲
孫懋等策勵諸軍會督遊擊楊金榜等分投勦

聖皇聖考卷二百七十三

十

捕接仗竟日斬獲賊目三名生擒五十餘名殲
斃數百名二十八日該逆二千餘人竄至晏公
廟又分股至龍尾張紮壘我軍四面圍攻火器
齊施燒斃逆匪不少並將逆壘踏毀所有晏公
廟之賊從方山竄至紅楊樹經宣城縣知縣袁
青雲督團會同官軍截殺數十名兩日之中三
獲大勝臣查涇縣灣沚為內犯要衝我軍節次

擊退賊氛勦辦均稱得力惟涇太一帶嶺隘紛歧而蕪湖賊援又從金陵源源而來黃池灣沚青弋江等處萬分喫緊刻下甯郡兵勇分投派防實屬不敷鄧紹良因建平情形稍緩將前此接防建平之彪勇先行調回臣因現在建平存兵無多且水陽一帶復有賊蹤未可稍疏防範昨已咨商和春請將從前由建平調防東壩之

聖聖聖聖聖聖聖聖

十二

師飭令仍回建平以資戍守勿使逆蹤內竄奏入報

十九日辛未胡林翼奏言臣查布政使銜按察使

用李續賓忠勇樸誠才堪濟變而整飭營務和輯士卒亦賴其胞弟李續宜幫辦之力圍鄂以來力籌戰守悉協機宜克復省城案內李續賓

因係胞弟不列保單經臣查明未便掩其勞勩又湖南石門縣教諭蔡用錫湘中宿儒夙諳兵略臣自勦賊以後前後在南省募勇逾萬蔡用錫訪求勇士咨送來營者居其大半甚屬得力茲武漢克復未便掩其前勞候選同知李續宜可否免選同知以知府儘先選用並

賞加道銜石門縣教諭蔡用錫可否以內閣中書儘先

聖聖聖聖聖聖聖聖

十三

選用並

賞給五品頂戴出自

逾格恩施奏入

上諭內閣曰候選同知李續宜隨同伊兄李續賓籌勦賊匪頗資得力湖南石門縣教諭蔡用錫前後募勇數已逾萬均屬著有微勞自應量加獎勵李續宜著免選同知以知府儘先選用並賞加道銜蔡用錫著

以內閣中書儘先選用並賞給五品頂戴

二十日壬申和春奏言三月初八日臣與張國樑

明安泰帶同副將王浚李若珠等領馬步隊分
路進攻句容城外賊營匪徒不出屢以槍礮回
拒我軍冒煙直前愈逼愈近槍礮連環夾以噴
筒火箭緊緊圍攻斃匪不少官兵槍進外濠拔
梅花樁正冀得手適西北門南門各出賊千餘

聖朝聖略卷百七十二

十三

人奔來我軍迎頭截擊該逆拌死抵敵鏖戰甚
久斃賊多名猶不退走張國樑督率小隊攔腰
橫衝臣帶領馬隊兩面圍抄立刺執旗悍賊數
名賊勢大潰張國樑王浚等揮令兵勇追殺數
里屍徧郊野趕至濠邊槍礮如雨約斃賊匪二
百餘名生擒三十名其溧水之賊又添二千餘
名在高陽橋一帶盤踞副將魯占鼈等帶隊攻

勦該逆始而踞險不戰我軍槍礮轟擊突出賊

數百人來迎魯占鼈等奮擊殲斃甚眾該逆敗
退趕殺數里又斃多名燒燬賊卡二道因路徑
紛歧林木叢密未便窮追計斃賊百餘名砍取
首級二十一顆三月初四日傅振邦虎嵩林帶
領兵勇分攻各門逼近濠邊仰攻多時城上槍
礮絡繹我軍槍過外濠拔樁而進焚燒賊匪望

聖朝聖略卷百七十二

十四

樓二座燒死賊匪十餘名其高陽橋援賊尙未
退走傅振邦現於南城外築立擋牆用大礮對
城晝夜轟擊使該逆不能安枕以期得手
和春又奏言據浙江巡撫臣晏端書咨稱蕪湖
來賊千餘名竄至灣沚當卽派兵進攻斬賊甚
眾該逆雖已敗退尙在附近一帶東壩建平相
距非遙請派調官兵防守等因臣查蕪湖之賊

既在灣沚附近窺伺建平東壩自應派兵堵禦以杜內犯前由建平派赴東壩防堵之潮勝勇七百名應卽飭令仍回建平並由句容軍營揀派湖南精兵七百餘名交副將朱承先帶領馳赴東壩防守以昭嚴密奏入均報

同日文俊奏言查饒州北界彭澤都昌東鄰祁

聖皇聖考卷百七十三

七

門建德逆匪環伺防兵又單上年十二月間鄂省敗匪萬餘自都昌闖入鄱陽之泥灣等處經都司畢金科等往勦該逆竄往浮梁縣景德鎮並有安徽敗匪七八千由祁門亦竄至浮梁縣署知縣楊錚帶勇堵勦先勝後敗逆匪遂先後由樂平萬年安仁等縣竄入撫州餘尚占踞景德鎮正月初二日畢金科因浮梁縣約會夾攻

於初四日抵鎮而浮梁勇尚未齊畢金科卽率本營進勦分派千總李飛龍等由各巷口衝入自帶哨官李克封等由正街進詎伏賊四起鏖戰逾時竟致潰敗畢金科力竭陣亡饒郡大震駐防各勇潰敗餘俱移紮角山前十八日署饒州府知府馮詢移請駐防餘干之都司林保赴郡協勦二十三日千總陳開榜尋獲畢金科屍

聖皇聖考卷百七十三

七

身正收殮聞聞大股賊匪由四十里街來撲郡城林保卽帶勇迎勦賊匪已自北門撲入林保督隊堵截砍倒執黃旗賊目二名直入賊陣左右衝突殲斃十餘名賊匪四面合圍林保身受三傷幸哨官時連科等馳至合力抵禦殺賊數十水師礮船開礮擊斃無數賊敗退屯聚油墩一帶此皖鄂敗匪分竄各屬情形也廣信府屬

之貴溪縣毗連撫建饒州調撥知縣李元度帶
勇守禦撫州賊匪屢擾貴溪縣之上清廬潭及
安仁縣之鄧家埠均經李元度擊退正月二十
一二等日另股賊匪四五千復由景德鎮竄過
萬年將赴撫郡李元度卽飭彭斯舉等帶隊於
二十三日赴安仁截勦逆匪見官兵已至旋即
折回萬年二十四日竄擾貴溪之百丈嶺一帶

聖朝聖考卷七十三

七

李元度飛調彭斯舉等同貴一面派吳修數等
帶隊放哨丁家坊之賊卽退回三板橋二十五
日該逆改竄弋陽縣彭斯舉等督兵進勦弋陽
縣知縣善普率勇嚮導路遇放哨賊六七十人
悉爲我軍所殺附城屋內有賊百餘復圍殺大
半黃兆霖等乘勢直衝入城遇賊卽殺忽逆黨
數千三面包出黃兆霖爲火彈燒傷與彭斯舉

等突圍而出是日三板橋續到賊二千餘李元
度隨將彭斯舉等調回堵禦該逆亦併歸弋陽
彭斯舉等跟蹤追擊善普及同城文武亦率團
來會其先到弋陽之賊已搭浮橋過河後到一
股尙踞弋邑彭斯舉等自北門進攻賊正過河
截殺七八十人賊爭趨浮橋擁擠落水者不少
對河賊黨情急將浮橋拆斷未經過河之賊復

聖朝聖考卷七十三

八

被我軍殲斃多名餘賊竄往黃土港而去當將
縣城收復二月初一日該逆竄擾河口鎮經署
同知孫家鐸等於三更時進勦該逆不知我軍
多寡卽望鉛山奔竄沿途追殺十七名初三日
該逆冒雨來撲鉛山北門署知縣陳汝楨等開
礮堵禦不意西門城牆雨後鬆塌逆匪卽由缺
口衝入數十人縱火焚燬衙署陳汝楨等趕往

撲救值外委李化龍自河口趕到逆匪疑爲援軍遂卽退竄約殺賊四十餘人該逆旋竄鉛山弋陽邊界之吳坊一帶並窺伺閩省之雲際關被該處兵勇擊回現俱竄往建昌而景德鎮地方於初九日又到股匪數千擾及貴溪萬年餘干一帶此信郡各屬被擾情形也道員劉于瀆上年駐兵樟樹十二月初二日派蔡康業等陸

聖朝方略卷二百七十一

九

勇及康國器等水師擊沈賊划淹斃賊匪二十餘名初三日臨江之賊來犯亦爲擊走復探得三溪館地方有賊千餘營盤四座劉于瀆親率兵勇進剿殺賊不計其數焚其營壘連日復率水師及平江勇攻破銅鑼地方賊營三座斃賊五百餘人三十日臨郡賊匪來撲我營劉于瀆令何堯臣等分路迎敵平江勇楊三保首砍執

黃旗賊一名賊勢稍卻各軍馳勦該逆自相踐踏死傷甚多直追至臨江城下而還正月十二日復派平江勇數百名赴蛟湖接仗失利幸經水師截住賊不敢追十九日探聞撫州賊匪合皖鄂賊約數萬人赴援瑞臨劉于瀆卽派李逢春等各帶礮船赴新淦截擊逆匪擄得民船百餘號欲渡我軍開礮轟擊賊卽紛紛上岸追逐

聖朝方略卷二百七十一

二十

三四里將被擄民船奪回二十一日離樟樹十五里之香溪地方有賊數千劉于瀆乘其遠來立派羅玉祥等疾馳進剿該逆不戰而遁追殺數十人是日又有股匪數千竄撲豐城劉于瀆卽帶領礮船助勦鏖戰二時賊始敗退二十三至二十七等日逆匪數千竄至距樟樹二十里之潭埠地方屢次竄撲均經水陸各軍先後擊

敗二月初三日探知黃竹巷地方有賊數千劉于瀆卽令水陸各軍進剿初五至十四等日擊敗來援沙湖股匪攻破蕭公廟賊營遂併力齊攻香溪賊衆膽落盡望新淦竄去此樟樹豐城疊次防勦情形也補用道劉長佑知府蕭啟江克復袁州後劉長佑收復新喻進攻臨江之西蕭啟江先勦上高進攻臨江之北蕭啟江行抵

聖朝聖曆卷一百七十三

三

上高縣之漢塘地方紮營賊分股來撲蕭啟江開營縱擊敗之進攻上高縣城該逆鼠竄收復城池搜勦官盤地方焚燬偽監軍傅家淦巢穴進攻陰岡嶺各路獲勝斃賊數百名落水溺斃者無算適聞臨江有賊數萬分萬餘至陰岡嶺撲營湖坊及劉公廟各來大股勢如潮湧蕭啟江令蕭啟淮等分投迎勦鏖戰四時殺賊六百

餘人生擒數十名餘匪敗竄二月初八日臨江逆匪二萬復分路來犯蕭啟江督同各將弁迎擊苦戰竟日殺賊多名餘賊敗匿彭家村道員劉長佑一軍敗賊於陽門探聞撫州來賊四五千與臨郡之賊三四千屬聚羅坊劉長佑率隊往勦賊列陣於羅坊前後不下萬餘人劉長佑派各營前後抄勦劉坤一等匹馬衝突各勇奮力直前再接再厲街後之賊先敗街前之賊隨亦沿河潰走追殺二十餘里共計斃匪四百餘名生擒十五名是日卽紮營羅坊並調留防袁郡都司黃三清移守新喻本年正月初間移營大坪地方俟蕭啟江兵至會攻郡垣詎意臨郡賊匪數萬撲營劉長佑正在抵禦伏賊四五千自後路突起以致各營全陷劉長佑退回新喻

聖朝聖曆卷一百七十三

三

該逃自大坪撲營後欲悉眾來犯陰岡嶺蕭啟
江一軍甚為喫重瑞州大營已抽撥湘寶等勇
一千五百名策應此分攻臨江劉長佑失利退
回情形也 臣查劉長佑一軍挫衄退回蕭啟江
駐紮陰岡嶺勢甚岌岌瑞州不得不分兵救應
吉安又添援賊萬餘我軍苦戰實甚急宜撥兵
圍攻撫建擣賊所必救既可分臨吉賊勢亦可

聖 旨 奉 旨 卷 百 七 十 三



聖 旨 奉 旨 卷 百 七 十 三



保全廣信要區而本省急切無兵可撥前經西
安將軍福興會 臣奏請調外省精兵惟有靜候
諭旨遵辦都司畢金科身經百戰驍勇超羣此次深入

重地被害甚慘懇請

飭部照遊擊陣亡例從優議卹其餘員弁應請分別辦

理奏入

上諭內閣曰本年正月間湖北敗匪竄擾江西景德鎮

地方都司畢金科等帶兵進剿遇伏陣亡均堪憫
都司畢金科著交部照遊擊陣亡例從優議卹訓導
沈其秀把總朱政平外委王典太毛繼緒唐福星均
著照例議卹署浮梁縣知縣楊錚署浮梁營都司守
備張舉文並不帶兵合勦實屬咎無可辭弋陽縣知
縣善普弋陽汛外委游得才署鉛山縣知縣陳汝楨
護理鉛山營都司胡再陞於城池被擾雖經擊退究

聖 旨 奉 旨 卷 百 七 十 三



屬咎有應得楊錚張舉文善普游得才陳汝楨胡再
陞均著革職留任以觀後效儘再不知奮勉即著從
嚴參辦

二十一日 癸酉 怡良趙德轍奏言查團練鄉兵成

法頗多各省情形不一以江蘇而論或隨營助
剿或在境防堵辦法雖各不同而奮勉圖功則
一內惟六合縣疊次殺賊立功團練尤為得力

上年江鎮各大營失利附近團練解散其餘各處則仍舊舉行臣體察得實將附近者招集流亡設法整頓並諄飭此外各地方官會同紳董將已團者益加訓練未團者剋期聚集是以丹陽句容亦疊次隨勦出力宜興荆溪燒燬賊船斃匪多名金壇練丁協同官兵保守危城蘇州團練協獲潮匪百餘名盤獲奸細不可數計嗣

聖聖聖聖聖聖

三

聖聖聖聖聖聖

三

旨飭令已革臬司查文經專辦常州團練並令紳董隨同經理迄今半載有餘各屬轉相倣效規模尙屬整齊民心藉以安定此皆明效大驗也惟奉行之得力官與紳均不容偏廢必須審度情形分段管理以專責成擬請將裏下河各州縣及通海二州屬責成駐紮泰州之署兩淮運使郭

沛霖督辦江甯府屬之六合江浦責成六合防堵之已革道員溫紹原督辦上江句容等縣及揚州府屬之江甘儀徵等縣責成各該管知府督辦常州鎮江二府屬責成常鎮道喬松年會同查文經督辦蘇松太責成臬司督辦所有現任各官均加督辦團練銜其由司督辦者該管道府州均作為協理由委員及道員督辦者該管知府作為協理由知府督辦者該管知府作為協理一律加協理銜仍總其成於統轄全省之臬司至州縣為親民之官應即責成各自專辦而郡有郡紳邑有邑紳除奉

聖聖聖聖聖聖

三

旨督辦之蘇州紳士潘曾瑩等常州紳士趙振祚等經理有年歷著成效外其餘各處統由地方官遴選公正紳耆會同經理臣等按照章程隨時考

一第... 丹... 頁...

覈奏八

上諭內閣曰江蘇現在偏近賊氛團練尤關緊要該官紳等果能實心經理既可保衛鄉閭尤可助勦賊匪所有裏下河各州縣及通海二州屬卽著署兩淮運使郭沛霖督辦江甯屬之六合江浦二縣著已革道溫紹原督辦上江句容等縣及揚州府屬之江甘儀徵等縣著各該管知府督辦常州鎮江二府屬著常

欽定剿平粵匪方略卷一百七十二

七

鎮道喬松年會同已革臬司查文經督辦蘇松太一路著該省臬司督辦凡有現任各官經該督撫派令督辦者均加督辦團練銜其有由司督辦者該管之道府州作為協理由委員及道員督辦者該管知府作為協理由知府督辦者該管同知作為協理均著加協理團練銜以專責成一俟軍務完竣卽行撤銷該員等當督飭州縣各官遴選公正紳耆會同經理

查照原奏章程隨時考覈嚴定賞罰以副朕除暴安良至意

二十三日 乙亥 德興阿翁同書奏言瓜州逆巢屢

攻未下臣等因爲明攻暗搆之策使其日夜不得稍休自二月二十九日起屢與余萬清往返函商南北同時進取奈該逆總以負固深藏爲得計水陸要口添設礮壘阻我深入三月十二

欽定剿平粵匪方略卷一百七十二

三

日通傳各營分路進勦徑抵賊濠連環轟擊賊被我軍攻緊先由東岸尹家橋出賊六七百人總兵鞠殿華會同協領博奇等帶兵繞至陳家灣正與賊遇將埋伏之賊先行搜殺又分兵交遊擊劉琮等向王家大院繞出賊後賊衆正由玉皇閣搖旗前來被馬隊抄前衝入卽時敗逃計斃賊約百餘名西岸上瓜州由江邊出賊千

餘名槍襲經參領富明阿同參將王巨孝等分
左右翼擊其兩旁賊窺中路稍虛直撲我軍幸
叢葦中先伏兵勇候賊偏近齊出賊首尾不能
相顧紛紛奪路奔回殺賊甚夥富明阿等正在
跟追賊眾突又傾巢而出徑向西路土橋一帶
撲去其時副將英貴等在四里鋪整隊繼進即
分途向西攔截又添調東岸官兵過浮橋助剿

聖朝聖方略卷一百七十三

三

侍衛蘊秀見賊抵死不退復調擡槍銅礮率同
遊擊匡國棟出其不意吶喊而入賊驟見披靡
為銅礮轟擊應聲而倒者甚眾遂同富明阿會
合併擊壓至濠根守備哈連升等奮不顧身踰
濠追賊手刃多名遂即撤隊計斃賊四五百名
兩岸官兵俱極奮勇大獲勝仗十四日中下瓜
州又出賊匪千名向虹橋八里鋪窺伺經鞠殿

華同烏爾恭額向前迎敵賊知有備即刻竄遁
再據探稱金陵近添賊黨竄往江浦拒守特派
總兵成明馳赴浦口察看水陸軍情

德興阿翁同書又奏言查暗襲賊營宜在夜間
而於水師尤便頃據總兵陳國泰報稱本月十
三日密派守備盧瑞祥駕三板二隻快划四隻
順靠江邊潛進至瓜州口門向賊壘圍繞放礮

聖朝聖方略卷一百七十三

三

燈其望樓數間賊眾鼎沸旋因風大浪高駛回
十五日夜又派都司黃廣泰帶船前往將近口
門見有賊船數隻忽前忽卻似欲誘我深入當
即齊開槍礮擊沈雙桅船一隻賊匪溺斃無數
等語臣等仍檄飭該總兵相機接續襲擾使賊
不得稍息奏入均報

聞

防失去實屬目無法紀著福濟卽將滋事兵勇查明從嚴懲辦並將不能彈壓之帶兵各官據實參辦福濟自請嚴議之處著加恩改爲交部議處並著禮部將安徽巡撫關防卽行鑄造頒給以昭信守

福濟又奏言據署廬鳳道金光飭稟稱前月二十六日壽州解圍後該逆在三十里鋪戈家店一帶屯踞接連正陽關有復攻壽州之意該署

聖朝聖略卷百廿二

三

道卽派隊進攻行至雙橋集突遇馬賊數百名直前衝拒我軍施放槍礮斃賊二十餘名正追殺間該逆步隊約二萬餘人蟻擁來敵馬隊又從旁回裏兵勇極力鏖戰忽見該逆後隊向南急趨訪知魯家灣練總孫家熾等各帶練丁三千在池南橫擊我軍乘勢急攻該逆不支紛紛敗退計斃賊二千餘名自相踐踏死者不計其

間

數初九日探得賊在正陽池東之枸杞園紮營三座該署道復偕副都統德勒格爾等進勦行至戈家店適有馬步賊數百挨戶搜糧當用鳥槍奮擊斃賊一二十名餘逆竄回枸杞園該處西連正陽關東連雙門鋪賊營甚多恐其抄襲因分兵勇三路馬隊兩路連環圍擊行近枸杞園該逆突前奮抵我軍槍礮齊施斃賊頗多王同夏保等將該逆中隊擊敗其左右各隊兩面兜來復經官兵猛攻兩隊俱敗各營兵勇乘勝合圍立將賊營三座奪毀追殺十餘里計斃賊五六百名刺死僞將軍吳守剛僞先鋒楊得應張錠邦三名兩次割取首級百數十顆等情謹附片具陳奏八報

聖朝聖略卷百廿二

三

欽定剿平粵匪方略卷一百七十三 丁巳年

四月初五日 丙戌 官文胡林翼奏言查小池口下數十里與江西湖口對峙之段窰楓樹坳獨山鎮等處先後添築賊壘數十座外浚深濠藉爲小池屏蔽以拒我師三月初九日江甯將軍都興阿先派營總薩林等帶馬隊二百名會同石清吉步隊繞道馳赴小池口東路埋伏續派翼

聖皇軍方略卷一百七十三



長多隆阿率領馬步各軍進剿段窰都興阿自領總管巴依爾呼蘭副將鮑超駐小池口之西賊分三路出撲經鮑超等擊退其一股往援段窰被薩林等伏兵前後掩殺斃賊無數維時多隆阿甫至段窰見賊壘已成該逆又出衆數千列陣抗拒經營總密雅明阿等射斃騎馬賊目數名餘逆敗退立將賊壘十餘座毀平追殺至

八里江斃賊千數百名溺死無算十三日多隆阿等由黃梅馳至楓樹坳賊匪踞山扼險築壘數里知我軍至賊又分三路出拒各二三千人多隆阿亦分三路應之同副將王國才由中路進巴依爾呼蘭同提督孔廣順等由南路進祿昌等由北路直前逆衆抵死抗拒王國才等復分兵繞出山南賊壘之後擊斃守壘悍賊多名

聖皇軍方略卷一百七十三



賊陣大亂紛紛潰竄巴依爾呼蘭等分路掩殺生擒四十餘名追殺十餘里斬馘三千數百名時已日暮多隆阿卽傳令乘勝進剿獨山鎮踞賊遂於十五日四鼓捲甲馳赴至獨山鎮之陶岸嶺地方賊匪沿山築壘七大座外環深溝護以樹椿竹籤多隆阿因仰攻不易遂令孔廣順等以輕騎誘賊出巢而令馬步各隊分伏要隘

時值月明如晝該逆見我軍隊伍星散賊眾出
壘迎敵我軍馬隊縱橫衝殺賊勢披靡而多隆
阿等又已潛令開化勇越濠拔椿躍登賊壘齊
拋火彈焚燒賊篷數百火光燭天賊眾狂奔我
軍踏平賊壘奮力圍勦屍橫徧地又追殺三十
餘里斃賊五千餘名先後溺水死者千餘名生
擒數百名洵足以大挫兇鋒

聖朝集略卷一百七十三

三

胡林翼又奏言查九江兩岸馬步水陸欠餉六
箇月數逾百餘萬疊據都興阿咨開派兵進勦
皖省賊壘大勝四次馬步力戰行糧不敷未能
久駐皖省地界楊載福函開水師欠餉已逾六
月刻下約會彭玉麟會攻湖口便圖安慶咨請
酌給二三月口糧以便越境討賊又密函稱軍
氣不揚頗難彈壓等語臣思湖北欠餉已成積

重難返之勢前欠未清後欠又積九江兩岸之
兵以都興阿馬隊楊載福水師李續賓步兵為
最強即異日肅清江南亦必賴此三軍之力惟
現在營中飢困情形實有不可終日之勢可否
仰懇於秦晉蜀三省月餉之外

飭令山西巡撫於山西藩庫河東鹽庫項下速籌銀三

十萬兩專濟都興阿馬隊楊載福水師李續賓

聖朝集略卷一百七十三

四

步軍雖於舊欠未能清償而目前可免飢潰於
征勦大局必有裨益奏入

上命軍機大臣傳諭王慶雲曰據胡林翼奏餉欠兵飢
請於山西藩庫河東鹽庫速籌銀三十萬兩等語山
西協濟各路兵餉所撥甚多未必有此鉅款惟現在
都興阿進勦皖賊四次獲勝楊載福水師正擬會攻
湖口便圖安慶李續賓步隊亦素稱得力此三軍勁

旅不可多得自應設法籌撥雖不能如所請之數總須先撥一二十萬俾資接濟著卽妥籌速奏

上諭內閣曰此次官軍勦平小池口附近賊壘追至宿松先後斬擒賊首萬餘級辦理甚屬得手著官文等卽飭帶兵各員乘茲銳氣迅克小池口並九江府城以遏賊衝所有出力員弁兵勇著官文胡林翼會同查明並歷次獲勝出力人等彙案保奏

欽定剿平粵匪方略卷一百七十三

五

初六日丁亥王懿德慶端奏言據各屬稟報光澤縣城於二月三十日被賊在南門外地雷轟陷文武官員不知下落邵武郡城被賊圍住文報梗塞探聞已於三月初六日失陷援兵接仗挫潰等情臣等查江西撫州建昌饒州府屬地方賊匪不下二三萬之多窺伺閩疆已非一日閩省邵武建甯汀州各府均與江右毗連該逆屢

次竄突均被我兵擊退惟逆黨衆多兼值上游延建各股匪徒乘機復熾時虞內外竄併防不勝防目下光澤一縣被賊轟陷邵武郡城亦被竄擾副將張從龍參將琳潤等駐紮杉關接仗失利先後挫潰邵武爲閩省中權要郡如果被匪竄陷則建甯汀州延平等府兵勇均屬單薄萬一旁竄歧擾不但福建全省震動實於東南

欽定剿平粵匪方略卷一百七十三

六

大局攸關臣等飛飭延建邵道王肇謙駐師順昌吉州一帶分紮水陸兩營以杜賊匪南竄副將馬玉元一軍駐紮建陽使該逆不敢東犯並飭汀州鎮府速發將弁兵勇在於汀屬甯化各縣扼要堵禦毋任賊匪由西路竄擾至延平爲省垣門戶最關緊要臬司保泰駐紮延平會同興泉永道司徒緒隨時察看情形妥籌布置現

值閩省軍情萬緊兵勇處處單薄兼乏得力鎮將臣等飛調新授福建水師提督鍾寶三統帶溫台兵五百名就近由福甯一帶星馳來閩會剿

王懿德慶端又奏言據各屬稟報邵武府城實於三月初六日卯刻被逆攻陷官兵壯勇盡陷於賊臣等查閩省堵防江匪調兵籌餉已及兩

聖朝聖略卷二百七十三

七

載在防將士尙稱用命此次邵武一府光澤一縣被賊竄陷亟應迅圖恢復惟有悉心籌辦設法鎮撫並飛飭統兵大員務將首先潰散之帶兵備弁卽於軍前正法如有守土各官輒敢棄城逃避立卽嚴拏正法以昭炯戒

王懿德慶端又奏言刻下江右大股逆匪闖入閩境藩籬已破兵勇挫潰萬難得力經臣飛調

浙省溫台兵五百名並添調浙兵一千五百名來閩會剿仍恐稍稽時日所有署衢州鎮饒廷選等所帶之福建兵勇一千名現在玉山等處防堵已飛調就近前赴建甯駐紮堵禦以杜該逆由閩入浙要路並委副將吉祥接署衢州鎮篆建甯與衢州係屬接壤保建甯卽以保浙江饒廷選折回後閩省軍務稍緩浙江防務較緊

聖朝聖略卷二百七十三

八

仍當飭令飛速前往協防至閩粵係屬連界亦經臣咨請兩廣督臣葉名琛酌撥精兵二千名星馳來閩會剿仰祈

飭下兩廣督臣迅卽調撥勁旅二千名隨帶口糧派委得力提鎮大員統帶來閩並請

飭下浙江撫臣一體飛催總兵饒廷選軍先行回閩剿辦以顧全局

王懿德慶端又奏言三月初八日副將張從龍因光澤縣城被逆攻破商令琳潤督帶兵勇馳往援救行抵距縣城二十里之小嶺坡下遇賊接仗抵禦不住琳潤退回杉關二十四日張從龍琳潤同時又退至邵武查該副將等既不能激勵兵勇星馳援救力解光澤之圍輒敢節節退避以致閩省藩籬頓撤旬日之間連陷府縣

聖皇聖考卷一百七十三

九

城池各軍聞風渙散實屬玩誤軍務應請

旨將副將張從龍參將琳潤一併革職拏問按律從重

治罪奏入

上命軍機大臣傳諭蔡名琛王懿德晏端書曰江西大股賊匪由光澤竄陷邵武亟應調兵堵禦該省與粵東接壤赴援較易所有王懿德咨調兵二千名著葉名琛如數撥往派委得力大員統帶星馳赴閩交王

懿德調遣饒廷選一軍前因廣饒賊氛甚熾經晏端

書調赴玉山防堵現王懿德擬將此項兵勇調回建

甯固爲軍務緊急起見惟玉山爲全浙門戶堵剿甚

關緊要著晏端書酌量緩急如玉山防務尙有委員

可以更替自應卽令饒廷選回閩助剿儻因饒廷選

久駐該處驟難更換浙省現有項兵勇可調卽著

晏端書速爲調撥派委妥員管帶赴閩其王懿德所

聖皇聖考卷一百七十三

十

調提督鍾寶三帶溫台兵五百名並著晏端書催令

迅速起程

上諭內閣曰此次江西賊匪闖入福建光澤縣城復陷

邵武府副將張從龍參將琳潤均著革職拏問交王

懿德嚴審確情按律從重治罪邵武爲福建中權要

郡王懿德現既添調兵勇前往督勦著卽將該府縣

城池迅速克復

王懿德慶端又奏言查閩省庫儲本非充裕向賴外省協解以資兵餉邇來各省協餉久無解濟且自咸豐三年以後內則勦捕土匪外則防堵逆寇需費浩繁數年來搜羅殆盡茲值兵勇雲集軍糧未便稍有短缺若不迅籌撥濟必致貽誤軍情惟有願懇

天恩俯准在鄰近各省指撥有著之款五十萬兩務令

聖朝聖略卷百七十三

十一

星夜解閩俾資接濟奏入得

旨戶部速議具奏旋經戶部議覆擬於浙江廣東等省共撥銀二十萬兩其不敷銀兩即在本省酌量動用上從之

同日秦定三奏言臣自廬州督帶吉林馬隊陝西官兵起程行次梁園會晤撫臣福濟籌商一

聞

切即馳抵臨淮令關保所帶吉林馬隊隨同渡河紮營北岸查臨淮水路上接正陽下通清江陸路北連徐泗南連廬郡現在淮河南北各處匪徒乘釁肆起意欲勾結逆賊從閒道繞竄臨淮窺伺廬州餉道臣因飭各將弁多築營壘添樹旗幟徧貼告示勸諭鄉團搜捕或可聞風斂跡奏入報

聖朝聖略卷百七十三

十三

初七日子 戊福濟奏言查秦定三原帶黔兵戰守

尚屬得力舒桐百戰之後傷亡過半而犷悍性成往往因欠餉數多肆意譁謔秦定三力難鈐束該營弁兵多方脅制其請赴臨淮實欲假防堵北路之名藉以截餉肥私居心殆不可問黔兵臨行復騷擾搶奪經臣福濟飭令地方官紳

驅逐至定遠又有婪索供應搜毀衙署之事現
在各省撥解廬營餉銀米麥均由臨淮一路行
走儘任黔兵任意截留則南路數萬飢軍性命
莫保且臨淮關稅卡釐專供淮北勦捻兵勇口
食聞該提督札委員弁相地設卡壟斷圖利恐
南北各軍皆受其累若驟加整飭必至激生事
端再四籌思惟有懇

聖軍方略卷二百七十三

十三

恩嚴飭該提督仍帶黔兵真勝勇一千二百名速赴江
南隨勦惟皖兵驟減分撥更恐不敷應請

旨飭令和春撥還精兵千餘派得力戰將管帶來廬以
資防勦其秦定三前調赴臨之漢中兵五百名
吉林馬隊二百名並可令其留守藉資控扼奏
八

上命軍機大臣傳諭福濟曰秦定三駐紮臨淮原爲疏

通餉道既據福濟聲稱現在餉道已無虞梗阻著傳
諭該提督卽帶所部兵勇遵旨馳赴丹陽和春軍營
助勦其漢中兵及吉林馬隊仍留臨淮以資扼守至
和春營中前已派兵八百名馳赴廬州本日復諭該
大臣酌量添撥與秦定三帶往兵數相當惟江南兵
力亦非有餘能否添派諒和春必能斟酌妥辦也

聖軍方略卷二百七十三

十四

上又命軍機大臣傳諭和春曰前諭提督秦定三赴和
春軍營助勦本日復諭令統帶所部兵勇卽日由臨
淮起程惟廬州堵勦正在喫緊秦定三帶去兵勇自
應江南軍營酌撥抵還除前據和春撥兵八百餘名
派委協領玉昆等帶赴廬州外著再酌撥兵勇數百
名以抵還秦定三帶去兵數並催玉昆等先行迅速
赴廬續撥之兵卽飭速往以資接應

初八日 己 晏端書奏言據督臣王懿德來咨聞

省光澤縣及邵武府城相繼失守札調溫台官兵並飭署衢州鎮總兵饒廷選前赴建甯堵剿臣查饒廷選接署衢州鎮以來熟悉廣信三衢地勢民情勢難另易生手奏乞

天恩俯准將饒廷選一員仍令署理衢州鎮總兵俾資調度實於江右浙江均有裨益所有浙省調閩官兵除鍾寶三帶領提標溫台兵七百六十名

聖聖聖聖聖聖

十五

從福甯取道邵武外其另行調派之金處兵三百二十名卽飭副將吉祥統帶徑抵建甯聽候調遣至由閩入浙惟江山浦城交界之仙霞嶺天險可憑臣已咨行饒廷選等趕緊設防此外山徑可通之路自處州以至金華防不勝防亦已通飭浙東各屬文武擇要堵禦毋任匪蹤闖入奏入報

聞

十二日癸巳怡良奏言臣自上年九月患病兩次請假調治本年正月銷假視事舊疾日增非但怔忡不寐重聽健忘且遇事焦思便覺頭暈心搖形神若不相攝伏念兩江總督事繁責重現當軍務方殷籌餉籌防均須隨時經畫斷非病軀所能從事惟有仰懇

聖聖聖聖聖聖

十六

天恩俯准開缺調理以免貽誤奏入上命軍機大臣傳諭何桂清曰據怡良奏病難速痊已降旨准其開缺調理並令何桂清署理兩江總督何桂清交卸浙江撫篆已久此時計已起程兩江總督責任綦重現當賊氛未靖兼有籌防籌餉各事宜急切需人經理何桂清接奉此旨無論行抵何處著卽迅速赴任

同日福興文俊奏言查侍郎曾國藩於上年九月間赴瑞州並派五營楚勇前往十二月間因楚師會於潯陽該侍郎旋由吳城鎮往九江一行本年正月奉新克復該侍郎由省帶領吳坤修一軍同赴瑞州爲開竄長濠之計自是省城遂無曾國藩之楚軍現在守城皆本省兵勇四千餘名其水師外江則總兵楊載福統之內湖

欽定剿平粵匪方略卷七十三

七

則道員彭玉麟統之外江距省尤遠至同知曾國華在瑞營聞計回籍所轄湘勇改由同知李續宜管帶今奉

旨令楊載福就近統帶曾國藩一軍並將曾國華歸楊載福等調度臣等遵卽行知該總兵欽遵辦理惟九江之於瑞州南北相距數百里聲息難通况潯江一城臬司李續賓攻江之南岸將軍都

聞

興阿攻對岸之北楊載福之水師則據江之中流兼顧內地恐有不能是以臣福興前於曾國藩離營後卽馳赴瑞州激勵全軍加以拊循每戰皆能用命目下撫建兩屬賊勢蔓延日久臣福興原議進攻撫建嗣以西路喫緊各營亦無兵可分因卽暫駐省中就近策應大局所繫本不敢顧此失彼惟是瑞圍更緊逆勢更窮惟有

欽定剿平粵匪方略卷七十三

太

趕緊督催進攻以期此城速下再行攻剿撫建奏八報

十五日丙申德興阿翁同書奏言查三月二十九日瓜州大股賊衆約二千餘名忽出巢向土橋奔突經參領富明阿等帶領馬步馳往截勦賊卽紛紛敗走其時雙橋賊匪亦與我軍相持忽

放聲吶喊賊敗賊復結隊折回併股轉戰富明阿
又由小蘆莊繞擊賊後委營總蘇冲阿先在郭
家汊埋伏及是合併圍抄共斃賊三百餘名初
二日夜間復督飭馬步官兵銜枚而往焚燒賊
卡多處並殺守更賊數名水陸諸軍輪流撤換
表裏夾擊陳國泰水師又擊沈大船多隻初四
日二更後臣等先飭副將毛三元密派投誠勇

聖朝集方略卷一百七十三

十九

丁多名潛至賊營左近徧插火繩以作疑兵意
在誘賊竟夜驚惶疲於奔命然後大兵掩至乘
其倦惰分路痛勦又察知賊中死黨多在上中
瓜州其西北面拒守尤堅當卽分撥馬步官兵
五路進攻各令於辨色之前趕到部署已定臣
德興阿親往東岸王家大院督攻下瓜州賊巢
臣翁同書親往八里鋪策應各路同時齊進連

奪卡隘已直撲下瓜州玉皇閣巢臣德興阿派
令總兵成明等攻其西協領烏爾恭額等攻其
東副將英貴等在後接應卽親率遊擊趙樹棠
等由中間長驅直入兵勇各冒險梟渡重濠勇
氣百倍毀其礮臺兩座兵勇架梯薄城多被砍
傷相持數時之久共斃賊五百餘名其總兵鞠
殿華等分往兩岸四里鋪等處亦各斃賊數百

聖朝集方略卷一百七十三

二十

名水師陳國泰於寅刻帶船攏近瓜州江岸回
環轟擊毀其望樓將其江邊架放大礮擊沈搜
殺蘆葦中伏賊百餘名其由南岸渡江來援賊
船亦擊翻數隻查自三月以來無日不戰該官
兵等亟圖滅賊艱瘁罔辭自不難於迅克奏入
上命軍機大臣傳諭德興阿翁同書曰此次進攻瓜州
賊壘旬日之間俘斬甚多自應乘此銳氣亟圖攻克

惟江浦爲南北要衝自二月十九等日該逆出巢被擊後迄今將近兩月如何設法籌攻該大臣等未經奏及已革候補道溫紹原在軍營數年募勇助勦頗資得力前經德興阿因其干預保舉奏請革職原屬咎由自取現在該革員仍留六合防堵若責令帶勇隨同官兵迅圖克復江浦許其立功自效以贖前愆該革員諒必感激思奮當此禦侮需才之際正宜賞

聖學聖略卷百七十三

王

罰並行以收指臂之助瓜州賊勢日蹙當有克復之機現在金陵逆首以句容溧水牽掣我軍坐守金陵毫無顧忌得以分兵四出擾及徽廬內竄東壩使我防不勝防儻能先克瓜州則水師即可進取金陵鎮江之賊勢成孤立不難水陸夾攻以圖克復而金陵失其犄角之勢冀有轉機該大臣等毋得日久因循坐待兵疲餉乏致有意外之虞

同日和春奏言查句容賊匪負嵎甚固必須趕緊攻勦三月十四日飭令副將王浚等攻北門外賊營派總兵謝焜等帶兵接應營總色爾固善帶領馬隊相機截殺張國樑親督各隊往來策應臣和春居中調度逆匪卽從西門突出千餘名內騎馬者百餘名彘擁來撲我軍且戰且退誘至西山梁官兵兩面抄襲張國樑橫衝而

聖學聖略卷百七十三

王

出臣和春帶馬隊從後兜勦該逆前後受敵旋即驚潰追殺四五里殲斃不計其數趕至溧邊適賊營突出二三千人飛奔來援經李若珠等迎頭截擊又斃賊多名其南門之賊胡安泰督率官兵分路齊進奮力攻勦城內突出千餘名兵勇直前迎擊斃賊不少接仗多時忽又來賊千餘名經朱景山帶勇抄至賊後兩面夾擊賊

勢大敗四月初二日臣復派撥隊伍與張國樑帶領兵勇進攻南門外及山岡西南賊壘兩路官軍分途急進西北兩門出賊二三千名來撲張國樑揮令官軍一齊突出兩面夾攻臣督隊攔衝約斃賊五六百名南門賊營又出賊千餘名明安泰督兵分勦鏖戰甚久殲斃尤多初三日臣同張國樑明安泰德崇額率領官兵分途

聖皇聖后卷一百七十三

三

進攻西北兩路賊營各出賊千餘名分路來迎張國樑帶領王浚等衝入賊隊卽令色爾固善等帶同馬隊左右分抄痛力刺殺逆屍枕藉追至賊營外濠李若珠揮令兵勇冒煙而進圍攻多時斃賊四五百名砍取首級無數臣仍當督率官兵趕緊攻勦迅圖克復和春又奏言據余萬清呈稱三月十二日總兵

李志和等分攻鎮江南門及南水關虎頭山賊營並先於東北兩面擇要設伏以杜抄襲該逆突出二三千人分股來迎我軍奮力直前立斃多名該逆敗退東北兩門復出賊二三千人來援官軍兩面包抄約斃賊三百餘名十九日鎮城東南兩門並南水關虎頭山突出賊三四千意欲攻撲官軍營盤經巴棟阿等帶領兵勇分

聖皇聖后卷一百七十三

三

路迎勦斃賊三百餘名又據傅振邦等稟稱三月初十日督同副將魯占鼇等分路直逼溧水城下仰攻多時東南兩門各出賊數百人來迎魯占鼇等揮兵擊勦旋卽敗走二十七日探得援賊數萬人由博望大里山小茅山一帶築壘分三路而進卽督飭李定太等分路攻勦誘至山後前後夾擊馬隊兩旁圍抄逆勢披靡適西

北兩門各出賊七八百人直撲我軍營盤經魯占鼇等以礮轟擊南門復出賊千餘人況文榜等出營截殺其勢稍卻我軍乘勢壓下斬馘甚衆餘向城中敗逃約斃賊三百餘名二十九日博望援賊又分撲我軍營盤當派隊伍馳往攻勦復飭托克通阿等馬隊從旁抄擊張玉良馮子材亦帶隊截勦斃賊無數四月初一日復派

聖朝方略卷百七十三

三

馬步隊先攻小茅山一帶賊營李定太揮兵一擁而進立將小茅山賊壘十座先後奪獲追殺十餘里初二日傅振邦等分路馳赴求山攻勦賊營忽山後突出二三千人分途來援我軍奮力迎勦乘機衝入卽將求山一帶賊壘三十二座次第奪獲約斃賊三千餘名查溧城逆匪經官兵節次圍勦勢已窮蹙外賊大股來援均經

聞

立時擊退自當乘勝進攻迅圖克復奏入均報十六日丁酉駱秉章奏言楚軍克復袁州分宜各城後江西西路諸賊仍堅踞瑞州臨江吉安三府城池臣飭卽補道劉長佑率所部五千人由分宜進勦新喻以攻臨江之西南知府蕭啟江率所部三千五百人由萬載進復上高以攻臨

聖朝方略卷百七十三

三

江之西北維時吉安諸軍兵力尙單復調參將田興恕新舊虎威軍一千二百餘名與劉長佑分道前進劉長佑率所部進駐分宜於上年十月初九日卽攻克寶山賊壘乘勝尾追立復新喻縣城餘賊擊退節節掃蕩而前現在劉長佑一軍已進駐羅坊其蕭啟江一軍於上年十月十三及本年正月二十七二月初三等日

在上高縣等處疊獲大勝先後斃賊數千臣以該軍尙單飭直隸州知州劉騰鴻等馳往助之又密飭道員王鑫不必專駐一隅惟確探悍賊大股所在星馳雕剿庶臨吉瑞一帶有此一支勁旅策應三城有一先下兵力足敷調遣自可剋期掃蕩奏入

上諭內閣曰湖南官軍克復袁州分宜郡縣後江西西

欽定四庫全書

毛

欽定四庫全書

毛

路諸賊仍踞臨江等處經駱秉章飭令道員劉長佑由分宜進勦踏平寶山賊壘立將新喻縣城克復蕭啟江及劉騰鴻自瑞州分援各軍復擒斬賊數千名現在劉長佑進駐羅坊該撫飭道員王鑫馳往會勦著卽督飭各軍剋期掃蕩迅復堅城

駱秉章又奏言查安福既克臣卽札飭駐防茶陵州鄱縣攸縣官軍各自防所進攻江西永新

永甯蓮花廳等廳縣並委知縣劉拔元等由桂東進攻江西崇義上猶龍泉等縣上年十二月間趙煥聯率所部兵勇千五百人進勦永甯縣城共斃賊二百餘名遂復縣城復有三堡之捷斃賊五百餘名十九日有花木凹之捷斃賊數千是日鄱縣官軍亦有橋嶺之捷斃賊亦近千名千總胡國安會同江西地方官兵至永新蓮

花廳則賊已聞風潛竄遂並入城三廳縣一律肅清劉拔元復約同桂陽縣官紳帶勇進勦崇義於上堡地方遇賊擒斬五百餘名適江西南安府官兵亦到同復縣城紳士李召棠等又擊賊於淋洋殺賊數百名而上猶賊已潛遁十一月十五日胡兼善等進勦龍泉之陽湖賊巢斃賊七百餘名十七日分路擊賊於山坳士卒入

險各懷圖志斃賊甚多遂移營搜勦黃坑樟木坑之賊正月十六至二月初十等日各路亦疊有斬擒該賊悉數退踞龍泉縣城萬安之賊及崇義上猶永新永甯各賊亦均退聚於此比官軍偪城而營賊衆五千餘分兩路出城來撲劉拔元等豫伏營前賊至伏起共斃賊八九百名臣當嚴飭各軍相機進勦以期將失陷城池悉行收復奏入報

聖朝聖略卷百七十三

三九

聞

十七日戊戌福興文俊奏言峽江賊匪三千餘人分赴城鄉擄掠吉安府知府黃冕派出柳萬春等乘其無備帶隊往襲直抵縣城分三路殺入賊衆驚竄出城由南門渡河我軍前後包抄斃賊數十人落水溺斃無算當卽克復縣城二月

二十五日吉郡各營分路進攻郡城賊自城內及壘中約出四五千人救護我軍四面疊擊斃賊匪五百餘人三月初七日西南兩門忽出賊五六千人分布賊壘之前北門出賊約三四千人漸偪我營濠溝同知趙煥聯卽派趙福元等率勇猛擊賊卽敗退西門復出賊三千餘人拌死回撲趙福元揮勇力戰趙煥聯等率勇齊出副將周鳳山亦派兵馳赴接應賊卽敗退入城又探得永豐又來賊四千餘人竄至水南僞國宗章逆帶賊二千渡過水東會合上竄張家渡初八日復聚賊三四千分股來撲適蕭開印水師駛至各乘三板船飛棹夾攻殺賊無數下游河干水師乘勝齊進立將浮橋焚斷殺斃焚斃賊匪不下千餘人十三日戰船卽駛赴下游

聖朝聖略卷百七十三

三

焚燬賊船七隻斃賊數百人近城一帶河面一律肅清十五日各營大舉環攻三路齊進直抵城根城壘之賊均負固不出臣等仍飭令統帶各員督率弁勇乘此聲勢設法圍攻迅復要郡福興文俊又奏言據探報臨江之賊均紛紛自新淦以上竄逸渡河東行約有一二萬人如果賊勢散走則攻臨自易得手惟竄建竄信尚未

聖皇聖考卷七十三

三

可知查此時西路情形瑞圍已嚴臨賊分路敗散機勢均已較鬆而東路倍形喫重兼之前由湖口鎮遁竄之匪會同瀘溪等處逆賊攻奪分水關突入閩界間已擾及崇安光澤兩縣現與建昌撫州賊勢均可聯絡一氣且崇安壤接鉛山為廣信前路設該匪被勦回竄抑或分擾鉛邑則信郡之防尤要臣福興擬趕緊出省籌辦

東路一切堵剿事宜奏八

上命軍機大臣傳諭福興耆齡曰現在該省西路軍情瑞州已嚴密兜剿臨江之賊亦紛紛敗散惟由新淦渡河東行者約一二萬人恐其併入撫州一路或分竄建昌廣信是東路情形倍形喫重福興現在趕緊出省籌辦東路防剿事宜是否往廣信抑係先往撫建著卽相機酌辦先其所急何路最要卽先由何路進兵文俊在任兩年毫無布置致令江西賊匪擾及閩省光澤邵武相繼失守若不力加整頓必致不可收拾現已授耆齡為江西巡撫著卽會同福興籌畫機宜務使各路軍情日有起色方為不負委任

聖皇聖考卷七十三

三

福興文俊又奏言三月十五日永泰墟東西兩岸來賊千餘人意欲撲犯我軍營盤經該營官等奮擊賊卽潰散十六日賊復分股來至金樓

開

墟地方搶據並於石橋上砌築礮臺拒守道員
 劉于瀆派定隊伍水陸齊出衝殺該逆見仗卽
 潰正值春水發生劉于瀆於二十三日親督戰
 船徑抵臨城並派廣勇等營陸路紮住以備接
 應我軍兩路包裹擊賊大勝其西路知府蕭啟
 江一軍道員劉長佑一軍前於逆眾由羅坊上
 犯當經督率各營奮勇迎擊賊勢遂卻至續派
 赴援之道員王鑫計已統師前進不日亦可會
 合進剿奏入報

聖學方略卷一百七十三

三

二十七日 戊申 王懿德奏言江右逆匪竄擾閩疆

疊陷光澤邵武郡縣延平建甯一帶土匪乘機
 復熾提臣鍾寶三尙未到閩刻下建陽崇安順
 昌等縣情形喫重延郡防勦緊要所調福甯兵

聞

五百名現已到省臣親自統帶於四月初四日
 自福州起行前赴延平駐紮督飭代理臬司趙
 印川及文武員弁率帶兵勇分布堵剿總期防
 範嚴密迅殲醜類至省城根本重地業經飭派
 省標兵丁協同旗營官兵水陸設防尙屬周密
 奏入報

聖學方略卷一百七十三

三

二十八日 己酉 福濟奏言查秦定三駐紮臨淮迄
 今尙未據報起程臣隨時訪察聞其管帶黔兵
 之遊擊聶桂榮都司費國亮居心險詐遇事把
 持與不法兵勇勾串一氣秦定三爲其脅制該
 弁等在盱眙五河等縣搜截來餉勒派捐輸似
 此情形斷不可任其久留臨淮致滋擾害應請
 嚴飭秦定三卽日帶領貴州兵及眞勝勇馳赴江南務

令沿途安靜毋許藉端逗留奏入

上命軍機大臣傳諭福濟秦定三日因福濟駐兵梁園廬州餉道無虞梗阻特諭秦定三卽帶貴州官兵及眞勝勇一千二百名馳赴和春軍營助剿現在江南軍營攻剿喫緊著秦定三卽帶所部兵勇剋日前往丹陽勿許再事逗留其各省撥解皖餉經由道路卽著福濟設法疏通以資接濟

聖朝聖訓卷之三十三

三

同呂晏端書奏言蕪湖之賊竄入灣沚經我軍擊退後該逆糾集金陵黨與窺竄黃池灣沚並欲從紅楊樹圖竄甯國提臣鄧紹良當派守備張宏升等分路助剿四月初六日道員仲孫懋探得蕪湖逆黨分股直竄黃池該道雇覓鄉導於初七日直抵查家灣其時蕪湖南坪之賊分出兩股一竄方村一竄紅楊樹鄧紹良復飭遊

聞

擊吳再升等馳往策應各軍接仗二十餘次斃

賊甚多其方村之賊仍竄踞山西圩而蕪湖賊兵又添集黨援欲圖報復臣已飛咨鄧紹良抽撥勁兵於紅楊樹添設一軍藉以力遏兇鋒惟據浦城縣稟稱崇安建陽亦已失守上游情形喫重復抽派省城操練兵五百餘名交參將卓大林統帶馳赴仙霞嶺駐紮又調知府畢大鈺帶楚勇六百餘名及遊擊溫標等帶甯國所部彪勇八百餘名一併飭赴三衢交饒廷選等分撥派防奏入報

聖朝聖訓卷之三十三

三

二十九日庚戌王懿德奏言查江西賊匪於三月十九日攻陷建陽縣城又有江西另股匪徒由鉛山一帶竄撲崇安縣城旋卽失守又據報邵

武府屬之泰甯建甯等縣亦已被陷查江右大股賊匪分路竄撲我軍顧此失彼勦辦本屬棘手惟該管文武並不認真籌防設法固守輒敢空城待賊以致該逆乘虛竄突連陷城池應請

旨將署建陽縣事候補同知王華署崇安縣知縣楊丙生署泰甯縣知縣蔡嘉禾建甯縣知縣楊士箴先行一併革職由臣拏解嚴審如係棄城逃避

欽定剿平粵匪方略卷一百七十三



卽行明正典刑

王懿德又奏言據報建陽逆匪於三月二十七日直撲建甯郡城勢極兇猛該郡壤接三衢設有疏失衢防愈形喫重前調總兵饒廷選統帶福建兵勇一千名回駐建甯迄今尙未回閩新授福建水師提督臣鍾寶三經臣疊催迅帶溫台兵五百名由溫州福甯前來會勦鍾寶三杏

無隻字咨覆刻下建甯被困延郡存兵無多防勦萬分喫緊惟有飛催代理臬司趙印川迅卽酌帶現到兵勇馳赴建甯援勦務期立解城圍疏通餉道仍仰祈

聖恩飭催饒廷選鍾寶三兩軍迅速來閩助勦奏入

上命軍機大臣傳諭王懿德晏端書曰江右逆匪闖入閩疆自攻陷光澤邵武後建甯府屬之崇安建陽邵

欽定剿平粵匪方略卷一百七十三



武府屬之泰甯建甯四縣城池相繼失守復敢圍攻建甯府城賊衆兵單該督請催饒廷選帶勇折回浦城並令鍾寶三統兵趨赴延平所奏情形實屬緊急昨據晏端書奏已調溫台兵七百餘名由鍾寶三帶從福甯取道邵武金處兵三百餘名飭吉祥帶往福甯著晏端書飭令迅速趨入閩境饒廷選一軍因三衢防務喫重未能折回閩省惟該撫昨奏派往三衢

防堵有甯國彪勇八百餘名派往仙霞嶺駐紮有操
練兵五百餘名楚勇六百餘名不必令其株守待賊
著晏端書卽飭堵剿仙霞嶺將弁拔隊前進再由三
衢防堵兵勇內酌撥千名一併前進建甯歸王懿德
調度王懿德業已出省前赴延平著卽親督各兵相
機調度以期殲滅羣醜

上諭內閣曰江西賊匪分路竄入福建建陽縣城另股

聖朝方略卷百七十三

三

匪徒竄入崇安縣城並邵武府屬之泰甯建甯二縣
亦均被陷該地方官並不認真籌防以致該匪乘虛
竄突實難辭咎署建陽縣事候補同知王華署崇安
縣知縣楊丙生署泰甯縣知縣蔡嘉禾建甯縣知縣
楊士箴均著革職拏問交該督查明如係先期棄城
逃避卽著明正典刑其餘在事文武員弁下落並著
查明具奏

欽定勦平粵匪方略卷一百七十四 丁巳年

五月初二日 壬子 胡林翼奏言查鄂省克復後該

匪日思上犯武漢三月二十六日安徽布政使

李孟羣率二千五百人援皖啟行後 臣接據署

蘄州知州彭應鯉稟報探得悍賊七八千人於

四月初四日竄踞安徽英山縣城又由六安霍

山壽州等處分股上竄當卽飛調各團分扼要

聖朝方略卷百七十四

一

隘親督練勇赴英山羅田交界之樂利河駐紮
署蘄水縣知縣劉繁督勇駐該縣之雞鳴河查
爾山朱洋河一帶適李孟羣援皖之師亦至卽
飭都司盧又熊集於羅田境上初五日彭應鯉
擊賊梁家灘勝之初六日英山之賊分股出撲
我營彭應鯉又勝之斬三百餘名生擒六十七
名盧又熊截賊於途斬大旗手七名追至柘梓

堰生擒四十名而返賊即退回英山初七日賊
添集六安霍山之衆又至廬又熊戰於樂利河
身受多傷勇丁稍卻李孟羣揮軍援之仍將賊
擊退次日賊分五路撲雞鳴河一帶把總徐兆
達會同紳勇擊退初九日羅田團勇擊擄糧之
賊獲米百餘石而是日酉刻蘄水團勇失利於
雞鳴河李孟羣飭廬又熊率師往援仍有斬擒
賊乃於一晝夜內合數路之衆併力齊撲意在
乘虛而上彭應鯉探聞準備李孟羣即飭參將
趙鴻舉等分投迎勦密令羅田縣在籍同知廖
新率團勇抄賊之後十一日賊隊大至我軍一
由兩河口攻其南一由四口塘攻其北一由西
路攻樂利河彭應鯉由大畝河戴家畝等處進
駐扼賊下竄自辰至申鏖戰四時之久斃賊二

聖朝方略卷一百七十四

二

千餘名生擒三百餘名反走之賊則爲廖新之
勇迎頭截擊彭應鯉率勇乘勝克復英山縣城
其竄至雞鳴河之賊經廬又熊會蘄羅各勇截
於河干使不能越遂向太湖一帶東竄現在各
軍回勦蘄州之賊查北岸之黃梅廣濟羅田蘄
水皆與皖省接界據李孟羣稟稱自羅田橫至
蘄水蘄州之界有賊營十餘處而蘄州蘄水另
有股匪萬餘分道竄入下游官軍均在賊後請
即派兵援勦遏其上竄臣查皖省宿太等處無
處非賊豫省三河尖等處賊燄尙熾江甯將軍
都興阿咨稱大股賊衆竄逼必須添益兵力臣
即飛調興國防兵二千五百人於四月十二日
由蘄州渡江進紮張家塆又調前赴襄陽之寶
義兩營回省而先派參將葉永泰率虎營六百

聖朝方略卷一百七十四

三

人自省馳赴北岸會同堵勦不敢稍分畛域且使援皖之師無虞後路梗塞仍飛飭李孟羣迅即取道六安馳赴廬州至彭應鯉率領羅田團勇越境討賊疊著戰功此次克復英山尤堪嘉尚李孟羣以援皖之師途次接仗亦協機宜所有尤為出力之知州彭應鯉可否以知府用其餘出力官紳員弁應請查明彙獎奏入

聖皇聖考卷一百七十四

四

上諭內閣曰賊匪竄踞安徽英山縣經援兵疊勝收復城池勦辦尙為得手著即乘勝進攻俾北岸一帶迅就肅清所有尤為出力之湖北署蘄州知州彭應鯉著以知府用其餘在事出力員弁並著官文胡林翼查明保奏

初五日 乙卯 德興阿翁同書奏言瓜州逆匪受創

驚怯四月十七日 臣等令東西兩岸兵勇分投

進勦總兵陳國泰駕師船駛近瓜隄轟擊水陸兵勇互為接應城上之賊紛紛喧嚷用大礮多裝羣子憑高俯擊有黃衣賊目往來指揮被我軍開礮擊中三四名東岸官兵佯退誘賊下瓜州果出賊匪五六百人意圖追襲總兵鞠殿華等帶隊回擊斃賊四十餘名生擒十五名餘匪竄回十九日令鞠殿華等豫伏兵勇於王家大

聖皇聖考卷一百七十四

五

院一帶又令侍衛蘊秀等分帶馬步隊緊攻上中瓜州使賊黨併集抗拒其下瓜州賊營以外不設一兵鞠殿華等乘虛逼近玉皇閣賊營逆黨突出阻我進路接戰方酣總管海全等由四里鋪斜衝而來首尾夾擊殺賊數百名生擒十四名壘中之賊搖旗吹螺該逆遂從蘆葦中抄小路而遁 臣等以該逆處處有備屢攻未下令

各將領於東西兩岸逐日埋伏賊出卽擊二十三日參領富明阿伏兵於西岸之富家井白廟等處令馬隊數人至賊營挑戰該逆見我兵單卽從上瓜州出賊三四百名我兵且戰且走引賊深入伏兵齊發斃賊七八十名參將王巨孝等領步隊聯絡助勢馬隊馳突緊追截其後路生擒老賊十八名其投水未經淹斃者又生擒

聖朝軍方略卷一百七十四

六

三十名臣等查該逆久踞我軍嚴防出掠冀以制其死命現據獲匪供稱賊由金陵運糧至石埠橋屯聚擬由南岸陸續運至鎮江分給瓜州又稱賊謀竄仙女廟邵伯等處臣等惟有嚴飭水陸各軍加意扼截仍隨時密約鎮江官軍同時並舉竭力籌攻不敢稍事因循現聞句容溧水疊獲大勝賊情窮蹙俟兩處克復南岸官軍

屯紮高資斷賊接濟庶瓜鎮兩巢可期得手奏

八

上諭曰仍著實力進攻不可專俟江南捷信

德興阿翁同書又奏言臣等前以江浦之賊負嵎堅拒而揚營正力擣瓜州因暫由浦口選精兵三百餘名來揚以佐兵力並飭總兵安勇等妥籌堵剿昨據安勇等稟稱四月十六日探知

聖朝軍方略卷一百七十四

七

九洲賊匪在新埂頭等處支搭跳板意圖竄撲浦口當卽督隊往剿生擒賊匪十五名燒燬卡房五座斃賊無數又據稟稱探聞江浦賊匪多撥往句容溧水城內空虛因密飭大軍馳往攻襲並知會水師同時進攻九洲洲十九日浦軍大隊分兩路前進副都統富春等攻東南門安勇同總管台斐音保攻西北門總兵羅玉斌

等分路埋伏署江浦縣知縣袁瑞麟等帶勇助
勦城內之賊亦分兩路突出五六百人拒敵我
兵以步隊迎擊以馬隊旁抄鏖戰一時之久賊
勢不支兵勇奮力追勦生擒賊目五名殲斃賊
目十三名賊眾五百餘名餘匪退回城中是日
南岸駛來賊船十數隻直趨九洲洲時水師總
兵葉常春等聞陸路礮聲已令師船迎風上駛

聖朝聖略卷一百七十四

八

開礮轟擊立沈賊船五隻奪獲五隻逆匪落水
淹斃無算二十二日安勇等復議進攻兩處賊
巢馬步官兵於距江浦城六七里之蘆花園突
遇伏賊奮力掩殺馬隊左右抄襲賊即敗竄我
軍乘勝追殺斃賊五十餘名又擊退南門接應
賊匪陣斃三百餘名同時南岸七里洲賊船連
檣下駛下關亦有賊划數十銜尾而來葉常春

聞

督師船往來轟擊沈燬大小賊船十數隻奪獲
七隻並將九洲洲隄口賊匪轟斃數百名平毀
賊壘十四座等情前來 臣等仍飭令實力進攻
迅圖克復奏八報

初七日 丁巳 文俊奏言瑞郡踞匪因我軍開竄長

濠接濟已斷日漸窮蹙四月初一等日屢次出

聖朝聖略卷一百七十四

九

撲均經劉騰鴻等擊回惟該逆於下游搭造浮
橋伺隙旁竄 臣現飭各營嚴密巡防妥籌截擊
至臨江之賊自陰岡嶺敗後大半回竄撫州其
勢已弱祇以城池堅固尚敢負隅抗拒現經劉
長佑王鑫蕭啟江劉于瀆水陸圍攻四月初一
初六等日疊獲勝仗燒燬逆匪附城礮臺我軍
已於城之西南東北兩面築營並將沙湖地方

小河挑挖深通從此水師得以據險進攻與陸路各營四面環擊臣仍隨時督飭激勵以期迅下堅城奏入

上諭曰瑞臨兩處漸有轉機著趕緊飭令攻勦迅期掃蕩勿任餘賊負隅又竄擾他處徒受牽掣

文俊又奏言贛郡逆匪自上年九月疊經攻勦獲勝後廣東潮州鎮總兵壽山署贛州鎮總兵

聖事方略卷二百七十四

十一

阿隆阿護理吉南贛甯道汪報閏會派潮贛兵勇並各村田勇攻勦車村王母渡等處大小四十餘戰殺賊不計其數焚燬匪巢多處並令參將遮克敦布等率兵勇進紮大塘口攻破湖頭墟等處賊巢勦洗塘江竄匪外委何世彬等攻破王母渡後卽在該處紮營與遮克敦布等軍漸逼潭口十一十二兩月各軍或分路進攻或

會合兜勦蹋毀樟樹坪等處賊巢數十殺賊甚

多並經把總卓興帶勇進紮竹壩灘與大塘口

之營聲勢聯絡屢次過河襲擊殺賊無數賊營

悉毀召回被脅難民萬餘已革知府周汝筠率

兵勇在鏡壩臺頭沙等處先後百餘戰勦平賊

巢八十餘處召回難民四千餘人本年正月初

旬潮贛各軍步步進攻每戰必捷將夜坑小壩

聖事方略卷二百七十四

十一

等處匪黨殲拾殆盡自是潭口附近匪穴掃蕩無遺惟潭口逆匪負固抗拒壽山阿隆阿汪報閏移營進逼賊壘訂期正月十四日大舉環攻卓興等各領兵勇自馬房洞大塘口分路前進會攻潭口西北周汝筠等領兵勇由南康大路進攻潭口之南該逆站牆死拒礮石如雨我軍冒煙奮進卓興持矛先登躍入土牆刺倒賊目

五名賊隊遂亂金國樑等各率所部擁入孫福同遮克敦布等同時由西面衝入刀矛並舉殺賊不少縱火焚燬煙燄蔽空該逆棄營奔竄自相踐踏死者尤多並經周汝筠等截擊潮贛各軍四面包圍斃匪三千餘人生擒四百三十二名賊渠九名奪獲賊船五十餘隻焚燬賊寨二百餘座敗匪逃至楊埠地方又被鄉團截殺多

聖朝聖考卷一百七十四

十二

名餘俱逃往信豐羅村一帶而去潭口地面當即蕩平至崇義縣城自上年七月被陷後九月間大股賊匪由鉛廬竄撲南安府城知府廣勇等率兵勇死戰賊匪遁去隨飭署崇義縣知縣何允廉等分路進攻並派府經歷張翰等管帶郡兵會剿何允廉自湖南招募壯勇二千餘名又調到南康田勇三百名陸鈞亦添選練勇三

千餘名並勸諭遠村田勇協助自十月二十至二十六等日七次攻城斃匪五百餘名十一月初間連次圍攻獲勝擊敗援賊十二日何允廉等各軍併力合圍槍斃賊首王明金等數名陸鈞率勇緣城而上何允廉督勇拋擲火彈城內火起賊眾慌亂何允廉等一齊登城合力兜殺殲賊一千三百餘人生擒五十餘名餘匪開門

聖朝聖考卷一百七十四

十三

四竄又經城外紳勇擊斃一千餘人生擒三十餘名落河淹斃者尤眾當將城池克復其上猶縣營前地方餘匪亦經兵勇剿滅南安屬境一律肅清惟贛州府屬之信豐縣被匪竄擾勢甚危急經署知府楊豫成稟商汪報閏調南康南雄各勇前往救援下游萬安縣之賊亦經該鎮道商令遮克敦布帶兵往剿已飭迅速翦除毋

留餘孽所有蕩平潭口克復崇義尤為出力員
弁先行開列額懇

恩施以昭激勸其餘在事員弁紳勇容俟查明另行請
獎奏入

上諭內閣曰官兵攻破潭口等處賊巢克復崇義縣城
並將上猶餘匪勦滅辦理甚屬得手廣東潮州鎮總
兵壽山署贛州鎮總兵阿隆阿均著賞戴花翎並交

欽定剿平粵匪方略卷一百七十四

十四

部從優議敘護理吉南贛甯道調補南昌府知府汪
報閏著交軍機處記名以道員請旨簡放並賞戴花
翎參將遮克敦布著以副將儘先補用都司金國樑
趙濟川均著以遊擊卽補守備孔慶林著以都司卽
補把總卓興著以守備卽補從九品孫福同著以知
縣選用並賞加知州銜賞給該員父母五品封典已
革儘先補用知府周汝筠著開復原官賞還翎頂署

贛州府事甯都直隸州知州楊豫成南安府知府廣
勇均著免其失守屬境處分其餘在事出力文武員
弁紳勇著准其擇尤保奏以示鼓勵

文俊又奏言上年十月初信豐縣賊匪三千餘
人竄至龍南縣馮灣地方經署知縣馬修良會
督兵勇斃賊五百餘名生擒五十九名餘匪翻
山而逃又被水西葉坊等處紳勇追殺四百餘

欽定剿平粵匪方略卷一百七十四

十五

名生擒十名餘俱竄回信豐十二月間復有匪
黨七八千人竄入龍南縣澗田大龍堡等處馬
修良督勇往勦殺賊百餘該逆敗退坳頭觀音
閣勾結定南信豐之賊聚眾萬餘馬修良調勇
七千餘名接仗十七次俱有斬擒解散脅從六
千餘人正月初二日逆眾圍攻觀音閣通判周
兆熊等帶勇出擊適馬修良馳至夾攻賊匪敗

退將軍山憑險不出我軍環山開濠外築土城以期聚而殲旃二十日信豐定南賊衆五六千人由東坑八境圖襲龍南縣城馬修良分兵回援添調鄉勇三千餘名於栗樹園地方遇賊接戰殲擒四百餘人奪獲礮械無數餘匪敗回信豐二十五日馬修良率師仍赴大龍堡圍攻將軍山之賊匪黨千餘人來援馬修良撥紳勇馳往嶂背地方邀擊斃匪七百餘人生擒賊目及夥賊一百十七名敗匪四散又經各隘防勇截殺殆盡二月初一日將軍山之賊乘大風雨踰溝越牆拌死逃竄馬修良等率衆奮擊殺賊千餘生擒九百名逃逸之賊經各村紳民沿途截殺二千餘名其凍餓自縊及墜崖死者林谷爲徧龍南境內肅清署安遠縣知縣張仁法於上

聖朝聖略卷七十四

七

年攻破錫坑村賊營後四月十七日進攻新塘尾中有石圍藏賊千餘連攻未下賊首勾結大股匪黨分路來援張仁法卽帶勇迎擊斬首七十餘級連日追勦殺賊無算南鄉匪徒淨盡定南廳自上年夏間被匪圍攻擊退後仍來滋擾經知府楊豫成飭團勇勦辦頗有斬馘甯都州城於本年二月間被永豐樂安等縣匪徒攻陷知縣潘敏瑞卽派勇往賴村一帶會同紳團堵勦殺賊一百八十餘人現飭該鎮道派兵會同勦辦以期及早收復勿任久踞爲患奏入報

聖朝聖略卷七十四

七

聞

初九日 己未 官文都興阿胡林翼奏言 臣 官文胡

林翼接據安徽布政使李孟羣稟報賊首陳玉城由桐城率三萬餘衆又裹脅皖省饑民數萬

併力上犯已分道竄入黃梅廣濟蘄州蘄水羅田五州縣境希圖梗截大營後路並以阻遏援皖之師路歧賊衆防不勝防亟應厚集兵力以資堵剿等語臣等再四籌商實無可增之兵祇能移緩救急當抽調李續賓所部一千五百人渡江駐小池口而以原駐小池口鮑超五營分移孔壠黃梅其蘄州羅田一帶則調興國防兵

欽定剿平粵匪方略卷百七十四

六

福武寶三營渡江應援恭鳳二營繼之又由省調虎營六百人助剿李孟羣援皖之師則由羅田直抵英山遏其上竄四月十八日知縣李景湖率福營都司金殿安率前左寶營守備余雲龍率武營由青石嶺大路前進署蘄州知州彭應鯉都司盧又熊等率羅田勇由王家壩小路前進同攻張家壩賊與青石嶺官軍相持羅田

勇抄後夾擊盧又熊督勇接應大勝之斃賊千餘名內有偽指揮一名十九日賊衆大股來犯福武寶各營三路分進賊又分七路來衝李景湖率勇直前斬悍賊數十名賊勢稍卻而七路之賊漫山遍野寶武二營爲賊隔截李景湖率千總張鵬高等衝突鏖戰衆寡不敵同時陣亡參將張寅恭揮兵迎擊福武寶三營又回兵合

欽定剿平粵匪方略卷百七十四

七

攻斃賊數百名賊始敗退二十日參將葉永泰率虎營至都司徐統恩率鳳營亦至賊於河北分六股河南分八股約萬餘衆各營堅壁以待賊數次誘戰相持不動日午賊懈始尾追之頗有斬獲次日賊又分股萬餘竄撲夫子嶺蘄州青石嶺各營因營官戰歿軍中缺食勇丁稍潰其不潰者退保蘄州臣胡林翼飛調候補知府

邢高魁由興國渡江一面籌運米石飭令重加整頓力扼蘄州又加派都司段清平等率平超二營一千二百人由省疾趨黃州會同署黃州府知府許廣藻署黃岡縣知縣黎道鈞扼蘄水上竄之路臣官文先期調副都統舒保所部馬隊百人由襄陽回援副都統銜巴揚阿遣散川勇甫抵宜昌亦檄令迅速回援此賊犯蘄羅互

聖朝聖考卷七十四

三

有勝敗並抽調救援之情形也臣都興阿駐下游陸家嘴偵知賊竄黃梅縣屬之亭前驛渡河橋一帶隨派多隆阿率馬隊往勦四月二十日賊分三路各萬餘來撲縣城多隆阿同王國才及各營總分路擊之馬隊踰溝越嶺追賊過河燬賊壘二座忽賊由山坳抄我步軍之後我軍回騎渡河策應斃賊四百餘名探知各處賊壘

共六十餘座我軍馬步分防相距百餘里策應不便派鮑超以霆字二營移孔壠李續賓以九江三營移陸家嘴而小池口之賊乘間突出經營總巴克坦布等督隊馳勦都興阿由孔壠督隊接應擒斬頗多先是賊伏二三千於蘆葦中而以悍賊數百誘戰官軍在江岸遙見蘆葦隱動遂以槍箭環施馬隊亦由江岸抄擊立斃伏

聖朝聖考卷七十四

三

賊七百餘名生擒九十名餘皆帶傷而逃是夜我軍分百人潛過渡河橋攜帶火器伏於麥田深處二十四日都興阿率馬步隊攻渡河橋多隆阿等各帶馬步隊分路齊進賊屬聚數萬隔河對放槍礮我軍鼓勇渡河立破賊營數座賊即反奔我伏兵遂向各營壘拋擲火彈賊益驚潰焚燬賊壘二十七座斃賊二千數百名此下

游馬步各軍移動獲勝之情形也臣等查武漢克復後該逆無日不思上竄且自江甯桐城安慶至於九江千里而遙沿江並無官軍阻截饑民游勇濶入賊中非合全軍之力不能截遏賊鋒查九江及興國各營均已抽撥移紮而寶義平超四營又分赴黃州蘄水省城守兵不滿千名添兵則餉無可籌餉竭則兵心益渙現在楊

欽定剿平粵匪方略卷一百七十四

三

載福水師聯布江面尙爲安靜馬隊千餘疊次力戰頗覺疲勞已飛催舒保巴揚阿訥依璋阿各率馬隊馳赴策應除飭各路水陸馬步乘勝力攻外所有陣亡知縣李景湖等可否仰懇

天恩從優議卹以慰忠魂奏入

上諭內閣曰皖省賊匪分竄湖北蘄州蘄水邊界經官文等調援策應疊獲勝仗大挫賊鋒著卽激勵將弁

乘勝進攻將續至援賊盡數殲除毋令上竄所有陣亡之知縣李景湖著照知府例從優議卹千總張鵬高楊高桂均著照都司例從優議卹把總胡開禮六品翎頂朱大倫均著照千總例從優議卹

欽定剿平粵匪方略卷一百七十四

三

同日福興奏言臣前因江西省城南路兵力不敷移咨湖北督撫臣官文胡林翼分調九江李續賓之軍旋准覆稱該處合圍甚緊若分兵南移恐賊乘隙上犯實難分撥等語九江之兵既無可撥則規復撫建之議須待瑞臨得勝之師而廣信節次告警勢難株守省垣臣卽於四月初三日自省星馳赴信途次探知婺源之賊續行闖入江境分擾德興樂平一帶欲由弋陽趨入河口鎮臣一面撥兵赴弋陽迎截一面暫駐河口相機堵剿該逆聞風回遁不敢向前惟賊

蹤飄忽無常前此調防河口之師尚未到鎮臣
先就廣信存城兵勇抽撥六百名派都司馮日
坤等帶往扼堵以期兼顧臣由河口到廣信後
民心漸定但該處界連浙閩歧途四出不但所
屬之鉛山廣豐時虞匪蹤竄突即毗連之江山
等處亦恐乘虛而來臣惟就現有兵勇力籌堵
勦並隨時知會留駐衢防之署總兵饒廷選無

聖朝聖略卷二百七十四

三

分畛域扼要嚴防以期聯絡聲勢至瑞城之賊
因被圍甚緊屢欲撲竄無隙可乘四月初五日
傾巢而出經劉騰鴻等奮力迎擊鏖戰半日斃
賊多名該逆敗退城上礮子如雨我軍未能向
前嗣復連日出撲意欲疲我師力伺隙而逃節
經臣嚴飭各營務期聚而殲旃勿任殘匪狡脫
臨江一路現因江水驟漲水軍直逼城濠轟塌

聞

賊壘數處知府蕭啟江等已可與道員王鑫一
軍會合進攻並議將新到援師渡河而東直搗
新淦兼徇旁邑以撼撫建之勢斷賊援應臣隨
時飛飭各該員弁迅圖克復堅城分兵東勦奏
八報

初十日庚申和春奏言四月十七日我軍分路進

聖朝聖略卷二百七十四

三

攻句容縣城逆匪堅守不出兵勇撲至濠邊拔
椿欲進西北兩門各出賊千名飛奔來援意在
抄我後路副將王浚等帶兵分途迎擊該逆愈
來愈多張國樑帶隊從左面衝殺臣和春親領
馬隊由右首抄出三面夾擊逆眾拌死抵拒張
國樑揮兵槍斃騎馬悍賊數名賊勢大敗我軍
追至濠邊斃賊五六百名生擒七名其南門之

賊經明安泰督軍攻擊匪不出巢兵勇伴退潛伏忽出賊千餘分途來撲官軍突出槍礮刀矛齊施賊遂敗退追至濠邊殲斃二百餘名二十九日我軍分攻北南二門及城外賊壘並令參將戴文英領兵赴西門一帶擇要埋伏一面上前誘敵北門賊匪不出西門之賊見我軍無多突出千餘人擁擁而來戴文英揮兵迎擊且戰且走誘至西土岡伏兵突出夾擊殲斃無算賊勢漸卻我軍追殺又斃賊多名西北二門出賊千餘來援張國樑督兵勇開礮擊斃無數臣親帶馬隊橫衝而出官軍會合槍矛奮擊佐以火器屍橫遍野賊眾敗走我軍追至外濠南門突出賊千餘經兵勇痛勦殲斃甚多該逆敗退我軍追擊正在得手小南門又出賊千餘猛撲我

聖皇聖考卷一百七十四

三

軍左右夾攻斃匪不少鏖戰多時賊拒不退參將滿祿衝入賊隊立刺悍賊數名落馬逆眾驚潰該參將同守備劉信忠帶兵追至濠邊中礮陣亡是日兩路共約斃賊五百餘名生擒十一名除趕緊進攻迅圖克復外所有陣亡參將滿祿守備劉信忠應請

旨飭部從優議卹以慰忠魂

聖皇聖考卷一百七十四

三

和春又奏言據余萬清呈稱四月十八日副都統巴棟阿等帶領兵勇進攻鎮江南水關及虎頭山賊營並先於隄下擇要埋伏賊營突出二千餘人見兵勇無多擁擁來撲我軍且戰且走誘至隄上伏兵突出包抄立斃多名逆眾敗潰又追殺無數金山復出賊數百來援經遊擊王夢熊等擊退是日約斃賊二百餘名二十二日

我軍直逼城下仰攻正在拔樁而進南門南水關各出賊千餘分股來迎我軍奮擊斃賊數十王夢熊等左右夾攻參將吳世斌帶兵繞至賊後三面痛勦逆眾驚潰兵勇追擊殲斃甚眾並將五峯口一帶賊築濠牆全行平毀是日約斃賊三四百名又據傅振邦虎嵩林稟稱四月初六日率兵分攻溧水西北二門數時之久該逆

聖朝方略卷二百七十四

天

死守不出我軍甫欲撤隊兩門各突出數百人來撲兵勇分途迎擊殲斃數十名賊即退走把總謝用貴追過重濠中礮陣亡十六日我軍分攻西北門及城外賊營該逆分途迎拒兵勇奮力痛勦逆屍枕藉賊敗入巢乘勝焚燬賊卡二道斃賊五百餘名生擒偽將軍戴復生及賊眾三名陣亡千總蔣占元一員受傷兵勇十餘名

聖朝方略卷二百七十四

天

二十日探得援賊四五千人在開泰村博望一帶築壘意圖分路前進即帶馬步隊前往攻勦該逆恃眾抗拒我軍槍斃多名抵死不退張玉良等首先衝入槍斃騎馬悍賊二十名李定太從旁抄襲周天培等攔擊斬馘尤多賊勢漸卻追至濠邊將賊營合圍火器齊施逆眾驚亂兵勇乘勢擁進盡數殲斃立平賊壘四座餘匪逃竄博望之賊隨亦棄壘狂奔過河不及落水死者無算追殺十餘里約斃賊八九百名生擒偽帥五名賊眾二十二名各等語除飭令趕緊攻勦以圖克復外查把總謝用貴千總蔣占元隨征數載打仗奮勇今臨陣捐軀應請

旨飭部從優議卹奏入

上命軍機大臣傳諭和春張國樑曰此次官兵連日進

攻句容和春張國樑均能親督兵勇，旋斬尙多。惟該逆負嶠日久，牽掣我兵，傅振邦攻勦溧水，雖經獲勝，我軍亦有傷亡，終未得手。當此餉缺兵疲，豈可日事遷延，不思迅圖克復？著和春、張國樑督飭傅振邦分路圍攻，速將二城克復，再圖併力攻勦。鎮江毋得坐耗餉需，自取罪戾。

上諭內閣曰：此次句容等處勦賊陣亡之參將滿祿等

欽定剿平粵匪方略卷一百七十四

三

深堪憫惻，均著交部從優議卹。

十二日 壬戌 福建道監察御史張雲望奏言：臣惟

行軍決勝全在領兵大員，若不得其人，必致貽誤軍務。聞江南大營有保升總兵之副將王浚，曾在廣東署南雄，協於道光三十年英德清遠盜匪滋事，失機叅革。後投效廣西軍營，夤緣開復，洊升今職。該員恇怯無能，前在向榮軍中進

勦事機每爲所誤。上年五月賊由金陵城北竄出，向榮因張國樑等先已派往溧水等處，福興又不敢出隊，此外別無領兵大員，卽令該員前赴仙鶴門攻勦。連戰失利，緣該員平日於兵餉每有剋扣，是以兵不用命，敗至馬羣地面，致大營不能紮住，退守丹陽。維時營中兵勇聲言大帥如將該副將軍法從事，我等奮勇爭先同心

欽定剿平粵匪方略卷一百七十四

三

殺賊。該員懼犯衆怒，請假經旬。茲聞和春復令該員充當翼長，營中將士均聽指揮。和春在江南未久，或未知該員平日行爲，惟當防勦喫緊之際，而以此衆心不服之員，畀以重權，貽誤非淺，可否請

旨飭下和春令其秉公查覈據實具奏，則士氣作而決勝可期矣。奏入。

上命軍機大臣傳諭和春曰御史張雲望奏副將王浚
恇怯無能屢經獲咎又復營私扣餉致失兵心值此
防勦喫緊之際未可畀以重權等語和春初到江南
未必知王浚債事前情今既有人指叅著該大臣秉
公查辦據實嚴叅毋得稍存回護致誤大局再朕聞
江南大營壯勇過多往往不能打仗徒費錢糧甚至
於丹陽一帶潛行劫掠以營盤為藏身之地地方官

聖朝聖略卷百七十四

三

無從拏辦當此軍餉支絀急應裁汰浮濫況此輩行
同賊盜豈可令其匿跡軍營著和春即將無用之勇
裁撤並查明滋事各勇拏交地方官嚴行審辦以肅
軍律又聞營中委員實在辦事者無多此外皆徇情
濫收希冀保舉圖得薪水其中奸滑之員竟以軍營
為利藪軍士每憂缺餉而若輩轉坐享膏腴尤為可
惡並著和春查明將各營濫設委員嚴行裁汰以期

餉歸實用不致虛糜

十三日 癸亥 福建巡撫慶端奏言江右逆匪自分

股攻陷建陽崇安泰甯建甯等縣城後復於四
月初一日竄陷汀州府屬之甯化縣城初七日
又分股竄陷汀州府城暨清流歸化等縣城查
汀郡所屬地方與江廣兩省接壤並與上游之
延平下游之龍巖漳州處處毗連現當延建軍

聖朝聖略卷百七十四

三

務喫緊泉州府城亦被匪攻撲茲汀州郡縣各
城復先後被陷亟應迅撥勁兵速圖克復以杜
蔓延已飛咨督臣王懿德迅即撥兵募勇分赴
援勦其失守文武各官下落另行查明分別辦
理奏入

上命軍機大臣傳諭王懿德慶端曰江西逆匪竄入閩
省地方邵武失陷建甯被圍近又竄陷汀州府城暨

甯化清流歸化而泉州府城亦被匪徒乘機攻撲下
游騷動各處蔓延情形深爲可慮前已諭令葉名琛
撥兵二千名赴閩本日又令添撥一千或數百名星
馳助勦惟汀泉二府相距遠泉州與福州省城較
近自應先援泉州或分兵接應汀州已令葉名琛酌
量辦理著王懿德察看情形飛咨廣東先其所急毋
誤事機援兵未到之先應如何調兵分布王懿德已

欽定剿平粵匪方略卷一百七十四

三十四

赴延平居中調度慶端駐守省垣務須嚴扼要隘以
待調齊兵勇分路進勦浙省援兵是否已到建郡擊
退賊匪後能否撥兵固守堵禦邵武賊蹤汀州等屬
失守詳細情形及文武各員下落著慶端一併具奏
上又命軍機大臣傳諭葉名琛曰閩省賊勢蔓延兵力
單薄王懿德現往延平居中調度若無鄰省重兵救
援恐成瓦解之勢前諭葉名琛調撥廣東兵二千名

並接濟口糧諒已遵照辦理惟彼時止爲援應邵武
一府起見今汀州失陷泉州被圍恐兵力尙屬不敷
著葉名琛再行酌量添調或一千名或數百名派委
得力大員一併統帶星馳赴閩其經由道路泉州偏
近省城自應先援泉州次及邵武而汀州雖與廣東
接壤距泉州尙遠能否分兵協勦之處並著葉名琛
斟酌辦理毋誤事機

欽定剿平粵匪方略卷一百七十四

三十五

同日安徽布政使李孟羣奏言臣奉

旨赴廬援勦探得霍六賊匪屯聚流波磳一帶爲豫楚
皖三省之交未知欲向何竄卽擬由霍六進兵
將阻援之賊節節勦洗以期漸達廬州乃自英
山克復後敗匪東竄太湖糾合大股數萬徑撲
蘄州之張家塆查該處一由青石嶺大路可達
蘄州一由獅子口小路可通蘄水均爲楚之要

隘且可襲黃梅大軍之後 臣接奉督 臣官文撫 臣胡林翼檄函會勦自當先其所急惟所帶勇 僅二千五百名兵力單薄因添募精勇二千五 百名分派都司盧又熊等會同彭應鯉馳往獅 子口勦辦自帶遊擊張得勝等勇丁千餘人紮 駐英羅之交調度策應兼防霍六之賊並因蘄 州一路相距較遠力難兼顧又飛請督撫 臣派

聖皇聖考卷一百七十四

三

撥兵勇數千人由蘄州青石嶺大路相機迎勦 四月十八日青石嶺頭隊稍爲失利彭應鯉隨 同 臣軍由水路馳往援應出賊不意橫截掩殺 賊遂敗退回巢二十三日探聞青石嶺各營因 衆寡不敵稍有退卻 臣軍及彭應鯉等於二十 四日雖復要擊獲勝亦因兵單退屯洗馬畝擬 待各軍齊到再行進攻 臣恐賊匪乘虛而進卽

復添募精勇一千五百人派參將趙鴻舉等帶 領助勦督令各營刻卽進紮陳家壩一帶嚴堵 蘄水羅田一路制賊勢以待援兵 臣復咨調請 依璋阿馬隊百餘名協勦軍威頓振並飛稟督 撫 臣速添重兵援勦蘄州一路已聞江甯將軍 都興阿親帶馬隊往勦或可無深入之虞現又 探得霍山六安之賊有竄至豫省商城界者有

聖皇聖考卷一百七十四

三

進窺英山欲竄張家塆合股者皆與羅田之松 子關相近該縣團勇已調赴兩蘄人心復震 臣 已飭張得勝探明截勦如賊勢猖獗惟有將趙 鴻舉等調回親督進勦而留千餘人交朱啟仁 統帶會勦蘄州之賊計蘄州賊匪痛勦後必仍 退竄太湖宜由湖北卽分一軍跟蹤追勦不特 可免回竄且可與黃梅大軍夾攻宿太之賊 臣

助官軍之勢皖之六霍英太諸州縣與湖北之
蘄州蘄水河南之固始商城皆犬牙相錯賊股
衆多誠恐此勦彼竄團練鄉兵必不可少臣日
來多方曉諭督同各縣官接見士紳實力激勸
並遴選團練以專責成勸令自籌經費精練勇
丁又聞從前有勒捐擾民之弊出示嚴札曉以
大軍所至除莠安良斷不准將弁及地方官勒

聖朝聖學卷一百七十四

甲

捐苛斂惟此齊團固圍寓兵於農之成法須民
間勸勉集事日來各處團練漸有起色已據代
理英山縣知縣廖新會同前署知縣葉傳樾稟
稱帶領團勇堵擊張家塆後路以防回竄並於
界連太湖各山隘分屯防堵以制橫衝又據探
霍六山鄉團練近日堵擊零匪頗有斬擒臣於
據報之時皆委員親齎功牌錢米先示薄獎而

各屬尚有因勇糧無出催集不齊或臨敵畏憚
或出資觀望者全賴公正紳董實力勸導又賊
所過之地往往裹脅良民爲之擔負輜糧或偏
令蓄髮尤賴忠義士紳開誠化導收保團結使
民不從賊而知恨賊然後可以滅賊而非稍優
其鼓勵無以振作其急公慕義之誠又臣軍入
山勦賊食米斷缺幸有蘄州在籍主事駱敏修

聖朝聖學卷一百七十四

甲

勸令本籍富紳捐助米糧擔負入山以資接濟
而一軍之軍裝器械所費不貲因臣無款採辦
亦有解營濟用者此等不動正餉有益軍需似
應酌加鼓勵合無仰懇

天恩准臣於領兵進剿克復城池後將團練殺賊及捐
資練勇著有實績者擇尤酌保其在臣營捐助
米糧軍裝者一併隨時奏請獎敘以昭激勸則

兩省士民感沐

皇仁自必益加奮勵咸願出力出貲以助官軍之不足

於兵事大有裨益奏八

上命軍機大臣傳諭官文胡林翼福濟李孟羣曰英霍

蕪黃等處賊勢蔓延楚皖兩軍皆有鞭長莫及之勢

今得李孟羣一軍盡力勦辦則上可以固湖北藩籬

下可以通廬州道路關繫實為緊要該藩司原帶兵

聖聖聖聖聖聖聖聖

望

勇二千五百名兩次添募又四千餘名每月需銀三

萬兩尚不為多著官文胡林翼先速籌銀二萬兩解

赴該藩司軍營此後如廬州道路尚未能通仍著官

文等酌量籌餉協濟李孟羣已到安徽地界福濟豈

能置之度外著於各省撥餉解到後疏通道路酌量

分撥解往俾得迅速勦辦直達廬州皖楚交界地方

官紳士民團練殺賊及捐貲練勇著有勞績者即著

該藩司查明擬定獎勵如係安徽所屬即詳明福濟

如係湖北所屬即詳明官文胡林翼奏請優獎此次

勸捐助餉之贛州在籍主事略敏修即著詳明湖北

督撫先行奏請加恩以示獎勵

十八日辰王懿德奏言臣帶兵馳抵延平延屬

順昌洋口一帶賊氛正熾建甯被圍未能速解

延平三面受敵必須以勦為防當飭護理延建

聖聖聖聖聖聖聖聖

望

邵道王肇謙統領兵勇由洋口一帶逐程勦洗

馳往順昌駐守要衝俾建陽逆匪不致勾結下

竄一面督催代理按察使趙印川剋期進兵前

赴建甯解圍連日接據趙印川稟報我兵船抵

南雅口地方賊眾踞險截拒經我兵擊斃百餘

名正在乘勝追勦詎該逆先於雞公嶺一帶築

堡安礮向我師船轟擊該處山溪迫隘師船未

能挽駛必須添派勁旅繞至賊後上下夾勦方能得手又據署建甯府知府劉翊宸稟稱城外賊匪四面圍攻忽聚忽散四月十八日賊於東門挖地道轟坍城垣五丈餘逆匪蟻擁而上經兵民奮力擊退殲斃百餘名一面將轟坍城垣築補惟該逆偷挖地道不止一處刻刻可危等語臣已飭趙印川悉統精銳星馳往援並飭

聖皇聖考卷二百七十四

四

已革守備龔正勳帶水師精兵二百名隨後策應署遊擊惠壽帶練勇五百名由間道疾趨建郡約會趙印川上下兜勦復飛函密飭劉翊宸率敢戰之士出城接應一面徧諭鄉民齊團助勦計旬日之間勦辦可期得力現福建水師提臣鍾寶三已由浙帶兵起程來閩令其由福甯甯德政和一帶直達建甯統率勦捕遊擊畢定

邦所帶漳勇亦由浙進紮建甯所屬浦城縣境據稱勇力較單未便孤軍深入現經飭令繞道前進儘得生力各軍會合勦辦振軍威於新挫之餘以次進勦恢復各城庶可轉危爲安至汀州距延較遠土匪讖起文報梗阻現接各屬探稟甯化縣被賊竄擾歸化清流永定等縣防務喫緊臣業將前調赴延之漳州兵一千名及遊

聖皇聖考卷二百七十四

五

擊池金鼇所帶漳勇三百名一併改調赴汀又前募潮勇一千名催令剋日雇備統交汀漳龍道英樸調遣進勦此外密邇寇氛之福甯各屬均飭一律嚴防不准稍有疏懈惟閩省各標精兵先後派赴上下游防勦現在兵力尙單必須添募精勇以助其不足查江蘇上海道吳健彰前克復上海時深得廣勇之力該員現在蘇省

聞其從前所帶廣勇尙在上海一帶貿易已飛
咨江蘇撫臣飭令吳健彰就近召募廣勇五百
名雇坐快艇由海道自行管帶來閩聽候調遣
奏八

上命軍機大臣傳諭王懿德慶端曰前據慶端奏逆匪
攻陷建泰二縣後復竄甯化縣城並連破汀州清流
歸化府縣城池此次王懿德奏報僅及建甯府勦賊

欽定剿平粵匪方略卷百七十四

望

並甯化縣被擾等語自因文報梗阻未能遽知汀郡
情形汀州所屬多與江廣兩省壤地相接並與上游
之延平下游之龍巖漳州處處毗連賊勢蔓延亟應
杜其旁竄現在建郡城圍未解該逆已於雞公嶺築
堡安礮阻我進兵之道鍾寶三援師能由福甯直達
建甯即可令與趙印川所統兵勇上下兜勦以分賊
勢建陽逆蹤未退則順昌扼守宜嚴延平雖係三面

受敵之地王懿德既抵郡駐師正可居中策應兼顧
建汀兩路以爲省垣屏蔽惟林俊率黨復在泉州圍
撲府城著飭署提督張廣信悉數殲除俾下游早就
肅清庶上游不致牽掣前曾諭令葉名琛於前撥精
兵二千名外再酌添一千名或數百名一併赴閩助
勦王懿德惟當先就現有兵力周密布置以勦爲防
不得專待客兵致滋貽誤

欽定剿平粵匪方略卷百七十四

望

十九日己陝西巡撫曾望顏奏言湖北襄樊餘
匪竄入均州之武當山踞險設卡爲負隅之計
署延綏鎮總兵龍澤厚與湖北候補道唐訓方
約期分路進勦五月初三日我兵直逼賊卡礮
斃獅子峯拜殿卡之賊五十餘名復將燕子峯
吊鐘臺之賊擊斃多名署遊擊吳永慶率兵勇
冒險前進連破頭天門等三卡斃賊數十名初

四日吳永慶率外委韓舉持矛先登各路槍礮齊進匪勢不支遂克白虎垵唐訓方之勇亦攻克燕子峯吊鐘臺等險護參將盛玉率眾奮勇前進攻克獅子峯直上拜殿該匪逃竄兵勇追殺二百餘名墮崖死者無數餘俱奔入山寨登陴固守又有賊百餘絕崖逃遁經署守備李蘊和伏兵截殺六十餘名生擒四十八名署遊擊

聖皇聖考卷一百七十四

吳

李鳳山等帶兵分截亦擒獲多名首逆江紹田等仍率黨守寨死拒初五日龍澤厚與唐訓方密商遣前次投誠之張興朝將該逆等陸續誘出押入營中除新被擄入者給護票路費遣散外其餘首從悉行殄戮所有此次最為出力之都司吳永慶可否

賞加勇號以應升之缺儘先升用都司盛玉可否

賞戴花翎至龍澤厚唐訓方和衷共濟迅掃賊氛應如

何獎勵之處恭候

聖裁其餘在事出力員弁兵勇擬查明彙請鼓勵奏入上諭內閣曰襄獎餘匪竄踞武當山負嵎抗拒經署總兵龍澤厚商同候補道唐訓方分路進剿掃穴擒渠勦辦得手所有尤為出力之都司吳永慶著賞給阿木爾罕巴圖魯名號以應升之缺儘先升用盛玉著

聖皇聖考卷一百七十四

吳

賞戴花翎副將龍澤厚候補道唐訓方督兵會勦迅速蕪事地方得以肅清龍澤厚著賞戴花翎唐訓方著交軍機處記名遇有湖北道員缺出請旨簡放其餘出力員弁兵勇著該撫查明彙請獎勵

二十日 庚午

上諭內閣曰許乃釗著賞給三品頂戴前往江南和春軍營辦理文案

二十四日甲戌福濟鄭魁士奏言廬州當南路之

衝地勢寬平四通八達六安在其西舒城廬江在其南巢縣無爲在其東均爲賊踞我軍東向賊必西來我軍南攻賊必東西並至先須厚集兵力除留守廬城外諸路同時進發使賊首尾不能相顧乃可成功而自桐城退守以來兵勇傷殘彫瘵經臣等裁汰疲弱尙未補還原額惟

欽定剿平粵匪方略卷一百七十四

李

就現有兵力分派布置東路和含滁全一帶飭令音德布堵禦江賊督同地方官紳相機勦辦互爲策應至巢縣焦湖北岸處處可以內竄又令吉順駐兵柘皋偵探賊蹤嚴密堵勦其西北一路業經署廬鳳道金光飭克復正陽署穎上縣知縣程鈺固守力擊獲解城圍而正陽又值捻匪逼近金光飭須留該處扼勦未能直搗六

安現派道員李元華會同該州知州茅念劬籌

捐募勇以圖進攻至廬州一軍實爲南路根本臣鄭魁士會同麟瑞等實力巡防該匪屢由舒城三河深入窺伺節經出隊擊回頗有斬擒臣福濟駐扼梁園居中調度兼護餉道日來廬境雖保無虞而欲拔營進勦實苦兵力不敷查新任藩司李孟羣統帶楚師由鄂起程尙未知行

欽定剿平粵匪方略卷一百七十四

李

抵何處若遷延過久不獨貽誤進攻且南路大局亦有關礙應請

旨飛飭河南湖北各督撫催令兼程來廬實於地方軍務兩有裨益奏入

上命軍機大臣傳諭福濟鄭魁士李孟羣曰皖省軍務自桐城退守以後六安等處均爲賊踞自應厚集兵力以圖攻勦李孟羣一軍由霍六一帶節節進攻並

非遷延不進該藩司已入安徽境內福濟等何以不通消息至於請旨飭催著卽探明李孟羣行至何處自行札商囑令酌量緩急相機前進儻沿途賊匪尙煩兵力亦豈能舍應剿之賊專以保守廬州爲事耶福濟鄭魁士先就現有兵勇妥爲布置實力防勦毋稍疏失

二十八日 戊寅 王懿德奏言逆匪圍攻建郡在白

聖朝聖略卷百七十四

三

沙溪一帶紮營數座拒我援軍四月二十四日三次來撲我營經代理按察使趙印川督兵勇擊退斃匪百餘二十六日該匪復糾黨四五千來撲趙印川派護遊擊惠壽等各帶兵勇分路迎勦正在鏖戰有悍賊千餘由山頂衝下逆夥千餘由山徑抄出我軍奮勇迎擊斃數百名逆眾潰竄西岸賊船駛至亦經同知陳維漢督

廣勇礮船立時擊退二十七日遊擊畢定邦一軍由水吉北津一帶駛舟直下衝破賊圍殺賊二百餘二十八日畢定邦帶勇直攻賊寨該逆分股出拒護遊擊吳鴻源率水師截賊後援斃賊數十名副將馬玉元開西門出擊亦殺賊數名五月初一日趙印川督諸軍分隊進勦斃賊數百沿途賊營悉行燒燬該逆退竄枇杷嶺一

聖朝聖略卷百七十四

三

帶城圍立解查趙印川所統兵勇不滿二千躬冒鋒鏑力挫兇鋒署建甯府知府劉翊宸在圍城中兵勇僅止九百獨能固結眾志卒保危城以待援師建郡紳民深明大義屢助官軍殺賊均堪嘉尙除飭趙印川遴帶勁旅乘勝掃蕩規復各城外所有此次戰守尤爲出力員弁兵勇紳民俟確查後分別懇

恩獎勵奏入

上諭內閣曰逆匪圍攻建甯府城經代理按察使趙印川督率兵勇擊退立解城圍辦理尙屬得手署建甯府知府劉翊宸會同文武固守深得民心該紳民等屢助官軍殺賊共保危城均堪嘉尙所有此次出力文武員弁兵勇紳民准其擇尤保奏仍著王懿德督飭在事文武迅將匪徒乘勢剿滅克復邵武等處城

欽定剿平粵匪方略卷一百七十四

五

池毋任延蔓

王懿德又奏言江西大股逆匪由光澤縣之鐵牛關等處闖入滋擾用地雷轟陷光澤縣城官民兵勇悉遭戕害邵武郡縣相繼淪陷該逆張貼偽示恐嚇居民上游民氣柔弱聞警遷逃倉猝之間連陷崇安建陽其汀郡甯化清流歸化等縣被該逆勾結土匪先後竄擾連城縣亦已

失守所有守土各官或捐軀殉難或棄城逃避或尙無下落除飭查分別辦理並督飭在事員弁實力堵剿迅圖克復外臣與撫臣慶端未能先事籌防應請

旨交部嚴加議處奏入

上諭內閣曰王懿德奏江西逆匪竄入閩境邵武等處相繼失守請與巡撫一併嚴議等語王懿德慶端均

欽定剿平粵匪方略卷一百七十四

五

著加恩改爲交部議處

欽定勦平粵匪方略卷一百七十五 丁巳年

閏五月初一日 辛巳 胡林翼奏言皖賊分竄黃梅

經江甯將軍都興阿勦敗自是賊營移平就險
移小併大意在堅守伺隙五月初五日後賊於
大河鋪迤北依山增壘三座十二日賊全數擁
出攻撲孔廣順等營並攻黃梅縣城都興阿在
陸家嘴聞信即派多隆阿調齊馬步隊分赴援

聖朝軍方略卷一百七十五

一

應時賊正攻撲孔廣順各營我軍堅壁不動賊
近以礮轟之多隆阿分兩路進攻賊於要路排
槍抗拒鏖戰多時賊又四面撲出參領西林布
杜嘎爾等由迤西山坡衝入賊眾披靡我軍追
二三里而返計殲賊二百餘名兵勇亦閒有傷
亡其六安霍山之賊自我軍克復英山後日思
上竄安徽藩司李孟羣以援皖之師駐紮羅田

境上蘄州張家塆之賊則知府邢高魁統興國

防兵並由省調往之義寶虎三營合九江調援
之仁營駐於劉家河以超平二營合署蘄州知
州彭應鯉並羅田團勇駐分路街互相策應五
月初四日李孟羣派知府朱啟仁等合彭應鯉
擊張家塆之賊於分路街勝之初十日賊撲獅
子口彭應鯉朱啟仁分三路進並會馬隊由劉

聖朝軍方略卷一百七十五

二

公河夾擊又勝之賊退踞望天畝青石嶺等處
初七八等日賊大出擄掠張得勝會合團勇在
黃牛沖擊敗後復渡河分勦敗退之賊沿途爲
英羅團勇所截張得勝奮追斃賊無算初八日
晚駐於英山界初九日張得勝等仍率團勇兜
剿該逆列隊山頭相持四時之久守備陳炳南
策馬斬大旗賊一名眾軍齊進賊大潰東竄太

湖共計斃賊千餘名擒斬百數十名初十日張家塆之賊犯分路街參將趙鴻舉策馬渡橋都司盧又熊等分左右齊進彭應鯉率斬羅之勇衝擊追至胡家涼亭斃賊無算十四日探知黃梅大股之賊欲撲獅子口我軍兩路迎擊斃賊五百餘名殺偽檢點七名偽指揮十名賊眾敗潰追斬六千餘級超平二營乘勝攻入盧又熊

聖皇聖略卷一百七十五

三

繼進破賊三卡賊忽分股來抄都司段清平揮刀直前適我軍馬隊繼至賊仍回望天畝堅守不出臣查楚皖兩省之交東則太湖宿松北則英山霍山六安山路紛歧防不勝防賊之分路四至實欲牽掣我軍使我軍不能兼顧彼乃乘隙而入直窺武漢臣於北岸厚集兵力而尤慮毗連江西之崇陽通城興國大冶乘我空虛狼

聞

奔豕突現在副都統巴揚阿舒保馬隊先後齊抵蘄州臣更調道員唐訓方一軍合力攻剿並可遙扼興冶似於防備更爲周密黃梅大河鋪雙城驛一帶賊營蜿蜒二三十里張家塆之賊又退居雙城驛另抽大股橫竄黃梅廣濟賊情狡譎已飛飭各軍分路進剿務期肅清邊界使李孟羣援皖之師無虞梗阻而李續賓之軍得

聖皇聖略卷一百七十五

四

專意下游力圖潯郡奏入報

同日江西巡撫耆齡奏言查信豐縣城池於咸豐六年八月間被粵匪圍攻該署知縣吳秉衡晝夜保守賊匪屢開地道轟塌城牆均經吳秉衡槍護並派兵出擊大敗賊眾被圍二百二十一日先後斃賊四千餘人實屬辛苦備嘗始終

不懈可否先懇

恩施以爲守土者勸奏入

上諭內閣曰署信豐縣知縣吳秉衡於上年八月間被匪圍攻縣城該員督率紳民嬰城固守至二百數十日之多屢經危險得以保全自應優加獎勵著以同知直隸州知州儘先補用並賞戴花翎

耆齡又奏言三月二十三日吉安府城出賊千

聖朝聖曆卷二百七十五

五

餘於奎聚門外山上復圖築壘派吉字營進剿長字等營亦出隊助之轟斃多賊餘俱逃竄入城聞該逆修造飛划小船偷渡水東由吉水擄掠民船運糧來郡副將周鳳山等會商水師沿河進剿陸師攻城並分護戰船二十七日周鳳山等進攻郡城西北並抄出東門河邊以爲水軍接應趙煥聯等列陣長安嶺文翼派戰船駛

出河口北門出悍賊千餘官軍迎擊殺賊二十

餘名賊退踞濠邊礮子如雨官軍由塔邊抄至

城根賊竄往城西趙福元等率勇截擊賊乃敗

退水師徑趨白鷺洲順流而下賊船揚帆上駛

水師以大礮環轟傷斃無算餘匪棄船登岸而

逃當燒燬賊船四十餘隻時吉水賊匪來援亦

爲蕭開印擊敗郡城南門出賊數百經陳光孚

聖朝聖曆卷二百七十五

六

擊退上竄萬安之賊分踞三官洞等處與泰邑祇隔一河當以泰邑爲我軍籌餉要地卽派楊光福等帶勇往剿賊見我軍分往遂於西南兩門出賊二股抄我軍營盤之後官軍分路迎戰和字鳳字等營亦奮勇夾擊殺賊數十人賊遂大敗四月初一日東門出賊千餘齊施槍礮水軍亦排礮齊轟斃甚衆賊敗入城是日陸路

各營分攻城壘該逆負固不出惟以火器對施
斃匪數十名初五日永豐復來賊援三千餘人
與吉水賊黨往來水東擄掠糧食郡城之賊每
用飛划偷渡水東以通援賊聲氣並聞永豐之
賊在吉水置造礮船擄船裝載鹽米火藥希圖
接濟郡城初九日周鳳山督率各弁並吉水練
勇由陸路前進復令黃冕帶阜田各軍分駐嶺

聖朝方略卷一百七十五

七

口嚴防峽江賊匪一面分兵接應文翼派陶茂
林陸勇與蕭開印戰船吉水縣縣丞楊逢新均
由水陸前進郡城之賊見我軍分兵下勦遂於
城壘傾巢而出分路撲營我軍嚴陣以待奮力
迎擊傷斃多賊該逆大敗回奔是日周鳳山等
渡河攻吉水縣城東北吉字等營攻縣城西南
周鳳山復令李光佐帶隊協助戰船率李金暘

等分攻小東門大東門行至距城里許有賊千
餘來拒東南河邊亦有一股約千餘人我軍四
面齊攻殺賊二百餘人河邊之賊經弁勇登岸
擊敗殺斃百餘名燒燬賊船十餘號餘匪潰散
城內之賊亦開東北門逃往永豐一帶水陸逐
北二十餘里隨將吉水縣城收復聞龍泉縣逆
燄愈張周鳳山派營接應自率弁勇馳往泰和

聖朝方略卷一百七十五

八

視大股賊匪所在迎頭兜勦以期直抵龍泉是
月十八日代理永豐縣章澂等帶勇進攻縣城
行至距城五里之費嶺地方賊匪蠶擁迎拒我
軍奮力衝陣斃賊二百有餘該逆敗退章澂直
逼城下城上矢石雨集章澂等指揮各勇冒險
薄城各持攜牌自南門緣梯而上殺守堞賊數
十人該逆遂開東門向樂安逃竄即日收復城

池布置守禦現飭各該營激勵士卒加意嚴防
合力扼勦設法斷賊接濟並令吉水永豐二縣
趕辦團練協同官兵嚴禦一俟龍泉萬安股匪
撲滅併力圍攻吉郡速下堅城

耆齡又奏言瑞州一軍吳坤修督勇分路並進
超越濠溝行至距城半里東門突出二千餘人
擁擁來衝我軍禦以槍礮斃賊不計其數砍斃

聖朝聖略卷一百七十五

九

悍賊多人該逆退保東南城隅復被遊擊劉國
斌率戰船排礮橫擊斃賊數百時各營衝至城
下正欲梯城忽小東門出賊二千繞至北門與
奇兵營對擊吳坤修等帶隊追擊賊敗入城統
計斃賊不下千人劉騰鶴巡視長濠高明門出
賊五六百撲至濠邊劉騰鶴開礮斃賊乘勝過
濠追逐適新字營馳至助擊朝陽門又出賊二

三千捲旗疾趨冀襲我後劉騰鴻督黃澤遠等
各率湘勇分路進攻南城普承堯派勇助戰自
與李續宜攻打北城牽制賊勢各路苦戰逾時
斃賊極多朱祖貴由金洞門入擊退旁巷伏匪
黃澤遠攻勦城外劉連捷攻擊城上大股賊火
器齊發乘煙來撲劉連捷劉騰鴻均受槍礮子
傷仍奮勇追殺直至橋邊收隊其臨江之賊四

聖朝聖略卷一百七十五

十

月十四日道員王鑫劉長佑等督軍分攻各門
賊伏匿城內開礮拒敵我軍奮勇薄城斃賊最
多盡拔濠邊竹籤正欲梯城該逆拋下整桶火
藥各營傷亡甚多四月十六日肅啟江等復率
水陸各軍攻擊賊眾堅匿不出當將該匪所搭
浮橋砍斷奪獲賊船九號二十六日東門忽出
大股來犯平江右營出隊迎擊李進發隨後接

聞

應各軍齊往夾攻賊匪敗竄我軍追殺數十餘
名次日大股賊匪從南門出王鑫劉長佑兩軍
奮力擊敗乘勝拆毀賊牆殺賊甚多現在臨瑞
二郡賊勢已蹙臣飭各營相機截擊以期聚而
殲旃奏入均報

者齡又奏言查劉于瀘統領江軍水師及各起

聖皇聖考卷一百七十五

十一

陸勇駐紮樟樹鎮兼顧豐城縣當吉臨數郡之
衝實省河上游屏蔽該道屢戰有功為賊所畏
現會同劉長佑等軍合圍臨江郡城勦辦正值
喫緊驟難更易生手仰懇

天恩准將新授甘肅安肅道劉于瀘留江統帶兵勇以

資攻勦俟軍務事竣再行給咨赴任奏入得

旨允行

初三日癸未署兩江總督何桂清奏言金陵為賊

老巢盤踞數年根深蒂固非先斷長江接濟而
從鎮江句容太平三路進兵斷難制其死命現
在賊之精銳聚於句容城小而堅最不易拔惟
溧水克復大局更有轉機鎮江賊勢亦頗衰微
臣親赴京峴山察知城中祇首逆吳如哮堅守
其被脅逃出者接踵今溧水之捷賊膽益寒宜

聖皇聖考卷一百七十五

十二

併力以圖句容句容既復再圖鎮江鎮城一破
瓜州賊難久踞其不急攻金陵者以上下游皆
為賊守我攻其東則上游之賊應之我攻其西
則下游之賊應之故雖得鎮江不得太平而金
陵猶不能破也蕪湖又為太平之上游長江之
鎖鑰我與賊所必爭當甯國克復其不能徑取
蕪湖者以溧水未復後路可虞恐賊由定埠梅

渚等處一走東壩一犯建平耳今幸溧水已平
擬分兵紮博望鎮東壩之兵進紮固城鎮宣城
之兵進紮老鴉山固城博望俱可直取太平關
太平城內守賊無多取之甚易至老鴉山一路
尤為內保宣城外取蕪湖扼要之地亦可會同
吳全美等水師肅清江面斷賊往來傳聞石達
開由銅井渡江逃往江北洪逆令蒙賊禾賊追
之禾賊亦乘勢逃去足見該逆自相殘害眾叛
親離駢首受誅自不在遠臣惟有竭力運籌接
濟軍餉俾得馬騰士飽早奏膚公奏入

聖朝聖略卷百七十五

十三

聖朝聖略卷百七十五

十四

上命軍機大臣傳諭和春張國樑曰據何桂清奏通籌

近日攻勦情形所奏不為無見逆匪既生內訌機會
更不可失鎮江賊勢甚微或先取鎮江後圖句容亦
得攻瑕之意而上游太平蕪湖一帶必須分兵斷其

援應方能兩路夾攻直搗金陵著和春等將所奏各
情妥籌辦理前據福濟奏提督秦定三由臨淮帶兵
起程沿途截留銀米任意浮支並著查覈銀數所有
浮支銀米即於該營兵餉內坐扣秦定三如果年力
就衰不能約束兵勇即行據實參奏

上又命軍機大臣傳諭德興阿翁同書福濟曰據何桂

清奏傳聞五月十一日逆首石達開由銅井渡江逃

往江北等語石達開係著名劇賊此時不踞金陵逃
往江北足見羣賊內訌眾叛親離惟石逆素稱驍悍
兼多詭詐此時逃往江北必係不附洪逆意欲自成
一隊現在江浦未復霍六桐城安慶太平一帶徧地
賊蹤儘該逆裹脅賊黨乘間北竄不可不防著德興
阿翁同書福濟偵探石達開逃往何處即以重兵扼
勦杜其北竄之路或設法離開設計誘擒使逆渠授

首餘賊聞風畏懼不難以次掃蕩

初四日甲申和春奏言溧水爲江浙門戶金陵逆

匪恃爲犄角雖官兵屢勦獲勝而該逆拒守益

堅前經傅振邦等挑挖長濠斷其接濟並經臣

授以機宜先破城外賊壘去其羽翼庶襲取方

有把握五月十四日探得援賊萬餘竄至鄔山

築壘當同總兵李志和等督率馬步隊分攻賊

聖軍紀略卷之七十五

十五

營並先令兵勇節節設伏辰刻逆匪三四千人

分布山梁我軍迎殺槍斃甚衆虎坤元馬隊旁

抄賊衆驚亂兵勇跟追殲斃尤多忽尖山又出

賊千餘人橫衝而來經周天培等伏兵痛勦其

勢大潰我軍直逼濠牆盡數砍殺遂將逆營八

座先後奪毀十七日大股援賊在博望築壘多

座並於附近村鄉一帶焚掠當派兵勇銜枚進

勦行至楊村見有賊壘四座我軍奮勇圍攻逆

匪於營內施放槍礮該總兵等揮兵越過重濠

各兵繼進合力痛勦約斃賊三千餘名生擒七

十餘名奪獲賊壘二十五座砍取首級一千一

百餘顆十九二十等日帶領官兵直逼城下晝

夜圍攻並探得該逆被圍緊急有貪夜潛逃之

信隨派米興朝等分路進攻逆匪以槍礮抵拒

聖軍紀略卷之七十五

十六

我軍連拋火罐西南門外賊營火起逆匪自相

驚亂即將賊營數座同時次第奪獲傅振邦等

隨令各軍併力擊攻時城上之賊往來奔救槍

礮略少虎坤元等在南門豎立雲梯奮勇先登

兵勇一鼓而上虎坤元等立殺數賊餘逆驚潰

米興朝等旋由西北二門同時上城盡力擊勦

追至城下該逆意圖潛遁強悍賊匪猶復拌死

巷戰兵勇分途追殺隨令將西門打開大隊繼
入城內逆匪自相踐踏屍橫街巷餘賊由東北
門衝突逃出經守濠弁兵開槍轟擊死傷極多
遂將縣城克復共約斃賊六千餘名砍獲首級
八百餘顆搜獲槍礮刀矛火藥旗幟不計其數
生擒五百餘名查賊踞溧水縣城防守極嚴攻
取匪易經傅振邦等督兵擊勦得以乘勝克復

聖朝聖曆卷一百七十五

七

實足大快人心仍飭酌留官兵防守城垣紮營
要隘並調赴句容助勦奏入

上諭內閣曰逆匪竄踞溧水經傅振邦等督率兵勇奮
力勦擊先後斃賊不下二萬有奇克復堅城殲除羣
醜洵足以寒賊膽而快人心傅振邦等盡心籌畫勦
辦有方實屬謀勇兼優著和春等查明在事出力人
員一併保奏候朕施恩

和春又奏言查秦定三於五月初九日帶同黃
州兵吉林馬隊共九百名行抵句容已令紮營
前敵助勦至句容軍營前已派兵八百餘名馳
赴廬州今秦定三帶兵九百名前來應毋庸添
派兵勇赴廬至遊擊聶桂榮逗留皖境延不渡
江臣細加訪察該遊擊桀驁不馴性情乖謬且
多狡滑應請

聖朝聖曆卷一百七十五

末

旨卽行革職以示儆戒奏入

上諭內閣曰候補遊擊聶桂榮以帶兵之員輒敢延不
赴營實屬膽大妄為著卽革職交福濟親提嚴訊並
查明浮支款項如有該員侵吞勒令交出以示懲儆
和春又奏言臣派王浚等攜帶攻城器具攻打
句容西北門兼攻城營德崇額等帶隊扼要紮
駐張國樑往來策應臣居中調度明安泰等攻

打南門各兵不動聲色潛伏而進直偏城濠正擬拔棹而過城上槍礮如雨我軍仰攻多時賊匪千餘人盡擁出撲官軍極力痛勦李嘉萬等立刺騎馬悍賊二名殲斃餘賊多名逆勢不支其西門援應之賊復經我軍合擊張國樑連開擡礮臣親督馬步隊繞至賊後兩面夾攻賊衆驚潰兵勇追殺過濠斃賊無算該逆乃奔敗入

聖皇聖方略卷一百七十五

十九

巢共約斃賊四五百名其鎮江之賊巴棟阿等帶兵進攻南門水關觀音山賊營賊衆二三千人分路來撲我軍迎勦王夢熊衝入賊隊吳世斌帶兵由山後抄出兩面夾擊刺斃悍賊五名逆衆潰逃約斃賊三百餘名其高涇賊船數十隻竄至塘溝副將朱承先等往勦逆匪盡擁來撲我兵槍礮連環對擊多時斃賊數十名後路

賊船復登岸分途抄至守備吳春霖等左右迎擊賊卽潰敗兵勇追殺無數焚燬賊船十七隻江面攔江磯時有賊匪窺伺吳全美督同遊擊李起高等往勦大小賊船一二百隻分布迎抵當令兵勇轟擊立沈多隻我軍乘勝攻勦生擒逆匪一百餘名奪獲礮船快划五十餘隻三月二十四日據探馬家窩江面賊箚堆積柴薪俟西南風引火駛出吳全美隨帶各船先爲勦除該逆果數百人齊出擁護我軍火彈頻拋登時火起延燒淨盡餘賊鼻水而逃約斃賊六百餘名無爲州又來賊五千餘人礮船七十餘隻水陸兩路徑撲神塘河墟各船開礮迎擊水勇登陸截勦我軍擊毀賊船二十隻斃賊九百餘名奪獲軍械二百餘件該匪又出一二千人來援

聖皇聖方略卷一百七十五

二十

官軍登岸迎勦逆眾拚死抵拒勢甚兇悍我軍陣斬黃衣騎馬賊目五名其勢漸卻追至石橋池比卽將賊踞房屋燒燬追殺十餘里約斃賊七百餘名砍取首級九十顆五月初一日賊船火多隻橫江而下兩岸賊伏葦中吳全美揮令各船開礮環擊連沈數船繼以噴筒火箭絡繹施放蘆葦悉燃逆匪死傷大半初七日探得胭脂峽江口尙有賊箄屯踞並於荻港偷築營壘當飭遊擊李起高等帶領各船攻其不備該逆先於營內頻施槍礮守箄之賊恃眾迎拒我軍連拋火罐火光四射賊船賊箄數十隻焚燬一空兵勇一鼓作氣圍住賊營逆匪驚亂知縣陳嗣學帶兵槍進盡數砍殺卽將賊營十四座先後奪毀約斃賊一千五六百名砍取首級二

聖朝聖學卷一百七十五

三

聞

百三十一顆奪獲擡礮鳥槍多件臣仍分飭各員弁迅圖克復速清江面奏入報

初五日酉乙曾國藩奏言臣疊奉

溫諭仰見我

皇上俯鑒臣子之隱曲示矜憐不棄驚下之才曲加器

使凡屬旁觀猶爲感泣矧在身受能無奮興惟

聖朝聖學卷一百七十五

三

臣之下情有不敢不瀝陳於

聖主之前者臣通籍時祖父母父母皆無恙在京十四

年在軍五年堂上四人先後見背生前未伸一

日之養歿後又不克守三年之制寸心愧負實

爲難安前代及我

朝奪情之舉被人彈劾者層見疊出而兩次奪情

則從古所無臣到籍以來輾轉思維欲終制則

無以報吾

君高厚生成之德欲奪情則無以報吾親恩勤鞠育之

懷欲再出從軍則無以謝後世之清議欲不出

則無以謝患難相從之軍士進退狼狽不知所

裁查近日軍務我

皇上潛移默運實已挽回十分之七八以大局言之河

北蕩平洪楊內亂武漢肅清水師精勁迥非咸

聖皇聖方略卷二百七十五

三

豐二三年氣象可比以江西言之西路克復十

餘州縣潯瑞吉臨皆駐重兵亦迥非上年春夏

情形可比自臣出營而後又聞瑞州長濠日固

臨江四面合圍吉安賊船焚燒一空東路貴溪

屢獲大捷江西軍事漸有起色將軍巡撫兩臣

辦理裕如添臣一人未必有益少臣一人不見

其損臣假期將滿葬事未畢合無籲懇

天恩援照上年賈楨終制之例准臣在籍終制感激

鴻慈永無既極奏入

上諭內閣曰曾國藩在江西軍營聞訃丁父憂前經降

旨賞假三個月回籍治喪俟假滿時再赴江西督辦

軍務以示體恤茲據該侍郎奏稱假期將滿葬事未

畢願准在籍終制曾國藩本以母憂守制在籍奉諭

幫辦團練當賊氛肆擾皖鄂即能統帶湖南船勇墨

聖皇聖方略卷二百七十五

三

經從戎數載以來戰功懋著忠誠耿耿朝野皆知伊

父曾麟書因聞水師偶挫又令伊子曾國華帶勇遠

來援應尤屬一門忠義朕心實深嘉尚今該侍郎以

假期將滿陳請終制覽其情詞懇切原屬人子不得

已之苦心惟現在江西軍務未竣該侍郎所帶楚軍

素聽指揮當茲剿賊喫緊亟應假滿回營力圖報效

曾國藩身膺督兵重任更非賈楨可比著仍遵前旨

假滿後卽赴江西督辦軍務並署理兵部侍郎以資統率俟九江克復江面肅清朕必賞假令其回籍營葬俾得忠孝兩全毫無餘憾該侍郎殫心事主卽以善承伊父教忠報國之誠當爲天下後世所共諒也

初七日丁亥官文胡林翼奏言查李續賓於九江

城外開濬長濠自官牌峽迤南而東至白水湖尾計長三十餘里踰山脊四重留東門大路爲

聖朝聖考卷二百七十五

五

誘戰追襲之地濠深二丈寬三丈五尺復慮及上游陸家嘴轉運賊可越琵琶亭而截我糧路其東達梅家洲湖口縣姑塘等處亂山層疊路曲峯迴尤易伏賊乃於要隘安置大礮並多發偵探晝夜梭巡二月初九日掘濠及東面城賊忽出四千餘人西面之新壩亦出賊二千餘李續賓禁諸營勿出隊自率馬步繞出八里坡後

岡又設伏於馬宿嶺約以坡後礮聲悉力奮擊計踰兩時賊漸逼近各軍聞礮聲齊出斬三百餘級又追殺七百餘名其西面之賊亦經水陸各軍轟斃五百餘名初十日賊復出三四千於八里坡西壩亦出賊二三千另伏賊於坡後茶菴李續賓令南路西路諸營出戰令東路勿遽出自率馬步繞譚家畝楊樹嘴等處先敗其伏

聖朝聖考卷二百七十五

五

仍飭蹲伏以待南路之賊初不知其伏之已敗也且戰且走甫至坡後伏勇突起東路營亦同時撲出賊大敗狂竄回城西路之賊亦敗四路共斃賊千餘名我軍陣亡藍翎千總毛丁山藍翎把總盧久盛外委陳德林三員十五日探知安慶來援賊七八千人城賊大出約二萬人我軍首尾迎擊馬隊從中衝出殪其前鋒二十餘

名賊不少卻水師從甘棠湖直繞城下轟東路之賊官牌峽諸營於湖坪夾擊之西路之賊遂敗復沿湖助擊東南諸營乘勢衝突賊首尾不能顧悉眾狂竄諸營尾追及城下礮子如雨其由城南縋入者我兵以連環槍轟之水師復以大礮攔擊無得脫者共斃賊五千餘名傷者無數我軍陣亡藍翎守備陳得華藍翎把總陳文

欽定剿平粵匪方略卷百七十五

七

勝外委陳光玉蕭有貴四員自是三月之久賊伏不出而南岸長濠且告竣矣四月初間皖賊數萬人號稱十萬分犯蘄州羅田黃梅邊界江甯將軍都興阿移師分剿李續賓亦即分兵渡江駐陸家嘴又分軍上援蘄州於是城賊乃逐日出抗憑濠施放槍礮我軍禦之互有傷亡李續賓因勻各營憑濠分守而自移湘右營駐賽

旗嶺並增募勇丁一千人駐嶺之左右聯絡諸營以扼其要其渡江援守之仁營亦增募四百人以厚其力五月初十日賊眾大出以悍者踰濠來撲我營李續賓令諸軍勿遽出戰俟賊過濠及半以新習之馬隊衝之賊又大敗奪路反奔擒斬甚眾是日首逆林啟榮親出督陣我軍斃其偽檢點指揮各一名蓋賊以分軍渡江竟

欽定剿平粵匪方略卷百七十五

八

敢乘虛來犯也總兵楊載福以皖賊分竄楚邊黃州各屬皆濱江州縣因抽分水師礮船由九江上至蘄州擇要停泊並飭副將李成謀等移紮官牌峽港內與副將朱品隆水陸相依五月初二日楊載福自至蘄州是日官牌峽水師見賊船數十號上駛李成謀等即時出隊賊分兩路敗竄李成謀從新河追之易景照從老河追

之會於湖口而湖口賊船三百餘號由梅家洲
兩岸抄出又另股從扁擔峽包我軍船之後其
時西南風大起李成謀以長龍船抵扁擔峽之
賊自以三板乘風縱擊賊敗入湖口李成謀不
知深入賊巢距本營已百餘里及回至扁擔峽
而湖口賊船復出尾追扁擔峽賊船又沿南岸
繞出我前李成謀溯流上至小池口城賊復槍

聖朝聖略卷一百七十五

无

礮齊發我軍逆風逆水舟行不速被賊燬沈長
龍五號三板十三號迨上游來援事已無及初
三日楊載福聞信回營親督水師巡江賊揚帆
直拒李成謀衝入奪回三板四隻擊沈賊船無
數臣查九江城賊蟄伏不出我軍肉薄攻堅終
難得手必須長圍坐困乃可永斷接濟惟李續
賓原統不過萬人尙闕其東北一路未能合圍

近以北岸邊界警報日至又分去四千人渡江
協剿必俟北岸肅清乃可專意潯陽此次李成
謀孤軍深入致有挫失尙於全軍無損楊載福
先期上巡蘄州相離太遠可否邀免處分出自
逾格

天恩陣亡之守備陳得華等應請從優議卹奏入

上諭內閣曰官軍偪攻九江賊匪經李續賓掘濠設伏

聖朝聖略卷一百七十五

手

疊獲勝仗水師以深入致挫旋復獲勝總兵楊載福
副將李成謀均著免其議處所有陣亡之守備陳得
華等著交部從優議卹

官文胡林翼又奏言北岸之賊目爲陳玉城李
壽城勾結皖捻飢民號稱十萬自四月以來由
宿松太湖英山霍山分犯蘄州黃梅廣濟羅田
邊界實亦不下六七萬人其黃梅一路經將軍

都興阿等疊次勦辦連破賊壘七處殺賊三千餘人而依險結寨之賊營尚多仰攻不易我軍精銳微有傷亡都興阿以一軍當小池口濯港大河鋪三路之衝日夜援應亦極疲勞其廣濟一路副都統銜巴揚阿率四營往禦賊已退併蕪州之望天畝合爲一股其蕪州之張家塆青石嶺望天畝等處之賊經知府邢高魁等勦辦

欽定剿平粵匪方略卷一百七十五

三

獲勝舒保率馬隊百騎馳往督隊又大勝之其羅田一路賊已擊退我軍進紮英山霍山頃據下游探報易賊石達開領股匪數萬人從安慶彭澤分道上犯揚言分擾湖北並援江西我軍備多力分自應併軍會勦迅遏兇鋒奏入報

聞

欽定剿平粵匪方略卷一百七十六 丁巳年

閏五月十二日壬辰李孟羣奏言臣於克復英山

後因聞六霍復有大股賊匪續至專力籌勦其

張家塆之賊則分令知府朱啟仁等會勦而臣

暫駐羅田兼督之五月初四日探得有賊二萬

人自霍邱退竄六霍分三起來頭起約五六千

人由流波確已到英山之金家鋪欲竄楚境臣

欽定剿平粵匪方略卷一百七十六

一

卽派遊擊張得勝等會督英羅團勇由夫子嶺截勦初七日與賊遇於金家鋪該逆分隊過河拒敵張得勝等亦分軍爲二乘其半渡擊之殺賊百餘名卽督兵過河該逆抵死不退我軍乘勝轟擊守備陳炳南首先入陣突斬賊目一人奪獲大旗官軍鼓勇齊進鏖戰四時之久殺賊千名該逆遂由英山東路竄走官軍追殺斃賊

不計其數初十日該逆復勾結太湖之賊回竄
腰磨阪地方經知縣葉傳樾率同團紳分途截
勦將賊擊退殺賊百餘名時二起之賊亦竄至
金家鋪臣卽飭張得勝等同軍迎擊並調知縣
袁懷忠等兩營折回助勦接應張得勝等由中
路進攻英羅團勇於各山隘分投下擊張得勝
身先入陣手刃騎馬僞軍師七名袁懷忠分爲

聖朝聖略卷二百十六

二

兩隊一迎頭擊殺一從後包抄並經唐瑞廷等
趕到圍攻賊乃敗退追殺十餘里生擒賊匪一
百三十四名割獲首級二百餘顆奪獲黃旗羸
馬刀矛器械無數英羅團勇分路搜殺又斃賊
七百餘名餘匪翻山竄往太湖賊之旗幟衣物
盡爲團勇所得洵足以懾逆膽臣查霍六久爲
賊踞終屬楚豫兩省之患亟宜乘勝勦除現由

金家鋪一帶移紮英霍交界地方督集團練以
圖進取聞署廬鳳道金光飭精勁樸誠軍民悅
服已與函會俟臣抵六齊力夾攻目前楚境下
游安慶宿太之賊無日不思乘隙竄楚臣以援
皖之師勦賊於上游力難兼顧猶賴楚防得力
湖北督撫已於廣黃兩蘄之間扼要防勦知府
朱啟仁參將趙鴻舉等前經派令助勦張家塆

聖朝聖略卷二百十六

三

之賊會會同楚軍見仗數次嗣因斬境援兵雲
集先將趙鴻舉盧又熊調回歸營朱啟仁暨李
宣泰兩營暫留會勦備臣分攻霍六兵力覺單
再行調回以備分攻合勦之用所有此次出力
之知縣袁懷忠等謹先行開列懇請

獎勵其餘出力員弁暨官紳團練容查明請獎

李孟羣又奏言臣思粵逆倡亂數年拒守長江

分擾楚皖澄清非一將之略統兵將領必應集
思廣益臣留心訪察查有湖北在籍刑部主事
王柏心學問淹通立品端謹曾隨前撫臣張亮
基贊畫兵事忠義激發之概時流露於語言文
字中條陳所見亦皆深切著明可否仰懇

天恩准飭王柏心赴臣軍營幫同料理以收贊畫之助
奏八

欽定剿平粵匪方略卷一百七十六

四

上命軍機大臣傳諭李孟羣曰此次逆匪二萬餘人自
霍邱犯湖北李孟羣以二千五百人殲擒渠逆並將
夥匪勒殺殆盡實能謀勇兼施深堪嘉尚現在賊踞
霍六兩城亟宜乘勝勦洗以除楚豫之患該藩司現
紮英霍交界地方著卽會同金光飭合力夾攻迅殲
醜類前據官文等奏易賊石達開糾賊數萬從安慶
彭澤上犯聲言分擾湖北並援江西石逆最爲兇悍

此次上竄之賊是否該逆卽在其中抑係前往江西
想李孟羣必有所聞著探明具奏王柏心學問淹通
忠義奮發旣據李孟羣保奏著卽由該藩司傳旨令
該員到營幫同籌畫用兵機宜

上諭內閣曰安徽霍六援賊二萬餘人分路竄撲經安
徽布政使李孟羣沿途督率員弁兵勇勦擊殆盡著
乘勝進攻霍六迅圖克復所有尤爲出力之知縣袁

欽定剿平粵匪方略卷一百七十六

五

懷忠著免選本班以同知遇缺卽選遊擊張得勝著
以參將選用守備陳炳南著以都司升用千總劉昆
宗著以守備升用其餘出力員弁暨官紳團練等並
著查明分別請獎

十三日癸巳福濟鄭魁士奏言粵匪自韋昌輝殺
死楊秀青後石達開爲之報復突入金陵將韋
逆殺斃遂爲賊中主謀本年連陷舒六等處並

救援溧水皆石逆之計若該逆授首則餘賊漸不足慮茲據探報五月十八日石逆由金陵帶其黨與數千道經無為州前往上游到處張貼偽示傳諭各賊察其詞意因洪逆疑忌過甚懼害脫逃拏獲賊信內有易王私自出京誓不回去之語蓋粵匪中最有謀勇者楊秀青石達開二人今楊秀青已死石達開又逃洪逆已成孤

聖朝聖曆卷百七十六

六

注臣愚以為趁此機會規取金陵必不至如從前之費手况溧水已復似不難乘勝進攻至石達開兇忍之徒現已挾嫌出走未必遽肯釋憾而歸若探明竄往何處或併力截擒或設計誘降軍務必有益色相應請

旨迅飭官文胡林翼曾國藩等於湖北江西一帶偵探蹤跡如果自成一軍即須加勁防勦其金陵城

中賊多觀望並請

飭令和春乘虛攻擣以期收復則江面當次第肅清矣

奏八

上命軍機大臣傳諭福興耆齡曰逆首石達開係著名劇賊且聞其善於要結人心此次逃出金陵必欲自成一隊非上竄湖北即蔓延江西廣濟黃梅等處官文等已厚集官兵堵勦又有李孟羣在英霍交界地

聖朝聖曆卷百七十六

七

方駐紮屢獲勝仗楚境當可無虞聞江西瑞臨等府皆係石逆攻陷現在尚有賊兵踞守則其竄往江西乃意中事著福興耆齡探明該逆蹤跡併力截勦乘其人心渙散之際設法散其黨與使該逆勢成孤立迅就殲擒江西各賊自必聞風瓦解勦辦較易為力福濟鄭魁士又奏言據曾國藩咨送船廠委員黃際昌黃國堯等到廬臣已令採辦木料開廠

試造惟戰船利器必須洋礮皖營無從購辦現
在賊踞巢湖時有逆船來往自應迅速籌造先
成一支水軍以爲肅清湖面協勦巢城進扼江
口之計應請

旨飭下兩江督臣何桂清江蘇撫臣趙德轍速令上海
道採辦洋礮陸續運用或將常州捐備銅礮先
行分撥解廬奏入

欽定剿平粵匪方略卷一百七十六

八

上命軍機大臣傳諭何桂清趙德轍曰皖省賊匪時於
巢湖聯艘來往經曾國藩咨送船廠委員黃際昌等
赴廬現已採木開廠試造戰船以備紮立水軍爲肅
清湖面進扼江口之計惟戰船利器必須洋礮前經
諭令怡良等籌辦五六百斤及二三百斤洋礮百餘
尊解皖應用現已購辦若干著何桂清等迅卽籌解
如一時未能應手常州捐備銅礮尙多或先將局存

之礮撥解廬州應用亦足以資攻勦毋得遲誤

福濟又奏言已革廬州府知府立誠前護廬鳳
道任內因案發往新疆該員到廬後辦理行營
糧臺不避艱險月餘以來拊循樽節頗得軍心
該革員前曾捐貲募勇勦匪巢湖並完繳應賠
鳳陽關少收盈餘銀一千兩墊給楚勇口糧合
無仰懇

欽定剿平粵匪方略卷一百七十六

九

天恩將立誠留於軍營襄辦糧臺緩赴戍所之處出自
逾格鴻施奏入

上諭內閣曰安徽已革廬州府知府前護廬鳳道立誠
因案發往新疆效力贖罪茲據該撫奏稱該革員前
曾捐貲募勇勦捕巢湖賊匪並完繳鳳陽關應賠銀
兩幫同照料行營糧臺尙爲出力立誠著准其暫緩
發遣留於安徽軍營幫辦糧臺事務

十五日未乙王懿德奏言查總兵富勒興阿在新橋一帶地方帶兵紮營堵禦前月賊匪分路圍攻我兵接仗挫潰該逆直撲府城當被竄擾富勒興阿退至上杭藉詞募勇實屬堵勦不力應請

旨將該總兵暫行革職勒令帶罪效力奏入

上諭內閣曰福建署汀州鎮總兵富勒興阿於逆匪竄

聖朝聖略卷七十六

十一

陷邵武府城時帶兵在新橋防守不能力遏兇鋒致汀州府城被匪竄擾實屬堵勦不力富勒興阿著暫行革職勒令帶罪效力迅圖克復如再不知愧奮定當從重治罪

王懿德又奏言崇安逆匪現在逃散城池收復代理臬司趙印川由延平順昌進勦以圖恢復邵武臣已飭遊擊畢定邦等遴帶勁旅由建陽

進勦並咨水師提臣鍾寶三統率浙旅取道順昌赴邵與趙印川一軍兩路夾攻勦辦較有把握

王懿德又奏言遊擊畢定邦統帶漳勇由浦城折回建甯府一帶會勦馳抵甯甯縣之回龍地方探知逆匪在水吉市擄掠丁壯畢定邦分路進攻逆匪繼擁而來我軍槍礮齊施擊斃百餘

聖朝聖略卷七十六

十一

人畢定邦即率師前進該逆在北小湖地方擁眾抗拒我軍分隊迎擊連斃執旗賊目二名賊即回奔畢定邦督勇進勦殺斃賊匪甚多該逆由建陽一帶竄逃計兩日共殲斃賊匪四百餘人四月二十六日畢定邦舟抵北津登岸出隊各鄉團陸續繼至甫抵七星橋一帶該逆斷橋拒守畢定邦飭令各鄉團駐紮山腰多張旗幟

該遊擊督率各勇馳抵橋邊施放槍礮逆匪紛
紛潰逃我軍卽由水淺處渡河詎逆營突出馬
隊衝撲內有黃衣悍賊數十名勢甚兇猛均被
畢定邦槍擊悍賊落馬賊眾披靡我軍從後掩
擊又殺斃賊黨六百餘名畢定邦率勇追勦直
入逆壘我軍勇氣百倍殲逆無數當將逆營十
一座焚燬並燒燬逆船六十隻二十七日畢定

欽定剿平粵匪方略卷一百七十六

十一

邦飭令鄉團由陸路進親率兵勇各船甫抵大
洲該逆趕至河邊施放噴筒火箭截拒我軍畢
定邦督率師船且戰且進水流舟迅直抵建甯
郡臨江門城下該逆大股從後追趕畢定邦躍
岸迎擊槍斃賊目六名逆匪欲退我軍奮勇追
擊復斃賊七八百人焚燬逆營七座鄉團乘勝
助勦被匪圍裹致後隊不能接應畢定邦趕至

救援該逆奔回營壘堅守不出遂同時馳入郡
城臣仍督飭該遊擊激勵士卒會合進勦務將
被陷各城以次恢復

王懿德又奏言五月十六日遊擊畢定邦等軍
抵距建陽縣城之十里地方卽據各鄉民請兵
救援當經督兵四路阻殺該逆卽陸續退竄由
莒口一帶奔逃各鄉兵會同武弁入城勦捕畢

欽定剿平粵匪方略卷一百七十六

十一

定邦等分隊由陸路進勦並飭訓導章米爾等
押隊先行維時千總祝喜銓等亦各帶鄉團前
來助勦我軍水陸併攻並躡蹤追勦先後斃匪
不計其數該逆盡棄輜重而奔並據甌甯縣吉
陽巡檢金茂華稟報會同聯丁克復建陽縣城
容俟查明出力人員再行辦理奏入均報

聞

十七日丁酉英桂勝保奏言署廬鳳道金光飭在正陽關勦賊被創墮水致歿於陣仰懇

天恩俯准

飭部照按察使陣亡例從優議卹以慰忠魂奏入

上諭內閣曰按察使銜記名道廬州府知府金光飭勇敢素著屢立戰功茲於署廬鳳道任內攻勦正陽關賊匪重傷陣亡實堪憫惻金光飭著照布政使陣亡

聖朝聖考卷七十六

古

例議卹以慰忠魂

二十日庚子福濟鄭魁士奏言署廬鳳道金光飭

因攻勦正陽關賊匪力竭捐軀該署道威名素著本年委赴壽州正陽一帶督辦防勦屢立戰功此次以死勤事士民飲泣痛惜殊深應懇

天恩准於壽州地方捐立專祠以光祀典奏入

上諭內閣曰安徽署廬鳳道廬州府知府金光飭在正

陽關勦匪陣亡業經降旨優卹著加恩准其於壽州地方捐立專祠以彰忠蓋

同日湖廣道監察御史尹耕雲奏言本月十五日奉

旨訥爾經額著以四品京堂候補臣查咸豐三年八九月間賊由懷慶竄擾平陽訥爾經額嚴防臨洛

關望風先潰畿輔震驚

聖朝聖考卷七十六

五

天威赫怒立即逮交刑部定以大辟大小臣工莫不戰慄上年出諸獄中

賞給六品頂戴前往

西陵當差比自差回尋復

命以四品京堂候補恐其負釁至深未可再予

榮寵若復假以事權亦將仍蹈故轍伏願收回

成命以示大公則天下幸甚奏入

上諭內閣曰前任大學士直隸總督訥爾經額因逆匪北竄堵勦不力革職治罪原以行軍失律法所必懲嗣因北路肅清量從末減茲因

西陵當差回京念伊久膺疆寄曾入綸扉予以四品京堂俾知感愧並非假以事權即使訥爾經額年力未衰尙堪重任朕用一威望頓減之員實難期其振作正與從前棄瑕錄用復任封圻者不可同日而語况

欽定剿平粵匪方略卷七十六

十六

人才黜陟朕心自有權衡尹耕雲所奏著毋庸議

二十一日 辛丑 德興阿翁同書奏言查自上年紅

單師船攻入瓜州大口之後賊遂添設礮臺多處並將巨艦塞斷口門計惟仍用火攻師船乘風直入口內偏壘縱焚陸兵乘間三面圍勦可收攻瑕之效因密飭總兵陳國泰趕備大船二十隻油薪等物悉具適遇東南大風先期定約

水陸並舉五月二十八日東岸總兵鞠殿華等帶領馬步隊分路前進約齊乘水師焚放火船時卽併力搶渡重濠徑撲賊壘臣德興阿在江岸督攻臣翁同書在四里鋪督攻東南風益大

欽定剿平粵匪方略卷七十六

十七

陳國泰統帶大小師船順流截折東下轉而北駛將近大口卽將火船燃著向大口突入焚燒登時將其攔門巨艦數隻及雙桅三桅各船並傍營對峙之礮臺房間化爲灰燼賊中水次積聚一空其時各路馬步兵勇見江邊煙燄蔽空人人鼓銳越過重濠用火彈噴筒大礮攻擊立斃賊目多名並燬瞭墩十餘座進至頭道濠邊上瓜州突出四五百人隔濠施放槍礮我兵對擊又斃賊一百數十名餘俱遁回是日南岸余萬清亦如約環攻鎮城其焦山水師瞭見瓜州

數處火起總兵泊承陞等均各帶船上駛揚帆至金山江面將渡江赴援北岸之賊船打回口內並用火箭射燒鎮江馬頭望樓數座高資之賊亦糾合金山賊眾駕船來救被都司許錦堂截擊敗回共計殲斃賊匪不下三百餘名高資來船十三隻甫泊口門均被燬盡逆眾大為奪氣臣等查賊壘均靠運河兩岸其四里鋪以南

聖朝聖略卷一百七十六

六

河道被賊釘樁隔斷而四里鋪距上中瓜州賊營僅有里許巨礮可以擊及議用大船運礮對準轟擊仍以陸軍薄壘偪攻兼飭土橋焦山水軍嚴扼江面或亦擣虛制勝之一法現已派員趕辦容再縷細上陳奏入報

同日何桂清奏言自溧水克復後和春本擬酌

聞

調勝兵北赴句容為四面合圍之計而該逆一萬數千人在相距溧水五六十里之湖墅鎮龍都鎮秣陵關三處犄角紮營一以防我溧水官兵乘勝直搗金陵一圖回撲溧水並由旁路內犯以致此路萬餘兵勇不能酌撤現在和春張國樑已派傅振邦統帶兵勇八千名由高陽橋進勦虎嵩林統帶兵勇二千四百名分紮溧水

聖朝聖略卷一百七十六

九

城內外以為後路接應前總兵李志和統帶兵勇一千餘名駐紮洪藍埠以固溧水後路據報賊之兇悍者咸集句城及湖墅等處金陵城內死黨不過七八千人餘皆脅從老弱自石逆遁赴江北後溧水又經克復金陵賊眾本已危懼而洪逆性復殘忍大有眾叛親離之勢至鎮江逆匪中之裹脅來江願求自拔而不得者經余

萬清設法解散不少雖有可乘之機無如兵力較單未可冒昧從事而我之健將精兵悉盡力於句容湖墅又未便輕議撤動致為賊所乘必俟克復句容方可移兵東向一鼓而下鎮城其瓜州賊情與鎮相等當溧水將次得手之時鄧紹良亦於五月二十二至二十五等日連次攻勦蕪湖賊匪雖經踏平二壘一時尙難得手現

欽定剿平粵匪方略卷一百七十六

二十

擬分兵老鴉山接濟吳全美等水師為水陸並進之計臣仍會商和春張國樑鄧紹良嚴催諸將迅速進攻以冀上慰

宵旰之憂

同日山西道監察御史錢桂森奏言揚營軍務日久無功德興阿懦憊無能大營駐蔣王廟距瓜州幾三十里不與賊戰者年餘每遇出隊之

期槍礮憑虛轟擊影嚮附會遽以勝報侍衛董秀性情乖謬遇事把持尤為軍中之害已革道員溫紹原拊循士卒素得民心總兵銜副將毛三元勇敢有為戰功歷著可否請

旨將德興阿撤回責成毛三元以破賊之任開復溫紹原革職之罪使之勦力同心攻勦瓜州逆匪庶可收指臂之功而免因循之患總兵張國樑謀

欽定剿平粵匪方略卷一百七十六

二十一

勇兼全勦勤懋著儻

宸衷獨斷俯順輿情

畀以統帥之權使之總理江蘇全省軍務則蕩平之效當在指顧均奏入

上命軍機大臣傳諭和春何桂清曰溧水克復該逆尙在湖墅鎮龍都鎮秣陵關三處紮營阻我軍進攻之路必須句容克復方能分兵直搗金陵而該逆內訌

自相殘害機會似不可失因思徽甯一帶現在情形稍鬆鄧紹良一軍若能乘虛攻搆金陵則並可牽制句容賊勢似屬一舉兩得惟該提督既須嚴防逆匪內竄之路兵力是否足資分撥著和春與何桂清妥為籌畫如有出奇制勝埽穴擒渠之計即行會商布置毋失事機御史錢桂森奏德興阿懦弱無能久未與賊打仗奏報獲勝情形諸多不實侍衛蒞秀性情

聖學聖方略卷百七十六

三

乖謬遇事把持等語又聞德興阿近日患病行動艱難是否確實著和春何桂清密加察訪據實具奏

何桂清又奏言查咸豐二年賊竄江南儀徵江浦屢經失陷而六合介儀徵江浦之間時已革道員溫紹原署理該縣於聞警之初即倡募水陸各勇激勵紳團並派間諜確探賊情豫為之備故能將撲城賊眾一鼓殲滅後雖數犯疆圍

均能出奇制勝且以其餘力上控江浦下救儀徵北援來安江北大營得免西顧之憂而自來安至廬州尚有一綫餉道可通者亦惟溫紹原是賴今臣欽奉

恩命權任兩江責重事艱當以用人為急務查通省才足匡時如溫紹原者實不多見該員因公獲咎情有可原且溫紹原雖奉督辦六合江浦團練

聖學聖方略卷百七十六

三

之

命究係無職人員深慮民情解體仰懇

天恩俯准將溫紹原開復原官仍以江蘇道員補用以為維繫眾心之計奏入

上諭內閣曰江蘇已革道員溫紹原前在六合縣任內激勵紳民辦理團練屢次擊退悍賊保障孤城頗資得力嗣因干預保舉經德興阿奏參革職朕念其數

年以來保衛江北爲地方出色之員業經諭令德興阿等責其會同官兵攻復江浦以贖前愆茲據何桂清奏稱該革員雖已奉旨督辦團練究係無職人員深恐呼應不靈溫紹原著先行開復知府仍俟克復江浦後再行奏請獎勵

同日

上命軍機大臣傳諭德興阿和春官文胡林翼邵燦庚

欽定剿平粵匪方略卷百七十六

三

長福濟英桂勝保曰吉林黑龍江馬隊官兵先後調往各路軍營助剿除經統兵大臣及各省督撫奏明撤回歸伍外計現在江北江南湖北及徐宿皖豫等處留營備剿者吉林兵尙有六千餘名黑龍江兵尙有二千餘名該兵丁等與南方水土本不相習出征日久不免疲勞患病且南省又多水田港汊馬隊難於施展之處亟應分別撤回以休兵力而收實用著

德興阿和春官文胡林翼邵燦庚長福濟英桂勝保等各就該處軍營查明吉林兵若干名黑龍江兵若干名酌量可撤者先行撤回歸伍其地方旣屬相宜兵力亦無疲乏現資攻剿必不可少者仍著留營調遣俟該營兵力足敷再行分起奏撤

二十三日 癸卯 王懿德奏言逆匪竄踞光澤縣城

於五月十四日各鄉聯甲壯丁糾集萬餘攻入

欽定剿平粵匪方略卷百七十六

三

殺斃逆匪無數餘匪竄逸當卽收復城池道員王肇謙督催各將弁迅速進兵由大幹一帶沿途剿洗直抵邵武以期一鼓蕩平汀郡失陷後逆匪四出搶擄該縣龐立忠招集各路土兵分投攻剿先後斃賊九百餘名紳士丁捷芳督率壯丁助剿殲賊七百餘名該逆因各路土兵愈聚愈多遂於四月初四日竄往上杭一帶龐立

忠帶同壯丁追殺一百餘名城池當卽收復汀州府知府延英於汀郡失守時被賊戕害署汀軍同知朱式璟投河殉難又連城之賊由青巖里小路直撲縣城該縣延棟會同將弁紳士督率壯勇登陴守禦逆匪四面圍攻我軍奮力抵敵轟斃賊匪二十餘人惟時西門勇力較單被逆乘機闖入適各鄉壯勇前來助勦我軍聲威頓壯內外夾攻擊斃逆匪數百人餘匪四散奔逃把總鍾得陞等分路追勦又殺斃逆匪二百餘人該逆匪經我兵疊次痛勦賊膽已寒現在該逆大股屬聚甯化泰甯邵武一帶而邵武爲中權要郡必須先行政攻克再將泰甯等縣以次恢復庶可淨殲醜類仰副

聖主綏靖巖疆之意奏入

聖主綏靖巖疆之意奏入

三

上諭內閣曰江西逆匪竄踞福建光澤縣城經各鄉壯

丁糾集萬餘人攻入城內殺斃逆匪無數當將城池克復其汀州府城被匪攻陷後知縣龐立忠招集土兵勦殺該逆竄往上杭遂卽克復府城連城縣被匪闖入經各鄉壯勇助勦餘匪四散民心效順軍威大振著王懿德督飭各路文武官紳兵勇將邵武府城並泰甯等縣以次攻克盡殲醜類此次出力官紳兵

聖主綏靖巖疆之意奏入

三

勇著該督分別奏請獎勵殉難各員著卽詳查請卹二十五日乙晏端書奏言池州荻港之賊聚踞青陽併成大股竄至陵陽鎮分三路來撲崇覺寺軍營周天受督勇接戰轟斃甚衆賊勢漸退我軍出隊追擊並調七都隊伍沿途抄截擒斬甚多五月二十日賊在陵陽鎮紮壘設伏賊於巢後分路衝突我軍分投攻勦當將逆匪擊退

惟賊巢離崇覺寺不及十里二十五日又分撲崇覺寺各營我軍始則憑營與戰繼則出隊迎擊斃賊極多而徽州嶺內股匪已竄出羊棧嶺周天受先將七都各營移紮夏村並咨鄧紹良派捷勇五百名前來助勦遂帶隊馳至夏村賊已渡河接戰於烏石隴殺其賊首十餘名逆黨愈來愈多周天受分隊直撲河岸被溺之賊以

聖朝軍方略卷一百七十六

三

數百計我軍從後山繞上山梁奮勇掩殺賊遂大敗該逆復招集餘黨來撲夏村營盤周天受密派隊伍潛往陵陽鎮縱火賊大驚潰立將賊巢焚燒淨盡夏村官兵亦於是夜繞出烏石隴火器齊施賊眾奪路而逃我軍追截殲斃甚多所有烏石隴陵陽鎮兩路逆氛均經掃蕩肅清浮梁景德鎮之賊大股復竄婺源清華街經參

將王夢麟等擊退該逆復從婺源東北鄉僻徑竄襲回嶺我兵寡不敵眾蘇式敬趕至陳村會合千總趙廷貴併力截殺血戰兩時斃賊多名賊勢稍卻惟以孤軍深入且江長貴駐紮上溪各隊一時又徵調不及自陳村至徽郡路僅百里情形萬緊張芾飛調駐防華橋之都司羅承勳等馳回休甯縣城駐防浙嶺之程永年等赴

聖朝軍方略卷一百七十六

三

屯溪扼守以固郡城一面檄飭千總榮陞由嶺入援並令同知王桐添派勇丁增修營壘豫備迎勦江長貴馳至休甯督飭王夢麟等分紮古城巖等處歙縣知縣皇甫漢仕督團助勦該逆知我軍有備不敢進犯退竄黟縣之四五都該處距羊棧嶺不遠張芾江長貴派兵前往堵截遏其進竄之路並馳出湯嶺以固崇覺寺後

路一面派隊親督進剿該逆分股回撲我軍併力迎擊斃賊無算匪眾敗潰各隊乘勝追殺縣丞黃伯垣等分路截擊夥縣民團亦有起而殺賊者我軍追至十都嶺下該逆合併前股在山梁犄角死拒江長貴督隊從中路進擊千總馬朝選等左右攻撲轉戰四時擒斬不少該逆由廬村竄出羊棧嶺詎浮梁另股賊匪續由黃竹

聖朝聖考卷百七十六

三

嶺竄入休甯之三十三都張芾飛飭王夢麟赴江潭進剿江長貴親至漁亭督攻該逆已由汪村竄至流口王恩榮整隊而進逆眾飛奔渡河我軍涉水跟追該逆退而復至江長貴復密派勁旅分兩路同時進擊該逆猝不及防自相殘殺及傾跌淹斃者不計其數我軍乘勝攻出平鼻嶺現在婺源境內尙有賊蹤時虞內竄仍飭

實力防剿

晏端書又奏言賊匪仍聚蕪湖逆卡八座存賊三千餘人經鄧紹良札飭遊擊吳再升等吞會吳全美親督水師四次進兵毀去小河南賊卡兩座茶園菴賊卡一座擊沈賊船二十餘隻斃匪一百餘名至婺源接壤浮梁樂平賊蹤竄突靡常設竟聽其空虛棄為賊踞則徽衢兩防不

聖朝聖考卷百七十六

三

堪設想茲幸建甯解圍崇安建陽均經克復閩省軍情較緩除仍令江長元卓大林兩軍照舊屯紮兼顧浙東溫處各郡外其浦城西南鄉一帶民團數萬人齊心出力所有楚勇六百名新舊良勇九百名即飭畢大鈺等管帶剋日馳赴婺源並吞總兵饒廷選等將彪勇挑選六百名復於常開各防抽撥勁旅五百名並駐防廣豐

之浙兵四百名交遊擊楊國正統帶一併飭赴
婺源會同畢大鈺等相度地勢擇要駐守均歸
饒廷選調度臣復咨張芾於徽防酌撥兵勇一
千名進紮清華街以遏竄徽要路仍與派駐婺
源兵勇聯爲一氣設有警報彼此互爲策應庶
徽衢兩防可期穩固奏入均報

聞

欽定剿平粵匪方略卷一百七十六

三

欽定剿平粵匪方略卷一百七十七 丁巳年

六月初一日庚戌和春奏言溧水攻克後湖墅一
帶尙有逆匪蟻聚卽飭傅振邦帶兵由高陽橋
進剿該逆突出二千餘人由湖墅龍都兩路來
迎虎坤元等帶隊分抄斃賊多名五月十一十
二等日督同米興朝等進紮高陽橋探得逆勢
甚衆占踞湖墅防備極嚴十六日湖墅突出賊
三千餘名龍都出賊千餘名飛奔來撲傅振邦
派兵迎剿並毀平石巷頭一帶賊壘新昌橋之
賊亦各奔逃是夜大雨各軍乘勢進攻五更時
賊營火起經鄭朝棟等奮勇先登將東南面賊
壘六座同時奪獲各軍圍攻湖墅槍礮絡繹逆
衆驚惶失措自相踐踏官兵四面追殺餘匪逃
出者亦爲兵勇截殺其童家橋等處之賊望風

欽定剿平粵匪方略卷一百七十七

一

而逃虎坤元等帶兵追至龍都落水死者甚衆
逆賊棄壘潰走官兵追殺三十餘里卽將龍都
賊壘數座一律焚燬湖墅龍都同時克復共計
先後殺賊五千餘名砍取首級一千六百餘顆
生擒三百零五名此次在事出力人員應請彙
同克復溧城案內一併請獎除飭傅振邦親帶
兵勇三千餘名駐守湖墅以資防勦外其餘官

聖朝聖考卷一百七十七

二

軍四千餘名當卽調赴句容助勦奏入

諭內閣曰此次官軍攻克湖墅龍都賊壘傅振邦督
軍進紮湖墅得勝兵勇調赴句容仍著和春張國樑
督率進勦迅圖攻克出力人員准其彙入克復溧水
案內一併請獎

初二日 辛亥 官文胡林翼奏言查黃梅蘄州之賊

來自宿松太湖六安其踞黃梅大河鋪者連營

二三十里並分竄十里鋪等處五月十四等日
將軍都興阿等連破大河鋪等七壘二十二日
又破十里鋪賊壘賊之來撲及分擾黃梅縣城
廣濟縣境者均經馬步奮力進勦擒斬甚多東
北路賊十餘營悉行遁去其竄踞蘄州張家塆
一帶者分撲胡家涼亭鴨公嘴等處官軍連戰
殲斃無數墜崖落澗死者尤多賊踞望天畝並

聖朝聖考卷一百七十七

三

於黃土岡等處結壘二十七八等日官軍連次
進擊並合蘄州紳勇踏平張家塆及范家灣賊
壘斃賊二千有奇我軍乘勝進勦閏五月初二
等日先燒夫子嶺汪家壩賊營五座連次斃賊
一二千名或數百名黃土岡等處賊壘亦盡毀
平餘賊退入望天畝等處閉伏不出官軍連日
進攻均有斬擒邢高魁朱啟仁率勇至青石嶺

將山岡下賊巢數十間焚燬復斃賊二千餘名
此次皖賊號稱十萬分竄楚界雖已擊退尙未
全股肅清除分檄各路乘勝速勦外所有尤爲
出力之員可否仰懇

恩施以示鼓勵奏八

上諭內閣曰安徽逆匪大股伺竄疊經勦洗斃賊甚多
仍著官文等飭令帶兵文武悉力扼勦務將全股肅

聖朝聖學卷二百七

四

清所有尤爲出力之遊擊石清吉著免補遊擊以參
將補用都司鄭陽和著免補都司以遊擊補用並賞
加參將銜千總陳德懋著免補千總以守備補用並
賞加都司銜千總陶忠泰黃慶均著免補千總以守
備補用並賞換花翎守備王可陞著以遊擊補用先
換頂戴守備楊朝林吳嘉春均著以都司補用先換
頂戴並賞換花翎把總趙旣發外委李德勝陳由立

均著以千總補用並賞加守備銜千總姜玉順著免
補千總以守備卽補都司朱希廣著以遊擊補用並
賞加參將銜都司黃勝日著以遊擊補用並賞換花
翎守備張松林著以都司補用並賞戴花翎六品軍
功梁美材著以千總超拔並賞戴藍翎

同日耆齡奏言據吉安府知府黃冕等稟稱吉
安賊匪屢次出犯均爲我軍擊敗五月十六至

聖朝聖學卷二百七

五

二十四等日賊約二三萬人分撲各營勢極猖
獗我軍連日大戰殲賊二千數百人候補道王
鑫一軍由吉水進勦水東甫抵周家嶺該逆分
三路來撲王鑫俟該逆逼近親率弁勇出擊親
兵李繩武等連殺悍賊數十名賊隊大亂伏兵
齊起縱橫截擊斬首七八百名被傷落水者千
餘人踏平賊壘五座臣查吉安賊衆糾黨撲營

情形甚為喫重賴候補道王鑫一軍疾馳援剿
大破水東巨寇有此一捷不但吉營軍聲愈壯
卽瑞臨二郡亦可無牽綴之虞於全局甚有神
益所有王鑫一軍可否容臣擇尤請獎以資激
勸出自

天恩其陣亡員弁均經履著戰功應請

旨優卹奏八

聖學聖考卷百十七

六

上諭內閣曰吉安賊匪屢次出撲經王鑫等軍擊剿疊

勝所有出力員弁著著齡擇尤保奏陣亡之都司易

普照著照遊擊例議卹守備銜把總張廣生等均著

照守備例議卹把總廖正翼等均著照千總例議卹

軍功彭有勝等均著照外委例議卹以慰忠魂

初四日 癸丑 王懿德奏言汀州光澤等城克復後

經臣飛飭代理臬司趙印川保升參將畢定邦

等各率精兵健勇進攻邵武師次麻沙地方賊

眾數千人由沙溪黃塘等處來拒官軍會合西

鄉團練奮勇進剿殲賊匪無算城內之賊聞

風膽落紛紛逃竄經畢定邦等分投截殺槍礮

齊施轟斃逆匪數百名城外賊巢一律焚燬卽

於閏五月初九日將邵武府城克復餘匪搜捕

殆盡所有在事出力員弁紳士容臣查明奏請

聖學聖考卷百十七

七

獎敘奏八

上諭內閣曰邵武府城業經收復所有在事文武員弁

紳勇實屬奮勉出力著王懿德查明保奏

初六日 乙卯 和春奏言金陵久為賊踞溧水句容

相繼失陷幸月前溧水克復卽飭總兵傅振邦

一軍會合圍攻句容閏五月二十一日張國樑

等復督隊分攻該逃於西南門各出二三千人

城外賊營亦各突出數百人分路迎拒張國樑督同親軍衝入賊隊刺殺悍賊數十名賊勢大潰官兵追殺東北門各出賊千餘人臣卽揮兵迎頭截殺兵勇乘勢搶進內濠放火賊營自相驚亂卽將南門外賊壘三座奪獲約斃賊千餘名生擒五十七名二十二日逆匪大股出撲張國樑帶同王浚等直前衝突復刺悍賊數名落

欽定剿平粵匪方略卷一百七十七

八

馬我軍喊聲震野盡力刺殺賊眾紛紛倒地卽將西南面賊營三座先後奪獲是日計共斃賊二千數百名生擒六百餘名奪獲軍器五百數十件連日四面圍攻該逆匪不出巢二十四日各軍攜帶攻城器具銜枚急進越濠直抵城根豎立雲梯城上開放槍礮官軍冒煙而上張國樑帶兵殺進城內街巷屍積如山於二十五日

子時將句容縣城克復其逃出之賊復經各軍分路殲斃殆盡約斃賊六七千名砍取首級二千三百餘顆生擒三百餘名米石不可勝計此皆仰賴

聖主天威將士用命又得署督臣何桂清籌給餉糈源源接濟俾士馬飽騰羣兇就戮實足快人心而伸

欽定剿平粵匪方略卷一百七十七

九

天討現擬酌留官兵防守城垣將善後事宜布置妥協再行移兵圍剿鎮江所有在事文武員弁兵勇容臣擇尤請獎以示鼓勵奏入

命軍機大臣傳諭和春張國樑曰官軍克復句容該縣城防守及善後事宜布置想已妥協著卽乘此聲威移兵鎮江迅圖克復本日已諭令德興阿等督率各營兵勇攻勦瓜州並飛調水師進徧金山等處杜

賊匪往來接應之路南北夾攻更易得手鎮江克復再圖金陵該大臣等迅奏膚公同膺懋賞朕不勝殷盼江南大營勇將林立惟文職大員可與商酌機宜者較少何桂清於江浙地方情形甚為熟悉前此攻勦徽甯賊匪調度有方近日籌給餉糈接濟大營不遺餘力嗣後該大臣等進兵機宜可與該督就近函商以期集思廣益悉臻妥善張國樑已升任湖南提督疊荷恩施諒能益加奮勉與和春協力同心統籌營務仰答朕恩也

聖學聖考卷二十七

十一

又命軍機大臣傳諭德興阿翁同書曰江南軍營將士用命得以連克堅城日有起色惟鎮江瓜州勢成犄角非南北岸併力進攻則賊眾互為應援官軍難於得手現在和春等既移重兵圍剿鎮江著德興阿翁同書激勵將士約期攻勦瓜州不得再有延宕至

上游水師本歸德興阿等節制著卽飭令葉常春等各率弁兵同時並舉下游焦山師船一併檄令接應屆時陸兵攻勦鎮江水師卽可乘機將金山銀山蒜山等賊營殲盡俟克復鎮江卽於金山安設水師以為大江鎖鑰使金陵賊匪不能復行下竄該大臣等督師日久亟應乘此事機順利迅速奏功瓜州蕞爾之區非縣城可比經年累月糜餉勞師毫無把握德

聖學聖考卷二十七

十二

興阿等尙復何顏對朕耶又命軍機大臣傳諭何桂清曰此次句容克復卽應進攻鎮江扼斷江路以次進取金陵惟鎮江瓜州為江面鎖鑰金山屹峙中流必須兩岸官軍及江面水師同時並舉方能得力已諭知德興阿等迅速進攻自可相機克復和春張國樑均能奮力圖功營中健將亦復不少惟少文職大員隨時商推軍情何桂清

向能實心任事朕已諭令和春與該督就近商庶
可集思廣益現在文武和衷已有明效何桂清必能
與和春等同心協力迅奏膚公以慰朕望所有句容
善後事宜著該督卽派委員辦理

上

諭內閣曰此次剿辦逆匪將士用命數旬之內連克
溧水句容兩城甚爲得手和春總統諸軍調度有方
著加恩賞加太子少保銜張國樑身先士卒屢著戰

聖學聖學卷百七十七

主

功著加恩賞穿黃馬褂以示優異其餘在事文武員
弁兵勇著和春張國樑擇其尤爲出力者奏請獎勵
候朕施恩

初十日 己未 略秉章奏言查江西賊衆回竄樂安

王鑫攻破水東賊壘後擬回師潛襲樂安之賊
忽探報廣西金田起事老賊僞禱天侯胡壽階
率賊數萬自甯都州來將由沙溪接吉安閩五

月初十日王鑫分隊迎擊賊大敗奔逃陣斬賊

首胡壽階追至瑤嶺路峻而仄羣賊蹂附而上

自相蹂踐官軍槍擊矛截紛紛下墜復窮追至

馬鞍石地方計四十餘里約斃賊五千名大小

賊目六七十名生擒賊六百餘名奪獲大小旗

幟四千餘件長矛八千餘枝刀鈹鳥槍千餘件

十一日僞將軍譚姓率衆二三千屯於瑤嶺徘徊

聖學聖學卷百七十七

主

不進王鑫令所部出隊佯卻以誘之賊始下

山官軍分三路疾馳而進賊不戰自潰追至五

星石地方賊盡逃竄又追至嚴坊沿途斃賊八

九百名各路團練搜殺逸賊二千有奇查王鑫

一軍僅三千人卒能以寡擊衆巨憖殲除實爲

罕見該員忠勇性生洞曉軍務其步伐整齊軍

令明肅有古名將風可否

賞加勇號以示優異之處出自

天恩其陣亡員弁均請

飭部照例給予卹典以慰忠魂奏入

上諭內閣曰此次王鑫一軍攻破水東賊壘後甯都賊

首胡壽階由沙溪來援經王鑫分隊迎擊賊大敗奔

逃陣斬賊首胡壽階斃賊五千餘名復追至嚴坊沿

途斃賊八九百名以寡擊眾殲除巨憝實屬奮勇可

聖朝集略卷一百七十七

十四

聖朝集略卷一百七十七

十五

嘉記名道王鑫著賞給愛什蘭巴圖魯名號陣亡之

把總楊見美等均著交部照例議卹

十二日辛酉福濟奏言查已革漕運總督楊殿邦

於咸豐四年揚州軍營隨同攻克土城奉

交慧成存記嗣復奉

旨交臣福濟差遣委用臣到皖後疊經派令辦理廬鳳

六泗勸捐團練並無貽誤其從前防堵案內應

賠銀兩業經照數繳清可否仰懇

逾格施恩准將楊殿邦留營差委免其發遣新疆臣亦

得收指臂之助奏入

上諭內閣曰已革漕運總督楊殿邦著免其發遣留於

福濟軍營差遣委辦勸捐團練事宜

十七日丙寅官文胡林翼奏言皖省賊匪因年荒

糧盡裹脅饑民數十萬由黃梅廣濟蘄州蘄水

等處開道上竄我軍分路堵禦凡大小五十餘

戰殺賊萬餘閏五月二十七日南勇各營於蘄

州之望天畝開仗獲勝竭力窮追殺賊千餘不

意深入險地伏賊羣起圍抄我軍營壘全失退

至蘄水臣胡林翼甫抵黃州正值我軍敗退卽

駐黃州收集潰勇補製軍械已飛調水師礮船

扼守沿江並調候補道王鑫同知劉騰鴻自江

著福濟源源分撥毋令缺乏此次皖賊由宿太等處
傾巢竄入楚境實因皖省無兵牽制致令該逆恣意
上竄福濟鄭魁士坐擁重兵何得株守廬州一籌莫
展現在逆匪全力注意楚疆則皖境必有可乘之隙
著福濟鄭魁士迅速出兵爲搆虛攻瑕之計毋得專
待李孟羣救援致成坐困之勢至安徽雖係殘破之
區然地方官若得幹練之員激勵鄉團安良除莠綏

聖朝聖訓卷百七十七

十六

輯一方卽少一方之裏脅福濟撫皖有年於察吏安
民之道並不講求安望軍務日有起色務當振刷精
神力圖補救若徒知索餉以供坐守之兵於軍務有
何裨益耶

十九日 戊辰 署兵部侍郎曾國藩奏言查湘勇自

臣離營後赴江西投效者安謐如常吉安臨江

屢獲勝仗將軍福興巡撫耆齡先後至瑞州視

師犒賞各營皆歡欣踴躍樂爲用命可見士無
常親惟撫馭者是親不必楚人而後能用楚衆
也 臣以丁憂人員未開實缺寸心終抱不安衰
經從戎明臣黃道周目爲不祥之人合無籲懇
天恩俯准開除兵部侍郎實缺俾得回籍終制感激
鴻慈實無旣極奏入

聖朝聖訓卷百七十七

十九

上諭內閣曰曾國藩奏稱江西各營安謐如常毋庸親
往撫馭仍請開缺守制等語曾國藩以督兵大員正
當江西喫緊之際原不應遽請息肩惟據一再陳請
情詞懇切朕素知該侍郎並非畏難苟安之人著照
所請准其先開兵部侍郎之缺暫行在籍守制江西
如有緩急卽行前赴軍營以資統率此外各路軍營
設有需才之處經朕特旨派出該侍郎不得再行瀆
請致辜委任

二十三日 壬申 德興阿翁同書奏言據報蘇松鎮

總兵葉常春定海鎮總兵周士法先後因病出

缺查葉常春自嘉慶年間隨勦洋面洩升廣東

副將嗣授蘇松鎮總兵統帶廣局各艇船歷在

蕪湖鎮江瓜州江面勦賊曾受重傷調防浦口

屢次擊沈賊船懋著勞績周士法以遊擊越升

總兵統帶浙江師船扼紮焦山進攻瓜鎮屢立

戰功從無挫衄今該二員均積勞病故合無仰

懇

天恩俯准

飭部照軍營病故例從優議卹以慰靈魂奏入

上從之

二十四日 癸酉 王懿德奏言據提臣鍾寶三咨報

閏五月二十一日馳抵泰甯距縣城十里之神

江橋地方紮營即於申刻督師進攻詎該逆二

千餘人膽敢出城拒敵勢甚兇悍我師鏖戰一

時之久殺賊多名二十二日復派已革知縣黃

光洛等帶領兵勇四百名作為前隊甫抵縣城

逆匪紛紛出撲鍾寶三督師繼進轟斃賊匪七

十餘名殺斃七百餘名餘逆死力抵拒適四鄉

甲丁由後路抄來逆匪四面受敵力不能支奪

路向西北逃竄又被伏兵截殺合力窮追殲斃

無算鍾寶三督率各軍長驅直進即於是日將

泰甯縣城克復臣查江右髮逆勾結土匪竄陷

泰甯縣城經提臣鍾寶三親督各軍克復城池

勦辦尙屬迅速當即咨覆提臣鍾寶三酌撥兵

勇駐紮防守一面移師建甯縣地方會合進攻

剋期恢復所有在事出力文武員弁均俟查明

分別請獎奏八

上諭內閣曰此次鍾寶三親督各軍進剿收復秦甯縣城辦理尙爲迅速著卽乘勝進攻並將建甯縣城克復所有在事出力員弁著該督查明保奏

王懿德又奏言據清流縣知縣曹紹曾等稟稱

四月初七日賊匪由歸化攻撲清流域池被陷

維時該縣暨署遊擊張常經在鄉防堵登時折

回督率兵民併力攻擊因賊援屬聚張常經身

中矛傷數處曹紹曾奔往四鄉招集鄉兵於十

七日將縣城南門攻破殲斃逆匪八九百名餘

賊竄逃曹紹曾等仍督率鄉勇分布防守詎五

月十七日逆匪復由南路蠶擁而來勢甚猖獗

曹紹曾帶勇出城與賊接仗張常經帶兵由金

錢隘追至合力圍剿無如衆寡不敵逆賊一擁

入城曹紹曾張常經等連日分門圍攻於二十

九日由東南北三門攻入縣城殲斃賊匪千餘

名餘匪由西門竄逃復被伏兵衝殺殲斃無算

立將城池克復又據歸化縣知縣章侃稟稱四

月初六日賊匪擁衆攻撲西門該縣章侃會同

營弁督勇抵禦殺斃爬城賊目五名殲斃賊匪

三十餘名匪勢稍卻初七日突有賊目率領逆

夥多名緣梯闖入南門該縣號召鄉民計圖克

復隨即挑選練丁援剿斃匪一百餘名五月初

四十一等日連日督同聯首邱志和等與賊接

仗十餘次先後擒斬逆匪五百餘名二十八日

會同署把總賴得陞等督率七里甲丁沿途截

殺殲斃逆匪六七十名卽於是日將城池收復

臣查汀州府屬清流歸化等縣均係逼近逆氛

臣查汀州府屬清流歸化等縣均係逼近逆氛

據稱賊眾兵單倉猝失陷尚屬實情現在雖經收復難保無逆匪回竄滋擾既據該縣曹紹曾章侃等各將失守縣城自行收復與事後調集大兵攻克城池地方官隨同收復者情稍不同惟先經失守究屬堵禦不力咎無可辭相應請旨將清流縣知縣曹紹曾歸化縣知縣章侃署汀州左營遊擊張常經一併革職仍勒令幫同接署之

聖旨

旨

員辦理籌防事宜以觀後效倘被逆匪回竄滋擾或查該縣等有先期潛避情事另行從嚴參辦奏入

上諭內閣曰福建汀州府屬之歸化清流等縣先後被匪竄陷雖經該縣知縣曹紹曾等糾集團練協同兵勇各將失守縣城自行收復究屬堵禦不力清流縣知縣曹紹曾歸化縣知縣章侃署汀州左營遊擊張

常經著一併革職仍勒令幫同接署之員辦理籌防事宜以觀後效倘查有先期逃避情事即著嚴行參辦

聖旨

旨

王懿德又奏言查汀州邵武府屬之歸化清流泰甯等縣續經先後收復惟甯化建甯兩邑尚被賊匪竄踞提臣鍾寶三各軍均於閏五月二十六日統率得勝之師就近馳赴建甯上下夾勦該縣賊勢已窮不難剋期恢復現在飛咨提臣鍾寶三一俟克復建甯立即移師甯化迅圖攻克以便會同汀漳龍道英樸一軍搜捕上杭武平等處餘匪庶汀屬醜類可期肅清臣察看閩省軍情已定大局屬安現定於六月初八日仍帶省標兵二百名凱撤旋省其餘原帶福建兵丁暫留延郡巡防隨時陸續裁撤至上下游

各路軍務及善後一切事宜仍由臣旋省後調度督辦總期餘匪淨盡各路蕩平仰副

聖主眷顧海隅綏靖黎元之意奏入報

聞

二十七日丙子耆齡奏言據報已革副將周鳳山

於五月二十七日督率各營環攻龍泉縣城斃賊無算奪獲器械五百餘件是日城賊自北門

聖主眷顧海隅綏靖黎元之意奏入報

三

三

擁出又經梅文裕等擊回周鳳山復派隊每夜施放火器使賊不得休息如是三日乃於閏五月二十五日渡濠環擊投誠賊目內應各勇緣梯登城逆匪猶拚死巷戰各兵勇分投斃殺共斃賊三千餘人奪獲軍械一千數百件當將縣城克復臣查周鳳山先因防勦失利奏參革職此次力拔龍泉縣城實屬深知愧奮合無仰懇

天恩俯准將周鳳山開復原官遇缺即選並

賞還花翎其餘在事出力人員容俟查明另覈請獎陣

亡員弁並請一併

飭部議卹奏入

上諭內閣曰已革副將周鳳山督兵環攻龍泉縣城當

即克復尚知愧奮著開復原官遇缺即選並賞還花

翎其餘在事出力人員著耆齡查明擇尤保奏陣亡

聖主眷顧海隅綏靖黎元之意奏入報

三

把總楊士遂著照把總例外委劉之益著照外委例

併交部議卹

耆齡又奏言查萬安縣城賊踞日久勢甚猖獗

四月初三等日遮克敦布督同弁兵由大嶺東

路進勦殲賊百餘名並殲斃偽將軍陳寶林一

名復攻北路之賊斬馘六十餘級敗匪落水淹

斃數百人該逆上竄拒敵五月初四日遮克敦

一萬八千七百餘人

布親率各營力戰殲斃賊首偽將軍李逆並黃衣賊目五名其被轟斃淹斃者約二千餘人自初六至十九日該逆連次撲營均經擊退二十三日城賊進紮井源木塘築壘二十餘座以偏我軍遮克敦布督勇迎勦鏖戰多時我軍佯卻誘之匪眾來追伏勇突出斬騎馬賊目甚多軍功劉嗣岐等督帶礮船夾攻奪獲賊船四隻大

聖朝聖考卷一百七十七

天

礮數尊二十四日遮克敦布令藍玫等率領精銳繞出賊前將賊營燒燬賊二千餘人二十五日復攻破北門外賊營土城三座餘匪悉遁入城該逆復分竄龍泉縣地方經周鳳山殺斃三百餘人賊眾回竄又殲賊數十人淹斃者不計其數二十五日遮克敦布督同水陸各軍先由東門緣梯而上兵勇擊沈賊船數十隻水勇

亦即登岸攻克東門軍功湯彪及署知縣邊其

豐等自東門攻入斃賊千餘餘匪開北門逃往

下游礮船會同各營追勦搜捕共奪獲黃旗五

百餘面五百斤大礮六尊刀矛器械無算當將

萬安縣城收復臣查萬安爲吉安贛州二府咽喉

自上年被匪攻陷勾結蔓延黨與甚眾遮克

敦布移師會勦大小數十戰將四鄉之賊次第

聖朝聖考卷一百七十七

天

翦滅始得併力攻拔縣城上游一律肅清吉贛

河道通順勦辦洵屬奮勉在事出力人員容俟

查明擇尤額懇

恩施以昭激勸奏入

上諭內閣曰此次遮克敦布移師進攻節節勦洗克復

萬安縣城上游一律肅清吉贛河道通順勦辦尙爲

得手所有在事出力人員著著齡查明擇尤保奏

者齡又奏言道員王鑫自嚴坊獲勝後餘匪竄至樂安聚賊數萬由甯都將竄沙溪王鑫卽率一千二百人於十九日馳赴沙溪賊以數千前來誘敵我軍堅壁不出賊匪漫山而至離營僅里許王鑫令王文瑞督隊繞出右路山脊張運蘭督隊繞出左路山脊章激等率團勇爲疑兵王開化帶兵迎擊王鑫親督各隊繼之王文瑞

聖朝聖略卷百十七

三

等首先遇賊斬馘三百張運蘭等亦殺賊數十人兩路逆匪俱敗中路之賊亦隨之潰王鑫督同王開化等乘勢追擊殺賊六七百人追至拱岡背該處兩山陡絕中惟一徑僅容一騎賊扼此口以拒我軍各勇斬關而過斃賊百餘人我軍追至詔源該處屯賊數萬連營十餘里不意我軍驟至驚駭失措相率潰奔當將賊營概行

開

焚燬分路窮追通計斃匪三千餘人生擒數百名訊據供稱係僞將軍洪逆楊逆等由甯都來援吉安其吉安府城之賊連次出撲經知府趙煥聯等擊敗殺賊七八百名水師復截擊萬安敗匪於冷下墟殲斃無數臣仍嚴飭各軍迅速克復郡城以期盡殲醜類奏入報

聖朝聖略卷百十七

三

二十九日戊寅和春何桂清奏言遵查德興阿在江北紮營均在蔣王廟一帶距瓜州賊營三十餘里每遇出隊甫近賊營兵力已疲不過開放槍礮未能竭力攻擊逆匪伏巢不出往往未經接仗旋即收隊所報獲勝情形遂有未能盡實之處採聽輿論似非無因臣等復加訪察該大臣從前打仗尙屬奮勇惟近年親身督剿之時

甚少外聞因有患病沈重行動維艱之語臣和春上年秋閒至江南時繞過蔣王廟曾經接見步履一切如常並無病情至侍衛蘊秀言論尙屬明白似無乖謬情形惟與德興阿不甚浹洽雖無把持情事但與軍營究屬未宜可否

飭令回京供職奏入

上命軍機大臣傳諭德興阿翁同書曰據和春何桂清

聖學聖方略卷百七十七

三

奏侍衛蘊秀帶兵不能得力等語蘊秀在揚州軍營曾經德興阿等保奏賞給副都統銜該侍衛帶兵打仗究竟能否奮勇著德興阿翁同書秉公確查如果該侍衛在營不能得力卽據實具奏再降諭旨

和春何桂清又奏言前奉

諭旨許乃釗賞給三品頂戴前赴江南和春軍營辦理文案許乃釗到營後臣等察其品端學優老成歷練

熟悉江浙情形與之籌商軍務及用人行政各事宜所論無不剴切詳明悉合機宜稽覈一切文案亦極允當洵堪爲指臂之助奏入

上諭內閣曰三品頂戴許乃釗著在和春軍營幫辦軍務

和春又奏言自溧水句容相繼克復後臣隨卽派撥官兵前赴鎮江一面飛致德興阿及水師

聖學聖方略卷百七十七

三

總兵泊承陞等南北會合以期三面夾擊張國樑遂於六月初五日督同虎嵩林等連日紮營偏近賊壘十一日銀臺山賊壘突出七八千人分路來撲都司周顯親等迎擊斃賊數十名該逆恃衆抗拒張國樑率領副將李若珠等分路接戰殺賊無算該逆勢甚兇悍仍復不退周顯親又帶兵衝入立刺悍賊數名落馬被賊槍洞

腹陣亡張國樑揮令李若珠等左右夾攻周天培馮子材等從後抄擊斃賊不計其數並擊倒黃衣悍賊數十名乘勝追擊該逆尙敢紮駐山梁抗拒我軍冒煙槍上斃賊甚眾餘皆敗逃甘露寺金山等處又各出賊千餘來援余萬清虎嵩林等分途截勦泊承陞等亦督水師攻擊甘露寺賊營逆勢大敗狂奔官軍追殺至城西門該逆滾崖落澗死者不可勝計計是日斃賊六七百名砍取首級五十餘顆奪獲黃旗馬匹軍械五百餘件都司周顯親臨陣捐軀深堪憫惜應請

旨飭部從優議卹奏八

上諭內閣曰逆匪踞守鎮江死力抗拒我軍既已移營進勦獲勝著和春張國樑速卽乘機力圖克復並飭

南北岸水陸各軍併力攻取毋稍延玩陣亡都司周顯親戰功屢著臨陣捐軀深堪憫惜著交部從優議卹

聖皇聖方略卷二百七十七

三四

聖皇聖方略卷二百七十七

三五

欽定剿平粵匪方略卷一百七十八 丁巳年

七月初二日 辛巳 德興阿奏言查浦口爲江浦所

轄地面緊對金陵下關東連六合最爲江北要

津江浦縣城之西有老西江口上距蕪湖百餘

里下距浦口四十餘里據溫紹原稟請撥艇船

多隻移泊老西江口以杜南岸賊援江浦之路

旋接安勇周希濂等稟稱下游師船正在會攻

聖皇聖學卷一百七十八

一

末便輕動是老西江口移泊師船之說礙難議

行近聞南岸居民有渡江接濟賊糧情事卽經

出示封江派員查出通江口岸七處如東溝小

口王家溝史家港煙墩港新新河小沙河六處

飭令儀徵縣概行堵塞僅留貓兒頭一處以通

土橋紅單師船往來江路爲之一清至儀徵與

瓜州逼近瓜州逆匪勢窮恐由江邊潛竄向西

衝撲現於土橋附近之卡河灣黃泥港等處添
紮營盤酌撥兵勇扼堵奏入報

初六日 乙酉 李孟羣奏言 臣軍自羅田入皖旋進

紫英霍交界地方閏五月十六日督勇前進二

十二日進抵霍山城下外有一河阻隔又值連

旬大雨各弁兵伐竹編籬下水釘樁六月初三

聖皇聖學卷一百七十八

二

日雨止橋成官軍出隊至城下觀賊形勢賊伏

林麓中邀截我兵參將張得勝直衝賊伏殺賊

多名賊遁入城查看西南北三門外共有賊營

六座 臣軍六千餘名不敷圍剿卽於西南兩路

列營進逼北路則以霍山縣知縣鄧元鎬會同

臣所派千總張兆麟攻之初四日我軍分路進

攻同知袁懷忠率勇攻西門外賊營親拔濠籬

督勇齊進砍殺賊匪五百餘人參將趙鴻舉督隊攻西北門賊營千總李其昌等奮勇直上立將西北之營攻破都司盧又熊督勇力攻南面一營繞從營後殺入其營立破斃賊又數百人鄧元鎬等亦將北門一營奮力攻破正欲合力攻城值雨收隊初五日復督諸軍出隊該逆堅守大營不出千總彭萬華等從營後直入守備

聖皇朝集卷之六

三

聖皇朝集卷之六

鄭昌林等從營前直入立時踏破賊營焚燒斃殺斃賊七百餘人其西門外一小營亦被我軍燒燬霍山賊匪經此懲創悍賊已屬無多且夕可下惟兵勇缺糧已久連日未能宿飽不能不暫爲休息而霍山練丁因年荒費少利在急攻初七日練丁攻賊北門臣軍攻西南兩門賊見圍練稍弱遂盡由北門衝出練丁卻退傷亡甚

多我軍馳往救應隨繞赴北路前後包抄將賊衝爲兩截賊奔入城臣檄調六霍練勇盡數助勦並密飭參將張得勝等會同鄧元鎬馳往縣城併力攻擊十七日夜聞我兵甫抵城邊賊即紛紛出城由東北竄逸官軍入城即將縣城收復追殺賊匪三百餘名查臣軍數月以來飢乏已甚僅據河南撫臣英桂解過銀三千兩不敷分給困苦情形本虞譁潰適又傳言湖北大營以重餉赴羅田募勇數日內臣營湘勇辭去者二千餘人幸各處圍練會集得以乘勢收復縣城非意想所敢期也現查六安賊匪經撫臣福濟派兵由東北進攻屢獲全勝六安城賊亦甚窮蹙亟應合力圍攻惟臣軍缺餉勢難即進惟有仰懇

聖皇朝集卷之六

四

聖皇朝集卷之六

天恩飭下河南撫臣暫撥臣餉三四萬兩卽將經過豫省之皖餉截留扣還俾臣軍得以專力戰攻不致坐失機會

李孟羣又奏言查賊首石達開曾犯湖北江西最爲兇悍前據黃梅各營探得該逆由安慶上竄湖北而臣在英山亦聞該逆徵糧於太湖等處並有與洪逆不合欲踞江西湖北之意蓋自

欽定剿平粵匪方略卷一百七十八

五

前年北竄之賊曾經

天戈奮討悉數殲除賊不敢復謀北向惟擾東南數省欲待我師老財匱而乘其敝江西蹂躪幾徧曾國藩水路孤軍東防西剿備極艱辛湖北自去冬克復武漢兵餉稍可支持惟當慎謀嚴守分途督戰可免復竄之虞而臣竊謂皖事尤宜亟圖也安徽當南北之交賊以安慶屏蔽金陵以

諸郡縣供其糧食不急攻我而冀我之緩攻此亦根株之病非早清皖淮上游速復安慶省城掃除勾結之捻匪收拾疲敝之人心亦不能專力長江俾大局日有起色也臣軍現在英山距廬近而距楚遠卽當遵

旨會合福濟諸軍勦捕各屬匪黨若得餉需無缺更募飭撥馬隊數百名助之合勦當可日進而日強蓋馬隊

欽定剿平粵匪方略卷一百七十八

六

爲我

朝勁旅弧矢之威遐邇畏服今各省勦賊皆賴馬隊之力而用之皖境尤爲相宜奏入

上命軍機大臣傳諭李孟羣曰李孟羣自英山進勦後疊次獲勝現當糧匱勇飢猶能激勵軍心使士卒忘其飢疲團練樂於效命旬日之間卽將霍山縣城克復調度允合機宜六安州逆匪聞有窮蹙之勢仍當

乘勝進剿與廬州官軍會合庶可次第殲除疊經諭知福濟分撥餉銀總未能設法疏通道路以致勇多散去本日復諭英桂撥銀三四萬兩解赴李孟羣軍營俟各省解皖餉銀經過豫境再行截留扣抵諒必能就近協撥至所請添撥馬隊並諭英桂酌量情形如宿州賊勢稍鬆卽飭容照帶領馬隊五百名前赴該藩司軍營助剿李孟羣務當先就現有兵力急圖

聖皇軍略卷百十八

七

攻剿六安迅拔州城期與福濟等會合進兵翦此醜類

上又命軍機大臣傳諭英桂曰李孟羣一軍由湖北赴援廬州疊次克復城池現擬進攻六安惟軍餉缺乏士卒飢疲湖南勇已散去二千餘人該藩司現在六安廬州餉道尙未能通著英桂籌銀三四萬兩就近解赴李孟羣軍營俟有由豫解赴廬州之餉准其截

留扣還此路兵勇攻剿頗能得力於皖豫兩省大局攸關英桂接奉此旨務卽迅速籌撥毋許延誤現在各路馬隊惟容照所帶五百名近在宿州著英桂酌量情形如宿州現在防剿稍鬆卽飭容照帶領馳往六安協同李孟羣攻剿

上諭內閣曰李孟羣一軍自入安徽攻克英山縣城當

經諭令乘勝進攻霍六該藩司督率兵勇進抵霍山

聖皇軍略卷百十八

八

城下殺賊多名各路官軍攻破城外賊營賊匪逃竄收復縣城所辦尙屬得手仍著該藩司督軍進克六安漸清皖境

初十日巳晏端書奏言池州大通之賊竄至青

陽廟前鎮而蕪湖銅陵之賊又竄踞繁昌鄧紹良派守備饒魁士等進紮南陵並飭遊擊吳再升等進攻繁昌該逆抵死抗拒未能攻拔而青

陽一帶驟添賊黨四五千人聲言分路進犯徽甯周天受駐紮崇覺寺專扼徽州要隘其甯國之涇太二縣尙覺空虛亟須厚集兵力幸江南溧水句容先後克復建平防務已鬆臣與鄧紹良咨調總兵秦如虎隨帶兵勇移紮於涇太適中之楊家莊督飭副將蔣錫光等相機防剿其鄧紹良派援青陽之捷勇五百名亦卽調回涇

聖朝方略卷二百七十八

九

湖惟黃池河面賊艘蟻聚與蕪湖一水相通道員仲孫懋等於舊設巡船之外添設勇船十隻晝夜輪流會哨鄧紹良復分紮施家渡奎潭兩處聯絡水陸聲勢六月初七日蕪湖之賊分股二三千人進犯孤山壩總兵蕭知音等分路擊退斃賊不少十三日句容湖墅及蕪湖逆黨二千餘人均圖進犯黃池仲孫懋等擊之於清水

聖朝方略卷二百七十八

十

縣與吳正熙會扼萬級嶺嗣蕪湖賊黨日益江北又有股匪二三千人竄至奎潭思與繁昌逆股聯成犄角之勢鄧紹良飛飭遊擊田應科等會同南陵防兵於五月二十七日進兵奎潭擒斬長髮老賊十四名殲斃匪黨一百餘名餘匪從黃公渡一帶退竄二十八日進兵石碓渡追至八里灣水次擊斃溺水者無算餘黨逃回蕪

將士杜其內竄以冀仰副

聖主眷念東南之至意

晏端書又奏言查江南大營現已移攻鎮江不日可期告捷現探金柱關東梁山各路逆黨分赴金陵應援鎮江而蕪湖為水路要衝我所必攻亦賊所必守鄧紹良已紮老鴉山意將以勦為防惟蕪湖石卡堅厚既難即拔更未可越境

聖朝聖學卷百七十八

十一

以往勦金陵如江南大營於鎮江得手後先分一旅之師由金柱關進攻蕪湖甯國防兵同時併力夾擊一俟蕪卡克復撥隊臨江扼守再移黃池灣沚之師進駐繁昌聯絡水師以清上游水陸之賊庶將來合軍環攻金陵可期事半功倍至江西浮梁景德久為賊眾往來屯聚之所徽郡屢被蹂躪近日撫建回竄之賊復踞樂平

縣城雖經福興派遊擊賴高翔等統帶兵團將

樂平克復而餘孽仍竄歸景德如由福興添撥

一軍與臣派駐婺源兵勇分路前往勦除以重

兵扼守景德則鄱浮撫建往來賊蹤可以隔絕

不獨信饒徽衢防務漸緩即攻取撫建亦易得

手惟撫州之賊復竄進賢窺伺省城李定太已

由省往勦福興即須分兵前紮貴弋策應臣派

聖朝聖學卷百七十八

十二

駐婺源之師仍當內防徽衢各路未便出勦萬

一江右軍情緊急廣饒有警嚴衛獨當其衝浙

省亦未得安堵也

晏端書又奏言據將軍福興咨擬俟李定太旋

省後移營貴溪弋陽一帶居中調度堵剿兼施

將來饒州各路勦辦得手該將軍即須移兵進

取撫州而廣信存兵太單自應先為計及第浙

省現已籌撥兵勇駐守婺源大半由玉山常山各防所抽派前往至玉山接壤廣信後路未可空虛臣卽當酌添一軍移紮玉山以壯聲勢若欲分隊協守廣信則目前徽甯軍情均在喫緊尙難豫籌調撥再饒廷選督防三衢是其專責嗣因浙師派防婺源以固常開門戶所有防勦事宜經臣奏明統歸該總兵調度儻將來福興

欽定剿平粵匪方略卷一百七十八

十三

移師進剿撫建而廣信有警必仍令該總兵隨時相機策應以期衛信兩防均臻鞏固萬一婺源廣信軍情同時並緊則該總兵祇能顧及婺源惟有仍請福興回顧信郡以全大局當經咨覆去後茲准福興來函謂該將軍移營之議未便從緩而廣信空虛之處另行設法籌防日後廣信如果有警該將軍必當亟圖回顧仍囑轉

聞

飭饒廷選就近兼顧以期兩全奏入均報

命到江南以來仰體

十一日

庚寅兩江總督何桂清奏言臣自奉

皇上眷顧東南至意不分畛域文武和衷原冀迅掃賊氛立復疆土前因張國樑移師鎮江原可迅圖克復惟該逆師船衆多必得調集水軍方足制

欽定剿平粵匪方略卷一百七十八

十四

其死命又慮德興阿等紮營蔣王廟離水營較遠耳目難周軍情急於星火恐張國樑呼應不靈若待臨時往返商調必滋貽誤臣故咨商德興阿請將下游泊承陞周士法所帶拖帶艇師各船暫由和春張國樑一體調度至是不可行仍由德興阿等覈定飭遵臣非敢有所攙越也况臣欲責成水師兼爲防賊北竄起見亦非但

顧江南不顧江北臣忝任兩江兼管操江事宜
責無旁貸雖非專辦軍務而偶有所見不得不
與南北統帥和衷熟商以冀聯為一氣此臣區
區報
國之愚忱不敢不上達於

君父之前耳奏入

上命軍機大臣傳諭何桂清曰何桂清自抵江南即能

聖皇集卷一百十八

十一

與和春張國樑遇事和衷參酌軍務前次咨調下游
師船係為速克鎮江起見朕已諭令德興阿等督飭
水軍與南岸同時並舉矣南北兩岸均該督統轄地
方無分畛域嗣後仍應遇事咨商速掃妖氛以副朕
望

十五日甲午官文胡林翼奏言逆匪糾集大股於

廣濟內湖童司牌一帶踞險築壘伺我黃梅各

軍之隙六月二十四日都興阿飭孔廣順等各
營移紮武穴龍坪等處以資守禦即以十里鋪
億生寺各營為前敵又商令楊載福派都司胡
友亮管帶三板船繞入內湖二十五日黃梅北
山及大河鋪池南一帶賊匪全數擁出直撲十
里鋪各營翼長多隆阿揮隊迎擊獲勝副將鮑
超復乘勝攻毀賊壘一座殺賊三百餘名二十

聖皇集卷一百十八

十二

六日賊又各路擁出漫山遍野多隆阿大張疑
兵於十里鋪之比自率勁騎同鮑超潛攻億生
寺西路賊壘賊知我軍注意於北而不虞西路
之猝至也羣賊駭奔我軍拔樁越濠焚燬賊壘
三座同時十里鋪賊亦被我軍衝突奔逃兩路
計斃賊千餘名是日內湖水師亦分發三板搜
剿轟燒賊船百餘奪獲二十餘隻又駛至童司

牌小河轟擊賊壘而相距童司牌數十里之官橋亦有賊划紮成橋渡復經官兵截剿毀其船渡而還連日都興阿復密商李續賓親率隊伍由南岸渡至北岸羅昌驛與都興阿軍會合進剿該逆於河中搭浮橋三座賊壘懸互如常山之蛇壘前長港環繞當即派定隊伍分攻各壘並豫備柴草填港造橋都興阿以馬隊分路接

聖皇方略卷二百七十八

七

應二十九日卯刻李續賓齊隊前進搭橋甫成該逆即出眾抗拒我軍嚴陣以待俟賊逼近以劈山礮轟之賊勢稍挫我軍踰濠齊拋火器賊壘同時火起共斃賊約四百名水師復於橋東橫擊燒燬賊划百數十號該逆擁擠落水並被我兵追殺及投湖淹斃者計千數百名童司牌兩岸賊壘十三座悉數毀平臣胡林翼率同唐

訓方進紮黃岡之傅家嶺分撥翼長巴揚阿馬步防守馬鞍山要隘舒保馬隊各路接應七月初一日偵知孫家背股匪會合上巴河匪黨乘我營壘初定分路偷撲我軍繞出賊後擊其不備賊眾潰竄參將何紹彩等復率各營齊力追擊沿途斃賊百餘名擒斬長髮老賊六十餘名奪獲旗械多件查斬廣逆燄正張經都興阿李

聖皇方略卷二百七十八

六

續賓將逆巢悉數毀除分軍駐守實屬調度合宜不特黃梅各軍氣勢益固即武穴龍坪運糧要道亦臻安堵戰守皆有可恃現由瑞州調撥李賓宜一軍繞道行抵黃州臣胡林翼即當面商機宜乘此聲威將斬黃逆氛節節掃蕩以便專力攻取九江官文胡林翼又奏言貴州安義鎮總兵王國才

由黃梅城外移營進紮濯港正督兵起程卽有賊來偷撲王國才督隊開礮斃賊多名賊拋擲火器適中我營火藥王國才被火轟傷登時陣亡查王國才在楚數年臨敵身先士卒大小數百戰所向有功乃因移營禦敵陣亡不勝悼惜相應籲懇

天恩俯准

聖皇聖略卷二百七十八

十九

賞加王國才提督銜

飭部照提督陣亡例從優議卹並於陣亡及原籍地方

建立專祠以慰忠魂其同時被傷身故之委員

吳炳吳灼張兆麟三員並請一併議卹奏入

上諭內閣曰此次剿除賊壘疊獲大勝辦理尙爲得手

著官文等乘此聲威迅掃逆氛毋留餘孽王國才隨

勤數年歷著戰功茲因移營禦敵奮勇捐軀實堪憫

惻著賞加提督銜從優照提督陣亡例議卹並於陣亡及原籍地方建立專祠以慰忠魂其同時被傷身故之委員湖南候補訓導吳炳從九品銜吳灼湖北候選府經歷縣丞張兆麟著一併議卹

二十日 己亥 德興阿翁同書奏言查鎮江近接金陵自調派水師扼紮上游江面並無逆船來往

其濟運糧食亦多在樓霞以下夾港內河非水

聖皇聖略卷二百七十八

二十

師兵力所能及惟此時圍攻鎮城自以嚴斷賊

食賊援爲要卽經移咨和春張國樑將陳世忠

所管焦山艇師兼聽南岸調遣又以内河多有

通江小口復令陳國泰將守備賴鎮海所帶原

防高資之拖舂船五隻亦飭就近兼聽南岸調

遣俾得豫先布置其或賊船由江而下則浦口

觀音門東溝土橋均有水師扼紮臣等亦已飛

檄周希濂等節節堵防毋任駛竄如此南北兩軍聯絡一氣並不少分畛域似與會勦機宜有益奏入報

二十四日

癸卯

何桂清晏端書奏言昨准張芾來

函謂月餘以來軍情安謐署皖南鎮總兵江長貴駐紮漁亭以防西路福建漳州鎮總兵周天

聖聖聖方略卷百七十八

三

受駐紮石埭以禦北路其南路婺源有徽浙官

兵四千餘人相為犄角布置尙屬周密所有徽

池防勦事宜請以周天受接辦並可與提臣鄧

紹良總兵秦如虎及皖南鎮道會商策應該員

擬卽扶柩回籍並繕摺籲懇

天恩囑為呈遞前來伏查江皖近日軍情擬俟鎮江得

手卽分兵攻取蕪湖再擣金陵所有各路匪黨

勢必奔竄於皖南江右而徽州接壤池饒情形

更為萬緊月前石逆有竄犯徽州之信張芾在

徽督師三載調度深合機宜卽周天受等亦必

事事稟承方無貽誤是就該郡情形而論張芾

誠不可一日離徽該員與臣等尺牘往還深知

國事為重萬不敢以私情固乞

恩施惟人子苦衷不能不據情上達所有該員原摺由

聖聖聖方略卷百七十八

三

驛代遞恭候

訓示遵行

同日候補三品京堂張芾奏言臣由已革巡撫

發往安徽軍營專辦徽池防勦善後事務三年

以來池州未能恢復徽境屢有寇氛上年九月

賊擾休甯臣在軍中聞臣母王氏在浙江紹興

府寓所病故其時因攻勦喫緊飲泣從戎速克

復休城始請何桂清據情代奏欽奉

諭旨俟該處防務接替有人卽賞假六箇月回籍營葬

現在江長貴駐紮漁亭周天受駐紮石埭南路

婺源又有晏端書派兵扼守布置尙屬周密浙

西門戶當不至有意外之虞臣理應乞假治喪

稍伸人子之情臣母柩滯南方未能歸葬臣之

同產今無一存臣奔喪已逾三月居喪未及兩

旬撫躬循省無地自容再三躊躇惟有仰懇

天恩許臣終制感且不朽抑或

賞假數月俾臣送母柩回籍營葬仍赴軍前效力臣亦

不敢藉詞規避自外

生成均奏入

上諭內閣曰候補三品京堂張芾專辦徽池防剿三載

以來頗資得力前丁母憂呈請回籍營葬當經諭令

俟接替有人卽行給假六箇月回籍葬親茲復據何

桂清晏端書據情代奏並張芾自行具摺請回籍營

葬後懇恩終制等語現在徽州防務仍當喫緊張芾

熟悉情形仍著暫留防剿俟軍務稍平卽遵前旨給

假六箇月回籍營葬

欽此

聖訓卷一百七十八

三

欽定剿平粵匪方略卷一百七十九 丁巳年

七月二十五日甲辰官文胡林翼奏言七月初一

日都興阿派翼長多隆阿督帶馬隊副將鮑超督率步隊分五路進攻黃蠟山等處賊巢又分兩翼以截王家河十里鋪兩路之賊石清吉帶兵勇接應姜玉順帶隊截賊後路賊見我軍遠至亦分股齊出抗拒鏖戰數時之久多隆阿偵

欽定剿平粵匪方略卷一百七十九

一

知該匪以老弱守壘而伏悍賊於村落以截我軍遂商令鮑超分兵繞攻其後多隆阿派馬隊直衝村落伏賊盡起勢甚兇悍多隆阿揮隊直進殪其悍賊數十名賊始敗竄鮑超即率勇分攻賊壘施放噴筒賊營四面火起羣賊狂奔我軍連夜追剿直至初二日收隊計踏毀黃蠟山甘家畝等處賊壘四十八座共斬賊五千餘名

淹斃者不計其數生擒長髮老賊數百名水師

楊載福前派都司宋美富帶領礮船扼守蕪州江面先於六月二十六日拆毀菩提壩逆匪浮橋七月初九日復督勇搜剿斬殺百餘生擒長髮七名奪獲洋礮旗幟刀矛無算臣胡林翼以孫家嘴流水灣踞賊為黃岡蕪水之衝亟應設計剿除十一日令李續宜率湘寶信五營進攻

欽定剿平粵匪方略卷一百七十九

二

以舒保馬隊繼之又派遊擊孫昌凱都司左光培帶水師會剿並令唐訓方等埋伏鳳凰山等處以防援賊十二日李續宜等督隊前進抵瀾崎山見賊搭有浮橋兩道與蕪水之賊往來相通李續宜分兵立於瀾崎山巔以防蕪水之賊截我後路又派從九李耀南等分路進攻而自督千總蕭啟掌等率兵隨舒保馬隊由中路進

列陣甫定該逆率眾三四千人分路抗拒相持數時我軍一鼓而前馬隊縱橫衝擊斃其騎馬悍賊十餘名餘賊大亂乘勝追剿焚燬賊壘六座其蘄水援賊千餘經都司巢日昇等督兵迎剿當即敗退統計各路陣斬擊斃之賊及投水死者約二千餘名李續宜復率湘寶等營馳往流水灣攻剿賊壘該逆知孫家嘴賊已大敗匿而不出適三台河防兵鄒漢章等隊伍及孫昌凱礮船續至水陸夾攻斃賊無數越牆之賊四五百人經伏兵全數殲戮其往援孫家嘴之賊約三千餘人經唐訓方率余雲龍等奮力擊斃斃賊甚多追殺十餘里而還孫家嘴等處業已肅清查黃梅馬步各軍前次童司牌之戰及現在黃蠟山等處大獲全勝前後斬馘以萬計雖

聖朝聖考卷百七十九

三

係都興阿李續宜調度得宜亦由該將領奮勇圖功其鮑超一員連日血戰率同親兵累屍登壘身骸受傷仍不少卻尤為忠勇罕匹相應仰懇天恩優加獎勵俾知感奮此外出力員弁兵勇懇請查明保獎奏入

上諭內閣曰此次黃梅官軍以少擊眾連獲大捷在事

聖朝聖考卷百七十九

四

將弁兵勇均屬奮勇副將銜陝西參將鮑超連日血戰尤為出力著以副將儘先選補並賞加總兵銜以示鼓勵其餘出力員弁兵勇仍著官文等酌量保奏候朕施恩

同日耆齡奏言賊匪屯聚甯都州屬鈞峯地方約四五萬人閏五月二十六日王鑫率勇追至鈞峯由中路進力斬悍賊數十人賊乃敗走左

路山上一股經王開化設伏敗之焚其巢穴追斬二三百人沿河之賊望風奔潰其右路山上賊巢亦經王文瑞攻破逆匪奔竄王鑫令各營搭橋過河追剿陣斬僞將軍毛幅富餘匪敗逃約共斃賊二千六七百人時永豐敗匪思竄吉安王鑫率兵回勦二十九日行抵小源地方探聞賊衆數千屯紮古夏地方將撲甯都王鑫卽

欽定剿平粵匪方略卷一百七十九

五

於六月初一日進勦令張運蘭等率勇分伏兩邊山後約聞鼓聲而出自率小隊至河邊誘戰悍賊五六千過河來撲王鑫退至山坡俟賊逼近鳴鼓回兵兩旁伏兵齊起該逆卽退張運蘭已衝過對岸前後夾擊斃賊甚衆追至謝坊村內另股千餘出拒又被我軍擊斃二百餘人共計斃賊一千三四百人初三日又敗賊於東山

壩斃三千餘人旋探僞老國宗楊宜青等屬聚廣昌詐稱十二萬人欲由甯都永豐趨救吉安分擾贛州湖南王鑫以此股逆匪不除有礙江楚大局遂激勵士卒整頓鄉團剋期進勦並飭朱惟堂等率兵先往樂安勦辦以杜永豐敗匪竄擾十六日王鑫率湘勇由大路進都司張騰霄知縣孫效曾各率團勇從左路進十七日

欽定剿平粵匪方略卷一百七十九

六

黎明抵距廣昌城五里之三官殿悍賊萬餘分五路而來我軍亦分五路應之王鑫親身率勇奮力直衝五路之勇乘勢齊進賊大敗奔竄我軍奮追至長生橋地方忽僞七國宗楊輔青帶賊數萬前來接應敗賊亦復回關王鑫揮勇奮擊張騰霄匹馬陷陣賊又大敗追至南豐縣界而還斃賊約三千餘人生擒一百十三名拔出

難民二千餘人該逆屢敗之後心膽皆寒南豐宜黃之賊均已遁去千總朱惟堂等亦於十九日收復樂安縣城正擬進攻撫建據報吉安各營失利隨連夜馳回永豐因新淦賊匪日多與吉安之賊聯為一氣擬先攻新淦次及吉水吉安等情前來查該道王鑫追勦甯都州敗匪復值大股賊匪圖犯吉安頻摧大敵殲賊不下萬

聖皇聖考卷七十九

七

人拔出難民一萬數千人戰功之偉實所罕觀現因吉郡各營失利不得不折回策應惟新淦之賊日聚日眾既已上通吉安復思旁援臨瑞必須先行勦除方免受其牽掣奏入

上諭內閣日記名道王鑫追勦江西甯都州敗匪適值偽國宗楊逆率黨二三萬人由新城往援吉安並偽國宗楊宜青等與石逆撥來賊黨詐稱十二萬人欲

由甯都永豐趨救吉安分擾贛州湖南均經該道激勵士卒整頓鄉團先後擊敗殲賊不下萬人拔出難民一萬數千人其所派往甯都勦賊之朱惟堂等亦於六月十九日收復樂安縣城此次王鑫勦辦各股匪徒斬馘盈萬大挫兇鋒著即乘此聲威由新淦進攻吉安以期迅克堅城

聖皇聖考卷七十九

八

瑞州賊匪始以數百人出犯北岸旋由金川門出三股撲南岸湘寶各營分投迎擊該逆即遁入城二十五二十六二十七等日該逆屢次出撲均被我軍擊退六月十九日初更時分風雨交作賊復傾巢而出分作數股丁俊等兩面橫截寶前營從旁夾擊該逆一股仍退回城一股三四千人繞過斷水橋望西北狂奔普承堯恐

逆衆遠竄擾及他處立泥都司章奪錦等不分
晝夜先後跟追劉騰鴻派劉騰鶴等率勇邀截
吳坤修亦派兵往駐分宜以扼袁郡該逆始竄
奉新新昌邊界知防守嚴密不敢入境折向西
南分爲兩股頭起七八百人於二十三日竄至
峽江縣屬之仁和墟經劉長佑派令鄭金華等
併力迎戰康國器率領戰船沿河夾擊斬賊

欽定剿平粵匪方略卷七十九

九

數百名生擒二名該逆競拆民房門板渡河水
師開礮轟擊溺斃甚衆殘匪二百餘人自墟後
衝出翟國彥等督勇追至烏口殲戮無算二起
約三千人二十一日竄至上高縣泗溪地方因
大雨水漲未能渡越章奪錦追至殺賊多名該
逆沿河敗逃二十二日竄至上高縣蕭啟江等
率勇堵禦上高縣知縣孫文翰會營督率兵勇

往助旋經黃秉珍等追至將馬隊分爲兩路奮
勇抄擊該逆大股四散奔竄上高縣城本多坍
塌該逆卽竄入城黃秉珍等分門追入竭力巷
戰殺賊四百餘人馬隊把總賀榮陞立斬僞監
軍梁逆復擒首逆僞總制嚴守和一名敗匪由
南門逃竄逆首僞檢點賴積新被火彈燒傷情
急棄馬投水餘匪奪船而渡約近千人共計溺

欽定剿平粵匪方略卷七十九

十

斃殲斃之賊將及二千人渡河之賊亦經段起
樊俊率勇追殺數十人逃散之賊僅三四百人
望吉安而去瑞郡各營以城賊旣經分竄急應
乘時攻拔遂於二十及二十八九等日各率存
營弁勇晝夜攻擊劉騰鴻將大礮移近賊匪礮
臺將石橋頭層礮臺轟塌燒斃賊二百餘人並
將礮臺空倒普承堯率勇平濠毀橋直逼城下

賊矢石如雨仍不稍退吳坤修亦移大礮對城轟擊竟夜並率勇拔籤踰濠屢次薄城駕梯欲上均被礮石擊回遊擊劉國斌率水師戰船協攻東門礮賊不少奪獲賊船四號查瑞州之賊被圍經年困極思竄幸普承堯派隊追勦各營跟蹤前進節節截殺礮槍殆盡並斬首逆嚴守和等多名使羣兇不致倖逃法網洵足以伸

聖朝聖略卷一百七十九

十一

國法而快人心在事尤為出力之縣丞黃秉珍等擬先請給予獎敘其防範不密之都司劉光明千總李華榮請一併革職留營差遣查長濠係廣東南韶連道吳坤修分管咎亦難辭請拔去花翎巡檢沈慶安把總黃雲力戰陣亡請

飭部從優議卹奏入

上諭內閣曰此股竄匪經官軍節節截勦不致倖逃法

網所有尤為出力之縣丞黃秉珍著以知縣遇缺卽補並賞加同知銜都司章奪錦著以遊擊儘先選用並賞換花翎國子監典簿陳徽言著以通判不論雙單月遇缺卽選儘先把總賀榮陞著以守備遇缺卽補陳徽言賀榮陞並著賞戴藍翎縣丞劉嶽昭著以知縣儘先選用從九品劉德謙著以府經歷縣丞遇缺卽選其防範不密致城賊他竄之都司劉光明千

聖朝聖略卷一百七十九

主

總李華榮均著革職仍留營差遣以觀後效廣東南韶連道吳坤修著拔去花翎仍著耆齡督飭在營將弁實力進攻速將瑞州城池收復陣亡之巡檢沈慶安把總黃雲均著從優議卹

耆齡又奏言閏五月二十一至六月初六等日吉安府城賊匪或出千餘人或數百人修壘撲營均經官軍擊退初十日周鳳山進紮螺岡京

北兩門出賊四千餘，拚死來爭。周鳳山派隊迎擊，趙煥、聯、劉培元各督所部，鏖戰斃賊數百人。賊退，十一日城賊七千餘，蠶擁來撲。周鳳山一面督勇開濠，一面分隊接戰，殲賊四百餘人。十二至十六等日，連日接戰，均有斬擒。十七日大股賊匪突出西門，文翼督率水陸各勇迎擊。趙煥、聯、劉培元、周鳳山各派勇夾攻，賊敗回巢。是日午刻，出賊萬餘，包出鳳字營後。周鳳山派撥各營分五路迎敵，槍礮齊施，奮力衝突，斃賊百餘人。該逆抵死不退，各勇戰久力疲，寡不敵眾。又以口糧積欠，軍心不固，紛紛敗潰。賊匪撲入營盤，放火焚燬。該逆乘勢往撲，和長兩營。趙煥、聯、劉培元撤隊回救，馳至營前，營內業已火起。亦即相繼被陷。賊又撲吉字營，文翼督同弁勇

欽定剿平粵匪方略卷百七十九

三

欽定剿平粵匪方略卷百七十九

十四

竭力固守，相持至晚，賊始退去。趙煥、聯、劉培元營壘既失，退紮固江。文翼因孤軍無援，恐為賊乘，亦即拔營繼退。該處糧米全無，士卒終夜未能得食。各營會議，退紮安福。現在和長兩營暫駐安福城內，吉字營紮城外，以資堵剿。查吉安八縣一廳均已克復，所未下者僅一府城。今鳳字等營被匪撲陷，賊勢轉張。探聞該逆已擾及吉水之阜田地方，難保不四處延蔓。臣飛飭贛南鎮道選派兵勇三千名，星馳赴吉，會合吉和長三營再籌進攻，並令黃冕等速調龍泉、楚贛兩軍移紮泰和，遏賊上竄之路。此次鳳字營雖首先失利，究因連日苦戰，兵力疲乏，加以欠餉過久，人無固心，致有此失。知府趙煥、聯參將劉培元營壘被踏，皆因往救鳳字營所致。與守禦

不力者不同且前此克復永甯吉水等縣並圍
攻郡城曾經百戰屢著勞績功堪抵過可否與
前任廣東羅定協副將周鳳山均免置議出自
逾格鴻慈吉安府知府黃冕籌辦吉安各營軍餉是其
專責乃欠餉日久戰士飢疲以致吉郡之師功
敗垂成實難辭咎應請

旨將吉安府知府黃冕摘去頂戴革職留任仍責令趕

聖皇聖考卷七十九

十五

籌餉需軍械以贖前愆都司張開輯被燒殞命
陳光孚中礮陣亡請照遊擊陣亡例從優議卹
外委周九皋李芳園請交部議卹奏入

上諭內閣曰此次各營官兵失利實因連日苦戰師疲
軍餉不繼所有帶兵之知府趙煥聯參將劉培元副
將周鳳山均著免其置議吉安府知府黃冕籌辦軍
餉是其專責乃因欠發日久以致戰士飢疲實難辭

咎著摘去頂戴革職留任責令趕籌餉需軍械儘再
不知愧奮卽行嚴參治罪都司張開輯被燒殞命陳
光孚中礮陣亡深堪憫憫均著照遊擊陣亡例從優
議卹外委周九皋李芳園均著交部議卹

者齡又奏言據胡林翼咨斬州曹家河官軍失
利恐賊上犯囑臣派兵來援臣當以王鑫劉騰

鴻各紮要地功在垂成萬難他調但湖北官軍

聖皇聖考卷七十九

十六

新挫雖經胡林翼收集整理而沿江地面甚寬
難保逆匪不偷渡南岸繞道上竄隨飭劉騰鴻
普承堯抽撥湘勇副中等營共一千六百餘名
交李續宜統帶於六月十二日拔營起程取道
奉新靖安武甯赴湖北興國州扼要守禦杜賊
偷渡
者齡又奏言接福興咨以江南敗匪盡趨池州

江西饒郡堵剿緊要東路之兵不足囑臣速籌
辦理臣查饒州府界連徽池二郡實爲江西東
北一大門戶皖寇來饒其道有二由彭湖口來
者以都昌縣之張家嶺爲扼要由池州來者以
建德縣之昭潭街爲扼要必得重兵兩枝分守
兩處仍須徽州官兵嚴防祁門縣則省東藩籬
可期鞏固惟是江西情形與兩湖浙江不同該

欽定剿平粵匪方略卷一百七十九

七

三省腹地平靜祇須謹守邊疆江西賊匪蔓延
若肘腋之患未能翦除勢難兼顧邊境明知饒
州兵力不敷苦於無可分撥臣惟有激勵水陸
各營奮勉攻勦務期自西而東防勦兼籌內寇
外賊以次殄滅仍責成署饒州府知府馮詢先
就現駐該郡兵勇布置守禦
耆齡又奏言撫州大股賊匪自崇仁竄至豐城

之石灘街千總蔡癸發帶兵堵勦未能得手自
應派兵勦滅以免蔓延惟進賢一路亦有大股
賊匪撲營之謠省城兵力甚單不遑兼顧適副
將周鳳山帶勇一千餘名到省當飭馳往豐城
並添調駐紮李家渡兵二百餘名彰武軍潮勇
三百餘名前往合剿一面飭令進賢各起兵勇
確探賊防聯絡鄉團竭力堵勦並令李定太一

欽定剿平粵匪方略卷一百七十九

七

軍居中策應何處尤爲緊急卽往何處督勦俟
豐城股匪撲滅後相度機宜籌攻東鄉崇仁等
縣先拔外邑次攻郡垣漸清東路以絕賊援
耆齡又奏言道員劉長佑劉于瀆知府蕭啟江
等督率江楚水陸兵勇往攻臨郡自閏五月初
八至十九等日賊匪屢次出犯均被我軍擊回
六月初十日城賊三千餘人突出南門沿河疾

進西門福壽門亦各出賊誘戰劉長佑督兵迎敵斃賊數十賊眾退走北門又為蕭啟江田與恕所敗賊趨東門又為劉于瀉水軍所敗十一十四兩日出撲之賊亦經蕭啟江田與恕楚軍並新武軍勦退各有斬獲至新淦縣城聚賊日眾冀渡贛河救援臨郡經劉長佑劉于瀉派水陸各軍隔河防守並經辦理團練之編修吳嘉

聖朝聖考卷百七十九

十九

賓派千總伍連魁率兵進攻淦邑劉長佑劉于瀉亦飭防守贛河水陸各軍連日會勦殺賊四百餘名燒燬賊船四隻渡船四十隻查臨郡經江楚各軍圍逼可期聚殲惟撫州賊黨屬聚新淦時思俞渡赴援經臣飭陸勇於贛河西岸節節嚴防水師戰船上下巡哨毋任潛越近因吉郡官軍失利賊匪擾及吉水阜田恐自峽江關

聞

入新喻圖襲臨江大營或乘虛往撲袁郡業經蕭啟江帶勇千餘名往守喻邑因兵力尙單又飭瑞州各營籌撥勁勇三千名馳往協防以固袁臨門戶奏入均報

同日福興奏言查石逆與洪逆內訌後踞守安慶誘致金陵舊黨另樹一幟該逆在賊首中最

聖朝聖考卷百七十九

二十

稱狡桀江省之臨瑞撫建諸郡縣皆係該逆親率夥黨相繼攻陷今既近踞安慶則江右喫重情形較之皖南為尤甚而本省兵力全為臨瑞吉三城所困未得分防廣饒臣前有奏調粵兵之請至今未據該省咨覆總兵壽山管帶潮州兵亦於六月間撤回粵此外鄰近省分浙兵則自顧不暇閩兵雖屢經催調亦難指望因思

江南大軍集有數萬率多精銳從前圍攻句溧兩城正在喫緊未敢遽行請調現在兩城已復僅能分撥若干協助江西亦無兵單之患惟臣既經請撥必須素所熟習者方能駕馭合宜查有參將戴文英馮子材守備張永清梁成桂等管帶之廣勇一千五百名隨臣營年久兵將最習又遊擊興貴等管帶兩起陝甘兵一千餘名與西安滿兵可期聯絡一氣又西安二起馬隊四百餘名可與臣所帶之西安頭起合成一隊共計兵勇三千名在江南稍有所減在江西大有所增應請

旨飭令和春照數撥調並將各原帶將官一併派委管帶兼程馳赴臣營以資調遣奏入

上命軍機大臣傳諭和春福興曰據福興奏江西軍情

聖皇聖學卷百七十九

三

喫重本省兵力不敷請由江南大營調撥廣勇一千五百名又遊擊興貴等帶兩起陝甘兵一千餘名西安二起馬隊四百名共計兵勇三千名前往江西助勦並請將原帶廣勇之戴文英馮子材張永清梁成桂原帶陝甘兵之興貴等一併派委管帶馳往各等語現在江南官兵環攻鎮江軍情正當喫緊其勢恐難多調現已諭令葉名琛由廣東撥兵二千名派總兵壽山統帶馳往福興軍營助勦惟江西省東路兵力尙單福興原帶之兵祇有千名著和春卽將福興指調之將弁兵勇能否派撥若干之處酌量情形迅速調撥

上又命軍機大臣傳諭葉名琛曰本年正月間曾諭令葉名琛酌調精兵一二千名交參將衛佐邦管帶間道馳赴福興軍營助勦迄今未據覆奏本日據福興

聖皇聖學卷百七十九

三

奏以所帶兵勇數止一千請由江南大營添調並稱潮州鎮總兵壽山所帶潮州官兵因南贛無事已於六月間回粵該將軍所請粵兵杳無音信等語此時江南官兵正當圍攻鎮江喫緊一時未必即能分撥南贛一路業已平靜則壽山一軍即可馳赴廣信聽候福興調遣著葉名琛速飭該總兵即行管帶精兵二千名剋日前往以資攻勦毋稍遲延

聖朝聖略卷百七十九

三

福興又奏言遊擊賴高翔等進攻樂平踞賊該匪突出五六千人分路來撲賴高翔與都司馮日坤等各率弁勇迎敵鏖戰兩時之久該逆拚死抵拒馮日坤驟馬衝入賊隊用洋槍擊中黃衣賊目羣賊用矛橫刺該都司脇中矛傷仍裹創力戰手刃數賊賊匪遂潰賴高翔等揮軍繼進陣斬三百餘名生擒數十名溺斃河內者不

計其數該逆被勦窮蹙欲圖竄逸六月十二日全隊突出北門當被團勇轟斃二百餘名衆兵追勦又斃匪三百餘名餘匪俱奔往景德鎮老巢當將樂平縣城收復同日署饒州府知府馮詢亦將該郡城比四十里街賊巢勦毀正擬進攻景德據報東鄉賊匪突竄安仁由萬年西路繞越斜竄李元度帶勇追勦殲斃二百餘名其

聖朝聖略卷百七十九

三

南路金谿之賊又由孔坊陽田一路出撲上清鎮當經平江營分軍馳往扼勦登時擊退臣現飭李元度添派得力勁旅會合賴高翔同路進勦以期速就殲除
福興又奏言廣信防守緊要臣離郡後若無明幹大員駐守不足以資鎮壓查新授廣饒九南道沈葆楨諳練軍務上年署理廣信府篆克保

危城輿情愛戴地方一切情形尤所熟悉前經派令抽辦河口玉山兩處釐捐均距郡城甚近卽飭令該道駐紮廣信辦理防勦事宜所有在防文武統歸節制以專責成仍就近兼辦捐事亦不致有貽誤

福興又奏言臣前以饒防爲重必先固守門戶然後可圖攻撫建因令總兵李定太趕緊出省

欽定剿平粵匪方略卷一百七十九

三

赴勦饒屬嚴絕賊援嗣據撫臣先後咨稱福建及贛甯敗賊屬集撫建並分股竄至新淦有分犯進賢豐城之說均偏近省垣重地須令李定太統率進賢防兵以勦爲堵臣卽催令李定太剋日出省由進賢一路進勦副將周鳳山一軍聞已由吉安至省亦可由豐城一路進偏撫州並有統帶湖南援師道員王鑫於克復樂安後

聞

進勦宜黃等縣直趨撫建二郡業飭乘勢迎勦而前至臣原議移紮弋陽以便就近調度近接玉山縣探稟浮梁股匪有突竄德興之警又聞婺源被擾總兵饒廷選已由常山親往堵勦廣信後路更涉空虛若此郡稍有疏虞則於東路大局殊有妨礙臣勢不得不仍紮信城以示鎮壓奏入均報

欽定剿平粵匪方略卷一百七十九

三

同日福濟鄭魁士奏言皖軍自分紮廬州柘皋梁園聲勢聯絡賊不敢窺祇以餉需不給未能前進擬俟藩司李孟羣帶勇到廬會同大舉無如該司由霍抵六勇費不支尙在流波碰麻埠地方停兵以待而六安逆匪因之守禦益堅復由正陽關霍邱調集外援意圖先發其舒城三

河巢縣等賊黨與日眾窺伺廬城本月初一日
 舒城出賊千餘在張仙菴肆擾經我兵奮力擊
 退隨在該處築營二座初六日賊出撲營知縣
 甘文瀾等設伏以待該逆直逼營前伏兵並起
 刺斃黃衣賊首二名槍斃數十名初九日巢縣
 出賊二三千名由萬山口直趨夏閣總兵吉順
 督飭馬隊迎勦該逆膽敢拒戰我軍馬隊直前
 衝殺步隊從兩旁抄擊賊始大敗各兵分投追
 擊逆屍載道淹斃尤多聞三河及沿湖之賊欲
 紮營施口堵我水師臣福濟前派知縣黃際昌
 督造戰船兼整團練並派都司阿克敦帶恆勇
 二百名前往接濟幸已布置嚴密設卡十五座
 列營四座聲威尙壯臣鄭魁士躬率將士剋期
 西行爲李孟羣應援並通餉道令吉順相機規

聖皇聖考卷二百七十九

七

取巢縣其舒城三河及沿湖一帶均擬分兵駐
 紮防賊乘虛來攻臣福濟亦卽回守廬州居中
 調度此目前一定之局萬難刻延而餉乏絲毫
 焉能濟事惟有籲懇

天恩飭下何桂清按月添撥二萬共四萬兩並令晏端
 書按月籌撥二萬山陝兩省月解二萬庶不至
 因飢致潰覆轍相循臣等亦得激勵衆心踴躍

聖皇聖考卷二百七十九

天

從事奏八

上命軍機大臣傳諭何桂清晏端書恆福曾望顏曰據
 福濟等奏現在六安賊援愈集李孟羣一軍阻於流
 波確麻埠地方亟應厚集兵力會同攻勦而餉項短
 絀飢軍難振等語著何桂清於按月二萬兩外再添
 撥銀二萬兩按月如數解往山西陝西兩省月解皖
 餉著恆福曾望顏按照每月二萬兩之數務各如期

起解勿稍遲滯至浙江省於接濟各路餉需之外恐未能再行按月籌銀解廬惟該處待餉甚迫仍著晏端書竭力籌撥以資接濟

二十七日丙午德興阿翁同書奏言瓜鎮之賊自

和春張國樑移師京口連營扼險頗形聳懼臣等仍傳令水陸諸軍合力進剿務與南岸鉦鼓之聲相應以期必克十三日德興阿親督總兵

勦平粵匪方略卷一百七十九

三九

鞠殿華等護運大礮進攻列隊於運河兩岸而別派馬步隊設伏於西路之馬橋忽見兩岸賊巢出賊數百名意欲搶我礮筏我兵開礮疊擊斃賊多名又見馬橋迤南叢葦中出賊百餘名欲抄我軍後路伏兵齊起掩擊斃賊十餘名賊始敗回又據陳國泰稟稱派防南岸高資之守備賴鎮海於十三日偵知張國樑統帶重兵進

聞

勦高資鮎魚套之賊該守備卽揮令各船揚帆起碇駛至鮎魚套口門近岸攻擊該逆沿江開礮抗拒我軍用大礮轟倒江邊新築礮臺數座擊沈划船數隻溺斃賊匪數名乘勢進攻鮎魚套口內賊巢擊毀巢內房屋無數臣等前撥礮筏載六千斤大礮二尊交陳國泰由江邊夾擊已於十五日運筏試攻擊塌賊壘數處隨將礮筏偏近賊壘西南角轟擊該逆俱鼠伏不出探聞南岸官兵進勦高資杜賊外援連營相望聲勢極壯現飭賴鎮海務遵張國樑調遣協勦高資以冀併力圖攻毋分畛域奏入報

勦平粵匪方略卷一百七十九

三九

欽定剿平粵匪方略卷一百八十 丁巳年

八月初四日 壬子 官文胡林翼奏言黃州官軍自

勦除黃岡縣屬孫家嘴等處賊壘後臣官文咨
令各軍乘勝攻勦偵知黃蘄連界之馬家河等
處賊營碁布星羅非出奇制勝以除之則我軍
動多牽掣臣胡林翼遂率唐訓方李續宜審察
地勢分路進剿十八日臣胡林翼派仁字六營

剿平粵匪方略卷一百八十

一

由左路進又兩訓義寶信等五營由中路進各
以馬隊輔之又派昌營及團勇排列右路爲疑
兵而以湘寶三營並信中營隨同副都統舒保
馬隊伏中路山陰相機而動寅刻我軍出隊誘
戰踰時賊以三千餘人排右路以四千餘賊排
中路以七八千賊直撲我左路何紹彩率仁字
六營奮力禦之李續宜密派張文煥等分率各

營而自帶湘副中營捲旗息鼓分四枝向左路
伏山而行出其不意奮擊賊腰何紹彩等見賊
將爲我軍所截與馬隊合力圍剿左路之賊大
敗中路賊急揮賊隊衝我中路並援賊左路唐
訓方等奮力擊退而右路賊亦潰臣胡林翼復
督各營勇乘勝追殺直搗賊巢槍礮齊施舒保
統馬隊衝擊鏖戰三時之久連踏賊壘四座我

剿平粵匪方略卷一百八十

二

軍右中兩路見賊老營已破勇氣百倍馬步合
力環攻連踏賊壘四十餘座馬家河等處賊壘
悉平計是日焚斃溺斃及擒斬者約四千餘人
奪獲軍械無算敗賊盡竄蘄水深山我軍追殺
十餘里而還是日之捷李續宜料敵決勝隨機
應變實堪嘉尚而將士用命則以仁字六營更
爲出力現在上巴河以上黃岡境內一律肅清

臣胡林翼現即提師進駐蘄水 臣官文查蘄廣山深菁密皖逆之分踞四鄉要隘者尙多再得數大戰以次掃蕩則全楚自臻救定矣奏入報

同日和春奏言據張國樑咨稱紅花山一處逼近摩旗山賊壘與虎頭山相離不遠須在此紮營方能扼要因於六月二十日傳集夫役夤夜

欽定剿平粵匪方略卷一百八十

三

起築塢一夜之力工纔過半賊匪分股來撲均經我軍擊退隨催夫役將新營築就飭都司王瑞圖管帶川兵駐守又於山下添築一壘以資策應亦令川兵駐紮二十一日雨後摩旗山突出賊匪數千撲我紅花山新營張國樑親帶官軍馳往應援槍礮頻施逆屍枕藉不可勝數賊勢大敗經李若珠等橫腰截擊又斃無算惟都

司王瑞圖連次親放大礮斃賊最衆該逆亦以挫礮回拒洞穿胸臆登時陣亡我軍於酉刻收隊約斃賊五六百名連日乘勝移營進逼水師總兵陳世忠等每聞陸路接仗即率同遊擊葉長青等各駕師船乘風駛赴金銀二山及瓜州新河口一帶對準賊船開礮轟擊該逆堅伏不出東南兩面布置已定惟西面直通金陵沙洲

欽定剿平粵匪方略卷一百八十

四

夾江逆黨與糧藥皆從此出進必須另行設法亟圖合圍 臣和春即於七月初三日偕許乃釗親赴鎮江查看地勢非繞出高資逆壘之西度地安營斷彼外援不足以操勝算十二日令張國樑余萬清帶領副將王浚等由西面繞至高資我軍正在紮營逆匪大股出撲張國樑親督官軍奮力擊勦接戰多時斃賊甚衆該逆仍復

死拒我軍槍礮並進擊倒悍賊數名始行敗退旋值大雨如注張國樑等帶同官軍冒雨督夫露處郊野竭一日夜之力成營八座即派兵勇駐守仍復晝夜添築以期聲勢聯絡十三日早鮎魚套口賊船見我軍紮營江邊駛出窺伺經水師守備賴鎮海管帶各船由北岸揚帆起碇駛至南岸鮎魚套口施放大礮轟倒江邊逆匪

聖朝聖略卷百十

五

礮臺數座並擊沈賊划數隻逆匪敗退十五日黎明大霧迷漫城南逆匪突出千餘人欲撲我軍營盤經虎嵩林余萬清先後擊退斃賊二百餘名奪獲軍械數十件查鎮江逆匪踞守極堅我軍現於高資偏近賊壘紮營多座直抵江邊金陵水陸外援皆已無路可通三面合圍漸成坐困之勢連日紮營迎勦先後斃賊不下一千

餘名都司王瑞圖楊冠孫把總黃立紀羅得勝外委鄭得成均被礮陣亡深堪憫惻應請

旨飭部從優議卹奏入

上諭內閣曰現在和春張國樑均已馳抵鎮江大軍三面合圍賊援已絕著即激勵各軍乘勝進擣以期迅克堅城都司王瑞圖楊冠孫把總黃立紀羅得勝外委鄭得成力戰陣亡深堪憫惻均著交部從優議卹

聖朝聖略卷百十

六

和春又奏言據水師吳全美李德麟稟稱六月三十日泥汊賊匪駛出火簞數十座礮划數十隻順流衝下即督同都司盧起陞等分途截勦連開大礮轟沈數隻頻將火箭火罐打入賊簞焚燒數座把總盧為霖等駛駕快蟹船衝入賊隊將紅衣賊目槍斃落水並擊倒五色賊旗餘皆驚潰兵勇追勦又擊沈賊划數隻斃賊多名

七月初二日上游賊船擁擁而來兵勇分途截擊正鏖戰間泥汊河突出賊划數十隻包襲我軍後路徐克明帶船衝擊逆勢不支紛紛逃竄我師合力追勦斃賊甚眾鮎魚套又衝出礮划百餘隻上前迎拒盧起陞黃廣泰左右夾擊連開大礮轟沈賊划甚多統計斃賊三百餘人生擒偽檢點張大來一名賊目五名正法是夜官

聖皇軍方略卷二十八

七

軍即以所獲黃旗號衣誘賊賊蒼黃失措敗遁入巢兵勇盡力刺殺殲斃尤多約斃賊四五百名砍取首級三十四顆生擒偽指揮司馬什長等二十一名訊明正法奪獲偽印礮位船隻三百餘件初五日鄧紹良派隊赴老鴉山紮營峇會水陸合攻包抄截擊斃賊不可數計老鴉山新營業已築就現仍飭令趕緊進勦以期得手

聞

和春又奏言准晏端書咨稱甯國婺源兩處軍情同時緊急浙省三面備敵兵力不敷堵勦請派兵前往援應自應酌量抽撥以資援勦當與張國樑許乃釗面商查有貴州永安營都司閔步璜所帶陝西兵四百七十餘名把總熊定邦所帶揚勝勇二百餘名四川卽補把總鄭國泰所帶樹勇三百餘名共計兵勇一千名均尚精

聖皇軍方略卷二十八

八

銳堪以派往奏入均報

同日王懿德慶端奏言汀州府屬甯化一縣尙被逆匪占踞臣王懿德派委汀漳龍道英樸督率兵勇馳抵甯化連日接仗屢有斬獲六月二十二日漳州營守備潘繼文等督兵會合攻擊該逆兩次開城迎拒各兵勇開放槍礮擊斃逆

匪及墮溪死者約二百餘名縣丞樓鳳清等設
伏山坳誘賊過山槍礮往還相持一時之久復
礮斃逆匪七八十名該逆紛紛卻退我軍爭據
山頂用擡礮遙擊各路伏兵齊起短兵相接截
殺賊匪一百餘名生擒偽軍師偽將軍陳得生
張梁材二名訊明正法二十四五等日我軍分
攻東西南三門該匪登城抗拒被我軍擊斃一

聖朝方略卷二百十

九

百餘名該道英樸等激勵兵勇乘夜急攻將西
北兩門竄出之賊殲擒殆盡其東門之賊浮水
過河紛竄者復經我軍截殺無數餘逆由江西
石城一帶竄逃卽於六月二十六日將甯化縣
城池克復該道英樸酌留員弁兵勇駐紮縣城
以杜回竄一面分投搜捕清流歸化等縣餘匪
臣等查江右長髮逆匪竄擾閩省土匪勾結響

應淪陷郡縣仰賴

福庇兵民同仇敵愾未及三月恢復汀州等處府縣十
城惟甯化一縣被逆負嵎日久茲經汀漳龍道
英樸等調派員弁兵勇剋期攻克殲斃逆匪甚
多其在事尤爲出力文武員弁紳士暨傷亡兵
勇俟查明奏懇

聖朝方略卷二百十

十

淨殲醜類以期全境敕安奏入

上諭內閣曰此次福建省勦辦江西竄匪三月之內將
失陷城池次第克復地方一律肅清辦理尙爲妥速
所有在事尤爲出力之文武員弁紳士著該督等查
明奏請獎敘其傷亡兵勇並著查明咨部請卹
初五日 癸丑 著齡奏言據廣東南韶連道吳坤修
等稟報七月初五日各營進攻瑞州府城吳坤

修率彪勇攻北門普承堯率寶勇攻西門劉騰
鴻同劉連捷等率湘勇渡過北岸攻東門直抵
城下各用雲梯奮力仰擊施放火箭噴筒城上
槍礮木石密如雨下我軍奮不顧身前者受傷
後者繼進劉騰鴻親執桴鼓督陣藍翎把總谷
文勝被傷陣亡攻至午刻士卒受傷甚多恐損
精銳始各收隊初六日以後各營不時進攻十

聖朝方略卷一百八十

十一

一日夜復大舉攻城普承堯等分率兵勇齊逼
城根十二日劉騰鴻移千斤大礮將橋南賊築
礮臺攻破拋擲火彈燒斃臺內逆匪無算劉騰
鴻身受槍傷仍裹創督戰十三日又攻破橋北
礮臺劉騰鴻督隊過橋驟中南門賊礮登時陣
亡其弟騰鶴騰鵠仍率勇冒險爭先奮攻愈急
普承堯令蕭景趕往南城幫同攻勦時城內逆

渠偽將軍黃光亦爲我礮所斃賊衆畏懼乞降
吳坤修普承堯均佯許之以懈賊守是夜我軍
拋擲火彈焚賊城上更棚逆衆大亂普承堯卽
督率各營緣梯登城分途勦洗殺賊不計其數
賊衆縋城逃走吳坤修之彪勇劉國斌之戰船
伏兵齊起悉數殲除其情急投河者均爲水師
擒斬無一走脫共計殺斃溺斃者二千數百人

聖朝方略卷一百八十

十二

各營生擒數百名分別訊明處斬難民開釋奪
獲大礮一百餘尊旗械不計其數當卽克復郡
城臣查瑞州府城自咸豐五年冬間被逆首石
達開攻陷踞爲巢穴未能猝下今拔此堅城蕩
滌羣逆首夥悉就誅戮洵足伸

天討而振軍威通計圍攻年餘野戰百餘次攻城三十
餘次我軍受傷及陣亡者千餘名在事統帶各

員備歷辛勤其尤為出力者相應開列請

旨給予獎勵其餘在事出力各員弁容俟查明另行請

獎各營兵勇俟稍休息即當分撥進攻撫建協

勦新淦吉安補用直隸州知州劉騰鴻紀律嚴

肅謀勇兼優攻勦瑞郡該員之力居多本擬保

舉知府並加道銜乃功在垂成因傷殞命深堪

痛惜應請

聖皇聖考卷百八十

三

旨飭部將劉騰鴻照道員例從優議卹並於瑞州府建

立專祠藍翎把總谷文勝臨陣捐軀亦請從優

議卹奏入

上諭內閣曰逆賊自五年冬間竄踞瑞州官軍設法圍

攻將府城收復所有尤為出力之副將普承堯著記

名以總兵用並賞給扎薩克圖巴圖魯名號廣東南

韶連道吳坤修著賞還花翎文童劉騰鶴著以知縣

卽選並賞加同知銜賞戴藍翎從九品劉騰鶴著以

知縣選用並賞加知州銜遊擊劉國斌著以參將補

用其餘在事出力員弁兵勇著耆齡查明保奏補用

直隸州知州劉騰鴻疊被槍傷裹創力戰十三日於

前門督隊中礮陣亡深堪憫惻著從優照道員例議

卹並於瑞州府城建立專祠陣亡把總谷文勝並著

從優議卹以慰忠魂

聖皇聖考卷百八十

古

耆齡又奏言據進賢縣知縣史昌壽稟稱撫州

賊匪由李家渡竄至進賢縣支嶺地方七月初

六日賊眾數千分路來撲志同等營出隊迎擊

另股賊匪由東路抄來寶勇接應遲延以致被

匪繞至我軍之後各營均被焚燬寶勇亦卽潰

散守城兵勇單弱賊匪乘勢撲入知縣史昌壽

被賊刺墜城下經練勇負救得甦臣聞報卽移

會李定太率領兵勇進剿並檄周鳳山督率所部先往三江口堵剿李家渡一路與李定太相為犄角史昌壽亦馳赴池溪橋邀舉人焦有森集團助剿焦有森先聞縣城有警立帶團勇直抵城下與賊接仗獲勝賊匪敗匿城內李定太派守備萬泰等帶領潯兵取道荏港先進自率勇丁繼往周鳳山亦至三江口該逆知兩路官

欽定剿平粵匪方略卷一百一

十一

兵齊到又畏圍練甚眾即於十三日全股遁回撫郡李定太令萬泰等進城安撫居民史昌壽踵至即將城池收復臣查進賢縣與撫郡犬牙相錯撫州之賊因乏兵力進剿該逆遂得四出滋擾現在瑞州府城業已克復該處兵勇即可酌調三四千名前赴進賢隨同李定太聯絡鄉團進剿撫郡殄滅羣醜寶勇營官已革湖南武

岡州吏目吳學鑿接應遲延咎無可辭應請即行革職進賢縣知縣史昌壽於縣城被匪撲入雖據邀集鄉團與省兵三路進逼旋即收復尙知愧奮但城池究已被擾亦請革職仍留於地方辦理善後防堵以觀後效志同軍等營營官補用同知鍾世楨等此次失利實由寶勇接應遲延以致為賊所襲情尙可原應請將奏准保舉之案銷去用示懲儆奏入

欽定剿平粵匪方略卷一百一

十一

上諭內閣曰撫州賊匪竄至進賢縣支嶺地方乘勢撲入縣城旋經官兵收復所有管帶寶勇接應遲延之已革武岡州吏目吳學鑿著即行革職交著齡訊明定擬具奏幫帶寶勇藍翎即選府經歷縣丞鄧國祥著即革職進賢縣知縣史昌壽著即革職留於地方辦

理善後事宜以觀後效管帶志同軍等營補用同知
鍾世楨等著將前次堵剿出力准保之案撤銷以示
懲儆

初七日 乙卯 福興奏言東鄉逆匪分股竄擾安仁

經臣派令遊擊賴高翔等統帶兵勇前往會同

李元度合力進剿本月初四日我軍前隊甫進

該逆分四股來拒我軍因人數較單當卽扼橋

聖朝聖略卷百八

七

轟擊賊亦未敢過河初五日李元度添撥精銳

兩營並調集戰船順流下剿整隊齊出該逆偵

知水陸官軍大至乘夜由萬年一路遁去仍留

悍賊堅拒我師各軍分路衝擊乘勢掩殺逆衆

不戰自潰登時轟斃一百數十名我軍追殺二

十餘里現由臣檄調從九品高祥霖一軍進紮

安仁爲扼河而守之計其平江營勇及賴高翔

聞

等兵勇仍分紮弋陽貴溪等處以防爲勦臣現
於二十日起程馳赴弋陽以便就近會合進圖
撫建奏八報

初九日 丁巳 晏端書奏言江西撫州賊匪於七月

初三日竄至中雲知府畢大鈺等督率兵勇奮

力接仗斬馘頗多初六日賊衆圍偏葵源縣城

聖朝聖略卷百八

末

勢甚兇悍兵勇因衆寡不敵退駐白沙關初十

等日該逆又進犯徽境之清華街張芾飭參將

王夢麟等截擊斃賊甚衆嗣復四面圍剿槍斃

悍賊百餘名斬獲首級二十六顆內有僞國宗

洪春沅一名並生擒多名訊明正法十六日遊

擊楊國正等於涼亭遇賊陣斬黃衣騎馬賊目

一名殲斃匪黨二百餘名斬首二十餘級餘賊

竄入新建饒廷選督兵扼剿斃賊無算楊國正等又源亨追勦是日共斃賊一千有餘查邇來江省廣饒兩郡軍情並緊饒廷選有督防三衢之責婺源距三衢二百餘里勢難責令親臨督辦楊國正久歷戎行所部兵勇亦堪禦敵臣已咨請饒廷選俟布置羸定仍行回防三衢所有白沙關以外防勦事宜卽歸楊國正接辦在

欽定剿平粵匪方略卷一百一十

十九

防官兵統歸節制調度以一事權此次力戰陣亡之候選知府畢大鈺外委蘇瑞祥儲萬清深堪憫惻應請

旨飭部從優議卹以慰忠魂奏入

上諭內閣曰賊衆圍逼婺源縣城並進犯徽境之清華街經參將王夢麟等截擊圍剿斃賊無算勦辦尙爲得手仍著晏端書督飭將弁將婺源一帶賊匪勦除

淨盡毋令蔓延所有力戰陣亡之候選知府畢大鈺外委蘇瑞祥儲萬清均著交部從優議卹

晏端書又奏言提臣鄧紹良派副將貴廷芳等各帶部勇共二千二百名歸蕭知音統帶進紮老鴉山復派遊擊陶寶登各軍分紮孤山壩等處以杜蕪湖繁昌賊援七月初五日蕪湖賊數千人從青山鷹村橋兩路直犯老鴉山其自青

欽定剿平粵匪方略卷一百一十

二十

山來者申明照等擊之於十里亭並經鄧紹良派都司文懋官馳往策應立將逆衆擊退殲斃三百餘名其自鷹村橋來者經吳全美等分督兵勇從雙港進剿追擊至蕪湖南街口生擒長髮賊張施等八名正法斬首二十三級初七日該逆於四合山江北糾添賊黨三千餘人仍從五里亭鷹村橋犯老鴉山守備劉廷鼐等帶隊

前進立砍悍賊二名復經蕭知音等奮力進剿
俘斬悍賊十餘名該逆竄撲孤山壩千總洪仙
增等迎頭截擊賊眾大敗而遁是日共斃賊一
百餘名初九日該逆以大股進五里亭又以馬
隊進鷹村橋先後蠶擁而來鄧紹良督飭貴廷
芳等分路迎剿前後夾攻自辰至午接仗三時
連斃黃衣賊目三十餘名殲其賊黨五六百名

聖朝匪方略卷二百八十

三

落水淹死者無算又生擒偽司馬陳起鵬正法
至青陽一路賊蹤竄突靡常逆首曾姓率領股
匪數千於七月初五日由貴池竄至青陽之南
陽灣周天受派隊分守隘口初八日復親督縣
丞余兆祥等四面截殺連破賊卡二座斃賊甚
眾逆勢大潰榮陞等追過南陽灣又斃悍賊多
名餘匪盡向白砂嶺退竄臣查老鴉山緊接蕪

聞

湖鄧紹良移師進繁業已立定營盤並與水師
聯成一氣是我軍已據上游將來會同江南得
勝之師規取蕪湖當必易於得手青陽為徽甯
總路周天受屹立一軍洵足壯軍威而寒賊膽
惟萬級嶺紀家嶺楊田埂等處逆匪節次窺竄
雖經秦如虎督兵擊退而防兵尙形單薄鄧紹
良派往虎勇二百周天受派往奮勇三百仍屬

聖朝匪方略卷二百八十

三

不敷鄧紹良復令遊擊石玉龍許加成兩軍往
援萬級嶺而甯國青陽各軍營又形支絀茲准
和春咨會已撥陝西兵四百餘名揚勝勇二百
餘名樹勇三百餘名合成一千名交都司閔步
璜等管帶前來臣已委弁迎提飭令分赴徽甯
俾資分撥防剿以顧皖南大局奏入報

音

欽定剿平粵匪方略卷一百八十一 丁巳年

中央民

八月十四日壬戌官文胡林翼奏言黃州

駐蘄水臣官文調參將李濟清督帶長龍三板等船十餘號駐紮蘄水之蘭溪及對岸黃石港等處杜賊偷越臣胡林翼於七月二十一二等日率各師駐紮蘄水之月山偵知各鄉村踞賊不下數萬又新添安徽悍賊萬餘來援二十三

聖聖聖聖聖

一

聖聖聖聖聖

聖

日我軍安營甫定賊分左右中三路來撲又另分數支搖旗吶喊勢極兇悍李續宜唐訓方等分率各軍嚴陣以待俟賊至山脚用礮轟擊團勇亦奮力齊進斃賊多名餘賊敗竄時馬隊分三路衝突臣胡林翼亦督親兵且戰且進齊撲賊壘李續宜與何紹彩會合舒保馬隊夾擊直搗賊巢槍礮齊施登時火光燭天延燒賊壘六

十三座並賊屯糧之所一燼而空焚殺及淹斃之賊五千餘名馬步渡河追擊又連破賊壘偽城五座擒斬賊目偽檢點偽指揮等三十四名奪獲槍礮器械無數二十四五六等日復分路出隊馳赴界嶺曹家河等處追剿逆賊望風披靡又被我軍殲斃二千餘名是役也我軍於數日之中剿除賊壘六十餘座殺賊七千有奇馬

聖聖聖聖聖

二

聖聖聖聖聖

聖

隊又追剿百餘里實皆仰賴

聖主威福將士用命現仍乘勝下勦以期節節掃蕩會攻九江其在事尤為出力人員相應請

旨給予獎勵出自

聖恩此外出力兵勇應請擇尤保奏伏候

聖裁奏入

上諭內閣曰此次胡林翼親督各兵移營進剿竄賊斬

敵甚多著官文等嚴飭帶兵將弁乘勝下勦節節殲
蕩以期會合諸軍迅克九江府城毋稍延緩知府李
續宜著賞給伊勒達蒙額巴圖魯名號都司劉芳貴
著免補都司以遊擊儘先推補並賞加參將銜千總
黃澤遠著以都司升補並賞換花翎副將張文煥著
賞給勉勇巴圖魯名號守備王載駟唐義訓彭炳武
均著以遊擊儘先拔補並賞換花翎千總彭星占著
以都司升補並賞換花翎其餘在事出力兵勇並著
該大臣等查明擇尤保奏

聖朝聖略卷一百一

三

官文又奏言臣自奉

以仰體

命督師以來由德安下勦攻克武漢黃州未有寸功特
聖主知人善任之意講求御將之方故得仰仗
天威大張撻伐數年以來楚北軍威大振都興阿老成

持重楊載福老謀深算李續賓足智多謀多隆
阿舒保謀勇兼全所向無前李續宜曉暢兵機
勇略冠軍厥功甚偉臣隨時體訪該六員皆心
地純正經濟匡時足當大任相應據實密陳可
否

加恩量用之處出自

天恩奏入

聖朝聖略卷一百一

四

上諭曰俟楚北軍情稍鬆大兵東下之時朕酌量擢用
以期得力

同日駱秉章奏言頃准江西撫臣鈔送克復龍
泉縣城摺稿專據副將周鳳山稟報於桂東一
軍疊次攻勦及用間誘降收復城池實在情形
未經聲敘明白臣現確知其詳不敢不為

皇上一一陳之桂東一軍劉拔元胡兼善吳齊源等二

月二十五至三月十四等日疊次勦賊殲斃甚多十六日大破賊於君子垵燒賊營三座斃賊四百餘名二十八日追賊石圍四月初四日勦賊五斗江共斃賊五六百而龍泉北鄉賊氛漸熄吉安援賊圍撲城南老營情形萬緊胡兼善聞警往援行抵藻林距老營尙二十餘里聞知縣劉拔元等已出隊擊賊被賊圍攻衆寡不敵

欽定剿平粵匪方略卷八十一

五

血戰捐軀矣胡兼善率勇星馳行抵城南飛稟求援臣卽飭千總蕭紹鈴率所部勇六百急赴龍泉又調桂東團練黃由謙等率團勇五百先往援應一面札飭吉安各軍就近分軍助勦而以劉拔元所帶中營之勇併歸胡兼善統帶初十日賊衆六七千來撲營盤胡兼善等擊卻之斃賊五百餘名二十三四五月初一等日賊衆

萬餘屢次出撲均經胡兼善等擊退初十日周鳳山始由萬安率鳳營抵龍泉城北一帶安營是日蕭紹鈴及桂東團練黃由謙等各率勇抵龍泉西南一帶安營連日派隊環攻城賊固匿不出出亦旋退二十七日萬安縣賊八百餘人來援龍泉周鳳山胡兼善等各派隊迎勦撿斬殆盡閏五月十四夜胡兼善營中幫辦武生胡

欽定剿平粵匪方略卷八十一

六

達善巡哨至西門濠邊獲逃賊林積信至營訊以城中虛實據稱城內男婦大小約七八千米糧不乏賊首爲武舉鍾起鳳廩生鍾毓靈等而尤以監生陳邦烈舉人張謙爲最胡兼善恐渠魁漏逸擬設計誘致之遂授以密計縱令入城十七日林積信縋城而下言城中諸賊現尙疑信參半胡兼善仍縱之去並諭令須偕賊首數

人來次日賊首鍾起鳳等來營胡兼善仍好言撫之令鍾起鳳鍾毓靈薤髮留營鍾辰學仍留髮與林蘋信復入城二十一日陳邦烈張謙亦至並有賊目劉相桂隨之胡兼善佯爲慰諭將七犯分羈各營許於二十四日棄械出城就撫二十二日胡兼善等同詣周鳳山營密告該首逆等均經誘出豫擬傳單請其分諭各營一律

聖朝方略卷二百八十一

七

遵照某起賊由其門出歸某營看守防護聽候分別查辦賊出之後不准兵勇入城搶取財物違者治以軍法周鳳山始知誘致之詳胡兼善歸營後令張謙等告知城中各賊准於二十四日卯刻出城屆期城內之賊疑懼未化賊首張謙等願再致信城賊勸其速來是夜賊首劉金輝羅齋公劉名典等希圖夤夜偷竄適幫辦吳

齊乙等巡哨至孛獲到營胡兼善仍釋勿誅復遣入城五鼓林蘋信又引出賊首鍾有漢溫日新陳邦英而劉金輝羅齋公劉名典三犯亦隨之出二十五日胡兼善等列隊各門城內賊衆按門棄械而出各營憤其抗拒日久除婦女老幼分別省釋外概與駢誅二十六日胡兼善始提首逆鍾有漢羅齋公溫日新陳邦英劉名典

聖朝方略卷二百八十一

八

劉金輝正法二十七日又提首逆張謙陳邦烈鍾起鳳鍾毓靈劉相桂五犯磔死惟林蘋信卽林崧生鍾辰學兩犯胡兼善等許以帶罪立功稟請批示辦理臣飭令妥爲安插以示法外之仁此收復龍泉縣城之確實情形也周鳳山於收復龍泉縣城後先發稟報任意欺飾當城賊二十五日出城之時各營祇列隊城外並無攻

城之事乃捏稱派隊環攻緣梯登城奮力巷戰
在城中分路截殺等情賊首羅齋公本萬安著
名齋匪劉金輝本龍泉起事首逆經胡兼善於
復城後次日提出正法乃捏稱羅齋公於入城
時殺斃劉金輝改過自新請免死罪留營效力
至首逆張謙陳邦烈鍾起鳳鍾毓靈等原係胡
兼善遣降賊林積信誘致到營乃該副將稟稱

聖學聖略卷百十一

九

胡兼善之勇其中常有兄弟在城爲賊又有哨
官陳姓與賊逆張謙有師生之誼顯係心懷忌
嫉希圖要功臣前於該副將稟報克復龍泉時
已深疑其不中情事大加駁飭以胡兼善等必
兼稟江西彼此互勘是非自明不料胡兼善未
及具稟江西該副將得以任意捏造虛詞肆其
欺罔現據管帶湘勇候補道王鑫就近體訪稟

請查辦所稱該副將欺飾要功等情與臣所聞
大略相同仰懇

飭下江西撫臣查明更正從嚴叅辦以明賞罰而勵軍
心至由湖南陸續調赴龍泉各營紳勇在事既
久頗著微勞可否由臣覈明彙案保獎之處出
自

聖裁

聖學聖略卷百十一

十

駱秉章又奏言據王鑫稟報自勦敗廣昌縣古
夏東山壩巨股賊匪後賊之竄踞頭陂者旋竄
廣昌縣六月十七日王鑫拔營追之賊分五路
拒敵官軍亦分路進勦賊大敗走躡蹤緊追忽
逆首僞國宗楊姓率眾萬餘自甘竹來接應敗
賊回拒都司張騰霄躍馬衝鋒潮勇一齊猛撲
賊復大敗追至南豐縣界甘竹地方始行收隊

是戰斃賊約近三千生擒悍賊一百十三名回軍廣昌縣城而前派赴樂安之千總朱惟堂亦與張騰霄及知縣孫效曾於十九日收復樂安縣城王鑫方擬直搗撫州建昌兩郡忽吉安城賊攻陷周鳳山營盤其趙煥聯劉培元兩營亦因而被陷僅吉字營全軍無損退保安福縣城王鑫聞警遂輟撫建之行還軍永豐縣屬藤田

聖皇聖考卷一百一十一

十一

按兵觀釁七月初八日朱惟堂飛稟僞國宗洪楊諸逆率撫建賊數萬竄宜黃崇仁兩縣將趨樂安王鑫得報捲甲星馳次日巳刻抵樂安縣城偃旗息鼓令賊不覺一面暗催團練聽候調遣十一日未刻援賊八九千人已至南門外距城僅半里王鑫發暗號伏兵四面齊出大呼猛撲賊駭而奔我軍窮追四十餘里至甘泉墟計共斃賊五六千始收隊十二日王鑫親率所部出太平市甫行十五里賊前隊六七千已到王鑫分所部擊之賊大敗追至太平市賊大隊二萬餘盡出接應各勇大呼衝擊追殺三十里至客馬塘是戰斃賊四千二三百名而竄伏山林爲團丁搜殺者亦二三千時僞國宗楊逆有衆三萬尙屯林頭地方賊之敗回者往與會合十四日王鑫出隊擊之賊列大隊於草岡左右張兩翼來迎王鑫爲長蛇陣偪之縱勇奮擊噴筒槍礮齊發復令藤牌數十從後滾出揮刀亂斫賊大奔潰窮追三四十里始回軍至崇仁屬之鳳岡墟宿焉是戰殺賊一萬二三千人生擒四百餘名王鑫擬乘破竹之勢進規撫建然吉安敗後未能圍攻設令城賊逸出肆擾則一軍孤

聖皇聖考卷一百一十一

十一

懸四面受敵餉道堪虞該員一軍援剿江西自擊滅水東至太平市之戰共獲大捷十二斃賊四萬數千江西大局賴有轉機正宜加意保護俾獲殄寇藏功以紓

聖慮此軍月餉軍械子藥臣與總局司道籌商按時措解接濟俾得一意圖成無憂缺乏維是道路相距愈遠近自吉安官軍潰挫時有梗阻之虞現

在解餉兩批未知能否徑達合無仰懇

皇上飭下江西撫臣儘遇湖南委解未到該軍餉項匱乏速由江西省局籌解以資接濟

同日兵科給事中李鶴年奏言臣近閱邸鈔六月二十日前任侍郎曾國藩奏請開缺守制一摺奉

上諭著照所請准其先開兵部侍郎之缺暫行在籍守

制等因臣維曾國藩統兵數載屢著戰功迨追賊至

江右後間有小捷現以該省大局而論上吉安下九江旁撫建久為賊踞臨江瑞州二郡因水師圍剿稍不敢逞而陷溺已深克復無日饒州廣信一帶時陷時復賊蹤出沒無常省城朝不保夕形同孤注該侍郎終制一節屢蒙

皇上逾格鴻慈賜金給假褒獎慰留且有當為天下後

世所共諒之

論曾國藩宜如何銜恤撫膺澀血圖報而乃一再瀆陳定以終制為守經現聞粵西賊復蠢動湖南唇齒相依萬一有警曾國藩能閉門讀禮如安居無事之時乎至謂才難宏濟心抱不安當前年武漢克復凱奏飛章該侍郎將略優長業有明驗自當乘機進剿一鼓蕩平上紓

宵旰之憂下慰軍民之望然後退而守制且補前次未

終之制雖一再奪情誠如

聖諭當為天下後世所共諒也 臣愚擬請

飭下該侍郎仍遵前奉

諭旨迅赴江西軍營督兵勦賊俟全境肅清順流東下

與皖南江左聯師克復東南各境同奏膚公則

致身報

聖聖聖聖聖聖

十五

國全忠即以全孝矣均奏入

上命軍機大臣傳諭駱秉章曾國藩曰王鑫一軍軍餉

已諭令耆齡速籌協濟周鳳山於克復龍泉縣城有

冒功情事並已諭令耆齡查辦至湖南派赴龍泉之

官紳兵勇從征日久著有微勞即著駱秉章查明保

奏丁憂侍郎曾國藩前經降旨准其暫行在籍守制

儻江西軍務緊急或他省有需人之處仍著候旨前

往據給事中李鶴年奏請飭曾國藩仍赴江西及時

圖報等語軍務奪情原屬不得已之舉朕非必欲該

侍郎即入仕途然如該給事中所奏亦可見移孝作

忠經權並用公論自在人心現在江西軍務有楊載

福統帶雖無須曾國藩前往而湖南本籍偏近黔粵

賊氛未息團練籌防均關緊要該侍郎負一鄉重望

自當極力圖維急思報稱

聖聖聖聖聖聖

十六

上又命軍機大臣傳諭耆齡曰前據耆齡奏已革副將

周鳳山督兵克復龍泉縣城當經降旨將該員開復

原官遇缺即選並賞換花翎矣本日據駱秉章奏龍

泉之克係由訓導胡兼善等誘致首逆該逆等開城

出降其時各路兵勇均祇列隊城外分別斬釋並無

攻城情事而周鳳山捏稱派隊環攻緣梯登城奮力

巷戰在城中分路截殺等情首逆羅齋公劉金輝均

一第 207 冊 續修四庫全書 0 2111

係胡兼善先期誘致復城之次日始行正法而周鳳山捏稱羅逆於八城時殲斃劉金輝請免死留營且稱胡兼善之勇有兄弟在城爲賊哨官陳姓與首逆張謙爲師生等語該副將心懷忌嫉欺飾要功旣經駱秉章訪得實情著耑齡卽行確查嚴叅據實更正以懲欺冒耑齡未經據胡兼善等稟報以致無從詳悉亦毋所用其回護王鑫一軍擬由崇仁進勦撫建

欽定剿平粵匪方略卷一百一十一

七

湖南所解兩批餉銀因吉安敗後道路梗阻恐一時不能徑達請飭江西酌量接濟等語並耑耑齡將王鑫軍營需用餉項軍械子藥先由江西省局籌解接濟毋使稍有缺乏

駱秉章又奏言候補道王鑫馳勦吉安水東援賊疊獲勝仗正擬先勦樂安縣藤田地方忽探報賊目僞將軍潘姓楊姓及蕭復勝率賊數萬

續由甯都來援吉安距沙溪不遠王鑫以賊衆已近沙溪則吉安可危而藤田後路亦梗遂輟樂安之行於十九日率四成隊一千二百人由藤田馳赴沙溪二十一日有賊萬餘前來搦戰其氣殊驕王鑫靜以待之密令王文瑞等分設伏兵王文瑞先與賊遇斬首二百餘賊遂紛紛敗走王鑫從左路追之圍賊山坡殲斃六七百

欽定剿平粵匪方略卷一百一十一

十六

名官軍追至韶源賊衆駭走王鑫縱火徧燒村壘一面分五路急追之至上固隘口賊返戈抗拒官軍直前衝突則又梟水敗逃官軍復追過河至貓公嶺始收隊而返是日斃賊約兩千餘生擒賊數百破賊壘三十餘處旗幟軍械輜重山積敗賊竄至甯都州屬之鈞峯收合餘黨衆尙數萬王鑫念此股不急勦除終爲後患遂連

日拔營追之二十六日令王開化等分路進勦自率兩旗勇由中路進行近釣峯見該逆遷屯蟻聚村墟皆滿墟前近水兩岸徧紮賊營王鑫令先攻墟內之賊王文瑞等由墟後包抄王鑫親督弁勇由街口殺入旗長蕭名聲等冒險直衝立斬悍賊數十該逆自相踐踏死者數百各勇直前亂砍斃賊無算陣斬僞總制廖逆追出

聖朝聖略卷百八十一

十九

街口餘賊將向江洲逃竄適王文瑞從街口抄來圍而殲之官軍之潛襲賊營者復縱火焚巢賊折奔江洲官軍緊追斃賊二三百名王鑫令王文瑞等乘勝齊進同時縱火賊被徧溺斃者無數賊目蕭復勝策馬而渡湘勇李文翊斬之而奪其馬約共殺賊二千六七百名救出婦孺難民約近萬人而官軍一千二百人無一傷亡

者王鑫軍至小源適會匪頭目謝芸標一股竄至廣昌縣屬頭陂地方賊目僞國宗伍復勝率眾數千由廣昌竄至會於古夏圖擾甯都王鑫率眾襲之六月初一日抵古夏賊眾負山面溪而營王鑫令張運蘭等帶旗勇伏於山後自率親兵十餘騎至溪邊誘之賊見王鑫護從人少急分數路躡淺而渡王鑫退至山坡鼓聲大震

聖朝聖略卷百八十一

二十

山後伏兵突出賊反旗而奔張運蘭之勇已衝渡水南抄出賊後官軍前後夾擊斃賊數百餘賊潰竄王鑫縱勇窮追沿途斬殺七八百名是役共斃賊一千三四百名生擒僞總制楊洸蘋及賊目數名初二日福建敗賊回援吉安前隊已抵東山壩王鑫令王文瑞等由右路沿河而進親督王開化等過河由左路進初三日右路

之勇已抵坪田張運蘭復分各勇爲三路賊覘官軍人少排列以待官軍奮威衝殺斃賊百餘賊始敗潰官軍一面追賊一面圍住該村賊黨衝出者盡爲官軍所殲並陣斬賊目張棕相曹信照於馬上餘賊敗潰王鑫督官軍由左路進離東山壩里許適賊聞右路之敗蒼黃鼎沸王鑫令王開化等急擊之賊大敗走官軍夾擊斃賊四五百名王鑫令各營分路窮追斬賊目陳耀南餘賊辟易張運蘭殲賊大半共計斃賊三千餘名據王鑫稟僞國宗楊逆後隊賊衆二萬餘已抵廣昌縣之頭陂地方相距僅三十里僞國宗洪逆亦來會合恐尙有數次大戰而撫建兩郡之賊聞尙有十數萬之多樂安新淦亦均有大股屯踞擬卽相機酌辦次第翦除臣惟王

欽定剿平粵匪方略卷二十一

三十一

欽定剿平粵匪方略卷二十一

三十一

鑫自馳勦水東援賊以來月餘之久轉戰數百里前後屢獲大捷而所部湘勇僅有三千酷暑遘征勞頓殊甚况賊匪多至百倍近更添由閩回竄巨股誠未可視之太輕致有他慮現飭在籍都司王開傳千總張廣勝等迅募湘勇千名陸續前赴王鑫行營聽其挑補更換並札飭管帶桂東勇之訓導胡兼善於龍泉軍營挑精勇五百馳往助勦奏入報

聞

二十四日壬申德興阿翁同書奏言瓜鎮賊情窮

蹙臣等慮其日久生變定計逐日分路進攻一面密飭陳國泰督帶舟師併力夾擊並咨和春等定期會勦自七月二十八日起至本月初四日共攻五次臣德興阿親督鞠殿華等每次均

於寅刻進隊適水礮臺工竣因飭護運大礮三座直抵四里鋪陳家灣列隊參將趙樹棠等督兵開礮向賊轟擊賊匪亦運礮出巢隔濠對擊俱經我軍用大礮轟退約斃賊十餘名陳國泰督率紅單戰船於二十五日駛近瓜州開礮轟擊燬賊大糧船一隻嗣於二十八日至本月初五日均乘風進擊並開放六千斤大礮擊沈小船二隻淹斃賊匪數名泊承陸陳世忠於初四日會督艇師駛過鎮江至瓜州新河口擊塌賊隄一處初七日瓜州賊匪數百向西竄突意圖襲營行至吳家樓伏兵猝起大呼賊匪驚擾猶敢抗戰不退適勇目孫文友帶勇由小蘆莊涉水冒險斜衝賊隊賊始回竄轟斃及溺死者多名其窺伺龍灣汶小塘橋之賊均經富明阿設

聖朝聖略卷一百一十一

三

法擊退斃賊多名臣德興阿復於初十十一等日運礮進攻擊倒望樓一座城垛數處該逆每日出賊百餘名隔濠誘戰一經擊回卽堅匿不出惟以大礮拒守現在張國樑駐紮高資如能斷賊外援則雖江北兵單尙能遏其奔竄惟據報南岸棲霞山頂每夜舉火是金陵逆黨尙思冒死下援儘因高資屯駐重兵不能竄越難保不窺伺江北而逆首石達開素多詭計聞欲分兩路下竄一擾江南一擾江北又有欲竄滁州圖攻六合揚州等語臣等竊念石逆現在安營屢次揚言下援固恐其聲東擊西尤防其先聲後實臣惟有督飭兵勇申嚴紀律並令浦口六合各營嚴密防維如有警報卽援應至瓜州賊勢已窮卽當約會南軍彼此緊攻迅圖克復

聖朝聖略卷一百一十一

三

奏八

上命軍機大臣傳諭德興阿翁同書曰德興阿等所稱
疊次水陸環攻獲勝情形不過小有斬擒卽行收隊
賊匪既未大受懲創克復仍屬毫無把握若必待賊
匪竄出始行勦擊則彼必藏匿堅守以老我師何時
始能搆其巢穴著該大臣等嚴飭將士奮力進攻志
在必克毋再遷延時日致生他變至傳聞石逆遣黨

欽定剿平粵匪方略卷一百一十一

三

分路下竄係聲東擊西之計亦未可知惟賊情詭詐
自當於浦口六合等處嚴密設防現在南岸大兵雲
集惟江路未絕接濟該大臣等卽一面督飭水師斷
其江中援應一面激勵將士約會南岸諸軍同時並
舉使逆匪不能兼顧不但瓜州可克並可遙作鎮江
聲援

二十九日 丑 丁和春奏言鎮城逆匪拒守極堅並

將城身加高數尺爲負隅計 臣飭各營轟擊將

南水關城垛轟塌丈餘 臣與張國棟督同余萬
清等帶領兵勇馳抵城濠正在拔椿前進東北
兩門突出賊黨一二千名分股抄來王紹奎等
分途擊勦王浚李若珠各帶火槍隊分兩翼抄
擊燒斃極多適南水關又出賊千餘經魯占鼇
等兵勇橫衝截殺殲斃不少餘俱潰敗入城約

欽定剿平粵匪方略卷一百一十一

三

斃賊四五百名七月二十四日派隊分攻東門
及東北隅南水關虎頭摩旗等山賊營南門南
水關各出賊七八百人直前衝撲我軍且戰且
走誘至山後虎嵩林等帶領伏兵攔腰夾擊盡
力刺殺立殲多名該逆紛紛敗退虎頭摩旗兩
山又各出賊千餘金山亦出數百人飛奔來援
經文祿等迎頭直擊斃賊甚衆旋即敗走突有

黃衣騎馬賊目揮衆并死抗拒兵勇齊進槍斃騎馬賊餘卽驚潰我軍追殺槍斃齊施計斃賊三四百名八月初二日摩旗虎頭兩山賊匪各出數百人直撲四川營盤經王夢熊在營內以大礮轟擊倒斃甚多復經出營追殺約斃賊百餘名初四日金山虎頭山各出賊數百人分途來撲虎頭山之賊經魯占鼇等率兵勇夾擊立

聖朝聖略卷一百八十一

三七

斃數十名金山之賊經泊承陞等開礮轟擊該逆卽退敗入巢該逆旋於高資七擺渡偷築營壘張國樑督同王浚等帶兵過河奮勇直前疊放火器該逆自相驚亂踰牆而逃兵勇乘勢槍進盡數砍殺遂將賊營三座立時奪獲毀爲平地初十日東北風大作泊承陞陳世忠趕駕艇船分隊前進擊倒沿江賊樓二座礮臺一座午

刻新河口一帶駛出賊划二十餘隻陳世忠分船迎剿擊沈划船三隻燒燬賊船五隻餘俱逃遁八月初七日瀘化鎮沙子岡等處聚集逆匪千餘意圖擄糧傳振邦派鄧聯科等帶兵馳抵該處分途齊進用擡礮連環攻擊殲斃二三百名十一日逆匪又出千餘分三股而來官軍三面兜擊逆匪紛紛倒地隨卽敗逃我軍追擊死

聖朝聖略卷一百八十一

三八

者尤衆約斃二百餘名七月二十四日吳全美督同郭定猷等分駕紅單拖帶快蟹各船直攻蕪湖石壘以大礮轟擊賊營房屋倒塌數座小河南突出礮划十餘隻飛駛抵敵官兵遂連拋火彈繼以大礮沈碎多隻斃賊一二百名奪獲賊划二隻槍礮多件臣現在督飭各路兵勇趕緊攻剿迅圖克復奏入報

同日福濟鄭魁士奏言廬州巢湖三板戰船現已造成十隻工料尙屬堅實巢縣逆匪由金陵調大礮船多隻駛入湖西窺伺拒敵八月初十日賊船由黑石嘴潛溪河上岸擄糧肆擾臣飭都司黃國堯等帶船出隊並令把總羅福齡等分帶兵勇夾岸接應黃國堯范玉林帶領戰船

欽定剿平粵匪方略卷一百一十一

三九

首先衝鋒阿克敦對岸施放擡槍斃黃衣賊一名賊船連環開礮我軍水師冒煙突入愈偏愈近擊沈賊長龍船一隻逆眾梟水而逃餘賊抵禦不住開船南竄查戰船僅成十隻試行有效仍飭鳩材覓礮趕緊添造以冀肅清湖面進剿巢城又據總兵音德布函稱江南來賊二千餘在七里橋等處築營擄掠官軍奮勇進剿當將

賊卡二十座燒燬其太陽橋一路官軍亦斃賊多名奪毀賊船三隻槍獲擡槍刀矛多件又舒城縣知縣甘文潤稟報督勇擊賊屢次獲勝桐六賊援大股萬餘分路撲營勢極兇很各勇奮力開槍斃賊甚夥該縣帶隊直前各營一齊出隊伏兵四起奮力會攻擊退西路之賊復擊東路三股賊眾皆披靡奔走立刺黃衣賊目十餘

欽定剿平粵匪方略卷一百一十一

三

名斃賊二百餘名該逆屢退屢進各勇環擊殲斃賊匪千餘名餘眾潰逃生擒偽將軍沈姓偽指揮何姓等多名臣當將尤為出力員弁紳勇存候彙保並令加緊攻剿迅殄逆氛奏入得

旨允行

三十日戊寅官文都興阿胡林翼奏言官軍由蘄水進剿賊眾逃回宿太者約十餘萬而黃梅小

池口偽城踞賊抗拒如故臣官文咨行楊載福都興阿等速拔小池口偽城撤其犄角臣胡林翼督所部各營並李續賓唐訓方等湘勇由上游斬水蘄州而達廣濟黃梅節節搜勦勢如破竹焚燬賊巢擒斬逆黨不可勝數八月初四日更餘臣都興阿令多隆阿鮑超各挑馬步隊伍分路潛進先襲燒其後山賊壘我兵四路衝擊

聖主威福將士齊心用命得以拔此偽城盡殲醜類全

三

轟斃及落河淹死之賊甚多馬步各軍連夜追勦計沿途殺賊三千餘生擒百餘名正法奪獲大礮六十餘位擡槍器械無算天明追至桂家畝渡河橋復踏毀賊壘十餘座維時黃梅境內已漸肅清僅小池口賊窟尙死守待援也臣胡林翼遂令楊載福等移營進逼晝夜環攻連毀賊堅壘數處十三十四等日楊載福李續賓等

各營四面環攻十五日風雨大至該逆猶從城上暗施槍礮而我軍奮勵愈甚臣都興阿又派馬隊施放火箭城內賊篷登時火起煙焰迷天各勇四面俱上該逆捨命狂奔被我軍截殺無數奪門而出者復經巴克坦布等率馬隊分路窮追至一百八十餘里斬殺殆盡城內被礮擊死之賊堆積如山查黃梅小池口與潯城隔江

聖主威福將士齊心用命得以拔此偽城盡殲醜類全

三

對峙爲江皖入楚咽喉重地該逆踞此險要以通皖賊之聲援資九江之犄角今仰仗

聖主威福將士齊心用命得以拔此偽城盡殲醜類全楚肅清實足以彰

天討而快人心現卽派軍駐紮小池口以固全楚門戶探悉九江逆衆倍嚴守禦援賊日增臣等惟當督飭各軍相機進取迅掃逆氛所有在事出力

員弁兵勇可否擇尤保奏出自

恩施奏八

上諭內閣曰官軍掃蕩斬黃賊巢攻拔小池口其逃竄餘匪復分路窮追斬殺殆盡全楚境地一律肅清勦辦甚屬得手著官文督飭在事文武乘此聲威攻克九江並分兵追勦逃竄宿太股匪以期迅掃餘逆疏通江路所有此次出力員弁兵勇著准其擇尤保奏

候朕施恩

欽定剿平粵匪方略卷一百八十一

三

欽定剿平粵匪方略卷一百八十二 丁巳年

九月初二日 庚辰 駱秉章奏言按察使銜記名道

王鑫經 臣調赴江西勦賊疊獲全勝駐軍崇仁

縣之鳳岡墟以溽暑遘征陡患瘡痍而軍士數

月苦戰屍氣薰蒸疾多不起其留駐永豐縣城

者卽選同知張運蘭督之七月十四日探報吉

安府城僞檢點傅忠信率賊萬餘至吉水縣城

欽定剿平粵匪方略卷一百八十三

一

遣先鋒賊僞將軍何姓率賊二三千將窺永豐

縣張運蘭會同代理永豐縣知縣章激等督勇

迎勦斬擒二百餘名十六日傅逆由烏江來撲

張運蘭等復於城外野壘橋敗之斬擒一千二

百餘名王鑫以賊勢尚張派都司銜守備朱惟

堂赴永豐助勦適 臣所調同知王勳訓導胡兼

善帶勇繼至二十五日探報傅逆屯踞坪山王

勳令黃萬友朱惟堂由小路先抄賊後而自率親勇嚴陣待之賊眾排隊出抗官軍屹立不動相持間奇兵左右衝出斬賊六七百追至雙源鋪烏江等處共斃賊千餘是日王鑫在鳳岡墟接署知縣斬丹書稟報知賊擾近公陂墟料其將竄樂安而斬丹書所部太單時已病莫能興力疾趨援二十六日抵浯漳探報二十五日斬

聖朝詔略卷一百一十一

二

丹書已擊賊陣亡賊聞王鑫大隊掩至仍由公陂退竄崇仁縣境王鑫移師入樂安縣城而瘡痍未滅肝氣復動漸臻危篤竟於八月初四日病故臣當飭同知張運蘭知縣王開化督其全軍分起管帶並札令該道之兄王勳暫攝理全軍事務俟道路稍通王勳卽護喪歸楚以妥忠魂臣維已故按察使銜候補道王鑫本湘鄉縣

文生自咸豐二年賊犯長沙卽在籍辦理團練與其師已故浙江甯紹台道羅澤南以忠義激其鄉人講求束伍選士之法湘勇軍律之精實基於此自札委帶勇以來剿除衡永郴桂各屬土匪捍禦兩粵會匪援剿江鄂賊匪身經數百戰前後殺賊不下十餘萬克復城池二十餘而所將之勇丁少僅數百多亦不過數千紀律嚴

聖朝詔略卷一百一十二

三

天恩由諸生洊擢今職刻思圖效涓埃忠愛之忱矢諸寤寐其父王宗麓常加訓勉屬無以親老爲念該員日在行閒亦未敢乞假歸省該員年甫三十有三方謂報

國養親爲日正長不料以勞瘁悲憤遽殞其生也

合無仰懇

天恩逾格將該員晉贈布政使銜照二品例從優議卹

並

特予諡法以獎賢勞湖南江西建立專祠以彰戰蹟並

請

賞給該員父母二品封典以爲教忠者勸奏入

上諭內閣曰按察使銜候補道王鑫由湖南生員帶勇

欽定剿平粵匪方略卷八十二

四

欽定剿平粵匪方略卷八十二

五

剿除衛永郴桂各屬土匪兩粵會匪並越境進剿湖

北江西逆匪紀律嚴明身經數百戰前後殺賊十餘

萬克復城池二十餘處厥功甚偉茲以勞疾歿於軍

中深堪憫惜著加恩晉贈布政使銜卽照二品例從

優議卹並准其子諡仍於湖南江西地方建立專祠

該故員父母賞給二品封典以獎勳勤而褒忠義

駱秉章又奏言王鑫一軍屢次大捷業經江西

撫臣耆齡奏請保獎自應聽候覈明辦理惟查

卽選同知張運蘭同知銜王開化兩員在王鑫

軍中最久自援剿江西以來奮勇當先屢獲大

勝本係應保之員茲既委帶該道舊部職分較

小難期鎮壓應請

旨先將卽選同知張運蘭以知府卽選並

賞加道銜同知銜王開化以知府卽選出自

欽定剿平粵匪方略卷八十二

五

天恩其餘出力文武各員仍由江西撫臣彙保奏入

上諭內閣曰卽選同知張運蘭同知銜王開化隨同王

鑫援剿江西甚屬得力張運蘭著以知府卽選並賞

加道銜王開化著以知府卽選所有王鑫原帶各勇

卽著該二員分帶進剿其餘在事出力員弁兵勇著

耆齡覈明彙案保奏

初五日 癸未 德興阿翁同書奏言陸路總兵安勇

羅玉斌總管台斐音保會同水師總兵周希濂
等於八月十九日進攻九洲洲適南岸下關一
帶有賊船三十餘隻揚帆北渡周希濂卽派遊
擊王之敬由北岸進攻九洲洲世職龔保康等
由南岸進勦七里洲而自率遊擊楊冠春等由
中路直搗下關該逆望見我師開礮抗拒獲其
北渡之船我軍一鼓作氣分艘傍岸轟塌九洲

聖朝方略卷百八十一

六

洲賊營望樓兩座並七里洲賊隄礮斃賊匪十
餘名該逆見勢不敵轉帆竄回南岸方水軍酣
戰之際安勇派遊擊魁霖等分兵三路進攻行
近九洲洲率兵數十人直前挑戰該逆梟水出
巢拒敵適都司洪祿等由新河口進攻亦梟水
抄戰擊斃賊目二名轟斃數十名焚燬賊卡五
座江浦之賊前來接應台斐音保等設伏截擊

安勇羅玉斌帶隊由陳擺渡進兵會合始將江
浦之賊擊退二十一日安勇羅玉斌台斐音保
分帶兵勇進攻江浦縣城中途燬賊卡六座追
抵賊壘忽見城北小水門出賊三四百名欲截
我兵歸路經魁霖等合兵兜剿賊勢不支仍由
小水門竄入兵勇且追且擊直抵城下約斃賊
數十名該逆由南門竄出四五百名我軍開礮

聖朝方略卷百八十二

七

迎擊賊衆披靡台斐音保率馬隊涉淺斷其歸
路賊匪大敗奔回城內約斃賊七八十名至瓜
州賊匪連營阻水意圖死拒 臣等督飭總兵鞠
殿華等約會土橋水師於二十二日護
運大礮至四里鋪向賊壘轟擊而焦山水師總
兵泊承陸陳世忠亦於二十二日各駕師船赴
瓜州新河口及七號口一帶直對賊隄開放大

賊該逆伏匿不出臣德興阿復親督各隊於二十四五兩日如前進攻擊斃賊匪數十名內有執大黃旗賊目二名轟倒礮臺一座望樓一座該逆始終不敢出拒目下秋禾成熟一律登場野無所掠賊匪已成坐困瞬屆霜降宿潦漸收我兵差易進攻惟有激勵諸軍枕戈蓐食以冀早就肅清

欽定剿平粵匪方略卷一百八十二

八

德興阿翁同書又奏言查金陵逆匪以瓜鎮窮蹙先令上游賊眾搶掠民船派賊二千護運糧米於八月十二日由金柱關開出大江接濟瓜鎮曾經知縣楊承忠稟報而此股賊艘未見下竄想即係十九日浦江擊退之船該逆見江面不能下竄始改計由南岸赴援此時南軍兵力甚厚諒能截其來路萬一乘隙北渡臣等即飭

聞

下游舟師及陸路各營一體防勦奏入均報同日張芾奏言婺源一縣界連江西浙江在徽州西南二百四十里相距稍遠徽防兵力不敷分派是以浙江撫臣議由衢州撥兵三千前往扼守並令臣撥兵出紮婺北六十里之清華街臣即與江長貴派參將王夢麟統帶兵勇一千

欽定剿平粵匪方略卷一百八十三

九

二百人在清華街紮營三座而屬浙軍駐紮婺西四十里之中雲河以禦賊來路且與清華之軍相為犄角乃總兵饒廷選委遊擊楊國正來相度地勢謂中雲不可紮營宜守婺城臣與江長貴力爭不可晏端書卒從楊國正之議饒廷選旋將楊國正調回而派知府畢大鈺遊擊楊金榜等管帶楚勇浙兵二千數百人於婺源城

外分紮數營且有在東門外者似係豫爲退步
七月初二日有賊自樂平來畢大鈺楊金榜等
隊至中雲迎擊小挫初六日賊偪婺城楊金榜
等遽棄營走畢大鈺力竭陣亡向使中雲紮營
何至任賊直入且使楊金榜等固守婺城則清
華街一軍亦當赴援今乃片刻不守以致縣城
失陷遺棄軍火器械餉銀皆爲賊有而畢大鈺

聖朝聖略卷百十三

十

以文員死綏被害甚烈是則楊國正倡議貽誤
於前楊金榜棄軍潰敗於後情節雖有輕重均
爲法所難宥也自浙軍退後賊踞婺城清華一
軍之勢甚孤且休甯各嶺處處可以竄越臣與
江長貴於無可抽撥之中設法布置復派隊三
百出嶺策應賊四次來犯均經王夢麟等迎擊
獲勝維時石埭祁門警報沓至臣疊次函致晏

端書饒廷選速飭楊國正等進兵會剿迄今月
餘楊國正始帶兵到德興縣屬新建鎮駐紮查
浙江來文楊國正共帶兵勇三千數百人乃昨
閱該員致婺源縣信云尙須稟請上司添兵卽
便移營又稱擬於中秋夜出其不意不減元宵
奪崑崙之功等語以軍事視同兒戲不知是何
肺腑臣屢請晏端書將楊國正楊金榜等分別
參處未見施行現攻剿喫緊之際若不擇尤懲
處則衆情觀望罔知儆畏難望有功應請

聖朝聖略卷百十三

十一

旨嚴行查究以伸軍法而肅戎行奏八
上命軍機大臣傳諭晏端書曰本日據張芾奏稱晏端
書議由衢州撥兵扼守婺源總兵饒廷選委遊擊楊
國正相度地勢謂中雲不可紮營宜守婺城張芾與
江長貴力爭晏端書卒從楊國正之議饒廷選旋派

知府畢大鈺遊擊楊金榜帶兵分紮城外竟似豫爲退步追賊偏葵城楊金榜等棄營而走以致縣城失陷楊國正現駐德興縣屬新建鎮觀望遷延等語楊國正曾經何桂清奏賞勇號並據晏端書奏稱該員久列戎行令其統帶在防官兵而債事若此楊金榜於七月中棄營逃走而晏端書稱其潰圍而出身受重傷情節亦迥不相符張芾近在徽州見聞較確該撫遠在浙省恐該員等捏詞稟報受其朦蔽著晏端書按照所奏確切查明如葵源失守實係楊國正貽誤事機今復擁兵不進卽將該遊擊撤回嚴叅懲辦並另派得力之員前往管帶兵勇不得因保奏在前心存回護自干重咎楊金榜是否受傷抑係棄城逃避著一併查明叅奏按律懲辦以伸軍法而儆效尤張芾又奏言青陽石埭交界之崇覺寺地方爲

聖皇聖考卷一百一十二

三

徽甯緊要門戶今年二月提臣鄧紹良派副將蕭知音帶兵勇二千數百人駐守適有賊由石埭西鄉入犯霧露嶺蕭知音派隊往禦帶勇官劉福林首先敗逃蕭知音卽率隊退駐涇縣之章村賊遂陷石埭縣城若非太平縣知縣楊裕仁傳集民團力扼三折嶺臣連夜趕調援兵則賊乘虛竄入而徽郡危矣乃鄧紹良來文猶謂蕭知音之退不爲無見蕭知音旋在孝思嶺接仗挫敗捏報殺賊二百復由章村退往涇縣三月周天受克復石埭鄧紹良派副將蔣錫光移紮崇覺寺蔣錫光輒以崇覺寺四面受敵斷不可守爲辭其倡言阻撓實皆由於畏葸五月鄧紹良復派蔣錫光與守備馬雲龍帶勇二隊到石埭歸周天受調遣旋又調回涇縣當經周天

聖皇聖考卷一百一十三

三

受以大通有賊竊伺請飭蔣錫光回涇暫留馬雲龍一隊以備堵剿詎馬雲龍與各勇聞警紛紛潰去周天受稟請晏端書鄧紹良究辦未聞稍予懲創七月涇縣萬級嶺有賊竄擾守備吳正熙因兵單力竭僅以身免總兵秦如虎竟不接應輒退回涇城賊入嶺大掠經吳正熙集團擊退涇太之人莫不感吳正熙而怨秦如虎可

聖朝實錄卷一百二十三

十四

聖朝實錄卷一百二十三

十五

見公道自在人心也以上各事 臣身在行間見聞較近實不忍坐視貽誤應請

皇上將債事各員置之於法庶軍中咸知儆惕奮發圖功奏入

上命軍機大臣傳諭何桂清曰據張芾奏稱二月間副將蕭知音駐守崇覺寺適賊犯霧露嶺帶勇官劉福林先逃該副將遽行退往章村旋在孝思嶺挫敗捏

報殺賊嗣因周天受克復石埭經鄧紹良派副將蔣錫光移紮崇覺寺該副將以不可守為辭心存畏葸五月間周天受以大通有賊竊伺留守備馬雲龍堵剿亦聞警潰逃七月賊擾萬級嶺總兵秦如虎退回涇城致令該逆入嶺大掠以上各情張芾近在徽州見聞確切何以鄧紹良未聞咨報懲辦恐該提督駐軍較遠誤信蕭知音等詳報之詞致受欺朦抑或因

該總兵副將等皆其派往心存徇庇當此賊氛未息豈可博寬厚之名致失律將弁毫無儆畏著何桂清按照所奏情節據實查叅似此節節退縮或聞警先逃並敢以敗仗捏報殺賊卽立置重典亦屬罪所應得毋稍姑容

十三日 辛卯 李孟羣奏言 臣駐軍蘇家埠該處有河一道遊擊盧又熊等紮營河東必須搭造浮

橋接運糧餉當派參將趙鴻舉等帶勇一千餘名紮營河西以資援應該逆自八月初七八至十四五等日屢次攻圍河東各營愈集愈眾馬隊尤爲兇悍經盧又熊等督勇堅守擊斃多賊十六日臣復親至獨山策應幸皆獲勝二十一日該逆馬步七八千人直撲浮橋參將張得勝首先衝擊連殺十餘人猝被礮傷臣慮士卒氣

聖學聖方略卷一百八十二

七

餒暫令收隊二十二日該逆以河東各營未能攻破遂自河西併力來衝並以二三千人繞從盧又熊營後直撲浮橋與我軍接陣而騎賊千餘人步賊三四千人潛於下游涉水而過趙鴻舉等前後受敵且戰且走臣帶領守備陳貫等馳往接應將賊擊退暫令各營駐紮獨山河東賊匪乘勢圍攻盧又熊營復以數千人死踞浮

橋以拒我兵二十三日臣帶隊分兩路迎擊趙

鴻舉由破塘壩一路出隊殺賊多名臣領親軍行至婆婆衝地方適遇賊匪分股而來卽飭都司唐瑞廷等截擊殺賊十餘名該逆竄至仙人洞臣復派都司陳炳南抄擊其後殺賊多名惟念河東各營被圍糧斷亟宜設法救援因於是夜密合同知袁懷忠帶領奮勇二百名由兩河

聖學聖方略卷一百八十二

七

口渡河赴青山埋伏並派府經歷高堃千總高全勝等選帶奮勇四百人由下游仙人洞偷渡而以趙鴻舉等攻賊中堅一面密約盧又熊內外夾擊三更後該遊擊得信卽時衝出奮力接戰盧又熊等乘勢殺出重圍隊伍齊駐河邊帳棚槍械無所損失趙鴻舉等遂督勇力攻河西之賊把總唐萬清直撲浮橋該逆抵死相爭適

恩先行獎敘以勵戎行奏入

上命軍機大臣傳諭官文都興阿胡林翼李孟羣曰本日據李孟羣奏匪眾圍攻營盤請兵協助一摺該逆每以馬賊衝突我軍自應添調馬隊以資攻剿湖北現在肅清兵力尙可分調該藩司奏稱副都統巴揚阿所帶馬隊最爲得力請飭酌帶馬隊二百名步隊三百名前赴該營著官文都興阿胡林翼酌量抽撥卽派巴揚阿管帶前往幫同李孟羣合力進攻毋稍遲緩至勝保前派參將賽沙布等帶兵一千一百名駐紮河口集以爲李孟羣聲援此項官軍自應移營前進與李孟羣會合該藩司現在紮營獨山先就現有兵力妥爲布置一俟湖北馬隊到營或與勝保等所派之兵聲勢聯絡卽可相機進攻爲克復六安之計

欽定剿平粵匪方略卷八十二

三

上諭內閣曰此次六安剿匪我軍以少勝衆實屬奮勇

所有尤爲出力之同知袁懷忠著以知府留於安徽補用都司唐瑞廷著賞加遊擊銜守備陳貴著賞加都司銜把總唐萬清著以守備拔補劉兆祥著以千總拔補並賞加守備銜勇目沈士成萬重宣均著以把總拔補

十四日壬辰著齡奏言據署贛州府知府楊豫成

欽定剿平粵匪方略卷八十二

三

等稟報土匪蕭沅沸乘代理定南廳姚世恩赴鄉於六年十一月初二日襲陷廳城把總歐陽釗帶兵堵剿身受多傷姚世恩聞信會同橫岡營都司吉勒通阿帶兵回剿殺賊百餘人生擒三十餘名於七年二月十八日將廳城克復並攻剿下歷賊巢斬僞軍師凌紹洸殲賊夥多人三十日姚世恩督帶鄉勇往勦天花寺之賊

逆衆萬餘分路包抄我軍敗潰姚世恩手刃數賊當時陣亡經楊豫成稟商鎮道調派署龍南縣知縣馬修良等帶勇往勦賊聞援兵大至於四月二十七日越嶺逃遁馬修良等追獲賊首謝三滿等十一名五月十一日粵匪二千餘人復擾定南賓岡村亦經馬修良等擊退境內肅清長甯逆匪於六年八月勾通土匪分擾坪上

聖朝聖德卷之三

三

鵝子湖吉潭三處知縣楊長杰飛調練勇會同署羊角營都司藍塔進勦吉潭殺賊數百人淹斃四五百人坪上鵝子湖之賊亦爲鄉團擊散七年五月福建武平賊匪四五百人竄撲羊角營汎地藍塔率勇出勦殺賊無數餘匪悉遁出境安遠縣自七年正月將境內各股匪勦滅淨盡四月初七日信豐賊匪數千竄撲該縣塘村

等處經署知縣張仁法會督兵勇殺賊三百餘人五月十九日福建武平股匪竄近安遠邊界張仁法復赴羅塘迎擊殲擒三四百人餘匪遠遁會昌縣於七年四月有瑞金大股逆匪五月復有福建汀州逆匪竄撲縣城均經知縣劉松屏擊敗福建武平縣之賊復分路來犯劉松屏督勇出戰殺賊甚夥餘賊向瑞金遁去興國縣

聖朝聖德卷之三

三

地方於七年四月賊匪攻撲縣屬高崔隘口知縣潘安帶兵迎擊殺賊數十名該逆敗後旋分擾牛扼崔孝墟等處亦經擊退旋探聞賊匪屬聚大壩地方我軍進勦斬馘七十餘級將賊巢焚燬賊又竄擾落坳等隘職員會紀忠追賊過猛遇伏被害迨武進士韓進春等趕至賊即遠遁零都縣地方自甯都失陷後經署知縣潘毓

瑞帶勇進攻殺賊三百數十人七年三月信豐賊匪數千竄至零都牛嶺等處潘毓瑞節節防勦殺賊數百人復經該鎮道添撥守備陳德明等帶潮勇千餘名赴援興國縣武進士韓進春亦率勇往助四月二十二三等日分路出勦斃賊無算五月間甯都逆匪屢次來犯俱爲鄉團擊退查贛州府屬與閩粵接壤素爲匪徒出沒

欽定剿平粵匪方略卷八十三

三

之所自六年春間吉安失守贛郡被圍粵匪乘時闖入勾結爲害該地方文武員弁咸能竭力籌畫將各股竄匪次第驅除全郡肅清在事官紳兵勇洵屬同仇敵愾可否由臣酌保以資鼓勵出自

聖主鴻施代理定南廳同知贛州府經歷姚世恩屢次防勦出力茲因進剿天花寺股匪陣亡殊堪憫

惻應請

飭部照知縣例從優議卹定南廳汛把總歐陽釗雖因寡不敵衆失守城池旋即隨同克復究屬防守不力應請革職留任以觀後效奏入

上諭內閣曰江西贛州府屬各廳縣於咸豐六年春間

被粵匪闖入勾結土匪分擾定南等廳縣經該地方文武員弁督同紳民團練防勦將各股竄匪次第殲

欽定剿平粵匪方略卷八十三

三

除全郡一律肅清所有在事出力官紳兵勇均屬著有微勞著該撫查明酌量保奏候朕施恩其陣亡之代理定南廳同知贛州府經歷姚世恩著照知縣例從優議卹定南廳汛把總歐陽釗失守城池旋即隨同克復究屬防守不力著革職留任以觀後效者齡又奏言本年七月撫郡賊匪擾及進賢李定太帶領兵勇一千餘名前往勦辦以人數稍

單未能深入幸瑞州府城於七月十三日克復
抽撥衛勇同字營虎字營及道員吳坤修之彪
勇共二千一百餘名前往進賢與李定太原帶
兵勇合成四千餘名又副將周鳳山所帶兵勇
二千名將豐城境內賊匪肅清進屯杜家圍扼
賊來路 臣現飭知府李新華帶領建武勇二千
名前往杜家圍會合亦得四千人即可與李定

聖朝聖考卷之三

未

太進賢之師分路先勦撫州旁邑再行合圍郡
城此籌攻撫郡之情形也副將普承堯所帶寶
勇及元字雄字得勝營共四千數百名本擬飭
令先勦新淦取道圍攻建昌現因吉郡賊匪分
股屯聚吉水縣屬之阜田地方撫郡賊匪亦上
竄吉水與吉郡股匪合併以致阜田賊勢頓張
關入峽江境內不得不先其所急飛調普承堯

迎勦並令劉騰鶴等統率湘後等營自新喻進
攻阜田仍與普承堯夾擊賊巢普承堯俟峽江
阜田匪徒撲滅折赴新淦勦辦再由崇仁宜黃
金谿隨勦隨進圍攻建昌府城如李定太等攻
勦撫州之師尙有不敷則普承堯一軍或先撫
後建臨時相機而行仍由福興督率調度一面
咨會王懿德撥兵協助此籌攻建郡之情形也

聖朝聖考卷之三

未

吉安之吉和長三營由楓田洋口一帶步步爲
營漸近廬陵並在固江路口兩次勦賊獲勝惟
以兵力尙單未能直逼郡城八月初五日探聞
阜田賊眾分掠鄉村各營往勦先勝後挫自應
卽飭劉騰鶴等勦滅阜田賊匪後徑赴吉郡會
攻郡城前調贛州援師現據贛南鎮道咨稟已
選派勁勇二千名交副將遮克敦布統帶起程

兵數將及萬人軍聲可期復振惟是勇數驟增
餉項亟須籌畫吉安府知府黃冕患病請假經
臣飛調現署南康縣事候補知府周汝鈞馳赴
安福督辦勸捐接濟軍糧此籌攻吉郡之情形
也再瑞州一郡雖已肅清但近接臨江仍應嚴
爲之備酌留清江奇兵兩營練勇一千名駐守
郡城卽交現署知府銘彝統帶以資堵禦奏入

報

聖朝聖學卷一百八十二

三

十六日甲午福興奏言查東鄉縣在撫郡之北該
逆踞爲門戶現在金谿一路旣限於兵力未能
直前亟應先攻東鄉由西路擣進臣檄令李定
太進賢一軍卽由此路進兵以扼其吭該總兵
已紮距東鄉二十里之來岡地方於勦守事宜

較爲切近其瀘溪所屬之高阜一帶逆匪竄踞
後屢圖撲擾貴溪上犯廣信臣飭李元度前往

截勦八月二十二日營官屈蟠等與團總軍功
廩生姚步潮分路齊進直抵高阜賊巢轟斃百
餘賊忽另股悍匪千餘用木簞渡過西岸抄我
後路哨官易允成等從山頂壓下殺賊百餘名
其時四山之賊約四五千悉銳來衝哨官單恩

聖朝聖學卷一百八十二

三

謙先鋒唐玉成等乘勢由右路上山立斃執大
旗悍賊十數名而右營哨官向平階等已從左
路衝進各弁勇遂率大隊縱馬由中路齊進賊
遂驚潰衆軍追殺僞官九名餘賊一千數百名
二十四五等日金谿逆匪又復竄至陽田孔坊
一帶亦經李元度協同該處原駐防軍合力堵
勦該逆於二十八日糾合大股來撲我軍整隊

抵禦敵彘矛刺斃賊目數名羣匪百餘賊仍遁
回孔坊臣惟有隨時嚴飭各軍堵剿毋任竄擾
奏入報

聞

十八日丙申福興奏言據李定太報稱三路分進

之兵會集東鄉大橋地方探聞城內逆匪悉用
輒石砌城意圖死守李定太遂冒雨督兵直抵

聖學聖考卷百八十二

三

聖學聖考卷百八十二

三

城下另派得力弁兵於平塘地方多燃草火以
杜撫郡賊援一面派撥都司周友勝守備劉長
培陳新國子監典簿陳徽言等分攻四門令都
司季超羣等分投接應李定太自統親兵斷後
該逆見官軍勢將合圍隨即棄城而逃奔往金
谿許灣一路因平塘地方火燄甚烈知有官軍
截阻未敢遁入撫州我軍當將東鄉縣城收復

並追殺悍賊數十名生擒十餘名奪獲旗幟鳥
槍火藥鎗彈等件臣查東鄉既經收復自宜乘
勝進剿金谿現已飛檄李定太迅即移營以圖
規取撫郡至隨營之西安潮黃等項兵勇派剿
新竄萬年一帶賊匪雖經獲勝該逆又由景鎮
續到一股與前股歸併人數眾多勢極猖獗現
飭李元度就近調撥兵勇會合李定太夾擊金

谿奏入

上諭內閣曰東鄉縣城收復著福興即飭李定太乘勝

追剿金谿以孤撫州賊勢其新竄萬年等處股匪著
該將軍督率兵勇迅籌堵剿毋任蔓延

十九日丁酉官文都興阿奏言查楚北軍營馬隊
節次遣撤外僅存一千餘名自德安下勦攻克
武漢進駐黃州功績之偉首推馬隊實為必不

可少之勁旅而吉林黑龍江邊防緊要未敢遽請添調不得已飛咨陝西撫臣曾望顏代購馬五百匹解楚備用茲克復小池口要地仍須分軍駐守其會攻九江進勦宿太以及留防襄陽實屬不敷分撥臣等再四思維楚北軍威丕振馬隊之力居多合無籲懇

天恩飭下吉林黑龍江等省選撥馬隊數百名並挑撥

欽定剿平粵匪方略卷一百八十二

三

西丹三四百名分起來楚實於東南軍務大有裨益再馬隊之得力首在管領之得人如蒙

俞允酌撥馬隊官兵臣都興阿查有膽技素優之協領

察隆額等三十五員可期得力謹開列員名恭

呈

御覽伏候

聖裁奏入

上命軍機大臣傳諭官文都興阿曰本年夏間通諭各

路軍營將吉林黑龍江馬隊分別撤留原以該二處調出之兵爲數較多本省未免空虛今官文等復請添調雖爲征勦得力起見而吉林黑龍江根本重地亦不可不籌兼顧本日已諭知景瀄奕山酌量各調西丹二三百名實於無可調撥之中勉爲抽派此項西丹恐亦須加以訓練方能得力因思荊州駐防旗

欽定剿平粵匪方略卷一百八十二

三

兵當較綠營兵丁爲得力都興阿熟悉馬隊訓練自必有方若能於駐防兵內挑選精壯令其隨同現有馬隊練習技藝亦可以成勁旅著官文都興阿知會綿洵挑選訓練令其隨同征勦以省徵調之煩其單開各員已諭知奕山酌派數員帶領西丹前往

上又命軍機大臣傳諭景瀄奕山曰官文都興阿奏請續調吉林黑龍江馬隊及西丹各數百名並開單請

派帶隊各員等語吉林等處馬隊調出過多餘應留
備本省操防未便再行調撥惟官文等所請挑選西
丹三四百名赴楚係為挑補馬隊缺額起見著景瀉
奕山於該省西丹內各挑選二三百名派往湖北軍
營至官文等所開協領察隆額等三十五員據稱膽
技兼優自係黑龍江等城得力之員亦未便全行派
往著奕山於單開各員內酌撥數員即令管帶西丹
前赴湖北其吉林派出之西丹並著景瀉揀派得力
將領管帶前往俾資攻勦

聖皇軍方略卷一百八十二

三

二十一日 己亥和春奏言鎮江逆匪自我兵在高
資地方連營三十餘座城賊驚懼時思分突八
月二十五二十七二十八等日由東南北三門
分股竄撲官軍營盤疊經各營將弁奮力迎勦
斬馘極多而逆蹤仍時出游弋其意總欲分我

西路兵力突圍外竄查西面近城之處金山夾
江賊營與我沙洲台勇營盤最為逼近該逆於
八月二十八日約出兩千餘人攻我台勇兩營
副將王浚等督兵繞出賊後擊斃三十餘名二
十九日該逆又駕小船登岸拋擲火罐副將朱
承先督兵堵禦而陸路賊匪約二三千復從城
西竄至王浚派都司鄒占魁等分路抄擊轟倒

聖皇軍方略卷一百八十二

三

執大黃旗賊三人斃賊約數十人該逆潰敗又
西三十里為高資大營此處壁壘相屬近又開
掘長濠由西至東三十餘里張國樑督率各營
分兵護工該逆恐阻其出路日率醜類來攻莫
不懲創而去金陵逆首得鎮城告急偽文遂於
八月二十二三四等日糾眾萬人蟻聚七星觀
倉頭一帶圖攻高資 臣等密派副將張玉良周

天培馮子材等分路迎敵沿途設伏別遣遊擊朱景山帶勇誘賊遇於下蜀街之東該逆蠶擁前來朱景山退走誘至炭渚張玉良大隊繼至奮力直衝擊斃逆黨四五百名二十七日賊在高山廟東門橋趙家灣一帶築壘六座欲通鎮江之路臣等密派張玉良等分三路進兵於二十八日出隊該匪分股迎戰我兵燒燬釣魚臺

聖皇聖略卷一百一十三

三

賊卡破其咽喉遂分三路前進賊勢不支張玉良遂將高山廟賊營攻破周天培將東門橋攻破馮子材將趙家灣攻破斬馘無數總兵明安泰在句容聞信卽飭副將虎坤元等前來會剿該逆正在築營虎坤元令參將馬德昭等伏於田埂並令遊擊劉萬德等帶勇誘敵該逆競進迫入伏中槍斃甚多副將陶茂森遊擊韓廷貴

兩路包抄立破賊營數座陶茂森韓廷貴亦連破左右兩營賊衆奔竄退至三汊河我軍跟蹤追躡斬馘淹死之賊約三千有奇奪獲刀矛旗幟擡槍鳥槍不可數計生擒三百餘名資遣脅從二百五十餘名又據知縣溫紹原稟稱金陵觀音門外賊船數十隻於九月初二日下竄經水師參將黃彬兵船擊回是該逆之援鎮城陸

聖皇聖略卷一百一十三

三

路難通必趨水路夾口難達必奔大江臣現於焦山師船南北兩營各調五隻一面咨商德興阿一面札知總兵泊承陞陳世忠迅速上駁合力進攻以期迅復堅城奏入

上諭內閣曰此次鎮江連獲勝仗擊退賊援該逆坐困危城勢難久踞著和春等督飭各路水陸鎮將併力圍攻迅圖克復以慰殷盼

和春又奏言鎮江逆匪被剿緊急勢漸窮蹙惟探聞金陵賊黨現又搬運米糧二十餘船欲從水路下竄接濟臣等隨飭水師總兵陳世忠泊承陞趕緊各撥師船五隻駛赴高資會同賴鎮海合力防堵以杜偷越茲據陳世忠稟稱該總兵所帶師船或分防沙頭丹徒等處或派往下巡尙有篷索破爛船身軫朽者非修理不能出

欽定四庫全書

奏

仗若再抽撥萬一賊窮思竄深慮顧此失彼俟輪修各船工竣再行撥赴高資其總兵泊承陞雖經派撥三隻迄今數日尙未駛至防所臣查鎮江陸路現正合圍而高資江口師船過少誠恐該逆乘隙偷越不能再行添調俾資周密臣又接准德興阿來咨亦以嚴堵上游接濟爲重業經一體飭遵乃該總兵等一則意在展緩

一則撥不及數又不趕緊上駛殊屬玩延當此軍務喫緊之時未便稍事姑容應請

旨將浙江黃巖鎮總兵陳世忠革職仍留水營督勦江南狼山鎮總兵泊承陞摘去頂戴仍責令星速分別添撥剋日馳赴高資嚴密堵禦儘再藉詞推延卽行嚴叅治罪奏入

欽定四庫全書

奏

上諭內閣曰浙江黃巖鎮總兵陳世忠江南狼山鎮總兵泊承陞統帶舟師攻勦沿江賊匪經和春派撥師船駛赴高資會勦陳世忠竟敢藉詞推諉泊承陞僅止撥船三隻又不能催令上駛均屬任意疲玩陳世忠著卽革職仍留水營督勦以觀後效泊承陞著摘去頂戴仍責令趕緊添撥以資堵禦儘再藉詞延誤卽著嚴叅治罪

二十六日甲辰會國藩奏言臣初奉暫准守制之

旨因軍勢未定恐有

後命是以未敢遽行覆奏自七月以來聞龍泉克復吉

安挫失之信又聞克復瑞州進賢等城之信頃

又聞九江一軍攻克黃梅縣及小池口之信仰

託

聖主威福江西軍務辦理得手

諭旨飭令如有緩急即行赴營之處揆度時勢自可無

聖聖聖聖聖聖聖聖

聖

庸前往茲復欽奉

諭旨飭臣在湖南本籍辦理團防力圖報稱

聖主使臣以禮因時制宜跪聆之下感悚曷勝目下全

楚肅清臣當仍遵

前旨暫行守制如果賊氛不靖湖南告警所有應須團

練籌防之處屆時商之湖南撫臣再行奏明辦

理臣自到籍以來日夕惶悚不安自問本非有

為之才所處又非得為之地欲守制則無以報

九重之鴻恩欲奪情則無以謝萬世之清議惟盼各路

軍事日有起色仰紓

宵旰之憂即臣恪守禮廬寸衷亦得稍安奏入

上諭曰江西軍務漸有起色即楚南亦就肅清汝可暫

守禮廬仍應候旨大臣出處以國事為重抒忠即以

全孝所云懼清議之訾猶覺過於拘執也

聖聖聖聖聖聖聖聖

聖

二十九日丁未駱秉章奏言撫州賊首偽國宗石

逆糾吉水新淦諸賊竄聚吉水縣屬之阜田地

當衝要為臨江袁州吉安瑞州四郡所必爭臣

飛飭都司楊虎臣帶所部潮勇進扼新喻縣城

適即選同知王勳行抵安福臣即令其會同張

運蘭王開化等分軍留駐安福而自率所部趨

分宜與駐新喻之楊虎臣及劉長佑蕭啟江續

派之知縣劉嶽昭等相爲犄角以固袁州門戶而壯臨江大營聲援八月二十一日賊悉衆數萬來攻爲普承堯部勇擊敗二十二日普承堯親率後隊繼至正相地築壘賊列陣羅坊對岸遙擁而進普承堯率勇力戰當將各路之賊擊退忽賊馬數百回撲步賊亦回旗轉戰各軍力不能支全行敗退營盤盡陷賊遂大肆屠擄袁

聖朝聖曆卷一百八十二

望

州臨江民情震懼劉長佑念匪勢甚偏餉道將梗惟有分軍先剿援賊掩其不備盡力一戰或可轉危爲安二十至二十四二十五等日留隊三成固守臨江長濠並咨照劉于瀆派勇助守親率七成隊嚴陣於秧田中亭一帶截賊來路二十五日晡間援賊數萬悉竄太平墟欲來撲營其時臨城賊衆亦於福壽門填濠拔椿以待

劉長佑以事機愈急傳令出隊江忠義等由中路鄧在富等由右路漆盛年等由左路王高來等沿河岸進發黃開先率水師戰船護之劉長佑自率親兵四路策應天明行抵距太平墟五里地方值蕭啟江及參將田興恕等由右路至因督同進剿賊聞官軍驟至卽出布陣是時風起塵飛天色慘黯劉長佑令各軍整隊勿動逆

聖朝聖曆卷一百八十三

望

賊排開槍礮子如雨驟官軍屹立如故少頃鼓角齊鳴官軍張兩翼並進衝入賊陣無不以一當十賊衆披靡官軍乘勢蹴之立踏賊營六座賊旋以馬隊來衝劉長佑令槍礮隊分左右斜轟馬多擊斃餘皆反奔賊遂大潰官軍追至大平市口賊復卓旗轉戰鄭其華盧秀峯繞由街後擊之賊復敗走將賊營一律踏毀追近黃岡

地方始收隊回營是役破賊營四十七座約斃賊三四千生擒三百二十餘名奪獲大銅礮五尊擡槍二百六十桿鳥槍五百七十二桿大小旗幟二千五百餘件賊夜遁羅坊王勳張運蘭王開化等於二十五六等日先後馳抵新喻縣城聞賊竄太平墟卽於二十七日會同楊虎臣崔大光劉嶽昭各率所部進勦行至濠湖洲地

欽定剿平粵匪方略卷一百八十二

四

方賊一擁而出王勳等率勇直前陣斬六百餘名追至羅坊連踏沿河賊營十餘座賊泗水過河官軍乘之槍擊矛戳斃賊無數王勳等仍揮令各軍回駐河岸以劈山礮擊之紛紛倒斃餘賊由陂上一帶回竄阜田計共斃賊千餘臣維臨江踞賊被官兵攻圍窮蹙潛約賊援竄擾臨江大營後路冀解城圍兼思乘虛伺隙復陷袁

瑞兩郡其計甚狡當峽江被擾羅坊軍潰之時賊氛偏近人情洶洶劉長佑於奇險之中出以鎮定卒能掃除劇寇轉危爲安其志慮忠純實爲可取現在城賊屢敗其勢斷難久支臣已飭張運蘭王開化等率所部湘勇全軍由新喻速進並飭接帶湘後營劉騰鶴由羅坊速進相機會勦節節肅清俾臨江大營可無他慮此次出

欽定剿平粵匪方略卷一百八十二

五

力文武員弁兵勇可否仰懇

天恩准臣保奏出自

鴻施

駱秉章又奏言據知府張運蘭王開化都司楊虎臣等稟稱九月初七日軍進白沙探報石逆敗竄阜田復又分股回竄劉田上坳各處張運蘭等以峽江縣屬橋步灘當阜田之衝遂於初

八日拔營前進行至獅子山甫欲安營遙見營南廟前一帶賊眾蟻集約八九千人營西有賊一股已至橋頭約六七千人張運蘭等分軍禦之西路賊先至官軍連開劈山礮轟斃悍賊十餘名賊即敗走官軍從後掩擊共斃賊七百餘名南路賊規知西路賊已敗遂亦逸去初九日南路賊復傾巢而來張運蘭王開化潛分所部

聖朝聖略卷百八十二

望

為六隊嚴陣以待賊倏進倏退官軍屹立不動未刻中營鳴鼓為號分馳疾進截賊為數段奮威衝殺燒其沿途棚廠追至樹下賊復踞所築四大壘開槍抗拒張運蘭王開化即選從九品楊安臣各督所部四面蹙之賊向南奔潰官軍乘勢破其四壘斃賊數百賊委棄輜重米糧山積張運蘭等下令焚之又追賊至田心地方始

收隊歸伍是日共斃賊一千三百餘名生擒賊一百三十二名官軍無一傷者據生賊供偽國宗石逆現踞阜田嗾偽指揮胡姓陳姓偽將軍周姓岑姓率黨窺分宜新喻兩縣以圖袁州府城而解臨江之圍不料官軍先到勢不得逞臣維臨江一郡居江西西路之中地當水陸衝途最為緊要逆首石達開之竄江西先陷此郡布

聖朝聖略卷百八十二

望

置已定始陷吉安而趨撫建逆賊既以此為老巢各渠目悉力援救自在意中頃接探報逆首石達開率逆黨數萬自安慶渡江竄踞建德若由建德竄浮梁趨饒州則與撫建之賊合吉安臨江賊燄必張應請

飭下福興嚴扼該省東路勿令竄越庶西路得以次第整理臨江一下兵力更厚自可收節節肅清之

效奏八

上命軍機大臣傳諭福興耆齡曰本月十四日據耆齡奏報阜田賊匪圖援臨江調集兵勇由峽江新喻分路迎勦此次駱秉章奏劉長佑等大獲勝仗轉危爲安臨江當可得手惟據稱探聞逆首石達開率黨數萬自安慶渡江竄踞建德儻自浮梁趨饒州與撫建賊合則上游賊勢復張請飭福興嚴扼東路勿令竄

欽定剿平粵匪方略卷三十三

吳

越等語福興現已進軍弋陽擬由東鄉一帶進攻撫州自必籌及饒州後路俾建德之賊不能與撫建會合勦辦方有把握李定太一軍現由進賢進勦東岡李元度一軍現由貴溪進勦高阜著福興就近督飭速籌兼顧惟兵力尙恐不敷前據耆齡奏派吳坤修赴進賢與李定太之軍合成四千餘名又派李新華赴杜家園與周鳳山之軍合成四千餘名均分路進

勦撫州普承堯一軍四千餘名俟阜田蕩事後卽赴

撫建均由福興督率調度以上兵勇諒已先後拔營現在東路情形喫重耆齡卽飭帶兵各員迅速分路前進並著福興相機布置嚴防該逆來犯至福興請調廣東官兵昨據葉名琛奏報已派總兵壽山帶兵二千名由汀州一路前進此項官兵如抵江西福興一軍兵力稍厚卽當會合速克撫建並嚴扼廣饒

欽定剿平粵匪方略卷三十三

吳

門戶毋誤事機

上諭內閣曰此次劉長佑等攻勦臨江援賊疊獲大勝尙爲得手著卽督飭帶兵文武各員會合江西兵勇認真搜勦迅克臨江府城毋稍延緩所有此次出力文武員弁兵勇著駱秉章查明擇尤保奏

欽定剿平粵匪方略卷一百八十三 丁巳年

十月初一日 戊申 官文都興阿胡林翼奏言湖北

下游官軍乘勝圍攻九江並進規湖口以聯江

楚兩軍聲勢適接探報知湖口賊船增至數百

號圖援九江九月初七日李續賓楊載福等商

派陸勇由下游襲攻湖口之背水師夾攻於前

密約內湖水師彭玉麟同日大舉李續賓遂調

剿平粵匪方略卷一百八十三

一



各營聲言搜勦宿太等縣卽於初七日渡江是

夜四更拔營楊載福亦由水陸直下總管巴依

爾呼蘭等馬隊亦由陸路馳赴八里江岸一帶

初八日水陸各軍齊攻湖口縣附近之七里冲

三街市月臺山等處賊壘水師復上下轟擊焚

奪賊船不下千餘隻至初九日早卡壘盡破李

續賓與楊載福等督勇架梯緣城並將火箭射

入城中適燒該逆火藥局響聲震天滿城皆火

賊衆洞開城門竄逃當將縣城克復其梅家洲

偽城亦經兵勇攻拔我軍分道邀擊追殺二十

餘里斃賊二千餘名燒斃溺斃者不可勝計臣

等查該逆盤踞湖口已將五載今幸掃積年負

固賊窟而外江內湖水師聲息相聯千里江面

一律肅清使潯城之賊援斷路窮實足以伸

剿平粵匪方略卷一百八十三

二



天討而快人心再 臣胡林翼於克復小池口後暫駐九

江營內將勦守事宜籌商周妥旋於九月初一

日回省合併陳明奏入

上諭內閣曰賊匪盤踞湖口已及五載現經李續賓等

定計水陸夾攻密約內湖水師彭玉麟同日大舉將

縣城克復著官文等督飭水陸各軍乘勝進剿克復

九江迅掃賊氛以清江面

官文又奏言撫臣胡林翼自外任府道洊升巡撫戎行久歷十載於茲其父胡達源係原任詹事府少詹事母湯氏現年八十三歲勤儉持家依然寒素胡林翼每以家無次丁侍奉與臣談及聲淚俱下而伊母深明大義常以書來勸其盡心報效勿以母老爲念臣查胡林翼戰功卓著此次全境肅清深得其力本年六月間復在

聖事粵略卷一百八十三

三

黃州捐廉解交都興阿大營充餉合無仰懇

天恩給予胡林翼三代正一品封典以昭激勸奏入

上諭內閣曰湖北巡撫胡林翼久歷戎行戰功卓著上年克復武昌業經賞給頭品頂戴茲復在軍營捐廉助餉著加恩封贈三代正一品以昭優眷

初四日辛亥官文奏言記名副都統協領巴揚阿因在軍營數載積勞成疾請假回省調治其所

帶馬隊已歸入都興阿大營調撥俟其假滿病痊仍飭馳赴前敵以資統帶

同日德興阿翁同書奏言臣等連日圍剿瓜州有難民泅水遁出訊以逆首吳如哮所在或云現在瓜州或云仍回鎮江往來無定等語臣等以高資爲南岸要津先後派撥紅單艇師拖帶等船二十餘隻前往駐紮與土橋陳國泰一軍

聖事粵略卷一百八十三

四

相對又以江北陸路兵單而南岸兵力甚厚咨商和春等借撥步兵三千名渡江暫歸臣等調遣如不能分撥臣等亦必就現有之兵悉力攻剿杜其北竄上游浦口地方水陸均有重兵六合地居腹裏民情尙好臣等已疊飭副都統富春等嚴密防範又飭觀音門水師緊扼口門使賊上下不能聯絡昨據水師遊擊彭常宣稟報

金陵賊黨揚言掠船載米大股下援已分飭上游水陸各軍晝夜偵探合力堵剿又焦山水師經和春等調船十隻防堵高資恐下游空虛致賊由東路沿江北竄酌撥一萬四千斤水礮臺一座並紅單船礮臺一座交遊擊石皓督帶前往沙頭江口防守以遏逆氛均奏入報

聞

聖朝集方略卷二百八十三

五

同日福興奏言廣信一府為東路緊要門戶臣於七月間將信城防守料理就緒即移軍弋陽原期省中分出西路兵力協助臣東剿之師即可進規撫郡乃瑞州克復後該營得勝之師計有一萬數千名節經臣往返咨催竟未能抽撥一旅前來以致饒州門戶仍前洞開皖中大股逆匪於八月十八九日以後竄至饒屬之景德

鎮向樂平萬年一路長驅而南撫建所屬之金澗兩縣股匪亦分路北犯貴溪縣境九月初四日該逆由樂平續到一股併入萬年我軍在崇岡嶺地方截殺幸繞出賊前扼住內犯弋陽隘口其前股已經竄踞安仁縣城臣一面飛飭知縣李元度添撥勁勇扼要迎拒以固貴溪西面一面於弋陽隨營兵勇內再行抽撥精銳截住

聖朝集方略卷二百八十三

六

弋貴交界之區其貴溪南路金谿上清一帶外竄之匪已與北路新踞安仁一股聲息相通訊據生擒賊供該逆實欲合犯貴溪上竄河口鎮以撲信郡十二日該逆竄至安仁迤東之鷹潭地方直逼貴溪南界旋分股偷渡北岸盤踞夏家嶺石鼓嶺一帶臣前將隨營各軍派撥前往令其併力堵剿詎南路過河之匪與安仁大隊

之賊合而爲一屯紮附近貴城之高石地方李元度於十七日率師迎勦行至金沙灘遇賊接仗斃賊約三四百名忽賊橫出一股將各營衝爲兩截後股之賊遂乘勢撲進我軍且戰且退回城固守查貴溪一城四面受敵今該逆合股圍撲實屬危急萬分自安仁被匪占踞省城河道不通東西隔絕其貴邑以東不但弋陽無險

欽定剿平粵匪方略卷一百八十三

七

可守且由此路直通廣信沿河兩岸亦無要隘可扼况後路景鎮逆匪絡繹而來此次分股突至者前後六起而其途徑紛歧既可由樂萬一路直走安貴並可由德興興安徑趨廣信疊據探報及所訊賊供皆言石逆親帶江皖大夥賊黨前來猖獗已極我東路兵力止有此數總兵李定太勦復東鄉一軍前經臣函令就近酌撥

隊伍赴貴協勦亦未能分兵會合現實別無可調之軍只得就隨營不及千名之衆即日拔隊前赴貴溪援勦儘能及早解圍尙屬事機可轉否則逆勢益張恐截斷我軍歸路徑犯信郡彼時亦祇得先其所急星馳回顧廣信力保江浙兩省咽喉以全大局

欽定剿平粵匪方略卷一百八十三

八

同日耆齡奏言總兵李定太探知撫州府屬東鄉縣賊匪加高城牆以圖抗拒我兵該總兵卽乘其守備未固於八月二十七日自進賢拔營二十八日至東鄉縣東岡地方駐紮同遊擊李超羣等察看地勢行至五里排遇放哨賊百餘人將賊擊退我軍甫經回營賊衆卽至對山窺伺李定太派隊出擊賊旋遁去當派弁兵前往撫郡大路多燃望火以作疑兵使郡賊不敢來

援親督各營兵勇五更出隊分路進攻縣城該
逆見我軍四逼遂棄城而逃望許灣金谿遁去
即於二十九日收復東鄉縣城正擬進攻金谿
等縣旋接探報景德鎮賊匪自樂平擾及萬年
福興所派副將張騰蛟一軍退回弋陽賊眾遂
至安仁駐防安仁之錦字營敗退黃金埠又據
道員彭玉麟稟稱八月二十九日探得逆渠石

聖朝聖略卷百八

九

達開帶賊數萬上至建德陸續由彭澤湖口都
昌竄往饒州景德鎮以趨撫建是此時自景德
鎮至安仁賊數甚眾李定太若率全軍進剿安
仁則東鄉進賢空虛必為撫郡賊匪所襲若分
派數營前往則兵分力單難當大敵臣與李定
太往返札商擬於距東鄉縣城十五里之大橋
地方堅築老營俟安仁賊眾過河時半渡擊之

力退該逆內竄之路並抽調長右元字等營前
赴東鄉歸李定太調度策應貴溪弋陽會剿安
仁逆匪一面飛咨福興札飭廣饒九南道沈葆
楨及廣信饒州兩府督率信郡河口弋陽貴溪
饒郡各路防兵同瑞洪親兵營水師嚴密防守
相機截擊臣仍督飭普承堯等率領湘寶各勇
速將阜田巨寇殲除馳赴東路協剿以殄羣醜

聖朝聖略卷百八

十

均奏八

上命軍機大臣傳諭福興耆齡曰皖省大股逆匪闖入
江境糾合撫州匪眾南北夾犯貴溪圍撲縣城並恐
由歧路紛竄廣信福興已拔隊前赴該邑接剿自應
先就現有兵力迅解貴溪之圍兼顧廣信門戶毋令
完善之區被賊竄擾但隨營兵數不及千名防剿兩
形不足李定太一軍素稱得力加以此次由耆齡抽

調之勇爲數已多即可飭令策應貴溪弋陽等處其
普承堯等所統湘寶各勇如卽將阜田賊匪掃蕩亦
可馳赴東路協剿此外省城及西路各兵勇有無可
以抽撥著福興耆齡會商辦理惟不可專顧一隅致
他處或有疏失

耆齡又奏言賊竄新喻縣屬之羅坊普承堯一
軍迎剿失利我軍挫後臨江城賊知有外援日

欽定剿平粵匪方略卷一百八十三

十一

出苦戰臨軍大營腹背受敵劉長佑等遂定議
併力決戰八月二十三十四五等日劉長佑蕭啟
江率隊於秧田中亭一帶嚴陣以待援賊不敢
遽前先於黃岡大坪等處連營築壘二十六日
劉長佑督江忠義等水陸並進蕭啟江率楊恆
升等各營由秧田前進逆眾數萬出拒劉長佑
飭各勇一擁向前蕭啟江分隊包抄賊後破前

敵賊營六座賊以馬隊來衝劉長佑率勇擊之
賊乃大潰我軍乘勢進攻連踏賊營四十餘座
賊棄械逃竄我軍追至黃岡殺賊三四千人劉
騰鶴率潮勇馳赴助戰亦追斬賊匪多名敗賊
退回羅坊值同知王勳等率勇行抵新喻會同
楊虎臣等所部各勇分路並進乘賊未成列疾
馳分擊斃賊六百餘人直抵羅坊踏毀河濱賊

欽定剿平粵匪方略卷一百八十三

十一

壘十餘座該逆紛紛潰敗涉水過河溺斃者不
可勝計對岸之賊阻水相抗又經各勇礮斃二
百餘人賊悉往陂上遁去是日劉長佑等亦派
勇赴羅坊追擊至則王勳等已獲勝收隊探聞
敗賊均由峽江逃回阜田郡城之賊於二十一
至二十七等日疊次出撲均爲水陸各軍併力
擊卻拾斬甚多查此次援賊四五萬直抵大坪

連營數十座距郡城二十餘里該郡大營前後受敵勢極可虞幸劉長佑等不避艱險奮勇決戰與王勳等湘勇先後兩獲大勝斃匪四五千餘賊遠遁俾臨江各營轉危為安實於西路全局深有裨益在事人員洵屬卓著勤勞仰懇逾格恩施先予獎勵以資激勸江西補用道劉長佑請賞給巴圖魯名號知府蕭啟江請以道員即選甘肅安

聖朝聖考卷百八十三

三

聖朝聖考卷百八十三

十四

肅道劉于瀆請

賞加鹽運使銜同知王勳請以知府選用此外出力員弁可否容臣酌量保獎出自

天恩總兵普承堯於賊在阜田時經臣疊催督軍前進乃頓兵日久始行拔營致賊匪竄至羅坊官軍失利咎實難辭應請摘去頂戴拔去花翎責令

四萬人且首逆未除難保不復圖窺伺現飭劉騰鶴普承堯會同王勳各軍仍由新喻峽江兩路並進夾攻阜田殄滅羣醜奏入

上諭內閣曰江西補用道劉長佑等在羅坊大坪等處疊獲勝仗前據駱秉章奏報業經降旨准該撫將在事出力文武員弁擇尤保奏茲據耑奏稱劉長佑等不避艱險奮勇決戰與同知王勳等所帶湘勇連

破賊營先後兩獲大勝實屬援勦得力劉長佑著賞給齊普圖巴圖魯名號知府蕭啟江著以道員即選甘肅安肅道劉于瀆著賞加鹽運使銜同知王勳著以知府選用其餘出力員弁仍著耑奏會同駱秉章酌量保奏總兵普承堯經耑耑齡疊催進剿乃遷延日久始行拔營致賊匪竄至羅坊實難辭咎普承堯著摘去頂戴拔去花翎責令趕緊進攻以觀後效

者齡又奏言查道員王鑫一軍自廣昌回至永豐本擬先勦新淦再攻吉安因撫建大股逆匪將犯樂安王鑫不得不先其所急馳赴樂安迎勦隨於七月初十二十三等日在樂安城下及泰平林頭等處先後殺賊二萬餘人署廣昌營都司張騰霄等率領兵勇鄉團進攻南豐焚賊營三座殺賊四百餘人七月初三日轟斃城

聖皇聖方略卷一百八十三

十五

上賊百餘人卽於是夜收復南豐縣城十四日吉水縣烏江地方股匪二三千人欲撲永豐縣城王鑫派張運蘭會同知縣章激率勇往擊斃賊二百餘人十六日傳逆率黨六七千人復由吉水竄撲永豐張運蘭等設伏於野壘橋奮擊斃之時王鑫之兄卽選同知王勳帶湘勇前來助勦適至永豐二十五日督同各軍進勦泰平

山雙源鋪之賊斃匪千餘人王鑫自十三日林頭獲勝後陡患寒熱泄瀉卽在崇仁鳳岡墟醫治嗣因斬丹書在公陂勦匪陣亡樂邑震動王鑫於二十七日扶病趕回樂安縣城次日王勳亦率勇前往公陂之賊聞大兵已至不戰自遁距王鑫旋於八月初四日在樂安病故其所帶之勇臣以卽選同知王勳係王鑫胞兄爲士卒

聖皇聖方略卷一百八十三

十六

所信服卽札委接帶此軍值大股逆匪聚集阜田竄伺袁臨二郡王勳率勇取道安福分宜赴新喻會勦嗣接湖南撫臣咨會派委同知張運蘭知縣王開化分帶王鑫舊部仍以王勳暫攝全軍現在新喻一帶勦辦甚爲得力該營屢次勦賊出力人員俟行查到日卽當據實保奏以昭激勸知州銜樂安縣知縣斬丹書勦賊陣亡

應請

飭部照知州例議卹奏入

上諭內閣曰江西廣昌敗匪竄擾樂安公陂地方知州

銜樂安縣知縣靳丹書督勇禦賊因眾寡不敵力竭

捐軀情殊可憫靳丹書著交部照知州陣亡例議卹

同日胡林翼奏言查水師一軍建議於江忠源

創造於曾國藩而整理擴充至近年而始大戰

聖學集考卷一百三十三

七

艦輜重八九百號大小礮位二千尊江漢之師

如雷如霆軍聲不為不盛惟是出楚入吳風利

不泊即瓜步金陵均可隨機勦辦其應與吳皖

統兵將帥互相策應之處既非李續賓楊載福

彭玉麟所能咨商而李續賓楊載福彭玉麟之

落落寡合亦非他省水師所能調遣且軍旅之

事以一而成以二三而敗唐代九節度之師潰

於相州其時名將郭子儀李光弼亦不能免蓋

謀議可資於眾人而決斷須歸於一將此又軍

事之大較矣楊載福彭玉麟經曾國藩拔識於

風塵之中自湘潭出師以至今日久已分為兩

部即不能統為一軍在該員本無不和在兩營

弁勇即有才力不相上下之勢是該鎮道又不

能互為統轄查丁憂兵部侍郎曾國藩持躬謹

聖學集考卷一百三十三

六

慎早邀

聖鑒水師將弁皆其舊部吳會形勢阨塞之要尤所留

心前請終制蒙

恩暫准曾國藩讀禮家居曷嘗須臾忘天下哉茲幸機

勢可乘東南大局時不可失移孝作忠出而任

事天下後世將信其忠而必不能責其不孝應

請

飭下會國藩迅速起程由鄂抵潯即日督同楊載福彭

玉麟李續賓等水陸各軍會同將軍都興阿長

驅東下都興阿忠勤素著馬隊勇敢冠軍素與

南勇將士一力一心必可豫操勝算抑臣更有

請者軍興以來凡官軍所到之處賊必嚴爲之

備我軍銳意仰攻礮石所及徒損精銳積日累

月壯氣潛銷悍賊乘之轉致於敗又賊之詭計

聖皇聖考卷百八十三

七

以堅守綴我兵力轉於無兵及兵弱之處狡焉

思逞循是不變將兵日見少而賊日見多矣竊

計以陸師精兵六千人另籌每月船價銀二萬

兩雇民船四百號從水師之後仍帶長夫鍋帳

並二月米糧軍火遇皖南皖北江南有賊之處

隨機雕剿我兵所至皆賊計之所不及防迨聞

警調援我軍即可迎戰抑或堅守不出我兵亦

可改圖兵到之後賊必設備設備之後兵可還

歸兵歸之日賊必弛備弛備之日兵可再出不

數月而賊技必窮惟是以奇兵雕剿在乎審機

觀變無論南岸北岸江界皖界應

飭帶兵大員覘賊所在不拘守成法不頓兵堅城不爲

鄰省所節制不爲賊情所牽綴動靜之機默存

於心若稍有沾滯兵機必鈍又兵勇之敢戰者

聖皇聖考卷百八十三

千

傷亡必多九月初八初九湖口之役水陸中傷

共九百餘員名亟宜調回武漢加意休息以養

士氣仍以精兵調赴下游彌縫其闕更番疊戰

如環無端庶不致拘滯一隅轉誤大局應請以

九江爲老營根本仍以武昌爲換防並糧臺根

本則餉糈不匱而士氣常新庶於討賊機宜大

有裨益愚昧之見如蒙

聖明採擇可否一併

飭下曾國藩議覆施行奏入

上命軍機大臣傳諭胡林翼曰官軍克復小池口湖口縣兩處九江已成孤立之勢即日攻克水陸大兵自可相機東下惟曾國藩丁憂後已奏派楊載福總統外江內湖水師彭玉麟協同辦理朕因該侍郎懇請終制情詞懇切且江西軍務漸有起色是以令其暫

欽定四庫全書

三

守禮廬楊載福等統帶水師既已著有成效自應仍歸該總兵等相機調度以專責成曾國藩離營日久於現在進剿機宜能否確有把握尙未可知若待其赴潯督辦恐有需時日轉懈軍心胡林翼久歷戎行於軍務尙爲熟悉著將省城公事趕緊料理卽行馳赴九江與都興阿楊載福等會商妥辦務使各營將士同心勦力以期迅殄逆氛共膺懋賞該撫奏稱奇

兵雖勦在乎審機請飭帶兵大員覘賊所在不構成法不爲賊所牽綴等語此係出奇制勝之法現在若能抽出一軍卽可照此辦理著該撫與官文都興阿楊載福等高辦正不必待曾國藩到楚方能定議也至受傷兵勇調回休息仍調精兵彌縫其闕亦屬可行著與官文等一併籌畫辦理

欽定四庫全書

三

胡林翼又奏言查江西補用直隸州知州劉騰鴻之父劉象觀長沙府學附生粵匪初犯湖南卽與羅澤南李續賓等講明鄉守之法並飭其子弟究心兵略咸豐五年賊踞武漢劉象觀以老病不能從軍乃命其子劉騰鴻募勇來援六年四月由鄂省派援江西大小百餘戰戰歿之日瑞州士民走而哭者數萬人是劉象觀之善教其子實有合於孝慈則忠之義茲劉騰鴻已

照道員例

賜卹在該故員以書生從戎忠孝大節原無缺憾惟身

歿之日尙無子嗣其胞弟代領其衆仍留江西

軍營老親年高獨居鄉里合無仰懇

天恩賞給其父母正四品封典庶幾海內聞風頑廉懦

立實於聲教有裨奏入

上諭內閣曰江西補用直隸州知州劉騰鴻由湖南募

欽定剿平粵匪方略卷一百三十三



欽定剿平粵匪方略卷一百三十三



勇授勦江西戰功卓著旋因攻克瑞州力戰陣亡業

經降旨照道員例優卹著加恩賞給伊父母正四品

封典以示朕褒獎忠蓋之至意

初五日壬子安徽巡撫福濟壽春鎮總兵鄭魁士

奏言楚北竄回逆首李秀城糾邀潛太桐舒各

處踞賊號稱數萬合併捻匪一股由派河直撲

廬城一股由巢縣直撲店埠一股由巢縣夏閣

直撲柘皋意在分路突入臣鄭魁士督同廬城

各營進擊派河之賊臣福濟督飭水師戰船進

擊巢湖之賊並分飭總兵吉順進擊夏閣之賊

九月二十一日該逆竄至二十里鋪築壘七座

欲撲廬城臣鄭魁士即傳令各隊於二十二日

五鼓會齊前進逆衆由數路彙擁而來先派協

領桂成帶熱河固原大同潛山各兵爲後應臣

欽定剿平粵匪方略卷一百三十三



鄭魁士即親督遊擊余成蛟等帶宣化陝安兵

廣克勇由中路進副都統麟瑞等帶吉林馬隊

凱銳勁勇由東路進總兵扎隆武等帶漢中山

東四川兵由西路進該逆恃衆抵撲我軍擊斃

賊擒不下千餘該逆退保巢壘各兵勇愈殺愈

進直抵賊巢臣鄭魁士帶領各軍圍撲賊營全

行踏毀營內之賊無得脫者三河派河各處賊

匪齊赴援應我軍盡力衝殺約斃賊三千餘名
巢縣逆匪勾合湖北竄賊於九月二十日分水
陸兩路進踞夏閣橋東沿河一帶修築木城數
座欲襲柘皋大營臣福濟卽飭吉順派隊迎勦
二十一日我軍馬隊先至楊徐山賊匪迎戰騎
兵將槍箭衝放賊奪路奔回營總烏爾滾布等
當先追殺夏閣劉家橋各賊齊來接應經吉順

聖朝聖考卷百八十三

三

等各帶馬步官兵左右擊刺賊衆大敗尙阿布
督兵直逼木城張遇春撲入賊營各軍紛擲火
罐官兵練勇乘勢殺入立將木城四座踏毀餘
賊向東逃逸我軍跟蹤追殺斃賊甚多其水路
賊船見木城攻破卽揚帆而去官軍由岸上追
趕中槍落河者無數守備王聯陞等梟水追殺
奪獲賊船三隻燒燬糧船四隻二十二日該逆

復回竄夏閣仍飭吉順帶隊迎擊賊衆狂奔入
城卽將夏閣賊壘卡館全行掃平前據生擒賊
供逆首李秀城約會巢城僞先鋒黃和錦等有
由施口進撲撮鎮船礮直攻店埠繞至廬城之
謀臣福濟先飭知州黃際昌等迎擊一面派總
兵嵩瑞等整備接應九月二十日探明逆船百
餘隻分泊湖邊陸路之賊欲往塘口河搭橋內

聖朝聖考卷百八十三

三

竄二十一日都司黃國堯紮出施口西向以禦
丙子鋪逆船守備范玉林東向以禦姥山逆船
黃際昌約集團練沿岸助威哨官楊宏勝等帶
三板船十隻南向直擣孤山之賊該逆以戰艇
二十餘列陣抵敵我軍衝鋒而入礮手梁文昭
躍上賊船斬僞將軍楊萬復首級逆船起碇回
竄我軍圍住開礮逆衆情急投水黃國堯等督

同哨官水勇分上賊船擒獲偽指揮陳上林等
多名奪獲逆船十二隻燒燬及沈水者十一隻
嵩瑞等趕帶店埠兵勇前往接應並將陸路援
賊同時擊退旋據探報姥山賊船連夜遁回巢
縣其丙子鋪逆船移泊蔣口二十三日又竄至
塘口河范玉林親率三板十三隻布陣圍剿擊
破賊長龍船一隻該逆紛紛落水各勇乘勢緊

欽定剿平粵匪方略卷一百一十三

三

攻逆匪轉柁南竄我軍尾追二十餘里焚燒賊
船五隻奪獲六隻臣等查前次舒廬和州水陸
獲勝欽奉

諭旨准卽查明彙保此次各路大獲勝仗應懇

天恩俯准擇其尤爲出力者併案保奏以資鼓勵

福濟又奏言查提督銜壽春鎮總兵鄭魁士前
因桐城潰退奉

旨摘去頂翎數月以來巡守廬城布置嚴密此次賊捻

合股內竄督率將弁迎勦疊獲勝仗應請

賞還頂翎以獎勤勞而資統率奏入

上諭內閣曰湖北竄回逆匪糾合皖省髮捻各匪分股
竄撲廬城店埠柘皋等處經水陸各軍分路進勦斬
滅逆匪數千將士用命大挫賊鋒鄭魁士著加恩賞
還頂戴花翎其餘出力員弁准其併案擇尤保奏以

欽定剿平粵匪方略卷一百一十三

三

示獎勵

初九日丙辰官文都興阿胡林翼奏言臣等於小

池口克復後偵知逆衆固守九江當卽咨行水

陸各軍襲取湖口惟該逆盤踞湖口以來拆毀

舊城於下鍾山自麓至頂疊石重關築城如帶

復於西岸梅家洲堅築偽城掘濠植樹與湖口

對峙以通援應八月內湖口賊船將分路進援

九江李續賓楊載福商同內湖水師惠潮嘉道彭玉麟設計水陸夾擊訂期九月初八日進勦初七日李續賓令李續宜率營官何紹彩等馬步各隊攻梅家洲偽城自率湘凱各營渡江揚言搜勦宿松太湖是夜駐師張家壩四更後潛率李續燾胡裕發並副右副左中右各營紆曲繞道伏於湖口後山梁作楫等伏於山麓專俟水師得手水陸夾擊黎明時彭玉麟派遊擊蘇在位等攻湖口之東遊擊鄧翼升等攻西岸梅家洲賊船參將劉國斌由中路橫排接應賊分兩岸迎拒都司羅勝發中礮陣亡後隊繼進拋擲火彈賊船火起我軍乘勝撿斬焚奪賊即紛紛投水先是楊載福於初七日派參將孫昌國等以長龍三板分載陸勇虛作聲勢以待接應

自率各營於初八日抵湖口縣派參將萬化林等攻梅家洲賊船參將李朝斌副將李成謀等於下鍾山賊船大幫停泊之處上下夾攻至是會合彭玉麟水師揚帆直進北風大作舟駛如飛兩岸及城賊同時開放大礮各軍鏖戰多時忽陸師由山頂破空而下賊遂大潰我軍以刀斧火炬斷其鐵練偏賊船於崖下計殺斃燒斃溺斃者二千餘人將船焚奪一盡維時梅家洲賊船亦焚燬無遺五更時我兵飛火箭入城中適中火藥瓦石飛空牆壘迸裂賊開城奪路而出我軍乘勝追殺楊載福彭玉麟水師分道繞截又殺二千餘名生擒偽總制陳中理等二百餘名湖口縣城即日克復梅家洲之賊見湖口已破不戰而逃李續宜等由閒道繞出賊前聚

而屠之無一遺者十三日楊載福帶外江水師
彭玉麟帶內湖水師又奪彭澤縣賊船數十號
攻破小孤山賊卡江面一律肅清現飭水陸馬
步專注九江以期建瓴東下迅掃妖氛所有戰
功懋著之水陸員弁謹隨摺繕單願懇
恩施其餘出力員弁兵勇並傷亡將士容分別查明具
奏按察使李續賓等應請

欽定剿平粵匪方略卷一百一十三

三

恩施先行分別獎敘都司羅勝發奮勇捐軀實堪憫惻
請照參將例優卹把總胡永和陳長勝均請照
千總例優卹外委易王佐六品軍功彭瑞益彭
雲漢常晉臨敵陣亡均請照把總例優卹奏入
上諭內閣曰湖北水陸各軍克復江西湖口縣城並將
梅家洲賊匪偽城同時攻拔上游江面一律肅清李
續賓等督率諸軍出奇制勝洵屬可嘉布政使銜記

名按察使李續賓著遇有布政使缺出由軍機處提
奏總兵楊載福著遇有提督缺出由軍機處提奏廣
東惠潮嘉道彭玉麟著賞加按察使銜候選知府李
續宜著免選知府以道員選用其在事出力之副將
成大吉著賞給勁勇巴圖魯名號參將胡裕發著賞
給驍勇巴圖魯名號並著免補參將以副將儘先補
用遊擊楊得先李登梗均著免補遊擊以參將儘先

欽定剿平粵匪方略卷一百一十三

三

補用並賞加副將銜遊擊李續燾成得升李存漢都
司彭祥瑞均著以參將儘先補用成得升李存漢並
著賞換花翎都司劉坤山著免補都司以遊擊儘先
補用並賞換花翎候補同知直隸州知州唐際盛著
免補本班以知府不論繁簡儘先補用知縣金國琛
著免選知縣以同知直隸州知州遇缺卽選並賞換
花翎訓導梁作楫著免補訓導以知縣留於湖北遇

缺卽補並賞加同知銜參將陳金鼇著以副將儘先補用並賞加總兵銜副將張啟基著賞加總兵銜參將萬化林李朝斌均著以副將儘先補用守備丁泗濱著以都司儘先補用並賞加遊擊銜都司何瑞祥楊明萬均著以遊擊儘先補用並賞加參將銜參將劉國斌著免補參將以副將儘先補用並賞還花翎署遊擊鄧翼升著免升參將以副將儘先補用蘇在位著以參將仍歸浙江儘先補用都司孫昌國著免補遊擊以參將儘先選用喻俊明著以參將儘先補用並賞換花翎都司陳發祥著免升遊擊以參將仍留湖北儘先補用守備彭大田著免補守備以都司儘先選用並賞換花翎把總楊雲祥著以守備儘先選用並賞加都司銜守備曾泗美楊鎮魁均著以都司儘先選用千總湯定國著免升守備以都司儘先

聖朝聖方略卷一百八十三

三

補用外委郭德山著免補千總以守備儘先補用並賞戴藍翎文童岳志鶴陳詩懋均著以從九品遇缺卽選所有陣亡之都司羅勝發著從優照參將例議卹把總胡永和陳長勝均著從優照千總例議卹外委易王佐軍功彭瑞益彭雲漢常晉均著從優照把總例議卹

官文都與阿胡林翼又奏言臣等前奉

聖朝聖方略卷一百八十三

三

諭旨以李孟羣營盤暫退河西令臣等撥兵協助伏思鄂皖近在鄰封清除皖逆卽所以保楚疆臣等未敢稍分畛域現在馬步兵勇進駐宿太者數千人爲李孟羣後路聲援卽爲進攻六安之計臣等體察楚軍緩急一面飛函諄致勝保以正陽克復後或可移師六安與李孟羣會合進攻昨接勝保覆函知已派馬隊二百名馳赴李孟

羣軍前策應並分軍至六安南路李孟羣亦進
紮六安東門是刻下兵力較厚攻勦可期得手
而楚北現攻九江情形喫緊一經克復即可廣
集兵力先清皖省北路水師礮船據長江之險
會合東征兼援江省方不至有顧此失彼之虞
現仍令進駐宿太之馬步各軍節節掃蕩乘勝
馳勦與李孟羣軍營相爲犄角以振軍威

聖皇聖方略卷一百八十三

三

官文都興阿胡林翼又奏言小池口克復後
都興阿當卽分兵駐守一面分撥馬步兵勇進
勦宿太連日偵知安慶桐城潛山來賊萬餘盤
踞太湖已分股竄至楓香驛涼亭河一帶又宿
松一路亦有石牌賊匪數千竄至桃花鋪乘我
軍營壘未就意圖乘虛攻撲擾及蘄黃邊界而
涼亭河距我師進紮之二郎河僅二十餘里九

月十九日翼長多隆阿由宿松率馬隊會同副
將鮑超步隊至祝家塆一帶值賊匪分路出撲
我兵亦四路迎敵營總薩林祿昌左右抄截正
遇伏賊遙起薩林等率馬隊縱橫衝突殲斃騎
馬悍賊多名餘賊四散奔逃我兵追殺斃賊又
千餘名生擒長髮老賊五十餘名正法將涼亭
河一帶賊壘十餘座全行平毀查點兵勇亦多

聖皇聖方略卷一百八十三

三

受傷俟查明分別辦理
同日邵燦庚長奏言疊據探報江南官兵圍攻
鎮江不日卽可克復並准督臣何桂清函咨恐
逆匪鋌而走險囑於北路加意嚴防臣等查清
淮爲北路要津又爲揚營後路防堵更宜嚴密
淮安之南戴家灣雖有防兵尙嫌單薄擬將派
防山清交界之練勇移營淮安平橋地方扼守

運河兩岸並於要隘處所安設礮位派署淮海道赫特赫請候補道宋玉珂等督率幹練員弁駐紮該處無分晝夜認真巡防並通飭沿河州縣督率民團合力守禦其東路以秦州爲門戶先經督臣飭派淮揚道郭沛霖會同防堵臣等現亦札飭該道激勵官兵民勇同心捍衛如有南路擊敗之賊竄至境內務卽實力堵截毋任偷越均奏入報

聖皇聖方略卷一百八十三

三

聞

欽定勦平粵匪方略卷一百八十四 丁巳年

十月十六日 癸亥 和春奏言據探洪逆因援師屢

挫調集江北逆黨並悉索金陵各偽館悍賊暨

居民鋪戶號稱數萬人聚屯石埠橋龍潭以至

下蜀街之西揚言攻撲高資援應鎮江見我兵

勢盛遂巡不前者已十餘日吳逆欲從沿江沙

洲一路添紮營壘接應外援而又慮高資兵力

聖皇聖方略卷一百八十四

甚厚難以偷越遂於九月二十一至二十五等

日東北兩門及甘露寺摩旗兩山各賊營先後

各出逆匪數百人分股攻撲總兵余萬清虎嵩

林等率領兵勇分投迎敵共計殲賊六百餘名

臣與張國樑許乃釗相商吳逆連日竄撲東南

各營者蓋欲分我兵勢而陰以全力注重高資

必須先爲之備張國樑遂馳赴該處相度形勢

又在七八擺渡之間運糧河之南添築營壘二座一面密飭水陸各營戒嚴以待該逆果於運糧河之北沙洲蘆葦叢中潛築三營緊對南岸卽經官兵開放槍礮隔河攻擊十月初一夜該逆又築礮臺一座安放大礮向我營攻擊張國樑卽飭參將余兆青等由六擺渡進攻副將周天培等由黃泥橋進攻副將張玉良等由馬步

欽定剿平粵匪方略卷一百十四

二

橋進攻副將馮子材等由煙墩山進攻另派遊擊張永清等各帶兵勇及親軍小隊伏於潮黃兵得勝勇兩營之中初二日張國樑率同副將王浚等統帶銳師涉水過港直撲賊營礮臺余兆青等伏兵齊出四面圍攻水師都司賴鎮海亦於江邊連開大礮賊匪驚亂王浚揮軍奪壘千總朱得勝等奮勇先登大隊擁而上立將

礮臺一座蹋毀守臺逆匪殲斃無遺張國樑親督張玉良等涉過運河攻剿六擺渡賊營逆衆大潰張玉良等一擁而進卽將賊壘毀平共計斃賊五百餘名初三日張國樑督同王浚等帶領兵勇渡過運河攻擊蘆葦中賊營千總許世忠首先搶入賊壘朱得勝等奮勇繼進衆軍隨之該逆踰壘逃生官軍追擊掩殺前營逆黨又

欽定剿平粵匪方略卷一百十四

三

復傾巢出拒我軍四面圍攻又毀賊壘一座約斃賊匪三四百名查有儘先千總許世忠血戰陣亡張國樑又於初四初五初六等日帶兵督夫在沙洲賊營之西添築堅壘二座直逼賊營並率將弁更番攻擊該逆亦拚死抵禦至今未退臣因見該逆麕聚高資他處賊營勢必空虛傳令東南各營於兵夫空濠築牆之外仍復乘

便攻擊初四日虎嵩林督同遊擊王夢熊等由南路進攻摩旗山賊營恐虎頭山賊援又至復派副將魯占鼇等帶兵進攻以分賊勢臣又飭王浚等從摩旗山西面進攻冒險搶至濠邊將濠外木椿拔去大半我兵伏濠溝中遊擊多陞額被礮陣亡守備宋芝相等正欲乘勢搶入詎山下賊營突出千餘人來援我軍即於山腰接

聖學聖略卷百八十四

四

仗立斃賊匪數十名其勢稍卻有騎馬黃衣賊目數人阻住各賊不能退走兵勇合力痛擊該逆始行敗退臣查鎮逆久困圍城窮極思竄高資為水陸要區我師極意經營者在此此處不通鎮賊即無生路亦必無久踞之勢現雖江濱賊壘尚未一律肅清而西路咽喉已塞決不至有竄併之虞惟舍南趨北亦意中必有之事德

興阿大兵屯紮該逆自不敢踰揚而北西路樸樹灣一帶可由儀徵西趨六合北犯天長臣等復與德興阿等往返函商知已嚴為之備臣又密飭京口儀徵各營縣雇備船隻排列江邊多張旗幟作為疑兵使該逆不敢東西竄突設有緩急可分兵渡江南北互援一切機宜仍與何桂清隨時商推總期掃平高資克復鎮城然後

聖學聖略卷百八十四

五

會攻金陵仰紆

聖主宵旰焦勞之至意所有打仗陣亡之即選遊擊多陞額千總許世忠應請

旨飭部從優議卹

和春又奏言據總兵李德麟稟稱九月初三日東北風大作派都司黃廣泰等駛駕快蟹船直攻泥汊賊壘該逆連開槍礮復於港口駛出賊

划數十隻上前迎拒我兵奮力攻剿擊沈數隻
逆匪轉舵回竄適上海又來礮划三十餘隻飛
駛衝下當飭黃廣泰等將各船分爲兩翼前後
夾擊轟沈十餘隻賊勢大敗溺水燒死者無算
隨揮令各軍進攻陸路賊營賊出大股來拒兵
勇奮力迎擊火器頻施燒燬賊卡三座該逆抵
死不退軍功吳培元等直衝賊隊刺倒執旗賊

欽定剿平粵匪方略卷一百八十四

六

目二名逆勢不支飛奔入巢兵勇追殺多名趕
至外濠環攻轟倒賊營內望樓二座共斃賊二
三百名又據水師總兵泊承陞等稟稱九月十
三日飭都司張瀚管帶金和泰各艇起程駛赴
高資一面率同將備各帶師船合幫齊進並督
同南岸各艇駛赴鎮江之釣魚臺一帶該逆見
我師直上兩岸紛紛開礮金和泰等船業已偏

近金山時北風漸大江溜湍激未能迎頂截進
隨令各艇駛赴瓜州龍王廟新河口一帶貼近
賊隄開礮轟斃賊匪多名現仍飭趕緊進剿以
冀肅清江面奏入

上諭內閣曰此次鎮江一帶陸路攻剿接仗六晝夜之
久斬馘千計水師復乘風轟擊賊勢已窮著和春等
嚴飭將士迅圖克復勿再延緩陣亡卽選遊擊多陞

欽定剿平粵匪方略卷一百八十四

七

額千總許世忠均著交部從優議卹
和春又奏言臣查直隸通永鎮總兵李志和年
逾七十精力就衰廣東南澳鎮總兵謝焜身弱
多病難以帶隊值此軍務喫緊未敢稍事遷就
相應請
旨將直隸通永鎮總兵李志和廣東南澳鎮總兵謝焜
一併原品休致奏入

上諭內閣曰直隸通永鎮總兵李志和廣東南澳鎮總兵謝焜均著以原品休致

同日晏端書奏言臣前因徽浙兩防喫重三衢兵勇不敷防勦函請督臣將檄調回閩之衢州鎮饒廷選舊部閩兵五百名暫留玉山防所旋經饒廷選咨准督臣以杉關等處兵勇甚單備被逆股突犯憑何抵禦仍將前項閩兵折回飛

聖聖聖聖聖聖聖聖

聖聖聖聖聖聖聖聖

飭帶兵遊擊穆隆阿馳赴杉關防勦其玉山防所即由饒廷選另募漳勇備防又南陵婺源及萬級嶺崇覺寺等處同時告警經和春調派兵勇交都司閔步璜帶赴灣沚嗣因崇覺寺防所兵力不敷復調赴崇防歸漳州鎮周天受調遣又揚勝勇樹勇交把總鄭國泰等帶赴涇防歸都司吳正熙派紮萬級嶺防守其二次調到各

聞

路兵勇由南澳鎮總兵謝焜統領至甯當因南陵賊退鎮江攻勦喫緊即飭將江北綏勝勇折回紅藍埠原防碣石鎮官兵折回白兔原防以固句溧後路現准和春咨會碣石官兵已令謝焜帶赴鎮江圍勦奏入報

十七日甲子德興阿翁同書奏言臣等以逆首吳

聖聖聖聖聖聖聖聖

九

如時率眾北渡意圖冒死衝突不可不嚴為之備派總兵翰殿華等護運水礮臺由三汊河直抵四里鋪開放大礮正擊賊叢不知斃賊多寡九月二十八日賊匪向西路竄出分為兩股經參領富明阿等帶領馬步各隊至土橋雙橋兩處迎敵將賊擊回二十九日翰殿華等仍分兩路護運水礮臺前進東西兩岸賊巢各出賊匪

二三百名我軍開放大礮轟倒望樓一座擊塌城垛數處該逆未敢過濠我軍亦未能搶越臣等復飭各營輪流出隊見賊卽擊節據逃出難民供稱賊匪仍思乞援金陵由南岸遣黨接應臣等竊見和春軍營兵力甚厚而張國樑力扼高資聲威極壯又有賴鎮海所帶紅單艇師拖曾等船扼駐高資諸要隘知南岸賊援亦難竄

欽定剿平粵匪方略卷一百八十四

十

合惟自浦口以至焦山江面遼闊正宜節節嚴防又非獨高資一港爲目前之要因檄飭浦口觀音門土橋各水師嚴防賊箠賊船載米接濟並飭焦山水師嚴防瓜鎮之賊乘虛下竄旋據水師參將黃彬等稟稱九月二十七日有快船巡至天河口見港內藏匿賊船十餘隻黃彬商令都司彭常宣等分帶艇師駛前迎擊突有賊

船由觀音門竄出黃彬與彭常宣等合力圍攻賊船且拒且退黃彬見賊船飛棹遁逃急令小艇尾追甫至口內而岸上賊壘舉礮揮擊未便深入又據水師總兵周希濂稟報九月二十八日瞭見上河下關一帶大小賊船挂帆林立轉戢行駛當卽揮令各船起碇迎擊一面知會陸路總兵安勇等出隊會攻該鎮派遊擊楊冠春

欽定剿平粵匪方略卷一百八十四

十一

帶領廣艇攻九洲洲遊擊王之敬帶領局艇攻南岸下關七里洲該鎮親督各艇師擊沈上游大賊船一隻截獲小礮船一隻賊匪溺死於江者無算楊冠春擊沈大樓船兩隻大礮船一隻焚燬小賊划四五隻擊塌九洲洲賊卡兩所適溫紹原飭派六合練勇前來開礮助戰彭常宣由下游觀音門派龍哨快船接應我師船攻撲

南岸擊倒七里洲瞭望臺一座焚燬賊划三隻
餘匪向葦叢奔逸又據水師總兵泊承陞陳世
忠稟報十月初二日陳世忠親督將弁由北岸
對準瓜州新河口一帶賊隄轟擊大礮復截赴
南岸攻勦龍窩泊承陞由南岸駛赴北岸攻勦
初四日擊沈瓜州新河口賊船一隻斃賊數名
並據守備賴鎮海稟報本月初一等日會勦鮎

聖朝聖考卷百八十四

十二

魚套賊隄情形臣等仍飭賴鎮海力扼高資港
口為南軍助威連日探報金陵逆匪復由龍潭
下蜀街等處下援已為張國樑擊退而南岸迤
西之石埠橋等處逆黨尙蠶屯蟻聚與六合儀
徵僅隔一江目前賊援東下沿江焚掠據儀徵
縣稟報南岸難民渡江覆溺相望臣等已飭妥
為安插兼防賊匪搶渡因飭水師總兵陳國泰

添撥紅單船三隻駛赴上游江面駐泊與參將
黃彬等所帶之船聯為一氣卽有賊匪箝船竄
下無難截獲至文煜所募之勇業經派員接管
茲又分撥水礮臺二座運至沙頭江口與焦山
艇師聲勢相倚又添派練勇三百名赴沙頭江
岸防勦東路情形稍緩亦尙不至空虛刻下惟
防南岸大股賊匪掠船北渡臣等疊飭儀徵六
合封江斷渡現又飭令悉將民船收入港內毋
許沿江散泊為賊所掠其焦山水師經和春等
徑調十船該總兵陳世忠等早已如數派撥駛
赴高資與賴鎮海所帶之紅單等船隻聯檣駐
泊奏入報

聖朝聖考卷百八十四

十三

聞

十八日乙丑官文都與阿胡林翼奏言楚省官軍

克復江西湖口後續接探報首逆石達開渡江會集都昌鄱湖各賊盡踞景德鎮行止尙無定向而賊目賴桂英等踞守彭澤實爲下游肘腋之患臣官文等復飭水陸各軍急攻彭澤牽制石逆以免回援金陵九月十七日李續賓將老營留紮湖口同楊載福師船直抵彭澤縣境距城五里有小孤山挺立江中逆衆於南北兩岸

欽定剿平粵匪方略卷一百八十四

十四

修築石城環以深濠僅留一門一路曲繞而進楊載福等商議先攻北岸僞城調巴克坦布等馬隊由橫壩直趨小孤山北岸又派楊得武率湘凱各營由湖口縣直趨小孤山南岸二十一日楊載福留都司楊明萬礮船轟北岸僞城自率大隊戰船向舊城排礮一周卽往下游進發李續賓飭各勇夫於距僞城三四里多修營壘

佯作長圍之勢自率親兵梭巡城外拔取木椿忽該逆出隊抗拒我軍奮勇迎戰賊匪退奔我軍復佯退誘之該逆又出數千人追撲李續賓令親兵排陣以待復密傳馬隊從賊後邀擊該逆大敗不能回城我軍掩追數十里至吉水溝適遇楊載福戰船橫截轟擊殲賊千數百名餘賊向望江竄逃楊載福率師直逼望江縣境

欽定剿平粵匪方略卷一百八十四

十五

登岸搜剿敗賊斬擒殆盡卽駛下安慶維時彭澤縣城內之賊紛紛竄逃被楊明萬率勇追殺斃賊無數二十二日李續賓與楊明萬以礮船轟擊南岸僞城陸勇與馬隊亦會合輪攻至四更時見城中火起知賊已遁當飭馬步隊窮追三十餘里沿途斃賊數百名小孤山伏賊閉門堅守我軍誘令下山斬之此二十一二等日攻

克彭澤縣並拔其兩岸偽城及勦除小孤山賊
 壘之實在情形也 臣等查楊載福率師進規安
 慶已有直搗金陵之望現在潯城之圍功虧一
 簣卽當設計勦除 臣都興阿因皖逆尙熾斬黃
 路路可通楚境北岸勦守不容鬆勁現仍率馬
 步各軍由宿太節節掃蕩相機而進以期肅清
 皖北專意東征奏入

聖朝聖訓卷一百八十四

七

上諭內閣曰此次楚北官軍水陸進勦將彭澤縣城收
 復並拔其兩岸偽城勦除小孤山賊壘辦理甚爲得
 手著官文等乘此聲威激勵將士迅克九江進攻安
 慶並由宿太節節掃蕩俾皖北一律肅清所有在事
 出力員弁並陣亡丁勇著官文等查明具奏候朕施
 恩

二十一日 戊辰 胡林翼奏言前奉

諭旨胡林翼著將省城公事趕緊料理卽行馳赴九江
 與都興阿等會辦勦賊事宜等因欽此跪讀之下曷
 勝感奮惟全師出境必使軍無返顧之虞乃得
 銳意長驅節節攻勦不僅圖潯城之克復已也
 查九江城賊岌岌孤立雖米糧尙足而援絕勢
 窮現又開濠兩重匪竄無路李續賓楊載福調
 度運籌早已豫操勝算萬無疏虞斟酌情形暫

聖朝聖訓卷一百八十四

七

可不必前往且潯城旣下必有擊散之賊紛紛
 上竄湖北大軍移動門戶堪虞接准勝保八百
 里咨稱安徽獨山軍營失利西面緊接湖北之
 羅田麻城囑卽迅速防勦查羅田麻城均在九
 江之上四百餘里亦在宿松太湖以上三四百
 里大兵盡駐下游賊若間道橫撲則德安安陸
 一帶亦必驚擾現已派兵前往堵勦如有警急

應再籌撥兵勇以昭慎重 臣之步軍分防襄陽及蘄黃興國各營一時尙難抽調又瑞州克復王鑫劉騰鴻先後殞謝臨江吉安之師乍前乍卻勝敗不常查臨江距瑞州百餘里距湖北之通城崇陽亦祇數百里江西內地被賊竄擾者尙有六府不僅與鄂省唇齒相依兼與湖南邊界處處相通是上游南岸亦屬空虛設有不備

欽定剿平粵匪方略卷八十四

六

則東下之師首尾受敵不可不慮又兵之所向餉項宜籌 臣現辦牙帖釐金等項漸有起色雖計每年所入僅敷大營得半之餉尙不至十分飢困惟章程初經釐定必須試行一年方能覈實又鄂省漕糧弊竇太深今則兵燹餘生脂膏已竭更不堪其朘削 臣於九月初一日從九江回省後卽遴委道府大員澈底清查逐縣刪減

上下衙門陋規浮費一概革除現當立法之初亦須切實整頓又 臣本年馳赴下游督勦隨處察看地勢於邊界要隘地方修築礮樓以資防守燒礮砌石亦須數月畢工以上各事宜爲鄂省切要之急務亦與東征之師牽涉關繫潯城克復後東南全局節節可圖時固不可暫失而事必策其萬全 臣應俟九江攻克再行前往會

欽定剿平粵匪方略卷八十四

七

商似與地方軍務均有裨益奏入

上命軍機大臣傳諭胡林翼曰前因胡林翼奏請飭會國藩赴江西統率水師當諭令該撫將省城公事料理馳赴九江與都興阿等會辦茲據奏稱九江賊勢已窮李續賓等辦理已有把握暫可不必前往等語潯城一經克復敗散餘匪上竄堪虞自應嚴密設防使我兵無後顧之虞然後節節進勦方爲計出萬全

至籌畫兵餉釐剔清弊擇要設防皆係目前切要之務該撫身任地方責無旁貸著卽逐件籌辦暫時毋庸前赴九江所有攻勦事宜現有都興阿楊載福李續賓等水陸並進當可迅速奏功俟克復九江後胡林翼再行察看情形酌量進止

二十二日 己巳晏端書奏言查婺源克復後全境肅清而浮梁樂平一帶賊蹤未遠急須布置周

聖皇聖考卷八十四

三

密 臣前經咨會皖南鎮總兵江長貴將婺防事宜妥為籌辦並因徽甯兵勇不敷分派復咨商張芾於浙師內酌量添調並撥歸徽營合隊駐紮俾得事權歸一現在江長貴已赴婺源察勘地勢擇要紮營並准張芾指調浙兵赴婺派防臣當札飭參將沈榮海等將帶駐四安等處各標官兵一千五百餘名前赴徽營聽候張芾派

聞

委大員統領調遣以資防勦此外尙有不敷卽由江長貴酌募壯勇派撥協防以期有備無患奏八報

同日

上命軍機大臣傳諭德興阿和春曰連日據德興阿和

春奏報瓜州鎮江疊獲大勝情形兩處逆匪窮蹙南

聖皇聖考卷一百八十四

三

北兩岸均已布置周密一旦攻克鎮江該匪逃竄高資西路已斷而德興阿等嚴扼北路亦斷不慮其疏失惟念揚州西路自樸樹灣直達儀徵六合江岸綿長上下游皆須兼顧德興阿營中惟翁同書以文員幫辦設有緩急分兵統帶尙恐乏人現在江南軍營不少帶兵大員何人堪勝幫辦之任和春必能知悉著卽詳加選擇酌保一員一面奏聞一面先行飭赴

江北軍營幫同德興阿督辦軍務俟奏到日再行明
降諭旨和春不得以無員可保一奏塞責務與德興
阿通籌合勦無分畛域儘瓜州先克即可進攻江浦
牽制金陵賊勢或鎮江先克而該逆有北竄之謀則
南路追襲之兵即當迅速渡江與北路兵互相援應
總在該大臣等統籌大局計出萬全朕將拭目以待
捷音之至也

欽定剿平粵匪方略卷一百八十四

三

二十四日辛未福興奏言景德鎮股匪竄踞安仁

縣城後糾約金谿瀘溪逆匪三萬餘眾分犯貴
溪知縣李元度迎勦之軍先勝後敗該逆遂撲
近北門延至迤東一面勢甚猖獗我軍回城固
守適協和營一隊趕到賊遂驚卻大股仍分踞
附近貴城十里內外東北面則路路可達弋陽
臣即於九月十八日拔營前進行至弋陽蓮湖

坂地方探悉北路之崇岡嶺一帶已有賊蹤當
即就地扼紮堵其來路隘口一面派撥兵勇紮
於貴溪東北水門鋪毛塘鋪等處爲貴邑犄角
之勢兼扼其由西北四塘岡內犯之路其四塘
岡距水門鋪蓮湖坂均不甚遠該逆屢來窺伺
疊經巡哨官兵擊回貴溪環城數十里逆勢橫
梗自十九至二十三日天雨不止守城之軍分

欽定剿平粵匪方略卷一百八十四

三

段站牆多備滾木擗石以待二十四日僞楊國
宗率黨四五千入分路來犯東北門我軍猝發
大礮轟斃三十餘賊賊復改犯東門李元度派
壯士三百餘人從東門潛出合衝賊陣賊即紛
紛奔潰本月初二日夜馮日坤等帶領各軍由
四塘岡小路繞道前進城內李元度亦商同熊
應文密派弁勇從間道而往同襲賊營該逆正

在搬運物件我軍突放噴筒火箭逆黨踉蹌竄
 逃當燒燬賊壘四座各營派隊往追徧溺數百
 名截殺四百餘名圖克唐阿等復四路搜剿追
 至夏家嶺地方餘匪過河淹斃者又數百名安
 仁城內之賊知貴溪大股潰敗即於初三夜陸
 續渡河分竄鄧家埠何坊一路趨向金谿而去
 南路耳口寨上清一帶續圖比竄之匪先經團
 總姚步瀛扼要堵剿亦未能與此股合擾安貴
 現在後路景鎮仍有大股屯集樂平一帶情形
 亦頗喫重訊據擒賊供係偽楊國宗新國宗七
 國宗分統逆眾前來意欲攻破貴溪直趨廣信
 以入浙省使徽甯腹背受敵與江皖等處賊蹤
 更可聯絡一氣今幸託

天威得以轉危為安保全東路大局所有節次剿賊各

該營文武員弁兵勇及協同守城地方官紳尙
 有微勞合無仰懇

天恩准予併案擇尤保獎再同知銜降補知縣李元度
 守城擊賊深合機宜應請

旨開復同知原官並

賞加知府銜貴溪縣廩生姚步瀛倡辦團練頗為認真

應請

旨以訓導歸部儘先選用奏入

上諭內閣曰江西景德鎮股匪自竄踞安仁縣城後糾
 約三萬餘眾分犯貴溪經福興派令知縣李元度等
 帶兵攻剿疊獲勝仗安仁城內之賊聞風分竄其上
 清一帶續圖上竄之匪先經團總姚步瀛糾練堵剿
 未能與貴溪安仁竄匪會合辦理尙屬得手同知銜
 降補知縣李元度著開復同知原官並賞加知府銜

廩生姚步瀛著以訓導儘先選用其餘在事出力文武員弁兵勇著准其併案擇尤保奏

二十八日亥乙德興阿翁同書奏言十月十二日參領富明阿等帶領馬步兵勇前赴雙橋修路進剿正遇瓜州賊匪突出相持鏖戰富明阿帶隊援應擊斃賊匪二十餘名十三日富明阿率參將王巨孝等由軍營進攻營總常壽等由高

聖皇軍方略卷一百八十四

三

橋進攻連撲賊壘數次濠闊水深未能得手是日總兵鞠殿華等護運水礮臺由三汊河赴四里鋪進攻力戰良久亦以賊礮如雨不能越濠據陸續逃出難民供稱賊糧不敷一月之食似屬可信二十一日臣德興阿親赴土橋督攻其三汊河各營仍前護運大礮進剿詎意東西兩岸賊匪出巢抗拒我軍奮勇迎擊殲賊甚多臣

等以南岸賊匪屬聚龍潭石埠橋一帶屢圖搶掠民船因飭儀徵六合封江斷渡嚴爲之備據水陸探報觀音門內有賊船數十隻大小木簰二座卽圖下竄並聞南岸賊匪欲掠小船運米接濟瓜鎮現已飛飭陳國泰等分帶戰船節節截剿毋令片帆得渡奏入報

聖皇軍方略卷一百八十四

三

欽定剿平粵匪方略卷一百八十五 丁巳年

十一月初四日 辛巳 官文都興阿胡林翼奏言查

安慶賊首派偽丞相曾逆帶船數百號來援小

孤山等處屯聚馬當華陽一帶楊載福親率各

營直抵馬當周圍截擊賊紛紛下竄我軍追剿

二十餘里焚奪賊船殆盡又焚燬華陽賊船百

餘號行至魚水溝地方遇賊偽指揮藍承先在

北岸抵拒我軍登岸夾擊藍逆受傷賊卡立破

九月二十三日水陸齊進馳抵望江城下李成

謀大呼殺賊賊眾驚潰追殺無數望江城登

時克復二十四日抵東流縣將城外賊船焚盡

破卡三座賊伏城不出我軍縱火焚燒火箭射

入城中房屋齊燃賊開城奔走聚而殲之縣城

克復疾趨安慶平鹽河口焚燬賊壘三座船數

十號再攻安慶對岸賊壘悉平二十五日全軍

衝至安慶破縱陽賊壘五座燒賊船八十餘號

二十六日破大通鎮賊壘三座燒賊船數十號

二十八日進攻銅陵縣城平壘四座城上矢石

如雨我軍不少退卻李成謀斬關直入賊大譁

潰乘勝一擁而進立復縣城盡力痛剿賊屍枕

藉復回兵攻奪土橋礮壘四座焚賊船百餘號

下駛至舊縣峽口見大船密布詢知係總兵李

德麟所統之紅單船賊於該處連築堅城二座

紅單船攻之不破楊載福親統各營先破賊兵

直逼偽城之下李成謀率眾先驅拋擲火彈城

中火藥發動城石迸裂賊匪奪路而出我軍長

驅直入盡將賊匪誅無一遺者十月初九日

駛回湖口聞江西有賊將至彭澤楊載福卽於

十三日移防彭澤查下游賊匪從未大加懲創
此次楊載福水師轉戰一千餘里克復縣城三
處破壘數十座焚船殺賊不可勝計軍威大振
自湖口以下七百餘里江面旬日肅清不但沿
江賊膽已寒且與紅單船聲勢聯絡查紅單船
向稱勇悍難馴統帶之員每難調遣此次目擊
楊載福奮勇冠軍士卒用命雖桀驁性成亦爲

聖皇聖略卷八十五

三

心折將來大軍整旅東征必能和衷共濟尤爲
軍營緊要關鍵現飭水陸馬步專注九江以期
建瓴掃蕩所有尤爲出力之副將李成謀參將
李濟清可否先行

給予獎敘陣亡之把總劉長慶蕭得勝六品軍功李有
昇應請照例議卹其餘出力並傷亡員弁兵勇
容再查明分別獎卹奏入

上命軍機大臣傳諭福濟曰楊載福一軍下勦克復安
徽望江東流銅陵三縣著福濟迅卽派員分赴防守
招集鄉團齊心堵禦毋令得而復失

上諭內閣曰此次楊載福統帶水師轉戰一千餘里克
復縣城三處且與紅單船聯絡大振軍威九江賊匪
自可乘機掃蕩所有打仗出力之副將李成謀著賞
給伊祖父母父母二品封典以示優獎參將李濟清

聖皇聖略卷八十五

四

著以副將儘先補用其陣亡之把總劉長慶蕭得勝
六品軍功李有昇均著該部照例議卹
官文都興阿胡林翼又奏言接奉

諭旨李孟羣退守麻埠飭湖北迅撥兵勇越境堵勦臣
等查九江各營圍勦潯城分防小池口湖口彭
澤等處且戰且守已無餘力可分至馬步各軍
進勦宿松太湖深入皖境已兩月餘桐城舒城

望江潛山及安慶省城之賊均係粵逆盤踞最久臣都興阿督率各營由宿松太湖三路分勦尙有防不勝防之勢擬俟潯城收復再行添調兵勇協助臣等愚見馬步水師均已馳入江皖節節進逼萬難抽調惟有力圖潯城及宿太等處股匪再相度江皖情形何路緊要卽行馳往庶免顧此失彼之虞

聖朝聖訓卷一百八十五

五

同日德興阿翁同書奏言臣等查瓜鎮逆匪糧食垂盡而賊首吳如哮兇狡異常專望金陵來援運糧固守南北兩軍久已合圍賊匪無從出掠惟慮金陵賊船由南岸沿江下竄疊飭水師參將黃彬等節節堵勦果有賊船屢次乘夜思竄均被觀音門水師擊回江面肅清未容片帆得渡而下關一帶又有大小賊船揚帆下駛復

經水師攔擊沈毀賊船多隻餘船悉傍南岸江灘飛棹而回臣等仍當一面杜其接應一面迅攻老巢與和春等併力圍勦以冀南北同時克復均奏入報

初五日 壬午 德興阿奏言頃奉

諭旨以武職幫辦乏人

聖朝聖訓卷一百八十五

六

飭令和春酌保帶兵大員一人前來幫辦仰見皇上垂念江北之至意查武職幫辦必須臨陣勇敢調度有方方能勝任和春軍營人材惟有張國樑謀勇兼優忠勤素著但江南正在喫緊張國樑未必能來其餘各員臣等俱未敢深信因思江北軍營中非無武職得力大員查有總兵鞠殿華久歷戎行能戰能守足以當此重任合無仰

臣督勦不力調度乖方請

旨將臣交部議處奏入

上諭內閣曰此次捻匪與粵逆勾結竄陷霍山縣城實因賊眾兵單所致李孟羣因在獨山督勦赴援不及著加恩免其議處知府袁懷忠守備余先元帶勇防勦未能先事豫防均著暫行摘去頂戴代理霍山縣知縣補用縣丞王自銘雖因赴鄉籌糧究難辭咎著一併摘去頂戴責令帶罪立功以觀後效

聖朝聖考卷百八十五

九

初七日甲著齡奏言查安仁賊匪搭造浮橋將欲渡河撫州城賊分股出踞新路鋪距李定太營甚近必須先行翦滅再勦安仁九月初九日李定太督隊分路直攻新路鋪斃賊無算而安仁之賊分股渡河竄至河坊村離東鄉僅十餘里李定太派衡勇等營防堵撫郡賊匪抄襲自

聖朝聖考卷百八十五

十

率各營往勦進紮大福岡屢敗撲營賊匪先是臣探聞河坊賊聚日眾安仁之賊分犯貴溪餘干恐李定太戰久力疲當飭道員帥遠燁帶勇一千名副將周鳳山帶勇一千七百名均赴東鄉會同李定太進勦河坊安仁以援貴溪餘干適安仁賊匪之分犯貴溪者屢被李元度擊退由鷹潭竄往金谿與撫州賊匪會合其犯餘干者亦經兵團擊退十月初四日安仁賊匪全股渡河竄往鄧家埠當將縣城收復而各路賊眾悉萃東鄉帥遠燁周鳳山所帶各勇行抵東鄉紮營與李定太軍營相離四五里時河坊賊眾於虎字營對面築壘十餘處李定太囑令周鳳山等趕修外濠不必出隊自率各營分路直撲賊壘正在得手之際不意左路另股逆匪數千

人來撲周鳳山帥遠燁營盤周鳳山率隊迎擊賊匪愈來愈多復有逆匪萬餘人繞由東北擁擁撲營帥遠燁營盤被焚力竭遇害周鳳山前後受敵勇被衝散李定太聞警徐將隊伍撤回甫抵本營而襲破周鳳山等營壘之賊即行退去初九日該逆分九股來撲每股約四五千人包圍我營火器雨集營中同時火起勇多潰走

欽定剿平粵匪方略卷一百八十五

十一

李定太即馳往截剿破賊擊斷二指各營相繼被陷李定太突圍而出退紮武陽渡現在逆眾屯聚撫郡並分抵進賢境內臣已飛飭臨江吉安水陸各營扼守贛河西岸李定太堅守武陽渡周鳳山分防三江口以杜逆匪西竄仍督催臨江各營速拔郡城移師夾擊九江鎮總兵李定太此次失利實由賊眾我寡且經苦戰五月

情尙可原合無仰懇

逾格鴻慈免其置議副將周鳳山經李定太飭令修築營牆毋庸出隊乃因另股賊匪撲犯率行出戰以致營盤襲陷咎無可辭應請即行革職道員帥遠燁激於義忿自行募勇千人奮志殺賊力戰陣亡實堪憫惜遊擊麟春長德通判陳徽言已革知縣莊丙熊把總柳逢源徐震雲曾聯勝

欽定剿平粵匪方略卷一百八十五

十二

李雲興何起彪武舉黃金華外委曾興發張言順額外阮得勝恩騎尉劉朝棟從九品巨丕勳貢生歐陽繼韓生員言汝玉萬泰步兵闕連陞布政司理問帥疇臨陣捐軀均堪矜憫應請飭部併從優議卹奏入

上諭內閣曰此次李定太剿賊失利實因眾寡不敵且已力戰受傷情尙可原著加恩免其議處副將周鳳

山輕率出戰以致營盤被陷咎無可辭著革職留營責令力圖堵禦以觀後效陣亡道員帥遠燁等均著交部從優議卹以慰忠魂

者齡又奏言臨江各營自擊退大股援賊後更番攻城該逆猶望外援劉長佑乃於營後二十里偽為援賊復至之狀賊果被誘出犯先以數十人覘我虛實隨分數路猛撲營內各勇鼓譟

聖朝聖略卷三十五

三

而出敗其南路之賊斬馘無算餘賊急奔入城西路北路東路之賊來救並經劉長佑蕭啟江劉于瀆等邀擊敗之康國器等率領水陸兵勇往攻新淦縣城亦將南北兩門土城賊卡踏毀臨臨郡逆首程瀛等屢次遣人求降適傳安徽援賊將至該逆又復游移劉長佑等督勇過濠築壘於西南坡上俯瞰城中賊悉眾出爭被擊敗

退劉長佑親駐新營嚴行守禦劉于瀆亦將平江營移紮近城期以必克惟皖匪已至撫郡勢必分援臨吉該逆屢次乞降難保非緩我攻勦待彼援應臣已嚴飭劉長佑等迅圖克復勿墮詭計

聖朝聖略卷三十五

十四

者齡又奏言阜田賊匪分股五千餘人竄至峽江縣擾及烏江仁和經康國器截擊賊始不敢下竄而劉田等處之賊悉趨峽江將由此路往援臨郡自烏江至縣城沿河二十餘里紮營四十五座知縣劉騰鶴率隊往勦賊分三路來拒鏖戰逾時賊勢稍卻復有賊馬來衝劉連捷從山坡壓下周福昆從山後繞出賊馬驚逸賊隊大亂我軍齊進斃賊七八百人餘匪敗匿縣城及沿河賊壘劉騰鶴薄城圍攻劉連捷督勇先

登殺賊無數餘匪逃向阜田追斬一千餘名溺斃不計其數阜田之賊聞風逃竄一由三曲灘東渡吉水一由桐樹坪退屯吉郡城下劉騰鶴進攻真君山賊壘焚燬賊營斃賊一千有餘張運蘭等老湘營及普承堯之寶勇已抵沙溪知府趙煥聯率字營參將劉培元率長字營會合曾國荃吉字營移紮洙口亭進擊沙江股匪

欽定剿平粵匪方略卷八十五

十五

敗其援賊參將遮克敦布帶領贛饒兵勇行至泰和值賊匪圍撲縣城奮勇援救賊眾解圍逃竄遂由花石潭直擣白沙殲賊一千數百人追至永和地方收隊紮營白沙吉郡悍賊糾集土匪圖撲我營遮克敦布等敗之賊復用船潛來劫營被我軍擊沈三艘餘即退回張家渡遮克敦布等率勇進攻石逆已糾集大股分水陸三

路而來遮克敦布等堵擊獲勝賊不得逞此各營勦賊之情形也臣查前次赴援臨江之賊此時多聚吉安現在我軍老湘營湘後營寶勇自北進吉和長三營自西進遮克敦布等自南進三面分攻以殺其勢臣仍督飭各營節節勦洗先將城外逆眾撲滅偏城圍勦迅圖克復奏入均報

欽定剿平粵匪方略卷八十五

十六

初八日乙酉福濟鄭魁士奏言查逆捻勾合賊匪竄圍音德布營盤音德布及和州知州陳麟昌等先後接仗潰圍退守移紮官渡廬州距和三百餘里聞信派隊赴援探聞賊眾緊跟竄至官渡搭橋過河直撲全椒經副將塔思哈蕭開甲參將余成蛟憑河扼守人心甫定該逆即在香

泉紮住而烏江之賊又由東路竄入綽廟集全椒萬分喫緊該副將先留兵丁會合音德布現存兵勇駐防官渡隨即督帶大隊由觀音庵田家渡進勦賊已由綽廟集擁至河岸我軍分路迎勦敗其前隊後隊死拒不動余成蛟等三面夾攻鏖戰數時該逆首尾不能相顧退往綽廟集各軍跟蹤追逐遂將賊營五座踏毀餘賊向

聖朝軍方略卷一百八十五

七

右橋新甸廟一帶奔逃音德布亦派兵由官渡趕至會同追殺斬首七百餘級仍回官渡駐守擒賊雖在夾山關香泉一帶盤踞出沒全椒情形已鬆而新甸廟竄賊二千餘搭橋過河擾至司家灣距烏衣不遠塔思哈由官渡帶隊馳抵烏衣賊聞援師大至遁回江浦塔思哈等留軍千餘駐紮烏衣協守滁州門戶並令音德布等

將官渡各要口分紮營壘力扼全椒門戶現准德興阿咨調侍衛伊興額馬隊赴皖協勦如果該侍衛即來更助音德布一臂之力臣等查和州瀕臨大江久被賊踞城垣坍塌去冬克復後無可憑守音德布暨該州陳麒昌據險紮營屏蔽東路此次賊捻合股攻撲猝以兵單糧缺潛師突圍雖稍挫軍威仍能協同援兵力保滁全

聖朝軍方略卷一百八十五

十六

腹地功過實足相抵可否將音德布陳麒昌均免其置議出自

逾格鴻慈塔思哈蕭開甲余成蛟帶兵赴援所向克捷
額懇

恩施先予獎勵其餘在事出力員弁兵勇容臣等彙案保奏奏八

上命軍機大臣傳諭勝保袁甲三日前因和州失守滁

州清流關喫緊諭令勝保袁甲三撥兵前赴該處堵
剿本日據福濟等奏和州賊匪經官軍進剿疊次獲
勝現派兵勇駐紮烏衣防守滁州門戶全滁業已化
險爲平勝保等卽毋庸撥兵前往李孟羣因霍山失
守駐紮麻埠兵力甚單勝保等前派總兵樂善進紮
洪家集距六安州祇數十里恐尙不敷援剿著卽酌
量添派前往攻剿六安俟李孟羣克復霍山卽可與

聖專專方略卷一百八十五

十九

勝保等所派兵勇會合爲次第廓清之計毋誤事機
上諭內閣曰此次賊捻攻撲音德布突圍退守仍能協
同援軍力保全滁功過尙足相抵總兵音德布知州
陳麒昌均著免其置議仍責令進擣和州以觀後效
赴援出力之副將塔思哈蕭開甲均著記名以總兵
用參將余成蛟著以副將遇缺儘先補用其餘出力
員弁等准福濟等彙入廬州擊賊案內擇尤保奏

福濟又奏言查藩司李孟羣身經百戰勇略兼
長因賊衆兵單困守六安西界於大局毫無裨
益以勝保袁甲三得勝全軍尙審慎持重不克
直擣州城李孟羣自亦難冒險獨進與其孤立
而無效曷若變計以求全 臣愚擬請

皇上特旨責成勝保袁甲三進圖六安兼顧西北其已
復之英霍並

聖專專方略卷一百八十五

二十

飭令湖北督撫派隊越境堵扼兼爲勝保等策應至李
孟羣係實缺藩司本當蒞任况廬州東南各路
逆衆麕集攻剿需人鄭魁士駐扼廬州力難兼
顧 臣居中調度遇有分撥援應殊覺左右支絀
應懇

大恩傳諭李孟羣帶兵速赴廬州相機商取舒城兼顧
三河巢縣和州等處一轉移間於皖北大局實

有關緊奏八

上命軍機大臣傳諭福濟鄭魁士曰李孟羣一軍自鄂
援皖原以疏通廬州西境現在霍山復陷該司正當
力圖克復與勝保等所派兵勇會克六安始能統兵
前進此時斷不能令其即赴廬州致成株守至湖北
官軍沿江攻勦正當喫緊前經官文等奏明實係不
能分撥已飭進勦宿太之軍為李孟羣援應現在皖

聖事聖方略卷一百八十五

三

境賊匪充斥皆由桐城退敗之後該撫坐守廬州置
失陷之區於不問以致賊勢愈張舒城復失含山和
州相繼失事福濟身任封疆竟以用兵之事誘之鄰
省既稱鄭魁士難於兼顧又欲李孟羣併入廬州似
此情形直是以兵自衛所謂居中調度者其謀畫安
在耶李孟羣素有謀勇雖偶然失挫得勝保撥兵相
助必有轉機鄭魁士久歷戎行戰功屢著當此賊氛

猖獗應如何力圖攻勦將舒巢等失守各城次第收
復翦除該逆羽翼自固藩籬不當束手無策至此也

同日江蘇布政使文煜奏言臣於本年十月交
卸江北糧臺二十二日馳抵常州二十五日准
蕭時馥將實存銀兩官票卷宗移交前來臣即
於是日祇領並刊刻總辦江南軍營糧臺江蘇
布政使關防一顆開用接辦查江南糧臺自督

聖事聖方略卷一百八十五

三

臣何桂清督同王有齡籌餉以來不患入款之
少而患出款之多督臣復飭蕭時馥將各分局
全行裁撤歸併兩局凡稍可節省之費業已十
減其七差遣委員亦裁汰過半臣當恪遵督臣
章程就近稟商辦理奏入報

聞

初九日丙戌和春奏言金陵援賊由石埠橋龍潭

至沿江沙洲一帶步步前進連營二十餘里欲

攻我高資營盤以圖聯絡鎮城接濟糧食十月

十七日句容紅子橋地方有賊匪二千餘人竄

至牌頭橋上海村一帶兵勇分股迎勦賊始敗

竄計斃逆匪三四百名二十二日城中逆匪千

餘潛赴江邊襲我高資東路營盤我軍迎擊獲

勝斃賊無算二十六日金陵援賊約四五千繞

至南岸撲我高資西路營盤我軍分三路抄擊

賊衆大潰而柴圩賊巢內又出兩三千人分路

來援張國樑親督副將戴文英等分途接戰逆

衆少卻兵勇直前衝殺逆屍枕藉約斃賊五六

千名餘匪飛遁入巢張國樑許乃劍會商鎮逆

接濟久斷所恃全在外援今又勾結捻匪糾集

醜類屬聚江濱意在奪我高資必須將此股援

欽定剿平粵匪方略卷一百一十五

三

賊悉數掃蕩方能絕其希冀之心當傳令各營

戒嚴持重以待其來二十九日援賊二三千人

渡過運河南面連築三壘直逼我營之左各兵

勇分途疾馳直撲逆匪新營逆匪出巢拒戰沙

洲賊營亦開礮相拒張國樑揮軍直進逆勢不

支敗走入巢馮子材張玉良等分攻賊營破其

三壘餘賊搶過浮橋欲往沙洲竄逃適臣督軍

趕到遂會合張國樑跟蹤追擊斃賊不計其數

賊大敗不敢歸巢落荒而逃張國樑乘勢圍攻

賊營營內賊匪奪路欲遁兵勇衝進殺賊甚多

即將賊營六座一併奪獲餘賊四散奔逃適虎

坤元由句容趕至合力截殺自高資至下蜀街

之東綿亙二十餘里所有援賊營壘卡房四十

餘座一律踏平共計殲斃淹斃賊匪不下五千

欽定剿平粵匪方略卷一百一十五

三

餘名伏查逆首吳如暉因守孤城希冀外援苟延喘息此次大受懲創足以褫逆魄而快人心現已申徹各營益加謹慎儘該逆鋌而走險立即分投跟勦以期掃淨根株奏八

上諭內閣曰金陵逆匪因鎮江之賊被圍窮蹙率黨來援並勾結江北捻匪冀圖竄併此次大受懲創援賊淨盡鎮江賊匪已屬坐困無援著和春等迅督諸軍

勦擒逆首

奏

剋期收復毋任竄逸

和春又奏言臣接奉

諭旨令保江南軍營武職大員幫辦德興阿軍務旋接德興阿來咨以江南軍營人材惟張國樑謀勇兼優此外恐難勝幫辦之任特保江北武職大員總兵鞠殿華堪當此任等語查張國樑現在親統大軍扼紮高資攻勦萬分喫緊本難移動

此外提鎮各員亦於江北情形生疏德興阿所保鞠殿華一員臣亦聞其勇敢有為係江北武職大員出色人材以之幫辦軍務定能得力奏八

上諭內閣曰山西大同鎮總兵鞠殿華現在德興阿軍營即著幫辦軍務

十二日己未晏端書奏言浮梁賊匪竄入祁門縣

勦擒逆首

奏

境當飭祁門之華橋柏溪兩處防兵嚴密備禦該逆由一心嶺竄至離城五里盧公橋經遊擊馬懷珍等帶兵迎擊頗有斬馘該逆隨竄越縣城進偪華橋營盤時守備周光順等趕到該逆退踞五里牌堅築營卡周天受江長貴先後馳至派隊分路進攻酣戰多時周天受督同唐寶昌等由小徑疾趨抄入王夢齡等沿河截殺江

一第... 冊... 4... 及... 句

長貴亦由山梁督隊追勦四面包抄該逆紛紛
敗退連戰皆捷焚燬五里牌賊巢追殺三十餘
里沿途斬獲甚眾解散脅從數千餘匪盡向池
州府竄逸查此次浮梁股匪竄入祁境意欲由
徽至甯聯絡蕪湖卡匪茲於竄擾之初遏其兇
燄不至勾結蔓延勦辦可期得手藍翎五品軍
功儘先把總柳向春手刃數賊力竭捐軀仰乞

聖恩

奉

恩施飭部從優議卹以慰忠魂奏入

上諭內閣曰此次賊匪竄擾祁門意圖勾結蕪湖股匪
經周天受等會同擊退力扼要衝勦辦尙爲得手著
卽將竄匪悉數殲除毋留餘孽藍翎五品軍功儘先
把總柳向春殺賊捐軀殊堪憫惻著交部從優議卹
十九日 丙申 德興阿翁同書奏言 臣等連日飭令
馬步各營晝夜換隊明攻暗擾使賊不得休息

臣德興阿親督官兵至八里鋪一帶修築營盤
揚言新調北路勁旅萬餘名移營進逼該逆聞
之益形恐懼適南岸外援又經和春等擊敗該
逆食盡援絕萬分窮蹙連日於深夜潛出向土
橋一帶衝撲經水陸官軍擊回每次均有斬擒
十一月十二日 臣等密派總兵成明等薄暮潛
師而進鞠殿華前戰受傷是日仍裹創乘馬會

聖恩

奉

同成明等進攻行至四里鋪聞賊營內人聲鼎
沸知其膽虛驚擾遂督隊魚貫而進直撲賊營
該逆登陴拒戰我軍賈勇踰溝將火器拋入賊
營引燃火藥煙燄衝霄適見隔江山上亦有火
起知係南軍得手我軍人人奮勇將上中瓜州
土城圍住踰城而入賊匪見勢不敵各鳥獸散
焚殺淹斃者不計其數當將瓜州克復指揮丞

相檢點元勳師帥司馬等偽官悉就誅戮東路
下瓜州賊營尙有餘匪二百餘人膽敢持械抗
拒經官兵迎擊殲斃大半餘匪投水自溺隨將
賊營五座踏毀一面揀派得力大員迅帶馬步
兵勇即日移師西上進攻江浦查粵匪踞守瓜
州迄今五載仰仗

皇上天威一鼓而克洵足以大快人心其南岸沿江一

聖祖聖訓卷八十五

三

帶同時火起想鎮城亦已克復從此大江南北
可以計日廓清所有江北水陸官兵容臣等將
在事出力文武員弁擇尤酌保用示鼓勵奏入

上諭內閣曰瓜州逆匪踞險負隅已歷數載自德興阿
等統兵圍攻疊次奏報水陸均能得手正盼捷音速
奏迅掃賊巢茲據該大臣等奏稱已於十一月十二
日克復瓜州覽奏實爲欣慰德興阿督師兩載調度

有方加恩著賞戴雙眼花翎並賞給騎都尉世職翁
同書贊畫機宜躬親督隊加恩著賞穿黃馬褂以侍
郎候補翰殿華業經派令幫辦軍務此次裏創立戰
奮勇可嘉著賞加提督銜遇有提督缺出由軍機處
提奏其餘出力文武員弁著德興阿等擇尤保奏候
朕施恩

二十一日戊戌德興阿翁同書奏言臣等於本月

聖祖聖訓卷八十五

三

十二日攻克瓜州業將大概情形馳奏茲據土
橋水師總兵陳國泰稟稱十二日黃昏時遙聞
北岸槍礮之聲知陸營出隊卽分駕紅單等船
乘風直抵瓜州駛進大口擊沈匪船多隻淹斃
賊匪不計其數忽見賊壘內起有火光知陸兵
業已得手揮令師船擁偪江岸火器齊施該匪
四出逃走殺賊甚多奪獲大小船三十餘隻瓜

州隨即克復又據焦山水師總兵泊承陞陳世忠稟稱十二日督帶艇師進攻鎮江瞥見瓜州小口突出大小賊船數十隻揚帆而南各艇加槳迎截擊沈賊船三十餘隻賊船轉帆欲遁艇師分兩翼抄截圍燒焚斃及赴水死者約計千人乘勝分幫進逼金山登岸搜捕餘賊披靡落水死者不計其數復督各艇施槳直前逼近瓜

欽定剿平粵匪方略卷一百八十五

三

州之新河口龍王廟等處將賊船攻毀現在分幫駐紮金山等情又據陸路副將英貴等稟稱於江邊蘆葦叢中搜獲餘匪五百餘名生擒偽總制蕭禮方胡有馨偽元勳陸有汰等概行正法瓜州一帶東西數十里內一律肅清現已派成明宣明阿帶領馬步諸軍前赴浦口並令陳國泰督帶水軍西上迅掃逆氛奏入

上諭內閣曰德興阿等督兵克復瓜州時水師總兵陳

國泰等分駕紅單等船駛進瓜州大口斬斷鐵鍊擊沈該匪大小船多隻泊承陞陳世忠等亦於是日將瓜州小口賊船擊沈三十餘隻瓜州一帶東西數十里一律肅清並無竄匪漏網勦辦實屬奮勇所有土橋焦山水師出力各員弁著德興阿等查明彙保請獎

欽定剿平粵匪方略卷一百八十五

三

同日和春奏言南岸官兵於十月二十九日大捷後三十日復奪獲下蜀街西賊營十七座斃賊無數並殺死首逆洪秀泉之姪偽安王洪芒發及偽丞相等多名賊供洪逆因鎮城糧斷勾結捻匪並調和巢一帶賊黨來援實有數萬之衆兩次被官兵殺死大半嗣後尙有大股前來等語本月初八日探得龍潭又到援賊萬餘在

該處築壘勢甚狃猖 臣與張國樑許乃劍會商
此次援賊來勢甚速惟有乘其初到馳往痛勦
方可以絕鎮逆之望當即派兵分道進剿初九
日行抵龍潭賊以大股迎戰相持甚久張國樑
別遣一軍攻其最後之營虎坤元等乘虛衝入
賊壘立將賊營據住縱火焚燒該逆不敢歸巢
四散奔走其餘各營之賊仍復固守官兵拋擲
火器賊營火起賊眾越牆逃竄即將賊營七座
賊卡二處一律奪毀追殺數十里屍橫遍野斃
賊六七千名鎮城逆匪因糧絕援斷有傾巢出
撲高資以圖外竄之信 臣密飭各營一體嚴防
隨派隊攻打城外賊營並分路進攻各門賊匪
正紛紛出巢不圖官兵掩至且拒且走我軍直
偪外濠即將摩旗山賊營奪獲並將寶蓋雲臺

聖朝聖學卷百八十五

三

諸山賊營焚燬李若珠等分攻各門正遇賊匪
從西門出一路迎殺直偪城下李若珠督兵衝
入官兵相繼登城四面殺進斃賊不可勝計即
於十二日將鎮江府城克復其城內及城外賊
壘突出之賊分三路直撲高資張國樑先飭各
營嚴陣以待該逆不敢衝突適 臣督領李若珠
等馳至會合張國樑前後夾擊逆屍枕藉餘匪
紛竄官兵由高資追至倉頭沿途搜殺殆盡約
計殺賊近萬惟首逆吳如晔是否同時就戮未
敢懸擬當克復鎮城時遙見瓜州火發探聞亦
經官兵攻復瓜鎮兩巢一律肅清實深慶幸張
國樑謀勇超羣秉性忠正與 臣同心協力共濟
時艱許乃劍遇事籌商機宜悉協督 臣何桂清
督同署藩司王有齡設法籌濟軍餉顧全大局

聖朝聖學卷百八十五

三

後事宜並擬親赴大營犒賞軍士更足鼓舞兵心其瓜州一帶地方應辦善後事件亦著該督妥籌布置上諭內閣曰金陵逆匪分黨占踞鎮江與瓜州逆黨互爲犄角昨據德興阿等奏克復瓜州朕料賊窮蹙鎮江必能得手茲據和春等奏稱金陵四次來援之賊均已擊殺殆盡亦於本月十二日將鎮江府城克復和春督師以來調度有方此次復能力拔堅城實堪

聖學聖考卷一百八十五

三

嘉尙加恩著賞戴雙眼花翎並賞給二等輕車都尉世職幫辦軍務湖南提督張國樑秉性忠正謀勇超羣與和春同心協力共奏膚公加恩著賞給騎都尉世職三品頂戴前任江蘇巡撫許乃釗協贊戎機著有勞績加恩著賞戴花翎兩江總督何桂清籌濟軍餉不遺餘力能令士飽馬騰奮勇用命加恩著賞給太子少保銜署江蘇布政使按察使王有齡隨同籌

畫餉精實與效力行間無異加恩著賞給二品頂戴其先行保奏尤爲出力之陝西陝安鎮總兵王浚廣西右江鎮總兵李若珠均著賞加提督銜雲南鶴麗鎮總兵余萬清著賞戴花翎甘肅巴里坤鎮總兵明安泰湖北宜昌鎮總兵虎嵩林直隸通永鎮總兵虎坤元均著交部從優議敘總兵銜儘先副將廣東雷州營參將張玉良總兵銜儘先副將湖南撫標參將周天培總兵銜兩江督標中軍副將戴文英儘先副將廣東提標遊擊馮子材均著交軍機處記名遇有總兵缺出請旨簡放已革浙江黃巖鎮總兵陳世忠著開復總兵仍留原任江南狼山鎮總兵泊承陞著開復頂戴以示獎勵其餘在事出力文武員弁兵勇著和春等查明保奏候朕施恩

聖學聖考卷一百八十五

三

同日福興奏言饒州所屬之景德鎮地方逆匪

踞爲巢穴數年之久江皖大股匪徒往來出沒
 悉由於此臣檄令署知府馮洵號召浮梁樂平
 等縣民團協助進攻馮洵會商在籍之已革皖
 南道石景芬招集鄉團數千抽撥饒防官軍從
 黃岡鮎魚山一路會合前進十月初一日敗賊
 於湘湖街初二初三日敗賊於高規渡沖雞嶺
 白鷺港等處另股竄撲鮎魚山一路亦經把總
 朱洪章擊敗回巢逆勢已衰初四日兵團進擣
 景鎮敗其撲營之賊匪衆退赴羅家灘初六日
 官軍鄉勇分道追殺羣賊悉往洗馬橋一路遁
 走遂將景鎮收復察看逆蹤皆竄往祁門建德
 一帶臣抽撥協和營勇交馮洵派往協防稍資
 厚集奏入報

聖皇聖考百八十五

三



聞

二十三日 庚子

上命軍機大臣傳諭官文都興阿胡林翼楊載福曰昨
 據德興阿和春先後奏報本月十二日克復瓜州鎮
 江已諭令該大臣等乘勝進攻金陵揜渠埽穴惟該
 逆鋌而走險若從金陵竄出必奔安慶而上游九江
 尙未克復楊載福一軍勢難遽行東下該提督前已
 駛過安慶攻毀賊營數處其用兵謀略實有過人之
 處現在金陵可望克復若得該提督水師與紅單等
 船會勦該逆必無逃竄之路著官文等卽傳旨令楊
 載福速攻九江毋再延緩一經得手卽乘勝將沿江
 賊壘埽除直抵安慶都興阿督帶陸兵進勦宿太如
 楊載福已克九江移師東下水陸相輔更能得力楊
 載福已離楚境以後軍務情形卽著該提督自行奏
 報如與都興阿軍營相近卽著會銜具奏

聖皇聖考百八十五

甲



二十八日巳乙德興阿翁同書奏言臣等克復瓜鎮後金陵逆匪出船多隻在觀音門口內屯聚似欲接渡敗殘之賊經參將黃彬等督船直進觀音門內河賊望下關逃遁黃彬等揮令各船追勦賊眾棄船登岸各勇亦登岸追捕斃賊無算餘俱潰散遊擊彭常宜瞭見五龍山巴斗山燕子磯一帶火光延互親帶快船直進口門遙

聖聖聖方略卷百八十五

望

見賊船在巴斗山下過渡飛駛向前截擊該逆見我軍突至四散奔逃遁至燕子磯山根棄船登岸奔向賊壘我軍跟蹤追殺槍近賊壘彭常宜手刃賊目一名逆眾見賊首伏誅紛紛潰出我兵乘勢掩殺投塘落澗死者不計其數當將燕子磯賊壘攻克參將李新明亦於帶子洲江面奪獲賊划多隻並擒斬郭家斗門南岸之賊

乘勝進攻石埠橋直搗賊壘賊匪見勢不支全行潰散立將賊壘焚燬查燕子磯石埠橋皆係南岸濱江險要賊匪連營負固未易鏟除今經水軍協勦掃蕩無遺該水師上下夾擊其功甚偉相應籲懇

天恩准於克復瓜州案內一體從優獎敘奏入

上諭內閣曰燕子磯與石埠橋均係金陵險要經該水

聖聖聖方略卷百八十五

望

師將弁將賊營悉數鏟除辦理極為得手此次在事出力員弁著德興阿等彙入克復瓜州案內擇尤保奏

欽定剿平粵匪方略卷一百八十六 丁巳年

十二月初二日 己酉 德興阿翁同書奏言水師自

攻克燕子磯賊壘後遊擊彭常宣復於上月十

七日帶同都司江立坦駕船巡哨至南岸巴斗

山根見有賊匪藏匿林內彭常宣即跟蹤登山

追擒擊斃甚多時有賊首吹角招集外援拚命

衝突俱經我兵擊退復經水師前後夾擊賊勢

剿平粵匪方略卷一百八十六

不支紛紛越嶺逃散墜崖落澗死者甚眾生擒

賊首賴元益正法該遊擊新破燕子磯賊壘茲

復出賊不意手縛兇渠實屬異常出力應請

恩准將儘先遊擊彭常宣

賞加參將銜並請

賞給勇號以昭激勸奏入

上諭內閣曰遊擊彭常宣新破燕子磯賊壘茲復登山

搜捕擒斬兇渠實屬奮勇彭常宣著賞加參將銜並

賞給匡勇巴圖魯名號以示獎勵仍著德興阿等督

飭將弁迅即攻克江浦縣城以清江北

德興阿翁同書又奏言參領富明阿等進攻江

浦於上月十九日約會艇師夾擊各兵勇搶過

濠溝由土嶺繞至賊營南面城內突出賊匪四

五百人富明阿親帶馬隊揮兵迎擊斃賊多名

剿平粵匪方略卷一百八十六

參將黃志配等鼓勇齊進立將執黃旗賊目擊

倒追至河邊又斃賊多名總兵周希濂督帶水

師由北岸攻九洲擊沈賊船溺斃賊匪多名

復分兵攻擊乘勝直取下關斃匪無算奏入報

聞

同日和春奏言上月十二等日 臣督飭都司賴

鎮海等會剿金山柴圩等處賊營攻至鮎魚套

口焚燬賊船數隻奪獲大船四隻划艇八隻大小銅鐵礮位旗械不可勝計金山等處賊壘一律肅清鎮城逃出餘孽先於龍潭東陽一帶聚殲惟石埠橋尚有賊營派副將陶茂森等會剿沿途殲斃及投江撲河者約數千人由鎮江以至金陵之東水陸遺孽搜剿淨盡臣等復派總兵傅振邦等分路進兵該逆於城南竄出匪黨

欽定四庫全書

三

萬餘占踞秣陵關以遏我師又於東門出賊五六千經虎坤元等分路直抵賊營擊斃悍賊數十人又斃賊百餘人臣等現在相度形勢飭張國樑催督東南一路兵勇馳赴砂子岡高橋門一帶相機進剿陣亡之廣東南韶鎮標左營守備儘先都司蔣有元湖南鎮守中營千總包占元奮勇出力臨陣捐軀實堪憫惜相應請

旨飭部從優議卹奏入

上諭內閣曰此次掃蕩餘匪進攻秣陵關賊巢逆眾披靡敗竄張國樑已督兵馳赴高橋門一帶相機進剿著和春等分飭鎮將乘勝進攻迅將金陵克復殲厥渠魁以慰朕望陣亡之廣東南韶鎮標左營守備儘先都司蔣有元湖南鎮守中營千總包占元均著交部從優議卹

欽定四庫全書

四

初四日辛亥著齡奏言十月初間候補總兵普承堯等督兵進剿吉水縣踞匪由真君山等處分路逼攻初六至初八日連獲勝仗斃賊二千數百人焚燒賊巢十餘處擊沈賊船二隻初九十二等日吉水之賊疊次出撲均經擊退斃賊百數十人十九日夜卽補知縣黃秉珍等進攻縣城出拒之賊被殲無算忽有援賊二千餘人由

一五〇〇〇 冊 頁 參 四 五 反 文 小

山後來抄被官軍殲斃二百餘人各營乘勢繞城環攻緣梯直上已革都司劉光明執旗先登各隊奮勇上城殺賊無數當將縣城收復竄逸之賊復殲斃千餘人二十一至二十八日郡城賊衆出撲俱被擊退官軍乘勝進攻水東賊壘先後擒斬二千七百餘人溺斃者無算焚燒賊划百數十隻擊沈賊船八十餘隻攻破賊巢數十處奪獲礮械多件水東一律肅清臣查吉郡賊匪負隅抗拒其盤踞水東者尤衆吉水城池亦爲賊踞茲經各營步步攻勦先將近城各鄉匪巢次第剪除隨經水陸夾擊克復吉水三路並進肅清水東辦理洵爲奮勉業經臣飭令趕空長濠遏賊奔逸設法迅克郡城並派同知銜曾國荃總理吉安軍務各營均歸調度此次出

欽定剿平粵匪方略卷八十六

五

力人員可否容臣酌保數員俾資鼓勵藍翎外委羅有升劉百順臨陣捐軀殊堪憫惻應請

飭部議卹奏八

上諭內閣曰吉安逆賊分踞吉水縣城經記名總兵普承堯等分路進攻於十月十九日將縣城收復官軍乘勝進攻水東賊壘一律肅清此股賊匪業經大受懲創著者齡卽飭同知銜曾國荃督率兵勇速籌攻克郡城此次出力人員准其擇尤保奏陣亡之外委羅有升劉百順均著交部議卹

欽定剿平粵匪方略卷八十六

六

者齡又奏言撫州逆匪竄至進賢縣羅溪等處經臣飭甘肅安肅道劉于瀆廣東惠潮嘉道彭玉麟添派水師戰船前往協剿十月十八至二十一日四次進攻斃賊百餘人復將劍江口浮橋燒燬其窺伺三江口賊匪亦經周鳳山擊退

匪眾旋由崇仁竄至豐城圖援臨江踞賊即於

二十八日上竄樟鎮沿途被水師殲斃甚夥劉

于涇親督水陸各軍往剿該逆分竄新淦峽江

補用道劉長佑等節節進剿賊匪遁回淦城臣

查此股逆匪數萬人由安徽竄至江西意在救

援臨郡經臣飭令臨江吉安各營豫為布置該

逆竄至豐城繼陷樟鎮均為我軍所阻惟該逆

不得逞志下游勢必上犯峽江吉水現飭臨吉

兩郡各營竭力設法堵禦

耆齡又奏言補用道劉長佑等自十月間在臨

江近城築就新營更番轟擊十月二十日劉長

佑乘賊內亂出隊急攻該逆堅伏不出劉坤一

等商令各軍稍退以誘之小南門之賊果踰濠

來追我軍轉鬪破其土城是夜劉長佑約同劉

開

于涇等四面環攻鏖戰達旦斃賊二百餘人十

一月初四日賊突出二三千人攜帶短梯意圖

越濠逃竄劉于涇親督江楚各營排礮截擊斃

賊無數餘匪敗退城內臣現督飭各營奮力攻

擊並密囑設法解散賊黨迅圖克復奏入均報

同日晏端書奏言臣查甯防自本年七月移師

進紫老鴉山蕪湖之賊屢次竄撲均經我軍擊

退其時正值青陽股匪竄入南陵縣城復經鄧

紹良督軍進剿旋就克復厥後各匪雖仍多方

窺伺一經我軍會剿無不相率奔潰十月十五

日青陽逆匪在離城三四十里之三里店等處

盤踞圖犯南陵會合蕪湖逆黨為援救瓜鎮之

計疊經鄧紹良於各要隘派兵扼守一面調撥

開

開

各軍分途痛勦使之不敢深入以絕其下援之路和春已派得勝兵勇交通永鎮總兵虎坤元統帶馳赴甯國一帶會合勦辦當此軍務喫緊之際可否仰乞

聖恩俯准將甯防出力員弁容臣彙案酌保以資激勵之處出自

迺格鴻施奏入

欽定剿平粵匪方略

卷一八六

上諭曰屢次出力員弁准其擇尤會保

初五日子壬官文都與阿胡林翼奏言逆渠偽國

宗章志俊等由浮梁等縣糾眾二萬數千復竄湖口圖援九江皖賊亦分路上竄經臣等派道員李續賓於十月十三日馳往湖口會合楊載福等水師迎勦副將周寬世等分路截擊斃賊二千數百名其西洋橋等處賊眾遙擁來撲約

欽定剿平粵匪方略

卷一八五

萬餘人我軍連斃悍賊多名又以水師破船轟擊斃賊一千數百名追殺十餘里屍橫徧野生擒二百餘名就地正法奪獲旗械多件連日擄斬六百餘人鄱陽援賊屯聚彭澤之東坪關李續宜等設伏合擊破其卡壘共斃賊五千餘名沿途追殺六七百名生擒偽先鋒等四十三人訊明斬梟奪獲大小偽印六十餘顆旗幟馬匹無算十一月十五日宿松逆匪撲蕪州邊界督糧道唐訓方會合馬隊衝擊殺賊數百名賊始敗退太湖逆匪屬聚於楓香驛等處築壘多隆阿等分隊迎勦賊勢披靡鮑超等乘勝縱火焚燒賊壘斃賊三千餘名沿途追殺千餘名內有黃衣騎馬賊五六十名奪獲馬匹器械無數至由小路分竄陳德園之賊被唐訓方斬殺殆盡

臣等查該逆憤湖口九江之敗糾集大股上犯
仰賴

天威將士用命連戰皆捷江皖各軍殺賊二萬數千解
散賊黨不少實足大快人心刻下湖口彭澤都
昌各屬一律肅清惟宿太各路復有援賊屬至
仍當實力防勦此次出力人員查明開單懇請
鼓勵祇候

恩施奏入

上諭內閣曰此次江皖各軍殺賊二萬數千名解散賊
黨不少湖口彭澤都昌各屬一律肅清著官文等激
勵將弁將宿太各路援賊實力防勦並速克九江殲
除逆匪毋再遲延出力之副將周寬世著賞加總兵
銜趙克彰著賞給犖勇巴圖魯名號遊擊李續燾著
免補參將以副將遇缺升補朱希廣著免補遊擊以

參將儘先補用並賞加副將銜劉連升著以參將儘
先補用並賞換花翎都司謝永祐黃澤遠均著免補
都司儘先補用並賞換花翎千總李運洛著免補千
總以守備儘先補用並賞加都司銜賞換花翎知縣
梁作楫著賞戴花翎從九品萬遠培著免選本班以
州判儘先選用並賞加五品銜以示鼓勵

同日福濟鄭魁士奏言現在楚省水陸各軍連
復沿江州縣直擣安慶瓜州鎮江同時克復上
下游均甚得手而臣等東援西擊總未能迅速
奏功辜負

聖恩時深兢懼祇以臣等所駐之廬州三面受敵未可
輕動目下含山一股業經臣等派兵擊退並派
兵進紮昭關堵扼要隘音德布兵勇亦經續獲

勝仗不獨除全可保江賊暫無北竄之虞且瓜
鎮既復和春等必能分圖金陵江浦節節進剿
臣鄭魁士一聞警急自當馳往會剿似毋須專
駐東路仍以力扼廬州東西兼顧保全大局爲
要謹將廬州形勢繪圖貼說恭呈

御覽奏入

上命軍機大臣傳諭福濟鄭魁士曰據該撫等奏稱廬

欽定剿平粵匪方略卷三十六

十三

州三面受敵未可輕動並繪圖呈覽意在扼守廬州
先自立於不敗之地亦未始非用兵之道惟近日李
孟羣雖已克復霍山而六安廬江巢縣桐城等處尙
陷賊中若不相機攻剿必成坐困之勢鄭魁士現守
廬州當隨時偵探何路緊要卽馳往勦辦毋得株守
一隅置屬邑淪胥於不問此時江浦尙未克復德興
阿等兵力亦難遠顧西路福濟等旣知通籌大局仍

當相機分剿未可因循自貽後悔六安有勝保撥兵
與李孟羣會剿計日當可克復李孟羣到後兵力更
不嫌單著卽與鄭魁士合力將廬州屬邑次第收復
廓清江北卽以翦除南賊應援是爲至要

初七日甲寅英桂奏言伏查鎮江瓜州同時克復

江南大軍直擣金陵粵逆計蹙勢窮難保不奔
安慶皖北情形自宜豫籌防範六安久爲賊踞

欽定剿平粵匪方略卷三十六

十四

李孟羣兵力尙單急應派撥重兵力圖規復臣
仰蒙

恩命飭卽回駐正陽竊維豫南皖北兩地軍情同爲緊
要且均爲臣經手督辦之事並無畛域之分自
應卽時馳往與勝保袁甲三等籌商辦理惟現
在豫省情形南路伏莽尙多急應嚴行搜捕河
陝汝南陽汝甯五屬被匪蹂躪之處瘡痍未復

人心未安緝捕撫綏在在均關緊要加以東省曹屬竄匪時圖窺伺河北東路密邇皖省逆氛尤為可慮儻臣督兵遠出腹心之地稍有疏虞不特豫省全局不堪設想即直東山陝俱為震動查正陽距歸陳已五六百里距豫境西北千有餘里一切俱難兼顧惟有籲懇

天恩准臣暫緩赴皖一俟豫境南路肅清即行馳赴正

聖聖聖聖聖聖聖聖

聖聖聖聖聖聖聖聖

陽會同防勦斷不敢稍涉推諉至六安為逆匪巢穴李孟羣暨樂善等各軍現已聲勢聯絡以臣愚見所及應令勝保督率諸軍親攻六安袁甲三駐守正陽就近調度兼顧北路門戶臣俟豫境情形稍鬆苟可分身赴皖亦即星馳前往相應請

旨飭下勝保袁甲三先行會商妥速辦理以期無誤事

機奏八

上命軍機大臣傳諭英桂勝保袁甲三日豫省南路伏匪尙多亟應搜勦河陝汝等屬被賊蹂躪之區瘡痍未復緝捕撫綏均關緊要正陽距豫境西北千有餘里英桂勢難兼顧請暫緩前往所奏尙屬實在情形袁甲三現在正陽即著駐紮該處以遏賊衝其穎亳等處餘匪有朱連泰史榮椿等兵勇足敷勦辦著袁

聖聖聖聖聖聖聖聖

聖

甲三就近調度速籌掃蕩其六安賊巢僅有樂善一軍會同李孟羣攻勦兵力尙單著勝保統帶勁旅即日前往督勦以期速克州城即可將皖北逆眾次第掃除英桂俟豫省搜勦事宜稍定仍著馳赴皖省督辦

初八日乙卯何桂清奏言臣查鎮江府城自被賊占踞以來已將五載城內房屋盡成瓦礫本地

居民幾至靡有孑遺所有救出難民數千俱由
兩湖江皖金陵揚州等處裹脅而來鳩形鵠面
衣不蔽體經喬松年專派委員督飭府縣勸諭
紳董設廠收養有親戚可依者隨時遣散其無
家可歸者仍行留養京口駐防旗營官兵及鎮
江營兵業經臣飭就燼餘房屋略爲修葺俾資
棲止並經和春等派鶴麗鎮總兵余萬清等統

欽定剿平粵匪方略卷一百六十六

七

帶兵勇分紮金山等處以資防堵酌留艇船數
隻交署副將鞠耀乾統帶在瓜鎮上下游江面
與駐防兵勇聯絡巡防以安商旅至揚州由甯
兩關爲稽徵稅課之地自應卽行復設第揚州
情形凋敝商賈未通南岸丹徒運河數年未濬
淤成平陸往來船隻大都繞道三江口等處出
口至孟河等處進口擬將丹徒運河趕緊興挑

俟南北舟楫通行揚州生聚日繁再行設關啟
徵臣現督飭官紳將應辦善後各事宜設法次
第辦理奏入

上諭內閣曰鎮江瓜州久爲賊踞現經大兵克復所有
設防及善後事宜亟應妥爲籌畫茲據何桂清奏查
看鎮江府城內外房屋半成瓦礫居民顛沛流離被
難情形實堪憫惻該督現飭常鎮道喬松年酌派委

欽定剿平粵匪方略卷一百六十六

十六

員勸諭紳董設廠收養難民卽著督飭該員妥爲撫
恤毋令一夫失所至丹徒運河南北舟楫通行爲揚
州由甯兩關稅課所自出現已數年未濬亦著照該
督所請選派紳士設局勸捐一俟集有成數卽行趕
緊興挑至所陳水陸設防分別駐紮各事宜均著照
所議辦理

同日

上諭內閣曰江蘇鎮江府城被賊竄踞時閱五載近經官軍攻克兵燹之餘瘡痍滿目朕軫念民艱彌深憫惻蘇松常太等府州屬地方亦因偏近賊氛凡捐餉辦團等事紳民踴躍從公不遺餘力現值地方肅清自應特沛恩施以蘇民困加恩著將丹徒縣咸豐八九十等年圍境新賦全行豁免其鎮江府各屬及蘇松常太四府州屬咸豐六年以前民欠錢糧漕米等項並著概予豁免

欽定四庫全書

九

欽定四庫全書

十

初十日丁巳德興阿翁同書奏言揚營陣亡武職大員以已故總兵晉贈提督雙來瞿騰龍二員被害最為慘烈該故員荷蒙天恩高厚贈卹有加飾終之典至優極渥惟揚城係死事地方闔郡紳民至今追痛仰乞

恩施准令於揚州府城外建立雙忠祠並查有揚州府

知府世焜於咸豐六年揚州再陷時慷慨赴義罵賊而死又有侍讀銜內閣中書鍾淮毀家紓難於咸豐三年間力竭捐軀均經奉旨從優議卹堪以附祀奏入

上諭內閣曰總兵追贈提督雙來瞿騰龍先後在揚州力戰陣亡大節凜然著准其在揚州城外建立雙忠祠前任揚州府知府世焜侍讀銜內閣中書鍾淮均因禦賊捐軀並准其一併附祀

十四日辛酉德興阿翁同書奏言十一月二十四日成明富明阿等率領馬隊進攻江浦縣城該逆惟於城上開礮相拒南門內突出賊數百名攢擁而來經官兵斃賊數十名敗奔回城我軍追殺直至濠邊溫紹原等亦帶領六合練勇馳至先後獲勝總兵陳國泰等於十一月十一

一五... 6 反...

聞

日圍攻九洲賊壘擊斃賊匪不計其數臣等亦即起程由儀徵六合前往督攻奏入報

十五日壬戌官文胡林翼奏言臣等查九江情形自湖口克復後賊益窮蹙十月十九二十八等日復經候選道李續宜擊退賊援該匪屢思走險而重濠不能飛越均被我軍截回檻獸釜魚

聖皇聖略卷一百八十六

三

聚鐵可待廣東惠潮嘉道彭玉麟所管內湖水師以八營防勦江西省河贛河以二營留駐湖口與楊載福李續賓水陸攻擊是楊載福一軍似難全行東下惟鎮江瓜州既經克復又未便以潯城未下坐失事機臣等竊念該逆鋌而走險若從金陵竄出恐其偷渡江北奔竄安慶現已咨商楊載福趕緊料理分兵先行下駛使逆

匪不致偷渡北岸一面由臣等籌畫銀錢米糧

軍裝火器足敷兩月之用載以俱行仍以武昌

為糧臺根本以九江為老營根本則征軍無返

顧之虞長江有建瓴之勢至水師利用在乎飄

忽無定應於有賊之處隨機雕勦無賊之處奮

迅往來使逆賊不能測我兵機窺我江路則江

皖陸師攻勦必易得手楊載福用兵謀略久在

聖皇聖略卷一百八十六

三

聖明洞鑒之中其審機觀變分合進止全在該提督之

臨機決斷茲蒙

皇上聖智如神破格畀任准楊載福自行奏報俾得盡

其所長無所牽制必能殫竭血誠肅清江面奏

八報

聞

十七日甲子和春奏言該逆以全力占踞秣陵添

賊築壘意在阻遏我師十一月二十四日臣飭

總兵傅振邦等分路進抵秣陵先將周村玉帶

村郭家橋三處賊營燒燬約斃賊匪四五百名

賊乘我紮營未定突於關內出二三千人虎坤

元分路攻勦並與傅振邦等會擣秣陵東南北

三關疊次誘賊出巢乘勢追殺斃賊無數其東

比一路副將張玉良等已由仙鶴姚坊兩門自

聖皇聖考卷百六十六

三

北而東迤邐進紮至鍾山龍脖子一帶洪山等

處突出兇黨數千太平神策兩門又出賊千餘

我兵分路擊回斃賊百餘名砍取首級二十餘

顆我軍直逼太平門聯營三十餘座並檄水師

艇船進泊烏龍山聯絡一氣張國樑親督總兵

李若珠等由高橋門進紮該逆拌死抗拒我師

奮力勦擊刺倒黃衣賊目數人餘皆披靡大軍

乘勝趕紮營盤賊猶分路來犯張國樑親督各

隊並分飭各路繞襲橫衝賊衆大潰殲斃及淹

溺者又數百人張國樑謀定後進臨機應變將

士樂爲指揮人人鼓舞奮興用能所向皆捷當

此初抵金陵卽能屢挫賊鋒兵氣極爲踴厲現

在張國樑會合諸軍已進紮高橋門相機調度

臣卽於十三日與許乃釗拔營前往會督籌攻

聖皇聖考卷百六十六

三

此次陣亡之外委陳元才楊登高黃金印張璣

屢立戰功奮勇捐軀實堪憫惻相應請

旨飭部從優議卹奏入

上諭內閣曰此次官軍初抵金陵卽能屢挫賊鋒兵氣

極爲踴厲仍著和春張國樑督飭諸軍以次攻復秣

陵關等處進克金陵揜渠埽穴迅奏膚公外委陳元

才楊登高黃金印張璣屢立戰功臨陣捐軀俱堪憫

惻均著從優議卹

二十二日已福興奏言貴溪南路之漁塘地方

接壤金谿該逆於上月十九日突出三千餘衆

希圖撲犯鷹潭梗塞省河要道經臣派同知李

元度扼勦該逆於二十四日改竄上清圖犯河

口鎮李元度探知漁塘尙有餘匪密令營官屈

蟠潛焚賊巢賊往金谿遁去李元度親率各營

聖朝聖略卷之六

三

從龍虎山峭壁深箐中繞路翻山得居高瞰下

之勢賊見官軍大集且戰且奔從下灘過河逃

竄我兵追殺賊勢大潰共殲斃五百餘名落水

死者不計其數臣現令李元度等先行勦洗孔

坊爲將來進擣金谿地步並飭訓導姚步瀛集

團守隘嚴扼東面瀘溪竄路至撫州賊匪恃金

谿爲犄角臣已催李定太移師前進其臨江一

聞

城賊援已斷剋日可復如果此城速拔則兵力

有餘無難分撥東路會合厚集吉安各軍現用

長濠圍困之法屢報勝仗圍攻尙稱得力奏入

報

二十五日壬申和春何桂清趙德轍奏言據江南

糧臺江蘇藩司文煜詳稱江南軍營兵勇每名

聖朝聖略卷之六

三

所支銀數不特浮於定例且有溢於成案現募

各勇有支銀九兩八兩五六兩不等者已屬浮

多且各起兵勇於領銀之外復支米石未免浮

而益浮若仍照舊支給則溢支銀數較多且均

未奏咨有案濫支濫應厥咎維均若遽行覈減

則例支之數殊屬有限現在銀賤錢貴諸物皆

昂各兵勇難敷食用且該兵勇從征八載素著

勞績此時鎮江克復移師進勦功在垂成設因議減口糧致使軍心解體貽誤更非淺鮮等語臣何桂清復加稽覈糧臺支放多與例案懸殊卽與臣和春熟籌覈減期與例案相符第一經覈減誠如文煜所云例支有限兵勇難敷食用惟有據實直陳願懇

天恩俯准江南軍營各兵勇鹽折援照每名月支銀四

聖聖聖

老

兩五錢成案一律支放造報並請於各兵勇領銀之外每日每名另給食米八合三勺如蒙

俞允庶各營益知感戴矣

同日文煜奏言臣前准戶部咨糧臺經手錢糧各歸各任造冊覈銷等因伏思覈銷清冊旣須各歸各任造呈是應領餉糈亦須各就各月支放今各營送到領紙有請領七八等月餉銀者

有請領九十等月餉銀者前後套搭每易牽混是月分旣未能一律大小建銀數又有參差恐糶轉不清支領卽可上下其手臣擬嗣後兵勇糧餉官弁鹽折一律各歸各月支發其以前欠餉飭令承辦各員將其營欠支某月分餉銀若干逐一查明開具細冊備查再行陸續均勻補發方清眉目應請

聖聖聖

老

飭下和春等通飭帶兵帶勇員弁將自十月起所放之餉一律按照各本月新餉劃清日期徹底查明更正嗣後各歸各月支發新餉以清界限均奏

上命軍機大臣傳諭和春何桂清趙德轍文煜曰江南軍營每兵所支銀數不特浮於定例且溢於成案各勇所支銀數亦屬浮多並於領銀之外復支米石似

此濫支濫應顯違定例原應及時裁汰惟據該大臣奏稱現在銀賤錢貴若遽行覈減兵勇難敷食用係因體恤兵勇起見自不必遽加覈減致失兵心又據文煜奏糧臺放餉月分參差宜截清界限等語著和春等通飭帶兵帶勇各員將所放之餉各按各月劃清界限其從前欠款仍陸續均勻補放以免膠轕

和春又奏言十二月初七等日張國樑等分攻

欽定剿平粵匪方略卷八十六

五

朝陽門外三洞賊壘副將張玉良進攻北固山等處賊營焚燬木柵刺斃守牆老賊數十名追殺無遺立將北固山石壘奪獲神策門內出賊來援周天培等迎擊斃賊數百人砍取首級五百顆奪獲軍械旗幟偽印無數朝陽門之賊見石壘已失棄巢而逃李若珠等追剿砍取首級二百餘顆奪獲刀械多件六萬斤銅礮一尊

共燬賊營二十餘座斃賊約計千餘人七里洲賊營潛出礮船六七十號經遊擊黃承恩等擊沈賊船二隻我師因壘據守並又添築多營直薄城根由太平神策朝陽各門北與烏龍山水師接應南與秣陵關陸師相屬縣長四十餘里銜接五十餘營聲勢甚壯惟秣陵尚有賊匪盤踞總兵傅振邦等三面攻擣該逆於東關分路

欽定剿平粵匪方略卷八十六

五

抄襲參將馬德昭等首先迎剿擊倒騎馬賊數十名郭家橋出悍匪千餘虎坤元衝殺百餘名並焚燬杜橋賊巢蹋平賊營三座斬馘千計東北兩關又先後出賊數千名分爲四股虎坤元等奮力迎剿並擇要設伏連殲前鋒賊目數十人守備郭太平躍馬陷陣手刃黃衣賊目一名並槍斃騎馬逆首立將黃泥菴賊卡毀平北關

復出賊千餘經劉季三等勦敗回巢統計斃賊數百名臣查金陵要害全在聚寶門雨花臺暨水旱兩西門秣陵一關實爲屏蔽賊盡力堵禦者在此臣等悉心籌度惟有倣照鎮江寬掘長濠堅築高壘現已剋日興工俾該逆不能測我虛實然後抽調勁旅併攻秣陵方能得手現在臣等大營介滄波高橋兩門之間居中調度其鍾山龍脖子等處悉爲我守臣等惟有會督鎮將激勵弁兵迅圖克復秣陵直趨南門爲斷絕接濟之舉奏入

上諭內閣曰此次攻奪金陵東北逆壘我軍薄城紮營聲勢極爲聯絡南路官兵會擣秣陵關壘獲勝仗勦辦甚屬得手著和春等激勵將弁乘勝進攻迅將金陵克復掃蕩賊氛毋留餘孽

二十六日癸酉密雲副都統勝保太僕寺卿袁甲三奏言臣等勦辦六安擒匪正可得手忽接探報粵逆大股竄至霍山李孟羣之勇接仗失利現已竄過開順街臣勝保當以固始關繫緊要卽連夜選帶兵勇開道疾馳趕至固始嚴密布置馳赴三河尖扼要設防該逆於十八日分股過河撲我營盤經我軍擊斃數百名賊猶抵死不逞劉尙義親帶兵勇奮力勦殺賊始驚潰連日屢次撲城均被擊退現在西北萬分喫重臣勝保暫駐三河尖力扼兇鋒一面與臣袁甲三會商趁此賊情思竄迅飭兵勇設法攻取六安州城並飭李孟羣不必專顧霍山一隅迅卽統兵親赴西南會合各兵以扼西竄光商之路又咨商撫臣英桂如可抽身卽親督官兵前赴陳

汝一帶爲臣等後路聲援如一時不能親來卽先派總管德楞額格綳額等帶領馬隊迅由新蔡息縣一帶星馳來營聽候調撥臣勝保營中兵勇除留守正陽及留紮固始並分撥各處外隨營馬步兵勇數不滿千未免太形單弱此時又適當賊衝合無仰懇

皇上天恩俯念北路粵捻交乘情形喫重

聖皇聖旨卷一百八十六

奉

飭下英桂酌奪緩急先派德楞額等迅由新息一帶來

營江北軍營馬隊尙多並請

飭德興阿酌撥馬隊數百名星夜赴營以資截剿臣勝

保惟有就現在兵力相機調度視賊所向親督

兵勇馳往堵剿總期力扼北竄以遏狂氛而顧

大局奏八

上命軍機大臣傳諭英桂勝保袁甲三日勝保與袁甲

三商籌布置方期六安卽可得手乃復有大股逆匪竄至霍山我軍失利現已偏近固始縣城六安捻逆亦陸續出城竄向西南由開順西至光商等處勝保等因籌防北路請飭德興阿英桂各撥馬隊助剿惟德興阿等現拔大隊往攻江浦勢難抽撥豫省河陝汝三屬匪蹤已殄除淨盡其南路一股逃竄無多現有邱聯恩帶兵搜捕德楞額格綳額等所領馬隊正

聖皇聖旨卷一百八十六

奉

當移緩就急著卽飭由新息一帶馳赴勝保軍營並

著英桂親督官兵前往駐紮爲勝保等後路聲援勝

保仍當察看何處緊急卽往何處迎剿毋任蔓延

二十八日乙亥李孟羣奏言安徽霍山縣城自臣

派兵克復後突有潛太大股粵逆乘虛竄入縣

城經臣派知府袁懷忠帶兵赴援殺賊甚多十

二月十三日代理該縣知縣王自籛由西門攻

入該逆棄城逃遁即將縣城收復該逆現由東
比竄踞獨山兩河口一帶而開順葉家集等處
捻匪方肆鴟張地通商固臣擬即帶兵親往至
楚比麻城羅田與豫皖壤地多屬毗連該逆如
果竄入於楚省藩籬大有關繫相應請

旨飭下湖廣總督官文湖北巡撫胡林翼派撥重兵出

境迎勦庶臣軍亦可藉資聯絡迅蕩逆氛惟臣

聖事集略卷二百六

三

前已收復霍山復任賊匪闖入雖旋即克復而
該逆又竄踞他處兇焰甚熾總由臣防勦不力
所致相應請

旨將臣交部治罪奏入

上命軍機大臣傳諭官文都興阿胡林翼李孟羣曰潛

太入股粵逆乘虛竄入霍山縣城旋即收復該逆復

由東北竄踞獨山兩河口一帶開順葉家集等處捻

匪鴟張地通商固李孟羣擬即帶兵親往惟南而及
西南一帶僅此一軍粵捻交乘勢難兼顧自係實在
情形楚比麻城羅田毗連該處該匪如果竄入於楚
省藩籬大有關繫著官文等即行派撥兵勇出境迎
勦或即將進勦宿太之兵分撥前往既可與李孟羣
聯絡策應並可掃蕩潛太逆氛以分賊勢

上諭內閣曰此次霍山復失實因賊眾兵單現已即時

聖事集略卷二百六

三

克復所有李孟羣自請治罪之處著加恩寬免

三十日_丁者齡奏言賊匪占踞江西臨江府城

經臣派道員劉于瀆帶兵馳往會同湖南官軍

水陸分布疊獲勝仗於十二月初八日夜當將

郡城克復初九等日官軍分路追勦瑞州府知

府銘彝並高安各鄉團協同搜捕斬馘甚多臣

現飭各營將弁迅將餘匪勦除淨盡以靖地方

同日駱秉章奏言賊踞江西臨江府城經湖南官兵會同江西各營晝夜環攻已閱十月道員劉長佑蕭啟江等於九月十一至十一月二十九等日先後斃賊共二千二百餘名賊勢不支出城求降者不絕惟逆首張發紀等仍負隅抗拒本月初五六等日官軍誘賊出擊共斃七八百名初八日夜劉長佑等督兵疾進將城賊搜

欽定剿平粵匪方略卷一百八十六

七

斬殆盡當即克復郡城計共殺賊一千數百名生擒八百餘名內有偽指揮及各偽目百數十人臣現飭各軍分路追勦務將逃出餘孽一鼓殲除除江西調派各軍應由江西撫臣耆齡奏保外所有楚軍尤爲出力人員先行開列願懇

皇上天恩俯准獎勵均奏八

上諭內閣曰賊匪占踞江西臨江府城經湖南官軍與

江西所派水陸各軍會同攻勦於十二月初八日將郡城克復勦辦甚屬奮勉所有尤爲出力之按察使銜江西補用道劉長佑著賞加布政使銜卽選道蕭啟江著賞加按察使銜參將田興恕著開缺以副將升用先換頂戴遊擊楊恆升著開缺以參將補用同知直隸州知州劉坤一著以知府選用同知銜知縣江忠義著以知府卽選並賞換花翎都司彭定太著

欽定剿平粵匪方略卷一百八十六

七

需缺以遊擊留於湖南補用安肅道劉于瀛係由江西調派著耆齡覈保請獎

駱秉章又奏言逆賊石達開自安慶渡江竄走江西撫饒一帶由豐城徑犯峽江縣境窺伺贛江意圖偷渡以援吉安等郡被圍逆黨經臣飭派援勦江西之知府張運蘭等軍將吉安水東撲營之賊擊敗於瓦窰地方焚燬賊壘十餘座

陣斬賊目偽國宗並經曾國荃等水陸各軍將
吉安城外及水東之賊疊次勦擊斃賊不可勝
計水東賊壘一律掃除吉安城賊窮蹙思遁遣
具另股圍攻永豐縣城代理知縣章激嬰城固
守張運蘭與普承堯等分軍援勦逆首石達
開正率大股悍賊十數萬已沿贛江竄至新淦
為劉于涇等水陸各軍扼截賊遂徑趨吉水之

聖朝聖方略卷二百八十六

三

三曲灘對岸地方張運蘭等率所部至吉水縣
城遙見賊勢甚為兇猛分布諸軍誘伏於義家
橋先將石逆前隊痛擊獲勝追殺至朱山橋等
處斃賊二千數百名溺死不計其數生擒百餘
名陣斬賊目敦天燕張姓等石逆自率大股抵
朱山橋誓攻吉水縣城張運蘭等分布戰守連
日往來衝擊於義家橋等處併力苦戰斃賊千

名及千數百名不等石逆窮蹙回竄仍由峽江
等處向撫州一帶潛遁永豐縣城圍亦解所有
在事尤為出力各員弁籲懇

皇上天恩俯准分別獎勵以昭激勸奏入

上諭內閣曰逆渠石達開大股欲渡贛江以援吉安之
賊湖南援江官軍會合普承堯等江西各軍分投戰
守防勦兼施痛加殲戮甚為得手仍著督飭諸軍迅

聖朝聖方略卷二百八十六

早

掃賊氛並與江西各路兵勇嚴扼竄賊毋任豕突滋
擾道銜卽選知府張運蘭著以道員歸部卽選參將
朱南桂著賞加勛勇巴圖魯名號同知銜知縣胡兼
善著以同知卽選都司黃開亮著以遊擊留於湖南
補用廩生曹彥驥著以訓導遇缺卽選其餘出力文
武弁勇著略乘章查明彙案奏請獎勵記名總兵副
將普承堯所部各營由江西調遣隨同出力著江西

巡撫耆齡查明保奏

同日文煜奏言自臣接辦糧臺將江南各營文武員弁鹽折照例支發乃各營觀望不遵輒聚多人傳貼字條鎮守營兵張世瑚膽敢毆辱委員尤爲可惡必當懲一儆百以肅軍律相應請旨將首先滋事之兵目張世瑚卽行正法以肅軍令並請

聖

望

嚴飭和春等妥爲約束照例支領以副

皇上慎重軍儲之至意奏入

上命軍機大臣傳諭和春張國樑許乃釗曰文煜接辦糧臺將江南各營文武員弁鹽折照例支發乃各營觀望不遵聚集多人傳貼字條鎮守營兵張世瑚膽敢毆辱委員尤爲可惡張世瑚著卽行正法和春等於員弁溢支鹽折業經由文煜申詳何以並不嚴飭

各營遵照辦理似此漫無約束尙復成何事體况所發官弁鹽折與兵勇無涉顯有不肖官弁從中恣意把持著和春等嚴加約束卽查明失察兵丁滋事員弁據實叅處毋稍姑容

聖

望

欽定勦平粵匪方略卷一百八十七 戊午年

八年正月初二日己卯正白旗蒙古都統德興阿

候補侍郎翁同書山西大同鎮總兵鞠殿華奏

言臣等於克復瓜州後先後馳抵浦口察看該

處城垣距江浦縣城二十里其間岡嶺相連滿

漢防兵向在浦口城北陡岡駐紮其金湯門等

處亦紮數營與金陵儀鳳門外下關隔江相對

聖皇朝方略卷一百八十七

一



山後為東北衝衢江浦之賊若由城北竄越黃

悅嶺便可北犯全椒東擾六合臣鞠殿華帶兵

暫駐江浦北路之小店扼黃悅嶺北趨之路臣

德興阿等紮營浦口西北之安定橋其地居江

浦浦口之中兼可控制滁和全椒後路自陡岡

安定橋直至小店連營數十座聲威極壯攻勦

較易為力至九洲賊巢在江心蘆葦之中與

南岸下關七里洲聯成一氣而大溜直趨南岸

水師非傍七里洲下關逆折而上無由進攻據

水師各鎮稟稱宜先與南岸水軍攻克七里洲

則九洲洲勢孤易拔現已函商和春辦理臣德

興阿前於儀徵途次據成明周希濂先後稟稱

十二月十一至十五等日我軍進攻九洲洲等

處賊巢連獲大勝焚燬賊壘數處殺斃賊匪多

聖皇朝方略卷一百八十七

二



名金陵賊匪出城應援亦經我軍擊退現在宜

山浦口緣江進攻而別以重兵斷其西路兼防

其由黃悅嶺翻山而逸再浦口既駐大軍六合

地方安堵臣德興阿已調溫紹原來營差遣隨

同攻勦奏入報

四

初三日庚辰英桂奏言據探六安逆捻勾結粵匪

意圖北擾徑撲商境之武廟集固境之郭陸灘等處經侍衛明慶截擊斃賊多名潛山粵逆由霍山一路竄至葉家集地方固始情形喫重勝保親至固城卽於十二月十七日馳往三河尖扼賊北竄十八日該逆竄近固始東關經勝保所派勇隊力擊獲勝賊眾敗至石佛店一帶盤踞光州所屬之大沙灣亦有匪蹤並准勝保請

欽定剿平粵匪方略卷一百八十七

三

調德楞額等馬隊助剿各等情查臣營馬隊不滿三百名自九月間追賊入山馳驅三月之久已極疲乏查現有路過赴楚補額之吉林黑龍江餘丁各二百名已過許州刻下楚省軍情尙非急需協勦惟有移緩就急仰懇

天恩俯准將此起吉林黑龍江餘丁四百名暫留豫省以資調遣俟此起餘丁到齊卽行親督前赴光

固相機堵剿如東路軍務稍鬆仍令該餘丁赴楚補額其德楞額馬隊仍留唐桐勦匪以免顧此失彼之虞劉尙義等川楚勇隊仍駐固始惟光州一帶尙屬空虛已調羅山練勇五百名前

上命軍機大臣傳諭官文胡林翼英桂曰本日據英桂

奏光固喫緊各情需兵甚急所有赴楚補額之吉林

欽定剿平粵匪方略卷一百八十七

四

黑龍江餘丁四百名現在路過許州著英桂暫行截留以資助勦俟東路軍情稍鬆仍飭該餘丁赴楚補額

初五日 壬午 福濟鄭魁士奏言逆匪白瓜鎮克復

合股上竄欲由巢縣內犯柘皋並有賊船由無爲和州口岸駛入窺伺巢湖 臣等飭令總兵吉順嚴守要隘一面派副將塔思哈等由廬城店

埠撥隊會合水師相機夾擊該逆先已過山經千總張遇春等帶勇分路迎擊賊勢稍卻十二月十四至十八等日又經塔思哈等督率水陸兵勇更番搗賊連獲大勝平毀賊壘數處擊沈賊船數隻殺賊多名我軍直抵城下正擬紮營圍偏探聞潛太等處賊匪分竄舒城之界嶺一帶離廬州較近若廬軍久駐巢縣誠恐顧此失

聖聖聖聖聖聖二百八十七

五

彼且巢城非旦夕所能攻克自未便以一隅牽掣兵力現將各隊調回一俟有機可乘再圖進取奏入報

初七日 甲申 文煜奏言 臣查江南軍營糜費甚鉅

從前糧臺初設彭玉雯因有幫辦軍務之任卽駐紮大營辦理供支與營中員弁兵勇親密愈

甚挾制愈多一日通融漸成歷年銅弊 臣接辦後遵照督 臣定章糧臺駐紮常州一切收放事宜就近稟商督 臣辦理收領放餉兩局駐紮丹陽支放各營兵餉惟親軍局駐紮大營供支大營鹽折口糧等項 臣稽覈餉冊和春每月應支鹽折已有溢支銀四百數十兩以次遞降無人

聖聖聖聖聖聖二百八十七

六

不有溢支伏思和春身為統帥違例支取以致各營紛紛效尤 臣 僅將官弁鹽折照例支發致有毆辱委員之事設兵勇口糧一併改照定例更不知如何滋鬧如金陵指日可復猶不致漫無底止儻遲延數載所費何可勝言 臣職任糧臺不敢不據實密陳奏入

上命軍機大臣傳諭和春張國樑許乃釗何桂清文煜曰文煜辦理糧臺照例支放本屬正辦乃各營員弁

開

竟有毆官之事。總因前此彭玉雯等辦理不善，致成積重難返之勢。著該大臣等嚴加約束，毋許藉端生事。何桂清駐紮常州，如有不肖員弁，滋鬧糧臺，卽著文煜稟商該督就近懲辦。其兵勇口糧，現因金陵指日成功，暫准照舊支發。但思克復金陵後，尙須分兵追剿，若遽加覈減，恐不足以資鼓舞。著和春等俟金陵克復，先將不受約束之兵遣撤歸伍。其素有紀律

聖恩厚澤卷一百八十七

七

堪用以追勦者，應如何酌量調劑之處，著何桂清豫爲籌畫。或於例餉之外籌備賞需，交該大臣等將奮勇各兵隨時鼓勵。無功者不得濫邀庶於體恤之中，仍存限制。此係朕格外施恩，原因功在垂成，不惜小費。並非遂爲定例。該大臣等屆時曉諭兵丁，使皆知感知奮迅，掃逆氛以慰朕望。

初八日 乙酉 勝保袁甲三奏言粵匪分股北竄意

圖牽掣我師六安城中之匪。日思回竄，刻刻須防。臣等會商一面於三河尖極力布置扼其北犯之路，一面卽由東路進兵爲攻取六安之計。當卽抽撥正陽兵勇飭赴馬頭集，並飭都司黃鳴鐸勇隊進駐順河集，其署廬鳳道黃元吉一軍除原駐二十里鋪外，又抽撥數百名前往順河分駐。臣勝保暫紮三河尖原以居中控扼，並爲固始援兵接濟軍火疏通糧道。詎該逆屯踞固始，勢甚狃狃。臣等於無可分撥中先其所急，飭令樂善將所部兵勇全數帶往救援。臣勝保仍力扼北竄要隘。臣等營中實在官兵祇有三千餘名，除留攻六安二千餘名外，西路僅有千名。現在極力抽撥，並將存營鄉勇及已遣之勇復行招集，湊足一千五百名，俱交樂善等帶往。

聖恩厚澤卷一百八十七

八

藐玩應請

旨將商城縣知縣戴鴻經卽行革職暫留本任仍責令帶團迅速出境以扼西面要衝俾臣等得從北面專力進剿奏入

上諭內閣曰河南商城縣知縣戴鴻經於賊擾固始縣境時經勝保等飭令出境堵截該員並不出動迨粵匪屬集仍以守禦城池爲詞不肯赴援實屬藐玩戴

欽定剿平粵匪方略卷一百八十七

十一

鴻經著卽革職暫留本任仍責令帶同團練迅速出境會勦儻再不知愧奮卽著從嚴叅辦

十一日戊子和春奏言洪逆調回皖省逆黨陸續

渡江會合城中悍賊併力固守秣陵關臣一面

與張國樑督飭將弁開濠築壘一面飭總兵傅

振邦等設法迅攻上年十二月十五日該總兵

等探知渡橋一帶新添逆壘數座當派遊擊陳

安邦等分路進攻虎坤元督兵策應並由傅振

邦督同副將龍正耀等三面擣關以爲牽制布

置既定我師奮勇長驅連日大獲勝仗先後將

賊營賊卡平毀虎坤元等分路直撲逆巢正欲

乘勢斬關詎東西南三面又竄出逆黨數千接

應虎坤元親帶馬隊衝突賊勢大潰馬德昭等

乘勝越濠都司關明德外委楊德興中礮陣亡

欽定剿平粵匪方略卷一百八十七

十一

該逆於二十二等日竄出數百人游弋周

村渡橋等處沿街打館以助秣陵聲勢傅振邦

等各帶輕騎銜枚疾趨另派步隊從旁掩襲逆

衆猝不及防奪路四竄渡橋一帶賊館悉數踣

平直抵牛首山礮賊不可勝計周村之賊亦經

痛剿回巢二十二日傅振邦督同米興朝等會

擣西南兩關劉季三等赴郭家橋圍攻賊壘該

逆突於關內擁出二千餘人我軍奮勇迎勦殪賊目十餘名逆勢大敗守備滕自新首先過濠礮傷右臂把總鄭雄飛死之賊見官軍半濟突出悍黨數千邀截我師豫行設備俟賊眾渡河四面兜勦轟斃及淹溺者甚多餘皆敗奔入巢把總王聯陞陣亡都司闕明德把總鄭雄飛王聯陞外委楊德興應請

聖朝軍略卷百八十七

三

聖朝軍略卷百八十七

古

飭部從優議卹奏入得旨闕明德等俱著從優議卹

十三日 庚寅 英桂奏言據報潛山粵逆竄撲固始

經川楚勇隊擊退後復由徐家嘴渡河至東關盤踞分股四出打糧偷挖地道十二月二十二三等日攻撲東城王庭蘭等督率在城兵勇守禦破其地道三處斃賊甚多城外黃開榜李孟

羣所派弁兵併力奮擊賊勢稍卻二十五六等日該匪復來攻城勢益披猖光州知州鄭元善已帶練勇一千餘名進紮固境楊光店地方遇賊接仗擊斃多名生擒吳丙濠等二名據供髮逆糾合捻匪約五萬餘人意欲攻破固始即撲光州再圖北竄等語現在情形萬緊急須撥兵救援臣已飭德楞額帶馬步兵勇剋日赴援統計臣營馬隊不滿三百名步隊祇二千餘名實不敷援勦起飭募勇千餘名以助兵力一經募齊臣即親督赴援光固前次奏請截留赴楚補額之吉林黑龍江餘丁四百名昨准湖廣督臣官文來咨催調吉林餘丁一百名黑龍江餘丁二百名一併赴楚尙餘一百名留豫調遣並據委營總富倫稟報吉林餘丁一百名已由信陽

起程赴楚查該餘丁一百名業已赴楚自未便再留其餘三百名現在豫省軍情萬緊已咨官文暫行留豫助剿一俟光固情形稍鬆卽行飭令赴楚補額又接勝保函稱粵逆捻逆併股竄豫該副都統堵守三河尖力遏北竄固始待援迫切勢難兼顧囑臣由汝息一帶前往截剿可否仰懇

聖事畢考卷一百八十七

十一

天恩飭下湖廣督臣飭令舒保就近移師來豫協同豫軍赴援光固一俟解嚴仍令回楚駐守奏入

上命軍機大臣傳諭官文胡林翼英桂曰固始縣城被圍危急粵逆捻匪數至五萬城中兵勇太單勝保所部兵勇旣須扼守三河尖有不能抽撥之勢英桂現擬親往該處而馬隊不滿三百步隊亦止二千仍恐不敷援應著官文胡林翼卽飭舒保速帶馬隊兼程

赴豫徑往光固一帶實力救援俟固始解圍光州情形稍鬆再令回駐襄陽以資控扼英桂現已飭德楞額抽帶馬步兵勇先往著卽親督大兵隨後繼進其截留吉林黑龍江餘丁准其一併帶往俟軍務稍鬆仍令赴楚

同日耆齡奏言臣接據各營及地方文武將收復臨江詳細情形先後稟報上年臨城逃出難

聖事畢考卷一百八十七

十二

民僉稱賊糧將盡十二月初一至初六等日各營乘夜出隊攻城劉長佑令鄧在富等潛攻東南角填濠而入賊匪驚覺急施槍礮我軍冒死衝入土牆殺賊百數十人餘匪潰敗入城蕭啟江督同田興恕等攻西北等門踏毀城外賊卡斬賊甚多城賊出撲我軍分隊奮擊斃賊百餘人乘勝偪及城濠賊礮齊發營官胡中和礮傷

左餒外委王得雲陣亡劉于瀉派勇潛抵萬勝門將賊匪礮臺焚燬初七日劉長佑等率各營薄城圍攻各以火器對擊斃賊二百數十人營官何堯臣外委廖忠明同時陣亡初八日夜雨城賊於黑暗中突出大股直撲東門外長濠田興恕等各率水陸兵勇協力截擊該逆不能竄越時劉長佑令劉坤一等縱火焚柵爭先登城

聖朝聖略卷百八十七

七

斬獲無數生擒偽官一百數十名蕭啟江派果字營先登楊恆升等繼進外委李傳灝登城力戰陣亡千總呂應良擬保千總蕭敬衡外委田紹衢與賊巷戰死之劉于瀉復由萬勝門東門直衝入城殺賊不計其數生擒三百三十餘名當將臨江郡城克復其東門竄出之賊約三千餘人爲守濠各營所阻旋由河岸淺灘逃逸又

被兵勇截殺該逆欲用木筏圖越仙人渡小河爲我軍掩擊溺斃過半次日潰賊數千人在新建縣之石頭岡奪船渡河被礮船擊沈賊悉溺斃統計城內殲戮及追殺逆黨共五六千人十一日餘匪尙有千餘人竄至石鼻地方經各軍截殺僅贖三百餘人竄往瑞昌德安交界之洪家源爲德安團勇所阻復折而西由王家鋪而

聖朝聖略卷百八十七

六

去該處與湖北興國州連界均已薙髮逃散現任江西湖南水陸道路已通吉郡賊勢愈孤臣飭各營乘勝進攻新淦一經得手卽擬撥一軍協攻貴溪一軍協攻吉安其餘各營分路進攻撫建掃蕩羣兇此次尤爲出力之道員劉長佑等自應開列懇

恩分別給予獎勵其餘各員容臣查明保奏陣亡之教

諭何堯臣千總呂應良擬保千總蕭敬衡外委
王得雲廖忠明田紹衢李傳灝應請

飭部從優議卹奏入

上諭內閣曰耆齡奏克復臨江府城詳細情形請將尤
爲出力員弁先行獎勵江西臨江府城克復前經耆
齡略乘章同日奏到已明降諭旨將略乘章所保各
員給予獎勵本日復據耆齡奏保各員除劉長佑蕭

聖朝軍方略卷一百八十七

十九

啟江江忠義楊恆升業經加恩外甘肅安肅道劉于
溇著賞加按察使銜知府劉坤一著賞加道銜副將
田興恕著再賞給擊勇巴圖魯名號都司李逢春著
以遊擊遇缺卽補千總成章鑑著免升守備以都司
儘先選用陣亡之教諭何堯臣千總呂應良擬保千
總蕭敬衡外委王得雲廖忠明田紹衢李傳灝均著
交部從優議卹

耆齡又奏言上年十一月初五至十五等日新
淦援賊分竄古岸洲距吉水縣城十里經知府
張運蘭督率兵勇分投攻擊連踏賊營二座焚
其輜重甚多該逆復勾結另股賊匪傾巢而出
分路竄擾我軍水陸並進合力衝殺賊匪敗退
共計殺賊一千五六百人我軍受傷數十人十
八日逆衆復分股由義家橋及七里山等處來

聖朝軍方略卷一百八十七

二十

撲我軍分路迎擊該逆死拒不退哨長曾佑啟
奮勇殺賊被火彈燒傷越日身故我軍後隊自
龍王廟渡河助戰賊勢稍卻水師順流開礮轟
擊各軍奮勇追殺共斃賊一千四百餘人該逆
自此次敗後心膽已寒解散脅從萬餘人二十
一二等日全股退往八都墟黃開亮等復率水
勇將賊壘十餘座及村內木籬概行焚燬張運

蘭亦飭各營陸勇追至西坑而遷其圍攻吉安

府城各營自十月底偏城紮營連日於西南北

三面開挖長濠斷賊竄越接濟之路十一月初

八十五十六二十五等日該逆連次出犯各營

憑濠轟擊先後將賊匪擊退曾國荃以峽江吉

水已添水師即將分防吉水之戰船調回十二

月初三日沿河開礮攻城該逆移大小礮位至

白鷺洲與水師對擊連日斃賊頗多臣現飭令

張運蘭等仍駐吉水相機進攻並飭劉培元於

峽江一帶嚴密布置以防偷渡其白鷺洲夾河

內飭曾國荃等督率戰船梭巡務使該逆坐困

孤城庶可聚而殲旃至受傷身故之外委曾佑

啟應請

旨飭部議卹奏入得

旨飭部議卹奏入得

旨曾佑啟著照例議卹

二十日酉丁勝保袁甲三奏言捻逆勾結粵匪大

股竄擾固始縣城意欲分我兵力伺隙北竄臣

勝保馳回尖鎮布置一切一面函商臣袁甲三

暫來尖鎮藉資控馭並飭令黃元吉等嚴防東

路相機進取六安臣袁甲三於正月初四日馳

抵尖鎮臣勝保先期自帶親兵馳赴戴家店聯

絡各路鄉團直搗賊營該逆分股撲出均為我

軍擊退惟日來警報頻聞河南撫臣英桂尙無

移營確期格綳額德楞額等馬隊亦尙未來營

安徽藩司李孟羣又因麻埠喫緊未克遵調前

來臣等兵力不多既須力扼東北又復兼援固

始實有顧此失彼之虞惟有飭令張曜嬰城固

守一面勸諭鄉團激勵將士就此現有兵力竭

力

力支持奏入

上命軍機大臣傳諭英桂勝保袁甲三日逆眾圍攻固始縣城勢甚狹猖袁甲三馳抵尖嶺後即經勝保親赴戴家店聯絡鄉團悉力夾擊雖得勝仗尙未大挫賊氛李孟羣因麻埠喫緊未能馳往會勦著英桂先飭德楞額等馬步隊迅速前往該撫即親帶兵勇隨後繼至毋再遲延並著勝保密飭張曜設法固守力

聖恩匪方略卷一百八十七

三

保危城不得稍有疏懈其六安一路著袁甲三就近控馭務將州城攻克以期次第掃除醜類

二十二日己亥英桂奏言據光州知州鄭元善稟

稱大股粵匪攻撲固始經該縣知縣張曜率同在城官紳竭力守禦破其地道兩處十二月二十七日勝保馳抵戴家店於十二月二十九日督兵進擊鄭元善亦帶兵至城西之大橋棚與

勝保官軍會勦斃賊多名以賊勢過熾未能深

入解圍又據張曜稟稱正月初四日夜賊匪用地雷轟塌城牆數丈環城攻撲王庭蘭督率在城官紳將西南北三面嚴密抵禦張曜親督兵勇迅赴東城扼定缺口竭力搶堵鏖戰兩時始將該匪擊退各等情查固始危急萬分勝保兵勇無多鄭元善勇力亦形單弱李孟羣派往固

聖恩匪方略卷一百八十七

三

始弁勇雖有三千餘名恐未爲得力臣疊聞警報急籌救援前調之德楞額等兵勇及截留之吉林黑龍江餘丁先後陸續到營即飭令於十四十六等日分起進行臣於十八日親督後隊繼進俟行抵汝郡察看緩急情形再行酌量調撥奏入

上命軍機大臣傳諭英桂曰固始城圍未解李孟羣派

援兵勇雖多未知接仗能否得力英桂馳抵汝郡後
著卽酌度情形先其所急多派兵勇與勝保等會合
夾擊迅解固始之圍

二十三日庚子官文胡林翼奏言臣等聞髮逆勾

結捻匪擾近商固當卽添調九江步軍三千名
前駐襄陽舒保馬隊二百名兼程馳赴麻羅扼
要防禦相機進剿總期與豫皖聲勢聯絡迅掃

聖事略卷一百八十七

五

賊氛以仰副

聖主綏靖疆圉之至意

官文胡林翼又奏言江西臨江府城克復後餘
匪由瑞州一帶竄入與國經副將周寬世等督
率馬步各隊四面兜圍立將賊壘賊卡踏平殺
賊一千餘名淹斃無數餘賊僅賸二百餘名梟
水逃遁連日復經該州官紳督飭團練陸續擒

聞

獲不致再留餘孽奏入均報

同日勝保袁甲三奏言粵逆竄擾固始將及一
月雖經臣勝保屢次進剿稍挫其鋒該逆兇狡
尙熾城圍未解日久恐生他變當飭光州知州
鄭元善等由西南兩面進攻十四日傳令進隊
並派參將賽沙布等分路進兵臣勝保親督諸

聖事略卷一百八十七

五

軍策應該逆分七股撲出我兵分投迎擊西面
復出悍賊千餘名經副都統明慶等馬隊衝殺
全股同時收退其三仙莊逆眾復經步隊槍礮
環擊斃賊無算餘賊遁入木壘統計殲賊七八
百名參將張得勝帶勇縋城而下在西北兩關
乘勢夾擊南門外岡上之賊忽擁出數百名復
經知縣張曜督率兵練夾擊斃賊多名遊擊盧

又熊等由西南進勦亦有斬獲賊眾敗退兵勇
跟追數里賊膽已寒在城官民見援兵獲勝人
心愈覺鎮定惟聞該逆因屢受痛創傷斃甚夥
現有六安捻逆分股前來援應日聚日多西北
兩路愈形喫緊屢咨撫臣英桂迄今尙未拔營
前來格綱額等馬隊因南陽一帶餘匪未清未
能分撥李孟羣亦爲六霍逆匪牽掣未克親身

聖皇聖方略卷一百八十七

三

赴援派來遊擊盧又熊等所帶勇隊雖有數千
人而駐紮商城迎河集草廟集一帶相距較遠
統率無人難期得力臣等惟有乘此軍威方振
之時激勵兵勇極力勦擊以期迅殄狂氛奏入
上諭內閣曰粵逆竄擾固始經勝保疊次派兵勦擊連
獲大勝賊膽已寒勝保現已進偃縣城李孟羣所派
兵勇亦當陸續前進著勝保就近調度嚴飭諸軍實

力進勦英桂由葉縣移營赴援並著會同勝保分路
夾擊迅解城圍毋稍延緩

二十七日甲辰官文都興阿胡林翼奏言臣等欽
奉

諭旨派兵出境迎勦卽飭調九江步軍三千名駐紮襄
陽舒保馬隊二百名馳赴麻城羅田一帶嗣接
稟報舒保先期移紮麻城距襄較遠而楚豫交

聖皇聖方略卷一百八十七

三

界之隨州棗陽久爲豫匪窺伺臣等已咨行署
提臣訥欽等加意防範並酌留舒保馬隊百名
協同扼守以資策應刻下楚軍水陸馬步全抵
江皖急切未能遠征實因九江功在垂成上游
重鎮攸關尤當奮力攻擊迅圖收復臣等擬俟
九江得手除分援江省外其餘楚軍專力豫皖
先清長江北路以防竄越前此調來之吉林黑

龍江西丹如訓練得力亦當為豫皖助征之用再皖逆屢圖上犯正月初一二等日太湖逆眾數千乘我兵度歲之隙竄近蘄州邊界當派道員唐訓方會合各路兵勇分投擊退初七日宿松股匪又竄近蘄州邊界之荆橋等處築壘抗拒臣都與阿飭鮑超等嚴密防守並派多隆阿帶領馬步各隊分路進攻斃賊甚眾餘逆奪路

聖朝方略卷一百八十七

三

狂竄我軍追至太湖城邊沿途殺賊四五百名生擒三十餘名十一日進勦桃花鋪等處賊巢我軍分三路直前該逆抵敵不住沿山逃竄追殺三十餘里斃賊一千餘名惟據獲賊供稱太湖渡船口石牌等處約計賊七八萬人連營三十餘里臣等仍激勵將士奮勉圖功務期剋日會合皖軍盡殲醜類奏八

上命軍機大臣傳諭官文都與阿胡林翼曰現在勝保等援勦固始雖屢獲勝仗尚未解圍仍須添兵助勦舒保此時諒已起程惟所帶馬隊僅二百名不成一軍著官文等酌量情形添撥步隊相輔而行或即於駐紮襄陽兵內酌撥千名交舒保統帶前進較為得力太湖宿松逆匪竄近蘄州經都與阿等督兵迎勦斬獲頗多惟探聞太湖渡船口石牌等處尚有賊黨

聖朝方略卷一百八十七

三

七八萬連營三十餘里逆勢如此猖獗非下援金陵卽上竄楚境著都與阿督飭各軍相機截勦務將此股逆匪迅速殲除九江功在垂成何以尚無捷報不勝殷盼現在和春等正在圍逼金陵安慶蕪湖等處賊黨尚多時往金陵援應所望九江早克順流而下與江南大軍兩路夾攻使該逆不至他竄方為妥善著官文等傳旨令湯斌福彭玉麟等奮勇圖功毋得

遷延時日坐失機宜

同日德興阿翁同書翰殿華奏言臣等以大營屯紮安登橋雖係適中要地而前隔高山道路崎嶇進攻不易距城亦覺稍遠臣德興阿翁同書擬移營於浦口西門外之馬神廟地方督率安勇等由江浦東路進攻羅玉斌等防剿九洲之賊臣翰殿華自小店繞越黃悅嶺紮營由

聖皇方略卷二百八十七

三

西路進攻扼斷石磧橋通城之路其江浦北門外一帶飭富明阿等分帶水陸兵勇列營扼剿並設伏於石磧橋誘擒賊目黃錦春一名正月初七日南岸賊匪圍撲樵子山頂營盤總兵陳國泰等分督各艇與南岸陸軍並北岸師船三面圍攻斃賊無數初八日我軍分路進逼南門出賊二三百名經參將黃志配等擊斃五六十

名富明阿派隊進攻北門轟斃站牆執旗賊十餘名燒燬賊卡二座英貴帶兵抵江浦城下用擡礮擊倒城上黃衣賊二名斃匪數十名初十日南岸之賊與水陸官軍接仗有賊船十餘隻自下關順流而下陳國泰等師船揚帆迎擊轟沈賊船數隻淹斃賊匪不計其數十二至十七等日該匪疊次出撲均經官軍擊退共計殺斃

聖皇方略卷二百八十七

三

賊匪五六百名現在東路營盤業已紮定將及城北一帶由北而西晝夜趕築臣等已於二十二日移紮新營俟西路營壘築成即檄調水師進駐西江口使該逆不能逃竄庶可聚而殲旃陣亡之五品頂戴藍翎勇目滿元陞應請

訪部議卹奏入

上諭內閣曰現在德興阿等督兵緊逼江浦連日斃賊

五六百名水師協勦亦甚得力著德興阿等卽督飭水陸將弁迅克江浦縣城盡殲醜類陣亡之五品頂戴藍翎勇目滿元陞著該部照例議卹

聖朝方略卷一百八十七

三

欽定勦平粵匪方略卷一百八十八 戊午年

二月初五日 辛亥勝保袁甲三奏言固始被圍日

久臣等前飭縣丞田玉梅入城幫同守禦參將

張得勝帶勇八百名及李孟羣派赴西路之南

勇五百名均由迎河集縋城而入登陴助守正

月十八日該逆又將固城東南偷挖之地雷舉

發城垣轟塌數丈經參將張得勝等會同在城

聖朝方略卷一百八十八

一

官紳扼據塌口張曜田玉梅卽將槍礮分調東

城樓上及東南城隅連環轟擊斃賊二三百名

城上趕用沙袋木器填砌一律槍護完固城垣

得保無虞竊以逆匪覬覦孤城疊經援兵痛勦

尙無退竄之心其黨四關密布非各軍緊逼晝

夜環攻不易解此重圍惟臣勝保隨營馬步官

兵數僅一千餘名合之各起勇隊亦不過三四

千名其前調各處團丁本欲借助聲威無如初
經戰陣紀律不諳銳進易退勦賊不能得力疊
催英桂迅飭德楞額等趕帶馬隊前來原期藉
資扼截以顧豫境大局並非爲臣一營添兵起
見而英桂以宛郡餘匪未靖不能抽撥不得已
又復商將截留赴楚餘丁飭赴光州助勦昨據
函覆兩湖督臣官文已調去百名其餘三百名

欽定剿平粵匪方略卷一百八十八

二

必須親帶隨行不能應調竊思軍情緊急臣所
盼者在援兵之早至不在英桂之親來此股逆
匪數衆勢悍臣勝保兵力有限力援固始已費
經營扼截光商豈孤軍所能兼顧遠如六安正
陽三河尖近如光州商城一帶路路宜防且固
始城圍已久米穀無多儲冬路援軍不能應調
恐糧盡力窮變生莫測不敢不據實直陳

勝保袁甲三又奏言頃探聞河南撫臣已至汝
陽派龍澤厚帶兵八百名馬隊三百名前赴固
始協勦查粵逆勢甚猖獗非龍澤厚一軍所能
獨力勦辦卽如李孟羣派來兵勇亦數千名祇
以統率無人未能得力臣愚以爲與其白樹一
幟兵分力單不如歸臣調遣厚我兵力自能迅
解城圍可否

欽定剿平粵匪方略卷一百八十八

三

飭令赴援固始協勦粵逆官兵俱歸臣等就近調度庶
號令齊一於事有濟據獲賊供稱粵逆探知西
南甚虛意欲分股繞犯商城臣軍勢難兼顧懇
恩飭下英桂速撥馬隊前來以資協勦奏入
上命軍機大臣傳諭英桂勝保袁甲三曰固始縣城被
圍已久情形危急英桂所帶兵勇自以赴援固始爲
要豈可遠駐汝郡致成株守著英桂卽帶馬步各隊

星速前進會同勝保攻勦卽一時不能親往亦著將
德楞額等馬隊迅速派赴固始其截留赴楚餘丁著
一併飭令先赴勝保軍營該撫卽隨後繼進現在勝
保督兵盛戰而英桂徒事遷延儻有疏虞惟該撫是
問至該匪既有分股繞犯商城之語則西路亦應嚴
防並著英桂會同勝保妥籌策應至龍澤厚一軍及
李孟羣派來兵勇本應歸勝保調度如有援勦不力

聖學考卷十八

四



觀望推諉者卽著從嚴叅辦

初六日壬子和春奏言軍營與糧臺同辦一事必

須和衷方能有濟上年十一月間總司糧臺文

煜來營臣告以江南糧臺現辦章程係奉到部

頒文武應領銀數清冊遵照辦理惟千把額外

末秩清苦從前向榮於各員例領之外酌加數

兩數年以來未之有改現惟有循照舊章辦理

文煜亦唯唯而去數旬後有糧臺委員到營面
稱如仍循照舊章例外加增總須奏明方可照
行經臣與督臣何桂清會銜入告仰蒙
聖主逾格鴻施准仍照舊支發嗣該總司又以官弁鹽
折浮濫太多等語上

聞仰荷

皇上聖明俯鑒軍情功在垂成不惜小費營中奉

聖學考卷十八

五



旨之日萬眾歡呼今該總司又以糧臺各歸各任不復

套搭支放請

旨飭下通行查此事係爲糧臺報銷時畫清界限起見

於

國帑毫無增減徒令軍心疑惑今該總司明知軍
中奉行日久斷難驟改而必欲遽更舊章勢必
至激成事端夫兵弁口糧宜有等差始無爭競

今據糧臺冊開兵勇月支銀肆兩伍錢外加食米而額外鹽糧僅三兩有奇營兵由馬戰守遞拔三次始得額外而領項轉少於兵輕重未免失當領餉兵勇遂有官不如兵何必出力打仗再圖升官之語是兵勇爲異日拔補弁缺後領餉起見不待官弁從中慫恿也軍中挨月領餉日久習爲故常從無提及欠餉一事今忽奉文

聖學匪方略卷一百八十八

六

截清界限衆軍咸疑糧臺爲短發欠餉起見人言籍籍實屬無從理喻軍中賞罰之外惟信可以服衆今則朝更暮改無以取信此後滋事更有甚者臣再三思維不得已籲懇

天恩簡員接辦糧臺抑或

飭下何桂清另行派員之處伏候

聖裁奏八

上命軍機大臣傳諭和春何桂清曰江南糧臺兵餉浮支濫領日久相沿前據該大臣等奏請量予加增朕以其功在垂成業經降旨暫允所請文煜總辦糧臺循守例案原爲慎重錢糧然如該大臣所奏弁兵未能深悉衆議沸騰亦於軍情有礙自未便仍留總辦致有齟齬所有江南糧臺著何桂清揀派委員接辦固不可如文煜之過涉拘泥亦不得因弁兵挾制漫

聖學匪方略卷一百八十八

七

無稽察總期大功速成則費少而省多朕亦不以例案相繩若日久耽延豈能不加以裁抑該大臣等必能仰體也至文煜前奏放餉月分畫清界限係爲報銷時易於覈算並非將舊欠概行停止該弁兵等何以妄生疑謗此後應如何辦理之處著何桂清督飭接辦之員酌覈妥辦

上諭內閣曰江蘇布政使文煜著來京另候簡用

和春又奏言正月初三日該逆於北面太平神策兩門突出悍匪數股並由下關乘駛礮船十餘隻犯我水陸各營張國樑親督副將張玉良周天培馮子材等分兵三路迎勦都司賴鎮海等統率水師沿河夾擊斃匪二三百名餘賊梟水而逸初十一等日該逆先後於七里洲金川門等處出賊數百名潛襲水陸營盤均被我

聖皇聖后卷一百八十八

八

左右一面仍赴太平門督戰斃賊四五百名遊擊張成伍把總向國秀外委金世柱同時陣亡其七橋壘之賊經張國樑派總兵王浚副將戴文英兩路迎勦擊斃賊匪多名初四日東北各門又出賊匪攻撲賴鎮海等各帶水師由七里洲包抄而進衝入賊叢賊勢披靡我軍槍礮連環賊屍枕藉是日陣亡把總楊恆山一員忽洪武通濟兩門出賊數千人遙擁而來張國樑親督將弁以奇兵繞襲其後賊相顧駭愕奪路狂奔我軍乘勝抄殺殲斃無數七橋壘一股亦經王浚等擊敗無不鼠竄回巢正月初五夜股巷之賊潛出三千餘人撲我營盤經兵勇擊退初六初七至二十六等日傅振邦等自祿口張公渡等處進攻秣陵關連獲勝仗疊有斬擒把

聖皇聖后卷一百八十八

九

總王天爵力戰陣亡查秣陵一關屏蔽金陵南面其地大河憑阻港汊縱橫賊又於近關左右密布堅營臣等籌度形勢現飭總兵李若珠副將周天培帶勁旅三千人前往會同虎坤元妥為布置一俟秣陵克復以次進逼聚寶門雨花臺全局方有把握此次陣亡之遊擊張成伍等五員應請

飭部從優議卹奏入

上諭內閣曰逆匪經此次痛勦勢已窮蹙著和春等嚴飭將士奮力環攻先將秣陵關克復以次進逼金陵城垣毋稍延緩遊擊張成伍守備楊恆山把總向國秀王天爵金世柱臨陣捐軀殊堪憫惻均著交部從優議卹

和春又奏言賊匪竄踞黃池窺伺高淳東壩壘

欽定剿平粵匪方略卷一百八十八

十一

聞

經提督德安乞援當即挑撥兵勇二千四百餘名交副將吉連管帶馳往聽候調遣探得該逆由黃池竄踞烏溪分竄灣沚現復擾及水陽一帶逼近甯國府城查甯郡為江浙門戶該處賊眾兵單亟宜迅速應援現派總兵傅振邦管帶湖南官兵一千一百餘名剋日由秣陵關馳赴甯國會同鄧紹良協力堵勦奏入報

欽定剿平粵匪方略卷一百八十八

十一

同日德興阿翁同書翰殿華奏言據探金陵賊援渡江接應江浦並有大股賊匪由南岸渡江將至石磧橋地方臣德興阿飭成明官明阿帶領兵勇由湯泉一帶前進至石磧橋迎截外援之賊其時金陵援賊糾結皖境烏江匪黨竄踞石磧橋正在添築營壘圖援江浦城內之賊成

明富明阿等各帶馬步兵勇於正月二十四日直抵該處分五隊圍攻都司王希堂首先搶入賊壘東門手刃悍賊二人該逆驚亂突由賊壘西門竄出二千餘名分三股抗拒協領博奇營總舒通額帶馬隊由左翼進擊協領烏爾恭額營總常壽帶馬隊由右翼進擊成明富明阿帶馬步兵勇由中路進擊併力奮勦賊無算追

聖恩聖考卷一百八十八

十一

抵江邊餘匪爭渡官兵於渡口蹙之殲斃及溺死者甚眾共殺賊千餘名生擒二百餘名立將石磧橋賊壘踏平援應江浦之賊悉數殲除成明富明阿旋派馬隊設伏於山谷間而令兵勇執所獲賊匪黃旗假充賊援為誘戰之計維時江浦城內之賊遙見黃旗以為外援已至果由西門出賊千餘人接應我軍奮勇直衝刀矛相

錯逆眾敗退副都統富春等帶馬隊由北面橫衝將賊追至城濠該逆潰遁回巢又殺賊百餘名此次外援希圖接應經馬步兵勇一鼓殲擒實足以壯軍聲在事尤為出力之協領舒通額等先行開列懇

恩獎勵臣等檄調水師現泊江西口一俟風利上駛即擬水陸會攻規復江浦奏入

聖恩聖考卷一百八十八

十二

上諭內閣曰此次擊勦援賊大獲全勝勦辦尙屬得手著德興阿嚴飭在事文武迅將江浦縣城克復掃蕩江北逆黨以期速克金陵毋稍延宕在事尤為出力之協領舒通額著賞給圖薩台巴圖魯名號都司王希堂著賞給濟勇巴圖魯名號驍騎校德陞額著以佐領儘先卽補巴彥圖魁成均著以防禦儘先卽補千總許得把總馬慶長均著賞換花翎千總孫文友

李有才均著以守備卽補兵丁鮮玉龍著以把總儘先卽補披甲慶順著以驍騎校儘先卽補

初九日^卯乙福興奏言江省自上年十月皖匪大

股內竄分擾吉臨兩府被官軍截擊未能過河

西犯屬集撫州一帶臣以該逆不能逞志於西

難保不圖東竄廣信所駐之軍本屬單薄本月

十四日據管帶平江營同知李元度稟稱進賢

聖學方略卷二百八十八

十四

東鄉股匪萬餘人於十三日竄至鄧家埠臣卽

飭李元度簡派隊伍馳往鷹潭南岸堵剿其金

谿之賊糾合撫州逆黨數千竄至青田橋卽令

駐防泥灣之武威軍會同鄉團就近嚴防上清

等處十八日賊竄鷹潭平江營分路迎擊殺斃

賊匪二百餘名其沿河抄來之賊均被水師擊

退時青田橋竄匪已至上清泥灣經武威軍奮

力擊退二十四日鷹潭之賊竄至楊林橋神元

洞一帶查此路山徑歧出處處可通河鎮當分

調兩營馳赴港口一帶以圖扼截仍一面飛飭

李元度竭力堵剿以杜內犯之路儻該逆從南

岸直趨河鎮勢必窺伺信城臣惟有親督兵勇

由北岸繞出賊前以顧郡城根本惟隨營兵力

甚單不敷防剿前奉

聖學方略卷二百八十八

十五

旨調派粵師二千名尙無到江確信刻下東路緊迫別

無可調之兵已咨會浙江撫臣嚴防邊境並照

會衢州鎮總兵揀派勁旅數千名馳赴廣信河

口一路併力迎剿以固江浙門戶奏入

上命軍機大臣傳諭福興晏端書者齡曰廣信一郡爲

江西完善之區逆匪久思窺伺現在進賢之賊已由

鷹潭竄至楊林橋神元洞一帶山路叢雜處處可通

河鎮若竟由南岸直趨則信郡必被滋擾業經福興
照會衢州鎮總兵饒廷選前往廣信河口一路堵剿
著晏端書卽飭該鎮棟派勁旅趕赴廣信相機迎剿
以固江浙門戶前調潮州鎮總兵壽山帶兵二千名
赴援江西爲時已久何以尙未行抵江西或該總兵
已到撫州著福興耆齡派員迎提以便合兵攻剿現
在援兵未集仍著該將軍督飭帶兵各員奮勇勦擊

聖朝聖略卷百八十八



毋得專待客兵致滋貽誤

十五日 辛酉 福興奏言逆匪自竄至楊林橋神元

洞地方 臣卽調兵勇馳赴南岸扼擊詎賊行甚

速已由上坊直趨河鎮 臣度該逆志在迅犯廣

信卽親督兵勇於二十六日馳往河口堵遏並

調平江勇兩營趕赴弋陽駐守二十七日至河

口北岸賊衆同時竄至南岸蠶擁搶渡我軍槍

礮齊施將賊擊退 臣將北岸各軍紮定營壘卽
親帶數人馳至廣信於城外紮營以備堵禦現
在大股逆匪仍踞河鎮後面匪衆紛至沓來並
探聞另有一股從胡坊竄至鉛山縣查鉛山南
與福建之崇安縣接界東由廣豐旁通浙之江
山縣境歧途四出在在可虞前調總兵饒廷選
一軍已抵玉山 臣因河鎮已有賊蹤卽令在玉

聖朝聖略卷百八十八



山駐紮以防東竄並令該總兵迅撥勁兵前赴
廣豐嚴堵賊竄江山之路 臣隨營兵力本屬無
多撫 臣耆齡現撥濟勝彰武兩軍約有千餘人
日內方能起程 臣已疊次催提如果河鎮大股
由南岸窺犯郡城卽就現有各軍極力攻擊以
保信郡奏入

上命軍機大臣傳諭福興王懿德晏端書耆齡曰賊匪

已竄至河口鎮廣信情形喫緊雖經福興派令兵勇扼紮河鎮北岸兵力尙單所有者於派出之濟勝彭武等兵千餘名何以遲遲未到著卽飭星馳赴援其潮州鎮總兵壽山接兵著福興者齡迅速催提前進福興現赴河鎮相機調度其饒廷選一軍已到玉山著晏端書飭令嚴防賊匪東竄並撥勁兵馳往廣豐以杜賊竄江山之路另股賊匪蔓及鉛山與福建崇

欽定剿平粵匪方略卷一百八十八

十六

安接界著王懿德酌量閩省如有可調之兵卽派得力大員督帶一二千名或由邵武進勦建昌或卽由崇安取道前進與江西兵勇聯絡一氣以分賊勢者歸仍當就近撥兵前赴鉛山一帶以資援應

十六日 壬戌 晏端書奏言江西自臨江克復後敗

匪萬餘人由進賢東鄉竄擾貴溪各邊境又引撫建之賊渡河而東圖犯廣信河口頃准福興

來咨賊已竄至河口鎮該將軍現赴信郡河口問道百出可以近窺浙境已咨饒廷選移紮玉山兼固衢防等情河口軍情萬緊廣信玉山廣豐等處均形喫重廣豐與江山接壤該二縣無兵駐守難保該逆不乘虛竄擾當飭副將周萬達等各帶兵勇先赴玉山饒廷選卽於二月初

欽定剿平粵匪方略卷一百八十八

十九

二日親統漳勇相機援勦並派參將胡定國等帶勇馳赴江山分別駐守惟聞河口賊匪實有竄信犯浙之勢浙江連界處所均須重兵扼守衢防各軍共六千餘名現撥玉山廣豐江山各路已去五千有餘兵勇不敷布置查有駐守婺源之浙兵一千餘名尙可就近抽調已咨商張芾飭令此項浙兵暫赴玉山以壯軍威奏入

上諭曰覽奏已悉保障完善之區固屬緊要然近防不

如迎勦若稍有畛域之分信郡不守浙境焉得獨全
懷之

晏端書又奏言據道員仲孫懋稟稱該道等扼
守黃池此次逆匪衝竄不能固守待援罪有應
得請嚴行叅處又接鄧紹良咨稱逆賊屢犯涇
南是以親駐南陵黃池倉猝失利救援不及請
據實奏叅並將夏寶慶等一併叅處各等情查

聖皇聖考卷一百八十八

三

黃池之役仲孫懋諸軍憑營決戰相持三日因
眾寡不敵退守新豐尙非不戰而潰但仲孫懋
等不能固守待援鄧紹良不能兼籌守禦究屬
咎無可辭相應請

旨將署浙江提督鄧紹良交部議處道員仲孫懋都司
夏寶慶遊擊胡鳳鳴守備余義政一併暫行革
職仍留甯國軍營以觀後效奏入

上諭內閣曰此次賊竄黃池鄧紹良因駐軍南陵不及
援應仲孫懋等不能固守待援雖因眾寡不敵均屬
咎有應得署浙江提督鄧紹良著交部議處道員仲
孫懋等均著暫行革職仍留甯國軍營以觀後效

十八日甲子英桂奏言臣連日接勝保咨函上月

二十五日勝保督隊進勦固始賊匪大獲勝仗

臣所派往吉林黑龍江馬隊餘丁二百名龍澤

聖皇聖考卷一百八十八

三

厚等所帶陝兵一千名已於二十七日馳抵固
境紮營楊光店地方勝保督率兵勇分路進勦
共斃賊六七百名安徽藩司李孟羣督勇赴援
已由商城進紮固境之宋家集約期會勦探聞
該逆因固始附近無糧可掠分股向商固交界
之郭陸灘樟柏嶺等處竄擾商城情形倍形喫
重查固圍日久未解商城又有匪蹤亟應剋日

赴援臣俟阜陽一帶匪股殄除卽親督隨營兵
勇馳往固始協勦以期迅解城圍奏入

上命軍機大臣傳諭英桂勝保曰固始城圍未解該逆

復分股向商固交界之郭陸灘樟柏嶺等處竄擾商
城情形倍覺喫重該撫所派馬隊及龍澤厚等所帶
陝兵已馳抵固境李孟羣亦由商城進攻固始必能
協同勝保迅解城圍此時英桂應進兵何處若固始

聖皇聖略卷一百八十八

三

解圍賊竄商城自宜以保護商城爲急如兵力不敷
著英桂勝保酌量撥兵策應李孟羣赴援固始六安
之匪現在何人督辦總須通籌緩急不可顧此失彼

欽定剿平粵匪方略卷一百八十九 戊午年

二月十九日 丑 乙勝保袁甲三奏言 臣勝保於二

月初二日親督各軍由固城北而進攻髮逆於
東西兩路各分三股向前衝突我軍整隊迎擊
將東西兩路敗賊盡壓回巢共斃賊七八百名
初六日復飭各軍進逼賊壘越濠而登忽從東
岡賊營撲出大股二三千人我兵直前迎截明

聖皇聖略卷一百八十九

一

慶等帶領馬隊從後抄入斃賊三百餘名餘逆
回巢卽將近巢房屋焚燬以清我軍進攻之路
初八日樂善帶領河南南陽山東曹州兩鎮及
川楚各隊兵勇由北而西直攻三仙莊賊壘參
將格洪額成景帶隊由東而攻取各巢 臣勝保
統帶親軍由中路進李孟羣各軍進勦固始西
路直搗西關正在踰越濠牆詎該逆分出數股

由東南岡六七里外繞道抄襲將李孟羣等因
在垓心各營馬隊趕到衝入賊中槍箭齊施賊
盡披靡臣勝保督軍進攻北面賊壘直抵木城
逆眾分股撲出我兵槍礮連環正在酣戰之際
遙見賊由西南又分數股抄襲而來臣勝保飭
令廣勇開化勇由西抄擊川勇健勇由東迎勦
並開放京營大礮轟擊統計斃賊一千二三百

聖皇聖略卷一百八十九

二



名生擒偽檢點陳得彬偽將軍劉聚得等正法
查此股粵匪圍撲固城逆黨不下數萬自臣勝
保疊挫兇鋒斬馘解散已有萬餘臣等惟有督
飭各軍合力勦擊仍由北路節節移營進逼以
期力解城圍
勝保又奏言近勦固始圍城逆匪五戰皆捷李
孟羣紮營宋集因無馬隊衝擊均由臣營酌撥

助勦前准湖廣督臣官文咨會現撥參領舒保
帶馬隊二百名前來援勦復准河南撫臣英桂
咨稱此起馬隊統歸臣營調遣正在迎催探知
逆匪已分股由郭陸灘樟柏嶺一帶竄擾商城
臣查舒保已於正月二十四五日行抵麻城商
境毗連朝發可以夕至乃半月之久尚無到營
信息現在一面迎提舒保一軍一面咨商英桂

聖皇聖略卷一百八十九

三



迅由新蔡光息一路前進遏截商城竄匪不令
深入俾臣得專力迅解固始之圍仰懇
天恩飭令英桂酌量情形移緩就急保衛商城並請
飭下官文迅催援兵來豫以維全局奏八
上命軍機大臣傳諭官文英桂勝保曰現在勝保五戰
皆捷兵威大振兼有李孟羣在宋集助勦城圍不難
立解但逆匪分竄商境勝保無兵分撥著英桂卽行

帶兵赴援商城毋令賊勢蔓延至舒保已抵麻城何以疊經勝保迎催尙未趕到著官文嚴飭舒保統帶馬步隊迅卽出境由光商進發以便沿途協剿

二十日丙寅官文都興阿胡林翼奏言前因賊圍固始分竄商城切近湖北麻城邊界奉

旨派兵出境迎剿當卽抽撥九江營勇三千人隨同副都統舒保馬隊二百名前往防剿嗣復添撥駐

聖皇聖略卷一百八十九

四

防興國之勇五百人亦隨同舒保前往統計馬步三千七百人足成一軍其襄樊步兵不滿千人應請毋庸再撥奏入報

二十二日戊辰福興奏言逆匪從河鎮下游搶渡

經水陸各營擊退該逆無隙可乘遂分股沿河東上我軍槍礮齊施逆勢不支紛紛敗退陣斬

百餘名訊據獲賊供稱洪逆以金陵危急數次

赴撫求援石逆遂率撫建新淦之匪傾巢而出

撫建郡城各留廣匪千餘其餘悉數東竄分爲

六起號稱十餘萬本擬南北夾攻先踞廣信直

犯蘇杭以分金陵之勢因河口北岸堵剿嚴密

思由南岸疾趨廣信儻信郡無從措手卽繞由

廣豐分竄江山玉山以入浙境等語旋據探報

聖皇聖略卷一百八十九

五

賊已分股進撲廣豐經總兵饒廷選派參將胡

定國迎擊臣復派西安等營兵勇一千四百名

分路雕剿兼爲廣豐聲援惟西省浙省交界處

所防不勝防非併力兜擊則處處爲所牽掣必

致旁竄浙疆臣營兵力本單總兵饒廷選所統

各軍除分守廣豐外亦形單薄後路自常山以

至蘇杭並無重兵扼紮臣卽飛咨兩江督臣何

桂清候補三品京堂張芾迅派重兵扼守衢嚴一帶旋聞賊已越廣豐而北饒廷選率所部馳扼大南橋臣復調黃岡果勝等兵勇千人星夜前往協勦詎料該營行至沙溪探聞賊已竄至大南橋饒廷選一軍退紮玉山臣令黃岡果勝兩營即在沙溪駐守以通廣玉往來之路其彰武濟勝兩軍已經臣疊次催提計日可到一俟

聖恩俯念浙疆喫緊

六

抵郡後即當派赴玉山會勦刻下信郡可保無虞惟賊勢圖竄浙疆後路逆蹤不絕臣仍守信郡勢難兼顧合無仰懇

聖恩俯念浙疆喫緊

飭下金陵大營迅撥勁兵數千馳扼嚴衢保全大局奏

八

上命軍機大臣傳諭和春張國樑許乃釗曰據福興奏

洪逆以金陵危急求援於石逆石逆遂率撫建新淦之匪傾巢而出號稱十餘萬擬先踞廣信直犯蘇杭現在逆匪越廣豐而北饒廷選已退紮玉山福興所有之兵祇能專顧信郡其旁竄浙疆之路在在空虛等語逆賊率其大股旁竄浙疆意圖分我兵力設一旦闖入不獨金陵功敗垂成東南大局豈堪設想著和春等即調撥勁兵二三千名選派得力大員管帶

聖恩俯念浙疆喫緊

七

前往浙江常山玉山一帶扼要截擊並與饒廷選會商進勦機宜併力堵禦保全浙境即以截斷金陵援賊該大臣等當以大局為重毋稍延緩

上又命軍機大臣傳諭王懿德曰本日據福興奏石逆

因金陵逆賊疊次求援欲由江西東路直犯蘇杭以掣金陵大兵之肘賊眾傾巢而出分作六起號稱十餘萬已竄過廣豐饒廷選一軍退至玉山情形危急

等語賊既專注浙省自以堵賊犯浙之路爲急糧道趙印川帶兵素稱得力此時尙在邵武一路著王懿德速於閩省各標營內抽撥勁旅數千名卽交趙印川統帶由崇安前進繞出賊前相機堵剿一切糧餉軍裝均著迅爲籌備

同日何桂清奏言前奉

諭旨令臣揀派委員接辦江南糧臺查糧臺有奏事之

聖事畢方略卷一百八十九

八

責新任江蘇藩司王有齡籌措軍餉業已昕夕不遑勢難兼顧江甯藩司楊能格現辦江北糧臺應請

旨另行簡派大員接辦江南糧臺事務以便文煜交卸奏入

上諭內閣曰前任湖南布政使徐有壬著馳驛前往江蘇接辦江南軍營糧臺事務

二十四日午庚和春奏言金陵逆匪盤踞秣陵關

恃險負隅並分布醜類於關之西北隅直接城南雨花臺中有殷巷又踞之以通接濟該逆於正月二十四五等日由東南北各關糾黨傾巢出撲其殷巷郭家橋黃泥巷一帶賊壘亦以大股接應當派總兵李若珠周天培等督兵分途迎勦總兵虎坤元親督遊擊馬德昭等馬步兜

聖事畢方略卷一百八十九

九

圍縱橫盪擊殲賊五六百人餘皆奔竄二十九日東南兩關之賊絡繹出巢意圖掩襲虎坤元卽派將領截擊自率親軍陷陣直搗中堅斬敵無算傳令疾趨東關虎坤元揚旗先登越過濠溝手刃數賊斬關而入胸受槍傷登時陣亡城中突出悍賊三四千人麕集距關五里之白塘村乘虛攻撲並於黃泥巷左右添築數巢俾我

軍不能深入二月初二日賊由東南北三關暨
股巷等處糾眾七八千人分路撲營其東南一
股經參將陳雲彪等前後包抄賊勢大潰副將
戴文英率領馬德昭等迎勦東北一路斃賊約
千餘人李若珠等乘勝渡河繞出郭家橋之背
聯築三營初八至初十等日所築新營一律完
竣橫截秣陵股巷之衝探知賊中糧藥均繞道

聖朝集略卷一百八十九

十

數十里方能入關賊情洵懼臣當飭該鎮等迅
將郭家橋黃泥菴一帶賊壘先行掃蕩以成破
竹之勢十二日我師派隊由郭家橋捲旗疾馳
掩其不備該逆正在添築營卡戴文英揮兵齊
進逆眾棄械四竄將賊營兩座焚燬十三日該
逆又於白塘村王家莊等處潛築三營扼我進
路李若珠等三路分攻一面派令將弁堵紮黃

泥菴口以牽制之十四日李若珠等將黃泥菴
賊營悉數攻破秣陵勢成孤注不難一鼓蕩平
午刻率領大隊直撲賊巢別以精兵千人多備
火藥由蔡家莊包抄其後並因秣陵北達金陵
該逆窮蹙之餘勢必鋌而出走即分兵潛赴關
北葛塘寺德勝橋白塘村等處分別設伏以備
迎勦並派副將劉季三遊擊馬德昭等進攻東

聖朝集略卷一百八十九

十一

北兩關是日戌刻北關一帶號火舉發知該逆
將欲外竄官軍斬關直入大隊緣附而上內外
賊巢同時縱火我軍盡力刺殺橫屍塞路追奔
三十餘里共斃賊二三千人即將秣陵關克復
其股巷杜橋一帶逆壘亦悉蕩平查秣陵一關
遙峙城南該逆恃爲屏蔽凡糧米火藥外援接
濟金陵悉由西路三山門板橋一帶起岸進城

今克復秣陵去其羽翼賊已聞風喪膽必須迅
速進兵分扼要衝斷其咽喉全局乃有把握臣
現飭調上下游水師駛泊三山水口與陸營聯
爲一氣既絕其南來之糧食又杜其北竄之要
衝總期掃穴擒渠根株盡拔陣亡之把總周玉
洪外委蕭振邦李逢春傅吉順臨陣捐軀實堪
憫惜應請

聖恩

十二

旨飭部從優議卹

和春又奏言蒙宿一帶捻匪臨張密邇徐豫關
繫北路咽喉自應遵

旨撥兵赴援惟江南軍營自七里洲江口迤東轉南至
秣陵關聯營五十餘里已屬不敷調遣比因黃
池灣沚等處逆燄狻獠又撥勁旅千餘名分別
應援就此時兵數計之未敢再行抽調致有疏

虞連日接何桂清晏端書轉據福興咨稱有撫
州大股賊匪欲由廣信竄擾浙境之說臣等以
金陵城大地廣欲圖合圍尙慮兵單均以無力
援應爲歉謹據實陳明

聖恩

十三

天恩賞換雙眼花翎以示

寵異廣西右江鎮總兵李若珠可否

交軍機處記名遇有提督缺出請

旨簡放雲南鶴麗鎮總兵周天培擬請

飭部從優議敘副將戴文英本係奉

旨記名總兵茲查有直隸通永鎮總兵虎坤元遺缺可

否卽以該員

簡放俾昭鼓舞奏入

上命軍機大臣傳諭和春張國樑許乃釗曰和春奏攻克秣陵關進圍金陵已明降諭旨將該大臣等加恩並將各將弁等分別獎卹矣惟據另片奏稱論調蒙宿官兵及福興咨調援兵均屬無可分撥等語蒙宿一帶毗連北路尙可由山東等省調派惟廣信爲浙江門戶石逆以大股來犯已越廣豐而北進援之總

聖朝聖學卷百八十九

十四

聖朝聖學卷百八十九

十五

兵饒廷選退至玉山賊勢猖獗福興一軍萬難堵禦浙江爲完善之區稍有疏虞蘇杭震動大局可慮石逆此次內犯實爲金陵逆衆求援而來故盡率撫建之賊傾巢出撲迥非尋常窺伺可比浙省兵勇未經行陣深恐不能得力現在圍攻金陵之兵自未可抽調著於各處留守官兵內酌量調派二三千名其統帶將領必須實在得力之員始能以少禦衆著和春

等迅速選派卽令由浙江前赴常山玉山等處助剿蕪湖爲金陵上游江路賊援未能斷絕尤應嚴爲之防著和春等嚴飭水師實力堵截

上諭內閣曰秣陵關爲金陵南面屏蔽逆賊失此險要不難一鼓殲除該大臣等通籌全局布置悉合機宜和春著晉加太子太保銜張國樑著賞換雙眼花翎許乃釗著以三品京堂候補仍著督飭將士迅圖克

復金陵同膺懋賞其在事尤爲出力之總兵李若珠著遇有提督缺出由軍機處提奏周天培著交部從優議敘副將戴文英卽著補授直隸通永鎮總兵以示獎勵其餘出力員弁兵勇並總兵吳全美等所統水師高瀆東壩等處防堵出力各員均著和春等查明保奏陣亡把總周玉洪外委蕭振邦李逢春傅吉順均著從優議卹

和春又奏言直隸通永鎮總兵虎坤元從征八載忠勇性成前此克復溧水縣城暨湖墅龍都兩鎮奮勇先登盡殲醜類該處紳民至今感戴不衰迨留守句容屢勦金陵援匪皆能以少勝多年甫二十七歲志趣甚遠聲威極著賊匪見其旗幟卽畏憚之自赴秣陵關會擄逆巢兩月以來大小數十戰無不身先士卒陷陣摧堅詎

聖皇聖考卷一百八十九

十六

意大功未蕺勇烈捐軀遠近軍民同聲悼惜其父湖北宜昌鎮總兵虎嵩林現在溧水防堵已派人護送靈柩回籍相應懇

天恩飭部從優議卹並於溧水湖墅及死事之處建立專祠以慰忠魂奏八

上諭內閣曰直隸通永鎮總兵虎坤元年未三十隨同伊父虎嵩林在江南軍營數載遇仗爭先戰功卓著

茲因攻擄秣陵關賊巢首先陷陣斬敵無算中槍陣亡殊堪軫惜虎坤元著交部從優議卹並於溧水湖墅及死事地方建立專祠以慰忠魂

二十六日 壬申 福濟奏言壽春鎮總兵鄭魁士自

去春桐營潰退扼守廬州尙能鎮定惟素性驕蹇與諸鎮不和頗難駕馭該鎮本舊隸和春部下曾爲和春管理營務驅策日久節制易施臣

聖皇聖考卷一百八十九

十七

與該鎮分屬同官未便過爲抑制應請

旨飭下鄭魁士仍赴江南軍營聽候和春調遣至廬州一軍必須勇敢大員統率進剿查徐州鎮總兵傅振邦膽略兼裕調度有方足當一面現聞赴援甯郡紮營秦子店地方江南頗多名將該鎮尙非萬不可少之人似可移赴皖北統帶廬兵籌商進剿仰懇

飭下和春傳諭傅振邦酌帶北省精兵數百移紮廬州

以資防勦如蒙

俞允俟傅振邦抵廬後鄭魁士再行交卸前往奏八

上命軍機大臣傳諭和春曰據福濟奏總兵鄭魁士性

情驕蹇與諸鎮不和頗難駕馭請飭赴江南軍營聽

候和春調遣卽飭傅振邦酌帶精兵前赴廬州等語

廬州防備北路固屬緊要惟江南正當圍攻金陵喫

聖朝聖略卷百八十九

六

緊之際傅振邦幫同鄧紹良保守甯國亦屬得力之

員能否前赴廬州與鄭魁士對調著和春酌量情形

奏明辦理

二十八日 甲戌 晏端書奏言江西臨江敗匪與撫

建股匪竄踞河口於二月初五日由鉛山竄圍

廣信府屬之廣豐縣城胡定國所帶兵勇不敷

守禦總兵饒廷選親帶玉山兵勇馳往督勦於

初九日行抵大南嶺突有大股賊匪從嶺後分

路包抄該總兵未及築壘仍回玉山刻下廣豐

被圍甚急賊已逼近江山探聞石逆帶領撫建

匪黨傾巢而來意欲竄擾浙江以牽掣金陵之

師其竄浙之路不由廣豐竄入江山卽由玉山

竄入常山並據各路探報賊衆自河口以至上

饒廣豐蔓延百餘里不下六七萬人設廣豐不

聖朝聖略卷百八十九

十九

守則由江山直竄衢州勢等燎原現在遊擊楊

國正督率浙兵彪勇駐紮廣豐江山接壤之界

首地方並經金衢嚴道繆梓飭調楓嶺營官兵

三百名前往助守江山縣知縣余以增先經募

勇五百名與官兵合隊福興派彭武奇兵四營

赴玉山會同防勦並撥黃岡果勝兩營駐紮沙

溪以爲後應饒廷選又於華埠防所飭遊擊黃

熊飛帶勇三百名駐紮南門加以婺源調回之
浙兵統計玉山兵數已有五千餘名臣卽飛咨
饒廷選統領各隊並飭楊國正由江山前進會
合夾擊力解廣豐之圍一面飛咨福興張芾援
師隨時策應其自衢州而下由金華嚴州以至
省城臣已會同官紳密籌布置以備不虞

晏端書又奏言黃池灣沚兩防自正月間逆匪

聖事錄卷二百八十九

三

竄踞後到處擄人擄糧以圖內竄節經我師勦
辦獲勝乃近日各路逆援又增至萬餘人處處
密布直欲內犯建平東壩窺伺蘇杭查甯國防
兵一萬數千名兵力未嘗不厚無如軍情路路
喫緊各兵勇派防要隘十餘處愈分愈單甯郡
情形萬分危急鄧紹良續於江南大營乞師而
金陵攻勦正當喫緊兵力無可再分前該提臣

屢請募勇臣以經費無出未能遽允現在賊勢
實偏處此已函囑鄧紹良雇募精銳一二千俾
資防勦刻下急須保固南陵規復黃池灣沚亦
惟就現有兵力督飭各將士次第掃除奏入

上命軍機大臣傳諭福興者齡晏端書曰江西臨江敗
匪與撫建股匪由鉛山竄圍廣豐縣城欲擾浙江以
牽掣金陵之師自河口至上饒廣豐蔓延百餘里逆

聖事錄卷二百八十九

三

賊不下六七萬勢甚猖獗玉山兵數已有五千餘名
晏端書咨令饒廷選統領各隊由江山前進會勦力
解重圍者齡亟應撥兵合勦該省如劉長佑劉于濶
普承堯田興恕等皆係得力之員著者齡酌量調派
務須繞出賊前迎頭截擊總兵壽山前帶廣東官兵
二千名由福建汀州取道赴撫建救援現在是否已
抵江西著者齡查明該鎮在何處逗留迅速催赴常

山玉山一帶毋許遲誤逆賊竄踞黃池灣止後賊黨日增意欲內犯建平東場窺伺蘇杭鄧紹良因金陵無兵可分添募壯勇所需軍餉較多著晏端書設法籌撥源源接濟

欽定平粵匪方略卷一百九十九

三

欽定平粵匪方略卷一百九十 戊午年

三月初一日 丁丑勝保袁甲三奏言 臣勝保等

圍固逆匪自二月初二日連獲勝仗後該逆時

思攻陷固城復於二月初九十一十四等日在

城東南隅開挖地道用地雷震塌城垣數丈各

營併力搶護得以化險為平 臣復親督各軍進

攻比關賊巢各逆列隊土岡約有二三萬人我

欽定平粵匪方略卷一百九十

一

兵奮力迎戰斃賊數百人該逆被勦堅伏巢中

既困固城又窺西路十九日探有馬步逆匪二

千餘人竄光州所屬之馬岡集等處署總兵龍

澤厚營總景林等帶馬步各隊迎擊行至馬岡

河東殺賊三四百名淹斃百餘名追殺二十餘

里二十一日派佐領高福帶領馬隊隨同布政

使李孟羣進勦由北而南兩路衝擊斃賊甚多

該逆知城中困乏意欲持久以待內潰卽力踞固始分撲光商臣激勵將士懸以重賞剋期大舉二十三日臣親督馬步各隊分路進攻逆匪傾巢出撲河北鎮總兵樂善領軍迎剿斃悍賊數百名又斃騎馬賊首數名逆衆向東關逃竄我兵一面緊追一面直撲賊壘殺賊二千餘人立將觀音閣一帶賊巢焚燬河東來援之賊又

欽定剿平粵匪方略卷百九

二

經我軍迎剿殺戮殆盡其西北三仙莊及各壘賊匪相率死守各軍乘勝攻撲遊擊盧又熊亦帶隊趕到偏賊環攻踰溝破壘擒斬無遺西面一帶賊巢亦被我兵踏平適李孟羣督帶廣勇由西面進兵見大軍業已得手愈形踴躍都司陳添潤帶勇擁進西大廟立將賊營攻破參將曾秉忠知縣張曜等齊力夾剿約斃逆匪二千

餘名南路竄出零股被副將趙鴻舉伏兵掩擊頗有斬擒臣揮令各軍分路繞城剿洗該逆或併歸巢中或分途亂竄均被我兵奮擊又斃賊三四千名立將環城賊壘二十餘處一律平毀擒斬偽額天侯卜占魁等三百餘人是日各路進攻酣戰五時之久徑擣賊巢統計殺賊一萬餘名生擒一千餘人潰匪向東南逃竄當飭馬

欽定剿平粵匪方略卷百九

三

隊官兵涉河追剿又斃千餘名將河東一帶賊巢全行平毀查該逆本係積年粵賊糾合大股數萬圍困固城已踰兩月之久經臣帶兵援剿幸仗皇上天威將士用命一戰而捷立解城圍實非臣所敢豫料其尤爲出力之河北鎮總兵樂善職分較

大未敢仰邀

恩施協領楚勒剛阿擬請

賞加副都統銜協領景林佐領高福都司唐玉輝均擬

請

賞加勇號守備黃得魁擬請以都司補用並

賞換花翎五品頂戴文桂擬請

賞戴花翎候補直隸州知州署固始縣知縣張曜擬請

免補直隸州知州以知府留於河南補用縣丞

聖朝集略卷一百九

四

田玉梅擬請免選本班以知縣留於河南歸候

補班補用並

賞換花翎其餘出力文武員弁兵勇容俟查明覈實保

奏奏八

論內閣曰此股賊匪數以萬計圍城兩月有餘經勝

保督兵赴援屢獲大勝遂解城圍實屬謀勇兼備調

度有方勝保著加恩遇有都統缺出由軍機處提奏

並賞還黃馬褂及霍變巴圖魯名號其尤為出力之

總兵樂善著遇有提督缺出由軍機處提奏並賞穿

黃馬褂協領楚勒剛阿著賞加副都統銜景林著賞

給齊訥格爾克克巴圖魯名號佐領高福著賞給幹

勇巴圖魯名號都司唐玉輝著賞給禦勇巴圖魯名

號守備黃得魁著以都司補用並賞換花翎五品頂

戴文桂著賞戴花翎候補直隸州知州署固始縣知

聖朝集略卷一百九

五

縣張曜著免補直隸州知州以知府留於河南補用

縣丞田玉梅著免選本班以知縣留於河南歸候補

班補用並賞換花翎其餘出力員弁兵勇著勝保等

查明保奏候朕施恩所有敗殘餘匪仍著督飭將士

分路搜剿毋留餘孽

同日福興奏言二月初九初十等日清河灣賽

家埠等處匪眾屢次搶渡撲犯河干圖擾廣信

郡城經水陸各軍先後擊退擒斬甚多十三日
鉛山賊股四五百人竄至郡城南岸之東瓦窰
地方擁擁搶渡臣卽分撥兵勇數百名馳往扼
截將匪擊退卽梟水至南岸奮擊該逆紛紛敗
走殲賊一百四十餘名維時上游靈溪砍石渡
各處皆分布隊伍豫防該匪見無隙可乘遂會
合山後大股盡竄沙溪查沙溪爲信郡至玉山

欽定剿平粵匪方略卷一百九十一

二

必由之地駐防該處之黃岡果勝等營本係臣
派往會援廣豐之軍因饒廷選退紮玉山未及
合兵前進探聞大股賊匪盡趨此路都司馮日
坤等遂督各營梟水過河進攻逆黨七八千人
亦分股抗拒我軍分隊從左路山脊潛進自上
橫衝而下賊卽潰亂斬獲百餘名臣因沙溪一
帶淺灘甚多復就郡城內抽調兵勇循靈溪而

上加意嚴防兼爲沙溪各營聲援十四日另有
賊衆數千仍從鉛山竄抵東瓦窰經臣派隊擊
退是日沙溪官軍復從下游渡河迎剿斃賊二
百餘名生擒十七名訊據獲賊供稱係由新淦
經石逆調至東路全數上犯現在撫郡惟留廣
賊千餘人建郡不過數百人隨後亦將東竄欲
陷信郡由浙省以援金陵等語查信防軍力無

欽定剿平粵匪方略卷一百九十一

七

多必須東西兼顧方免擾及完善赴援之彰武
奇兵等營僅有一千數百名不敷分布刻下東
路情形喫重亟須添撥勁旅應請

飭下江西撫臣耆齡迅速撥兵數千名馳赴廣信會剿
奏八

上命軍機大臣傳諭福興耆齡曰江西逆匪全趨東路
福興兵力尙單亟須援應况賊衆分竄饒廷選退守

玉山該處為入浙要路儻令關入浙江蹂躪完善之區大局幾不可問著者齡迅派得力大員帶兵馳赴廣信一帶探明賊勢相機截勦賊匪傾巢而出已由廣豐將至玉山福興亦未可株守信郡專待援兵致令浙境稍有疏虞

初二日寅 官文都與阿胡林翼奏言 臣等前因固始被圍商城告警於九江圍城各營抽調三

聖聖聖聖聖聖

八

千人又於興國防兵抽調五百人隨同舒保馬隊二百人援應商城半月以來皖賊大股上犯宿松太湖之賊竄聚張家塆陳德園地界連營數十座英山霍山之賊竄入羅田邊境蘄水蘄州警報疊至都興阿馬隊千餘名久戰力疲屢以兵單為慮 臣等現飭道員李續宜另募湘軍數千人擬俟成隊即會合舒保由商城進剿乃

勝保屢札舒保由光固分兩路前進查舒保既駐商城又欲其由光固分路迎剿則商城六安一路豈可委棄不顧皖省粵逆分股上竄每股不下一二萬人若不力遏北岸賊援則九江功敗垂成皖省更無肅清之日 臣愚以為責成舒保審察商城六安固始各路賊情相機進取如皖省賊警蘄黃兵單仍須取道麻城羅田以免都興阿大隊牽動庶不致膠滯一隅貽誤全局

聖聖聖聖聖聖

九

奏八

上命軍機大臣傳諭官文都與阿胡林翼曰現在固始之賊疊經勝保等督兵勦擊已解城圍英霍賊匪現已竄入羅田邊境竊伺蘄水蘄州都興阿兵力單薄楚省軍情較為喫重著官文等即飭舒保一軍仍回羅田麻城一帶會同都興阿實力防剿以顧楚省門

官文都與阿胡林翼又奏言據湖北糧道唐訓方稟稱二月初六七等日太湖之賊在安仁河一帶築壘初八日分股上撲我軍攻其不備殺賊二百餘名安仁河一帶未成之壘悉行掃平初十日賊由安仁河至蘄州之黃泥畷守備梁洪勝督軍偏近賊巢擒獲偽丞相章潮綱衆賊

聖皇聖學略卷十

十

擁至我軍四面合攻團勇從山巔壓下賊衆大潰追殺六七里平壘七座斃賊千餘名十二日該匪萬餘復由黃花嶺竄望天畷撲皖之英山縣城臣都與阿派參將富森保德明等前往應援十三日各營兵勇攻賊於青天畷平壘八座焚斬殆盡是日唐訓方親赴牛頭沖一帶率各營分路前進十四日直趨南陽河賊於北岸依

山築壘我軍將抵南岸賊亦渡河而南都司余

際昌乘賊半渡擊之轟溺多名後渡之賊分股包抄知縣丁銳義等分投截擊斃賊目三人餘賊梟水而逸我軍潛渡下游繞伏北岸山谷間俟全軍北渡偏近賊壘拋擲火器破壘三座羣賊紛至救援山後伏軍齊出賊遂大敗平壘二十九座斃賊一千數百名生擒一百三十七

聖皇聖學略卷十

十一

名陣斬偽倚天侯陳士棠等多名此次太湖南陽河賊匪盤踞數月疊經懲創實足寒賊膽而振軍威所有連次獲勝尤爲出力文武各員先行開列仰懇

天恩分別獎勵陣亡教諭王炳榮請交部從優議卹其餘在事兵勇可否擇尤保獎出自

聖裁奏八

上諭內閣曰此次該員弁等以少擊衆均獲大勝自應先加獎勵湖北糧儲道唐訓方著賞給奇齊葉勒特依巴圖魯名號知縣丁銳義著免補本班以同知儘先補用都司余際昌張嵩齡均著免補都司以遊擊儘先補用余際昌並賞加參將銜把總楊作霖著以守備儘先補用並賞加都司銜賞換花翎守備梁洪勝張養吾朱恢三均著免補守備以都司儘先補用

聖皇聖考卷一百九

十二

並賞加遊擊銜賞換花翎其餘出力兵勇著准其擇尤保奏陣亡教諭王炳榮著交部從優議卹

同日德興阿翁同書翰殿華奏言十二日江浦陸軍參將鄧鳳林等帶兵進攻求兩山之西南燒燬賊棚二座斃賊三四十名維時富明阿督帶營總常壽等會攻求兩山賊壘亦斃賊數十名燒燬賊卡七座賊棚四座都司王雲慶副將

趙樹棠等各帶弁兵分攻南門外賊壘均有斬獲約計斃賊二百餘名至江浦所轄江面各要隘初十至二十一等日經水師攻剿擊沈賊船數隻斃賊甚多現在江浦之賊惟恃九洲賊巢盤踞江心暗通金陵消息臣等現已整軍進剿步步爲營斷其外援絕其糧道並移營浦口與和春等函商辦期於大局有裨奏入報

聖皇聖考卷一百九

十三

初五日辛巳胡林翼奏言臣准江西布政使龍啟瑞函稱粵逆石達開竄踞江西之鉛山河口地方賊數約在二萬以外欲竄浙江將軍福興退守廣信府城按兵不動二月初四日賊破廣豐經總兵饒廷選擊退賊尙盤踞離城三十里之洋口及上饒十五里之阜頭一帶河口之賊於

二月初一二日盡數東竄等語查鉛山廣豐上饒俱屬廣信緊偏玉山玉山爲江西入浙通衢石逆旣竄廣豐勢必窺伺浙江該省防務極形喫緊將軍福興統帶兵勇現在廣信城中如賊由該郡直趨浙江恐亦未能追勦查有道員李元度屢著戰功上年九月以數千人守貴溪孤城當數萬悍賊卒能保全無患該員現紮江西

欽定剿平粵匪方略卷一百九

十四

貴溪地方若使繞道赴浙趨出賊前防勦必能得力仰懇

天恩飭下李元度卽率所部兵勇前赴浙江擇要扼守以遏賊蹤該營勇丁約四五千入月餉約需三萬兩請

旨飭下浙江巡撫按月接濟並請

皇上於江南金陵城外諸將中酌派一人統帶大兵前

往浙江協勦蓋金陵久經賊陷克復猶可徐圖而浙江爲糧賦重地保全不容稍緩至李元度所帶勇餉積欠甚鉅當先由湖北豫籌銀一萬兩並帳房軍械解赴該營以爲拔隊起行之資儻至浙以後勇力不敷臣當隨時添募咨送赴浙庶令其盡心營務可無竭蹶之虞奏入

欽定剿平粵匪方略卷一百九

十五

命軍機大臣傳諭福興耆齡曰江西大股賊匪已由廣豐將至玉山該處爲浙江門戶防勦實屬緊要道員李元度在貴溪一帶勦匪頗爲得力若調往玉山則廣信一帶空虛亦恐顧此失彼李定太爲江南軍營出色人員現在進賢賊已出巢可調李定太帶兵速援廣豐卽可與饒廷選分投夾擊以保江浙門戶著福興耆齡酌量情形卽飭李定太探賊所向移緩就急以固浙防至前論耆齡就近撥兵赴援諒必遵

旨辦理福興退守廣信如賊勢盡趨廣豐亦當相機前進會合追勦不得藉口兵單一籌莫展致令賊勢蔓延

初七日癸未德興阿翁同書翰殿華奏言江浦縣

城被賊占踞聚黨屯糧意在固守二月二十九日總兵安勇等四面環攻該逆由城南撲出二千餘名勢甚猖獗經參將魁霖等帶領兵勇直

聖祖皇帝

卷一百一

前截殺都司王希堂等分路包抄臣等揮軍急攻西門及求雨山一帶開礮轟擊賊不能支紛紛敗回海全等乘勢掩殺共斃賊七八百名槍斃首逆洪秀泉之姪洪芒滄一名餘賊遁回城內城外賊匪悉就俘執墜濠死者不計其數復令兵勇緊攻南門適九洲洲出賊千餘羅玉斌等分路迎勦直衝賊陣砍斃黃衣悍賊二名殲

賊數百名溺死無算臣翰殿華當將求雨山賊營先後攻破海全等復縱火延燒南門外賊營富明阿等帶領兵勇由西北登梯上城賊眾拌死衝出各路兵勇重重圍裹陣斬賊目數名賊眾驚潰兵勇四路搜殺落水淹斃者甚多當將縣城克復共計斃賊二千餘名生擒二百餘人陣斬偽國宗首級生擒偽將軍總制等多名所有在事出力文武員弁可否擇尤保獎之處出自

聖祖皇帝

卷一百一

逾格鴻慈奏入

上諭內閣曰此次德興阿等督兵環攻江浦克復城池所有在事出力文武員弁均屬奮勉著德興阿等查明保奏候朕施恩

初八日甲申晏端書奏言查甯國之黃池灣汴自

被逆匪竄踞以後方山之賊於二月十二日分股繞至紅楊樹直趨甯郡東路道員仲孫懋等分路迎擊殺賊甚多是夜該逆又糾合黃池灣泚蒲塘之賊數萬人猛撲鄧紹良派都司曹興隆等奮力鏖戰劉仁福先以伏兵擊倒馬賊十餘人賊勢大潰十四日該逆在馬家園一帶搭造浮橋欲與奎潭之賊併犯新河莊旋探知該

聖皇聖考卷十

末

逆全竄紅楊樹灣泚一路情形稍鬆鄧紹良卽密遣敢死士潛往灣泚賊營作爲內應一面派令楊金榜挑選壯勇夤夜從新豐一路銜枚而進遊擊張萬洪帶勇扼紮竹塘秦子甸又於清水一帶河口派弁梭巡以防逆匪偷渡鄧紹良親督大隊策應十五日該逆又以大股進犯紅楊樹米興朝等軍憑營決戰貴廷芳等從方山

繞襲賊後夾擊攻破賊營十餘座餘匪逃至清水潭冉正祥等又毀賊營二座傅振邦派令龍正耀等前赴灣泚與楊金榜合隊楊金榜首先越濠而進俘斬四十餘名將逆巢三座踏毀河東賊援屬至時劉仁福從方山追勦而來袁青雲等亦帶勇踵至會合衝殺斬獲尤多被焚被溺死者數百名餘匪竄往蕪湖是日黃池之賊

聖皇聖考卷十

九

紛紛從金柱關一路退竄鄧紹良飭令灣泚諸軍分兵進勦沿途踏毀賊營二十餘座當將灣泚黃池先後收復境內肅清查本年正月間金陵江北逆匪數萬人突竄黃池灣泚蔓延數十里偏近甯國郡城情形危急經鄧紹良督飭將士力扼要衝連戰皆捷幸得轉危爲安惟南陵逆氛甚熾且秣陵關業經克復金陵攻勦喫緊

皖南地處上游尤須防其復竄容俟南陵肅清
卽會商兩江督臣何桂清妥籌布置以維全局
再前次黃池失利鄧紹良先在南陵督勦救援
不及經臣請

旨交部議處現在黃池灣沚收復該提臣運籌決策均
合機宜可否

部免其議處遊擊楊金榜上年在婺源縣城潰圍而

聖訓

三

出不能固守待援奉

旨革職留營茲收復灣沚首著戰功可否開復革職處
分其餘在事文武員弁兵勇容臣會同鄧紹良
擇尤保奏奏入

諭內閣曰金陵江北賊匪數萬竄踞黃池灣沚署提
督鄧紹良會同總兵傅振邦等先後督兵收復境內
肅清勦辦尙爲得手著鄧紹良等督飭將士實力防

勦並將南陵餘匪迅速殲除毋稍延緩署提督鄧紹
良前因駐兵南陵救援不及旋卽督兵攻克所有前
旨交部議處之處著加恩開復已革遊擊楊金榜著
開復革職處分其餘在事出力文武員弁兵勇著晏
端書會同鄧紹良擇尤保奏

晏端書又奏言福建漳州鎮總兵周天受於本
年二月初四日在涇縣軍營聞訃丁母憂請開

聖訓

三

缺回籍守制並准張芾咨請奏留前來查周天
受在徽州軍營已歷五年勦勞懋著皖南軍務
全賴該總兵往來策應未便另易生手相應請
旨將周天受免其開缺改爲署理仍留皖南督辦防勦
俟軍務完竣再行回籍終制奏入

上諭內閣曰福建漳州鎮總兵周天受現在丁憂著免
其開缺改爲署理仍留皖南軍營督辦防勦俟軍務

完竣再行回籍守制

晏端書又奏言江右軍情自河口鉛山失守後廣信玉山廣豐三路同時告警現在參將胡定國一軍仍在廣豐力保危城遊擊楊國正駐紮界首會同江山縣知縣余以增於二月十一日禦賊於排山殲斃甚多廣豐城外賊衆日增楊國正原帶兵勇僅一千四百名尙形單薄繆梓

欽定剿平粵匪方略

卷一百一

添調兵勇七百名及婺源調回之浙兵一千五十名卽令移營前進以解廣豐之圍饒廷選隨令副將周萬遠統帶兵勇二千餘名自玉山進紮大南嶺與楊國正訂期於二十二日會攻廣豐正在出隊之際突有匪黨二三萬人從觀音橋竄擁而來各營盤前後被圍遊擊江長元把總王增貴陣亡我軍衆寡不敵撤隊退駐玉山

該逆旋由大南嶺沙溪兩路進撲距玉山均祇

一二十里饒廷選現飭各隊於玉山西門外沿河一帶紮營再圖進取臣前次奏調浙營官兵八百名由建平調回浙兵五百名並張芾派出遊擊王恩榮統帶兵勇一千名先後前往策應計可到齊惟廣信府屬賊勢蔓延二百餘里衢防兵勇分赴玉山廣豐兩路數僅萬餘常開各

欽定剿平粵匪方略

卷一百一

防節節空虛且甯防黃池灣汴雖已肅清南陵賊氛尙熾添兵布置已屬不敷一時萬難抽調臣現咨何桂清和春張國樑許乃釗酌撥勁旅來浙惟程途較遠尙恐緩不濟急一面咨商張芾續派兵勇交江長貴統帶馳赴玉山會勦再據福建浦城縣知縣稟報江右股匪二月十六日竄陷崇安縣之岑陽關現竄至該縣西南鄉

請兵救援查浦城為閩浙咽喉前咨督臣王懿德派兵嚴防並令道員梁恭辰由江山馳赴浦城集團堵禦刻下情形萬緊當令楊國正酌撥衝標兵四百名赴大竿嶺駐紮並由臣飛飭楓嶺營閩浙官兵分途堵禦其界連處屬之龍泉慶元雲和景甯等縣亦咨行處州鎮及該管府縣扼要嚴防奏入報

聖皇聖考卷百九

三

初九日乙酉福興奏言沙溪對岸之賊從青田橋洋口等處糾黨萬餘於南岸依山為營欲竄北岸二月十九日我軍分道暗渡河南直逼賊壘撲進牆內斃賊一百五十餘名二十一二等日各軍潛渡進擊疊有斬擒賊向山後敗回據獲賊供稱此股實有二萬餘眾本欲竄犯信城因

官軍堵剿甚嚴擬俟攻陷廣豐併力以圖廣信等語查廣豐被圍待救甚急總兵饒廷選前次赴援未能前進臣即派彰武奇兵等營前往復派兵勇二千七百人隨同協剿該總兵飭副將周萬遠分軍進紮大南橋一路為廣豐遙作聲援臣以沙溪之賊可由高嶺直截大南橋之後慮其為賊所乘當函致該總兵先將沙溪一股

聖皇聖考卷百九

三

會合剿除即可併力以援廣豐並囑飭大南橋一軍進攻沙溪果勝等營從北岸過河夾擊嗣據該總兵函稱已飭周萬遠約期會剿不意周萬遠一軍二十二日在大南橋遇賊接仗全行退挫幸縣丞屈蟠一軍扼險堵禦該逆未敢跟追現在玉防喫重請撥軍應援查沙溪防兵僅一千數百人信郡之軍存城者祇一千二百餘

人均屬無可抽撥日來金谿之賊復竄至黃沙
港地方分股由上高州一路竄閩省岑陽關撫
州賊黨亦將東竄是下游堵剿未能稍鬆適浙
江撫臣兩次撥兵八百人並調徽防兵勇一千
餘人來衢協剿臣已照會饒廷選迎提各軍嚴
扼玉山仍一面飛咨撫臣耆齡趕派整隊數千
馳赴廣信隨同攻擊惟廣豐被圍日久恐鉛藥

欽定剿平粵匪方略卷一百九

三

垂盡各路援兵緩不濟急臣嚴飭各將領就現
有兵力先將沙溪對岸賊匪殲除以期進解廣
豐之圍奏入

上命軍機大臣傳諭福興晏端書曰福興駐兵廣信饒
廷選扼守玉山自當力遏兇鋒惟據奏稱必須將沙
溪一股剿除方可併力進援廣豐廣豐城小兵單被
圍日久設有疏虞則賊繞越廣信由江山一路入浙

饒廷選專保玉山儘衢州有警該逆順流而下無險
可扼全浙皆爲震動自當以救援廣豐勿使竄入衢
境爲要務昨令福興調李定太一軍赴援廣豐著該
將軍飭令迅速前往據奏晏端書撥兵八百名並調
徽防兵勇千餘人至衢州協剿自應分守江山衢州
以遏賊鋒豈可全行調往玉山以致顧此失彼饒廷
選係衢州本鎮前此赴援廣豐未能前進此次福興

欽定剿平粵匪方略卷一百九

三

派勇助剿僅令駐紮大南橋遙作聲援又復敗衄似
此毫無把握深恐貽誤非輕著晏端書速飭該總兵
督兵進剿並布置江山一路毋使該逆有隙可乘福
興卽飛咨耆齡將續派江西官兵催令趕緊赴援一
俟到防福興亦當視何處喫重親往督剿不得株守
廣信坐視賊匪蔓延晏端書統轄全省當此軍務喫
緊之時尤須調度合宜方能有備無患儘用人不當

防堵稍有疏虞恐不能當此重咎也

初十日丙戌者齡奏言新淦賊匪疊經水陸弁兵

渡河進攻賊匪不出二十七日甘肅安肅道劉

于瀆督率江軍由樟樹鎮抵淦二十八日劉于

瀆飭各軍過河焚營並令前署新淦縣知縣李

作士等集團助剿戰船排列河面開礮疊擊賊

於是夜潛開東門逃竄劉于瀆督軍追勦參將

聖皇聖考百九

天

劉培元等率勇繼至逐北二十餘里殺賊甚多

餘賊向樂安竄去當將新淦城池收復豐城縣

白馬寨賊壘初八日經李定太派隊全行踏毀

其撫州大股逆匪分竄餘干安仁貴溪等縣正

月二十四日悉趨馬鞍山楊林橋一帶二十五

日李元度率勇往勦互有殺傷該逆即竄弋陽

港口二十七日竄擾河口鎮西安將軍福興回

守廣信府城令李元度接防弋陽二月初二日

河口之賊分擾鉛山初五日竄撲廣豐並擾及

廣信府城對河撫州續至之賊約數萬人屢思

渡河竄犯郡城經李元度等派撥兵勇及臣前

調同知康國器所帶戰船於黃河港等處截擊

殺賊數十人至百餘人不等查此股逆匪被擊

退回撫州改犯東路貴溪弋陽防兵七千二百

聖皇聖考百九

天

餘人並續派之奇兵等營二千二百餘人原期

扼守信郡以護閩浙乃逆眾竟由貴溪之楊林

橋弋陽之港口直趨河口鎮分犯鉛山廣豐不

但信郡數處受敵閩浙且復震動臣已酌撥參

將劉芳貴寶勇一千二百名前往貴溪接防又

調長左等營兵勇二千餘名馳赴廣信由李元

度酌撥防守弋陽餘俱調赴玉山會同饒廷選

等軍至廣豐鉛山河日步步進擊以期肅清東
路奏八報

十一日丁亥何桂清奏言粵逆東趨浙江軍情喫
緊前奉

諭旨飭調金陵大營兵勇星速赴援遵卽會商和春張
國樑派撥兵勇二千一百名赴浙援剿惟江南

聖皇聖考卷百九

三

大營自攻破秣陵關後剋日進剿雨花臺未可
鬆勁卽將派防東壩高瀆兵勇二千四百餘名
調回以厚兵力仍咨商張國樑另撥兵勇接防
東壩一帶要隘茲據張國樑函稱東壩高瀆兵
勇現既調回該處地大兵單深爲可慮擬再添
募壯勇三千名前往扼守臣與張國樑意見相
符業經函覆請其就近添募妥籌辦理所需經

費由臣設法措給以資飽騰奏八

上命軍機大臣傳諭德興阿何桂清曰江南官兵攻破
秣陵關後卽日進攻雨花臺勦辦正當喫緊高瀆東
壩爲內竄之路亦未可空虛所稱募勇扼防恐係烏
合之衆未經戰陣難期得力現在江北官軍業經克
復江浦如有可撥兵勇著德興阿酌量調撥不拘二
三千名交和春張國樑妥爲布置既可節省募勇之

聖皇聖考卷百九

三

費而防剿更爲得力能否調撥之處仍著該大臣妥
籌酌辦

十三日己丑和春奏言官軍自克復秣陵關後二

月二十一二等日李若珠等冒雨督師將三山
營江口賊壘二座先行奪毀殺賊甚多隨卽從
板橋杏花山常固山一路移營進占與三汊河
逆壘對峙該逆潛於善橋之西築壘設卡拒我

東趨二十六日李若珠等分兵三路會搆賊營並飭遊擊向奎等伴攻西善橋賊壘以牽制之我軍齊抵三汊河參將劉萬德馬德昭搶渡過河殪執旗逆目數名餘皆披靡李若珠親督馬隊斃賊多名將該逆新築營卡踏平乘勢直撲三汊河老巢李若珠密令馮觀勝等帶領軍士或十數人或數十人於三汊河旁作為探路樵

聖朝方略卷百九

三

汲之狀該逆見我人少即分投出逐我軍誘其離巢漸遠伏兵齊發該逆回奔馮觀勝戴佐英搶過浮橋三道大隊填濠競進賊營七八百人悉數殲除三汊河東十里為西善橋又東為小行該逆踞守與三汊河互相犄角周天培戴文英密飭馮觀勝戴佐英帶兵百人即用所得賊營衣幟馳赴西善橋一面派遊擊馬騰霄等在

善橋分路設伏馮觀勝等徑奔賊營該逆營門甫開我軍刀矛火器一齊衝入賊匪不知官兵多寡奪路狂奔馬騰霄等四面兜圍殺賊約以千計立將西善橋老巢攻克周天培等將沿途賊卡十餘座一律焚燒轟斃淹斃之賊不可數計周天培當派姚爵階等直搆小行殲賊無遺遂將小行逆巢奪據李若珠亦部署士卒從三

聖朝方略卷百九

三

汊河西北進攻大勝關派副將劉季三等分隊環攻該逆始猶抗拒嗣見寡不敵眾棄營而逃計殲賊五六百名此二月二十一日以後疊毀賊巢大獲全勝之情形也臣與張國樑許乃劍相商金陵形勢以太平神策等門為左翼以雨花臺為右翼三山板橋為咽喉三汊河西善橋等處為脈絡今左右兩翼均已翦除自大勝關

迄小行數十里內壘卡皆平其勢漸成孤注應
卽由安德門石子岡以上抄出雨花臺之前接
築長圍全局俱歸掌握當由張國樑親往西南
相度形勢二十九日派李若珠一軍由落星寺
至西善橋聯紮十三營以固後路三十日派周
天培戴文英兩軍由西善橋至安德門扼要紮
營該逆由雨花臺傾巢出撲南門水西門又各

聖皇聖考卷百本

書

出悍匪三四千意圖抄襲我軍分路追剿戴文
英指揮將弁直搗中堅斃黃衣逆酋數名馮觀
勝等左右馳突殲殪甚眾南門一帶逆隊經李
若珠等帶兵痛剿殲賊七八百人張國樑已督
兵紮營包過雨花臺卽可漸抵上坊橋賴鎮海
督飭艇師亦於是日聯檣上駛行經九洲草
鞦峽等處賊匪聯築礮壘我師乘風揚帆施放

大礮轟塌該逆望樓一座並毀其礮隄斃賊無
數水師現已排泊落星寺江濱與綠營聯爲一
氣三月初一日張國樑督同李若珠等正在催
趨夫勇由石子岡左右築營突見賊衆自雨花
臺聚寶門蠶擁而來當飭劉季三等各帶勁兵
設伏俟逆衆漸近將賊隊橫衝爲二雨花臺山
岡又出逆匪數股竭力相持周天培馬德昭躍

聖皇聖考卷百九

書

馬直前短兵相接斃賊不計其數我軍新營均
已葺工此連日水陸各營直逼雨花臺接仗獲
勝之情形也查逆渠占踞金陵稽誅六載今幸
仰仗

天威將士用命由三山直達雙橋鳳台以至上坊等門
悉爲我守實屬數年來未有之氣象此後能斷
城賊接濟其勢自難久踞京北一路五十餘里

營壘之外濠牆迤邐聯屬該逆斷難飛越西南
一路我師又已聯紮四十餘營銜接八十餘里
刻下德興阿大兵克復江浦進攻九洲賊巢
臣等已飭賴鎮海嚴督水師晝夜巡防以杜賊
船北竄一面督率鎮將迅圖收復金陵陣亡之
五品藍翎把總李光明應請

前部從優議卹奏入

聖恩厚澤

奉

上諭內閣曰官兵進擣金陵連奪逆巢營卡直偪雨花
臺疊獲大勝所辦甚屬得手仍著和春張國樑等督
飭諸軍迅圖攻克金陵擣穴檢渠以副股望陣亡把
總李光明著交部從優議卹

和春又奏言臣奉

旨飭調壽春鎮總兵鄭魁士赴江南軍營聽候調遣另
揀大員前赴廬州更替查鄭魁士出師日久屢

經大敵疊受重傷今在廬州既與諸鎮將意見
不合應即遵調鄭魁士赴江南軍營助勦廬州
為北路咽喉自當揀派得力大員前往臣與張
國樑許乃釗籌商查有現駐東壩之湖北提督
德安堪以派往俟行抵廬州再飭鄭魁士交卸
前赴金陵其東壩防守事宜查有副將魯占鼈
堪以前往接辦奏入

聖恩厚澤

奉

上諭內閣曰湖北提督德安著前往廬州會同福濟辦
理軍務鄭魁士著赴江南軍營協同勦匪鄭魁士所
帶廬州兵勇即交德安統帶其壽春鎮總兵一缺著
福濟派員署理

中央民族
學院圖書
館藏

欽定剿平粵匪方略卷一百九十一 戊午年

三月十四日 庚寅 福濟鄭魁士奏言和州

衝要餘全門戶自去年十月間前總兵音德布

由河村鋪退守官渡該州即為賊踞以致餘全

多警北竄時虞三月初一日參將錫昌督兵由

赤鎮過河副將惠成等由官渡過河分三路進

擣探知河村逆匪三百餘名已踞香泉舊營我

剿平粵匪方略卷一百九十一

軍奮勇直攻逆伏不出河村鋪又來賊二千餘

名兵勇分投迎敵斃執旗賊酋一名追殺百

餘名初二日仍分路進圍河村鋪逆匪出隊拒

戰惠成等揮兵急進賊退入巢我軍即在附近

村莊屯紮更番轟擊鮑雲翥由烏衣帶勇會攻

初三日黎明鮑雲翥密從西路屍水過濠施放

火箭賊篷火發惠成即督兵由北面大路直入

錫昌等由東路金家樓奮擊賊向河村橋南路

逃散冀圖竄併入城我軍跟追城內之賊傾巢

分路來救兵勇乘勝迎剿敗賊不能整隊惠成

等即由河村南面入城鮑雲翥先由西門襲入

王士雄等由東門襲入錫昌等由西門繞襲南

門與惠成合兵追剿直抵和陽橋斃賊二千餘

名落河死者不可勝計遂將和州克復 臣鄭魁

剿平粵匪方略卷一百九十一

士已於初二日由廬郡挑派隊伍三千餘名親

督起程行至中途據惠成等稟報前來查該副

將等謀勇兼全辦理妥速先行開列額懇

天恩分別給予獎勵其餘出力員弁兵勇並請擇尤保

獎惟和州為北岸上游必爭之地堵截宜嚴皖

省兵力不敷暫令惠成等扼要設防一面咨請

德興阿酌派鎮將分帶勁旅及紅單礮船沿流

上溯協守和州會合攻勦江岸賊壘伏祈

飭下德興阿等速派五六千人來皖併力堵扼現在和

城東北烏江芝蔴河等處賊營恃險負固必須

乘勢掃蕩臣鄭魁士抵和察度形勢即督全隊

親往勦除再圖巢縣以清腹地探聞六安賊匪

分赴舒桐尚有窺伺廬州乘間北犯之意廬城

防守事宜暫飭副都統麟瑞會同總兵嵩瑞扎

聖聖聖

三

聖聖聖

四

隆武妥辦仍由臣福濟督率調度奏入

上命軍機大臣傳諭德興阿福濟曰和州為北岸上游

要地既經攻克自當扼要設防福濟因兵力不敷分

布請飭德興阿選派鎮將統帶勁旅五六千名會同

守禦原為斷絕賊援之計惟江浦雖經克復而九洲

洲一帶賊匪尚多昨因和春大營分兵赴援浙東恐

東壩等處空虛已諭德興阿酌撥兵勇二三千名交

和春等布置能否調撥若干名尚未據德興阿等覆

奏未必有五六千名之衆抽赴和州德興阿現在掃

蕩九洲洲一帶餘匪即著節節進勦並飭舟師上駛

與惠成等所帶之兵聯絡聲勢毋庸另議調撥昨已

降旨派湖北提督德安會同福濟辦理軍務鄭魁士

已調往和春軍營德安行抵廬州即著鄭魁士交卸

前往金陵福濟當與德安同心協力共籌勦賊之策

聖聖聖

四

力保廬城毋稍疏懈

上諭內閣曰此次官軍以少勝多攻奪要隘克復和州

城池勦辦尙屬得手仍著福濟等督飭將弁迅將和

州東北烏江芝蔴河等處賊營一律掃蕩再行進攻

巢縣以清腹地在事出力之雲南維西協副將惠成

著記名以總兵即用湖南永綏協副將鮑雲翥著賞

給圖哩模格依巴圖魯名號江蘇城守營參將錫昌

雲南龍陵營參將胡會龍均著以副將儘先升用雲南都司王士雄著以遊擊儘先升用並賞換花翎其餘出力員弁兵勇著該撫擇尤請獎

福濟鄭魁士又奏言臣福濟查盱眙縣蔣壩地方與清淮接壤該處釐捐前由邵燦庚長經收支應蔣壩兵勇口糧現在瓜州江浦先後克復江北漸次肅清蔣壩之防必當盡撤請將該處

欽定剿平粵匪方略卷一百九十一

五

釐捐由臣委員接辦稍助廬營兵糈奏入

上諭內閣曰安徽盱眙縣蔣壩釐捐准其改歸安徽由福濟委員接辦以助廬州軍餉

十五日卯 晏端書奏言據金衢嚴道繆梓稟稱

遊擊楊國正從官溪進紮排山距廣豐城十餘里二月二十四五等日該逆分股由大南橋入都西山三路前來攻撲我軍轉戰一晝夜因賊

已抄越官溪前後受敵祇得繞道退至清湖該逆旋於二十九日由官溪進犯該遊擊等不能

抵禦適微營遊擊王恩榮帶隊七百餘名行抵常山繆梓即令往援與賊接仗頗有斬獲亦因寡不敵衆一併退紮江山其時浦城之賊已於二十二日攻陷縣城與江山壤地相接玉山股匪亦全注於江山饒廷選因江山逼近衢郡恐

欽定剿平粵匪方略卷一百九十一

六

賊乘虛直入當派兵勇二千餘名留防玉山並飭副將周萬遠帶勇六百餘名赴援江山該總兵自帶親軍一千餘名回至常山與繆梓面商派勇一千餘名分守常山之屏風關大洋橋兩處要隘隨於三十日同回衢州商辦防勦等情查江山兵單賊衆恐難支持若再竄撲衢郡更成燎原之勢浦城復界連處州可以繞赴衢州

之後金嚴以下路路可通非厚集兵力斷難力
遏兇鋒仰蒙

聖主垂念衛防緊要

飭下和春張國樑許乃釗迅撥援師並蒙

諭令者齡調派劉長佑諸軍前來防勦 臣頃准和春許

乃釗來函已派總兵明安泰帶兵勇二千餘名

赴援又先後接張芾咨會深慮衛防危急除前

聖事集考卷一百一

七

撥發防兵勇一千七百餘名外續令參將余永

椿派勇四百名皖南鎮總兵江長貴親帶勁旅

一千名總兵周天受由南陵帶所部兵勇千餘

名一併赴衛會勦 臣已分別迎提至衛防官兵

必得久經行陣之大員統率各隊方期指揮得

力查周天受威望素著紀律更嚴 臣已咨請該

總兵節制調度以一事權金華嚴州一帶已與

紳士戴熙等會商分撥錢江水勇兵船扼要堵

截並飭富陽桐廬建德各縣一體嚴防將夏寶

慶所帶健勇六百餘名飭赴嚴州扼紮蘭谿龍

游西安等縣或招募民團或派撥官兵均已一

律布置惟自衛至省計程七百餘里以嚴州為

適中扼要之地現當水陸戒嚴官兵過往絡繹

所有催趨策應事宜 臣已飭委署臬司段光清

聖事集考卷一百一

八

前往駐紮辦理至省城兵勇均已徵調四出現

與將軍瑞昌會商請於駐防乍浦之滿洲營官

兵移調四百名來省以資防守

晏端書又奏言據繆梓來稟江山之賊於三月

初一日圍攻遊擊王恩榮營盤另股竄入江山

縣城該遊擊甫經衝出重圍縣城業已失陷該

鎮道集勇三千餘名力守郡城一面飛稟福興

催令李元度從玉山至衢會剿等情查周天受江長貴兩軍計可先後抵衢昨又飛咨鄧紹良抽撥勁旅並催明安泰一軍速來會剿所有省防事宜現與將軍瑞昌暨在省文武官紳妥籌布置臣擬酌帶省兵親往督辦至江山縣失守以後在城文武下落及軍營堵剿不力員弁容俟查明另辦臣於三衢軍務調度無方以致縣

城失陷咎實難辭相應請

旨飭部將臣先行議處奏入

上命軍機大臣傳諭瑞昌晏端書曰江西大股賊匪分竄玉山廣豐直趨江山以致縣城失陷晏端書現調江長貴等赴衢會剿而玉山一帶留防兵勇僅有二千餘名尙覺單薄深恐賊匪乘虛竄入不可不通籌兼顧其派往江山之兵既統歸周天受調度卽著督

欽定剿平粵匪方略卷一百九十一

九

飭在事文武奮力攻剿速克縣城如果事機緊急必須該撫親往所有省城防守事宜卽交瑞昌督同文武官紳妥籌布置晏端書奏請調乍浦滿洲兵四百名來省協防著准其如數調往以資防守

上又命軍機大臣傳諭福興者齡曰晏端書奏浙兵於廣豐江山之間接戰不利江山縣城於本月初一日被賊攻陷現已飛咨福興催令李元度由玉山前赴

欽定剿平粵匪方略卷一百九十一

十

衢州堵剿等語福興駐紮江西東路當賊匪由撫建上竄株守信郡致賊衆竄擾河口鎮蔓及廣豐分犯閩浙厥咎甚重浙省自江山以下無險可扼全省震動且浦城業已失陷處州等屬均須嚴防本省兵勇實屬不敷分撥此時李元度當已親赴上游亟應繞出賊前方可得手著福興者齡飭令該同知統率平江勇及奇兵彰武等軍速由玉山前赴衢州會同浙

省兵勇迎頭截擊務將該城克復毋令再有滋蔓江西如尚有可撥之兵卽著耆齡迅速添調爲李元度後路援應至賊匪旣陷江山豈可再任後路之賊源源繼進著福興一面催調李定太各軍一面親督現有兵勇察度賊勢緊急之處實力截擊儘再敢擁兵自衛觀望不前則咎有攸歸斷不能倖邀寬貸也

上諭內閣曰江西賊匪竄擾江山縣境於三月初一日

欽定四庫全書

十一

圍撲遊擊王恩榮營盤另股乘間竄入縣城晏端書未能先事豫防著交部議處在城文武下落著查明具奏該處軍營差委員弁堵剿不力並著查明彙辦

十六日 壬辰 福興奏言沙溪逆匪愈聚愈多廣豐

大股復由觀音橋竄近玉山東路常玉喫緊該逆分屯散布無非牽掣我軍必須先將沙溪一股殲除再行進剿沙溪各軍於二月二十八日

夜分隊前往外委韋上元從下游渡河潛伏於南岸山後都司馮日坤等於寅刻督隊自沙溪渡河分兩路潛進施放槍礮該逆驚駭狂奔自相踐踏擊斃三百餘人後路踞匪傾巢接應正鏖戰聞下游潛渡之軍已從山後直搗其穴該逆不戰自潰各營會合攻擊追殺十餘里將賊壘六座全行燒燬天明始行收隊賊衆均遁赴

欽定四庫全書

十二

大南橋而去續探廣豐圍城之匪分竄玉山六都七都地方 臣卽令沙溪各軍馳至玉山會同饒廷選一軍合力堵剿旋接饒廷選稟報圍撲廣豐之賊二十七日竄撲排山遊擊楊國正一軍退紮清湖二十九日該逆糾集七都一股悉衆猛撲楊國正又由清湖退回江山縣城該總兵卽由玉山率領浙兵親往籌辦等因查信郡

防務稍鬆圍攻廣豐之賊經參將胡定國等屢挫兇鋒大股匪徒均竄赴江山一路目前衢州軍情緊急自須親往赴援所有玉邑防務當飭同知李元度統帶平江左右兩營馳赴駐守並飭李元度催提長左等營察看信屬各路情形分派嚴防其信郡守備事宜飭令九江道沈葆楨妥籌布置臣即日親督各軍馳往衢州會同

欽定剿平粵匪方略卷一百九十一

十一

扼勦奏八

上命軍機大臣傳諭福興曰昨諭福興等飭令李元度剋日赴衢茲據奏稱已飭李元度駐守玉山並飭九江道沈葆楨布置廣信各軍相機堵剿福興親赴衢州著卽督飭援兵會同饒廷選等以勦爲防務將江山縣城迅速克復以免賊蹤滋蔓惟各軍全赴衢州恐廣信玉山等處空虛亦屬可慮著福興妥爲調度

勿致顧此失彼

十七日癸巳王懿德慶端奏言據臬司保泰等稟稱逆衆數萬疊擾河口鉛山紫谿車盤等處崇安分水各關密邇寇氛經崇安縣知縣莫自逸署遊擊吳鴻源等各帶兵勇出勦二月十六日該逆大股直撲岑陽關口兵勇奮力攻擊斃匪數十名該逆愈聚愈多我軍寡不敵衆致被圍

欽定剿平粵匪方略卷一百九十一

十四

竄刻下崇安縣城危在旦夕其江右廣豐賊匪距浦城二渡關僅十餘里防務亦屬喫緊該逆並由岑陽小路擁至浦城石陂街等語查江右鉛山廣豐緊接閩疆自該逆竄擾鉛山則崇安藩籬已撤遊擊賴高翔統帶漳兵由閩省調赴廣信防勦於二月初五日在石塘地方陣亡賊勢益形猖獗現計在防兵勇六千餘名分派常

玉江開等處並山浙江撫臣添調兵五百名馳
 赴協守均歸總兵饒廷選金衢嚴道繆梓調遣
 饒廷選現在大南橋地方遇賊接仗未能得手
 崇安浦城為閩浙咽喉建甯郡城乃全閩保障
 該逆竄踞石陂與建郡相距咫尺尤屬可危亟
 應添兵堵剿除催提各路官軍外一面督飭軍
 需局司道籌撥糧餉軍火源源接濟並飭臬司
 保泰就近妥籌調度至邵武汀州延平等府亦
 飭加緊防範不得稍有疏虞奏入

聖事專考卷一百九十一

十五

上命軍機大臣傳諭王懿德慶端曰王懿德等奏江西
 逆匪由鉛山等處竄擾閩境分撲崇安浦城軍情緊
 急等語昨據晏端書奏浙之江山與閩之浦城已先
 後失守該督等發報時自係向未知悉所派兵勇均
 係零星湊撥此股賊勢兇悍深恐不敷抵禦所有帶

兵鎮將必須選派得力之員方能制勝速將浦城克
 復其崇安竄匪既關八岑陽關該縣亦屬喫緊前諭
 王懿德調兵赴援江西此時閩境兵力不敷恐難兼
 顧鄰省著俟浦城崇安賊氛稍靖即將此兩路兵勇
 分投出擊以剿為防毋庸另行調撥

同日何桂清趙德轍奏言臣等前聞玉山喫緊

廣豐被圍浦城失事當因玉山為常山之屏蔽

聖事專考卷一百九十一

十六

又與江山毗連即函商和春張芾調派遊擊王
 恩榮帶兵二千就近馳援總兵江長貴帶兵一
 千接應並將在南陵剿匪之總兵周天受調回
 帶兵一千六百名前往接替江長貴回顧徽州
 復經和春遵調總兵明安泰統帶勁旅二千一
 百餘名由常州蘇州杭州而去適前任雲南鶴
 麗鎮總兵余萬清告病回籍道出蘇州藩司王

有齡因其籍隸金華久在軍營晤商該總兵派員前赴江甯一帶募勇一千名爲明安泰之後勁續據王有齡稟接浙江公局司道函報江山縣城已於三月初一日失陷查江山以下並無險要可扼亦無重兵堵禦不過三數日可抵杭州浙江餉需短絀軍情喫緊當飭王有齡竭力籌湊接濟以定人心至金陵城垣九十餘里非

聖皇聖略卷百九十一

七

四面合圍不能斷其接濟幸張國樑不避艱險就現有兵力先從東北一面著手督飭各鎮將將東北城外賊巢掃蕩一空築壘自固卽於壘外深挖長濠五十餘里寬深一丈五尺將挑出之土築牆蔽壘使該逆不敢衝突然後抽調東比之兵以圖西南迨攻拔秣陵關後張國樑因兵力不敷雨花臺險峻難拔督率將士裹糧疾

趨極西濱江之板橋三山一帶並密調賴鎮海

師船乘風上駛與陸兵會合該逆疑從天降望

風而靡數日之內由西勦洗而南七八十里之

賊巢盡行平毀因糧於敵聯絡紮營已與東面

營壘相望現擬倣照東北挑挖濠牆一俟挑築

完竣該逆卽束手待斃自江浦報捷後現在進

攻九洲洲賊壘臣等正幸南北兩營日有起色

聖皇聖略卷百九十一

六

不意浙東猝聞告警江浙唇齒相依臣等惟有

竭力救援以維大局奏入報

聞

十九日乙未李孟羣奏言臣於固始解圍後卽飭

各營跟蹤追勦據探另股髮逆由潛太英羅內

犯援助撲固之匪因聞固始圍解圖犯商城逆

首僞城天豫碇天燕等已到金家寨一帶六安

賊匪復由顧家店等處竄至固境之黑樓地方等情查該逆折入河西臣方在固籌糧且因豫防未固暫資鎮壓乃兩路之賊又復紛至沓來即派都司潘羅成等帶勇一千名馳往商城迎勦金家寨之賊都司楊光澤等由樟柏嶺迎勦黑樓之賊參將會秉忠帶隊進紮武廟集以為兩路應援於二月三十月初四五等日分投

聖祖皇帝實錄卷一百一十一

十九

迎勦殲賊甚多探聞圍攻黑樓之賊由東敗竄我軍整隊窮追獲賊三十餘名河西逆股既經擊退則金家寨之逆勢亦孤金家寨為三省關鍵不可任賊盤踞當派盧又熊暫防東路而以楊光澤等馳往助勦會秉忠督兵應援並飭袁懷忠派勇千名由李家集折赴上游合勦其由南路進攻六安之勇亦飭袁懷忠斟酌情形如

六安可以速得則勿庸調回否則由該員悉帶赴金家寨先將此股擊散則六安之賊匪易圖惟臣駐此多日僅得數日之糧昨飭豫省州縣無論何款設法撥銀二千兩米千餘石又恐呼應不靈前奉

諭旨飭撫臣英桂進援商城臣俟豫兵到防查看情形

或留兵協勦即由東路旋皖抑須親往督勦暫

聖祖皇帝實錄卷一百一十一

二十

緩回皖之處屆時斟酌辦理總期殄除餘孽仰慰

宸廑奏入

上命軍機大臣傳諭李孟羣曰固始解圍後仍有續至匪黨欲圖竄擾雖經李孟羣分撥官兵連獲勝仗而金家寨尚被盤踞自應先將此股擊散該藩司因兵糧無措暫駐固始籌辦兼因賊匪初退防守未固藉

1. 2. 3. 4. 5. 6. 7. 8. 9. 10. 11. 12. 13. 14. 15. 16. 17. 18. 19. 20. 21. 22. 23. 24. 25. 26. 27. 28. 29. 30. 31. 32. 33. 34. 35. 36. 37. 38. 39. 40. 41. 42. 43. 44. 45. 46. 47. 48. 49. 50. 51. 52. 53. 54. 55. 56. 57. 58. 59. 60. 61. 62. 63. 64. 65. 66. 67. 68. 69. 70. 71. 72. 73. 74. 75. 76. 77. 78. 79. 80. 81. 82. 83. 84. 85. 86. 87. 88. 89. 90. 91. 92. 93. 94. 95. 96. 97. 98. 99. 100.

資彈壓俟英桂派兵前往接替李孟羣著卽折回六安協同勝保督飭袁懷忠等進兵以期早拔孤城

二十日丙福興奏言臣於本月初三日分派各

隊自玉山常山兼程行走初五日頭隊馳抵衢郡時江山縣城業已失守大股賊匪竄近衢郡二十里之航埠地方分股窺伺郡城總兵饒廷選正在麾軍迎敵都司銜熊應文等卽率頭隊

聖皇聖方略卷一百九十一

三

兵勇接應將賊擊退二隊兵勇亦於是日行至航埠北岸適有匪衆在該處擄船搭造浮橋竄過數百人意圖阻我進援衢州之路都司馮日坤等奮力衝殺頗有斬擒該逆逃回南岸我軍趕抵郡城臣督帶後隊於初六日到衢初七日逆衆三四萬撲近郡城各勇相持四時之久賊力已乏臣遂飭都司馮日坤等從東門出外委

章上元等從小南門出該逆抵死抗拒愈集愈多都司林保等帶領兵勇自南路橫衝而入直搗中堅賊勢不支紛紛潰敗東路之賊亦經馮日坤等督勇擊敗我軍逼近賊壘該逆棄營而遁連毀賊營十七座追奔二十餘里斃賊三千餘人此次逆匪竄犯衢郡臣所帶援軍僅有數千合以本郡防兵不過一萬餘人賊數約有八

聖皇聖方略卷一百九十一

三

九萬之多幸賴軍心尙固力遏兇鋒城中人心亦皆安定惟該逆又糾黨來犯人數較前尤多仍圖於郡城南面分紮營盤其另股又從上游竄過北岸亦謀結壘肆擾臣與饒廷選會商先將對岸之賊派隊勦除卽在該處擇要安營以顧郡城餉道仍於迤東分軍扼紮爲城中犄角之勢一切守備事宜均已飭令該鎮道趕緊布

置

同日晏端書奏言江山之賊糾合玉山廣豐各路股匪直趨衢州總兵饒廷選先於玉山調回副將周萬遠一軍扼守東門又派安勇及川貴各勇駐防西門二月初五日該逆大股直竄郡城分撲大南門小南門小西門該鎮道分飭各勇出城迎擊其時西安將軍福興先派兵勇自

聖朝集略卷一百九十一

三

玉山前來援應周萬遠亦從東門夾勦我軍力戰四時斃匪約千餘人該逆旋於郡城東路龔家埠起至西路銅錢嶺止紮營三十餘座福興督帶親兵自玉山取道航埠於初六日行抵衢州初七日該逆大股攻撲衢勇營盤福興傳令各軍由小南門出饒廷選周萬遠分路督戰逆眾大亂官軍乘勝追殺十餘里連毀東路賊營

二十餘座其西路銅錢嶺賊營亦被鄉民焚燬我軍酣戰數時斃賊二三千人大獲全勝其離城十餘里地方尙存大小逆卡三四座該逆又於初七日夜偷築二三十座由饒廷選等稟報前來查該逆自竄入江山糾合江右股匪直竄衢州甚屬猖獗幸該鎮道先期布置又得福興派軍來援並親臨督勦兩次均獲勝仗洵足挫遏賊鋒現在周天受江長貴兩軍初八日同到衢州均駐紮西門外先杜其竄越龍游嚴州之路明安泰一軍初十日過杭由水路前進鄧紹良又派遊擊田應科統帶彪勇虎勝勇由徽州取道前進望後均可抵衢統計福興援師六千餘名周天受江長貴援師千餘名明安泰援師二千餘名鄧紹良援師一千四百名省城調往

聖朝集略卷一百九十一

三

官兵一千二百名合之三衢原防兵勇五千餘名聲勢頗壯惟兵數既多深恐事權不一應將金陵江西兩路官軍統歸福興節制調度徽州浙江兩路官軍統歸周天受節制調度並責令饒廷選等會同策應剋期合剿迅克江山縣城至浦城信息隔斷深慮賊由處州分股內竄並恐江山之賊由間道窺伺金華業已嚴飭營縣偵探堵禦並囑回籍總兵余萬清募勇一千名會合民團嚴扼各路要隘均奏入

上命軍機大臣傳諭福興晏端書曰江山之賊糾合玉山廣豐各股匪趨撲衢州數至巨萬經饒廷選等先期布置激勵民團福興復親至督勦稍挫兇鋒衢郡爲浙東門戶雖得勝仗匪勢尙屬猖獗晏端書奏該逆於初七日夜間偷築營壘二三十座必得盡數攻

毀方可進復江山縣城福興所部援軍已有六千餘名加以三衢防勇省城續調官兵及周天受明安泰等軍爲數約二萬有餘足資掃蕩所有金陵江西兩路官軍著歸福興調度徽州浙江兩路官軍著歸周天受調度該將軍等迅卽併力會剿先清附郡賊壘卽日乘勝攻克江邑再圖進剿其常山玉山等處著仍遵前旨分兵防堵不可專顧一路至界連浦城之處州所屬龍泉等縣著晏端書嚴飭該地方官力防內竄江山之賊亦恐由間道窺伺金華余萬清所募鄉勇卽飭會合民團扼守要隘

晏端書又奏言前因賊竄廣豐經 臣奏委署衢州鎮中營遊擊楊國正赴江山防勦並解廣豐之圍該遊擊旋在排山失利退回清湖兵勇不復成伍徽營遊擊王恩榮馳往救援截賊於五

里亭楊國正不與合勦並有縱容彪勇與民團格鬪之事迫聞繆梓自常山回郡該遊擊即退往常山王恩榮孤軍無援致賊乘虛而入亟應嚴行查辦應請

旨將楊國正先行革職拏問由臣提解來省嚴審確情奏請治罪候選道薛輔清管帶安勇駐防江山城外自楊國正退往常山後該員所帶之勇亦

勦平匪徒

毛

紛紛效尤不能約束咎實難辭應請

旨將薛輔清即行革職永不敘用其所部之勇各行饒廷選繆梓逐加挑選派員接管花翎留浙補用守備瞿先仲在饒廷選部下管帶楚勇不能得力應請

旨將瞿先仲拔去花翎暫行革職以觀後效候補知縣徐兆森經繆梓派赴衢防支應局當差該員一

聞江山有警私自回杭實出情理之外應請

旨將徐兆森先行革職仍飭查經手支應款項有無虧短另行覈辦奏入

上諭內閣曰署浙江衢州鎮中營遊擊楊國正管帶兵勇前赴江山縣防勦旋在排山失利節節退避致賊乘虛竄入縣城候選道薛輔清守備瞿先仲知縣徐兆森或帶勇不能約束或聞警先逃回省均出情理

勦平匪徒

毛

之外楊國正著先行革職拏問交晏端書提審確情再行奏請治罪薛輔清著即行革職永不敘用瞿先仲著拔去花翎暫行革職以觀後效徐兆森著即行革職以示懲儆

二十五日 辛丑 李孟羣奏言探聞逆首偽城天豫

碇天燕等擁眾萬餘由英山羅田竄至商境之土鎮寨一帶與金家寨互為犄角副都統勝保

因擒匪回竄雒河老巢由三河尖河口集一帶督勦未能兼顧商城令臣專勦商境之賊三月初九日我軍分路進勦該逆設伏迎拒潘羅成等卽帶勇直攻金家寨河南撫臣所派知縣吳昭坤等帶勇一千二百人由李家集一帶兜勦逆匪正在兩面拒敵知府袁懷忠復派兩營由西山繞出其後該逆驚惶失措越嶺逃竄我軍分路追勦共殺賊一千餘名生擒七十餘名賊由松子關竄往湖北麻城羅田交界地方現在商城肅清臣應卽速回六安與勝保聯軍進攻州城所有商境勦賊出力員弁可否容臣擇尤酌保出自

恩施奏八

上諭內閣曰此股賊匪由英山羅田竄至商城經李孟

聖皇聖曆卷一百一

无

羣派兵勦辦該逆窮蹙逃竄斬馘甚多辦理尙爲妥速所有在事出力員弁兵勇准其擇尤保奏

二十八日甲辰福興奏言衢州撲城逆匪經我軍

擊敗後遂不敢偪城而營卽於附郡十里內外分屯散處由西南面至東面蔓延數十里意圖四面合圍爲久困郡城之計臣卽督率總兵饒廷選等趕緊開浚城濠密釘椿籤於城上添設

聖皇聖曆卷一百一

三

滾木礮石晝夜登陴不敢稍涉疏懈並將臣所帶援軍分紮北門外之浮石渡兩岸以顧水路餉道而通城中聲氣初九日總兵周天受江長貴督率徽防兵勇二千餘人同時趕到卽在東北之樟樹潭扼紮距郡城十五里十一日大股逆匪竄至東門外之七里街圖擾下游斷我糧路卽經官軍擊退十二日該逆又糾集大股由

東南兩路分撲各營 臣飭各勇固守營壘俟賊
衆撲近迎擊斃賊百餘名該逆分股包抄我營
之後總兵饒廷選添派兵勇由東門前往接應
臣督令副將張騰蛟等分三路迎敵該逆亦傾
巢由西南一帶叢擁前來我軍奮勇進攻都司
馮日坤等復從北路抄出賊後與東路各隊兩
面夾擊都司林保等督隊從旁衝入將賊陣分

聖朝聖學卷百九十一

三

爲數段該逆力不能支遂向東南逃竄各兵勇
併力追勦斃賊五百餘名十三十五等日該逆
屢糾大股猛攻郡城各軍奮勇衝殺 臣親歷行
間督勦斃賊七八百人落水死者尤衆餘逆全
數敗退查逆匪自竄擾衢郡意在圍困郡垣故
於東西南三面分布結營圍竄北岸斷我城中
接應之路經 臣將原帶各軍分紮於浮石渡之

南北兩岸與郡城聯絡其下游樟樹潭要隘亦
經周天受等移軍駐紮以防龍游一路惟北岸
路徑叢雜若該逆另由西北開道繞出浮石渡
之後可以直趨壽昌實爲入杭捷徑據浙江撫
臣咨江南大營分撥兵勇二千餘人飭總兵明
安泰統帶來衢俟該總兵到防後察看情形如
果北路喫緊 臣卽親督各軍擇要扼紮現在賊

聖朝聖學卷百九十一

三

勢東至河灣西至巽家埠棋布星羅江山之賊
分擾常山逆黨甚衆惟有督率各營設法攻勦
以保郡城而杜內竄陣亡之廣東黃岡協左營
外委鄭宜勇上年貴溪解圍案內擬保把總此
次血戰捐軀殊堪憫惜可否

飭部照把總例從優議卹奏入

上命軍機大臣傳諭福興曰逆匪竄撲衢城於東西南

三面分布賊營意圖圍困雖經福興督飭各軍於東北兩路連獲勝仗而附城一帶賊勢尙多江山之賊復分股擾及常山該處如何設備開化玉山亦當兼顧周天受江長貴久厯戎行當此賊勢猖獗必能痛加勦洗饒廷選防守三衢是其專責前此退紮玉山不能力遏賊鋒若再不知奮勉自問當得何罪明安泰帶兵赴浙聞其道過常州領餉幾至釀成事端著

欽定剿平粵匪方略卷一百一十一

三

福興傳諭該總兵將所帶兵勇嚴加約束以肅軍律福興等布置定妥卽著分投攻勦以保浙疆而全大局毋得曠日持久致有疏虞

上諭內閣曰逆匪竄撲衢州經福興督兵分路攻擊連獲勝仗勦辦尙屬得手仍著福興等嚴督兵勇迅掃賊氛並將江山縣城克復毋稍遲延陣亡之外委鄭宜勇著交部照把總例從優議卹

二十九日巳何桂清奏言衢州之賊於三月初七日擊退後乘我援兵未集卽於是夜仍回故壘延亙二十餘里幸周天受江長貴先後趕到屢次攻勦獲勝未卽下竄而逆賊日聚日多負隅不退據徽州探報常山失守開化縣之華埠鎮已有賊蹤並有由浦城江山分竄遂昌之謠查該逆前在江西分爲三股以一股牽綴廣信

欽定剿平粵匪方略卷一百一十一

三

玉山之軍一股由鉛山竄入浦城一股由廣豐竄入江山合力窺伺浙東今我援兵雲集衢州該逆若犯遂昌卽可直趨金華處州設犯華埠則比可至婺源休甯東可趨遂安嚴州皆已繞出衢州之後浙皖江蘇全行掣動臣接張芾來函已調鄧紹良所部兵勇一千四百名馳守開化又接晏端書來函總兵周天受江長貴力扼

衢州東北堵截下竄龍游嚴州之路於十五日大獲勝仗各等情晏端書現飭明安泰會同周天受等由東北進兵先清此兩路之賊然後由西南兩路進剿圖復江山常山福興統率所部督飭總兵饒廷選專守衢州府城至浙江皖南江西餉源半藉河口鎮之鹽茶課釐上海茶葉之來路亦在於此今該逆滋擾閩浙江西交界

聖朝聖略卷二百九十一

三

地方餉源阻塞浙江金衢嚴溫處戒嚴正項錢糧又催徵不前晏端書及浙江籌防局司道請江蘇協濟之書絡繹而來江浙軍餉同一來源浙江短絀江蘇不能獨裕應請

飭下浙江撫臣晏端書熟商司道會同紳董通籌全局不論何款應催提者迅速催提應截留者迅速截留不得以江蘇之協濟為可恃以免貽誤事

機奏八

上命軍機大臣傳諭和春何桂清張國樑許乃釗曰此次賊勢甚眾周天受等力扼東北福興督飭饒廷選守禦府城能否擊退尚無把握江南正在圍攻金陵前已分撥明安泰一軍赴衢援應自難再撥惟浙省應防要隘甚多一有疏虞則賊黨順流而下不獨杭嘉湖各郡無險可守即蘇常亦朝發夕至東南大局

聖朝聖略卷二百九十一

三

將不可問設或衢州兵勇不敷堵截事在緊急著和春等再派得力鎮將酌帶勁旅救援保浙省即以保江南腹地務當權其緩急通籌辦理何桂清奏請飭浙撫自籌軍餉不得專恃江南協濟等語已諭晏端書設法措置何桂清仍當不分畛域維持全局上又命軍機大臣傳諭晏端書曰何桂清奏竄擾衢州之賊日聚日多探報常山失守開化縣之華埠鎮已

有賊蹤又有從浦城江山分竄遂昌之謠等語雖昨據福興奏衢城連獲勝仗而賊勢既分要隘又多兼恐所謂兵勇未必盡能得力現在常山開化等處是各各有所準備晏端書務當悉心調度毋稍疏虞至蘇省所需兵餉已屬浩繁再令協濟浙省勢難久恃著晏端書督同司道通籌全局於錢糧等款迅速催提以資接濟其杭嘉湖甯紹數府完善之區亦著該撫

欽定剿平粵匪方略卷一百九十二

三

督飭地方官會同紳董妥為籌畫俾餉糈有著不至專恃鄰省遷延貽誤至江南功在垂成兵力困難再分然衢防設有鬆勁東南大局攸關已諭和春等萬一浙中緊急祇可再撥勁旅赴援著該撫酌度情形咨商辦理

欽定剿平粵匪方略卷一百九十二 戊午年

四月初二日 丁未和春奏言金陵賊巢經

勦三月初二等日南門一帶突出悍匪撲營張

國樑派戴文英等迎截斃賊無數餘皆奔潰七

橋壅又出賊數千我軍三面兜圍該逆紛紛竄

匿戴文英追抵外濠燒燬更樓數座斃賊千餘

名我軍復設伏誘賊李若珠等從間道直抵賊

欽定剿平粵匪方略卷一百九十三

一

巢張國樑督隊迎擊直薄南門斃匪甚多雨花臺印子山出賊五六千我軍四面兜殺該逆抵死抗拒戴文英槍斃黃衣騎馬賊二名張國樑親督王浚等抄截賊屍枕藉水西門又出賊二千餘均經擊敗共計斃賊二千餘名砍取首級三百餘顆剿辦尙為得手所有陣亡之儘先守備戴顯文等懇

悉飭部從優議卹以慰忠魂奏入

上諭內閣曰此次官軍進攻金陵逆巢大獲勝仗著和春等乘此聲威迅拔堅城盡殲醜類陣亡之儘先守備戴顯文儘先千總楊興發升用守備錢國恩外委劉文學儘先外委王鴻才五品藍翎唐開泰均著交部從優議卹

同日王懿德慶端奏言據臬司保泰等稟江右

聖學聖學卷一百九十二

二

逆匪於二月十六日猝由岑陽關攻入滋擾經

崇安縣知縣莫自逸等督兵殲斃賊目數名賊匪數十名該逆分竄浦城松溪地方建陽麻沙等處土匪乘機復熾浦城松溪等縣於二十一日二十九等日先後淪陷其界連松溪之政和一縣萬分危急該臬司等迅調各軍馳赴浦城攻剿並防回竄崇安嚴扼建陽又調兵二百餘名

疾趨松溪政和一帶救援其崇安縣之分水各

關兵力尙單難資堵禦請添調勁旅赴援等情查浦城界連浙省旁通松溪先經嚴飭浙江衢州鎮總兵饒廷選督兵力扼要隘一面飛飭遊擊袁良統帶福甯兵六百名前赴政和松溪一帶會剿一面添調省兵六百名分駐屏南福安扼守另調海壇兵三百名赴壽甯甯德福安等

聖學聖學卷一百九十二

三

縣毗連之稠嶺地方確探松溪政和賊勢猖獗

復抽撥各鎮標兵共一千八百名飭赴建甯由臬司保泰護理建甯鎮總兵馬玉元等統領相機堵剿期與饒廷選等軍兩面夾攻速殲醜類王懿德又奏言江右逆匪猖獗閩省邵建各府屬地方逼近寇氛現在邵屬黃土等關逆匪屢圖窺竄代理邵武府知府匡開益已親赴關隘

會同在防將領實力堵禦詎該逆分股由江右
河口鉛山竄擾崇安岑陽關攻陷浦城先後竄
擾松溪政和探聞河口一帶逆匪又窺伺崇安
分水各關深慮兵勇單薄不敷布置委難調赴
江西援剿一俟閩省軍務稍鬆卽當酌調勁旅
馳往援應斷不敢稍分畛域奏入均報

欽定剿平粵匪方略卷一百九十二

四

同日福濟奏言據副將惠成等稟姥下河賊眾
欲撲和城雖經擊退仍圖內犯請速派兵赴援
又據遊擊景昌等稟三月二十一二等日西梁
山賊四五千入竄踞南義張公橋各處焚擄與
姥下河互爲犄角逼近昭關請速派隊助剿各
等語臣與鄭魁士籌商廬州兵力本單昨已撥
兵七百名馳往臨淮茲再挑選精銳一千六百

名交總兵塔思哈統帶馳往含和會同堵剿仍
懇

天恩飛飭德興阿趕派得勝勁旅進紮烏江芝麻河等
處俾與惠成各營聯絡策應庶江面聲威益壯
臣乃可專剿腹地不至顧此失彼奏入

上命軍機大臣傳諭德興阿勝保袁甲三日現在姥下
河賊眾欲撲和城西梁山竄匪四五百人又分踞南

欽定剿平粵匪方略卷一百九十二

五

義張公橋各處勢甚猖獗雖經福濟派兵交塔思哈
帶赴含和會同惠成等堵剿而兵力尙形單弱仍著
德興阿體察情形如九洲洲一帶賊營已漸次削平
可以撥兵進紮烏江芝麻河等處卽可與惠成等會
剿備兵力實無可分仍俟掃蕩九洲洲後節節進剿
一面飭令舟師上駛聯絡聲勢以期得手
福濟又奏言自鄭魁士抵和州後烏江等處之

聞

賊聞風震怖三月初六日德興阿派副將余成蛟等馳往會勦立將賊壘蹋平鄭魁士督令惠成等進紮和城各門及河村鋪後路扼要堵紮探聞合山所屬南義等處股匪竄撲合城於初九日親督隊伍馳至該縣十五日大隊進勦將南義等處踞賊勦洗淨盡合境肅清卽飭遊擊聶桂榮等移紮昭關以扼北竄十三日鄭魁士督隊抵巢縣東門外放王岡分路進攻誘賊於姚廟岡敗之東門城內忽出賊千餘來援我軍乘勢壓下復斃賊約二百餘人逆眾敗奔鄭魁士察看巢縣一時未可驟下當卽折回廬州以固根本擬俟賊勢稍定再圖進取至和春咨會請調湖北提督德安赴廬更換該鎮應俟德安到後再行交卸前往金陵奏八報

平定縣志卷之三

六



同日晏端書奏言該逆竄徧衢州經福興等分兵擊之血戰竟日斃賊極多周天受等又敗賊於樟樹潭楊家山等處惟查衢郡之東南爲通遂昌八處州之路臨山溪口橫路全旺等處均係入龍游僻徑石逆近糾黨圍撲樟樹潭分撲東門浮石渡等處福興周天受所請援師准和春派明安泰一軍計日可抵衢郡又派參將和順等各勇共一千餘名自金陵拔隊而來臣已陸續迎提前進張芾又派都司馬元鎮滬勇四百餘名周天受飭赴安仁街紮營捍衛龍游至遂昌一路周天受無兵可分轉請福興酌派兵六百名前往防守而慶元龍泉等縣又與浦城松溪政和毗連賊氛徧近臣已飛請督臣王懿

平定縣志卷之三

七



德迅籌一旅之師星夜取道温州前來爲內外夾擊之舉再以衢郡形勢而論常山江山係西南兩重門戶欲守常山江山必先守江西之玉山廣豐本年正月間江西臨江敗匪從進賢東鄉竄擾貴溪安仁金谿又引撫建之賊東竄河口福興自河口弋陽回守信郡知照饒廷選移軍玉山駐紮惟廣豐江山無兵駐守臣當飭胡

欽定剿平粵匪方略卷一百九十二

八

定國一軍馳赴廣豐楊國正一軍馳赴江山分別防勦迨賊圍廣豐胡定國入城力守饒廷選等往援失利仍退守玉山其時廣信之賊歸併廣豐直竄江山而城池告陷矣饒廷選以衢防空虛先從玉山馳回布置不數日而賊已來臣前此以衢州兵單飛咨耆齡撥兵助勦又飛請速撥五千人前來就餉如果該省早發援師會

同福興合力截勦何至浙省遭此阡危饒廷選知廣豐業已解圍飛飭胡定國一軍繞道回衢並於甯國指調都司陳大富一軍併歸周天受調遣以厚兵力前由該鎮道稟請福興指調李元度一軍來衢會勦初不知福興之親督赴防竊思此次福興自廣信至浙謂貴溪弋陽撫州均無賊蹤是以帶官兵六千七百餘人來浙現

欽定剿平粵匪方略卷一百九十三

九

復調參將劉芳貴一軍兵數已及八千不但廣玉兩防空虛且大兵盡在衢州於常開二縣業已隔絕現探該二縣均有賊蹤開化有警則婺源戒嚴且青陽又有股匪窺竄陵陽鎮徽防僅存兵勇一萬以之分布實已竭蹶萬分張芾因主將無人調江長貴馳回督辦然徽境雖屬兵單而有張芾節制之師尙不爲無備若賊由常

山回竄玉山廣信或建昌之賊傾巢併竄玉山廣信則該府縣存兵無多何以擋拄其勢必至廣衢兩防盡為賊地前准福興來函謂耆齡曾有以長左仁右衡同等營調赴東路之信該將軍三次催提尚無拔營消息福興本係會辦江西軍務周天受雖係辦理皖南軍務即屬辦理浙江軍務是福興為客而周天受為客中之主

聖朝聖考卷一百九十二

十

臣欲整飭三衢敗衄之師所以請周天受節制者實與臣親臨節制無異臣此時惟有咨請福興周天受一俟東北兩路布置完竣即步步為營勦出西南先使衢郡附近肅清然後福興仍統帶援兵進勦常山分守玉山廣信周天受從江山一帶進勦廣豐但刻下衢州官兵雲集石逆不得逞志於衢必將潛竄金嚴現在金華縣

民團已有二萬又得余萬清回籍辦理益以提標各兵足資抵禦若嚴州則守禦空虛現設後路糧臺倍形喫重大營續派之和順龐大文兩隊昨日過杭臣即令其暫在嚴州駐紮以備策應奏入

上命軍機大臣傳諭福興耆齡晏端書曰衢州官兵雖屢次獲勝而賊勢未衰內犯之路處處可虞福興若

聖朝聖考卷一百九十二

十一

祇知保守衢州不思杜其旁竄之路必至貽誤大局晏端書以廣信玉山空虛常山開化二縣業已隔絕前次諭旨早經慮及此時福興惟當將東北兩路趕緊布置與周天受饒廷選等督率兵勇節節進勦俟衢州賊勢稍鬆仍當繞道回防玉山廣信等處方為妥善石逆已至衢州撫建之賊傾巢而出江西何以久未奏報前論耆齡酌調劉長佑等追勦亦未據覆

奏現在撫建機有可乘者齡如撥兵攻其不備亦可
牽制賊勢使不敢深入浙疆本日據王懿德奏浦城
政和松溪復陷建甯可危閩浙交界處所賊勢猖狂
石逆素稱驍悍未可因小勝而恃爲無患福興所謂
江西兵者齡何以屢催罔應豈不知浙省爲東南大
局所關耶前諭江南江西兩路官軍歸福興調度徽
州浙江兩路官軍歸周天受調度福興如往江西所

欽定剿平粵匪方略卷一百九十二

十三

有江南撥來兵勇卽歸周天受調遣江西續到兵勇
著福興商同晏端書酌量布置和春續撥參將和順
等帶勇千餘名晏端書令其暫在嚴州駐紮仍當隨
時相機調度不可以敢戰之兵徒爲防守之用其金
華一路該撫仍飭余萬清督練嚴防毋許疏懈

晏端書又奏言該逆於正月二十九二月初一
等日兩次攻撲南陵經周天受飭余永椿等擊

退後西路之賊又於十一日竄戴塘橋鄧紹良
以南陵軍情喫重遂請周天受自涇縣移紮南
陵卽將涇南各軍統歸調度時池州青陽各路
之賊屬聚南陵自西北以至東南蔓延四十餘
里逼近縣城周天受督飭徽甯將士分路剿辦
並於城外修築營盤以資戰守十九日逆衆四
面圍攻周天受迎擊斃其馬隊賊首該逆敗竄

欽定剿平粵匪方略卷一百九十三

十三

而北欲內犯宣涇二縣周天受督王夢麟等各
率所部將西北之賊轟擊過河斬斃溺斃者無
數二十六日東西兩路之賊先後出巢周天受
令吳再升等伏於街旁該逆渡至麒麟橋我軍
衝鋒而出逆衆落水死者不計其數正擬進攻
西路賊卡而西南兩門賊勢彌張周天受復親
率廖士彥等分軍援剿賊乃大敗吳再升卽帶

方國淮等將西門賊卡六座一律踏毀時因浙省三衛告警張芾飛檄周天受回援卽經鄧紹良派副將米興朝接防南陵該副將於二十七日到防二十八日督同吳再升等攻毀西南賊巢頗有斬擒二十九日遊擊田應科等敗賊於七里橋鄧紹良以南陵之賊併聚東路意在竄入西河該提臣亦於二十九日親赴西河督勦是日途遇馬隊賊匪衝撲而來當經擊退三十日秣陵關敗匪竄聚方村約二千餘人三月初二日過河內竄經總兵傅振邦擊退斃賊百餘名初五日進竄黃池經總兵蕭知音等擊敗南陵之賊於東路添築營壘並於北路潛撲官軍營盤米興朝帶同將弁分路截殺將該逆新築之卡焚燬並於北門外攻毀賊卡一座鄧紹良

聖朝聖考卷百九十二

十四

聞

西河之師亦於初六日攻毀賊壘二處查南陵軍務先經周天受疊次痛勦自米興朝接防後又連獲勝仗洵足大張撻伐此時傅振邦督防灣沚鄧紹良督防西河臣惟有聯絡諸軍乘此聲威會籌勦洗奏入報

初三日戊申勝保奏言臣此次督兵進援固始幸

聖朝聖考卷百九十二

十五

獲全捷得保危城仰荷

寵命循省增慙除

賞還黃馬褂霍變巴圖魯名號爲

皇上特畀之恩未敢瀆辭至都統爲一品崇階職任最

重自問報稱毫無未可疊膺

懋賞竊念臣母年逾六旬臣數載從戎久缺侍奉祇因

軍務緊要未敢以私廢公自臣弟廉保因案獲

咎遣戍新疆侍養益覺無人烏鳥私情難安寢

讀在廉保罪由自取荷戈遠役尚未足稍贖愆

尤其家產分別查抄入官後又蒙

皇上准其罰賠免死逾格矜全已出分外又何敢代求

寬典顧念

聖德同天體恤臣工無微不至凡臣子難言之隱皆可

直陳於

聖皇聖德卷百三

十六

君父之前可否仰懇

天恩將臣前次奉

旨以都統遇缺提奏之處即予註銷

准將廉保暫免遠戍代臣稍盡子職臣亦可專意戎行

勉圖報效俟軍務稍平臣得以供職來京再令

廉保仍遵前

旨補行遣戍出自格外

鴻慈奏八

上諭內閣曰勝保之弟廉保因案遣戍本屬無可減免

惟念勝保帶兵勦賊宣力戎行伊母年高無人侍奉

廉保著免其發遣勝保前經奉旨以都統遇缺提奏

之處並著毋庸註銷用示朕眷念勤勞施恩格外至

意

同日官文都興阿胡林翼奏言皖省大股賊匪

聖皇聖德卷百三

十七

於三月十一日竄至麻城之嚴家河遊擊李曙

堂以五百人迎敵因眾寡懸殊為賊所抄傷

頗多賊匪竄入麻城署麻城縣知縣汪敦仁雖

因督團先駐兩路口距縣城九十里未及救援

究屬疏於防範應請

旨革職暫行留任責令隨營效力以贖前愆奏入得

旨汪敦仁著革職暫行留任並隨營效力

初五日庚戌德興阿翁同書翰殿華奏言自浦口克復後和州之賊瓦解臣等乘勝掃蕩芝麻河賊巢數年堅壘一旦廓清凡力所能為從不敢稍分畛域乃和州既復之後賊復來偏皖省副將惠成鮑雲翥以賊眾兵單屢次乞援臣等以和州兵勇共有三千餘名一面飭合力圖守禦一面派成明等分帶馬步隊三千名馳援並函

聖朝軍機大臣傳諭

卷一百九十三

十六

致福濟撥兵策應適准福濟來咨意欲專恃臣營接勦節節置守伏思廬州所轄各營每月餉需多於江北是廬營兵力比臣營較厚和州毗連江浦偶由臣等派援則可若欲久為守禦竊恐力有未能此時成明等將抵和州猶恐該軍兵力尚單復派馬隊一百餘名步隊八百餘名由臣翰殿華親督馳援以資攻勦

德興阿翁同書翰殿華又奏言據成明等稟稱三月二十六日行抵烏江探得和州賊匪數千人先在城西焚掠二十五日由北門竄入城內城外各勇營全行潰散副將鮑雲翥於是日打仗帶傷城北香泉集並城東北黃泥壩地方均有賊匪盤踞又據和州營守備陳連魁稟報賊匪有一萬餘人副將惠成所帶官兵六百名被

聖朝軍機大臣傳諭

卷一百九十三

十七

賊圍困危在旦夕各等語成明等即拔營前進察看情形相機勦辦奏入

上命軍機大臣傳諭德興阿翁同書翰殿華福濟德安曰和州既復之後賊蹤又復竄入其城北香泉集及城東北黃泥壩地方均有賊匪副將惠成營盤被困業經德興阿派成明等帶隊三千名馳援並添派馬步各隊由翰殿華親督前往加以和州現有之兵勇

一第... 冊... 頁... 2

三千餘名兵力已不爲薄自可勦散圍營之賊會同
惠成鮑雲翥等攻復州城江北兵祇萬餘現在九洲
洲攻勦喫緊前已撥兵二千名赴江南大營嗣又撥
兵六百餘名往援徐宿此次因和州毗連江浦撥兵
策應斷不能久留守禦况廬營月餉多於江北兵力
較厚福濟等豈得專恃鄰省援師而擁重兵以自衛
著卽撥兵迅赴和州援應俟克復後鞠殿華等撤兵

欽定剿平粵匪方略卷一百九十二

三

轍
回至江浦卽著福濟等派兵守禦和州毋蹈從前覆

德興阿翁同書鞠殿華又奏言九洲洲賊壘一
座在江浦縣東南浦口正南正對金陵下關儀
鳳門一帶該處江流最狹兩岸賊營與江中賊
船聯成一氣臣德興阿相度地形因於附近之
寶鳳莊迤東紮營三座該處有寬河一道搭橋

過河又於沮洳葦葦中擇稍高之地紮營三座
距賊營不過二里許又令水師參將黃彬等調
戰船十六隻移泊九洲洲之西與岸上營盤相
望三月二十二日臣等分督兵勇直撲賊營賊
匿不出維時上下游水師並進隔江之下關賊
營傾巢出援將火箭沿江拋放意欲燒我師船
下關賊船亦聯帆進駛黃彬等一面轟擊賊船

欽定剿平粵匪方略卷一百九十二

三

一面進攻賊壘鏖戰三時賊始漸退黃彬等追
至下關因風力漸微與陸兵一同收隊是日水
師總兵陳國泰等駛近七里洲轟倒賊營望樓
房屋數處正酣戰時下關竄出賊艘數十隻該
鎮等揮令開礮迎擊轟沈賊划數隻斃匪無算
現將瓜州所存礮位悉運浦口安設前敵各營
礮臺以資攻擊奏入報

聞

初六日 亥 德興阿翁同書翰殿華奏言前據皖

省副將惠成鮑雲翥等以賊竄和州連稟乞援

臣等派成明等帶兵援應 臣翰殿華復親往督

攻二十六日成明等先抵烏江聞賊匪與捻匪

共有數萬蟻聚和州卽於二十七日進兵黃泥

壩一帶賊衆數千分路來拒經成明等分投迎

擊斃賊二千餘名生擒二百餘名乘勝追殺官

軍直抵城下附城賊營九座同時潰散鮑雲翥

先已受傷不知下落惠成所帶滇兵一營尙在

力戰見援師已至正擬會攻忽西路賊匪數千

人自西梁山來撲適 臣翰殿華督隊趕到兩面

夾擊斃賊數百人該逆始向西潰惠成得整旅

而出 臣德興阿當飭惠成收集皖省潰卒再爲

佈置二十八日謀報和州賊匪分股來撲 臣翁

同書親督富明阿馬步隊馳往高旺分布要隘

臣德興阿亦親督兵勇暨上下游水師力攻九

洲因江流太狹勢連下關驟難攻克日暮始

行收隊查蕪湖賊匪數萬渡江 臣等派兵赴援

幸獲全勝得以策應滇兵保全烏江惟全椒滁

州皆形喫緊該處爲北竄要衝又爲浦口後路

東連六合在在堪虞 臣等仍當確探賊蹤相機

援剿

德興阿翁同書翰殿華又奏言 臣等撥兵赴援

滁州不意又有蕪湖大股賊匪渡江會合巢縣

無爲州之賊由含山一帶竄入和州分撲全椒

伏思江北兵力甚單但防賊匪北竄尙恐力有

不繼乃皖境處處皆賊聽其所之一旦勢等燎

聖朝軍方略卷一百九十二

三

聖朝軍方略卷一百九十二

三

原實非意想所及况五河縣新爲土匪占踞甯甯戒嚴已慮其抄我後路目下賊竄全椒震動滁州不特六合喫緊卽浦口大營亦有腹背受敵之虞如賊果東趨則揚州儀徵等處紛紛告急縱有兵勇數萬不敷分布矧祇萬餘之衆何以禦之仰懇

飭下福濟迅撥援師遏賊紛竄之路以維大局奏入

欽定剿平粵匪方略卷一百九十二

三

上命軍機大臣傳諭德興阿翁同書翰殿華福濟德安曰昨據德興阿等奏派兵赴援和州當諭福濟等迅往援應並於克復州城後撥兵守禦本日據德興阿等奏援和州之兵大獲勝仗惟賊又分股攻撲全椒滁州亦爲震動情形緊迫請飭皖省迅籌堵剿等語賊衆分撲全椒已越和州而北設有疏虞勢將蔓延北路著福濟等迅卽派兵馳往全滁一帶截擊遏

其北竄再於全和要隘駐兵扼守以固藩籬至此股賊衆係由蕪湖渡江會合巢縣無爲州之賊從含山竄入和州分犯全椒總由福濟株守廬州按兵不動爲日旣久以致養癰貽患此時若再不能力扼要衝任賊長驅北犯自問當得何罪德興阿江北防剿喫緊翰殿華等已剿除和州賊匪自應帶兵回至江浦儻聞全滁緊急仍著撥兵協剿

欽定剿平粵匪方略卷一百九十二

三

同日福興奏言該逆自被官軍擊敗後仍圖圍攻衢州郡城於三月十八日夜在大南門外偷築營壘欲包至小南門爲漸逼漸近之計臣商同饒廷選等派勇先赴小南門外扼紮時西路龔家埠之賊復竄偪北岸連日添紮賊營十餘座將包抄浮石渡各軍之後臣本擬俟江南大營總兵明安泰一軍到防會同臣北岸兵勇併

力扼擊乃該總兵甫經行次樟樹潭即經周天受以東路賊氛竄至草嶽嶺等處恐其繞竄龍游將明安泰所帶各營盡數派往龍游駐紮現在北岸無從添派兵勇至該逆於龔家埠一帶築壘後復分股肆掠儘北岸各營被其堽圍不獨城中聲息不通更恐竄入壽昌進趨杭州此時惟有先將北岸賊匪剷除則衢郡之圍自可

御製東華方略卷之三

三

鬆勁臣即擬親督各軍剷期痛勦其城中守禦事宜業經總兵饒廷選道員繆梓等晝夜巡防妥籌布置

同日晏端書奏言據饒廷選等探報該逆於三月初九日至常山十五日至開化是該二縣之不守不問可知周天受於十八日夜由樟樹潭令榮陞以小隊渡河焚賊七卡方幸東路漸就

肅清詎能游之大洲草嶽嶺等處已有大股旁竄而八臣即咨周天受將明安泰一軍折回龍游當派副將朱承先等帶隊迎勦擒斬甚多餘匪竄往靈山周天受親帶榮陞等隊會同明安泰馳至靈山而前隊之賊已由遂昌一路而去未能攔出賊前查遂昌為分竄金華處州要路該總兵當與明安泰從湯溪疾趨金華以圖迎

御製東華方略卷之三

三

擊兼顧處州惟周天受一軍僅有三千餘名該總兵已抽撥千餘名帶赴遂昌兵力實單鄧紹良業將周天受指調之陳大富楊名聲王金魁三隊一千二百餘名派赴徽州現請張芾由徽飭赴樟樹潭會同防勦抑臣竊有請者浙省軍務方殷惟周天受久著戰功可以獨當一面此次抵衢以後勦辦均合機宜合無仰懇

天恩賞加提督銜俾資統率

晏端書又奏言賊由衢州竄入處州三衢之師已爲牽掣而金華嚴州又與衢處二府屬壤地緊接路路可通福興駐守衢州賊如下竄勢難兼顧周天受明安泰分扼內犯之路疲於奔命亦未能併力會剿萬一該逆乘虛撲入不但上游之溫台下游之甯紹均屬堪虞且自金嚴順

欽定剿平粵匪方略卷一百九十二

三

流而下直達杭州更無險隘可扼省城危迫情形不可終日臣與官紳晤商皆以此番賊衆傾巢而出全力注於浙省必得如湖南提督張國樑久震聲威方能卻賊瀝請奏調援浙以固大局查此時金陵賊已窮蹙和春督率諸將勦辦當無他虞而浙東賊勢狃萬難阻遏合無仰懇

天恩飭下張國樑親帶勁旅數千星夜來浙掃蕩賊氛

則浙境可早臻安謐而於金陵攻勦事宜亦不至顧此失彼均奏入

上命軍機大臣傳諭福興晏端書周天受曰現在賊擾龍游已在衢州之下雖擊回遂昌而旁竄金華處州皆可直達省城福興擁重兵於衢州城外而下游扼勦之兵僅有三千餘名是又蹈從前株守信郡不顧

欽定剿平粵匪方略卷一百九十二

三

廣豐之故轍本日已將周天受賞加提督銜命其督辦浙江防勦事宜所有各路援浙之師均歸該總兵調度會同晏端書通籌全局分投布置衢州守禦事宜現有饒廷選繆梓籌辦而常開一帶尙屬空虛李元度一軍在玉山駐紮勝負未有消息且已在常山之外恐其兵力較單未能進剿著福興卽將原帶官兵五千餘名酌留一半交周天受調遣其餘一半卽

親自統帶回駐玉山以杜續來之賊並著就近勦辦常山賊匪儘再有貽誤自問當得何罪周天受既經統領全軍事權歸一卽應擇要布置會同晏端書妥爲調度衢州存兵尙屬不少卽責成饒廷選嚴加防守相機出勦以清浙境晏端書奏請飭張國樑統兵赴援等語金陵圍勦功在垂成統兵大員恐不能遠離况浙省軍務現派周天受督辦自可毋庸張國樑

勦平匪方略卷百九十二

三

赴浙也

上諭內閣曰西安將軍福興督辦江西東路軍務當撫州賊匪紛竄該將軍駐兵弋陽不能堵禦遽由河口鎮退守廣信迨賊竄廣豐又不撥兵追勦以致江山失陷衢州被圍實屬有負委任福興著拔去花翎革職留任以示薄懲儘再不知振作定卽從嚴懲處

上又諭內閣曰署福建漳州鎮總兵周天受著賞加提

督銜督辦浙江防勦事宜

初八日癸丑德興阿翁同書翰殿華奏言和合賊

匪於三月二十八日撲陷全椒縣城是夕卽有

大股馬賊竄至滁州等亦被陷來安等處警報

絡繹並有窺竄六合之謠臣等因六合係大營

後路東通揚州餉道防勦緊要急派馬步勁旅

二千名交富明阿暨副將鄧鳳林等管帶馳赴

勦平匪方略卷百九十二

三

六合又因徐郡情形稍鬆卽調穆克登額羅玉

斌所帶援兵折回六合防勦一面飛飭副將毛

三元派兵分駐揚城西北以資控扼本月初一

日來安警報踵至臣等以賊匪數萬蹂躪皖北

如入無人之境顯係圖撲六合斷我餉道若遷

延不擊不特來安六合岌岌可虞並恐南犯揚

郡北震清淮於大局殊有關繫惟有乘其未定

極力攻勦或可挫其兇鋒因定分路進勦之策
臣翁同書擬卽馳往六合親督富明阿等暨六
合縣知縣李守誠一面守護六合一面進勦滁
巢臣鞠殿華親督馬步隊二千名由小店進至
烏衣前往滁州會勦臣德興阿嚴扼浦口以遏
北竄仍督攻九洑洲並派成明防護江浦縣城
其高旺之兵仍令富春英貴統帶嚴防西路至
皖省副將惠成所帶滇兵遇救得出重圍現今
隨同防勦酌給口糧俾免潰散奏入

上命軍機大臣傳諭德興阿翁同書鞠殿華福濟德安
曰現在賊踞滁城來安等處情形喫緊並有窺伺六
合之意若不乘勢殲除不特來安六合可慮並恐清
淮震動現在翁同書鞠殿華已帶兵追勦著福濟迅
速派兵繞出滁州後路併力翦除毋誤事機本日已

諭勝保酌撥兵勇由臨淮一帶會扼滁州後路惟該
處距滁州較遠黃元吉因五河失陷帶兵會勦恐兵
力不敷仍著福濟會同德興阿等迅圖克復以杜北
竄

同日勝保袁甲三奏言據報粵逆竄踞麻城楚
兵進勦均在東西南三面圍攻惟北路空虛並
無兵勇恐該逆由此突竄等語查該縣北面與

豫境光商一帶毗連豈可再任竄逸且光商爲
豫省門戶卽爲北路咽喉豫省並無重兵駐守
一經闖入滋蔓難圖臣等進攻六安正當喫緊
勢難兼顧除飛咨河南撫臣英桂速催總兵邱
聯恩帶兵馳往光商扼堵外仰懇

飭下湖北督撫臣迅將竄踞麻城之粵逆合圍兜勦勿
令乘虛突竄奏入

上命軍機大臣傳諭勝保袁甲三日粵逆竄踞麻城楚兵均在東西南三面北路空虛恐該逆由此竄突已諭知官文等迅將竄踞麻城之賊合圍兜剿現在邱聯恩已帶兵馳往光商勝保仍當迅咨該總兵扼要堵截毋任竄擾豫疆和合賊匪竄撲全椒滁州亦即被陷該處清流關為南北咽喉前次賊匪北竄即由滁入豫現在臨淮有黃元吉等帶兵會攻五河著勝

聖朝聖考卷九十二

三

保添撥兵勇即由臨淮進扼滁州後路以杜北竄

上又命軍機大臣傳諭官文都興阿胡林翼曰本日據勝保等奏賊踞麻城楚兵進剿在東西南三面惟北路空虛恐該逆由此北竄等語麻城與豫省光商一帶節節毗連該處甫經被擾若該逆乘虛北竄又被蹂躪邱聯恩赴光州防堵所帶兵勇為數無多官文等現調水陸馬步各軍分道進剿自應四面兜圍為

就地殲除之計克復麻城後如有旁竄餘匪務即跟蹤追剿杜其北趨著官文都興阿胡林翼即飭舒保等實力堵剿

同日

上諭內閣曰托明阿著賞給三等侍衛前往勝保軍營隨同剿賊以贖前愆

同日

聖朝聖考卷九十二

三

上諭內閣曰西安將軍福興前在江南失陷營盤業經革職留任拔去花翎此次督兵防剿又復遷延貽誤著即革職仍暫行留任帶兵剿賊以觀後效

欽定剿平粵匪方略卷一百九十三 戊午年

四月十一日丙辰安徽巡撫福濟湖北提督德安奏言該逆由裕溪西梁山至姥下河屯聚窺伺和城又由南陵蕪湖糾黨萬餘前來勾結捻匪數萬由六舒繞至無爲沿江北犯乘昭關營未紮定分股由含山內竄進圍和城各營西鋪賊匪又繞撲河村鋪我軍前後不能互救河村鋪

聖朝方略卷一百九十三

一

兵勇撤併和城而該逆乘夜由北門大西門潛入城中總兵塔思哈帶隊赴援三月二十六日行抵仙蹤探聞和城各營業於是夜因糧絕潰散二十七日該逆乘虛襲破全椒縣城又分三股一踞官渡一竄全椒一撲滁州二十八日又欲西竄廬境臣德安於二十九日單騎馳抵店埠與臣福濟會商因東路緊急由廬州檄調兵

欽定剿平粵匪方略 卷一九三

勇一千三百名隨同臣德安前往柴家岡督率塔思哈實力堵剿其六安竄回捻逆張澹任焄等大股由蒙懷東竄襲破五河臨淮喫緊經道員黃元吉等督率兵練進剿疊獲大勝於二十五日將五河縣克復餘匪仍由雙河集等處逃竄現在臨淮兵勇專防北捻而南賊大股直趨全滁設乘虛北犯與宿蒙捻匪通連一氣則中

聖朝方略卷一百九十三

二

原大局不堪設想臣已飛飭尹善廷趕帶兵勇移紮清流黃元吉相機援應仍扼住臨淮使南北兩賊不得勾合又恐北路兵單咨商勝保袁甲三飛調吳秀一軍馳回協剿至廬城爲皖省根本四面皆賊臣等力籌進剿總冀攻開東北一路則餉道驛道均可無阻鄭魁士本應遵旨俟德安行抵廬州卽行交卸惟德安已赴東路防剿

四九五

鄭魁士久駐廬州情形熟悉適值軍情萬緊自未便稍事拘泥臨敵易將應懇

恩准令鄭魁士暫留廬城會籌一切俟德安回廬軍務稍鬆再行交卸過江滁洲為南北關鍵必須合力防勦並請

飭下德興阿趕派馬步隊就近援勦力遏北竄與德安塔思哈等聯絡夾擊俾滁全早就肅清再六舒

聖恩飭下德興阿酌撥五百名派員管帶來皖以資進

三

粵捻賊匪糾聚數萬圍攻桃鎮甘文瀾等帶勇進擊日有擒馘現雖暫時擊退難保不拌死再來淮河以北則徧地皆捻即將來克復全滁亦須處處置守惠成挫衄之後兵力愈單亟應添軍協助惟有仰懇

天恩飭下藩司李孟羣即帶所部兵勇馳赴廬州俾臣福濟就近調度庶皖省南北各路可藉支持此

次和城兵單被大股粵捻圍攻糧絕潰散致該逆跟蹤突竄全滁雖變起倉猝派援不及究由臣福濟調度無方應請

旨將臣交部議處

福濟德安又奏言廬州騎兵現僅二百名不敷調遣查江浦大營有吉林黑龍江馬隊共二千餘名之多合無仰懇

聖恩飭下德興阿酌撥五百名派員管帶來皖以資進

四

聖恩飭下德興阿酌撥五百名派員管帶來皖以資進
勦奏八

上命軍機大臣傳諭勝保袁甲三福濟德安鄭魁士李孟羣曰滁洲為南北咽喉清流臨淮均屬要隘務須及早攻克全滁方免北竄之慮福濟株守廬州並不兼顧致有此失現在德興阿等已分兵追勦著福濟即遵前旨撥兵會勦毋得再有貽誤五河業已收復

黃元吉所帶兵勇亦可由臨淮兼顧清流德安甫到
卽趕往東路堵剿而廬州一帶賊氛尙近鄭魁士著
准其暫留廬城會同福濟商辦軍務俟德安回廬再
行交卸李孟羣一軍本令赴勝保大營會攻六安現
在廬州勦辦喫緊著勝保等卽飭該藩司帶現存固
始兵勇迅赴廬州至德興阿軍營馬隊歷次因病遣
撤並無二千名之多現在翁同書等分勦全滁卽須

應用無可分撥著毋庸議

上諭內閣曰安徽賊匪屢撲和州兵單被陷並竄入全
椒縣城福濟未能先事布置實屬調度無方著交部
議處

福濟德安又奏言查三月二十一日賊匪分股
攻襲昭關各營尙未紮成猝被衝散遊擊聶桂
榮退至仙蹤復整隊扼守署含山縣知縣孔繼

欽定剿平粵匪方略卷二百九十三

五

黃亦帶練幫同堵禦二十二日該逆由昭關內
竄被我軍擊回斬獲頗多功過尙足相抵副將
鮑雲翥督兵固守和城屢戰屢勝嗣因賊衆糧
絕身受重傷潰圍而出情尙可原懇

恩將鮑雲翥聶桂榮孔繼黃均免其置議遊擊吉昌景
昌督勦不力均擬請以都司降補並與守備柏
雲錦各拔去翎枝仍責令帶兵協勦以觀後效

陣亡之守備張春發訓導沈廣策奮勇捐軀殊
堪憫惜請

飭部從優議卹奏入

上諭內閣曰副將鮑雲翥遊擊聶桂榮署含山縣知縣
孔繼黃或身受重傷或整隊扼守均著加恩免其置
議其接仗失利之遊擊吉昌景昌均著以都司降補
並與守備柏雲錦均拔去翎枝仍責令實力協勦以

欽定剿平粵匪方略卷二百九十三

六

觀後效陣亡之守備張春發訓導沈廣策均著交部從優議卹

十三日戊午者齡奏言江西雩都縣城被陷後參

將遮克敦布率領兵勇進剿正月初七至初十等日殺賊數十人至二三百人不等二月初間由贛南鎮道派兵會擊初八至二十二等日擒斬賊匪甚眾二十八日賊用木簞千餘架堆積

欽定四庫全書

七

欽定四庫全書

八

柴草順流縱火焚我戰船遮克敦布督飭水師開礮擊退並斃岸賊三百餘人踏毀賊壘二十餘座三月初一日官軍分隊攻城兵勇蟻附而上賊眾慌亂我軍四面搜殺斬首千餘級焚燒賊船一百餘號餘匪望東路奔逃於三月初二日收復縣城在事人員不避艱辛洵屬奮勇出力可否容臣擇尤酌保以資激勸出自

天恩奏入

上諭曰出力人員准汝擇尤保奏

者齡又奏言二月十二日道員張運蘭知府王開化率老湘營進攻樂安縣城記名總兵普承堯旋率親兵馳至會剿先後斃賊甚多賊於十四日夜乘大雨開東北兩門棄城逃竄自相踐踏死者百餘人各營追逐三十餘里沿途俱有

斬獲當卽收復城池敗賊分起逃竄往附宜黃崇仁賊黨普承堯於樂安防守事宜布置已定仍回吉安圍攻王開化進紮桃陽地方兼顧崇宜兩路張運蘭於三月初四日進攻宜黃城賊三千餘人聞風逃竄隨將縣城收復撫建賊匪旋於十二日竄入宜黃境內張運蘭派勇堵禦自率老湘勇繼進迎頭截擊擒斬多名餘匪越

嶺奔散蕭啟江自新淦進攻崇仁二月十九日
探知賊大股來撲列陣以待擊斃賊目多名三
月初六日蕭啟江督勇進攻崇仁鏖戰經時斃
賊數百賊眾大敗我軍直抵城下以劈山礮排
槍連環仰擊賊多應聲而倒時知府劉坤一統
帶楚勇揮兵進逼南門王開化亦由桃陽進攻
賊勢愈窮遂於是夜三更焚巢遁歸撫郡蕭啟

欽定剿平粵匪方略卷一百九十三

九

江劉坤一王開化各率所部追逐二十餘里會
同收復城池十七日劉坤一移紮崇仁秋溪西
岸撫郡逆匪分三路來撲劉坤一督勇與賊夾
河而陣斃匪甚眾官軍乘機渡河掩殺賊遂潰
敗十八日蕭啟江移營進紮上頓渡西岸撫郡
逆匪大股出犯蕭啟江嚴陣河干賊被擊退十
九日賊眾二萬餘人渡河蠶擁而來蕭啟江劉

坤一分投猛擊斬賊先鋒數十人賊遂敗潰我
軍三面乘之殺賊四五百人總兵李定太等於
三月初二至初六等日率馬步隊自杜家圍進
攻三山廟界橋賊巢疊有斬擒李定太移紮臨
川之高平墟與甘肅安肅道劉于瀆於十二日
親督戰船駛至距撫城五里之橫河口撫郡出
賊數千人迎拒我軍開礮轟擊斃賊數十人賊

欽定剿平粵匪方略卷一百九十三

十

敗入城現飭張運蘭等分率老湘寶勇等營由
宜黃進取南豐以偏建郡並咨閩省撥兵會攻
一面飭李定太等步步爲營合圍撫郡以期掃
穴擒渠
耆齡又奏言江西派援東路兵勇先後業經調
撥八千餘名正在飭催李元度進剿常山股匪
奉

旨添派得力大員赴援自應欽遵辦理現在副將田興
恕一軍甫經會同道員蕭啟江等克復崇仁尚
堪抽調業經臣飛飭田興恕帶領虎威勇二千
餘名並飭蕭啟江添撥湘勇一二營倍道前進
會台李元度統帶各營先攻常山以通江浙兩
省之路並知會福興饒廷選督率衢郡江浙官
兵前後夾擊至廣豐等處尚有零匪出沒亦須

聖朝聖略卷二百九十三

十一

嚴防已責成廣饒九南道沈葆楨督飭縣營妥
為布置奏入均報

十四日己未和春奏言西南陸路長圍現已嚴密
該逆恃有三山水路為船隻出入要衝悉力負
嵎遊擊賴鎮海等分駕礮船乘風上駛直薄雙
牖口門總兵李若珠亦撥隊由三汊河進攻上

關並派參將劉萬德等沿江抄擊斃賊不少正
收隊間瞥見蘆葦叢中竄出悍匪千餘李若珠
迎面環轟並以馬隊親軍往來衝擊斃匪二百
餘人賊各梟水而逸時賴鎮海師船駛進雙牖
口連開大礮轟擊守備劉蔣華上岸分撲賊巢
立將東西兩岸望樓逆卡一律毀平三月二十
八日上關竄出悍賊三四千人分股撲我三汊

聖朝聖略卷二百九十三

十二

河大勝關營盤李若珠派兵更番疊進賊不敢
拒忽自後路突出大股接應守備虎懷慶手殪
賊目三名逆眾驚潰大兵乘勢薄之該逆自相
踐踏轟斃及溺死者數百人是夜賴鎮海瞭見
雙牖口門賊船隱現意圖撲營當飭各船迎擊
壽德洲又出賊遊弋以圖牽掣我師水陸並勦
擊沈逆船數隻斃賊甚多賊始敗竄該逆屢被

聞

創懲已成阱獸釜魚之勢惟有嚴飭各軍力扼
高瀉漂水一帶兼顧甯防以期節節進剿
和春又奏言疊准何桂清等函咨浙江衢州尙
未解圍常山開化復陷請速籌援應等因查有
雲南鶴麗鎮總兵周天培勇敢素著係周天受
胞弟與明安泰共事日久若令馳赴浙東會合
應援必資得力當卽挑選精銳一千餘名飭該
鎮統帶於四月初五日兼程前往至先聞浙
警卽派都司夏定邦等督率六合練勇一千名
於三月二十六日星馳赴浙旋准德興阿來咨
和淦全椒相繼失陷賊衆漸趨六合當飭遊擊
魁霖將原帶兵丁一千名剋日拔營折赴江北
聽候德興阿調遣其夏定邦一軍行抵常州亦
經何桂清就近截回六合俾資防剿奏入均報

欽定剿平粵匪方略卷一百九十三

十三

聞

十五日庚申德興阿奏言皖省大股賊匪屬聚滁
州准鞠殿華咨稱本月初四日督兵行抵八里
鋪地方遇賊接仗我軍奮勇直前賊卽敗退復
令都司王希堂等分路迎剿該逆捩死抵拒鞠
殿華躍馬直撲賊隊督同總管台斐音保等左
右衝擊各軍勇氣百倍追殺二十餘里斃賊一
千七八百名賊屍枕藉生擒一百餘名並准翁
同書咨稱來安賊匪圍撲六合翁同書派令羅
玉斌帶兵進剿行至施官集富明阿督兵施放
槍箭賊卽退卻追殺十餘里斃賊多名翁同書
親赴三汊河派隊追擊直逼賊壘擲放火器焚
燃木柵乘勢越入濠牆將賊匪殲除殆盡賊壘
立時平毀南北二門又出賊二三千名馬賊百

欽定剿平粵匪方略卷一百九十三

十四

餘名官軍鏖戰三時之久斃賊四百餘名臣德興阿因各路兵分恐九洲逆匪乘虛撲犯初四日親督諸軍暨上下游水師進剿斃賊甚多初五日夜下關賊船十餘隻由南岸衝下黃彬揮船開礮賊縱火駕箠連環下擁我軍開礮迎擊立將賊箠四座一律擊沈又擊燬賊划四隻臣仍督飭將弁迅圖克復滁來城池以次掃蕩

聖訓聖旨卷一百九十三

十一

奏八

上諭內閣曰此次滁州來安等處攻剿竄匪迭獲勝仗辦理尙爲得手著德興阿督飭將弁實力進攻迅圖克復毋稍稽延

同日英桂奏言據光州等州縣稟報該匪闖入麻城後復有英山賊匪數千人接應分擾白果及李家壩紅石堰一帶均經兵團擊退楚省官

兵業已厚集惟北路尙覺空虛該州縣會同李孟羣兵勇分路防剿等情查麻城北路均與光商一帶毗連邱聯恩已於上月二十七日抵光山縣之沙窩地方紮營臣當飭該鎮隨時確探賊蹤何路緊急卽往何路扼要堵截仍咨照湖廣督臣官文撥兵分赴北路四面圍攻以期一鼓殲除奏八報

聖訓聖旨卷一百九十三

十六

聞

十六日酉辛和春何桂清奏言此次浙東失事皆由總統無人致一誤再誤勢成滋蔓周天受江長貴先後到衢以賊勢東趨卽在東門外之樟樹潭紮營力搃下竄龍游嚴州之路該逆屢次攻撲俱被擊退福興檄調周天受進城防守周天受則欲駐紮樟樹潭力保浙西完善之地彼

此意見不和遷延不進賊勢愈張迨明安泰到
衢接替江長貴回徽福興又飭明安泰一軍分
而爲二半留樟樹潭歸周天受調遣半赴隔河
之浮石渡歸福興調遣尚未定議周天受已得
賊擾龍游之信卽商令明安泰折回龍游奮勇
截擊該逆遂折赴遂昌一路有侵犯處州金華
之勢周天受遂留王恩榮防守樟樹潭親帶一

欽定剿平粵匪方略卷一百九十一

七

千一百人馳赴龍游會商明安泰於明安泰部
下酌留副將朱承先一軍防守龍游明安泰亦
親率一千五百人會同周天受馳赴湯溪探知
賊已由遂昌松陽而陷處州宣平地方亦有賊
蹤明安泰卽赴縉雲縣之桃花嶺周天受則力
搃宣平福興始調周天受繼調明安泰往守衢
城皆以東路喫緊回覆遂將城守事宜責之饒

廷選自統江西官兵紮營於城外之浮石渡專
待周天受回衢再行進剿賊遂乘虛竄至離衢
州四十里之杜宅紮營以窺壽昌勢將從衢州
北路繞竄而下矣開化之賊亦逐漸內犯遂安
告急設有失挫嚴杭門戶洞開竟將不可收拾
臣何桂清昨接湖北撫臣胡林翼來函知己飭
同知李元度赴浙援應方冀其從常山一路勦

欽定剿平粵匪方略卷一百九十一

八

洗頤又接晏端書來函知李元度一軍除由福
興帶赴衢州外其餘分守廣豐玉山未能移動
九江道沈葆楨擬令長左等營三千餘名由饒
州徽州繞至嚴州程途紆遠不知何時方到屈
計浙江諸將惟周天受尙知機要雖經晏端書
奏請將該鎮

賞加提督銜以資統率而所部之兵除留樟樹潭紮營

外僅帶一千一百名馳赴金華一路以遏內竄
不惟兵力不敷堵勦且地偏一隅斷不能兼顧
衢嚴明安泰一軍除留防龍游外亦祇帶一千
五百名馳赴處州是能戰之將有用之兵僅此
二軍無論已失之城難於即復即內竄旁竄之
路又豈能處處嚴扼福興兵力較厚均聚衢城
內外今已一月未解城圍而賊又分竄仍陷株

聖朝集賢堂卷一百九十三

九

守廣信故轍以致衆心不服晏端書無可如何
臣等更難於措手最可慮者張芾鄧紹良部下
精銳調赴浙東者已逾一萬徽甯空虛已極遇
有緩急何以支持徽甯危則浙西兩面受敵矣
爲今之計惟有嚴守遂安顧任嚴杭門戶一面
籌益周天受明安泰兵力嚴防金華進勦處州
一面酌由龍游壽昌進兵會合福興力解衢圍

或者尙可補救雲南鶴麗鎮總兵周天培臣等
已飭統帶所部星夜馳援令與周天受明安泰
熟商力扼下竄之路惟統計各路兵勇二萬數
千人必當有大員統率以一事權按分位而論
似應昇之福興無如各路軍營與地方官紳鮮
有心服者合無仰懇

天恩俯念浙江軍務緊急

聖朝集賢堂卷一百九十三

三

欽派總統大員一人俾各將士有所遵循則東南幸甚
奏八

上命軍機大臣傳諭何桂清曰前因福興統兵不能得
力特加周天受提督銜督辦浙江防勦事務各路援
師均歸調度既授周天受以統領全軍之責呼應較
靈即可由該總兵體察何路賊情緊急派兵往援福
興雖援應衢州尙有微勞惟前此擁兵不戰致令賊

匪蔓延業經革職暫留本任以示薄懲現在遂安告急並有處州亦陷之信昨已據和春奏派周天培帶兵一千名前往應援此時援兵將次雲集合計兵勇已有二萬餘人如調度得宜足敷防剿何桂清以事權不一爲慮自係未知福興已回江西至蘇杭唇齒相依和春已屢次添兵兼顧何桂清亦能不分畛域通籌大局浙省軍務諒可望有起色也

聖皇聖考卷百九十三

三

十七日壬戌官文都與阿胡林翼楊載福奏言九江郡城自咸豐三年失陷被逆匪林啟榮占踞已閱六年疊經官軍勦辦恃險堅拒迄未得手六年十二月間浙江布政使李續賓從武漢乘勝追剿七年八月後湖口克復臣等添募勁旅以長濠六道三面合圍並分水師十餘營駐守北面江岸賊援遂絕福建提臣楊載福廣東惠

潮嘉道彭玉麟水師晝夜環攻終爲礮石所阻李續賓審視大東門外磨盤洲地方逼近城垣其中岡高並於城左右環抱如弓可於岡下潛開地道惟立於岡頂則城上礮子如雨遂令各勇依岡形勢盡一夜之力培土爲牆以槍礮對城轟擊隨立重賞挑選精悍勇丁分三處開挖地道均於二月二十八日開工仍日夜列隊攻

聖皇聖考卷百九十三

三

擊並搬運木梯多張旗幟故作登城之狀以疑之三月二十五日東門地道轟塌城數丈二十九日南門地道轟塌城十餘丈兩次均被該逆以大桶火藥拋擲士卒多傷未得登城逆匪旋將缺口堵塞四月初六日自東而南地道工竣李續賓復會商臣楊載福等陸師攻東南西三面水師攻北門臨江一帶約於初七日寅刻發

火飭副將沈俊德參將劉連陞率勇從東南一帶以梯登城參將王馴等各率勇從小東門一帶以梯登城水陸將士咸痛前此傷亡士卒之慘人盡思奮及期火發輒石飛騰山岳震撼場地東並南面城垣一百餘丈李續賓飭王揆一等乘勢搶城騰越而上各勇奮氣百倍前者受傷後者繼進槍矛並舉該逆抵敵不住紛紛

聖朝聖學卷之三

三

亂竄我軍截殺兩時之久城內勇掩殺而出城外勇衝殺而入自卯至午殲除淨盡偽貞天侯林啟榮偽元戎李懸濂各賊目於亂屍中認出寸磔梟示通計斃賊一萬六七千名九江府城即於初七日卯刻克復臣楊載福與彭玉麟會商先於是日派各營駐琵琶亭扼賊出竄之路其由小北門大北門及龍口河逃出賊各數百

人均經水師登岸概行殺盡並無一賊漏網此皆仰賴

聖主威福知人善任李續賓等得藉手以告成功現應如何水陸分道東征臣等即當妥速籌商辦理浙江布政使李續賓忠盡勤勞厥功甚偉應如何

加恩之處伏候

聖朝聖學卷之三

三

聖裁按察使銜廣東惠潮嘉道彭玉麟等戰功卓著應得獎敘先行開列額懇

恩施其餘在事出力文武員弁兵勇可否容臣等另行查明擇尤保獎

官文都與阿胡林翼又奏言浙江布政使李續賓忠勇誠篤其才力可統數萬之眾而並不以權術駕馭為能良由待人以誠處事當理故能

使士卒感恩所向成功卽如馬隊水師各有管帶偶與李續賓共事則彼此輯和互相策應又如臣胡林翼撫標勇丁一萬餘人歸其統帶無不心悅誠服樂爲之用竊計戡亂之略得賢爲本如李續賓之才識必可獨當大任爲

國家之棟梁查皖省自三年以後賊匪久踞百姓流離失所類辜壽春等處民賊久無區別皖省

兵勇怯懦冗雜旋潰旋集勇賊亦無區別若不

及時肅清後患滋大皖省形勢緊要目前大計

自應以九江得勝之陸師渡江勦辦先清北岸

而後再及於江南水師則先清安慶而以餘力

分討金陵或再以餘力調入蘇杭太湖等處此

固全局所關不容稍分畛域者也臣都興阿所

部兵力不多祇能專顧一路而皖省地勢則必

分兵三路乃能得力又必先勦安慶六安城外各處之賊俟各路勦殺已盡則安慶省城攻取自易否則頓兵城下動淹歲月而賊又於無兵及兵弱之處狡焉思逞此又兵機之必當審量者也惟李續賓越境遠征應否加銜專奏以一事權而免牽制出自

聖恩至此克復九江李續賓應推首功楊載福亦勞

績尤著惟均係一二品大員應候

聖裁奏入

上命軍機大臣傳諭官文都興阿胡林翼楊載福曰粵

逆占踞九江久攻未克經楊載福等督兵不分晝夜

水陸環攻並開挖地道轟塌城垣將弁兵勇均各奮

力先登將堅城克復殲賊至一萬六七千名之多不

留餘孽勦辦實屬奮勇深堪嘉尙此時除分兵留守

九江外楊載福李續賓等統領得勝之師分道東征應先往何處著卽乘此聲威妥速籌辦現在和春等圍攻金陵屢獲勝仗尙屬得手惟因浙江告警江南屢次撥兵至衢州助勦鄧紹良一軍亦因賊匪欲內竄東壩高淳一帶防勦兼施兵力實形單薄九江兵勇共有若干如可分兵援應他處卽著抽撥二三千名派委得力將備帶赴鄧紹良軍營聽候該提督調

聖朝軍略卷五十三

七

遣既可防守甯國等處內竄之路設或浙中喫緊亦可調往援勦楊載福等水師仍當迅速東下節節掃除卽可與江南師船聯絡一氣一旦金陵克復太平蕪湖一帶竄匪必多此時先爲肅清日後易於勦辦李續賓已加巡撫銜出境後准其專摺奏事

上

諭內閣曰粵逆占踞九江自湖日攻克後官文等派募勁旅空濠合圍賊援遂絕李續賓等督勇開空地

道本月初六等日轟塌城垣一百餘丈伏勇城中內外衝殺首逆寸磔梟示斃賊一萬六七千名九江府城卽於初七日克復其逃竄之賊概行截殺勦辦實屬奮勇官文等調度有方將士用命深堪嘉尙允宜渥沛恩施以示優獎欽差大臣湖廣總督官文湖北巡撫胡林翼均著加恩賞加太子少保銜江甯將軍都興阿著交部從優議敘福建提督楊載福著賞穿

聖朝軍略卷五十三

末

黃馬褂並交部議敘浙江布政使李續賓此次戰功尤著著賞加巡撫銜並賞穿黃馬褂廣東惠潮嘉道彭玉麟著賞加布政使銜副將李續燾著記名以總兵用並賞給圖薩泰巴圖魯名號雷風雲著賞給幹勇巴圖魯名號參將李集賢蕭慶衍王載駟朱品文成得升李存漢彭祥瑞劉連陞均著免補參將以副將儘先補用遊擊楊富有黃澤遠均著免補遊擊以

參將儘先補用並賞加副將銜朱升開著免補遊擊以參將儘先補用都司趙友才著免補都司遊擊以參將儘先補用守備鄒玉堂余雲龍均著免補守備都司以遊擊儘先補用鄒玉堂並賞換花翎胡鎮南著免補守備以都司儘先補用並賞換花翎知縣蕭積仰著免選本班以同知直隸州知州不論雙單月選用並賞換花翎從九品毛有銘李景均文童劉運

欽定剿平粵匪方略卷之三

三

會均著以府經歷縣丞不論雙單月選用並賞戴藍翎已革湖南知縣王揆一著開復原官並免繳捐復銀兩把總郭美南著以千總儘先補用並賞加守備銜水師副將李濟清著賞加總兵銜都司劉德亮著以遊擊儘先升用並賞加參將銜參將孫昌凱著賞加副將銜都司李定陞著以遊擊儘先升用並賞加參將銜守備何昌登著以都司儘先升用並賞換花

翎知府蕭翰慶著賞加道銜參將孫昌國著賞加副將銜守備丁義方著以都司儘先選用並賞加遊擊銜李陞元著以遊擊儘先選用其餘在事出力員弁兵勇著官文等查明擇尤請獎候朕施恩

臣等謹案戡亂之略首在得人潯郡搃大江險要自咸豐三年失陷後賊踞六年若非克此堅城則東征之師勢不能建瓴而下我

欽定剿平粵匪方略卷之三

三

文宗顯皇帝命將專征知人善任昇李續賓等以勦賊之權在事諸臣同心勦力用奏膚公九江克而江北江南以次底定全局所關洵非淺鮮論功行賞

恩澤渥頒孰不鼓舞歡欣願備干城之選哉

官文都興阿胡林翼楊載福又奏言此次克復九江城池都司朱春堂劉正南守備銜千總謝

芝輝千總葉定海尹得榮把總蕭楚勝譚占秋
陳仕炳李續佳毛汀泗李林盛外委鄧榮堂李
光耿王功義舒才錦黃澤和均因首先登陣被
傷殞命實堪憫惻相應籲懇

天恩飭部加等從優議卹奏八

上諭內閣曰都司朱春堂等隨同攻克九江首先登陣
受傷殞命殊堪憫惻均著交部加等從優議卹

聖祖聖訓卷一百九十三

三

聖祖聖訓卷一百九十三

三

十八日 癸亥 福濟奏言據探滁州於三月二十八

日失守來安縣於本月初一日失守查該處距

廬城均二三百里賊蹤飄忽崇朝可至廬軍本

無可撥卽撥兵亦斷趕不及 臣通籌全局此時

廬州實有四面受敵左支右絀之勢蓋皖地當

衝金陵圍急則粵逆勾捻裹脅蔓延且廬兵太

單以萬餘兵勇兼控數百里平曠之區光固之

軍偏賊入皖西境斬黃之軍偏賊入皖南境浦

六之軍偏賊由東入皖北境區區之皖實爲賊

壑和春勝保德興阿李孟羣等皆能衝鋒陷陣

臣自愧弗及亦不敢掩飾以爭功然和春統四

五萬勁旅圍攻一城糧餉又足卽德興阿勝保

皆合數萬兵力數省供億僅顧一隅 臣以一旅

當數面之賊餉需又缺前歲鄭魁士等桐城潰

聖祖聖訓卷一百九十三

三

退各營元氣大損節次奏調添兵未蒙

俞允卽在防各兵如吉林黑龍江馬隊熱河密雲陝甘

山東山西等處均以留標兵乏爲詞不准更換

而勝保請調山陝各兵伊興額請調山東兵則

又遵辦且和州復後德興阿兵未蒙

飭撥而徐州金陵則又准撥各兵本不願來廬各將軍

大臣督撫亦不免藉口在

皇上視緩急爲調度悉秉大公而臣僅此兵力責令支
持全滁不復禍猶淺全皖盡陷禍更深各營現
在被困數月斷炊協撥不來潰散立見臣受
恩深重卽肝腦塗地不足云報其如

國家疆土何惟有仰懇

皇上將臣嚴加議處速令德興阿勝保等無分畛域聞
警必援並請增兵添餉

特派大員分辦淮南北賊匪以專責成皖省幸甚天下

幸甚

福濟又奏言據塔思哈呈稱四月初一日進攻
全椒前隊二三百人直抵西門誘敵賊先拒守
不出嗣見我軍無多突出騎賊百餘大股隨後
衝出我軍稍卻引至平原接仗斬賊多名初五
六七等日德安督兵會攻全城逆賊數千人突

欽定剿平粵匪方略卷一百九十三

三

欽定剿平粵匪方略卷一百九十三

三

撲我營塔思哈督軍迎勦鏖戰三時賊隊撤動

我軍乘勢撲進德安馳往接應追殺三十餘里

擒斬甚多又據報初七日舒六粵捻大股圍撲

桃鎮勇營初八日該逆竄至花子岡有分三路

直撲廬城之說並探聞宿蒙髮捻竄撲懷遠該

縣知縣鄒筍接仗失利捻衆由王莊直撲臨淮

河北黃元吉帶勇折回堵守臨淮南岸各等情

查全椒東面或可暫支而南北兩路粵捻紛乘

同時入寇廬軍糧絕又在重圍之中此時勝保

等卽能攻克六安設廬州臨淮各軍再有潰挫

亦屬得不償失應請

飭下德興阿勝保各派得力馬隊馳赴臨淮攔截會同

黃元吉力扼中權勿使南北勾合並懇

飭下李孟羣迅帶全軍馳赴廬州援勦

同日德興阿奏言皖匪竄陷來安經翁同書於四月初七日飭穆克登額富明阿帶隊進勦踏毀南門外賊壘一座斬俘不可勝計初八日各軍分三路進勦副將鄧鳳林等立梯登城魁霖等縱火焚燒城門馬步兵勇四面圍攻該逆拌死抵拒正在相持間滁州之賊五六千人向西南猛撲城賊見逆援紛至東北門出賊二三千

聖朝聖考卷之三

三

人接應經鄧鳳林穆克登額溫紹原分路堵勦斃賊多名富明阿等帶馬隊迎截賊援躍馬直入敵受槍傷猶復裹創力戰將賊衝為數段追殺二十餘里賊屍徧野生擒八十餘名時翁同書督隊接應傳令諸軍乘勝進攻該逆開礮抵禦我軍直薄城下遂啟南門兵勇繼進內外夾擊共殺賊二三千名生擒長髮悍賊二百餘名

初九日立將來安縣城克復救出難民一千餘名查該逆竄踞來安其計甚詭來城不克則滁州難以攻取而浦營方深顧彼失此之虞茲翁同書督軍進勦將士用命未及旬日遂克來安所有尤為出力之記名副都統富明阿等先行開列懇請獎勵其餘出力各員弁兵勇可否彙入克復江浦案內擇尤保奏出自

聖朝聖考卷之三

三

天恩

德興阿又奏言前月皖賊東竄臣於不敷調撥之中分兵援勦既慮九洑洲之賊乘虛窺撲浦營尤慮賊踞來安儻不立予殲除則和滁更難得手翁同書移師六合各軍用命數日之間來安克復鞠殿華初四日滁州一戰以少勝多足令羣賊喪膽惟前據惠成面稟皖營撥兵數千

馳赴全椒至今未到額請

飭下福濟催令前來庶兩省合剿更形迅速均奏入

上命軍機大臣傳諭福濟曰福濟株守廬州不能出奇

制勝牽制賊勢致令全滁等處相繼失陷雖因地處

當衝兵單賊眾而一籌莫展咎實難辭乃累次陳奏

軍情總以各路統兵大臣未肯協助為詞如果他處

兵力有餘自宜分撥應援即如六安被陷勝保李孟

羣等越境進攻和全告急翁同書鞠殿華移師往剿

以及都興阿之進取宿太皆係皖省地方並不稍分

畛域該撫但知責備他人自問豈無愧耶前因該撫

奏請已諭李孟羣迅赴廬州軍營昨因官文等奏楚

軍克復九江府城復諭李續賓等即日東征先同勝

保克復六安再往廬州等處相度情形先其所急次

第攻勦本日復據德興阿奏翁同書攻克來安縣城

福濟果能與德安鄭魁士李孟羣同心勦力勿徒專

顧一隅可期漸有起色至來安克復後鞠殿華等復

於初四日在滁州以少勝多現在塔思哈攻勦全椒

亦獲勝仗著飛飭該員會同江北之兵兩省合剿以

杜北竄毋再延玩干咎

上諭內閣曰滁州來安於二十八等日相繼失守雖來

安縣城本日已據德興阿奏業經翁同書帶兵克復

福濟株守廬州一籌莫展咎無可辭著交部議處

上又諭內閣曰此次官軍進剿來安乘勝急攻迅拔縣

城殲賊淨盡辦理甚為妥速翁同書著交部從優議

敘記名副都統富明阿著賞給頭品頂戴副都統穆

克登額總兵羅玉斌副將鄧鳳林均著交部從優議

敘候補道溫紹原著賞加鹽運使銜協領常壽著賞

給伊拉固勒巴圖魯名號委營總德珍德雲均著以

協領儘先卽補驍騎校德成著免補驍騎校以防禦
儘先卽補參將魁霖著賞加副將銜都司哈連陞著
以遊擊儘先補用守備王富來著以都司儘先補用
王家幹著賞換花翎余承恩著賞加都司銜六合縣
知縣李守誠著以同知直隸州知州仍留江蘇歸候
補班儘先卽補其餘在事出力文武員弁著准其擇
尤併案奏請獎勵

聖朝實錄卷二百十三

三

德興阿又奏言查江北兵數最單浦城雖復而
九洲踞險未下攻剿正形棘手適皖賊由含
山直犯和州甫經派兵赴援而賊竄全椒連陷
滁來防務處處喫緊自與翁同書鞠殿華商定
分兵進剿實覺不敷調遣此時來安雖經克復
滁州尙爲賊踞各路防兵不能卽日調回九洲
洲與南岸下關七里洲之賊又傾巢北竄浦口

實有腹背受敵之虞高旺爲江浦門戶尤須駐
軍扼守所有烏江芝麻河等處礙難分兵進紮
惟冀皖營撥兵會擒滁巢迅殲醜類俾臣得一
意攻拔九洲洲再圖節節進剿奏入報

同日

上命軍機大臣傳諭勝保袁甲三英桂瑛棨曰現在六

聖朝實錄卷二百十三

四

安剿匪疊次獲勝功在垂成自應厚集官兵迅圖克
復本日已諭知官文卽令李續賓統領九江得勝之
師先赴六安勝保等得此勁旅兵力已厚務當迅克
州城
上又命軍機大臣傳諭官文都興阿胡林翼李續賓曰
勝保現在攻取六安屢次克捷功已垂成惟官兵僅
有二千餘名不敷攻剿必須厚集兵力方可迅復州

城福濟亦以廬州兵力不敷奏請添兵著李續賓卽帶九江得勝之師先行馳赴六安會同勝保奮力圍攻俟六安克復再赴廬州一帶相度情形先其所急次第攻勦該藩司奮勇過人乘此聲威諒必能所向成功

欽定剿平粵匪方略卷一百九十三

四

欽定剿平粵匪方略卷一百九十四 戊午年

四月二十日 乙丑 官文都興阿胡林翼奏言九江形勢西扼武昌東引皖口實南昌之頭目而湖廣江南之腰膂也得之難守之亦不易應由鄂省留兵代防湖口彭澤小孤山華陽鎮均爲九江之肩齒湖口尤爲彭蠡之咽喉自昔經畫江南必以此爲重鎮亦應由鄂省分兵代守鄂省以五萬三千人戰於江皖不僅兵事無分畛域卽餉需亦不容推諉惟查九江地方善後事宜極有關繫必得廉幹大員以資鎮撫且鹽課關稅經理得人亦可稍助軍需東征之師應於九江設轉運糧臺則軍餉軍火由鄂起運者中道有歸宿之處呼應較靈轉輸亦捷查有本任廣饒九南道沈葆楨忠直廉幹才堪應變現駐廣

信府城應請

旨特派沈葆楨辦理九江轉運糧臺並飭速回九江本任實於地方軍務均有裨益李續賓擬酌帶湘軍及撫標各營渡江先清皖北而後再議皖南皖省自宿太以及舒桐賊勢蔓延已久且與廬州文報不通楚軍遠征錢糧軍火均有本營長夫自行運送惟是深入皖境離江岸較遠則米

聖朝聖訓卷一百九十四

二

糧軍火轉運不易且李續賓每逢大戰必豫飭各營添募民夫趕運一月軍需故能與賊久持而操縱在手不虞匱乏客兵遠征若無地方大員隨同照料呼應不靈應請

飭下安徽撫臣迅派廉明大員繞赴都興阿李續賓行

營另設隨營支應局會同湖北委員經理庶統兵大員不致分心軍需得以一意討賊所復皖

省州縣除緊要關隘外必難處處代守應及時設立官長舉行團練以資得力至湖北分戰分守月餉二十六萬有餘加以每月協濟湖口彭玉麟吉安劉騰鶴等軍餉二萬餘兩七年設局造船製辦軍火軍裝本年二月後九江之雲梯地道工費俱繁卹賞尤鉅即如兩月之內費火藥礮子各五十餘萬斤其餘軍裝無一不取給

聖朝聖訓卷一百九十四

三

於鄂省每月所需已逾三十萬兩其分濟李孟羣李元度各營軍餉尚不在此數內本省竭力籌畫實已不遺餘力查山西陝西四川每月奏定協餉各五萬兩均未如數如期以東征江皖五萬餘人之食責之湖北一省力實未逮應請

飭下四川山西陝西迅速協濟庶東征之師免致匱乏

奏八

上命軍機大臣傳諭官文都興阿胡林翼福濟曰本日據官文等奏九江湖口等處由鄂省分兵防守李續賓擬酌留兵勇渡江先清皖北再議皖南並於九江設立糧臺轉運軍火等語所籌進剿機宜與前降諭旨相符其以九江爲扼要更屬切中形勢卽照所議辦理惟九江道沈葆楨久在廣信深得民心現在江西賊匪竄入浙境廣信郡城正當喫重沈葆楨未可

欽定剿平粵匪方略卷一百九十四

四

調回本任所有九江設立糧臺著官文胡林翼另派廉幹大員妥爲經理至楚兵深入皖境米糧軍火必須地方官員隨同照料呼應較靈卽著福濟派員繞道分赴都興阿李續賓行營設立隨營支應局會同楚省委員辦理其糧餉等項恐皖省無從措辦仍著由湖北籌撥接濟至各州縣克復以後自難處處留兵防守著卽責成福濟慎選賢良安輯難民辦理團

練自行保衛儘有竄匪卽由皖兵策應方可以次肅清福濟務當振刷精神悉心籌畫以期相與有成

上又命軍機大臣傳諭王慶雲恆福曾望顏曰湖北省進剿江皖賊匪派出兵勇約有五萬餘人月費軍餉爲數不貲現在九江郡城業已克復李續賓等卽日移師東下越境追剿餉需尤不可缺著王慶雲恆福曾望顏查明各該省應解湖北軍餉迅速陸續籌解

欽定剿平粵匪方略卷一百九十四

五

官文都興阿胡林翼又奏言皖省大股逆匪竄陷麻城廣築堅壘以阻我師三月二十七日李續宜督軍抵麻城後連日審察地勢與副都統舒保會商進兵於四月初二日飭副將張文煥進攻各門賊壘李續宜自率湘副中等營爲伏兵舒保自率馬隊往來策應該逆率衆抗拒我軍極力勦殺連斃悍賊百餘人賊敗入壘兵勇

而來該逆越濠遁走我軍從後追殺賊骸枕藉
臣親率各軍繼至直前衝擊賊眾撲入河中溺
斃甚眾其後面山上賊營數座該逆拜命死守
官軍殲斃二百餘人前竄杜澤之賊復分股擾
至東北高家一帶查該處緊接河壩爲郡城餉
道亟應迅速蕩除查有遊擊王恩榮一軍尙在
樟樹潭扼紮該處距高家祇十餘里卽飭該遊

欽定剿平粵匪方略卷一百二十四

八

擊就近堵截臣一面督軍進剿西北岸賊匪使
高家之賊未敢孤軍深入初六日杜澤之賊果
以北路巢穴被燬卽將高家一股撤回冀赴西
北岸援應臣於初六日飭楊國正等兵勇進剿
行抵冀家埠該逆糾集悍賊六七千人列隊以
待官軍奮力迎勦見左路賊隊空虛卽飭副將
張騰蛟等從旁抄出燒燬賊營賊匪回顧立卽

驚潰將冀家埠花園岡等處賊壘十一座一律
踏毀查賊竄西北一帶意圖攻撲浮石渡營壘
合因郡城故江常兩路匪蹤方且源源踵至幸
各軍連日進攻將西北賊巢焚燬淨盡洵足大
振軍威現因大雨未能進兵俟晴霽卽與饒廷
選等督率各軍相機進剿

欽定剿平粵匪方略卷一百二十四

九

同日晏端書奏言處州府屬之遂昌縣與西安
江山龍游接壤臣前咨請福興派兵往守並經
周天受入城商請適因衢防喫緊無兵可分詎
南路之賊已繞竄龍游卽經周天受明安泰先
後馳勦獲勝乃大股之賊已從靈山竄往遂昌
周天受等以遂昌爲進竄金處之路由湯溪馳
赴金華迎頭堵禦而賊已於三月二十一日竄
遂昌二十三日竄松陽周天受等於二十四日

趕至金華探知賊已竄往處州周天受由武義
前往宣平明安泰由永康縉雲前往桃花嶺分
路會剿乃處州府城復於二十七日失陷查處
州所屬各縣多與閩省毗連現在閩省浦城松
溪政和俱失則處屬之龍泉慶元等縣均屬可
危周天受明安泰兩軍益以甯防及金陵調到
各軍統計不足四千兵力尙單臣已飛囑其相

聖朝聖略卷一百二十四

十

機會攻嚴防下竄金華之路現俟甯防續調吳
再升楚黔勇一千二百名到浙派赴壽昌合楊
名聲各隊圖剿東竄之賊和春前派周天培統
帶兵勇一千餘名指日當可到浙並准江西撫
臣耆齡咨稱已派兆字營兵勇一千餘名赴玉
山會剿業經飛札催提連日接繆梓來稟福興
親督浮石渡各隊並挑選衢防勇丁奮勦先後

踏平賊營十一座如果從此剿辦應手當可立
解城圍惟此時浙省軍情衢州與金華並重衢
州之賊已延入處州圖竄金華雖經周天受等
迎擊亦僅能遏東路一面而宣平武義湯溪龍
游皆有由衢處進犯金華之路實屬防不勝防
此時祇能就現有兵力分路布置須俟旬日內
援師大集再行添兵扼守並由遂安壽昌出隊

聖朝聖略卷一百二十四

十一

截擊庶內犯無虞可以徐圖進剿至失守各府
縣容臣查明被陷情形及各該文武下落再行
分別覈辦均奏入

上命軍機大臣傳諭福興晏端書周天受日前因常山
失守玉山聲息難通福興專顧衢州恐與江西隔絕
特命該將軍將原帶之兵酌分一半回駐玉山並派
周天受督辦浙江軍務今覽福興及晏端書奏報似

皆未接奉前旨而軍情且夕變遷處州既陷周天受已遠赴東路福興在衢尙能壘獲勝仗著卽暫留該郡俟東路賊情稍鬆周天受力能兼顧該將軍再赴玉山賊旣闖入處州金華喫重龍游又須防堵兵分力單深恐難資禦侮桃花嶺爲由處州下竄要隘明安泰旣由此前進卽著嚴扼此路俾賊衆不能竄出金華然後周天受親統全軍分路進剿可期得手衢

欽定剿平粵匪方略卷一百九十四

十三

州雖獲勝仗而江常兩路匪徒源源踵至著該將軍督飭饒廷選等奮勇進剿漸次廓清該撫所調甯防勇一千二百名並江南撥來周天培所帶兵勇一千餘名指日到浙江江西所撥兵勇一千餘名亦當調到兵力實已不少總須布置得宜方能兼顧周天受膺此重任著與晏端書統籌大局以保全浙至處州府及失守各縣文武下落並著該撫查明具奏

晏端書又奏言徽防兵勇經張芾節次抽調交周天受等帶赴三衢援剿祁門婺源不免空虛崇覺寺逼近青陽尤爲喫緊張芾飭令參將吳偉奇加意嚴防三月十一日青陽逆匪糾衆由分蘆嶺進竄陵陽鎮吳偉奇督同遊擊張應超等挑選奮勇三面合擊該逆拌力死拒張應超躍馬衝出槍斃紅衣馬賊一名逆衆驚潰我軍

欽定剿平粵匪方略卷一百九十四

十三

乘勝追過陵陽鎮十餘里餘匪仍敗往分蘆嶺而去十二日該逆又糾合大股二三千人竄過陵陽鎮並分路圍撲各營盤勢甚猖獗吳偉奇飭令兵勇施放槍礮連斃悍賊數名張應超分帶隊伍包抄截擊斃匪二百餘人逆衆紛紛敗竄我軍追至分水嶺一帶始行收隊現仍飭吳偉奇督飭將弁認真守禦以防回竄奏入報

聞

二十一日丙寅德興阿奏言四月十二日謀報全

椒之賊由湯泉徑撲高旺經英貴烏爾恭額帶

隊迎勦賊卽折回我軍跟追接仗頗有斬擒是

日和州之賊由烏江竄至石磧橋臣卽飭令海

全帶領馬隊馳往協勦並令成明等趨赴前敵

不使九洲賊匪乘虛窺撲臣親督諸軍星馳

聖朝聖學卷一百九十四

十四

前往四更時行抵高旺聞賊欲犯該處卽由石

磧橋進擊該逆拌死迎戰官兵連開槍礮繼以

刀矛賊勢不支紛紛敗遁約斃賊二三百名臣

親至石磧橋察看地勢遂留海全一軍暫紮石

磧橋臣於十三日回營伏思石磧橋爲江浦門

戶當調穆克登額馬隊二起魁霖步隊一千名

馳回浦口扼紮石磧橋與高旺官軍互相聯絡

聞

庶全椒和州之賊不敢妄生窺伺臣又以滁州

爲浦營後路密約鞠殿華於烏衣東葛一帶出

隊巡哨適遇滁州之賊往迎全椒火藥而全椒

運藥之匪亦至兩股約二千餘人鞠殿華帶隊

先驅台斐音保等督兵繼進分投兜勦共斃賊

八九百名生擒長髮悍賊六十二名奪獲火藥

四百餘斤惟該逆旣經挫折必將改圖設併股

聖朝聖學卷一百九十四

十五

合趨江浦則浦營有三面受敵之虞惟有與翁

同書鞠殿華設法維持迅殲醜類奏入報

二十三日戊辰勝保袁甲三奏言擒逆踞六安州

城疊次勾結粵逆互相抗拒經臣等於本月十

二日將州城克復惟擒首尙在稽誅餘孽亦未

淨盡臣袁甲三奉

諭令樂斌揀調馬隊二百名遴選得力員弁管帶前來聽候調遣並諭樂斌酌量情形如能添撥更爲得手現在吉林黑龍江馬隊無可再調德興阿旣經挑選臆壯馬匹分配綠營習練督戰著有明效著再行挑選操練以期多多益善茲已通諭官文勝保福濟伊興額等軍營一體照辦矣

上又命軍機大臣傳諭官文都興阿勝保袁甲三福濟

聖朝軍略卷之十四

木

德安伊興額史榮椿曰本日據德興阿奏於滿營馬隊外挑選臆壯馬匹分派綠營習練臨陣頗資得力等語因思軍營馬隊不敷均可照此辦理旣免徵調之煩兼可漸增勁旅著官文都興阿勝保袁甲三福濟德安伊興額史榮椿等各就所部兵勇中挑派精壯兵丁操練馬隊以期得力

上又命軍機大臣傳諭樂斌曰現在江北勦辦逆匪馬

隊不敷應用著樂斌於陝甘督提二標挑選馬隊二百名派委得力將弁配齊軍裝器械迅速管帶起程前往德興阿軍營聽候調遣並著樂斌酌量情形如能於二百名外多爲添撥更足以資攻勦

德興阿又奏言本月十五日烏江賊匪糾和州賊黨徑撲石磧橋記名副都統海全協領烏爾恭額等帶兵奮擊追至烏江記名總兵英貴帶

聖朝軍略卷之十四

五

領馬隊由高旺馳至該逆分股排列海全直搗中堅官軍四面兜裏殲殺殆盡海全並派義勇首先薄壘拋擲火器火光四起諸壘悉下賊匪自相踐踏及淹斃者無算其逃竄對河賊二千餘名分排南岸我軍過河直撲賊壘居民幫同殲殺南岸各壘亦登時俱毀其由小徑奔赴和州者經官軍追至赤泥壩地方盡力殲除海全

馳突賊中手刃尤多共計斃賊三千餘名生擒
五百餘名烏江賊壘一律踏平查浦營兵力本
單乃以數百之兵破數千悍賊實非意想所期
記名副都統海全忠勇誠實力挫兇鋒仰乞

天恩破格獎勵記名總兵英貴等先行開列額懇

恩施其餘出力員弁兵勇容臣查明彙案保奏奏入

上諭內閣曰此次官軍攻克烏江賊巢大獲全勝勦辦

聖朝聖略卷百九十四

三

甚屬得手記名副都統海全力挫兇鋒奮勇可嘉著

賞給頭品頂戴記名總兵英貴著賞給庫奇勒巴圖

魯名號協領烏爾恭額著交軍機處記名以副都統

用佐領慶春著以協領儘先卽補協領舒通額著賞

加副都統銜富明阿著賞給霍欽巴圖魯名號都司

劉潤著賞換花翎守備蔣光烈著賞加都司銜其餘

出力員弁兵勇著德興阿彙案會保

同日者齡奏言逆匪竄擾鉛山廣豐關入浙境

業經臣先後抽調兵勇八千餘名馳赴東路援

勦嗣又遵調副將田興恕統領虎威軍二千餘

名馳赴玉山會同李元度攻勦常山赴援衢郡

九江鎮總兵李定太一軍自豐城步步爲營且

勦且前於三月二十日進紮臨川縣潯津嶺地

方以扼賊竄豐城樟樹鎮之路原未便遽行撤

聖朝聖略卷百九十四

三

動乃田興恕忽患目疾甚重前來省寓醫治急

切難以起身臣通盤籌畫浙江衢州之賊尙未

擊退全局攸關何敢不力籌兼顧江西撫郡攻

勦方殷亦難過於抽撤現擬飭文瑞率領所部

二千餘人隨同李定太赴援浙江以田興恕之

虎威勇與元善之平江勇填紮潯津嶺約會蕭

啟江各營圍逼撫郡並由省撥兵五百名馳往

新淦添集該縣團勇防守縣城據李定太咨報
 已於四月初一日拔營現在籌給行糧兼程前
 進行抵玉山再酌帶駐紮該處之長左等營練
 勇合力進剿先行撲滅常山踞賊再解衢郡之
 圍李元度率領平江勇於玉山廣豐一帶為李
 定太後路聲援並防賊匪回竄廣信如弋陽貴
 溪有警亦可就近策應准浙江撫臣來咨合計
 衢防及江西徽州江南援兵共一萬九千餘人
 三月十二等日已三次獲勝大挫兇鋒加以李
 定太全軍會剿當易翦除撫建兵勇抽調稍單
 並聞闖入福建股匪有由光澤回竄新城之謠
 將來衢州解嚴後李定太應卽統帶全軍仍回
 撫郡會剿或由金谿直擣建昌臨時相機進取
 庶免顧彼失此

聖朝集略卷百九十四

三

聖朝集略卷百九十四

三

者齡又奏言臣以潯郡地處長江腰膂為金陵
 上游關鍵曾經札商李續賓代募勁旅以資克
 復後防守之用嗣據稟覆俟攻拔郡城酌留數
 營或再添募若干等語茲郡城業已克復應卽
 趕辦現委臬司惲光宸剋日馳往潯郡會商李
 續賓將留兵募勇防守各事妥為布置並酌量
 犒賞各軍一面督飭該府縣將善後事宜次第
 辦理奏入均報

二十六日 辛未 何桂清奏言現在浙江賊勢大股
 東趨福興一軍雖將圍衢之賊節次勦洗而旁
 竄愈多壽昌遂安龍游蘭溪處處告警防不勝
 防明安泰部下之副將李嘉萬進紮離處州二
 十里之銀場地地方為賊所困周天受馳往救援

聞

因天雨賊衆以致知府唐寶昌都司馬元鎮秦坤及健卒多名同時陣亡周天受亦身受重傷仍親身殿後力戰始能全軍以退嚴守金華府城刻下明安泰一軍並由金陵續派之總兵周天培一軍會同周天受保固金華再由永康縉雲步步爲營逐漸進取此路似可無虞惟周天受雖督辦浙江防勦事宜止能力過東路無暇

聖皇聖考卷之十四

五

顧及西路衢嚴一帶且與福興一軍有主客之勢而明安泰饒廷選之資格均在周天受之前恐其呼應不靈晏端書有籌措兵餉彈壓地方之責不能不坐鎮省城現由金陵大營撥去兵勇已逾五千徽甯兩營調撥兵勇亦已逾萬分防各處尙嫌其少即使再行添撥而事權不一有損於江南無益於浙江因思晏端書前曾奏

請

飭下張國樑援救浙江張國樑爲金陵大營總統所有營壘濠塹皆其布置曾經和春奏明未可暫離而和春威望更出張國樑之上江浙本唇齒相依若令兼顧則聲威所至逆匪自聞而膽落可
否仰懇

大恩飭令和春督辦江南浙江軍務而以周天受幫辦

聖皇聖考卷之十四

五

浙江軍務總統諸軍以一事權庶將竄浙之賊乘其巢穴未固一鼓殲除冀可轉危爲安和春赴浙時所有江南軍務暫由張國樑會同許乃釗相機妥辦仍與和春往來函商不致鬆勁俟浙省軍務起色即可交周天受專辦和春仍凱旋金陵臣因維持大局起見用敢冒昧瀆陳奏
八

聞

浦城會剿以資得力奏入報

王懿德慶端又奏言江右逆匪闖入閩疆攻陷浦城據報署浦城縣知縣韓湛殉難其松溪政和等縣先後失守迄今日久代理政和縣知縣馬驥署松溪縣知縣陽椿究竟是否殉難抑係潛匿何處尙未據該管知府查覆相應請

欽定剿平粵匪方略卷一百九十四

奏

上從之

旨將代理政和縣事縣丞馬驥署松溪縣事同知陽椿先行一併革職俟查明下落分別辦理奏入

同日晏端書奏言總兵明安泰一軍先已駐紮桃花嶺其部下副將李嘉萬於四月初五日自桃花嶺進紮銀場被逆眾圍攻經明安泰飭副將陶茂森馳往擊退其時周天受自宣平行抵

銀場察看地勢不宜紮營飭令移軍巖泉因雨

未敢移營初七日該逆復圍撲銀場周天受明安泰馳往策應逆眾又以大股分竄入嶺我軍合力抵禦雨勢更大火器難施短兵相接員弁兵勇傷亡不少官軍且戰且退當於縉雲途次收集隊伍回守金華再圖進取查桃花嶺險隘既失內犯之路防不勝防周天受明安泰會紮

欽定剿平粵匪方略卷一百九十四

奏

金華力顧龍游湯溪而永康爲縉雲後路兼通義烏東陽一俟援兵調齊卽行進紮扼守現在和春派援之周天培鄧紹良派援之吳再升兩軍均已抵浙臣因壽昌緊接衢州北路卽飭吳再升馳往防勦而以周天培一軍飭赴金華與周天受合隊俾資策應江西援師耆齡已派總兵李定太統帶長左仁右衡同兆字等營及新

衡勇建昌勇自玉山取道前來並經和春續派副將郭啟舉帶勇一千名赴浙助剿臣已委弁分別迎提至浙江防勦事宜奉

旨以周天受督辦此後一切軍情臣當會同通籌布置並與該總兵隨時聯銜奏報以期仰慰

聖懷奏入報

聖旨

奉

聖旨

奉

二十九日甲戌福興奏言臣督帶援軍趕抵衢州卽值江山大股逆匪撲近郡城經臣督同在城各軍痛加勦洗並將各營分布浮石渡南北兩岸乃該逆從東路繞出樟樹潭後竄至靈山又出靈山竄擾遂昌松陽周天受明安泰等營繞出湯溪以顧處州金華兩路其江南續派之參將和順等一千餘人又經晏端書留防嚴州一

帶因此合計各路援軍雖不下萬餘人而四處分防轉覺備多力薄刻下惟臣一軍駐紮北岸自本月初五初六兩日將西岸逆巢焚燬淨盡正擬乘勝速清東南兩路因連日陰雨未能進軍江西撫臣耆齡前派九江鎮總兵李定太督帶各軍來浙援應尙未知何日拔營應請

飭下耆齡嚴催李定太等軍趨程前進毋失事機其玉

山一路僅恃李元度平江四營且尙須防守廣豐兵力愈形單薄臣已飛飭李定太卽就所帶兵勇內酌留新衡勇兆字營一千餘人歸九江道沈葆楨同知李元度就近調遣稍期厚集目前衢郡城圍未解臣若遽行趕回江省則北岸頓涉空虛臣權其重輕俟天色晴霽卽督軍進攻若衢城賊勢稍退再行遵

應添調勁旅力扼要衝現派員管帶官兵八百名馳赴延平會同在防兵勇歸道員袁績懋調遣防剿以固省垣門戶仍飭將留防延平之都司羅慶泰等管帶浙兵四百餘名前赴建陽協同遊擊趙芳荆一軍會紮固守其現攻浦松政三縣之軍勒限迅速收復庶免被賊牽掣一面檄調水師提督兵六百名金門鎮標兵四百名

聖朝聖略卷之四

三

委護理海壇鎮總兵林向榮統帶由建陽馳往邵武協勦參將惠壽管帶舟師五百二十名應令折回順昌扼守以杜逆匪下竄並嚴飭汀州鎮總兵剋日會撥兵勇扼紮甯化等處實力嚴防
王懿德慶端又奏言閩省邵武光澤郡縣先後被擾賊勢猖獗兵勇甚形單薄兼乏得力統帶

之員設有挫衄大局立時決裂相應仰懇

天恩飭下福興晏端書於無可抽撥之中調派勁旅三四千名並於周天受江長貴明安泰三員中酌派一員統帶取道來閩助剿以資厚集奏入

上命軍機大臣傳諭王懿德慶端曰江西逆匪竄陷光澤並有竄入邵武之信建甯逆氛四逼該督等調派精兵馳赴延平防剿以固省垣門戶並催速克政和

聖朝聖略卷之四

三

等三城以免為賊牽掣所籌均尚妥協江長貴因甯國軍情喫緊業經調撥赴援周天受調度全浙軍務現在會同明安泰力扼金華斷難派令赴閩惟福興帶赴衢州兵本有五千前有旨令其將一半歸周天受調度一半由福興帶回玉山駐紮嗣因衢州一路周天受未能兼顧令其暫緩起程本日已諭知福興俟衢州解圍後即帶所部兵二千五百名馳赴閩省

助勦該督等當先就現有兵力實力堵勦將失陷各城次第克復毋得專待援兵致滋貽誤

王懿德慶端又奏言上年江右逆匪闖入閩境曾經奏調粵省勁旅二千名來閩會勦迨被陷郡縣一律收復當卽飛咨停調旋因江西廣信軍情喫緊廣東派出之潮州鎮總兵壽山所帶兵勇二千名經西安將軍福興調往江右助勦

現在尙未起程而閩省又形緊急仰懇

天恩飭下廣東督撫臣迅飭該總兵壽山剋日統帶兵勇二千名仍赴閩省汀郡一帶會合各軍協同勦洗奏入

上命軍機大臣傳諭黃宗漢曰據王懿德等奏閩省軍情緊急請仍飭壽山領兵二千名馳赴汀郡一帶會勦等語著黃宗漢卽飭該總兵將原派兵勇二千名

迅速帶赴汀州一帶會合閩兵堵勦毋稍延宕

同日福建提督楊載福奏言現在九江旣復臣應卽會合江甯將軍都興阿馬步隊伍相輔而行急趨安慶本月十七日臣親赴黃梅城外都興阿行營面商進勦機宜據稱刻下陸師惟以援勦麻城肅清北岸爲先駐皖官軍防勦太湖石碑各路尤爲緊要總須楚境後路稍清酌調

兵勇方敷數路分布等語自是現在情形都興阿所率一軍暫時不能與水師並進而李續賓已於十六日率領大隊前赴麻城其留駐九江者分紮小池口及彭澤等處各要路僅足防守亦必俟楚境肅清始能會合東下是臣水師暫無陸營相輔前進勢難先行孤駐下游若稍稽遲又慮安慶之賊得以任意出入查安慶上一

百三十里之華陽鎮為防江要地臣即於二十
 五日率領礮船進駐其間以為老營不時率領
 數營出擊使安慶之賊刻刻戒嚴不遑他顧俟
 北岸稍清再與馬步隊拔營前進惟查江西吉
 安撫州等府賊匪尚多麻城又大股叢聚旁侵
 黃安值此江水盛漲均恐由小港竄出長江阻
 我餉道臣已分派三營水師巡防黃州以上江

欽定平粵匪方略卷一百九十五

三

聞

欽定平粵匪方略卷一百九十五 戊午年
 五月初二日丙子官文都興阿胡林翼奏言賊匪
 踞守麻城正擬抽調九江援師四面圍剿乃援
 兵未集而安慶六安太湖潛山英山霍山均有
 人股賊匪分擾黃梅廣濟蘄州蘄水羅田等州
 縣邊境以圖援應麻城之賊各路官軍往來堵
 剿又有另股賊匪七八千人由皖而豫於四月
 十三日繞入光山商城黃安三縣交界之舊飯
 店問道疾馳十四日即竄入黃安先是臣胡林
 翼曾派補用同知直隸州知州何忠駿督帶信
 後營平江右營共千人往黃安縣城尚未到防
 賊已猝至其麻城兵力台圍尚嫌力弱黃安繼
 失不能不先其所急李續宜即於麻城各營內
 調派副將趙克彰等帶兵二千五百人隨同舒

欽定平粵匪方略卷一百九十五

一

保馬隊二百名前往援應十六日馳抵黃安距城十里賊乘我初至營壘未定盪擁來撲我軍屹立不動俟其偏近齊出擊之賊大敗斬擒二百餘名連日大雨溪漲陡發不能渡河二十日舒保令趙克彰等分三路進兵各以一哨至城下誘賊餘皆伏於山後舒保自率馬隊往來抄擊賊果分門大出突過田隴我軍慶戰約兩時

聖朝聖略卷百九十五

二

伏兵盡出舒保親督馬隊由西而北抄擊之賊大敗我軍追至城下乘勝踏毀賊壘五座斬擒無算賊仍憑城死拒未能攻入查九江已復水陸東下必先清北岸皖豫之賊乃無後慮且麻城之賊尙未合圍黃安之賊更虞旁竄因檄飭藩司李續賓將九江湖口等處派兵留防分營上駐德安遏賊北竄之路李續賓自率各營於

四月二十二日取道黃陂會同舒保等兩路夾攻俟黃安收復之後併力麻城再行分撥肅清皖豫節節掃蕩直達安慶署黃安縣知縣林基督帶團勇先期駐紮麻城邊界究屬疏於防範應請

旨革職暫行留任責令留營效力補用同知直隸州知州何忠駿救援亦屬稍遲應請

聖朝聖略卷百九十五

三

旨摘去頂戴仍飭督勇殺賊以觀後效奏八上命軍機大臣傳諭官文胡林翼曰浙省軍情緊急諭令官文等將皖北一路事宜另籌派員接辦即飭李續賓帶所部精兵赴浙本日據官文等奏麻城尙未合圍黃安又陷李續賓一軍現已取道黃陂會同舒保夾攻擬收復黃安後併力麻城再行分撥肅清皖豫惟浙省自處州失陷後賊勢日熾上游各府悉行

震動福興一軍專顧衢州周天受明安泰兩軍力扼
金華兵力尙覺單薄浙省軍情更屬緊迫著官文等
酌量情形通籌大局如黃安麻城楚省兵力足敷剿
辦仍遵前旨迅飭李續賓簡帶所部精兵馳赴浙江
以資援剿

上

諭內閣曰皖省賊匪由河南光山等處竄入黃安李
續宜隨同舒保帶領兵勇前往援應賊眾叢擁來撲

聖朝聖學卷一百五

四

官軍齊出奮擊賊眾大敗追至城下踏毀賊壘五座
斬擒無算著卽督飭將弁迅速進攻克復城池毋稍
遲緩著黃安縣知縣林基雖因帶勇駐守麻城邊界
不及赴援究屬疏於防範著卽革職暫行留任責令
留營效力候補同知直隸州知州何忠駿救援遲延
亦難辭咎著摘去頂戴仍飭帶勇勦賊以觀後效

初四日 戊寅 和春奏言前據安徽撫 臣福濟請以

總兵鄭魁士與此間提鎮對調一員 臣因飭派
提督德安前往廬州而福濟又欲將鄭魁士暫
留皖北會籌一切查福濟與鄭魁士平時本不
甚融洽今總統已接替有人在彼亦呼應不靈
難期得力此時金陵圍攻自城北之上元門至

西路之三汊河樂心寺江干止共長一百三四
十里大小營盤約一百三十餘座兵勇約四萬

聖朝聖學卷一百五

五

有奇所資以分布濠牆督率將士者舊有總兵
四員以安泰周天培均已先後帶兵赴浙此時
僅有李若珠戴文英兩人其總兵王浚一員專
辦翼長營務事宜以及臨時帶隊策應萬一內
盜外援同時交作實屬不敷分督合無仰懇
天恩飭下福濟卽令鄭魁士前赴江南俾 臣得收指臂
之助奏八

上命軍機大臣傳諭福濟曰據和春奏請飭鄭魁士迅
回江南軍營等語德安早已抵皖現在江南帶兵大
員明安泰等先後赴浙援勦帶兵乏員著鄭魁士卽
日馳赴江南軍營聽候調遣毋少遲延

和春又奏言金陵城外西南兩面我軍築牆掘
濠次第工竣與東北聯爲一氣該逆於四月十
三日自南路之雨花臺印子山土城頭及迤西

欽定剿平粵匪方略卷五

六

之鳳臺門安德門直達西北隅之沙洲圩等處
糾合悍黨萬餘分爲六股突出意欲填濠越牆
以圖大逞 臣張國樑派令各軍分路迎勦並親
督馬步往來策應更番疊進賊勢不支紛紛敗
退我軍長驅逐北追至城根始行收隊是役也
鏖戰五時之久斃賊不下千餘名又據李若珠
稟稱四月初七日探有賊匪數千自太平府竄

至慈湖銅井地方距我營四十里欲進窺山營
板橋等處正當西南要衝初八日經李若珠督
隊擊退查金陵首逆困守老巢負嵎恃固今大
兵合圍陸路接濟已斷惟江面寬闊消息仍通
臣又檄飭吳全美挑派得力師船八隻歸賴鎮
海管帶分泊江路可期嚴密近又探聞賊糧仍
舊照發或云僅可支至七月尙難深信所獲僞

欽定剿平粵匪方略卷五

七

文僅少油鹽雜物尙無缺糧之語惟大營水陸
合圍困鬪挺走勢所必至節據城中密探又有
首逆於城內外挑選悍賊一萬二千名欲分四
門齊出攻突而上游援賊蠡屯日多尙在逸巡
不發意欲內外夾攻以圖大逞 臣已嚴飭各營
晝夜慎防以期迅復堅城

和春又奏言前准浙江撫 臣晏端書咨三衢逆

聞

匪竄入處州屢犯金嚴各屬意圖內竄請添派勁旅前往助剿臣當與張國樑許乃釗相商又在金陵大營抽派勇壯一千名揀委副將郭啟舉管帶於四月十一日起程赴浙會剿統計赴浙援兵先後共已撥去五千名奏入均報

初五日卯記者齡奏言吉郡逆匪自參將劉培元

聖學聖方略卷百九十五

八

水陸弁勇移紮水東與吉字定湘兩營戰船上下梭巡賊之接濟已絕二月十五日至三月二十七日賊屢向西北各營日夜衝撲幸各營牆固濠深將士奮勇截擊未能踰越並斃其最悍賊目李雅鳳一名殲斃逆黨尤多足寒羣賊之膽現經湖南撫臣駱秉章添撥星勝藻字兩營協守西岸參將遮克敦布一軍亦已自粵都回

聞

紮東岸防守愈臻周密臣又將續鑄大礮一尊解交會國荃遮克敦布安置水東緊對小南門及白鷺洲施放一面激勵各營士卒合力環攻以期速下堅城聚殲羣醜奏入報

初六日庚辰德興阿翁同書翰殿華奏言皖匪白

聖學聖方略卷百九十五

九

蕪湖無為含山與和州通連一氣屢據生擒賊供逆情急欲馳救金陵必打通江浦始暢其南北應援之路近日密探和州全滁之賊糾合搶衆在大劉莊崔廟集一帶屯踞而七星塔等處迤邐四十里內悉有賊營聯為首尾臣德興阿先令海全潛師哨探知竄賊離石磧橋八里蔣家山口地方一夜紮營三座營內約有賊三四千名四月二十四日經海全等分路緊攻匪徒

驚潰乘勝追殺斃賊一千餘名生擒二百餘名立將賊壘三座踏平臣德興阿以西路羣賊結壘必乘其根基未固立予勦除因約臣鞠殿華合師併進二十五日督同諸軍由石磧橋進發甫至青山寺口即見賊壘重重沿山起伏約十餘里當令營總富慶阿等各帶馬隊由山外小路分馳南北伏於陳村石橋之間豫斷其敗竄

欽定剿平粵匪方略卷之五

十

和州之路賊眾驚見我師不及列隊紛撲而來臣德興阿臣鞠殿華指揮諸軍奮銳進攻其時各壘中裹脅難民與賊相鬪奪門爭出不擊自亂加以大雨如注我軍奮勇疾呼賊眾踐踏狂奔勢如瓦解臣德興阿復派富春等排隊於山谿間盡斃其竄歸滁全之賊其奔往和州者適富慶阿等伏兵張兩翼齊出賊不能逃殲戮幾

無遺類所有大劉莊崔廟集一帶賊營十三座悉數平毀救出被擄難民約二千餘名斃賊六七千名生擒賊九百二十名奪獲器械米糧無數臣等自率師以來躬親數百戰斬獲之多未有過於此者細揣賊情每於所踞兩城之間必擇要紮營以助聲援兼闢竄路崔廟等集適界和全南趨江浦經此次痛勦悉已膽寒不獨西

欽定剿平粵匪方略卷之五

十一

路可保無虞卽江南大股亦必聞風生懼不敢圖竄江浦浦口一帶臣等益當速籌蕩寇以紓宵旰之憂此次在事尤爲出力各員先行開列願懇天恩給予獎勵奏入

上諭內閣曰皖匪圖援金陵逆賊潛窺江浦糾合捻眾在大劉莊崔廟集一帶蟻聚德興阿鞠殿華督兵進擊踏平賊營十三座斃賊六七千名勦辦頗覺應手

著德興阿等乘此聲威激勵將士迅即掃除豫州賊巢以靖逆氛而清江面其尤為出力之副都統富春著交部議敘總兵安勇著賞給烏哩達勒圖巴圖魯名號總管忠額著賞給伊勒古木圖巴圖魯名號台斐音保著交軍機處記名以副都統用協領富慶阿著賞加副都統銜參將梁愷著賞加副將銜遊擊秦兆泰著以參將儘先卽補都司洪祿著以遊擊儘先卽補守備傅璋著賞加都司銜並賞換花翎驍騎校永祿著以防禦儘先卽補並賞換花翎其餘出力員弁著德興阿等擇尤保奏

聖學聖考卷一百五

十三

初九日 癸未 官文都興阿胡林翼奏言 臣等接奉

諭旨飭李續賓迅赴浙江藩司本任自當欽遵辦理惟近日楚省軍情與異日皖豫軍情思患豫防隱憂方切有不敢不直陳於

聖主之前者麻城賊首陳玉城糾合皖省各路逆匪負隅自固多至二三萬人我軍以六千人扼其西南而向缺東北兩面必俟黃安收復厚集兵力乃能併力圍剿其黃安另股賊匪不過七八千人自黃安失而德安安陸襄陽各郡縣均已戒嚴設有侵軼勢必乘虛北竄後患何可勝言李續賓於九江克復後督率五營先行上援於四

聖學聖考卷一百五

十三

月二十六日馳抵黃安城外竊計黃安之賊迅速撲滅必應以全力圍剿麻城如能使逆首聚殲於楚則不僅楚省之邊患可紓卽皖豫之兵機亦利儻圍未合而賊已敗走豫皖兩省兵力較單必應由楚分兵追剿以為北路聲援 臣等察看情形二三月之內必難分兵援浙此楚省近日之大概軍情也至皖省賊匪盤踞已閱六

年百姓流離困苦亟應早爲削平自六安克復賊勢已併趨上游英霍宿太等處警報疊至都興阿所領馬隊堪戰之士不足千名步軍如副將鮑超等驍勇有餘未能獨任况已調援麻城下游更形單弱必待李續賓合力進剿節節掃蕩乃可得力此又皖省軍務之大概情形也至浙江財賦重地關係東南大局其情形較重於

欽定剿平粵匪方略卷一百九十五

十四

皖省而皖省控引江淮界連徐豫切近中原腹地形勢尤關緊要賊在金陵此固其所必爭之地臣等原與湖南各軍密約以湖南之力清江西以湖北之力清安徽而湖北並協籌江西之吉安又代防江西之湖口彭澤九江等處並兼籌鄱湖彭玉麟等軍然後以全力注於皖北在臣等援浙援皖事同一例本無此疆彼界之心

惟查李續賓一軍攻堅太久瘡痍滿目日前函請另募新兵三千冀以彌縫其闕刻下分防九江湖口小孤彭澤華陽等處共六千餘人調赴麻城黃安黃州德安各路共一萬餘人若令將所部全數赴浙則楚豫皖三省賊擾之處實形空虛若另行添募勢非三月不能成軍千里赴援本難剋期而至浙江軍情萬緊尤恐緩不應急臣等再四思維惟有於金陵各營選擇名將如提督張國樑等酌派一員必可制此兇鋒且程途較近救援較速仍俟楚省軍務稍平察看緩急情形具奏臣等竊議各路之賊未盡則金陵之克復難期似宜先清各路之賊而後併力於金陵則兵勢較爲順手且賊之狡悍慣戰應以石達開陳玉城爲尤著一趨浙江一趨湖北

欽定剿平粵匪方略卷一百九十五

十五

察看情形尙無急援金陵之勢似應於金陵再行抽撥應援較爲直捷奏入

上命軍機大臣傳諭官文都興阿胡林翼曰前因浙江軍情緊急諭令官文等卽飭李續賓迅速赴浙茲據該大臣等奏稱李續賓於九江克復後督兵上援黃安俟賊匪撲滅再當圍剿麻城皖省賊勢已並趨英霍宿太等處應以都興阿李續賓節節掃蕩若令該

聖朝聖旨卷之五

六

藩司赴浙則楚豫皖三省空虛等語所奏自係實在情形浙江處州被陷各隘均屬喫緊先後由和春等派總兵周天受明安秦周天培等馳往援剿並令和春督辦江浙兩省軍務前赴浙江統率諸軍該省兵力已厚諒可無虞竄突李續賓現在黃安剿賊卽著毋庸赴浙該大臣等以皖省形勢爲賊所必爭擬俟各路肅清以全力注於皖北係通籌全局起見著官

文都興阿胡林翼卽相度機宜妥籌辦理

同日福興奏言臣本定於四月二十四日拔營起程並先期知會總兵饒廷選道員繆梓等豫派隊伍在浮石渡北岸駐紮以資扼守詎二十三日該逆冒雨直衝衢州東門外楚勇彪勇各營盤兵勇猝不及防致被撲入旋經饒廷選等督率在城兵勇前往應援當將各營奪回殺斃

聖朝聖旨卷之五

七

賊匪無數臣在北岸聞信亦卽派果勝黃岡協和等營飛往接應該匪亦未敢再來衝突維時東路各營甫有此失該鎮道等再四挽留臣軍暫緩起程俾得修築舊壘以防賊衆乘虛來撲現在東路營盤業已修築完固合計該郡原有兵勇及由廣豐縣仙霞嶺等處調回各軍並臣酌留之二千六百人共有一萬一千餘名兵力

已不為單復經知會饒廷選等揀派數營迅赴北岸接紮 臣即於二十六日親率一半兵勇二千五百人回駐玉山督辦防勦奏入報

同日耆齡奏言四月十三日道員蕭啟江劉于瀆與參將文端水陸分路進攻撫州府城大獲勝仗十四日劉于瀆率水陸各營攻文昌橋殲

聖皇聖考卷九十五

十六

斃多賊逆眾往撲上頓渡復經蕭啟江文端督隊擊敗十六至十八日劉于瀆蕭啟江等連次出隊攻城屢斃多匪並將附城賊卡望樓概行焚燬建昌之賊屢次來援均為團勇截殺先是 臣查有臨川縣職員陳學淵之兄陳學海被擄在城當令陳學淵密約陳學海設法內應解散廣匪茲據探報二十日我軍水陸並攻廣匪內

應齊起裏外夾擊殺賊無數即於是日未刻克復郡城餘匪逃往金谿許灣一帶現飭各軍統領將郡城布置略定即行分勦東鄉金谿許灣各股匪先清外縣再與道員張運蘭等老湘營合圍建昌近日探聞浙江衢州之賊擾及處州賊勢既已蔓延需兵自必益眾前次赴援之師恐尚不敷一俟建郡營壘築就察看兵力如可

聖皇聖考卷九十五

十九

分撥即抽調一軍馳赴浙江助勦又饒州府為皖省逆匪入江要道近來東流建德之賊屢次越境擄掠亟應添兵嚴防亦俟建昌圍定於江軍內酌量派撥以固疆圉奏入

上諭曰俟查明詳細情形及酌保人員一併具奏耆齡又奏言南豐之賊與建郡相犄角勢甚蔓延四月初六日道員張運蘭督軍行近厚坪賊

匪五六百人出拒經我軍擊敗進搆水南賊巢破之斃賊三百餘人派兵分勦南源一帶復斃賊三百餘人各股敗匪盡竄裏塔墟我軍進攻賊眾四五千出拒我軍奮力衝殺又斃賊二百餘人逆眾潰遁追斬甚多劉家坑等處之賊聞風膽落奪船渡河我軍掩至賊多船少溺斃二千數百人是日知府王開化派兵進勦下白沙

聖朝聖考卷百五十五

三

股匪賊眾二千餘人列陣以待我軍奮勇猛擊斃賊二三百人追至原源該處屯賊併力死拒復為我軍擊敗王開化率親兵進勦源頭之賊該逆不虞官軍猝至急望謝坊奔竄我軍沿途追斬無算直搆謝坊焚斃殺斃賊二百餘人餘匪悉遁南豐是役往追百餘里破賊巢六十餘處殺賊二千餘人燒斃溺斃約三千人斬偽元

戎廖雄雋偽指揮廖亞青等賊目十餘名生擒一百三十餘名初七日正擬進攻南豐為大雨所阻而南豐之賊即於初七初八兩日棄城逃竄用木板搭箠渡河中流溺斃數百人張運蘭等於初十日派王文瑞前往收復城池敗賊尙在對岸憑河抗拒現在撫郡業已克復張運蘭等一經撲滅豐邑境內餘匪即可與撫郡各營

聖朝聖考卷百五十五

三

會圍建昌奏入報

初一日甲王懿德慶端奏言政和踞匪負嵎死守三月二十七日知府陳維漢等率帶兵勇進紮西門城內突出逆匪千餘蠶擁拒敵我軍開放槍礮斃匪七八十名匪退入城四月初二日陳維漢等各領兵勇仍赴西門一帶攻勦斃賊

數十名立將礮臺一座焚燬維時城匪三路出
撲復有另股匪徒奔突而來欲截我軍渡河之
路陳維漢等督率各軍分隊迎擊復斃賊四五
十名其占踞浦城一帶逆匪三次下竄圖攻建
甯郡城均經我軍併力擊退斃匪多名至竄擾
邵郡逆匪我軍於三月二十七日在龍斗地方
接仗獲勝旋因大股突由山路衝截以致我軍

聖朝軍方略卷五十五

三

首尾不能相顧趙印川練勇百餘名傷亡殆盡
軍民一時驚潰不得已退紮麻河地方再圖進
取四月初一初四等日在附近鐵羅巷及邵武
西南兩路連次攻勦獲勝擒斬土匪七十餘名
殲斃長髮賊四十餘名邵城賊勢稍蹙臣等現
飭臬司保泰迅卽激勵兵勇固守建甯郡城並
將政和等縣乘勝攻克署延建邵道趙印川等

糾集丁壯約計不下七八千人遊擊趙方荆等
軍業由建陽進發援勦已飭力扼要衝四面圍
攻恢復邵武光澤郡縣以免該匪四出滋擾至
邵武郡縣失陷該管地方文武均難辭咎相應
開列請

聖朝軍方略卷五十五

三

旨分別懲處邵武縣知縣朱汝讓光澤縣知縣張青簡
並其餘地方在事文武暨在防將領備弁俟查
明實在下落再行辦理奏入
上諭內閣曰逆匪竄踞政和經知府陳維漢等帶兵進
攻斃匪甚多其占踞浦城一帶逆匪圍攻建甯府城
復被我軍擊退竄擾邵武之匪並經趙印川等連次
勦勝擒斬土匪七十餘名殲斃長髮賊四十餘名著
王懿德等嚴飭各路將弁分別堵勦迅速克復郡縣
毋令蔓延至邵武府城被陷該管道府等防守不力

咎有應得署延建邵道趙印川著暫行革職仍留署任責成將被陷各城剋期收復如再未能得力卽行嚴叅代理邵武府事匡開益護理邵武營參將顧飛熊邵武縣知縣朱汝讓光澤縣知縣張青筒著一併革職匡開益顧飛熊二員均著留於邵武軍營差遣以觀後效朱汝讓張青筒並其餘地方在事文武及在防將領備弁均著俟查明下落分別辦理

聖朝聖考卷一百九十五

三

王懿德又奏言江右廣豐逆匪竄擾浙省江山縣城直撲衢郡勾結土匪連陷常山開化松陽遂昌等縣復擾處州府城查該逆竄陷處郡不惟溫州防務萬緊閩省福甯府係與溫州壤界緊連萬一溫屬有警則福甯府防剿亦為喫重且溫處交界之桃花嶺係商販往來大道儘該逆內竄過嶺則金華之永康武義東陽義烏及

紹興之諸暨處處可通情形豈堪設想先經臣飭調黃巖兵五百名馳赴溫郡協防並飭溫處道俞樹風親赴處州督辦一面勸諭各紳趕辦團練以助兵力之不逮現在添調台州精兵五百名派委得力員弁管帶馳赴桃花嶺扼紮要衝以杜竄越惟刻下閩省邵武光澤浦城政和松溪等處尙未克復臣一時旣未克親赴浙江

聖朝聖考卷一百九十五

三

督勦尤慮建甯郡城寇氛環逼設或浙省衢處逆匪被勦窮蹙由浦城竄撲建郡該處兵勇不過四千名分布堵勦實形單薄應再咨商將軍臣福興浙江撫臣晏端書於周天受江長貴明安泰三員中酌派一員統帶勁旅三四千名取道崇安會勦隨時互相策應實於軍務有裨奏八報

十一日酉乙晏端書奏言據饒廷選繆梓咨稟自四月初七日後霖雨旬餘不能進兵二十三日派隊進攻賊營頗有斬馘忽大雨如注祇得收隊回城詎該逆冒雨回撲勢甚猛悍我軍東門外營盤被賊衝毀復有悍賊數百直逼城下饒廷選繆梓飛催在城兵勇復出接仗福興亦派隊來援將賊擊退連夜修築營盤臣以衢州軍情緊要咨請福興暫緩回玉忽接福興來咨已於二十六日拔營起程殊出意外現在周天受正圖攻勦永康武義之賊力保下游勢不能舍金華而赴衢州該郡惟有鎮道督率諸軍計原防兵勇七千餘名廣豐調回兵勇一千二百名合之馮興留交周天受調遣兵勇二千六百名

欽定剿平粵匪方略

卷一九五

兵數雖不為單而得力之隊甚少該逆屢次暗挖地道並圖乘夜撲城詭計多端實為巨測現聞李定太已於四月初十日在江西省城起程來浙臣即專弁馳往迎提速由饒州徽州縉道赴衢一面函囑周天受相機策應並飛飭鎮道固守待援備李定太日內即到底無意外之虞至龍游水陸要衝仍令朱承先等分紮堵守尚為嚴密金華自周天受到郡督率官兵紮營防守並派陶茂森等帶兵八百名前往樟樹潭駐紮調換蘇式敬侯元相二隊兵勇五百名至金華助勦又調回派赴宣平之陳大富等勇隊一千名派防壽昌之楊名聲勇隊五百名為扼守永康武義之計乃各隊尚未到齊而賊已由縉雲竄入該二縣因之金華愈形喫緊並有由間

欽定剿平粵匪方略

五四七

道窺伺諸暨之謠周天培一軍於二十五日始抵金華和春續派副將郭啟舉帶勇一千名亦已到浙臣即令由諸暨取道前進茲接周天受來函距金華五十里茶塘嶺係通蘭溪湯溪金華之要隘現有賊匪紮卡擬令周天培督帶各隊前赴羅芳橋紮營趕緊擊退此股賊匪即行察看情形或先攻武義或先攻永康務期廓清

聖皇集略卷一百五十五

天

二縣出勦縉雲仍扼桃花嶺險要以固金紹門戶並派陳大富等駐紮東陽郭啟舉駐紮義烏互相策應扼堵後路惟由武義至湯溪之蘭背地方亦為竄郡捷徑本調廣豐回衢之胡定國一軍前往駐紮今福興之軍分去一半則衢營勢難抽動即當另籌派防以期周密衢城北路之賊屢由杜澤上方竄至壽昌境內之長林大

同等處經派防之都司楊名聲於四月十二日將賊擊退旋奉周天受調赴金華臣請秦如虎督帶知縣梁鵬等前往接防協同原駐之嚴州兵勇疊次擊賊獲勝賊眾潰遁刻下吳再升一軍已到壽昌自當會同進勦淨掃賊氛開化之賊近日閉城不出在華埠建造木城屯聚逆黨屢次分股竄入徽境均經江長貴派隊分勦並

聖皇集略卷一百五十五

天

令地方團勇將賊擊退遂安境內尚無賊蹤現留都司夏寶慶帶勇六百名會同民團防守署臬司段光清仍駐嚴州隨時察看緩急請張芾秦如虎就近移調策應現在賊勢自江常開至處州數百里間聯絡不斷周天受力竭東路急籌勦辦而兵力有限難以兼顧西路福興已回玉山李定太尚未到浙衢州萬分喫重臣惟有

會商周天受趕緊攻復永康等縣力保金華府城並囑饒廷選繆梓固守衢州以待援師奏入報

問

十二日丙戌者齡奏言浙江爲完善省分關繫東南大局廣信乃浙江鎖鑰欲保衛浙江先宜嚴守信郡臣於該郡防務不敢不實力經營貴溪

欽定剿平粵匪方略卷九十五

三

則有道員李元度平江勇三千九百餘名弋陽則有西安將軍福興兵勇三千二百餘名郡城則有防城兵勇二千名一郡地方屯兵九千餘名浙兵之駐紮玉山者尚不在此數雖省垣重地南贛等要郡兵力均無如此之多迨安徽大股逆匪救援吉臨各郡擊敗退回臣卽慮其窺犯信郡震動浙江隨飛調彰武等營水陸二千

二百餘名馳往貴溪堵禦並飭催道員蕭啟江等進攻撫郡使賊不敢全力東趨嗣聞該逆已由弋陽港口一帶直犯河口鎮分擾鉛山廣豐二縣並准福興咨商酌調兵勇協剿臣卽添派祥字等營練勇一千二百八十名兼程前往並以李元度一軍尙稱能戰該員亦自請悉銳上援復調參將劉芳貴率寶勇一千二百名替守

欽定剿平粵匪方略卷九十五

三

貴溪又調長左等五營兵勇二千餘名會合平江勇共五千餘名交李元度統帶徑趨玉山與衢州鎮總兵饒廷選之師同赴廣豐迎頭力勦遏賊入浙之路旋因賊已擾及浙省江山縣饒廷選回守衢州福興亦率原帶馬步兵勇及臣前次調往之彰武等營李元度所部之平江老中營信防之協和等軍共五千餘名概赴衢郡

迨長左等營趕到玉山而常山已為賊踞未能前進即隨同李元度駐紮玉邑籌攻常山嗣又添調兆字營新衡勇一千名亦交李元度統帶進剿並遵

諭旨調李定太一軍四千六百人前赴衢郡援應查江西浙江兩省輔車相依自應協力維持共全大局此時長左等營經李元度率領進紮草坪以

聖皇集略卷之五

三

規常山李定太一軍計期可抵廣信或由常山進攻或取道婺源繞赴衢州會剿臣亦已諄囑該鎮相機前進以解衢圍而杜竄越並令於玉山各軍內就近添調數營隨同勦辦以厚兵力惟探聞處州失守賊勢蔓延江西諸軍此時分投攻勦驟難再撥俟察看情形如稍可抽調即當再行分撥赴援不敢稍存膜視奏入報

聞

十五日己丑和春奏言臣接奉

諭旨命赴浙江督辦軍務臣維江浙本唇齒相依衢屬之常山江山兩縣尤為福建江西茶商往來要道常山又係浙鹽赴江西要衝此兩路有阻餉源因而梗塞亟宜趕緊廓清刻下衢州之賊又已由處州而入金華連陷永康武義兩縣亦應

聖皇集略卷之五

三

嚴遏內犯以免省垣震動乃臣自四月二十六日感受外邪吐瀉交作二十八日忽氣逆痰壅病勢甚危連日服藥雖略有轉機而精神委頓急切竟難就道寸衷焦灼莫可名言昨於奉到諭旨後已傳檄浙省聲明親統雄師即日前往督剿以作士氣而固民心昨見晏端書寄許乃劍函稱周天受定計俟兵力稍厚即先勦永康武義迨

一第... 6

出縉雲仍搃桃花嶺險隘以固金紹之防再行
迴軍三衢痛加勦洗似此布置先後緩急頗有
條理若李定太李續賓李元度各處援師到齊
共計不下一萬數千名兵力既厚即可照辦浙
東大局似有把握臣已函致周天受囑其酌量
情形便宜行事不可專候臣到有誤事機至金
陵圍勦事宜臣皆倚任張國樑一手經理此時

聖主專任重權之至意奏入

奏

全局有張國樑督飭調度足資勦辦許乃釗又
與和衷共濟下至將士莫不用命臣雖暫離亦
可放心惟臣此去不能不挑帶精銳以期迅掃
妖氛又恐兵力屢分未免過單而大營得力兵
勇調往他處後陸續募補新勇八千餘人皆係
未經戰陣刻下又須添募以填充營若外援內
寇同時交作深為可慮卽金陵得力鎮將調出

亦已不少臣現在又須酌帶各員此間更覺乏
人查總兵鄭魁士本與提臣德安對調今德安
已抵廬營應請

旨飭令鄭魁士迅速前來以資臂助臣現在上緊醫治
一俟精力稍可支持卽當起程赴浙以期仰副

聖主委任重權之至意奏入

上命軍機大臣傳諭和春張國樑許乃釗曰浙江軍務

聖主專任重權之至意奏入

奏

緊要亟需和春前往督辦惟據奏現在患病急切竟
難就道自應安心調理一俟病痊卽馳赴浙江妥為
調度該大臣現已傳檄浙江卽日前往督勦有此先
聲賊勢或可稍戢周天受擬先勦永康武義追出縉
雲仍扼桃花嶺險隘以固金紹之防布置尙為妥協
著卽督飭該總兵迅速籌辦李續賓現因黃安麻城
告警未能赴浙李定太李元度兩軍由江西進勦卽

可與周天受聲勢聯絡為兩路夾攻之計該大臣病痊赴浙時金陵圍勦事宜即交張國樑一手經理迅圖克復江南大營兵勇多調往他處現募新勇八千餘人未經戰陣恐糜餉無益兼恐有來歷不明之人溷迹其中務須慎加查察鄭魁士前已論福濟等令其馳赴江南矣

和春又奏言金陵西路鳳臺安德各門附近山

聖學匯方略卷百九十五



巒叢雜隄坎縱橫該逆倚為藏身之固山是而西為板橋大道可以直達太平外援屬聚於此係該逆第一出路一月以來旁撓暗襲悉注意西南雖壘受創懲兇饒未嘗少息臣申儆各將上嚴防濠壘以逸待勞五月初二日丑刻賊從雨花臺印子山直至塞虹橋以比蠶屯蟻聚前後銜接所有悍賊不下萬餘而大股尤萃於鳳

臺安德兩門攜帶填濠諸具分為數股蠶擁前來守濠將弁均奉密令排列器械視賊已近先以火包藥彈擲下後用槍礮轟擊斃賊不能數計天色漸明遙見雨花臺迤西山梁又出大股逆黨數千直撲撫威各營濠牆張國樑督同總兵王浚等合力堵勦接仗約兩時許轟斃及淹溺之賊不下數百人其勢少卻張國樑密飭遊

聖學匯方略卷百九十五



擊馬騰霄等酌帶精銳一千餘名疾速渡濠分途設伏一面派兵分三路抄擊伏兵繼起該逆首尾不能相顧我兵四面圍攻賊屍縱橫於道直抵雨花臺賊巢其安德門一路之賊經王浚等分投撲勦勢亦不支復從沙洲圩竄出悍匪數千前來援應我軍奮勇衝擊逆眾大潰紛紛奪路而遁是役也接仗六時之久殲匪四千餘

名當該逆撲我西南濠牆時別以悍賊數百潛往江邊壽德州用船多載槍礮駛近雙廂口門以護其巢卽於是夜趕築賊營一座礮臺二座總兵李若珠聞報當飭遊擊賴鎮海等水陸會攻立將礮臺拆毀進逼賊營彼此槍礮相持未及炊許賴鎮海親督弁兵拋擲噴筒火箭焚燒營內蘆篷我兵蟻附而上當將逆壘踏平斃賊

聖皇聖略卷三十五

表

甚多餘皆鼻水逃逸查該逆困守金陵情急外援助攻暗襲百計潰圍幸得將士齊心協力大挫兇鋒該逆無所逞其伎倆惟因獸猶鬪不可不先事嚴防臣惟當相度機宜隨時激勵三軍迅圖克復

和春又奏言總兵傅振邦調赴徐州尚未據報起程此時徐州情形較前稍緩而皖南得力兵

勇調往浙西至六千名之多刻值金陵外援賊匪屬聚蕪湖太平一帶甯郡甚屬空虛傅振邦既未起程欽遵

諭旨仍留甯國幫同鄧紹良督兵防堵以免疏虞奏入

均報

聞

聖皇聖略卷三十五

表

欽定剿平粵匪方略卷一百九十六 戊午年

五月十八日 壬辰官文都興阿胡林翼奏言藩司

李續賓於四月二十六日由九江馳抵黃安二

十八日於北門外督隊進攻斃賊一百餘名平

其四壘五月初一日奇右等營過河屯紮初二

日副都統舒保率馬隊分布於城之西南何忠

駿等各率所部列隊城西賊徑來撲舒保馬隊

聖朝聖訓卷一百九十六

一

聖朝聖訓卷一百九十六

二

往來衝突槍箭齊發李續賓以劈山礮轟之賊
衆應聲而倒忽西南北三門之賊分股出撲我
軍兜圍截殺偏至麥田之中忽旌旗突起槍礮
如雷則李續賓先以四哨捲旗而伏也賊大潰
棄械而逃馬隊縱橫馳驟將賊衝開頃刻截爲
數十段殲斃約一千數百名生擒一百餘名日
晡收隊是夜四更時賊開北門潛逃李續賓率

各營銜枚暗伏截殺多名追殺四五里舒保何
忠駿隔河聞信亦趕至跟追三十餘里殺賊無
算先是蕭續仲駐兵於殷家河爲黃安避麻城
要路我兵追賊至此又斃數百人當將黃安縣
城克復先是麻城之賊連日閉伏不出追黃安
克復賊於初四夜四鼓不戰而遁道員李續宜
副將鮑超親率馬步隊日夜窮追自黃土岡至
玉屏港沿途殺斃甚多現已追至豫省之兩路
口及商城之草鞋店先後斃賊三千餘名據生
擒賊供欲竄河南商城仍乘隙再圖德安襄陽
等語查此次皖匪竄入楚邊原欲上窺漢陽德
安下援九江迫潯賊全屠羣醜膽落李續賓又
卽統師星夜上援臣等亦先於武漢黃德內湖
外江水陸各要隘層層分布力遏竄路該逆一

隅負固援絕計窮乃得迅速蕺事惟太湖潛山英霍之賊出沒不常而黃梅廣濟蘄州蕪水羅田等處警報數至茲黃安麻城賊蹤已盡自應以得勝之師越境追勦節節掃蕩以期皖豫一律肅清庶賊上犯無路亦免北竄之虞所有此次克復縣城及追勦出力之員弁兵勇可否由臣等擇尤酌保仰候

欽定剿平粵匪方略卷一百九十六

三

恩施奏八

上諭內閣曰皖匪竄踞湖北麻城另股竄入黃安經布政使李續賓馳抵黃安督勦五月初二日各營分布城外四面環攻斃賊一千數百名生擒一百餘名賊乘夜開北門逃竄遂將縣城收復麻城之賊亦於初四日夜間不戰而遁道員李續宜副將鮑超率馬步隊日夜窮追沿途殺斃三千餘名勦辦甚屬妥速著

李續賓等乘勝追勦節節掃蕩以期肅清皖豫所有此次克復縣城及追勦出力員弁兵勇著官文等擇尤保奏

官文都興阿胡林翼又奏言浙江軍情緊急藩司李續賓暫難起程赴援業經臣等縷悉奏陳現在探聞江西撫州建昌均已收復皆道員蕭啟江等之力臣等再四思維江西撫建旣克惟

欽定剿平粵匪方略卷一百九十六

四

餘吉安一府有湖南派往援勦之曾國荃及湖北派往援勦之劉騰鵬等足敷勦辦蕭啟江兵力甚厚其所帶之勇多侍郎曾國藩及羅澤南等舊部久經戰陣其張運蘭王開化劉芳貴等所部勇丁尤多精銳若酌量情形再行抽調共計不下精兵萬餘聲威甚壯且吉安久經合圍撫建餘匪盡竄浙閩地界則江西之兵力實屬

有餘應就近由祁門甯國一路先行馳援杭州繞出賊前竭力堵勦程途既近應援自捷必能有濟李續賓自麻城黃安克復現已帶兵追賊前往豫省商城暫難卽撤必當乘勢先清皖北相機進取再金陵賊勢窮蹙非全力注於浙江卽分支上犯皖鄂鄂省自咸豐二年至於八年疊被賊擾該省爲南北樞紐賊所必爭故六七

聖聖聖聖聖聖

辛

辛

辛

辛

年之中無日不與兵事相因九江雖復而皖北未平竊計目今大局守於境內不如勦於境外臣等之急於援皖實因皖省切近中原腹地必宜及早肅清也相應請

有飭下江西湖南撫臣迅飭蕭啟江張運蘭王開化劉芳貴等各率所部就就近兼程先行赴援浙江以期迅捷臣等仍察看河南皖北情形緩急再行

隨時奏明辦理奏入

上命軍機大臣傳諭耆齡曰浙江自處州失守衢州東門外營盤復陷賊由縉雲竄入永康武義並從間道窺伺諸暨軍情實屬緊急李續賓克復黃安麻城已帶兵追勦潛太賊匪不能赴援浙江惟據官文等探聞江西建昌亦已收復祇有吉安一府未復現有曾國荃等軍足敷勦辦蕭啟江所帶之勇久經戰陣其

聖聖聖聖聖聖

辛

辛

辛

辛

張運蘭王開化劉芳貴等所部勇丁亦多精銳統計各軍不下萬餘且距浙省程途較近耆齡卽飭蕭啟江張運蘭王開化劉芳貴等各率所部兵勇就近由祁門甯國一路兼程前進馳援杭州繞出賊前竭力堵勦石逆現踞常山其鋒甚銳該撫務飭該將弁等併力攻勦殲厥渠魁

同日王懿德慶端奏言逆匪疊陷光澤邵武郡

縣當飭趕緊進剿三月二十日參將顧飛熊等督帶兵勇暨壯丁進薄光澤縣城接仗五時之久斃賊二三百名古山聯首何占魁奮力衝擊手刃賊匪多名力竭遇害副將賈開泰等訂期圍剿四月十一日四更都司武明良由南門督勇先登已革署參將禧祿由西門進攻各斃賊一百餘名勇首陳巨川帶勇由西南進殺賊甚多餘匪悉由東門奔竄我軍追殺三十里至和順地方該匪紛紛奔逃立將縣城收復其竄踞邵郡逆匪勾結土匪恃眾抗拒四月初四五等日顧飛熊督率兵勇馳往攻擊殲賊十餘名刻下署延建邵道趙印川親率師旅已及千名續調援師亦已陸續馳往且該處辦理聯甲向尙認真臣等現在嚴飭趙印川等乘此聲威合力

兜剿迅將邵武郡城剋期收復至邵武古山聯首何占魁隨官軍打仗最爲得力茲因剿匪陣亡深堪憫惜飭令確查遇害情形並此次克復光澤縣城出力文武員弁兵勇分別辦理奏入上諭內閣曰江西逆匪竄踞福建光澤縣城經護理參將顧飛熊等督帶官軍奮勇攻剿克復縣城勦辦尙爲得手著該督等嚴飭將弁乘勝進兵規復邵武府城盡殲醜類所有出力文武員弁兵勇及陣亡聯首何占魁等著分別查明奏請辦理

十九日癸巳者齡奏言四月十二日南豐敗賊糾合大股竄至白舍地方冀犯南豐十四日賊至離城五里之瑤浦村三江口等處王文瑞等率隊出擊鏖戰良久賊陣大亂我軍前後夾擊賊匪四散奔潰追逐十餘里共殺賊一千三四百

人先是張運蘭等探知建昌大股逆匪屯聚雙
泝雲寨一帶欲犯磁圭隨令參將朱南桂等帶
兵赴磁圭堵禦四月初九日賊匪二三千向赤
家山而來圍襲磁圭之後經朱南桂等擊退十
一日雙泝雲寨之賊分路來犯磁圭朱南桂等
派隊進擊奮力衝殺共斃賊八百餘人溺斃千
餘人補用同知直隸州知州黃秉珍等率寶左

聖皇集略卷之六

九

護衛兩軍行抵磁圭十四日與朱南桂等會合
前進察看地勢甫出山口該逆已出隊來犯徧
滿山岡我軍分三路進攻賊大敗潰逐北二十
餘里計斃賊千餘人溺死尤衆十六七等日探
聞大股逆匪糾合新豐股匪仍聚雲寨築營四
座十八日黃秉珍朱南桂等分路進剿賊衆拚
死拒鬪我軍陷陣衝突斃賊甚多連踏賊營四

座建郡之賊大股來援復爲哨官胡寶善等所
敗殲黃友悍賊一名餘俱逃回建昌二十二日
建昌賊匪萬餘屯聚新豐聲稱渡河來犯磁圭
張運蘭等以新豐爲建昌門戶於二十三日約
同朱南桂等大舉會攻並令黃秉珍羅近秋等
由澤泉茅排並進以分賊勢張運蘭等行抵雙
泝賊衆已排列對岸遙見新豐賊衆蟻屯蟻聚

聖皇集略卷之六

十

當卽分派各營從上下游渡河奮擊賊奔潰八
墟我軍左右抄殺斃賊二三百人各勇乘勢施
放火箭噴筒賊營三十餘座一齊火發逆衆若
鳥獸散一奔新城一奔建郡我軍追至離郡城
八里天晚收隊黃秉珍羅近秋等自澤泉茅排
進逼郡城西北賊匪四五千出拒被羅近秋等
擊敗是夜三更建郡賊渠李逆負傷率黨出城

竄往新城二十四日張運蘭等收復郡城追斬賊匪百餘人生擒六十餘人查建昌逆匪分數大股節節扼守勢甚鷓張張運蘭等率領湘寶各勇僅五千人進剿先於南豐磁圭等處數大戰該逆屢受巨創死傷萬餘迨新豐門戶既失恐爲我軍所困遂棄城宵遁得以剋期收復所有尤爲出力人員自應額懇先沛

恩施以示鼓勵

耆齡又奏言東鄉縣自上年十月官軍失利城池仍爲賊踞並不時竄擾東鄉餘干交界之間迨本年四月撫州府城克復東鄉逆勢遂孤東鄉縣知縣周溯賢卽飭各鄉紳士挑選團丁以備攻城並約會駐紮餘干之知縣黃振成帶兵進剿四月二十二日黃振成率隊行至離東鄉

縣城十五里地方駐紮城賊知有官兵進剿賊目錢艾二逆先率夥黨大半於二十一日夜遁往王家橋一帶二十二日賊目李朱二逆亦率餘匪向南路逃走東邑北鄉團勇跟蹤尾追賊眾回撲鄉團潰退賊匪仍踞南門外之源塘等處二十三日黃振成率領弁勇周溯賢亦派本邑鄉團分路進擊賊卽大敗望金谿遁去我軍

追逐十餘里斃賊二三百人當將城池收復查撫郡旣拔東鄉股匪自不能支經黃振成等乘時進剿連克縣城辦理尙合機宜在事出力紳勇容俟查明另行擇尤請獎惟撫建餘匪屬聚金谿現在派兵進剿難保不四散奔竄業經飭令黃振成率勇卽在東邑防守並令周溯賢督率團練嚴密堵禦不得稍涉疏懈奏入

上諭內閣曰逆賊占踞建昌府城卽選道張運蘭等督

兵攻勦節節進逼賊眾潰敗餘匪向新城奔竄四月

二十四日收復郡城先後殺賊四千餘名生擒數百

名在事員弁等著有微勞自應量予鼓勵補用同知

直隸州知州黃秉珍著以知府仍留江西補用都司

羅近秋著以遊擊卽補並賞加參將銜劉光明著以

遊擊遇缺卽補遊擊章奪錦著賞加副將銜其餘由

江西派出員弁著耆齡查明保奏由湖南派往員弁

著駱秉章查明保奏另片奏東鄉踞城之賊經知縣

黃振成屢次擊敗於四月二十三日克復縣城等語

所有在事出力員弁並著耆齡查明保奏

耆齡又奏言據道員李元度等稟稱三月二十

三日賊眾數千竄入玉山之子午口經團勇奮

擊殺斃百餘人餘匪狂奔出境李元度派都司

彭定發等帶平江勇二哨前往小路嶺防守以

杜逆匪復竄四月十七日派左營新中營及右

營三哨進紮屏風關規取常山牽制衢州賊勢

十九日常山之賊傾巢來犯已將左營包住童

梅華督勇連開劈山礮擊斃賊四五十人該逆

抵死不退郭式源帶右營趕至衝殺童梅華亦

出壘奮擊彭斯舉率新中營從水田抄出殺悍

賊二百餘人追逐二十餘里偏溺港內者百餘

人生擒三十一名查逆匪分踞常山等縣意在

阻我援衢之師是以李元度軍一經進紮屏風

關常山之賊卽傾巢來犯經各營弁勇冒雨力

戰斬擒三四百人足挫兇鋒總兵李定太一軍

現已繞道赴浙會勦臣仍飭李元度步步爲營

相機進取恢復常山惟此時江山開化亦均有

賊處處可通廣豐玉山並令李元度將各路妥為布置以免顧此失彼奏入報

二十一日 乙未

命軍機大臣傳諭略秉章曾國藩曰前因江西賊匪竄入浙江之常山開化圍逼衢州府城疊由江南安徽等處調撥援師馳往救援恐官軍無所統屬特加

欽定剿平粵匪方略卷百九十六

五

漳州鎮總兵周天受提督銜督辦浙江防勦事宜嗣因處州失守並攻陷金華所屬之永康武義二縣恐周天受資望較淺未能統率眾軍復諭和春前往督辦和春現在患病未痊刻難就道東南大局攸關必須聲威素著之大員督率各軍方能措置裕如曾國藩開缺回籍計將服闋現在江西撫建均經克復只餘吉安一府有曾國荃劉騰鶴等兵勇足敷勦辦前

論者給飭令蕭啟江張運蘭王開化等馳援浙江該員等皆係曾國藩舊部所帶勇丁得曾國藩調遣可期得力本日已明降諭旨令曾國藩馳驛前往浙江辦理軍務著略秉章即傳旨令該侍郎迅赴江西督率蕭啟江等星馳赴援浙境與周天受等各軍力圖掃蕩該侍郎前此墨經從戎不辭勞瘁朕所深悉現當浙省軍務喫緊之際諒能仰體朕意無負委任何

欽定剿平粵匪方略卷百九十六

十六

日起程著迅速奏聞以慰廑念

上諭內閣曰前任兵部侍郎曾國藩著馳驛前往浙江辦理軍務

二十五日 己亥 官文都興阿胡林翼奏言五月初二日太湖踞賊圍撲蘄州官卡經道員唐訓方擊退後連日偵知該逆復由安慶英山糾集大股二萬餘人至彌陀寺南陽河一帶築壘初八

日逆匪分爲三股一由彌陀鎮一由桐山冲一由黃泥畷均奔界牌石距蘄州邊界僅數十里勢甚猖獗唐訓方等亦分三路迎勦甫至界牌石該逆趨擁而前同知丁銳義等衝鋒接戰賊之中路先潰而右路之賊屯聚山岡排列不動經遊擊張嵩齡設計誘下擊斃多名丁銳義等復乘勝掩殺分兵直上左路山岡四面兜勦各

聖朝聖蹟卷二百九十六

七

處圍勇亦繞抄賊之回路斃賊千餘名墜崖溺水死者不可勝計餘賊四散竄逃我軍跟追數十里毀其賊壘而還據生擒賊供此次大股逆衆實圖直犯蘄州救援麻城知我下游馬步調赴安麻料斷界兵單必可逞志初不知安麻先已克復也十三日太湖踞賊又由安吳河至桐山冲之馬槽由白洋堡至界牌石卡外由黃龍

巷至界牌石之右分三路放火槍擄約五六千人丁銳義等率隊禦之該逆旋即退去我軍追及於彌陀鎮四面圍之賊遂踰山越嶺而逃計殺斃及墜崖落澗死者約數百人我軍追殺至對河而止查皖省匪勢蔓延蓄志犯楚臣等前於安麻克復後屢接蘄州等屬警報已飛調仁智等營前往會勦並咨李續賓撥兵援應乃該

聖朝聖蹟卷二百九十六

六

逆料我兵單糾衆竄擾而駐蘄之師不滿三千名竟能以少克衆大獲勝仗實足寒逆膽而振軍威所有尤爲出力人員可否仰懇

恩施先行獎勵其餘出力將士容臣等分別查明另行

請獎奏入

上諭內閣曰皖省太湖之賊圖撲蘄州糾集二萬餘人至彌陀寺等地方築壘分股來撲唐訓方等分路截

勦逆匪四散奔逃官軍窮追數十里將所築營壘悉數焚燬先後斃賊數千名該將弁等於賊衆來犯以少勝多實屬奮勉出力守備李東山著以都司儘先補用把總浦本祥著以千總儘先補用並賞加守備銜勇丁王友生著以千總儘先補用其餘出力將士著官文等查明保奏

二十六日庚子福興奏言臣於四月二十六日拔

聖皇聖略卷一百九十六

五

營起程本月初三日行抵遂安接奉

諭旨臣暫留衢郡遵卽督帶隊伍折回初十日行抵蓮花鎮地方距郡城三十餘里正擬整隊前進忽於十一日早間據探衢郡西北沐塵一帶賊匪竄至杜澤地方維時臣頭隊業已先行賊之前股正備近西山下去我軍不遠守備黃武賢登崗瞭見卽帶兵追殺該逆旋卽敗退是晚匪

聞

黨二三千人潛由山僻小徑竄去臣已揀選精銳飭令都司林保統帶前往探明賊蹤趨向竭力跟追並飭前次留防衢郡之彰武奇兵平江各營分撥數成隊伍會合並進其餘兵勇卽赴浮石渡北岸接防至龍游蘭谿一路已有副將朱承先參將和順兩軍扼紮壽昌一路亦有總兵秦如虎督帶兵勇分防如果賊衆竟由此路

聖皇聖略卷一百九十六

三

疾驅則壽昌龍游各軍皆可迎頭遏擊臣已札飭駐守嚴郡之署臬司段光清就近分撥一軍馳赴壽昌協同堵剿以厚兵力奏入報

二十七日辛丑楊載福奏言臣率帶十四營礮船

於五月初十日行抵東流縣該城北瀕大江自西而南俱江水環繞惟東通陸路城內賊匪約

數百人見我軍大至料難抵敵多從東門逃出其強者五十餘人猶在城上施放槍礮我軍上岸登陣將城上之賊概行殺斃復追殺竄賊一百餘人當將東流縣城收復臣仍率各營進次安慶上三十里之黃石磯屯紮十一日督帶各營戰船下攻安慶至西門外里許之楊柳洲紮定派兵進攻將矮山下賊船數十號盡數焚奪

聖皇聖曆百九十六

壬

十三日臣再領各營往攻新河口連破大興橋北及山上賊壘二座旋復被賊占住未能得手申刻收隊臣現就黃石磯駐紮仍調派各營分巡沿江港汊並加意拊循勇丁休息數日再行相機進剿奏入

上諭內閣曰安徽東流縣城被賊占踞上年十月間經楊載福水師下駛接仗獲勝城賊潛逃業經官文等

奏報克復嗣據福濟等奏該處因陸路無兵守禦賊即踵至是以東流仍為賊踞本月初十日楊載福統帶礮船進剿即將縣城收復次日楊載福督帶戰船進攻安慶將矮山下賊船盡數焚奪現駐黃石磯相機進剿仍著該提督迅即攻克安慶肅清江面再圖進取

二十九日癸卯官文奏言九江克復而江楚咽喉

聖皇聖曆百九十六

壬

賴以有備安麻克復而楚疆邊患亦復稍紓現飭李續賓等水陸各軍乘勝進剿皖豫先清江北為直擣金陵之計謹將籌策調度機宜為我皇上陳之查九江上達川楚下通三江為南七省咽喉自古戰爭之地收復匪易防守宜嚴現已撥楚軍五千駐守其江西各路餘匪闖入浙閩惟餘吉安郡城指日可期克復江西肅清後即可抽

兵萬餘以一半益守九江一半嚴防廣饒既可阻浙省回竄之匪又可拒金陵上犯之逆再令彭玉麟水師分布江西內湖並大江湖口潯陽等處又酌留楊載福水師數營分駐小孤山小池口黃州武漢要隘以資巡防而固水師後路庶楊載福直達安慶相機下駛無返顧之虞得以會合蕪湖紅單船併力東征其湖口東流彭

欽定剿平粵匪方略

卷

澤南岸一路再以步隊輔之水陸相聯聲威益壯再紅單礮船誠屬利器足以制敵其將弁中必多好手惟船身笨重不如長龍三板進退攻擊風帆便捷其水勇聞亦情性難馴應請密飭帶兵大員與楊載福和衷共濟合爲一體相機妥辦其大江下游北岸再由德興阿一軍夾攻和州使該逆無路狂奔且不得歸併金陵尤操

勝算此籌策東征各路戰守情形也又都興阿馬步各軍現駐宿太而安慶舒桐逆賊踞爲老巢屢次上犯東擊西竄殆無虛日現在李續賓由英山羅田進攻仍於六安商固楚豫交界分兵防剿其李孟羣兵勇應先率領前赴廬州歸福濟統馭以顧東路則皖省軍務事權歸一庶幾可收實效再以勝保扼住潁亳北路袁甲三

欽定剿平粵匪方略

卷

堵禦淮徐要道節節南偏而李續賓則統師由中路進攻都興阿由宿太進兵楊載福水師直攻安慶使該逆首尾不能兼顧勦辦自易得手此籌策皖北一帶分別進兵情形也又楚北爲上游重鎮北聯皖豫疆界綿長一千餘里條條是路仍應嚴密設防現擬留道員李續宜統帶步軍副都統舒保統帶馬隊分駐九江黃梅羅

田新水麻城兼顧襄陽等處又彭玉麟統內湖
外江並調撥江省內河等營水師再於鄂省添
募勁勇二三千名又酌派巴揚阿安貴統帶馬
隊二百七十餘名及水師左光培等礮船之四
營均卽守護省垣兼備各軍後路緩急調遣此
又楚省上下水陸分防情形也又楚軍馬步水
師下勦月需餉項卹賞等銀三十萬兩有奇臣

聖朝聖略卷百九十六

三

當會商撫臣胡林翼督飭司道力求協濟以利
師行惟楚師出境運送糧餉軍火等項水路計
程一千餘里風汛雖無定期聲氣尙屬聯絡若
陸路由黃梅宿太英山霍山解赴皖北一帶口
岸窻遠山徑崎嶇肩挑馱載運解愈難楚北委
員隔省雇人呼應不靈其州縣蹂躪之區戶口
流亡更難應付自宜由皖豫江南等省先期派

員攜帶經費探明大軍進止分段設站隨時轉
運以期妥速又楚省連年兵事用餉日久款目
紛繁本省清釐報銷已需時日現在楚軍遠征
凡兵勇月餉及卹賞採辦等項若仍遇事稟報
楚省督撫臣批示而行往返需時卽將來由楚
造報亦多周折所有楚軍餉項隨時解交都興
阿李續賓楊載福等大營一面將撥解銀錢各

聖朝聖略卷百九十六

三

數並向來支發口糧定章咨明皖豫撫臣其都
興阿等收支各數亦卽就近造冊在皖者咨送
皖省在豫者咨送豫省各撫臣入於該省仍照
楚省章程銷算旣便各該省就近稽查以杜浮
濫並免牽入楚省致多轉轄又行軍離楚日遠
下游軍務除緊要會商之件仍由臣等會報其
尋常戰事均應由都興阿李續賓楊載福隨時

自行馳奏速慰

聖懷至楚軍經臣與胡林翼歷年訓練調遣將士誠信

相孚故能所向克捷未便由他省調歸別部出

境後水陸各軍應仍責成都與阿李續賓楊載

福統帶以一事權而期得力又都與阿李續賓

楊載福多隆阿等各員智勇兼備中正無私所

部各營紀律嚴明再得勝保袁甲三等和衷共

濟指日掃清江北會師江浙必當迅奏膚公益

必主將一心則士卒乃能聯為一體此則關繫

東征大局尤為軍情緊要者也竊念鄂居天下

之中為自來戰守必爭之地現在楚北肅清臣

於東征軍務自當隨時妥籌策應以期迅掃逆

氛蕩平江皖下愚之見是否有當祇候

訓示遵行並求

飭下皖豫江南各督撫及各路統兵大員一體遵照渥

荷

鴻慈曷有既極奏八

上命軍機大臣傳諭官文都與阿胡林翼楊載福李續

賓勝保袁甲三英桂瑛榮曰湖北官兵克復九江黃

安麻城軍威已壯自應水陸乘勝進剿皖豫先清江

比為直搗金陵之計官文所籌各條尚屬周妥九江

地勢扼要官文等已撥兵五千駐守江西兵勇多赴

浙境追剿竄匪能否抽兵五千同守九江之處著官

文等知照者齡籌辦楊載福師船下駛會合蕪湖紅

單船後亦即知照和春德興阿飭令帶兵之員與楊

載福和衷商辦江北一帶全滁和州之賊急欲應援

金陵德興阿已飭各營勦辦勝保現駐懷遠袁甲三

亦折赴臨淮亟應節節南偏李續賓由中路進攻都

興阿由宿太進兵楊載福直攻安慶皖北之賊當可
次第肅清所有楚軍馬步水師應需糧餉仍由官文
等豫籌撥解至運送糧餉軍火等項著何桂清福濟
英桂瑛榮先期派員攜帶經費探明大軍進止分段
設站隨時轉運以利進行至所撥楚軍餉項收支各
數在皖者咨送皖省在豫者咨送豫省入蘇境則咨
蘇省各該省督撫卽飭承辦之員仍照湖北章程銷
算以便稽查而免轉轄楚軍進剿皖豫水陸各軍卽
責成都興阿李續賓楊載福統制他省帶兵大員不
得調歸統轄以一事權現在皖豫兩省賊勢蔓延官
文等分飭諸軍水陸並進實爲全局關鍵勝保袁甲
三務與都興阿李續賓同心戮力迅殄逆氛以收師
克在和之效

同日晏端書奏言衢城之賊屢由杜澤上方竄

聖皇聖方略卷一百九十六

五

至壽昌縣境經秦如虎等擊退後秦如虎因遂
安告警帶同知縣梁鵬前往防剿而留把總廖
洪盛帶勇四百餘名在壽昌駐紮巡防西安將
軍福興於四月二十六日自衢州回防玉山臣
接該將軍咨稱五月初三日在遂安途次接奉
諭旨暫留衢州防守當卽折回初七日宿壽昌初九日
行抵蓮花鎮十一日探聞賊竄杜澤等處勢將
內犯壽昌當派都司林保確探跟追一面親督
各軍於十三日回至浮石渡擬撥隊從後追擊
等語查該將軍自衢州至遂安行程不過百數
十里而往返幾及兩旬旣在途次探聞賊蹤內
犯並不於壽昌暫駐以示聲威徒事派兵追剿
則賊在前而兵在後其勢必將深入正在急籌
布置間據署臬司段光清稟稱該逆已於十三

聖皇聖方略卷一百九十六

五

日以四五千人竄至壽昌西路之杭頭村廖洪盛馳往迎勦遇賊於石板橋眾寡不敵當卽收隊回駐羅墩埠周天受聞警飛令周天培統領所部兵勇馳往援勦並調樟樹潭王恩榮一軍自蘭谿迎頭截擊秦如虎自遂安督隊趕至分紮於白沙羅墩埠剋期進攻段光清又於嚴州軍營派勇紮出洋溪干嶺七郎廟等處分路堵

欽定剿平粵匪方略卷百九十六

三

勦各等情查壽昌一縣爲金衢嚴三郡咽喉重地旁竄下竄在在堪虞亟須合力攻勦秦如虎已從遂安移師馳抵壽昌而遂安與西安常山開化連界深慮逆蹤乘虛闖入幸李定太已於十五日行抵遂安臣已函請分兵留防該邑惟瀘安地處下游直達徽嚴該縣僅有嚴州兵五十名臣並咨請張芾籌濟援師以備策應至龍

游現有官兵駐紮而蘭谿之小畝嶺等處已有賊蹤周天培行抵蘭谿當先清此路之賊方可赴壽昌會勦刻下金衢嚴各路軍務處處喫重周天受督攻武義已獲勝仗正在得手之際今調出周天培一軍又不免稍稽時日其衢州一切防勦事宜業經和春責成李定太督辦今壽昌有賊李定太已抵遂安應先就近援勦恐一

欽定剿平粵匪方略卷百九十六

三

時未能卽赴衢州必須先將壽昌之賊會合勦除方可杜下竄嚴杭之路昨准和春咨會已先派副將陳開選統帶壯勇千名來浙惟望和春病體速痊卽日前來督辦浙省軍務庶得轉危爲安壽昌文武各官下落容俟查明另行辦理奏八

上命軍機大臣傳諭和春晏端書福興周天受曰壽昌

為金衢嚴三郡咽喉重地現被逆匪竄擾情形甚為
喫重雖經周天受調派各軍分路堵剿而蘭谿之小
販嶺等處已有賊蹤周天培一軍行抵蘭谿務當先
清該處之賊庶可即赴壽昌會剿其李定太一軍經
和春責成督辦衢州防剿據奏現抵遂安著就近將
壽昌之賊先行剿除現在和春患病是否即可就痊
如尙未能即日赴浙著將援軍遙為調度其各路要

聖學方略卷一百三十六

三

隘應行防範並著晏端書妥為布置周天受督攻武
義業已得手即可乘勝進剿以杜下竄至福興山衢
至遂安既在途次探知賊蹤內犯並不暫駐壽昌以
示聲威實屬畏葸無能其往返幾及兩旬是否故意
耽延著和春確查奏毋稍徇隱

欽定剿平粵匪方略卷一百九十七 戊午年

六月初二日 丙午 河南巡撫英桂署河南巡撫布

政使瑛棨奏言逆匪自楚境竄踞商城之馮店
地方意圖圍攻商城該縣知縣戴鴻經督同紳
勇堵禦邱聯恩亦督兵由光山馳至賊即折由
東南山徑奔竄我兵跟蹤追至大順店迤南賊
在山內盤踞約二千餘人該處地勢環繞皆山

聖學方略卷一百九十七

一

崎嶇險阻非四面兜擊不能得手適楚北追兵
副都統舒保督帶馬隊趕到即約會戴鴻經等
各帶兵團分路進擊直衝上山賊眾抵死拒敵
鏖戰三時賊勢不支紛紛越山向東南奔竄我
兵追殺數十里斃賊三百餘名墜巖死者不計
其數生擒偽帥邵城之等二十一名正法初九
日知府周祖頤等擊賊於銀山販等處斃匪二

百餘名十一日敗匪千餘人在丁家埠等處喘
息邱聯恩等帶兵擊勦復斃匪三百餘名生擒
偽副天官燕五牲等五名查探餘匪由琉璃坪
等處遠竄六安一帶光商境內肅清臣等仍飭
邱聯恩督飭地方官紳嚴密巡防以杜竄越奏
入報

欽定剿平粵匪方略卷一百九十七

二十

初三日丁未和春奏言我師進勦金陵斷賊接濟
自西南濠壘完竣後該逆情急潰圍屢由聚寶
門雨花臺一帶傾巢衝突所有城中大股醜類
無不屬集西南其北路各門守禦必虛五月初
三日張玉良等選精銳千餘名分攻太平金川
各門馮子材等會合水師攻擣下關賊巢以分
其勢東北城外賊營距城一二里者皆為我軍

欽定剿平粵匪方略卷一百九十七

三

踏毀無遺該逆於近城處築一半月形營壘極
其堅厚以護城門我軍環攻許久太平門內竄
出悍賊三四千盪擁來撲我師伏於牆內轟擊
斃賊甚多張玉良見賊勢稍卻遂同遊擊孔朝
彪等從柵門突出三面夾擊鏖戰兩時許將該
逆分為數段正截殺閒神策門逆援又至張玉
良轉戰直前壘殪執旗賊目乘勝將賊隊衝散
斃賊無算自龍脖子山梁直至湖邊賊屍枕藉一
路跟蹤掩殺統計斃賊六七百名該逆遂伏匿
不出現仍督飭水陸各鎮將晝夜戒嚴以防竄
越又上游江面自繁昌銅陵以迄蕪湖下抵東
西梁山綿亙數百里南北兩岸逆壘分屯賊船
出沒刻思下竄以通接濟臣屢檄各軍嚴行堵
勦二月二十五及三月初九十七等日總兵李

德麟等派令勇目魏麟魁分駕划艇巡至銅陵江面擊沈賊船五十餘隻斃賊不少又聞南陵之賊竄踞繁昌該鎮親督將弁水陸並進於三月十九日夜開襲復縣城銅陵以上賊划數百號由土橋繞進內河圖竄小丹陽等處二十一日該鎮督同都司黃廣泰等各帶勁旅立撲土橋把總胡煥年等從礮火中踰壘先登諸軍

勦平匪略卷二十七

四

附而上將土橋逆壘踏平殲斃逆匪一千六七百名斬首二百餘級五月初八日石碓股匪千餘撲犯峨橋並由白馬山雙港一帶水陸下竄窺伺魯港水營遊擊郭定猷等駛駕紅單快蟹各船分投迎勦斃賊約百餘名餘匪敗回蕪壘初九日該逆從白馬山分股回竄郭定猷等督帶水勇民團沿途設伏合力兜抄殲斃黃衣賊

日十餘名斬賊尤多十四日大股悍賊撲犯魯港守備鄭榮勳等前後兜勦短兵相接砍取首級二百餘顆現仍飭該鎮等嚴密巡防相機進剿以冀肅清江面奏入

上諭內閣曰金陵逆匪經官軍合圍攻勦勢已窮蹙伏匿困守著卽督飭將士實力進攻迅復堅城盡殲醜類毋稍延緩

勦平匪略卷二十七

五

初五日己酉略秉章奏言浙江為東南財賦之區海運所自出與金陵相為表裏局勢殊為緊要現在援江各軍將領均前兵部侍郎臣曾國藩所深知之人非其同鄉卽其舊部若令其統帶楚軍赴援浙江則將士一心於大局必有所濟且江浙本屬澤國利用舟師楊載福彭玉麟水師兩軍皆係曾國藩舊部如曾國藩統陸軍赴

浙或從常山更造戰船順流而下或函商楊載
福分派師船由長江入常州從太湖抵湖杭沂
流而上彼此聲息皆通江南大軍既免後顧之
虞援浙陸軍亦得戈船之助曾國藩前此奏請
終制一疏曾奉

諭旨准其暫行在籍守制現在浙事方殷楚軍赴援急
謀統帥應請

欽定剿平粵匪方略卷九十七

木

旨飭下曾國藩迅速起程就道精選援江勁旅統率東
行其勇餉一項江西既不能籌浙江是否即能
供應亦難豫揣擬由湖南每月籌解餉銀二萬
兩再請

旨飭下湖北撫臣胡林翼每月籌解餉銀二萬兩專供
曾國藩一軍之用奏入

上命軍機大臣傳諭官文胡林翼駱秉章曰據駱秉章

奏現在援江各軍多係曾國藩舊部如該侍郎統帶
赴浙必能將士一心並慮及勇餉一項江西既不能
籌浙江能否供應尙難豫揣擬由湖南每月籌解銀
二萬兩作爲援浙勇餉實能統籌大局不分畛域著
卽照辦惟湖北省亦當竭力籌畫著官文胡林翼按
月籌解餉銀二萬兩專供曾國藩一軍之用該侍郎
兵力既精餉需又足必當迅速奏功已定何日起程

欽定剿平粵匪方略卷九十七

七

卽著駱秉章傳旨令該侍郎卽行馳奏

駱秉章又奏言湖南援江官軍自克復臨江府
城後臣以江西各股逆賊久踞撫建爲老巢逆
首石達開退竄撫州遺黨分布撫建所屬各縣
人數甚衆非節節搜剿不能進搗撫建巢穴隨
飭卽選道蕭啟江知府劉坤一帶領各軍分由
新淦進取崇仁以圖撫州卽選道張運蘭等率

所部由吉安趨永豐進取樂安宜黃以圖建昌
維時撫州大股逆賊知臨江大軍將渡贛而東
率衆五六萬屯踞何家村等處將俟援軍渡贛
仍襲取臨江府城正月初九日蕭啟江田興恕
簡銳卒出賊不意擊之破賊營十一座斃賊二
千餘名賊懼官軍大隊復至悉衆遁回撫城二
十九日江軍收復新淦縣城蕭啟江劉坤一隨

聖朝聖考卷一百九十七

八

率所部渡贛分路而進二月二十九日蕭啟江
擊賊於崇仁縣屬之白波墟三月初六日進偏
崇仁縣城賊由西南北三門出拒官軍分隊迎
擊斃賊數百賊敗入城是夜三更城中火發賊
由東門竄出遂復崇仁縣城十八日蕭啟江進
軍上頓渡距撫州城十五里築營建昌之賊見
官軍漸逼撫郡遂率黨數千將由龍骨渡以陷

崇仁劉坤一偵知之率五成隊銜枚疾進二十
二日黎明抵龍骨渡西岸賊倉卒出禦劉坤一
急揮所部涉淺而過斬先鋒賊十餘人餘賊潰
走各勇奮躍衝殺踏平賊營七座殺賊四五百
名撫州賊黨鑒於瑞州臨江均以長圍被殲見
官軍漸逼府城建昌援賊又屢爲官軍所敗益
無固志四月十九日蕭啟江移營高橋偃之是

聖朝聖考卷一百九十七

九

夜環城攻擊槍礮不絕城內人聲鼎沸二十日
賊開東門竄出蕭啟江揮所部緣梯蟻附而入
劉于滄所部亦由北梯城而入該逆自相踐踏
賊屍枕藉官軍巷戰數時殺賊一千七百餘名
隨復撫州府城此蕭啟江劉坤一等一路獲勝
收復崇仁縣城撫州府城之實在情形也其張
運蘭王開化之由永豐進者二月初八日進紮

太湖坪盤安洲等處樂安賊悉退踞縣城普承堯適自吉安帶親兵馳至會商參將朱南桂等各派隊攻城破城外賊營六座斃賊六百餘名十五日各營齊偪城下是夜暗伏壯士於城外舊壘三更城賊悉由東北兩門竄出伏兵鼓譟乘之賊自相踐踏死者百餘遂復樂安縣城張運蘭王開化旋由樂安拔營進攻宜黃三月初

聖皇聖考卷二十七

十

四日張運蘭所部行抵官倉距宜黃縣城數里探報城賊已於初三日夜由仙人都竄遁遂復宜黃王開化由桃陽前進已於初六日會同蕭啟江劉坤一克復崇仁於是建昌賊首復令死黨屯踞葛圭墟將伺隙復犯崇仁宜黃以斷撫州大軍後路二十一日張運蘭等率師前進比近葛圭二三里許皆令捲旗潛行而以團勇誘

賊俟其近前分三路抄之斃賊不少立將葛圭墟賊巢攻破餘匪竄回建昌城中是役計斃賊一千六七百名墜巖死者無算張運蘭王開化破葛圭墟後本擬拔營進攻建昌探報南豐屯賊甚多零都竄出之賊亦前來會合人數約近二萬蔓延厚坪水南一帶巢穴甚多張運蘭王開化分路進剿往返百餘里將南豐以北建昌

聖皇聖考卷二十七

十一

以南賊巢十餘處一律掃除斬賊二千有餘四月初九日南豐縣賊聞各股賊敗即於初七八兩日冒雨駕筏棄城東渡張運蘭王開化令幫辦王文瑞等收復縣城安撫居民暫為駐守十八日建昌賊會合新豐股匪來雲霧雙油築四大壘附近結草營數十座將堅阻官軍攻建之路朱南桂等會商及其未定擊之遂各率所部

分路並進將賊所築營壘概行踏盡二十二日建昌賊傾巢而出屯於新豐張運蘭王開化於是夜三更率全軍趨之二十三日黎明行抵雙油甫經安營賊隊已徧布對岸張運蘭等令朱南桂胡兼善各率所部分從上下游涉淺過河而自率各勇繼之對岸之賊甫過河而來各勇槍礮齊施紛紛墮水張廣勝等揮眾衝渡賊望

聖朝集卷之二十七

三

風潰走乘勢銳進連毀賊營三十餘座斃賊無數餘賊一由尙塘墟奔新城一由大路奔建昌張運蘭等乘勝追逐至距建昌府城八里之陳家山始收隊回營是夜賊即棄城而遁張運蘭等遂於二十四日收復建昌府城餘賊向新城一路紛竄探報撫州逸出餘匪有與此股敗賊併竄閩界之說張運蘭等擬俟賊有定蹤即會

合堯勦此張運蘭王開化及江軍寶勇一路疊勝先後收復樂安宜黃南豐三縣及建昌府城之實在情形也臣維江西撫建兩郡逆賊踞為老巢自蕭啟江劉坤一等率師渡嶺而東張運蘭王開化及普承堯所部寶勇四營由永豐前進節節搜勦三月之間郡縣城池先後收復進止機宜尤為允協即遷道張運蘭等先行開列

聖朝集卷之二十七

三

擬請分別獎勵陣亡守備彭家斌等均請

飭部照例從優予卹其餘在事出力員弁勇丁可否由

臣查明保奏出自

恩施奏入

上諭內閣曰湖南兵勇援勦江西三月之間先後收復府縣城池辦理尙為得手即選道張運蘭著賞加按察使銜知府王開化著以道員選用同知王文瑞著

免選同知以知府選用參將黃萬友著以副將留於湖南補用陳品南遊擊彭聲發均著以參將留於湖南卽補陳品南並賞加副將銜都司劉松山王開佶均著以遊擊留於湖南卽補並賞換花翎朱紹輝著以遊擊留於湖南補用並賞換花翎參將朱南桂著以副將留於湖南補用同知胡兼善著賞換花翎千總張廣勝著以都司留於湖南補用並賞換花翎陣

聖皇聖考卷一百九十七

十四

亡守備彭家斌外委何啟耀羅逢春擬保把總舒進堂均著交部照例從優議卹其餘由湖南派往出力之員弁勇丁著駱秉章查明保奏

同日耆齡奏言官軍攻勦撫州逆匪知府劉坤一一軍自移營秋溪卽大破撲營匪衆並掩擊龍骨渡巨寇踏營七座卽選道蕭啟江一軍移營上頓渡兩次擊敗逆衆甘肅安肅道劉于瀆

亦率江軍水師嚴船於四月初旬直逼城下撫郡之賊乞援於建昌旋有花旗賊千餘人竄入撫城分股竄擾青泥地方十三至十八等日蕭啟江劉于瀆劉坤一等率水陸各營疊次薄城圍攻焚其更樓賊館並將橋頭房屋燒燬賊死無數劉于瀆復密令曾經被擄逃出之臨川縣職員邱隆光等暗通消息招降廣匪頭目黃揚

聖皇聖考卷一百九十七

十五

以爲內應自是廣匪黨與遂無固志二十日黃揚密稟劉于瀆定於是日獻城當派蔡康業等埋伏接應楊泰等進攻西北門自率戰船繼進遙聞城內喊殺聲知黃揚反開計成卽飭水軍登岸從北門爬城黃揚已備長梯接應劉于瀆率勇上城陸隊亦卽擁入蕭啟江率領各營踵至梯城而上賊悉向東門外逃竄收復郡城查

撫郡城固濠深賊多糧足幸各軍奮勇致命屢獲勝仗擊敗建賊以絕外援招降廣匪以生內蒙纔踰一月卽拔堅城斃賊數千人獲糧三萬石尤爲出力之道員蕭啟江等自應先行開列
顛懇

恩施其餘出力人員可否容臣查明保奏廣匪賊目黃

揚悔罪投降獻城殺賊擬請免其治罪與所部

聖朝聖略卷百九十七

七

數百人留營效力奏入

上諭內閣曰此次攻勦撫州賊匪擊敗外援密約內應

一月以來斃賊數千人獲糧三萬石在事各員實屬

勞績卓著自應先沛恩施除蕭啟江劉坤一等業由

湖南請獎外甘肅安肅道劉于瀉著賞加布政使銜

擬保遊擊蔡康業著以參將升用擬保都司萬立松

著以遊擊儘先選用擬保守備謝得龍著以都司升

用其餘出力各員著准其查明保奏悔罪投誠之黃揚著免其治罪與所帶數百人一併留營效力

耆齡又奏言建郡餘匪竄踞新城縣城署新城

縣知縣文明於本年三月十八日繞道入境卽

在東南各都督同紳董設法籌畫陸續募勇三

千五百名於二十六日派生員陳時行等帶勇

分紮各門四面合圍賊眾登城抗拒相持一日

聖朝聖略卷百九十七

七

夜二十七日文明督飭各營奮勇薄城賊眾七

八千由西門潰圍而出當卽收復城池餘匪悉

竄福建查新城縣被賊占踞兩載茲因大兵攻

克建昌賊膽已寒該員文明得以乘時募勇迅

復城池惟該縣毗連閩疆難保逆眾不復回竄

現經臣飭將邊界各隘嚴密防守不得稍涉疏

虞在事出力紳勇可否擇尤請獎奏入

上諭內閣曰自官軍克復建昌後署新城縣知縣文明招募鄉勇督同紳董乘時收復縣城辦理尙屬妥速所有出力紳勇准該撫查明請獎

耆齡又奏言撫郡及東鄉縣餘匪先後竄往金谿賊聚甚衆駐防貴溪縣參將劉芳貴於四月二十六日率領寶後副後兩營自貴溪起程二十七日行至堆橋地方探知逆衆七八千屯聚

聖皇聖德

六

距金谿縣城二十餘里之黃桶地方四出擄掠二十八日劉芳貴派撥各勇分三路進攻該逆屢敗之餘驚魂未定一間鄰邑勁旅抵境先於二十七夜逃散大半僅存千餘人見我軍馳至卽列隊拒敵劉芳貴督飭各勇衝擊槍礮齊施斃先鋒賊數名賊卽敗退我軍奮力追殺餘匪悉遁瀘溪卽日收復縣城劉芳貴恐貴邑空虛

率隊折回防所仍留寶勇二哨協同團練防守金谿該參將辦事奮勇進止合宜各弁勇亦均得力可否容臣擇尤酌保出自

鴻慈奏入

上諭內閣曰江西撫州敗匪聚集金谿經參將劉芳貴督帶寶勇進剿立將逆衆擊散收復縣城勦辦尙爲得手所有在事出力員弁著耆齡擇尤酌保以示鼓勵

聖皇聖德

九

初七日 辛亥 福濟奏言准江西撫臣耆齡來咨江省漸可肅清賊衆有分竄皖浙之信湖北黃安麻城克復後逆股分竄安慶皖境實爲賊藪廬州尺寸之地岌岌可危藩司李孟羣本日已由六安輕騎抵廬晤商進取惟兵單賊衆餉缺歲饑一切未易措手適接李續賓函復由楚入皖

勢較順便擬仍遵前次

諭旨先圖皖北分路前進以偏師沿江直擣安慶全軍

則自六舒由北圍繞而南防賊北竄刻下趕辦

行裝稍有端緒卽兼程赴皖等語惟軍行貫速

稍涉稽遲則逆賊得以準備應懇

皇上迅飭官文胡林翼轉催李續賓剋期來皖由舒城

廬江圍繞而南庶粵逆無北竄之虞捻匪無勾

聖軍軍略卷之七

三

通之患卽可與皖軍分路次第肅清奏入

上命軍機大臣傳諭官文胡林翼李續賓曰此時皖北

情形萬分緊急著李續賓迅速前進卽由舒城廬江

圍繞而南使捻匪粵逆不能勾結並著官文胡林翼

飭令舒保督帶馬隊隨同進剿仍隨時查看皖豫兩

省情形相機策應總期節節南逼毋令北竄

福濟又奏言總兵李德麟統帶戰船駐泊蕪湖

上游橫截江面其北岸附近之無爲州久爲賊

踞該州土橋神塘河各口岸爲安慶銅陵南北

往來要衝賊均築有石壘數座阻塞我師李德

麟督率師船快划進攻北岸土橋該處賊壘濠

深礮猛更於南之灰河西之新安橋北之青山

圩分紮營壘犄角相應四月十三四等日連攻

兩次僅破一二外卡十五日師船轉戰三時始

聖軍軍略卷之七

三

拔灰河一壘十六日先以兵勇一隊登岸繞伏

新安橋後以一隊伴趨青山圩賊衆出救我軍

乘虛衝燒其寨追我兩隊合攻青山圩賊亦棄

壘狂奔十九日上流有賊划四五十隻開礮湯

帆而下卽揮水勇快划迎剿逆船駛入土橋河

內我軍截獲划船四隻擊沈十餘隻二十一日

夜先令快划各勇馳進灰河又令師船乘風向

岸環擊賊衆驚竄蔽斃及落水死者無數五月十一夜有被脅難民黃受先請攻神塘河賊營密約內應李德麟卽於次日抽派弁勇並傳無爲州練勇分爲三隊師船先進奮力環攻至四更時果見後壘火起賊衆驚潰先後兩壘同時攻克殺賊六七百人現飭令李德麟激勵水陸兵勇乘勢進攻迅圖克復州城奏入

欽定剿平粵匪方略卷二十七

三

上諭內閣曰官軍夾勦無爲州江面攻破賊壘大獲勝仗著福濟飭令總兵李德麟等乘勢進攻迅拔州城毋再遲延

初九日癸丑王懿德慶端奏言閩省浦城松溪政和等縣被逆首僞楊國宗等死力拒守我軍奮勇攻勦屢有斬獲尙未得手邵武逆匪時圖下竄兵力不敷兜圍調赴邵武會勦之師屢經改

調他往建甯一縣復被江右新城逆匪攻陷逆援陸續踵至據藩司保泰稟報江西撫州建昌等府業已先後收復潰賊均竄閩境克復建昌之老湘營一軍係道員張運蘭統領克復撫州之既係道員蕭啟江統領均稱勁旅當此江右軍情較緩閩省需兵孔急懇請

欽定剿平粵匪方略卷二十七

三

飭下江西撫臣耆齡迅飭張運蘭蕭啟江兩軍剋日來閩會同閩省兵勇共殲醜類收復各城奏入
上命軍機大臣傳諭福興耆齡周天受曰浦城等縣被賊踞守邵武逆匪時圖下竄建甯縣失守賊援踵至情形萬分喫緊江西浙江毗連該省自應不分畛域實力兜勦張運蘭蕭啟江各軍前已諭令赴浙助勦現在別無可調之兵福興由玉山至衢州屢失事機本日已有旨令其來京另候簡用所有該將軍帶往

玉山兵勇卽著交耆齡會同周天受酌派得力將領統帶馳赴浦城等處援勦將失守各屬力圖攻克不可稍有遲延

上諭內閣曰西安將軍福興著來京另候簡用

王懿德慶端又奏言江右逆匪竄踞邵武郡城四月二十一至二十六等日軍功趙方林等各帶練勇分投進勦先後獲勝十餘次生擒賊首

聖朝聖訓卷之九十七

請

聖朝聖訓卷之九十七

請

陳榮發等四十六名訊明正法參將顧飛熊等一軍於四月二十四日由古山一帶進攻斃匪二百餘名該逆回城踞守其勢日蹙可期迅速收復惟邵武府屬之建甯縣突被江右另股匪徒於四月二十二三等日由白丈隘等處分路攻入護理都司杜鵬飛等督帶兵勇與賊接仗失利該逆直撲縣城知縣趙圻等防兵單薄於

二十四日被賊攻陷接壤之泰甯縣愈形危急附近之順昌將樂甯化建陽等處防務亦形喫重現飭署延建邵道趙印川激勵兵勇迅將邵郡建邑城池力圖收復並飭各路將領暨該管地方文武務將泰甯順昌將樂甯化建陽各縣嚴密籌防妥為布置至知縣趙圻等未能設法固守致被逆匪攻陷城池實屬防守不力相應

請

旨將建甯縣知縣趙圻護理邵武城守右營都司杜鵬飛一併革職奏入

上諭內閣曰逆匪由白丈隘等處分路竄入建甯縣境護理都司杜鵬飛等接仗失利知縣趙圻等兵力甚單以致縣城失守著該督等卽飭趙印川激勵兵勇迅將邵武及建甯城池克復毋任蔓延建甯縣知縣

趙圻護理邵武城守營都司杜鵬飛未能固守著一併革職查明有無聞警先避情事按律懲辦

十一日卯乙官文都興阿胡林翼奏言皖省太湖

英霍之賊於五月十五日進逼太湖縣彌陀鎮沿河築壘同知丁銳義等分由桐山冲等處進擊殺賊五六百名英山又有另股賊匪來犯十七日傾巢而出於太湖縣彌陀鎮河岸山岡層

聖皇聖曆卷之七

七

密列陣遊擊余際昌等由左路進逼賊即奔潰我軍以賊不戰而潰必有狡計均屹立以待旋見山溝伏賊突出守備唐啟虞等首先衝敵參領巴彥都楞率馬隊繼之追殺七八里將太湖縣彌陀鎮附近賊壘木柵全行踏平斃賊千餘名我軍於十九日五更時直逼太湖之南陽河未及交鋒賊即潰走我軍奮力窮追賊四散奔

逃殲斃四五百名平壘三十餘座太湖之賊於

二十日下退石牌同日英山之賊亦退至黃栗

抄一帶現在李續賓已調派副將趙克彰等九

營先期馳赴英山探明太湖六安等處賊情相

機進剿李續賓自率大隊前往會合以便肅清

皖北節節掃蕩所有尤爲出力員弁先行開列

懇

聖皇聖曆卷之七

七

恩分別獎勵奏八

上諭內閣曰皖省太湖英霍之賊窺伺漸黃邊境並於彌陀鎮南陽河等處築壘抗拒同知丁銳義等帶領兵勇由桐山冲界牌等處分隊進擊將附近彌陀鎮之賊壘木柵全行踏平餘賊全數敗遁我軍直逼南陽河賊即奔潰平壘三十餘座太湖英山之賊均已退至石牌黃栗抄一帶楚境一律肅清勦辦甚爲得

手著官文等仍嚴飭帶兵將士分路追勦節節掃蕩
肅清皖北以靖逆氛在事尤為出力之同知丁銳義
著以運同儘先升用遊擊余際昌張嵩齡均著免補
遊擊以參將儘先補用並賞加副將銜都司朱恢三
唐文山均著免補都司以遊擊儘先補用並賞加參
將銜守備唐啟虞李德彥楊作霖夏全勝均著免補
守備以都司儘先補用唐啟虞李德彥夏全勝並賞
換花翎千總陳新泰曾鎮國均著免補千總以守備
儘先補用其餘出力員弁准其擇尤保奏

聖朝聖略卷百九十七

未

十二日丙辰福興奏言此次竄犯壽昌賊匪不過
二千餘人其中裹脅居多據探總兵李定太已
督率所部於二十八日進抵壽昌餘匪退竄上
方一帶屢據獲賊供稱此股實係江常竄匪衝
郡城外賊黨嘯聚如前臣即設法進攻於二十

七日親督隊伍從河灣一路而進漸偏漸近該
逆密排槍礮層疊轟擊遊擊馮日坤身中礮傷
臣以我軍專攻一面該逆必以全力抗拒徒傷
精銳遂收隊旋營再圖進剿二十九日復由北
岸整隊前行城中亦添派兵勇從東門出分攻
逆壘臣見攻勦正在喫緊即親督湖廣兵勇併
力環攻忽被槍子打入左脇仍裹傷督戰該逆
拚死相持賊營堅不可拔旋即收隊現臣在營
趕緊醫治一面照會饒廷選繆梓等督率在城
將士嚴密防守並飛飭李定太林保等俟壽境
肅清後即行馳赴衢防以資協勦奏入

聖朝聖略卷百九十七

未

上命軍機大臣傳諭福興晏端書周天受日前於四月
二十九日有旨諭知福興令其俟衢州解圍後即帶
所部兵二千五百名馳赴浦城一帶進勦閩省之賊

昨復寄諭該將軍令將所部兵勇卽交周天受會同
耆齡酌派得力將領統帶馳赴閩省援剿該將軍本
日奏報既未遵旨赴閩又復督戰受傷著卽起程回
京不必再留衢郡周天受接奉昨降諭旨應派何員
帶兵赴閩或聽耆齡酌派或就近與晏端書商派以
期迅速並著妥籌具奏壽昌賊匪已退竄上方李定
太帶兵素稱得力今福興所帶兵勇既派赴閩省恐

欽定剿平粵匪方略卷一百九十七

三

衢城兵力稍單著晏端書卽飭該總兵侯壽昌匪徒
勦除後酌量情形先其所急或馳赴衢州與饒廷選
等殲除城外賊壘再圖克復失陷各縣使賊蹤不至
續來則下游勦辦亦易得手晏端書周天受等當通
籌緩急分投勦辦毋致顧此失彼貽誤事機

欽定剿平粵匪方略卷一百九十八 戊午年

六月十三日 丁德興阿翁同書鞠殿華奏言五

月二十五日 臣鞠殿華由小店拔營與海全合

兵一處二十九日進逼全椒城南賊於城外築

壘五座環包東西南三面官兵甫到未齊突出

賊萬餘排列柵外繙擁迎敵 臣鞠殿華與海全

等兵分三路深入賊隊將東面賊壘三座踞平

欽定剿平粵匪方略卷一百九十八

一

殺賊八百餘名六月初三日 臣鞠殿華與海全

帶馬步兵勇直薄城下盡燬賊壘燃及城門 臣

鞠殿華從火光中率眾撲城適槍子從 臣鞠殿

華右頰穿過耳根左膀亦被槍傷力戰不敢少

卻時東門突出賊股約二三千人海全調回攻

城之眾併力迎衝賊望風卽奔乘勢壓下追殺

三百餘人城賊遂匿不出再前月二十六日富

明阿溫紹原等分路進偏滁城城內出賊二三千人迎拒被勦不及入城四野奔竄我軍追壓斬獲甚衆二十九日賊衆忽乘風雨糾約五六千人奔躍而來富明阿率帶馬隊馳入賊叢縱橫馳突賊隊自亂驚竄回奔自二十六至二十九等日共殺賊一千餘名落河淹斃者不計其數又九洲洲一帶阻水防範益當嚴密前月二

聖學聖方略卷之九十八

二十



十四日賊乘夜繞至上游之龍王廟圖襲前敵營盤趙樹棠劉琮分路齊出沿岸環攻賊即敗退是夜水師黃彬等分哨江而於西江口見有賊船揮令快艇兜圍夾擊奪獲賊船二隻賊匪落水甚衆生擒長髮老賊三名搜獲偽文偽印多件現擬乘江水平復進攻九洲洲賊巢已密飭陳國泰等各相上下游風色更番遞進接續

聞

分攻用期得手奏入報

德興阿又奏言安徽地方自福濟接辦軍務以來與鄭魁士意見不合惟聽信文員之言以致軍心離間若仍令福濟督辦恐致貽誤事機臣與翁同書共事兩載有餘凡商籌防勦一切無不和衷共濟其爲人詳慎敏捷頗得兵心惟有

聖學聖方略卷之九十八

二十



顯懇

天恩將翁同書派赴安徽廬州會同德安辦理實於軍務人有裨益如蒙

俞允擬派精銳兵一千名隨同翁同書前往臣速將九洲洲賊巢攻克仍往安徽會同翁同書悉心辦理奏八

上命軍機大臣傳諭德興阿鞠殿華翁同書曰福濟辦

理安徽軍務徒知株守日久無功已明降諭旨革去頭品頂戴太子少保銜令其來京另候簡用並授翁同書爲安徽巡撫督辦軍務矣翁同書接奉此旨卽酌帶官兵馳赴新任務須力圖整頓俾皖省軍務日有起色方爲不負委任此時金陵尙未克復江北之防不容稍懈若克復九洲後該大臣移營赴皖恐該逆乘虛北竄實於大局有關現在李續賓已由楚

欽定剿平粵匪方略卷之八

四

赴皖掃蕩皖北賊匪都興阿亦由宿太前來廬州一帶攻剿可期得力德興阿請帶兵前往安徽之處著毋庸議此次鞠殿華攻剿全椒身受重傷實屬奮勇可嘉著發去如意拔毒散四料交該總兵祇領

上諭內閣曰安徽巡撫福濟自克復廬州後不能振作日久無功以致賊勢蔓延實難辭咎著革去頭品頂戴並太子少保銜卽行來京另候簡用

上又諭內閣曰翁同書著補授安徽巡撫督辦軍務

同日晏端書奏言衢州北路之賊自竄壽昌後分股三四千人竄入蘭谿之界子嶺總兵李定太自遂安馳抵湯溪連營十餘里五月二十七日該逆沿河焚掠窺探虛實適署臬司段光清從嚴州雇備渡船馳至各兵勇連夜渡河掩其不備卽將沿路賊卡盡行燒燬進逼壽昌東門

欽定剿平粵匪方略卷之八

五

外七里亭二十八日李定太派遊擊萬泰等從白沙埠等處分道而進直抵賊巢逆衆四散潰奔我軍追出西路大同一帶沿途斬獲無數所有東南北各路賊壘一律蕩平當將壽昌縣城克復李定太遂令該縣知縣程炳謙安撫居民並飭王進修等駐紮防守卽由大同進發就近馳赴衢州會剿至衢州軍情自五月初七至十

五等日該逆連次撲城均被我軍擊退惟城圍三月未解該逆復分黨與蔓延處金嚴三府屬各路援師雖多無不為其牽掣必得速解衢城之圍攻取常山開化並以重兵嚴堵江山先斷賊援庶可分路進剿衢州鎮總兵饒廷選優柔玩愒不能振作深慮因循貽誤應請先行革職仍令帶罪留營以觀後效李定太統師直抵衢

聖朝集略卷之六十八

六

州亟應乘此聲威痛加勦洗臣不敢稍事拘泥業已咨明和春並與周天受會咨李定太接署衢州鎮篆以期激勵將士早解城圍奏入

上諭內閣曰壽昌逆匪竄入蘭谿之界子嶺總兵李定太自遂安馳抵湯溪進逼壽昌東門外七里亭分路夾擊斬獲無數各路賊壘一律蕩平當將縣城克復李定太現已就近馳赴衢州會剿著即乘此聲威痛

加勦洗迅解城圍衢州鎮總兵饒廷選所轄地方連失三城不能進圖規復實屬因循貽誤著即革職仍帶罪留營以觀後效

晏端書又奏言金華所屬武義之賊伏匿不出周天受飭都司榮陞率銳卒數十人直薄城下焚燬賊壘一座餘匪奔入城內現擬設法進攻惟東陽後路空虛深虞該逆旁竄周天受復迎

聖朝集略卷之六十八

七

提副將陳開選帶勇一千名馳往扼紮一俟周天培由壽昌回軍即當會督各隊急攻武義並襲永康以期廓清金屬進圖處州至溫處道俞樹風由青田進兵五月初一初三等日會同參將張清標等帶台閩各勇水陸夾攻屢獲勝仗其青田至溫州水陸並通之路王景澄已於湯溪等要口各築土牆安設礮位由遊擊孫豐煥

督率兵勇巡防又於石郭西溪等處各紮兵團
防守王景澄仍督同永嘉縣知縣高樑村在郡
城帶勇策應惟賊情叵測時萌窺伺官兵仍形
單薄臣復飛調衢防之台溫處各標官兵馳往
協助署處州鎮總兵福昇已於五月十八日酌
帶弁兵由龍泉繞道馳抵青田會籌防勦奏入
報

聖皇聖考卷二十八



十七日辛酉福興奏言臣前任衢郡接仗受傷連
日在營醫治據醫者云必須假以時日先將槍
子用藥拔出方可望痊伏念衢防軍務正當喫
緊而臣以槍傷未愈不克臨陣指揮實深焦灼
現在李定太督率所部已於本月初一日抵衢
得此勁旅兵力較厚臣部下兵勇雖止二千餘

人尙屬得力且各營管帶員弁皆在江南效力
有年與李定太尤多熟悉惟有顧懇

天恩俯念臣傷疾未痊給假一月俾得安心在營調理

臣所統兵勇卽請暫歸李定太督帶以資調遣

奏入

上命軍機大臣傳諭福興晏端書周天受曰前已有旨
諭令福興來京既據奏稱傷難速愈著不必拘定日

聖皇聖考卷二十八

九



期俟傷痕平復再行來京其所帶兵勇前諭周天受
會同耆齡或商同晏端書酌派得力將弁帶赴閩省
援應浦城等處茲據福興奏稱總兵李定太已抵衢
州卽將所部官軍暫歸統帶自必得力惟衢州兵勇
足敷攻勦而閩省匪勢颯張此項兵勇如業經晏端
書周天受等派赴福建仍著催令速進不得專顧衢
防致閩省無兵援救

十八日 壬戌 福興奏言衢州圍城逆匪自上月二

十七二十九兩日 臣親督兵勇兩次力戰賊膽

俱寒適值總兵李定太一軍行抵衢郡先在北

門外駐紮擬再由沙灣一路步步為營乘機進

勦詎該逆見我聲威愈盛賊計愈窮即於初五

日丑刻暗將營壘焚燬率眾宵遁 臣遙見火光

四起知賊已竄逃即派總兵李定太等分軍從

聖祖聖訓卷之九十八

十

東南兩路跟蹤追擊並令李定太趕緊探明大

股賊匪趨向督隊尾追務將逆眾殲除以杜四

竄奏八

上命軍機大臣傳諭晏端書周天受曰衢州賊匪宵遁

福興已令李定太等分從東南兩路跟蹤追擊現在

處州府城及縉雲等縣尚未克復儻令此股逆匪得

與會合則賊氛益熾勦辦愈難措手著晏端書周天

受即飭李定太等探明此股逆賊現竄何處迅速督

飭大隊實力追剿不得任其與處州等匪聯絡並須

嚴杜常山等處匪徒續行下竄以免蔓延至衢州雖

已解嚴仍應防匪縱回竄並著晏端書等飭令該地

方文武嚴密防守毋稍疏懈

二十日 甲子 晏端書奏言衢州城外賊營林立惟

東路最為堅固五月二十七日福興從沙灣進

聖祖聖訓卷之九十八

十一

兵衢城之師繼至其樟樹潭一軍亦派勇梟水

過河會勦燒燬賊卡二座二十九日各路兵勇

先後以草柴拋入賊濠繼以火器燒燬東南角

賊營一座陶茂森復由沙灣繞至白茅田鋪地

方燒燬賊館一所六月初一日我軍三面圍剿

西南路賊援屬至我軍竭力抵禦復斃賊六百

餘名李定太由壽昌統帶全隊行抵衢城軍威

大振該逆開掘地道均被我軍挖盡並有賊營
棚長李鴻發等赴衢州軍營投誠林福祥等令
其仍回賊營解散作為內應初四日二更時見
東南賊營火起我軍先以大隊攻其東路將賊
營十一座一律焚燬其西南各賊營尙復開礮
拒敵我軍合力進攻頃刻間火光燭天西南兩
路賊營俱成灰燼斬斃逆匪無算各路敗匪或

欽定剿平粵匪方略卷之八

三

竄江山或竄常山或竄往處州一路衢州郡城
業已解圍李定太已接署衢州鎮篆所有分兵
追勦事宜當與周天受妥商辦理以期廓清浙
境此次在事出力員弁兵勇著有微勞可否容
臣擇尤保奏正在繕摺間准周天受函稱武義
之賊周天培於初二日從壽昌回軍督隊進勦
連獲勝仗初七日夜間四面環攻至初八日子

時業已克復縣城現在移師進取永康等語並
堪仰慰

宸廑奏入

上諭內閣曰衢州圍城之賊經道員繆梓等約會進攻
福興從沙灣一路督兵進勦燒燬賊卡賊營斬斃逆
匪無算餘匪四散奔竄府城解圍其竄踞武義縣城
之賊據奏亦經周天培從壽昌督兵回勦將縣城克

欽定剿平粵匪方略卷之八

三

復勦辦尙為得手著晏端書周天受嚴飭各路鎮將
跟蹤追勦分投掃蕩將失陷各城次第克復毋令蔓
延在事出力員弁兵勇著有微勞准其擇尤保奏
晏端書又奏言常山之賊分股竄陷開化偏近
婺源三月二十五日賊由德興縣撲犯黃瓜尖
嶺等處連日被各路團勇截殺斬獲多名該逆
由橫路竄入羊嶺適樂平縣民團越境助勦會

同擊退遂由羊嶺至浮梁東埠街圖竄祁門初四日竄至興田代理祁門縣知縣林用光督勇迎擊斬獲多名餘匪由白茅港竄往建德此徽州官軍民團擊賊之情形也江西候選道李元度平江營之師於三月初十日接防玉山其時賊踞七都球該道兩次派兵擊退又因衢州之圍未解令左營營官童梅華等進紮關口等處

聖朝軍略卷之九十八



十九日常山之賊傾城來犯代理常山縣知縣李鵬揚與童梅華等合力堵擊該逆以四千人圍住左營我軍用劈山礮轟斃四五十賊連戰十餘次將前隊悍賊二百餘人勦殺殆盡追過白石街二十里沿途斬殺百餘名此玉山官軍擊賊之情形也奏入報

二十二日丙寅李孟羣奏言麻城竄賊由楚豫敗回後復肆猖獗知府袁懷忠督勇於五月十二十三等日邀擊於茅坪流波礮一帶該匪連夜竄逃折往霍山漫水河一帶分踞山險乘隙窺伺查逆首偽承天豫卽四眼狗夙稱狡悍茲盤踞霍境亟應先事勦除五月十三日臣分派兵勇馳往霍山邀擊該逆在漫水河一帶修築土城以圖固守知縣王自輅等於二十三十四等日帶隊分路進勦將賊擊敗該逆連夜退竄潛太交界地方維時臣復調袁懷忠由六安前往助勦並諭令賊如敗退卽由霍山折往舒城西路合力攻城適有營總訥依琿阿管帶馬隊二百名自楚豫追勦至流波礮因賊匪南竄仍擬折回楚境臣處步軍勦賊正須馬隊相輔而行因

聖朝軍略卷之九十八



卽就便截留頃探得四眼狗一股復糾集潛太
賊匪數千人分路竄來均離縣城六七十里王
自籍勇力太單臣當令誦依琫阿會合袁懷忠
馳往援剿又舒城賊首朱鳳魁擁衆五六千人
城外有賊營四座沿河一帶均設賊卡攔截我
兵二十九日副將盧又熊率領弁勇由白洋鋪
渡河進剿分三路抄擊殺賊七十餘名六月初

欽定剿平粵匪方略

卷一百一十八

三日乘勝移營離城五里之三門墩該逆復出
城撲營都司徐邦道等一齊衝殺斃賊三百餘
名餘匪敗竄入城我軍連夜將營盤修固以便
進攻茲於初三日接奉

諭旨飭臣速赴清淮自當由此路進兵惟南路霍潛一
帶賊蹤出沒無常現已約集馬步赴霍合剿而
分攻舒城之兵又已臨城下連接數仗仍須接

替有人庶免賊匪跟蹤而進及窺犯六安以爲
廬州正陽後路之患臣將川餉發給各營後卽
當輕騎赴廬稟請撫臣調度奏入

上命軍機大臣傳諭勝保翁同書李孟羣曰該藩司現
在分攻霍山舒城意在肅清南路翁同書已補授安
徽巡撫南北兩路均宜統籌兼顧著與勝保悉心商
酌如懷鳳緊要仍傳諭該藩司馳往協剿歸勝保節

欽定剿平粵匪方略

卷一百一十八

制其霍山舒城之賊亦須派員接辦毋令該匪窺伺
六安爲廬州正陽後路之患

李孟羣又奏言營總誦依琫阿所帶馬隊係自
湖北越境追剿經臣咨令會同臣軍進攻舒霍
據該營總兩稱若未奉湖北檄文仍須帶隊由
張家塆回楚查湖北馬步官軍均已奉

旨東征原當分路並進以蹙賊勢該馬隊現已行抵臣

營未便再行折回相應請

旨飭下湖北督撫江甯將軍卽派該營總協同進剿奏

八

上命軍機大臣傳諭官文都興阿胡林翼曰營總請依

稔阿所帶馬隊自湖北越境進剿已抵李孟羣軍營

現在邊境肅清東征之師業已分路並進著官文都

興阿胡林翼飭令該營總帶隊協同該藩司進剿毋

庸由張家塆折回庶馬步相輔而行勦辦較為得力

二十三日 卯 王懿德慶端奏言江右逆匪闖入

閩境疊陷城池署延建邵道趙印川駐守建陽

縣麻沙一帶五月十八日該逆糾合土匪分路

攻撲麻沙因賊眾兵單官軍挫潰趙印川力戰

陣亡革員張從龍等進勦浦城政和各路之師

均未得手傷亡員弁甚多刻下建陽危在

旦夕設有疏虞則建甯郡城寇氛愈偏堵勦倍

形棘手所有遊擊趙方等各軍業經飛飭駐紮

建陽固守縣城續調福甯兵二百名扼守石屯

助防以杜浦城政和逆匪分股下竄之路並飛

催護理建甯鎮總兵林向榮速統勁兵星夜馳

赴建甯會同臬司保泰妥籌調度一面另調各

營精兵派員管帶剋日馳赴建邵一帶由保泰

酌量緩急會籌調遣惟建陽浦城政和各軍新

遭挫失驟難得力現調師旅一時緩難濟急惟

有仰懇

天恩飭江西撫 臣 耆齡速檄卽選道張運蘭蕭啟江所

統老湘營得勝之師就近來閩以維大局奏入

上命軍機大臣傳諭王懿德慶端曰前據該督等奏福

建軍情緊急請飭張運蘭蕭啟江各軍赴援當因張

建軍情緊急請飭張運蘭蕭啟江各軍赴援當因張



運蘭等已調往浙江諭令福興將所帶兵勇二千五百名交着齡會同周天受酌派得力將領帶赴浦城等處協同攻剿現在浦城政和各路尙未克復趙印川復因堵禦麻沙逆匪力戰陣亡不特建陽危急卽建甯府城亦甚喫緊而浙省衢城解圍本日復據何桂清奏探聞常山開化江山等縣均已克復則浙省情形稍鬆自應分兵策應閩省福興所留兵勇是否

欽定剿平粵匪方略卷之六

三

已赴閩境著王懿德等飛咨晏端書周天受等務卽催提迅往浦城等處與閩兵兩路夾擊如果衢防不必多兵李定太所帶兵勇亦可酌撥前往閩境協同攻剿趙印川帶兵素稱得力遽因軍挫陣亡殊堪憫惻著將被害情形查明請卹王懿德現因患病賞假兩箇月調理惟軍情正當緊急所有調度機宜仍著慶端與該督隨時商辦以期早靖賊氛

上又命軍機大臣傳諭晏端書着齡周天受曰本日據

王懿德等奏趙印川在麻沙力戰陣亡建陽危急建甯府賊氛逼近等語閩省將寡兵單且與浙江江西接壤江西撫建各屬漸就肅清其敗竄之賊勢必闖入閩境現據何桂清奏探聞江山常山開化三縣先後克復周天培一軍復攻克武義永康二縣金華紹興解嚴是浙江軍情已鬆所有福興兵勇著晏端書

欽定剿平粵匪方略卷之六

三

着齡周天受等迅卽派員統帶赴閩毋再延緩李定太一軍疊經克捷衢州與浦城相距甚近能令該總兵由江山移剿浦城與閩兵夾擊當可得力著晏端書周天受就近妥籌調撥此外江西各軍如可酌調並著着齡察看情形毋分畛域調往協剿

同日何桂清奏言浙東軍務自李定太克復壽昌後卽進紮衢州甫三日而城圍已解江山常

閩

山開化三縣亦先後收復又據周天受稟督飭周天培於六月初八日克復武義永康二縣現在乘勝進攻縉雲宣平數日之間三衢肅清金華紹興各府亦已解嚴浙東既有轉機東南全局當可無虞奏入報

二十四日 戊辰 著閩浙總督福建巡撫慶端奏言

聖皇萬壽萬歲

三

江右大股賊匪現已悉竄入閩順昌一帶土匪復與勾結延建邵徧地逆蹤蔓延日甚 臣自應親注督師以作士氣現添調漳州兵五百名交遊擊張拔高管帶水師提標兵三百名交守備彭奮超管帶興化營兵二百名交守備陳青管帶雲霄營兵二百名另募雲霄壯勇四百名交把總翁大英等管帶又添募泉州壯勇六百名

交勇首莊廷永管帶並調省標兵四百名交遊擊吳忠貴管帶聽候 臣定期親自帶赴延平駐紮調度一面飛催江西撫 臣速飭卽選道張運蘭蕭啟江兩軍星夜由崇安一帶入閩會剿慶端又奏言據建甯縣知縣趙圻稟稱五月初九日密飭典史徐遂安親赴東鄉會同練首及千總杜鵬飛等管帶兵勇合力進攻該逆見我

聖皇萬壽萬歲

三

軍勢盛皆在城外紮營將城內衙署倉庫廟宇民房盡行燒燬趙圻知賊有竄志商同在事文武率眾力攻燒燬賊寨十餘座該逆自相踐踏向東路溪口地方奔逃我軍乘勢追擊殺賊千餘名遂將建甯縣城克復現飭統領上游軍務臬司保泰嚴督該營縣搜捕餘匪並將善後撫輯各事宜妥為籌辦奏入均報

1. 2. 3. 4. 5. 6. 7. 8. 9. 10. 11. 12. 13. 14. 15. 16. 17. 18. 19. 20. 21. 22. 23. 24. 25. 26. 27. 28. 29. 30. 31. 32. 33. 34. 35. 36. 37. 38. 39. 40. 41. 42. 43. 44. 45. 46. 47. 48. 49. 50. 51. 52. 53. 54. 55. 56. 57. 58. 59. 60. 61. 62. 63. 64. 65. 66. 67. 68. 69. 70. 71. 72. 73. 74. 75. 76. 77. 78. 79. 80. 81. 82. 83. 84. 85. 86. 87. 88. 89. 90. 91. 92. 93. 94. 95. 96. 97. 98. 99. 100.

二十五日已張芾奏言浙省軍務數月以來統歸總兵周天受調度屢失事機已革遊擊楊國正縱兵殃民釀成巨禍周天受兵勇又到處滋擾民心日離兵心日懈致賊橫行肆竄種種貽誤請為我

皇上陳之賊之始犯江山縣也楊國正屢次潰退所部

欽定剿平粵匪方略卷二十八

五

衛勇入城搶掠當舖姦掠婦女與團丁互鬪多斃良民賊遂乘機而入楊國正遁回衢城追賊陷常山圍衢州而思內竄也周天受紮營樟樹潭三次擊賊獲勝不為無功乃周天受驟勝而驕全旺草窳嶺為下游要道僅派三百人扼守三月二十日賊由山僻竄越倉猝間周天受率兵尾追師經湯溪有強占民房殺民燒屋等事

其親軍小隊繞道蘭谿肆擾鋪戶激變民團被傷弁勇數人周天受輒欲派隊往勦而賊已自靈山進陷遂昌直逼處州矣處州之失守也周天受在金華閱三日尚未得知其取道宣平進兵也行五六日始抵餘嶺四月初七日出隊遇賊驟退又以明安泰亂次之師守桃花嶺至險之路一聞警信同時潰奔陣亡員弁數人兵勇

欽定剿平粵匪方略卷二十八

五

數百遺失軍火器械無算退守金華縱掠如故自是縉雲永康武義宣平相繼不守金華甚危今已兩月調集各處勁旅數千進攻武義永康兩小邑任意遷延精銳愈衰驕矜愈甚五月十三日金華鄉團以兵勇搶奪耕牛台詞赴懇周天受遽飭親軍隔槍致斃五十餘人復閉城捕殺三十餘人幸地方紳士調停排解而周天受

指為奸民通賊尙欲究辦公論譁然兵民交惡
在在可危且周天受職司總統於庸懦失機之
將弁未聞糾系轉以楊國正心跡可原擬請保
留錄用倒行逆施殊不足膺此重任至周天受
由臣保舉此次調派援浙辦理不善理合自行
檢舉請

旨將臣交部議處奏入

聖旨奉 旨

奉

旨

上命軍機大臣傳諭和春何桂清曰總兵周天受經朕
特加提督銜總統浙江軍務應如何力圖報稱若如
張芾所稱該總兵自樟樹潭三次獲勝遽行驕恣種
種貽誤並縱容兵丁搶掠於庸懦失機之已革遊擊
楊國正未能參辦實屬大負委任該總兵於全旺等
處如何疏於堵剿以致賊蹤蔓延處州縉雲其進攻
武義永康如何遷延何以指金華鄉團為通賊遽行

捕殺至數十名之多何以兵勇到處殺掠毫無聞見
其於楊國正是否有心袒護均著和春何桂清確切
查明嚴行參辦

上諭內閣曰前因晏端書奏浙江軍務總統需員當降

旨將周天受賞加提督銜督辦浙江防剿事宜茲據
張芾奏稱周天受調度乖方縱兵騷擾在湯溪蘭谿
等處沿途焚掠並有擅殺鄉團指為通賊情事似此

聖旨奉 旨

奉

旨

漫無紀律本應從嚴懲辦姑念武義永康次第收復
該員尙有微勞著從寬先行革去提督銜毋庸總統
浙江軍務仍責令帶兵勦賊以觀後效張芾曾經奏
保周天受赴浙援剿並著交部議處現在金衢嚴各
屬失陷地方均已先後克復儘有不肖兵勇於賊去
之後藉端搜括財物甚至焚燬城市村莊帶兵將弁
不能約束者一經參奏朕必按律嚴懲決不寬貸將

此通諭知之

同日晏端書奏言武義軍情經周天受飭令都司榮陞移營進紮後總兵周天培亦自壽昌移師督勦六月初六日我軍紮出青龍山該逆擁眾圍撲周天培等分路抄擊槍斃黃衣馬賊數名賊勢稍卻我軍乘勝將東北賊卡一律焚燬周天培卽於初七日親督諸軍移營進逼城根

欽定剿平粵匪方略卷之八

天

是夜二更時先攻東北兩門噴筒火箭拋射入城北門城樓火發馬承恩等首先登城連砍守城悍賊數名一擁而上逆眾突開東門向永康大路竄去初八日子時克復武義縣城各營繳驗長髮首級三百二十餘顆生擒二百四十三名正法救出難民二千餘人永康賊匪經和春派令副將陳開選一軍到浙臣卽咨會周天受

飭赴永康會勦六月初八日遊擊吳再升等進

攻西路連焚賊壘三座惟時周天培派令榮陞等自武義馳往助勦聲威益壯該逆四散狂奔吳再升等追出縣南二十餘里勦斃無算餘孽竄往縉雲大路而去永康縣城於初八日午時克復至衢州解圍後李定太等飭知縣丁峻等帶領各軍進攻常山副將陶茂森等帶領各軍

欽定剿平粵匪方略卷之八

天

進攻江山候選道李元度亦由屏風關進兵會攻六月初四日李元度勦賊於曹會關常山之賊驚惶夜遁初五日黎明李元度派同知彭斯峯等分帶兵勇直抵縣城截住後隊之賊勦斃多名卽將常山縣城收復江山餘孽聞風膽落於初六日盡竄浦城處州大路而去陶茂森等旋卽收復江山縣城總兵秦如虎自壽昌回防

遂安督令已革遊擊夏寶慶等各帶隊伍進攻
 開化城內之賊及華埠匪先已聞風潛竄與
 常山之賊均向浦城逃逸夏寶慶等跟蹤搜剿
 餘賊並將華埠賊壘踏毀當即收復開化縣城
 李定太等接據各路文報即令衢州府知府訥
 勒恆額前赴江常開三縣辦理安撫事宜一面
 札飭已革守備翟先仲等帶隊馳赴湯溪以杜
 下竄督防龍游之副將朱承先等移營進紮靈
 山以防回竄仍酌派兵勇屯駐郡城江山之間
 以爲各路策應俟布置已定即從遂昌松陽進
 兵會攻處州奏入

上諭內閣曰逆匪竄踞浙江武義等縣經周天受調派
 各軍分投剿辦數日之內連復五城辦理尙爲妥速
 所有在事出力員弁兵勇著晏端書擇尤酌保

晏端書又奏言節次擊獲奸細據供該逆不能
 逞志於金衢嚴處必竄至溫郡勾通海洋盜艇
 分竄各省沿海口岸等語現在官兵進剿處州
 儻該逆被剿窮蹙直竄溫州則將滅之寇勢恐
 復熾臣已飛咨周天受迅派勁旅二千遴員管
 帶由台州馳赴溫州會同該鎮道等實力防剿
 以杜下竄一面與李定太會師夾攻務將處州
 全境之賊悉數殲除奏入報

聞

同日

上諭內閣曰浙江衢州鎮總兵李定太著幫辦和春軍
 務所有浙江剿匪事宜均歸總統

二十七日 辛 曾國藩奏言 臣前奉

諭旨令 臣馳驛前往浙江辦理軍務伏念浙江完富之

區關繫東南大局賊勢方張亟應迅籌援剿遵
卽於初七日自家起程十二日抵長沙與撫臣
駱秉章會商一面飛飭蕭啟江張運蘭王開化
等由撫建拔營進駐鉛山縣之河口鎮臣擬由
水路至九江登陸進抵河口大營卽督率星馳
赴浙奏入

上諭曰汝此次奉命卽行足徵關心大局忠勇可尙俟

欽定剿平粵匪方略卷一百零八

三

抵營後迅將如何布置進剿機宜由驛馳奏

同日和春奏言查南門雨花臺爲城中賊匪出
入要路屢次衝撲皆從此分股而來張國樑因
移大礮數尊於臺之左右各營不時轟擊遙見
臺中屋瓦皆飛該逆屯紮不住現已避至臺後
兩面添築高牆直達南門城根鼠伏不出其東
北各門之賊亦皆藏匿惟西北隅三山一帶濱

臨大江爲水上接濟必由之路自上下兩關以
迄七里壽德等洲尙有逆營數處互相應援來
往賊船無不取道於此五月二十九日水師遊
擊賴鎮海見壽德洲竄出賊船數隻窺我水營
另有數船駛赴北岸探尋路徑意在乘虛外竄
當卽飭令三板各船協力兜擊水勇由北岸溯
流合剿斃賊數十名餘悉遁回下關六月初八

欽定剿平粵匪方略卷一百零八

三

日探報上游賊黨裝載米糧油鹽等物接濟金
陵當飭舟師分投迎截是夜三鼓見大號逆船
數隻順流下竄都司盧起升等督駕長龍快蟹
船前後包抄殺賊百餘名奪獲旗械米石雜物
甚多其七里洲一帶賊船每乘風雨月黑之夜
潛蹤外竄均卽隨時擊退近處接濟現又漸次
肅清矣惟沿江賊壘自蕪湖太平直達繁昌銅

陵以上南北兩岸分屯密布遙為金陵聲援洪
 逆被圍情急屢以血書求援而上游逆黨又緣
 官兵恢復九江紛紛下竄其屯聚之處大率以
 蕪湖繁昌為巢穴而分踞奎潭石皖峨橋等處
 往來撲擾飄忽靡常五月十二日李德麟挑選
 奮勇隊伍分路登岸潛赴賊營左右埋伏親督
 師船夤夜駛近神塘開礮轟擊該逆錯愕自相
 踐踏殲殪六七百名餘皆回竄當將賊壘二座
 踏毀其南岸繁昌石皖股匪竄踞峨橋五月十
 五十九等日糾合醜類撲犯水營遊擊李起高
 郭定猷等整列排槍連環遞進將賊隊橫衝數
 段賊始驚竄逐北二十餘里二十二日郭定猷
 等會檣峨橋逆壘奎潭石皖等處各出悍賊數
 千並有賊船四十餘隻圍撲艇船以圖牽掣我



軍水陸追剿往還數次擊沈賊划四隻砍取首
 級百餘顆援匪各鳥獸散二十四日鶴山峨橋
 各路悍匪數千直撲龜港水營我軍設伏馬步
 橋俟賊隊偪近伏兵齊起槍礮環轟該逆踉蹌
 奔潰追殺十餘里殲匪二百餘名六月初二日
 吳全美督飭舟師會同李德麟所部由魯港規
 取峨橋分兩翼並進轟擊逾時以逆壘高堅未
 能猝拔探聞石皖股匪製造礮划火箴意圖大
 逞當檄皖南道鄧瀛就近派兵助剿仍飭該鎮
 等協力巡防廓清江面
 和春又奏言安徽壽春鎮總兵鄭魁士前奉
 諭旨由廬州前赴江南軍營助剿茲該總兵帶同遊擊
 朱景山等並隨營文武數員親軍百餘名於六
 月初一日到營查江南軍營鎮將調赴浙江不



少現在圍勦正值喫緊而地方遼闊茶管之處均極險要必須得力大員督率防勦方能周密該總兵勇敢善戰所有紫金山一帶官軍應責令統帶以期得力奏入均報

二十八日壬申晏端書奏言金華府屬自永康武義二縣收復後永康餘匪竄併縉雲武義餘匪

欽定剿平粵匪方略卷一百九十八

奏

竄併宣平周天受當飭副將陳開選從縉雲進勦總兵周天培從宣平進勦陳開選移師行抵縉雲該逆迎拒於十餘里外勢甚鴟張陳開選以馬隊分投衝擊該逆紛紛奔潰我軍乘勝追勦擒斬及滾巖落澗死者不可數計當於六月初九日將縉雲縣城收復周天培督同遊擊馬承恩等從武義跟蹤追勦而宣平賊援屬至周

聞

天培親督諸軍分路包抄焚燬各路賊卡該逆從東路拼死竄出殲斃無算餘匪盡向處州遁去六月初十日克復宣平縣城現周天培已由宣平往攻松陽陳開選已出紫桃花嶺即擬兩路進兵合攻處州並飛咨周天受先撥得力將領統帶勁旅二三千由開道馳赴青田兩面夾攻李定太一俟衝防布置完密即從遂昌松陽進勦直抵處州以冀速除餘孽出力員弁兵勇可否彙請獎敘奏入

欽定剿平粵匪方略卷一百九十八

奏

上諭內閣曰浙江永康武義餘匪分竄縉雲宣平副將陳開選等分路進勦被陷各縣次第攻克著李定太督率將弁進攻處州等處迅圖克復毋稍遲延此次出力員弁兵勇准其彙案請獎

欽定勦平粵匪方略卷一百九十九 戊午年

七月初二日 亥 乙 德興阿奏言翁同書蒙

恩補授安徽巡撫殺賊救民仍是同辦一事嗣後遇有

咨商總期軍務有裨至九洲洲一帶江湖未滅

賊乘小船出沒經上下游水師及浦營前敵防

堵綦嚴賊勢漸亦因蹙探聞和州之賊日益滋

多窺伺烏江幸有石磧橋高旺重兵防守西路

尚有把握惟金陵攻圍緊急該逆圖竄之心日

迫一日沿江數百里港汊通連 臣謹當隨時審

慎國防以固大局奏八報

同日耆齡奏言吉安踞賊經參將遮克敦布督

隊往攻白鷺洲賊出拒我軍排礮轟擊焚燒賊

划七隻額標外委賴有榮中槍殞命賊架木籬

數架飛划數十隻衝撲河街及天華山右長濠

同知曾國荃等各率三板繞濠轟擊蕭孚泗等

帶領陸隊夾攻直隸州知州俞昌會亦派蓮新

聖皇軍方略卷一百九十九

一

聖皇軍方略卷一百九十九

二

營練勇截擊該逆猛撲數次經周惠堂等開礮

擊斃木籬划船之賊甚多陸軍亦施放擡槍劈

山礮鏖戰逾時賊不能敵復有另股城逆千餘

人衝出曾國荃率隊邀擊追斬十餘人四月初

五日賊眾萬餘人攜帶雲梯草包等物分撲西

南長濠其撲吉營濠牆者蛇行奮進守濠之勇

俟其搭梯渡濠羣以輒石火彈擊之傷斃不少

賊乃引退而排列山岡之賊復大隊併進搖取

木椿曾國荃以槍礮火器轟擊守備陶藻亦撥

隊堵禦斃賊甚多其撲蓮新營濠界者悍賊十

餘人各挾火彈梟水過濠焚燒牆內更棚都司

倪長誥等督勇堵禦周惠堂等三板及陶藻分隊幫同夾擊賊乃敗退其撲和字營者經卽選道趙煥聯督飭弁勇俟賊偏濠齊開槍礮賊卽應聲而倒餘遁入城逾時賊復傾巢而出先撲吉字營繼撲和字營亦被各營擊退初九日上游商民木簞二架被水衝至白鷺洲城賊千餘擁出爭奪悍賊百餘人躍登簞上吉字長字定

欽定剿平粵匪方略卷百九十九

三

湘等營戰船及遮克敦布礮船駛往洲邊救護城內復出股匪各營礮船轟擊賊千餘簞上之賊均落水淹斃當將木簞奪回並獲賊船三十隻擊沈十二隻生擒賊匪七名十一日賊出數百人散布西南田隴被吉字營追斬十餘人遮克敦布派勇乘小船渡河鑿沈賊船三隻十一日復派隊於水東緊對白鷺洲小南門堅築

土城礮臺數座賊出大股槍礮雨注以撓我軍遮克敦布派礮船駛近洲邊連開大礮斃賊數十人賊乃敗退當將礮臺築成會國荃遮克敦布將天華山大礮移至水東礮臺施放擊斃城邊及白鷺洲之賊無數城上更棚城內房屋亦多轟坍十四日直隸州知州劉騰鶴督率湘後等營修挖長濠賊衆數千人由西北兩門來撲

欽定剿平粵匪方略卷百九十九

四

劉騰鶴俟賊緣上山坡始飭勇開壁突出以數十火彈齊擊賊負傷駭潰我軍乘之斃賊數百人十六日夜悍賊千餘攜帶藤牌灰包雲梯直犯天華山長濠長安嶺後仍伏有逆匪接應吉字營營官彭椿年等督兵靜俟該逆拔去梅椿竹籤撲入內濠我軍輒石火器齊發前隊之賊稍卻後隊猶復猛進相持經時蕭孚泗等派隊

適到槍礮轟擊該逆并死屢衝直至黎明賊屍
 山積餘匪飛奔入城其犯蓮新營者亦被該營
 擊退二十日賊眾復犯天華山長濠仍為官軍
 擊敗二十二日夜城賊數千人兩次猛撲官軍
 長濠經趙煥聯督勇擊退殲斃千餘二十四日
 又經總兵普承堯派朱祖貴帶寶勇百名踰濠
 誘戰大股逆匪出城來撲我軍佯退賊追過螺
 岡橋朱祖貴率勇回擊會得勝率大隊繼進劉
 騰鶴亦派勇夾攻殺賊無算餘匪敗遁是日該
 逆分股出犯南路長濠亦為蓮新各營所敗二
 十五日北門及石壘之賊來犯寶營濠界普承
 堯督勇踰濠迎擊賊即敗退我軍甫經收隊賊
 復來追劉騰鶴令後右營出卡橫截勁兵後營
 繼之力戰逾時賊乃潰走殲斃五六千人二十

聖朝聖考百九十九

三

聖朝聖考百九十九

木

九日城賊三四千由河街直撲蓮新營文電輝
 等相繼出戰賊俱敗走寇克敦布率領水陸兵
 勇渡河助擊土壘逆匪出拒我軍齊施槍礮轟
 斃先鋒悍賊多人五月初二日各陸營齊出大
 隊圍攻東西北三門各水師環攻南門賊亦分
 路拒敵鏖戰兩時斃賊千餘軍功戴榮華中敵
 陣亡餘匪敗伏城壘堅匿不出次日水陸各營
 會攻如前殲賊尤夥初五日遮克敦布選派勁
 勇假以划戲龍舟為名突近白鷺洲一擁而上
 立將賊築土城拆毀擊斃悍賊二百餘名焚夾
 河賊划兩隻奏入

上諭內閣曰吉安逆匪被圍已極窮蹙著即乘勝進攻
 速拔堅城盡殲醜類外委賴有榮軍功戴榮華臨陣
 捐軀均堪憫惻著交部議卹

者齡又奏言粵都縣餘匪於三月初三日分股
一由銀坑竄入賴村一由龍頸壩竄至韓信峽
圖擾會昌縣經該縣知縣劉松屏等督勇駐隘
堵禦逆匪卽由石碇竄入瑞金縣萬田地方其
分犯安遠邊界者經知縣張仁法督勇截擊斃
斃五十餘人餘亦逃歸萬田大股初六日賴村
之賊擾及興國縣邊境經該縣潘安國等調勇

欽定剿平粵匪方略卷之九

七

擊退殺賊七十餘人餘俱遁往甯都州黃陂地
方爲參將會昭麒及小佈地方鄉團擊敗遂竄
廣昌而去沿途截殺甚多其萬田股匪經知縣
黃曾慰兩次進剿獲勝該逆竄至黃柏地方鄉
團合力擊走該逆進窺縣城經黃曾慰設伏擊
敗竄往石城縣之坪山地方知縣張鎔分路進
攻殲賊三百餘人敗匪竄至甯都州固村會昭

麒帶勇迎擊該逆遂望廣昌驛前遁去四月初
三日該逆由僻路復擾石城縣小松地方又經
張鎔撥勇迎擊殺賊四百五十餘人餘匪由廣
昌四散奔逃現在悉竄福建境內瑞金石城二
縣均與閩省連界已飭各該縣督認真嚴防以
杜回竄

欽定剿平粵匪方略卷之九

八

者齡又奏言九江鎮總兵李定太原帶援浙兵
勇四千六百餘名又抽調駐紮玉山之長左仁
右兆字新老衡勇五營計二千五百名共七千
餘名繞道徽州之婺源縣前進行至浙江遂安
縣探聞壽昌被陷嚴州喫緊馳至嚴郡所轄之
洋溪與署臬司段光清會勦五月二十七日逆
匪擾及對岸沿河村莊窺探我軍虛實適段光
清雇船數十號至營李定太卽派勇乘夜渡河

掩殺斬首十餘級賊卡更棚概行焚燬二十八日李定太等分三路進攻壽昌並知會段光清派勇夾擊賊亦分股拒戰我軍數路並進匪眾敗潰各營追逐該逆拚死回撲萬泰等奮勇力擊賊復大敗狂奔追斬無數當即收復壽昌派勇駐守縣城江西援兵由大同一帶跟蹤追剿奏入均報

聖朝聖略卷一百九

九

同日

上命軍機大臣傳諭晏端書李定太曰前因浙江江山等縣已先後克復福建賊氛日熾諭令晏端書周天受等迅即派員將福興所有兵勇帶赴閩省援剿現已改派李定太總統浙江諸軍如福興原帶兵勇尙未赴閩著晏端書會同李定太即派得力大員統帶

前往毋再延緩李定太既膺總統之任自應分投策應不當株守衢州饒廷選雖因失事革職究係久歷行陣堪以留防衢城毋稍疏懈

初四日丁丑署閩浙總督福建巡撫慶端護理福建

建巡撫布政使瑞璜奏言江右大股逆匪闖入

閩疆竄陷建甯府屬之浦城松溪政和建陽並

邵光郡縣賊勢極爲鴟張而延屬將樂順昌沙

聖朝聖略卷一百九

十

縣等處土匪復與勾結滋蔓其汀州府屬之武平等處亦有外匪窺伺肆擾雖經調撥勁旅分路堵剿第多屢挫之師既難望其得力且兵數有限而賊匪眾多苟非鄰省生力之軍來閩援剿勢難遏此兇鋒迅圖恢復伏查湖北省軍務業已告蕪其統兵將領參將石清吉遊擊張萬祿守備田聯升及其所統勁旅均係驍勇善戰

久懸戎行現在閩省情形待接孔殷請

飭下湖北督撫臣克日派調各該員兼程馳援並於所統勁旅內酌撥精銳數千隨帶來閩會同兜剿奏入

上命軍機大臣傳諭官文胡林翼曰福建省頻年用兵已成積疲之勢慶端指調之參將石清吉遊擊張萬祿守備田聯升及其所部兵勇是否現在湖北著官

欽定剿平粵匪方略卷十九

十一

文胡林翼查明該員等如帶兵要地不克分身即毋庸議儘可抽撥即飭該員等各帶勁旅迅速赴閩交慶端調度毋稍遲延

慶端又奏言江右大股賊匪竄入閩疆由莒口乘鐔登船水陸齊攻建陽縣城於五月二十七日失守文武官員不知下落駐紮大幹之參將黃挺秀陷賊陣亡查建陽爲建郡門戶該縣既

已失守勢必直薄郡城且建陽浦城松溪政和

四路逆匪各占一城總兵林向榮雖已抵建所帶兵勇無多而約計陽浦松政四縣粵逆土寇不下二三萬人况大幹失陷順昌迫近賊氛延平尤關緊要臣前調之雲霄漳州水師提標各兵尙未到齊上游岌岌堪危救援實難稍緩惟有先將省標兵四百名泉州勇三百名親自統

欽定剿平粵匪方略卷十九

十一

帶於六月初十日由省起程馳赴延平府城駐紮嚴督各路官軍相機剿辦

同日晏端書奏言各路悍賊盡竄處州其大股復麪聚於松陽周天受飭令周天培等由宣平馳赴松陽相機進剿並令陳開選等由縉雲進攻處州六月十三日陳開選等禦賊於桃花嶺當經擊退即由荆坑出嶺步步移營進紮直逼

郡城周天受復飛調已革守備瞿先仲等軍移

紮永康以備後路策應一而知照溫處道俞樹

風總兵葉炳忠福昇從海口督隊進攻並擬抽

派吳再升一軍由問道馳赴青田助勦陳開選

等派令敢死之士數十人裝作鄉民潛入城中

縱火十五日夜半遙見城中火起立即分隊而

進該鎮道督率兵勇亦由石帆前來會合夾擊

斬獲甚多逆眾自相踐踏亂竄山城奔往松陽

一路當於十六日收復郡城周天受現已馳赴

宣平督隊追勦所有松陽雲和各路賊蹤當不

難一律蕩除進兵赴閩會勦臣飛咨李定太於

江山遂昌各路一體嚴防回竄並飭該管鎮道

駐紮郡城速將防守安撫事宜妥籌辦理均奏

八

上命軍機大臣傳諭慶端曰建陽縣城失守建甯危急

該署督既經親往延平督勦自當速籌進取先杜其

分竄之路方能力固藩籬現在浙江處州已報克復

前調福興所帶現在衢州之官兵二千五百名飭令

赴援閩省業經晏端書飭令先回玉山本日已諭知

者齡與李定太就近商派得力將弁統帶赴閩儘能

由浦城一路轉戰而前即可與閩兵前後夾擊該署

督所帶兵勇無多前調之漳州雲霄等兵即著飛催

務當嚴明賞罰統帶得人不可任其延玩所請調湖

北官兵並參將石清吉等已有旨諭令官文胡林翼

酌量派撥至請保鄉團出力人員已明降諭旨准其

隨時奏保該署督卽行出示曉諭俾人思自奮可收

眾志成城之效建陽縣文武下落並著查明具奏

上又命軍機大臣傳諭晏端書者齡李定太曰浙江處

州府城已復而松陽雲和等處尙未肅清江山遂昌
各路須防回竄且恐其竄入溫郡與閩省賊匪通連
尤屬難於收拾晏端書惟當會同李定太嚴飭各軍
分路截勦肅清浙境不可專顧一處致令再有延蔓
至福興所帶兵在衢州者尙有二千五百名屢諭晏
端書等派員管帶赴閩援勦現在建陽又陷建郡危
急著者齡迅卽查明福興原帶兵勇如果尙未赴閩
卽派得力大員統帶前往毋再延緩

上諭內閣曰官軍克復處州府城勦辦尙爲得手著晏
端書李定太嚴飭在事將弁將逃竄各匪分路掃蕩
務令浙境一律肅清毋稍延緩

慶端又奏言閩省軍興以來各紳民設局團練
助官殺賊業已著有成效如上年建甯府城被
匪圍攻三十餘日全賴團勇協同守禦城池得

以無恙泉州府城兩次被匪攻撲城內男婦老
幼登城助戰紳商士庶費粥餉師以故立解城
圍地方鞏固此外省垣及各屬亦多賴團練之
力保衛閩閩所有出力人等雖經查明奏請

恩施第其中遺漏未獎者恐亦在所不免此次江右逆
匪復竄入閩尤賴團練聯絡勦力同心自應確
切查明如有實在出力未邀獎敘者補行奏獎

庶足以昭激勸奏入

上諭內閣曰福建省上年被賊竄擾各屬團勇戰守出
力經王懿德保奏業經給予獎敘特恐其中不無遺
漏之人著卽查明補給獎勵建甯一帶賊蹤逼近該
紳民等有能團練殺賊保衛地方者著該署督隨時
奏獎毋稍稽延並卽出示曉諭俾紳民人等同心敵
愾以收衆志成城之效

初九日壬午晏端書奏言查福興舊部兵勇現尙駐紮衢州東門外其帶兵官內有雲南楚雄協副將張騰蛟職分較尊應卽責令該員統領得力將弁隨同饒廷選卽日督帶起程從江山馳赴浦城聽候署督臣慶端派撥防勦所有江山之師已據李定太派令副將陶茂森等統帶各隊紮出大竿嶺以勦爲防並派九江等營官兵

聖朝聖學卷之九

七

一千餘名爲後路接應至松陽餘匪竄往龍泉該縣亦與浦城接壤臣飛咨周天受迅速勦辦完竣卽從龍泉出師會勦晏端書又奏言張芾奏參周天受貽誤浙江軍務臣確加訪查實係傳聞之誤惟周天受道出湯溪其後隊兵數十名因索取民間什物互相鬪殺當經周天受出示安民其在金華五月十

三日兵勇入城中祝神宰牛有薛姓鄉民疑與伊家從前被失之牛相似向兵勇查問致起釁端團勇被殺五十餘人卽據周天受彈壓出城交地方官查明審辦此外別無滋擾之案臣思周天受之才實在皖南諸將之上前經奏請賞加提督銜總統浙江諸軍何桂清奏請飭令幫辦浙江軍務原所以勵將才而全大局如果周

聖朝聖學卷之九

六

天受實有貽誤之處臣斷不稍事回護現於旬日之間已連復金處各郡縣一俟浙江軍務告竣臣擬卽奏請援勦閩省尤不得不將其並無貽誤情形據實奏明晏端書又奏言據署遂昌縣知縣鄭崇暄等稟稱六月十九日率領民團練勇追勦逆匪至松陽縣境之橫樟地方適周天受統兵馳至兩路

夾擊我軍勇氣百倍遂於二十日將松陽縣城克復所有詳細情形容俟查明再行具奏奏入上命軍機大臣傳諭晏端書著齡曰晏端書奏衢州尙有福興所帶兵勇擬令副將張騰蛟統領隨同饒廷選從江山赴浦城等語饒廷選已開復總兵著卽帶漳兵漳勇福勇馳往浦城等處接勦其玉山兵勇除留防外並著者齡酌撥派員統帶赴閩助勦現在浙

欽定剿平粵匪方略卷百九十九

十九

江已克松陽餘匪竄往龍泉著飭周天受卽由龍泉取道進攻毋令匪勢蔓延周天受被叅帶兵遲延已據晏端書奏稱查係傳聞異詞惟在金華等處兵民互鬪致有殺傷究屬約束無方念其屢次克復城池業經降旨俟浙境肅清再行加恩該總兵但當感激圖報奮勉立功其松陽克復情形仍著該撫查明具奏

上諭內閣曰前因張芾奏叅周天受在浙江調度乖方

縱兵騷擾當經降旨將該總兵革去提督銜毋庸總統浙江軍務茲據晏端書奏周天受帶兵援浙以來並無遷延貽誤並經克復松陽縣城周天受被叅各款雖據該撫奏係傳聞之誤然其在金華湯溪致令兵民互相鬪殺亦不得謂無罪惟念該員屢次收復各城著有勞績仍責令奮勉圖功俟浙江全境肅清後著和春據實保奏候朕施恩

欽定剿平粵匪方略卷百九十九

三

晏端書又奏言前因浙江防務緊急衢州鎮總兵饒廷選所轄地方連陷三城不能進圖恢復經臣奏叅革職留營茲查饒廷選自被叅後深知愧奮且拊循士卒力保郡城於衢州解圍後江山常山等縣城池均經督飭地方文武次第克復衢嚴一律肅清功過尙足相抵合無仰懇

天恩准予開復原官仍以總兵

簡用之處出自

聖裁奏入

上諭內閣曰饒廷選著准其開復原官仍以總兵簡用

初十日癸未和春何桂清趙德轍奏言查福建之

浦城界連三省地勢獨高比窺浙江江西

皆據建瓚之勢今為敗匪屬聚擾及崇安建陽

御覽卷一百九十九

三

松溪政和不獨建甯延平有累卵之危即福甯

亦有旁竄之虞若由崇安回犯江西之鉛山則

廣信一帶又將糜爛或由松溪政和回犯浙江

之慶元景甯則溫處二府均須戒嚴周天受現

由龍泉進勦自能會商李定太酌量緩急隨機

堵剿而江西鉛山一路餉緝兵單浙江兵力不

能兼顧鉛山廣信一帶實屬可虞儲稍有疏失

則三衢仍行喫重金陵大營亦為牽掣相應請

旨飭下侍郎曾國藩速移援浙之師由鉛山直搗崇安

臣等分別咨行晏端書周天受督飭饒廷選由

江山前往並責成總兵周天培即在金陵大營

援浙兵勇內挑選精銳三千數百名由龍泉一

帶追勦赴閩與饒廷選會搗浦城並飛咨署閩

浙督臣慶端由建甯一帶迎勦而上則三路夾

御覽卷一百九十九

三

攻不難聚而殲旃奏入

上命軍機大臣傳諭官文胡林翼曾國藩曰前因浙江

軍務緊急諭令曾國藩赴浙勦辦現在衢州業已解

圍處州等府縣亦相繼克復境內餘匪不難剋日肅

清惟閩省浦城崇安建陽松溪政和等處賊勢蔓延

亟應趕緊勦辦和春等現飭總兵周天培於援浙兵

勇內挑選精銳三千數百名由龍泉一帶進勦饒廷

選帶漳州兵勇亦馳往浦城會國藩業已奏報起程
著卽以援浙之師由江西鉛山直搗崇安相機進剿
迅將閩省各匪一律掃除毋稍延誤

十二日酉乙楊載福奏言查安慶府城經我軍將

該匪礮船焚奪殆盡後城外西南一帶加築牆
壘添設礮位我軍疊次進攻堅踞不出師船偏
近則大礮連施徒損精銳未有成效蓋安慶之

欽定剿平粵匪方略卷十九

三

賊倚石牌爲陸路屏障刻下陸師未到水軍但
攻西南故難得手而下游之賊復時時接濟賊
糧往來助戰六月十一至二十七等日臣督帶
各營戰船駛過安慶行至李陽河探訪賊情據
該處居民稱縱陽內河有賊匪礮船數十號大
通之賊築有大石壘一座兩處均有悍賊踞守
臣當派王明山等往縱陽自帶丁泗濱等四營

進攻大通中途北風大作舟不能前暫就港外

停泊旋據王明山等稟稱縱陽果有賊船二十

餘號見我軍前隊將近卽開礮抵禦王明山督

率各哨首先衝入港內拋擲火毬適值萬化林

等二營繼至槍礮齊施當將所有賊船焚燬淨

盡斃匪甚多臣仍率四營進次大通該匪偃旗

息鼓示我以虛及師船近壘彼始連放排礮子

欽定剿平粵匪方略卷十九

三

如雨下何瑞祥率親兵左營衝過牆子從下首
登岸督隊攻擊丁泗濱等從上首登岸均各奮
勇力攻賊不能支始棄壘奔竄各營追殺五六
十里方行收隊計奪獲大礮十六尊小槍擡槍
刀矛旗幟甚多斃賊百數十名進次銅陵縣該
匪於東門外挖有寬深長濠濠內密釘梅花椿
護衛城垣而南西兩門水流環抱中有暗隄阻

礙船不能入北門外港內舊有一橋橋上新築石壘一座密安槍礮劉德亮丁泗濱帶隊登岸力攻城東北何瑞祥等力攻橋上石壘未能得手劉德亮手執大旗身先士卒進逼北城牆下連拋火彈該匪亦連放排礮劉德亮身受七傷不稍退卻該城仍堅不得下臣恐傷銳氣因令收隊率眾下駛行至魯港駐紮會同總兵吳全

聖朝集略卷之九

三

美率隊進次蕪湖察看形勢該匪於南岸修有石壘六座北岸亦有六壘兩相對峙均密排大礮牆外濠溝圍繞編釘木椿驟難進攻仍回魯港紮住因思蕪湖既非一時可拔而安慶未克黃石磯老營不便下移雖留數營扼守上游江面終慮該匪乘臣遠出前來偷撲究難放心適乘北風之利率師西上回至黃石磯駐紮俟李

續賓都與阿等馬步隊至併力圍攻安慶其陣亡員弁應請

飭部從優議卹

楊載福又奏言臣於東流克復後即派都司宋美富在該處巡防並堵建德縣賊出江之路五六月間兩次進攻建德賊目偽招天豫全股逃竄初三日偽因天福率賊千餘由官園敗回仍

聖朝集略卷之九

三

竄踞建城旋有被賊脅從商民張太忠至該都司處投誠所帶四百餘人紮在建邑烏源地方願為前隊又有該邑紳士徐德宣等與金壇等處團勇約會張太忠合攻建城宋美富等帶三板八號進剿率同團勇攻破賊卡二座將至堯渡街逆眾蟻擁而出我軍詐退王金楷等仍帶三板回擊當斃騎馬賊十數名步賊百數十名

賊卽回竄城內我軍將兩岸竹筏燒燬該都司
自帶三板十二號至堯渡街賊由兩岸繞出我
軍之後當卽施放槍礮擊斃甚多該匪乘夜出
城逃走宋美富整隊進城建德縣城卽於六月
二十四日收復張太忠仍率隨來投誠之人駐
紮葛源防堵暫由該處紳士籌辦善後事宜奏
入

聖皇聖方略卷百九

三

上諭內閣曰楊載福統帶官兵駛過安慶派令王明山
等進攻縱陽所有賊船焚燬淨盡斃賊甚多進攻大
通賊衆棄壘奔竄官兵與投誠商民張太忠合攻建
德縣城該匪等乘夜出城逃逸當將縣城克復其進
攻銅陵縱陽陣亡之儘先都司李洪勝外委盛大發
汪山友劉升秦均著交部從優議卹

十三日 丙 鑲黃旗蒙古都統勝保奏言懷遠賊

勢漸蹙恐其被偏東竄擬親赴鳳臨一帶督率
布置查臨淮爲清江門戶現聞有賊船下駛水
陸兩路不可不防請

旨飭令袁甲三進扼淮河北岸以期聯絡聲勢至李兆
受又遣人來密稟欲先獻滁州再圖收復別縣
並攜有廬江偽檢點易侍欽等稟函欲俟李兆
受事定隨獻廬江稟內詳述賊情有粵逆僞城

聖皇聖方略卷百九

三

天豫陳玉城等率衆明攻六安暗襲廬郡等語
臣前派赴滁州之員亦先後回營所稟相同除
一面飛咨安徽撫臣囑其早爲籌備一面派令
副將慶端前往關山一帶復諭知李兆受早定
投誠之計勿再稽遲臣於到鳳陽後酌量彼處
情形擬卽親由鳳陽前往料理招撫李兆受事
宜如能仰仗

天威使粵賊黨與去逆效順獻城助勦則南北可望肅

清於軍事大有裨益奏入

上命軍機大臣傳諭勝保袁甲三日勝保親赴鳳臨一帶並就近將李兆受一股相機招撫自係為全淮大局起見即著前往布置臨淮水路既有賊船下駛尤應實力堵禦以固清江門戶並著袁甲三日即與勝保合兵會勦務由淮河北岸節節進攻使該匪不至南

聖朝聖略卷百十九

三

趨定遠東擾盱眙以免日久延蔓

十五日子 戊 晏端書奏言自處州克復後敗匪盡

聚於松陽之竹坑口以薄刀嶺為屏蔽地勢極為險峻總兵周天培自宣平移師往勦必從薄刀嶺進兵當飭副將郭啟舉等各帶精銳銜枚越嶺埋伏於竹坑口之左右周天培親率遊擊馬承恩等督隊前進該逆一見我軍旗幟蒼黃

失措周天培即揮令各軍施放擗礮鳥槍轟勦

而下自薄刀嶺至竹坑口一路賊卡盡行縱火

焚燒逆黨中槍焚斃者不少正酣戰間東西兩

路突出賊援三四千前來抵拒適周天受親帶

都司榮陞等馳至兩路夾擊民團隨同助勦斃

賊無數餘逆并死由南路竄往龍泉一帶其時

有回竄遂昌者當被我軍擊轉並據署知縣鄭

聖朝聖略卷百十九

三

崇暄等各帶練勇追勦而至馳出松陽二十餘里橫樟地方沿途擒斬甚多屍橫遍野遂於六月二十日克復松陽遂昌境內亦已一律肅清其雲和之賊先經溫處道俞樹風飭令州同金福清等分帶練勇並署溫州鎮總兵葉炳忠等帶勇馳赴雲和號召民團相機進勦該弁等抵溪日莊適知縣吳瑞龍帶勇援勦隨即會同進

紮前溪該逆出隊迎拒我軍奮力衝入立斬紅
衣騎馬賊目三名逆眾驚潰兵勇四路追勦殲
斃一千餘名落水死者無算餘匪從七赤一帶
遁往龍泉小路遂於十七日克復雲和洵堪上
慰

宸廬奏八報

聞

欽定剿平粵匪方略卷二百十九

三

欽定剿平粵匪方略卷二百 戊午年

七月十九日 壬辰 署福建漳州鎮總兵周

言查福建之浦城接壤龍泉 臣親督兵勇直攻

浦城檄令副將張騰蛟統帶兵勇繞出城前馳

赴延平聽候署督 臣慶端調度惟閩省賊勢已

漸蔓延腹地 臣督軍由浙跟剿並咨會李定太

由江山仙霞關一帶進徇閩疆又已革總兵饒

廷選於福建軍情民情俱為熟悉 臣復於三衢

抽撥漳兵二百名漳勇九百二十六名福勇三

百零八名交饒廷選統帶赴閩令其多集民團

並聽慶端指示機宜備逆匪窺伺省垣 臣即會

同耆齡由江西出師李定太由仙霞關出師慶

端由延平出師 臣由龍泉進攻浦城四面兜剿

現在雲和縣甫經收復餘匪尙在龍泉盤踞民

心未定 臣暫紮雲和督催周天培等剋日收復
龍泉先靖全浙奏入

上諭內閣曰署福建漳州鎮總兵周天受著加恩賞還
提督銜卽著馳往福建與周天培饒廷選張騰蛟等
分路進剿俟前任侍郎曾國藩到後卽歸曾國藩調
度

二十日 癸巳 官文奏言湖北撫 臣胡林翼親母湯

聖訓卷一百

二

氏年八十三歲於七月十一日在署病故該撫

臣係親子例應丁憂回籍守制第思胡林翼自
蒙

恩簡任以來吏事兵事極力整頓剔錢漕之弊綜牙釐
之綱實能於征餉源源接濟且東征諸將如水
師之楊載福彭玉麟陸路之李續賓唐訓方李
續宜等俱各推誠信服楚北軍務 臣總司領要

良由該撫 臣和衷共濟相與有成茲丁母憂在
該撫 臣哀毀之誠出於天性似不忍遽奪其情
惟湖北爲東南大局所繫軍務一切正當喫緊
之際若遽更易生手不惟籌餉諸政未易得其
綱維卽下游諸將士亦恐遽難聯絡可否令胡
林翼遵照軍營舊例穿孝百日改爲署理湖北
巡撫百日之內循例由 臣暫行兼署如有要件

聖訓卷一百

三

仍與胡林翼商酌辦理奏入

上諭內閣曰湖北巡撫胡林翼自邀簡任以來時閱四
載於吏治兵事均能實力講求現雖闔境肅清而大
軍水陸東下進止機宜尙待調度籌備餉糈亦關緊
要該撫現丁母憂著照軍營例穿孝百日加恩賞銀
四百兩卽由湖北藩庫給發俾經理喪事所有湖北
巡撫印務著官文暫行兼署胡林翼俟百日後仍著

署理巡撫如扶柩回籍再行賞假兩箇月俟軍務完竣准其補行終制以遂孝思

同日和春奏言官兵規取金陵密築長圍斷其接濟都司盧起陞等管駕紅單拖帶各船先後在雙廟口金柱關壽德州江面擊沈來往賊船六隻奪獲二十餘隻斃匪無算生擒偽指揮等十餘名該逆屢經懲創因大江出沒未便復於

欽定剿平粵匪方略

四

壽德州潛築營壘一座開掘寬溝欲通內河舟楫並調集城中醜類三四千分守太平神策各門暨雨花臺賊壘揚言卽日乘虛分撲臣接據探報卽飭總兵李若珠會督水陸官兵規取壽德州逆壘一面派撥鎮將部伍三軍相機攻擄南北各賊營爲先發制人之計七月初五日李若珠督同參將王夢熊等各派隊伍六成以二

成乘舟進攻四成由河洲墟進剿並帶劈山礮

以資攻擊其水師賴鎮海等督帶拖帶紅單各船馳至壽德州西面會擣臨江新城賊營守備王家謨督帶四船駛進雙廟口攻勦洲中老賊營以分其勢盧起陞等會同都司陶占魁等指揮水陸兵勇登岸長驅擊斃守卡賊數十名焚燬賊卡二座賴鎮海帶領小隊由洲東登岸焚

欽定剿平粵匪方略

五

燬賊卡二座我軍乘勢槍越賊濠拔去木椿正欲緣壘而上槍礮火彈紛紛四射未便仰攻遂將護巢賊船一律焚燬其洲上老營之賊擁出洲邊往來抵拒亦經王家謨等奮力夾攻擊斃洲邊逆匪數十名逆勢不支俱向下關而遁初八日總兵張玉良等攻太平門之左總兵王浚等攻太平門之右總兵馮子材等各率所部分

爲兩翼抄襲金川門賊壘並飭都司張瀚管駕
艇師乘風揚帆疾攻七里洲以分賊勢我師先
後銜枚渡濠越過二道濠溝王浚張玉良揮令
大隊一擁而進轟斃站牆賊匪多名正鏖戰間
突見太平門竄出逆黨千餘抄我後尾來勢甚
張余兆青等各帶精銳分伏龍脖子岡排列擡
槍礮位四面轟擊將賊隊衝爲數股其氣始奪

勦平匪寇略卷青

六

官兵乘勝兜勦殲賊甚多其金川門賊營經馮
子材等設法誘敵俟其出巢我師且戰且退漸
至湖隄陳步高等左右環攻馮子材帶領馬步
小隊橫衝盪決手刃黃衣賊首二名逆勢大潰
時儀鳳門匪黨二千餘人見我兵勢盛未敢來
援一路跟蹤追勦淹溺及殲殪者又數百人是
日南路各營同時出隊總兵戴文英等爲東路

副將馬德昭等爲西路會擣雨花臺賊巢遊擊
馮觀勝等分投設伏作爲疑兵張國樑親督遊
擊楊福增等往來策應向奎等首先踴躍踰溝
將守卡之賊全行殲斃張國樑整隊山岡瞭見
南門左右旗幟參差懸互約二三里當飭馬德
昭等率捷勇親軍飛奔追勦一面舉放號火伏
兵四面包抄賊錯愕不知官兵多寡但聞呼號

勦平匪寇略卷青

七

奔潰之聲直至城根因槍礮雨注未能進攻共
計斃賊一千餘名至上游江面軍情福建提督
楊載福統帶楚師由安慶馳抵荻港與李德麟
等會晤並欲親赴金陵面商攻勦李德麟於六
月十七日督帶師船進勦江北泥汊河賊巢親
率守備沙成祥等指揮兵勇槍過外濠一擁而
入短兵相接殲賊甚多當將泥汊河逆壘二座

木卡四座全行踏毀斬馘二百餘級生擒偽檢
點等四十三名楊載福師船現在圍攻安慶一
時未及下駛已飭會同吳全美聯絡水師肅清
江面陣亡千總陳榮標等二員應請

飭部從優議卹奏入

上諭內閣曰金陵逆賊經此次痛勦勢已窮蹙仍著和
春督飭水陸鎮將迅速攻克盡殲醜類毋稍稽延陣

欽定剿平粵匪方略卷甫

八

亡之千總陳榮標外委周永順二員均著交部從優
議卹

同日

上諭內閣曰浙江軍務平定全境漸就肅清和春著毋
庸前赴浙江總兵李定太前令幫辦和春軍務此時
與周天受等會勦竄閩各匪著統歸會國藩調度會
國藩未到以前卽歸慶端調度

聞

和春又奏言臣遵飭傅振邦酌帶兵勇起程速
回徐州本任其灣沚堵勦事宜查有皖南防堵
之貴州大定協副將米興朝人甚勇幹堪以派
往接辦隨同鄧紹良籌商防勦可期得力奏入
報

二十三日丙申安徽巡撫翁同書奏言臣於七月

欽定剿平粵匪方略卷甫

九

十二日由東安山僻小路馳至盱眙縣之三界
地方途遇福濟始知巡撫印務現交藩司李孟
羣署理其廬城內有副都統麟瑞等駐守德安
亦以養病回廬勝保已先至清流關受李兆受
之降旋晤勝保於池河驛詢悉招撫大略情形
臣仍飭總兵塔思哈督帶兵勇三千餘人嚴守
關山毋以李兆受業已投誠稍涉大意廬城尙

有馬步兵勇數千又有李孟羣帶來之勇萬人
在南路紮營計尙足敷防勦十五日臣在定遠
途中探知三河賊匪大股出竄桃鎮窺伺廬郡
十六日探知廬郡兵勇於十五日早間出隊賊
有數萬未及交鋒敗散無遺賊已入城廬郡爲
南北要衝從前失陷時兵力餉源尙屬可恃今
日情形迥非昔比皖北軍政廢弛非潰兵所能

聖朝方略卷百

十

支持惟有願懇

天恩飭撥精兵數千前來堵勦以濟目前之急

同日李孟羣奏言近因楚軍東下沿江賊匪竄
入舒城者不下二萬餘人各路賊援屬聚又在
舒南七里河及乾沙河等處連營數十座逆首
陳玉城又帶領大股由霍山青田畝竄至舒西
曉天鎮直抵中梅河意在抄撲我軍後路各營

偏城進攻一面分布團勇由西而南責令紳董
人等堵扼各卡而逆首偽亮天侯等又已蠶擁
而來查陳逆前由麻城竄回六安經臣軍擊退
折往霍山復經代理縣王自籛集練堵擊該逆
復勾結潛山老賊爲乘隙再犯六安之計茲又
內犯廬州臣前派知府袁懷忠迎勦兵力本單
營總訥依奉阿馬隊二百名雖准留臣營助勦

聖朝方略卷百

十一

又已由英山折回歸隊袁懷忠帶勇千餘分駐
霍界之管駕渡暨六安之毛坦廠蘇家埠以防
爲勦兩見賊匪改道東竄知其援應舒城卽督
派通判袁昌鵬等帶隊迎敵於毛竹園中梅河
等處該逆後隊又分踞三元觀袁懷忠督帶勇
練進勦復遇賊於毛竹園我軍奮力攻擊斬獲
賊首十八級現仍督會練勇分駐霍六地方以

資堵截又知府李保邦經臣派令帶勇接應舒
營以勇丁三百人擊賊於豐樂河疊獲勝仗臣
現已帶領親軍於廬城東南紮營就近會同副
都統麟瑞等督飭各鎮將嚴加防勦仍懇

飭下湖北督撫迅催李續賓速統所部由英霍繞攻舒
城與廬州各軍聯絡一氣至鳳臨北路有道員
黃元吉一軍由紅心進紮總鋪牽制賊勢勝保

欽定剿平粵匪方略卷一百一十五

十三

復親至關山督同塔思哈等密圖滁全招撫李
兆受如撫議早定諒可回攻臨淮藉省兵力提
臣德安因病回廬所有大樹街防勦兵勇暫交
副將鮑雲翥督率統帶現因舒城喫緊星速調
派同援並調總兵吉順所帶馬隊赴廬策應撫
臣翁同書由江浦帶兵起程計日可到臣自當
稟商布置以期無誤事機均奏入

上命軍機大臣傳諭勝保翁同書袁甲三日廬營將驕

兵情至於如此實爲可恨已頒給勝保欽差大臣關
防並令翁同書幫辦軍務以重事權翁同書由定遠
前進不日當可抵廬著卽嚴督各路兵勇力圖克復
如有鎮將不遵約束兵勇輒行譁潰者卽行從嚴叅
劾按律重懲使咸知儆畏不至仍蹈故轍李續賓一
軍已行入皖境但由潛太一路直攻安慶係沿江進

欽定剿平粵匪方略卷一百一十五

十三

剿恐其攻勦愈急賊愈北趨現已諭知官文令其知
照都興阿李續賓酌分勁旅由舒桐一帶赴援廬州
著翁同書卽行就近咨商究能分兵若干卽催令迅
速繞道赴援力扼賊匪上竄之路惟楚軍繞越需時
卽勝保督兵懷遠亦未能剋日抵廬著翁同書咨商
德興阿先行酌撥馬步官兵前往協勦俟勝保全軍
到廬或楚軍趕到再行酌量撥回勝保在滁州招撫

李兆受後仍擬回攻懷遠著布置停妥俟袁甲三馳抵懷遠或亦至鳳陽將三省會勦事宜交袁甲三督辦勝保即進攻廬州不准避難就易惟袁甲三究係文員尙須武職得力大員幫辦方妥並著勝保袁甲三會同商定一員奏明請旨至李兆受投誠既經勝保傳旨賞給頂翎但其舉事尙未定期若先行降旨洩漏事機恐未遂投誠先爲粵逆加害是以待其獻

勦李匪方略卷十四

十四

勦李匪方略卷十四

十五

城舉事即行破格獎賞勝保可將此意密諭知悉俾無疑貳至滁州城內既有偽國宗楊逆盤踞何以任聽委員出入而李兆受出城迎降楊逆竟若罔聞究竟有無奸僞仍當隨時體察不可稍存大意李孟羣已革職留營著即飭令收拾潰兵力圖自效

上又命軍機大臣傳諭官文曰廬郡爲皖省腹地南北要衝舒桐聚匪尙以萬計廬郡既失恐大局不堪設

想現在楚軍水陸馬步數萬悉由太湖安慶進攻賊必北竄著官文即行知照李續賓都興阿等先其所急改道赴援廬州俾李孟羣亦得收集潰兵會圍克復兼扼賊匪北趨或不能全數赴援亦當酌撥勁旅前往助攻毋稍延誤至沿江一帶亦關緊要楊載福帥船尙在黃磯駐紮亟盼李續賓等陸路馬步到後會搗蕪湖並著官文知照李續賓等酌留兵勇會同

勦李匪方略卷十四

十五

廓清江面毋致顧此失彼

上諭內閣曰鑲黃旗蒙古都統勝保著頒給欵差大臣關防督辦安徽全省軍務安徽巡撫翁同書著幫辦軍務所有皖境各軍均歸節制以資統率其三省勦匪事宜即著袁甲三督辦

上又諭內閣曰廬州省城失守現已授勝保爲欵差大臣並令翁同書幫辦軍務著即督飭將士實力攻勦

務將廬州城即日克復毋任逆賊久踞署安徽巡撫李孟羣駐兵店埠省防是其專責何以不豫籌救援著卽革職留營並著勝保翁同書查明該革員失事情形及在城文武下落一併參奏

二十四日 丁 綿洵奏言湖北撫 臣 胡林翼現丁

母憂例應回籍守制 臣 查湖北歷年軍務極爲棘手 臣 前在軍營見督 臣 官文寬而能明撫 臣

欽定剿平粵匪方略卷百

十六

胡林翼嚴而有法和衷共濟盡力整頓使部下各軍聯爲一氣逐節勦游是以師出有功肅清全楚而南省水陸各營尤非撫 臣 不能統馭至其整飭吏治籌辦餉需更能井井有條自去年以來紀綱業已大定現在專心籌勦皖賊水師已近安慶而北岸馬步各軍由宿松太湖英山等處層層布置擇要進取正當萬分喫緊之時

若令其丁憂離任不但督 臣 大失指臂之助且慮南省各營無所統制東南大局攸關可否懇

聖慈飭令撫 臣 胡林翼在任守制以合古人墨經從戎之義實於軍務大有裨益奏入

上是之

同日慶端奏言江右逆匪擁衆圍攻甯化縣城

欽定剿平粵匪方略卷百

十七

卽經汀州府知府雷瑞光撥兵馳援與在城文武竭力守禦城內兵勇單薄於五月二十五日被該逆乘隙竄陷 臣 查汀州軍務喫緊前經檄飭駐紮沙縣之道員揭垂奎俟沙縣情形稍鬆馳赴歸化甯化相機勦辦詎沙縣土匪復熾歸順匪徒竄至富口通門隴東等處距沙縣縣城僅十餘里情形危急現經 臣 檄飭副將沙肇修

統帶長福營兵二百名並飭知縣王金鏞雇募壯勇會同馳往勦辦是沙縣勦務日緊揭垂奎未能馳赴甯化且無兵勇可以分撥延建邵一帶逆勢猖獗餉絀兵單專望鄰省援師速來救應前經調撥廣東潮州鎮壽山統帶兵勇二千名取道汀州會勦迄今尙未抵閩現在甯化失守汀屬軍務緊急請

聖皇聖略卷十四

十

旨飭催廣東督撫臣勒令壽山速統兵勇兼程馳至汀州會同官軍探賊所向痛加圍勦克復縣城仍酌撥餉糈委員隨軍支應以資挽救奏入

上命軍機大臣傳諭黃宗漢畢承昭曰前因王懿德等奏閩省軍情緊急會諭黃宗漢飭令壽山統帶兵勇二千名赴汀州一帶協勦已閱三月未據覆奏現在閩省延建邵等處賊氛日熾汀屬之甯化縣復於五

月二十五日失陷本省無兵可撥著黃宗漢等仍飭該總兵帶領前調兵二千名迅赴汀州若壽山一時未能出省卽著另派得力鎮將帶兵前往會同福建官兵迅圖克復甯化縣城毋稍延誤

聖皇聖略卷十四

十五

慶端又奏言建陽逆匪被聯甲擊敗六月十四日城池克復餘匪竄往北路蔣口等處光澤縣城亦卽收復其順昌之匪被我軍連次擊敗後城圍已解賊勢漸衰軍威稍振仍飭臬司保泰嚴催行開文武探賊所向跟蹤追勦務期盡殲醜類第邵武郡城及崇浦松政四縣均爲賊踞建陽雖已收復而逆匪竄至營頭圍撲永吉該處爲建郡門戶且係上通浦城扼要之區其聯甲素稱勇敢屢次殺賊現經臣檄飭林向榮移師永吉督同勦殺建陽縣城亦須屯紮精兵與

永吉作犄角之勢查都司武明良現駐黃坑已
飭折赴建陽約會永吉勇丁合力攻勦一俟該
處賊匪蕩除再與署延建邵道袁績懋一軍分
道進取邵武轉攻崇安浦城其順昌土匪經我
軍擊退後逃竄嵐下追近大厝口臣當就延城
兵內抽撥兵丁二百名前往扼要堵禦一面飛
飭參將黃禮鈺統帶金門精兵迎頭截擊至福

欽定剿平粵匪方略卷三百

三

甯地方防堵兵勇本屬單薄現聞浙江景甯縣
城失守賊燄方張該處相近福鼎壽甯防範更
宜嚴密亦經抽調水師提標五營精兵三百名
派委守備陳世英管帶前往並由護理巡撫臣
瑞璜由省派勇五百名交候補道周揆源會同
護福甯鎮池建功察看情形擇要堵禦仍撥兵
由獨嶺前進會合都司陳青等剋期攻擊政和

賊匪務將縣城收復以次進攻松溪奏入

上諭內閣曰江右逆匪復竄建陽本年六月間業經聯
甲擊敗收復縣城圍攻順昌之賊亦經我軍屢次擊
退保固危城著該署督卽飭帶兵文武員弁將竄逃
各匪迅速勦除以次收復政和等縣毋令蔓延至光
澤縣城前據王懿德奏已於四月間經副將賈開泰
等督兵克復業經降旨令該督等將出力員弁及陣

欽定剿平粵匪方略卷三百

三

亡聯首等分別查明具奏著慶端仍遵前旨辦理
二十五日戊戌德興阿奏言查滁州之匪陸續增
添又分黨數千竄駐烏衣本月十五日該逆小
股竄至東葛西葛經副都統台斐音保帶領馬
隊由小店迎截因該逆望風而逃遂紮隊西葛
鞠殿華亦帶領馬步各兵由浦營進紮西葛十
六日賊大股續到鞠殿華派參將吳奉龍等各

帶兵勇為前敵台斐音保為左翼營總都隆阿為右翼自率遊擊洪祿等由中路前進行過西葛數里賊即遙擁而來正在酣戰該逆忽從小路抄出一股截我大隊經馬隊趁勢衝入將賊分為兩段台斐音保由左翼包抄都隆阿由右翼包抄鞠殿華直搗中堅我軍銳氣百倍各路殺賊喊聲若雷刀砍矛刺賊屍徧野其撲入水

御製平定方略卷三

三

塘死者無算賊勢不支紛紛敗遁我軍四山搜壓追過十餘里共斃賊四百餘名砍獲首級一百十二顆生擒賊匪三十一名至浦營為江北根本九洲洲雖阻江湖實據浦口之門戶臣派趙樹棠博奇等分紮寶塔根鐵佛寺大定山其地皆緊靠大營左右西路則派安勇等守石磧橋富春馬國陞守高旺北路東路則派富明阿

守施官集並顧六合及雷官集等處溫紹原守六合並撥六合練勇守雷官集穆克登額帶馬隊羅玉斌帶步兵守來安毛三元守揚州之瓜州三汊河各路馬步兵勇或多或少擇要分布有警則奮勇向前賊多則添撥援應海全一軍駐紮石佛寺無論何處緊急皆可策應江面環抱浦營水師亦甚喫重確探賊於上游東西梁

御製平定方略卷三

三

山趕造戰船甚急須防竄突臣查自浦口至六合大江南岸之八卦洲螞蟻腰觀音門烏龍山周家山石埠橋北岸之關門橋黃敵河卸甲店通江集段要口處處可渡現在祇留石埠橋段要口准其南北對渡上下渡船提集該處此外江面概行封禁其觀音門以上螞蟻腰等要口由臣專派陳世忠留船防緝北岸各口經溫紹

原選派員弁逐段認真辦理溫紹原仍不時往來稽查又飭水師擇用大號巡船六隻在南岸各要口出入處所輪替梭緝兼資接應並飭上游黃彬李新明下游陳國泰周希濂相風整隊奮銳進攻陳世忠於寶塔根一帶連檣會哨務使聯絡無隙防勦兩俱得力奏入報

聞

欽定剿平粵匪方略卷三

五

二十七日庚子何桂清趙德轍奏言金陵逆匪窮

蹙克復之期不遠一切善後事宜必得熟悉情形素得民心之大員專司督辦臣等查有常鎮通海道喬松年在任聞訃丁憂回籍刻下江南正在需人請

旨飭下直隸總督山西巡撫查明喬松年現在何處飭令於見喪穿孝後尅日前來聽候差遣奏入

上諭內閣曰前任江蘇常鎮通海道喬松年現在何處著直隸總督山西巡撫查明飭令前往江南聽候何桂清趙德轍差遣委用

同日翁同書奏言臣在定遠途次聞廬郡失陷潰兵潰勇均由梁園散走臣隨即馳赴梁園沿途督令折回惟潰兵多係不持寸刃必須酌配兵仗臣查廬州失守之初三河之賊竄至二十

欽定剿平粵匪方略卷三

五

里鋪副將余應彪督兵迎戰失利該逆即以萬餘之眾直撲至十八里岡經副都統麟瑞等迎戰獲勝賊眾始略退數里旋復糾合大股二萬餘人直到十三里站橫互至西路大蜀山紫賊營十餘座分路直撲城垣蕭開甲在南門外接仗麟瑞在西南接仗逆眾數萬漫山遍野我軍勢不能支又見該逆另分二股突由西北繞抵

廬城城外各軍首尾不能相顧紛紛驚潰蕭開甲馳馬衝殺被賊刺傷下馬麟瑞率馬隊左右馳突亦被賊傷冒圍而出知府伍成功趕往救援陷沒賊中麟瑞余成蛟等糾合餘眾退守店埠廬州城內本無官兵僅有署臬司馬新貽集團數百名出城接應與賊血戰多時各營敗兵多由北門小路潰往梁園該逆遂於七月十五

聖皇聖略卷甫

三

日午刻入城十六日夜間賊匪數千進踞店埠臣一面收集潰兵一面催令李孟羣麟瑞堵勦並飭署臬司馬新貽購辦米石以濟飢軍十七日營總官明阿擊賊於店埠之北殺賊六七十人賊始不敢前進仍退回店埠臣查廬城再陷固由賊眾兵單而諸將守禦不力亦難辭咎署總兵副將蕭開甲知府伍成功力戰捐軀大節

凜然應請

旨交部從優議卹署合肥縣知縣王應奎尙無下落應俟查明辦理署臬司廬州府知府馬新貽督團出城禦賊倉卒失守致將臬司印及廬州府印一併遺失實有應得之咎惟念該員心地樸誠民情愛戴且一時更換乏人仰懇

天恩將該員革職暫行留任以觀後效署巡撫李孟羣

聖皇聖略卷甫

三

於艱難拮据之中慷慨誓師不辭勞瘁副都統麟瑞受傷力戰至今尙在前敵堵禦應請均免置議其餘各將領有無退縮畏葸之員容臣再行細察現已飛咨勝保德興阿各撥馬隊助剿並抽調附近兵勇力扼店埠北路以杜北竄奏

八

上諭內閣曰總兵蕭開甲知府伍成功當賊撲廬州城

時帶兵迎勦因賊眾兵單先後陣亡實堪憫惻均著
交部從優議卹署按察使廬州府知府馬新貽帶練
出城遺失印信惟該員接應官兵與賊血戰多時且
平日民情愛戴著革職暫行留任副都統麟瑞雖因
力戰受傷究屬堵禦不力應得處分著勝保再行查
覈具奏其餘帶兵各將領有無退縮畏葸情事並尙
無下落之著合肥縣知縣王應奎著一併查明分別

欽定剿平粵匪方略卷百

三

奏請辦理

同日

上命軍機大臣傳諭胡興仁曰現在浙江軍務漸就肅
清閩省賊勢蔓延曾國藩行抵湖北省城諒已移兵
赴閩援勦胡興仁業經補授巡撫地方是其專責著
毋庸會辦曾國藩軍務該撫惟當力求整頓於收復
各郡縣善後事宜妥爲布置並調兵籌餉援勦閩疆

毋負委任

二十九日壬寅和春晏端書奏言各路敗匪盡竄

龍泉縣境徧設卡壘並將雲和龍泉接壤之路
全行掘斷該處山谿險阻軍士艱於跋涉周天
受督飭總兵周天培等攀山扃水而進七月初
七日周天培等先抵楊梅嶺連攻三晝夜始將
賊卡一律攻毀殺斃悍賊極多陳開選諸軍從

欽定剿平粵匪方略卷百

三

小路抄襲塔石嶺之後翟先仲等亦從觀塘進
兵三面包抄各將士踴躍用命分路勦辦復追
殺二十餘里擒斬無算餘匪遁往浦城一帶遂
於七月初十日收復龍泉縣城浙江全境肅清
所有在事出力文武及帶兵援浙各員仰懇
天恩分別獎勵出自

逾格鴻施奏入

上諭內閣曰浙江省自本年三月間賊竄江山縣以後連陷郡邑經和春何桂清張芾等先後撥兵援剿連克各城敗匪盡竄龍泉縣境又經周天受派周天培等分路進剿將縣城收復現已全境肅清在事文武及帶兵援浙各員均屬著有勞績自應渥沛恩施候補三品京堂張芾著賞戴花翎總兵周天培著賞加提督銜道員林福祥段光清均著賞加按察使銜候選道李元度著交軍機處記名遇有江西道員缺出請旨簡放告假總兵秦如虎著交部從優議敘其餘出力員弁兵勇金處各路著歸周天受彙保衛嚴各

聖朝聖略卷三

三

同日耆齡奏言福建賊氛日熾臣於克復撫建

之日即擬分兵救援閩浙現將道員劉長佑一軍移紮建昌府屬之新城瀘溪兩縣相機援閩茲查浙江各屬次第收復敗匪盡竄福建崇安光澤邵武一帶賊勢益張江西自廣信府屬之廣豐縣起至贛州府屬之長甯縣止沿邊十二縣計程千餘里均與閩界毗連路徑紛歧有防不勝防之患必須籌撥銳師與閩兵合力攻擊以遏回竄兼靖鄰氛臣飭劉長佑速由建郡圖攻光澤邵武之賊並以代理建昌府知府黃秉珍所帶寶勇各營為後路聲援一面派撥寶後等營並由浙江撤回之彰武軍奇兵營移紮鉛山堵禦崇安之賊贛州甯都所屬各縣團練俱稱得力即責成贛南鎮道督飭嚴防奏入報

聖朝聖略卷三

三

同

晉

欽定剿平粵匪方略卷二百一 戊午年

八月初二日甲辰勝保奏言逆首李侍賢

等突竄廬城店埠梁園相繼告陷捻匪在北粵

逆在南中間僅隔定遠一城而壽六亦極喫重

臣以一軍橫截其中已屬腹背受敵設有疏虞

其患不可勝言現已於懷遠各營抽撥兵勇三

千餘名分布鳳陽之殷家澗大廟一帶以杜勾

結而扼北竄兼為定遠後路聲援並飛飭穆騰

阿率領馬隊會合皖軍由定遠迎擊臣亦馳赴

鳳南一帶相機策應其懷遠攻剿事宜暫時責

成徐廣縉率同署總兵龍澤厚等輪流進攻復

飛咨袁甲三督軍節節進剿扎飭德楞額等由

鹿邑一帶隨時探明迎擊但皖餉匱乏已極惟

有仰求

皇上天恩不論何省

飭令迅撥餉銀數萬兩解赴臣營俾資接濟

勝保又奏言據穆騰阿稟稱現赴定遠商籌堵

剿撫臣已退守張橋驛尙距定遠數十里定遠

極形危急雖經臣派隊前往人心稍定究竟兵

數較少未足深恃而皖軍疲憊不獨李孟羣一

軍為然各營將弁每至出隊多方推諉種種情

形難以悉數此次廬州之失聞有城勇當賊到

時迎獻城池之說實堪痛恨似此軍務疲敝不

堪以臣愚見非立奮

天威簡授重臣便宜行事不能大加振作力挽頽風

同日翁同書奏言廬州兵潰後店埠繼失柘皋

大樹街兵勇同時潰走退至梁園而廬州之賊

自店埠西路而來全椒之賊由大樹街至石塘

橋距梁園十餘里臣飭令總兵吉順等分路迎截官軍失利兵勇全潰賊直撲梁園進入街內臣督隊扼堵乃賊來數萬臣力不能支突圍而出聞李孟羣已退往六安臣祇得收集潰殘退保定遠李孟羣潰勇亦紛紛逃至臣現督令赴六安歸隊適勝保遣副都統穆騰阿帶馬隊四百餘名馳至定遠共籌捍禦目下南路全失三

聖祖實錄卷一百一

三

而受敵皖省軍務疲玩糧臺罄洗將不聽令兵盡苦飢惟有仰懇

天恩特派統帥大臣另帶精銳前來並飭江南江北糧臺借撥銀兩稍救眉急庶定遠不致有失頃又接德興阿函稱水口已為賊踞六合危急是賊擾六合德興阿必不能遣馬隊前來設粵捻勾合則不特定遠不保大局實不可問勝保德興

阿皆有專司攻勦之責如一時不能前來可否簡派和春前來視師或

命鄭魁士督兵與臣會辦均奏八

上命軍機大臣傳諭勝保翁同書曰自廬州失陷南路粵匪與鳳懷捻匪相去愈近惟恃定遠一城為之間隔設再有疏虞則賊勢蔓延何堪設想勝保翁同書均責無旁貸勝保撥兵分布殷家澗等處飭穆騰阿

聖祖實錄卷一百一

四

由定遠迎擊令徐廣縉進攻懷遠袁甲三進徧東西兩路所籌均尚周密惟賊勢颺張非速克廬州恐難遏其北竄勝保已移營鳳南著即督飭將士實力進勦與翁同書和衷共濟將失陷地方迅圖克復李孟羣潰勇已由翁同書督令赴六安歸隊軍中法令宜嚴非獨潰勇無可姑息即將弁中有畏葸誤事者亦當執法從事該撫既知皖省兵將疲玩積習務宜力

1007 冊

作無負委任李孟羣逃往六安置廬州於不顧
卽治以軍法亦不爲過姑念其平日尙屬勇往業經
革職留營仍著勝保翁同書調遣如有玩誤卽著嚴
參治罪至此次店埠梁園失守帶兵各員有無臨陣
退縮情事並著勝保等查明參奏

上又命軍機大臣傳諭和春何桂清德興阿曰皖省定
遠危急糧臺罄洗部撥餉銀恐未能卽到著和春何

欽定剿平粵匪方略卷一百一

五

桂清德興阿於江南北糧臺先行籌撥銀數萬兩迅
速解往毋稍延誤鄭魁士現在紫金山帶兵防勦如
該處情形不至萬分喫緊卽著和春飭令酌帶兵勇
馳回皖省

同日慶端奏言江右逆匪竄入閩疆盤踞松溪
政和兩城六月二十八九等日知府陳維漢激
勵各勇分路進攻松溪逆匪出城抵禦卽被擊

退復有匪衆千餘人由政和山路前來我軍奮
力迎擊賊匪潰敗回城我軍四面環攻登陴進
城斃賊三百餘人賊勢窮蹙向東門逃逸我軍
窮追十餘里復殺賊四百餘人計共殺賊一千
餘名墜巖落水者無數當將縣城克復又二十
六七等日遊擊袁良政和縣知縣楊國榮督率
兵勇進攻政和逆匪設伏誘賊引至山後各軍

欽定剿平粵匪方略卷一百一

六

一齊殺出該逆潰亂退入城中我軍乘勝進勦
福甯等兵暨聯丁齊至四面夾攻燒燬賊營十
餘座直抵城下賊匪紛紛由北門出我軍窮追
又斃斃多名生擒十三名政和縣城亦於七月
初一日克復現在飛飭各文武乘勝追勦搜捕
餘匪另派兵勇分路攻克崇浦邵武各城以期
節節掃蕩奏八

上諭內閣曰福建松溪政和二縣被逆竄踞官軍聯丁連日奮力攻剿克復二縣城池剿辦尙屬得手著卽督飭文武乘勝追捕毋留餘孽所有此次打仗出力員弁兵勇聯丁人等准該署督擇尤請獎

慶端又奏言建陽敗匪竄至石陂勾合浦城踞逆至一萬數千人各軍腹背受敵退紮迴龍許州等處臣現在嚴催遊擊奎齡等督勇進剿並

欽定四庫全書

七

飛飭總兵林向榮等設法圍擊務將賊匪殲滅迅復崇浦兩城又南平縣大厝口地方爲峽陽門戶延郡屏障與仁壽嵐下一帶均屬毗連長髮逆賊由邵下竄勾結紅巾土匪攻撲仁壽夏墩嵐下等處勢甚猖獗臣飛飭參將黃禮鈐等率兵追剿奮力夾擊斃匪數百名生擒二百餘名嵐下夏墩及大厝口各鄉一律肅清洋墩桂

溪賊匪有竄回邵武之信浦城大股逆匪現尙屬聚亟應添調勁旅會合攻剿臣已飭署延建邵道袁績懋統帶兵勇由上洋順昌一帶進攻邵武約會官軍合力攻剿迅圖克復郡城肅清餘孽

慶端又奏言江右股匪圍逼衢州九江鎮總兵李定太收復壽昌後督隊馳抵郡城賊黨李鴻

欽定四庫全書

八

發前來投誠願放火內應七月初四日李定太等分路設伏進攻望見賊營火起各軍猛力進撲賊皆披靡燒燬賊營十一座各路伏兵齊起將西南各門賊營一律掃除斃匪無算賊由江山常山兩路逃走東路匪徒由河埠一帶竄遁李定太等分路追剿該逆聞大兵已到常山之賊率衆奔逃江山賊匪亦由處州浦城兩路逃

竄兩處縣城均已克復處州賊匪糧絕青田團
勇隨同官兵分投圍攻殺入城內斃賊多名餘
匪由小水門逃竄隨將處州郡城收復查該逆
被勦窮蹙亟應四面合圍兜勦淨盡現在回竄
浦城勢仍猖獗建陽敗匪復竄石陂與浦城賊
通爲一氣臣飭已革總兵饒廷選速帶衛防得
勝之師間道入閩約會林向榮各軍奮力圍勦
務將浦城等縣剋期收復奏入均報

初四日丙午德興阿奏言九洲賊巢阻水爲固
連日因江口水漲我軍添撥師船輪班扼守七
月十九日賊船大小數十隻飛撲水營遊擊李
逢春等合幫會勦擊沈十餘隻孛獲燒燬數隻
賊船駛遁我軍追近九洲洲其下關七聖洲草

驍尖各賊壘開礮擊我師船遂卽收隊二十一
日陳國泰周希濂等分駕各船駛攻九洲洲賊
壘轟損賊匪大船各匪紛紛落水參將黃彬李
新明等亦督率各船由三度洲西江口截進偏
近賊壘槍礮環攻轟塌九洲洲牆垣數處擊斃
黃衣賊目多名突有賊船十餘隻由下關駛出
黃彬等擊壞賊匪先鋒船一隻斃賊多名餘船
不敢北渡滁洲賊匪竄至水口富明阿派營總
常壽等帶領兵勇分投夾擊斃賊百餘名餘匪
爭渡淹斃甚衆官軍抵黃土嶺賊衆分撲而來
我軍分左右翼包裹該逆摔死回竄我軍追殺
十餘里王富來手刃黃衣賊目一名水口接應
大股賊匪俱被官軍衝擊敗回共計殺賊六七
百名生擒三十四名砍獲首級六十七顆和州

賊匪竄擾趙家莊等處經魁霖率隊往擊斃賊二十餘名該逆敗回我兵復追殺數名臣查九洲之賊雖負嵎如故而阻隔江汊可無外虞之慮餘逆進犯水口難保非窺伺來六現派博奇帶領馬隊即赴六合與富明阿溫紹原會剿至西路和全之賊皆係悍黠防堵稍鬆彼即乘虛而入鞠殿華於進剿烏衣獲勝後即由小店至高旺暫駐石磧橋等處飭各營嚴加防範並率隊往湯泉新甸廟大劉莊一帶周視有無賊蹤相機進剿

聖朝聖略卷十一

十一

德興阿又奏言臣接翁同書函稱廬州再失梁園店半繼陷兵勇星散糧餉軍火一切俱無噶臣多為接濟臣查皖局決裂大樹街等處並無一兵廬賊可長驅東竄尤於江北大有關繫臣

兵力本單實難分撥現飛咨和春由南岸酌撥精兵二三千名赴皖策應臣飭楊能格多撥餉銀速濟皖省現在滁賊屢撲烏衣水口浦營後路緊逼賊氛加以廬州復失江北全局俱震探聞廬州之賊與全椒等處通為一氣欲由和州烏江撲擾浦口六合打通江路救應金陵又報和州烏江俱已添賊石磧橋一帶喫緊異常是以特囑鞠殿華分兵前往加意防閑伏查數日以來粵匪由廬州謀竄浦口六合捻逆已過臨淮會合粵逆現并由全滁逼近亦復謀竄浦六金陵首逆結聯七里洲九洲等處賊匪日備船隻又欲由江路竄至浦營以區區一萬數千之兵勇分布二百餘里之地而各路粵捻三面撲來實有防不勝防之勢前次請撥馬隊七百

聖朝聖略卷十一

十一

名伏祈迅卽

飭撥南來以資協勦奏入

上命軍機大臣傳諭德興阿鞠殿華曰前請調撥馬隊已據僧格林沁抽調吉林馬隊二百五十名又調直隸提標馬隊官兵二百名自可陸續到浦該逆欲由水口窺伺六合情形喫緊著德興阿等督飭將士實力堵截毋任餘和逆匪得與南路勾通是爲至要

欽定剿平粵匪方略卷一百一

十一

初八日庚戌翁同書奏言兵勇自梁園敗潰後全

至定遠顛連困苦收集爲難據報廬城全椒之賊共有數萬往來店埠梁園間北過護城驛將張橋臣擬於蔣家巷張橋屯兵築壘以資捍禦無如兵心渙散不復成軍臣現將廬營馬隊交穆騰阿統帶與麟瑞馳赴南路於蔣家巷張橋巴斗嶺一帶馳驟賊不敢出各營兵勇亦陸

續南行由總兵吉順等統帶屯紮張橋勸諭民團助兵築壘查定遠合肥民情素悍張橋以南土匪讜起定遠地貧城小遙對清流關東面偏近滁城西南悉通廬郡其比又爲臨淮驛路四面受敵實已在賊圍中臣分派官兵嚴密守城並於城外結營四座聲勢聯絡乃布置甫定忽報滁賊突至三界鎮道員吳棠帶勇迎戰衆寡

欽定剿平粵匪方略卷一百一

十四

不敵退往後路臣一面派勇赴池河防堵一面飛咨勝保協勦並飭署廬鳳道黃元吉防堵盱眙之明光鎮頃聞賊匪已退將合舒城無爲巢縣廬江之賊攻撲壽州定遠等情伏思定遠四面皆賊若斷我餉道別無援師則全軍必致盡覆卽准徐克豫亦必震動臣此時惟有與勝保相依如蒙

天恩准令勝保統領皖軍則事權既專將領皆知用命
庶可從容展布以盡其力奏入

上命軍機大臣傳諭勝保翁同書曰廬城全椒之賊欲
向張橋掠糧雖已退回梁園而土匪竄起深慮與逆
賊相應且定遠遙對清流關東通滁城北達臨淮西
南悉通廬郡有四面受敵之勢若餉道被斷外無援
師大局不堪設想勝保已移營鳳南一帶著卽統領

欽定四庫全書

五

各軍迅速前進與翁同書妥籌堵剿兵餉軍械並著
勝保就近通融辦理

同日浙江衢州鎮總兵李定太奏言七月十二

日浦城賊匪分路撲犯大竿嶺關高門土匪復

勾逆黨由青陽小路繞至念八都官軍出擊因

賊數眾多恐其分股內犯我軍退回峽口十五

日陶茂森由仙霞關進剿分路夾攻賊衆驚潰

我軍追斬百餘人收復各隘進紮大竿嶺關副

將張騰蛟進至仙霞關駐紮周天培饒廷選分

由龍泉仙霞關兩面進搗浦城其竄犯廣豐匪

徒亦經兵勇擊敗十三至十六等日賊衆大至

四面圍攻復分股竄撲玉山臣卽飛調副將李

嘉萬等一面協防江常開三邑一面分兵進剿

二十日賊衆萬餘由玉山竄撲常山之十八里

欽定四庫全書

六

鋪副將朱承先親督兵勇左右包抄陣斬黃衣

賊目五名擒斬逆匪多名賊衆紛紛奔潰查此

股賊匪人數逾萬雖經挫敗難保不復圖窺伺

現添調兵勇馳往常山助剿並飭參將文瑞遊

擊萬泰等乘勝前進迅解玉山之圍二十三日

萬泰馳抵玉山道員李元度派隊出城兩面截

擊逆勢不支卽由婺源德興逃竄城圍立解現

仍飭朱承先等分途前進跟蹤追剿奏入

上命軍機大臣傳諭李定太曰玉山現已解圍竄逃各匪卽著飭令副將朱承先等由婺源德興跟蹤追剿援閩之師旣經直搗浦城諒不難卽日勦洗江常各處回竄堪虞該總兵仍應駐紮該處策應諸軍以固浙省門戶毋稍親往浦城反致疏於防堵其婺源一路仍咨會張卞一體嚴防毋令紛擾

欽定剿平粵匪方略卷一百一

七

十一日癸丑和春奏言洪逆因連日屢敗糾集各

牙賊匪萬餘七月十五日金川門高橋下關等處各出逆黨四五千分股撲來總兵馮子材派參將陳步高等率隊分兩翼包抄立斃僞先鋒陳維壽等四名餘賊四竄我軍追勦斬殺甚多總兵張玉良派副將余兆青等分隊徑攻太平門賊營焚燬更棚二座賊眾離巢分撲我軍前

後夾攻賊匪自相踐踏殲殪多名下關接應之

賊亦經余兆青等擊退據擒賊供稱上游援賊屬集慈湖銅井地方潛圖內竄並聞城賊糧缺由江北裝載米鹽食物乘間下駛以通接濟當卽檄飭總兵李若珠馳赴江甯鎮一帶迎頭探截行抵斷山坳地方逆援大股衝出我師橫截賊隊轟斃及溺斃者二百餘人水路逆援亦經

欽定剿平粵匪方略卷一百一

七

遊擊賴鎮海等於七月十六二十五等日在東西梁山金柱關江面截獲賊船二十二隻生擒逆匪十餘名起獲米糧軍火雜物無算其上游南陵青陽股匪數千圖竄橫山橋截我餉路李若珠派兵潛匿山岡接應親率兵勇直趨橫橋逆匪趨擁而至官兵與鄉團先後兜圍賊眾大潰陣獲僞檢點將軍等二十餘名殲斃一千餘

名臣查洪逆困守金陵各路援賊號稱數萬張國樑現駐安德門督修濠壘將次竣工如大股全來有濠牆以禦內賊逸出仍可分兵以禦外援再得痛懲數次勦辦可期得手惟大江師船兵力尙單現調上游紅單艇船八隻卽日下駛聯泊三山下關一帶嚴密巡防杜其接濟奏入上諭曰現在逆援未絕尤應嚴防旁竄能不使其逸出

聖朝聖訓卷一百一

九

聖朝聖訓卷一百一

二十

再分勦援賊自不難掃穴擒渠矣

和春又奏言徐州鎮總兵傅振邦奉

旨回徐勦擒所有灣沚堵勦事宜業經奏派副將米興

朝接替現據探報青陽舒城匪黨先後竄集蕪

湖號稱數萬自傅振邦離皖後蕪太逆氛麇集

查青陽池州道寇歸併蕪湖勢必鉅而走險灣

沚黃池一帶皆爲江浙屏蔽設有震動關係非

聞

輕米興朝駐紮南陵情形同時喫重金陵大營正在圍攻萬緊統率需人而全局所關不能不力爲兼顧查有壽春鎮總兵鄭魁士謀勇兼優以之接辦皖防必可得力當飭督同參將熊兆周隨帶貴州官兵三百餘名由金陵馳赴灣沚督率嚴防仍飭米興朝駐守南陵以資熟手奏八報

同日翁同書奏言梁園賊匪退往店埠及石塘

橋等處有窺伺定遠之意臣因派總兵吉順等

督帶兵勇二千名駐紮張橋等處以顧南路令

署總兵余成蛟收合潰兵紮營城外傳集近城

十六堡鄉團照兵勇築營賊至則兵勇出戰各

團列陣助威並將馬隊分布東西兩路以備抄

擊縣城東西南三鄉各有團練數千人用爲屏蔽現探賊情果欲襲取定遠與捻匪聯爲一氣又據總兵塔思哈函述李兆受信稱梁園賊匪欲三股攻撲定遠逆賊錢姓帶領萬餘人抄到大柳驛池河鎮一帶與捻首張濼等合隊查池河大柳均在關山之北爲通定遠大道賊率大股繞撲則關山難守而縣城亦將震動臣卽添

欽定剿平粵匪方略卷一百一

三

派兵勇分往關山池河藕塘各處防堵一面飛咨勝保速撥馬步隊嚴防關山要隘派參將崔萬清帶領固原兵二百餘名前赴明光鎮協守以通餉道旋准勝保咨稱已派穆騰阿馳至池河堵禦本月初一日勝保馳至定遠與臣會議防剿機宜仍於是日回殷家澗駐紮頃又據報賊至古城集距界牌不遠臣已飭馬步隊聯絡

民國迎敵一面飛騎知會勝保派兵接應奏入上諭曰鄉團非募勇可比恐其臨時一潰受累不淺總應飭鄉團居前以禦賊官兵接應抄襲以壯其膽庶有把握

十二日甲寅耆齡奏言七月十一日浦城之匪竄至廣豐賊衆數千紛撲東門經守備彭大壽等擊退十二日賊復圍攻東南北三門我軍奮擊

欽定剿平粵匪方略卷一百一

三

時許斃賊數百人賊勢大亂我軍追逐四五里賊落河淹斃者不下千人我軍陣亡把總易金榜一名連日賊聚愈多分攻各門彭大壽等率隊奮擊城內開礮助勢轟斃數人官軍將城外賊巢焚燬斃賊數百餘匪竄往玉山縣城解圍餘匪仍盤踞城外之大殿橋大股三千餘人至玉山縣羊澤地方由塔前渡河圍踞七里街道

員李元度督兵迎擊斃賊七八十人忽又有賊匪千餘從後路天后宮前偷渡李元度恐腹背受敵回守縣城賊亦隨至十六日賊犯西南北三門悉被兵勇擊退南豐縣又有建甯賊匪六千餘人竄擾經都司譚發祥等擒斬多名賊敗竄新城擡山地方焚掠分股千餘人擾及建昌之黃麻畝地方亦經遊擊劉光明勦殺數百名

聖朝方略卷百一

三

復有光澤賊匪數千竄至杉關圖犯新城縣城經張運蘭督兵馳往勦辦臣復飛飭道員劉長佑等拔營前往探明新城南豐等縣何處緊要即往應援廣信兵力尙單適會國藩由湖北來江會商援閩事宜已催調勁勇二千餘名與張運蘭由河口進勦以援玉山臣亦咨催李定大速撥兵勇夾擊殄除羣醜早解玉山之圍掃蕩

廣豐餘寇把總易金榜力戰捐軀應請旨飭部議卹奏入得旨易金榜著照例議卹

耆齡又奏言七月初七日夜吉安城賊放大木鐸五六十架小木鐸七八十架上布鐵釘竹籤鳥槍刀矛繫以細纜中放缸鉢滿盛火藥橫插火香每鐸有十餘歲幼孩二名魚貫而下欲衝

聖朝方略卷百一

三

浮橋經遊擊成章鑑督率戰船徹夜開礮截擊侯補同知直隸州劉騰鶴亦派兵勇乘船迎截各鐸均被水師奪獲淹斃賊匪二百餘人初九夜賊復駕巨鐸二座上設大礮周圍圍干遮以絮被長約數十丈後隨小船小鐸二三百隻蟬聯而下槍礮密布勢甚洶湧另以數十小划向上游牽掣吉字營水師周惠堂等截擊斃賊甚

一
二
反文句

多擊沈賊划十數隻餘划退倚城邊下竄賊箠
經成章鑑橫截猛擊轟溺無數東門復出步賊
撲湘後營外濠劉騰鶴率勇力擊斃賊百數十
人復馳赴河干攔擊奪獲近岸船筏多隻斃賊
六七百人賊匪僅賸小划十數隻隨同大箠衝
下水急箠重以致鐵練浮橋均被衝斷成章鑑
急率水師繞出賊前圍擊箠上之賊紛紛落水
立奪其箠生擒十餘賊並將小划概行奪獲賊
盡投水劉騰鶴追逐十餘里逃賊盡數殲除同
知曾國荃參將遮克敦布現設計反間城內賊
匪連日自相殘殺並投營就戮統計不下二千
餘人逆勢愈窮現經臣札催各營剋日環攻務
期掃穴擒渠速蕩妖氛擬保藍翎外委董茂盛
力戰陣亡相應請

欽定剿平粵匪方略卷一百一

三

旨飭部照外委例議卹奏入得
旨董茂盛著照所請議卹

十三日乙卯翁同書奏言本月初三日賊眾數萬
由界牌直撲藕塘經穆騰阿擊退斬馘甚多賊
匪仍踞界牌臣屢次告急於勝保初四日勝保
派馬步八百餘名接應旋即折回僅留馬隊百
名初五日亦折回紅心驛適接勝保來函據云
初五日必到定遠而竟日不到是日賊騎數千
復撲藕塘我軍馬隊眾寡不敵迎戰失利賊已
占踞藕塘穆騰阿退五里許駐紮查藕塘距池
河驛祇三十里距城六十里賊有數萬危城何
以支持若賊由池河北犯明光鎮則餉道及文
報俱絕卽勝保一軍亦受其困計勝保離此不
過四五十里臣已飛函請其督隊迅速南來如

欽定剿平粵匪方略卷一百一

三

賊匪來犯 臣當親率飢軍背城一戰奏入

上命軍機大臣傳諭勝保翁同書曰前因賊偏定遠當

諭令勝保迅速前進妥籌堵剿現在賊眾數萬由界

牌直撲藕塘穆騰阿迎擊已獲勝仗卒因眾寡不敵

失利卻退該大臣已派馬步八百餘名接應何以復

行折回僅留馬隊一百餘名亦折回紅心驛所寄翁

同書函信云初五日必到定遠復竟日不到何以遷

延若此粵匪與捻匪意在勾結一氣現在愈偏愈近

惟恃定遠一城為之問隔設有疏虞則賊勢益張剿

辦更形棘手勝保現為欽差大臣勦辦皖匪是其專

責既距翁同書軍營僅四五十里著即親率各軍馳

往截剿毋得再事延誤李孟羣係革職留營之員應

責令簡練兵勇由六安進援定遠冀可稍贖前愆翁

同書仍督同現存兵勇實力防剿其池河以北明光

聖皇聖略卷一

七

鎮為餉道文報要路關繫尤重著勝保翁同書迅籌

布置遏賊北竄毋許疏懈

十四日 丙辰勝保奏言自廬州失陷粵氛日迫臣

營精銳大半分往紅心驛殷家澗一帶南北防

剿查鳳臨各逆疊經痛剿勢已窮蹙懷遠城中

之賊經臣於上洪下洪上橋下橋一帶分紮營

壘已成合圍之勢水陸兵勇逐日各有斬擒當

此事已將成 臣若抽撥兵勇徑赴廬州則馬頭

城一帶兵力較單深恐別生枝節歸陳穎各屬

必致又復戒嚴若稍緩赴廬又恐粵氛正惡萬

一定遠抵禦不住又成粵捻勾結之患 臣因復

派穆騰阿帶領馬隊馳赴藕塘以顧東南要隘

力扼北竄之路並一面函商翁同書先行相機

進偏廬城一面仍飭將弁攻取懷鳳以期早克

聖皇聖略卷一

七

堅城頃據翁同書函稱探聞大股粵逆復竄至
界牌地方分三股由張橋老人倉藕塘攻撲定
遠勢極狡猾又疊據函稱定遠兵團皆難聯絡
必須臣親自前往又連接徐廣縉函稱馬頭城
行營乃各營後路根本重地懷賊時刻思竄囑
臣趕緊馳回臣籌思再四先其所急將原駐紅
心驛及親隨各馬隊悉數撥赴定城連前撥馬

欽定剿平粵匪方略卷十一

无

隊官兵統交穆騰阿麟瑞管帶分投迎勦又派
遊擊德元帶兵八百名星馳前往隨同翁同書
相機扼堵臣當酌量情形如有緩急隨時親馳
接應現仍暫駐殷家澗以便回顧懷鳳各營惟
廬營勇多於兵尤須裁冗添銳以收實用懷鳳
進勦各隊亦須俟袁甲三到後方可從長計議
酌量抽調不致顧此失彼臣查看南路如果情

形稍鬆卽行折回懷遠相度攻守並飛催袁甲
三迅速前來面商一切機宜俾臣得早進兵迅
圖克復如袁甲三未到懷鳳各路料理妥洽臣
卽當馳赴定遠進攻廬州斷不敢稍涉株待

勝保又奏言查皖省此時要務莫先於裁勇尤
不能不亟議添兵現在皖境乃江南湖北各逆
逋逃淵藪人數衆多尤非大兵不足勦洗臣再

欽定剿平粵匪方略卷十一

三

四思維惟有酌調新兵二三千名並將舊勇概
行裁汰擇其精銳可用者酌選留營以輔兵力
之不足現在各省額兵無可再撥而軍情喫重
不得不設法變通查四川湖南兩省現無軍務
存營之兵尙多合無仰懇

皇上天恩飭下四川湖南督撫臣各於該省提鎮標下
挑選精銳一千五百名前來以資攻勦臣俟新

兵一到即與翁同書將皖勇大加裁汰以節浮費其未到之先仍儘現在存營兵勇設法激勵盡力布置酌挑精壯節節前進以冀早得奏功奏入

上命軍機大臣傳諭勝保袁甲三曰昨因翁同書奏賊撲藕塘馬隊失利諭令勝保親率各軍馳往截勦本日據勝保奏先機馬步精兵馳援定遠俟布置北路

聖訓

手

妥協再赴廬州等語勝保所奏係在翁同書奏報以前是以穆騰阿失利退守各情尙未知悉現在賊踞藕塘定遠萬分危急該大臣所派官兵何以甫至輒回翁同書所帶兵勇挫敗之餘軍火器械一切不全定遠若失即勝保一軍亦有兩面受敵之勢自應先其所急該大臣縱未能移營前進亦應派得力援兵前往協勦毋許延誤現在鳳懷賊匪屢經受創其勢

漸衰著袁甲三迅速前進接辦鳳懷勦匪事務以便勝保交卸起程

上又命軍機大臣傳諭王慶雲駱秉章曰安徽自廬州再失店埠梁園等處相繼告陷定遠危急該處勇多兵少亟應裁勇添兵以資得力四川湖南兩省兵力素健著王慶雲駱秉章悉心籌畫如存營兵力尙敷調遣即著各挑選精銳一千五百名配帶軍裝糧餉

聖訓

手

撥赴鳳陽一帶交勝保翁同書調遣勿得稍存膜視上又命軍機大臣傳諭瑛瑛曰現在皖省懷鳳各處賊勢蔓延定遠又甚危急勝保督兵兼顧不敷分撥鄰省自當協助惟前據瑛瑛奏陝西官兵業已抽調六百名赴袁甲三軍營所存僅四百名著該署撫即將此項官兵調赴勝保軍營以資攻勦至豫省防務亦甚緊要著於南北兩鎮中酌量抽調以補陝兵之數

其原防鹿邑之營總蘇克金所帶馬隊二百餘名著
一併飭赴勝保軍營卽於由京新調之馬步官兵內
截留二百名防堵鹿邑如此量爲轉移先其所急庶
無顧此失彼之虞

勝保又奏言查李兆受未經出降之先已將粵
逆擬撲廬州暗通消息至僞國宗楊逆本爲李
兆受所制當其出城迎降之際已計遣該逆前

欽定剿平粵匪方略卷一百一

三

赴全椒有在城僞檢點稍知風聲當卽藉端殺
死滅口迨廬州失事粵逆僞後軍主將李壽城
屢調令攻撲來安江浦李兆受以桐廬眷屬未
盡來滁心腹陳廣俊等尙在金陵城池未經出
獻卽僞令不能不佯爲奉行因先期知會來安
縣知縣敘明並不滋擾而後派人僅至水口經
官兵擒斬多名李兆受卽以官兵得勝不能前

進解釋粵逆之疑乃李壽城復遣李毛薙髮於
草履中暗藏僞文送往鳳懷糾合張龔二逆暨
張澂等匪率黨齊至大柳地方與粵逆會合同
犯來安盱眙六合江浦以襲江北大營後路而
解金陵之困又經李兆受遣人將李毛邀殺搜
得僞文稟送慶瑞行營呈驗又先後令其叔李
銜華兄李昭雲赴 臣營面稟備述粵逆實在攻

欽定剿平粵匪方略卷一百一

三

撲定遠竊犯大柳以圖東竄李兆受俟眷屬到
齊陳廣俊等招卽獻城舉事 臣囑李銜華等
轉催其作速薙髮以明心跡惟粵逆既有竄撲
定遠窺伺東路之說不可不加意嚴防已飛咨
德興阿轉飭江北各營豫備堵剿並札飭塔思
哈緊守關山營盤一面派穆騰阿酌帶馬隊埋
伏藕塘一帶以備邀擊復令知縣田玉梅帶領

勇丁千餘名由紅心驛馳赴大柳相機應援其
定遠前路已由 臣與翁同書派隊分布紮營實
力扼截奏八報

聞

同日和春晏端書奏言逆匪盤踞浦城經總兵
周天培帶兵自浙江龍泉一路援勦出紮至龔
村嶺該逆前來撲營經遊擊馬承恩等奮力擊

聖朝國方略卷百一

三

退斃賊極多官軍進紮關莊該逆復以大股來
撲周天培親督諸軍鏖戰槍斃黃衣騎馬賊數
名餘匪敗潰入城官軍乘勝追至離城十里松
波橋該逆聞風喪膽卽於是夜紛紛驚竄周天
培集隊進攻東北兩門又復分兵抄截竄賊擒
斬甚多撲河死者無算當於七月二十一日將
浦城克復現在周天受督飭諸軍探賊趨向繞

出賊前遏擊

和春晏端書又奏言玉山敗匪退至七都球欲
取道華埠以竄婺源我軍於七月二十三四等
日疊次迎擊獲勝二十六日逆匪大股屬至紛
撲華埠營盤官兵傷亡不少李定太飛調副將
周萬遠參將文瑞兩軍分路應援一面親赴常
山督剿 臣等察看刻下賊勢趨重於德興婺源

聖朝國方略卷百一

三

開化而華埠軍情更緊現已飛咨李定太於關
化防所厚集兵力並於遂安壽昌各路迅速派
兵堵守以杜該逆乘虛窺伺至閩省松溪政和
建陽等處均無賊蹤崇安之賊竄出岑陽關鉛
山河口處處戒嚴而石逆現又竄往建甯其勢
殆將回竄撫建是江西皖浙又形喫重曾國藩
於七月十四日行抵湖口縣道員蕭啟江業已

拔營前來廣信臣等已飭各路帶兵官嚴密防
勦並咨周天受浦城一軍仍回顧浙江各路以
昭周密奏入

上命軍機大臣傳諭耆齡胡興仁曰閩省松溪政和等
處現無賊蹤周天受克復浦城自應確探所往繞出
賊前遏其入閩之路惟玉山敗匪前已竄往德興婺
源近又退至七都球取道華埠撲我營盤李定太業

粵方略卷百一

三

已親赴常山督勦著胡興仁卽飭該總兵於常開一
帶迅殄逆氛其遂安壽昌各路亦應堵其窺伺並知
照張芾飭令徽防文武嚴密防勦毋許竄入周天受
亦須兼顧浙江至崇安之賊竄入岑陽關現在鉛山
河口處處戒嚴石逆又有竄往建甯爲回竄撫建之
計是江西軍情亦形喫重曾國藩已行抵江西省城
其前部蕭啟江之兵亦至廣信著耆齡飛咨曾國藩

飭令該道亟籌堵勦該侍郎迅卽前進探明賊勢趨
向何處卽往策應

上諭內閣曰逆匪竄擾福建盤踞浦城經總兵周天培
帶兵赴援擊斃賊匪甚多該逆聞風驚竄當將浦城
克復著胡興仁卽飭周天受督率周天培等各軍迅
卽乘勝掃除餘匪廓清閩境並將逆匪回竄徽浙各
路兼籌堵勦毋令蔓延

粵方略卷百一

三

十五日丁巳官文奏言皖省賊匪於太湖城外浚
濠增壘力圖抗拒其附近霍山潛山桐城望江
懷遠舒城各路之賊蟻聚蠡屯李續賓督兵進
勦此時正當喫緊邊令應援廬州實恐緩不濟
急若從豫省邊界繞道行走旣慮太湖等處之
賊由皖而豫尤恐前路策應無人後路餉糈中
梗賊匪跟蹤追襲轉有腹背受敵之患且李續

賓部勇僅八千餘人力過數萬之賊勢不能再
行分兵自弱其勢至都興阿馬隊堪戰之士不
足千人所部各營兵亦無多現由宿松拔營前
進亦屬無可抽調惟是廬州再陷南北全局攸
關臣再四思維惟有趕緊知照李續賓迅速進
兵攻克太湖卽乘勢掃清桐城舒城一路疾趨
廬州會圖克復兼扼賊匪北竄庶不至顧此失

聖皇聖略卷一

三

彼聞吉安剋期可復擬卽咨會江西撫臣一俟
吉安克復卽撤回劉騰鶴一軍代防湖口彭澤
而調留防各營歸皖庶李續賓兵力稍厚卽可
分兵沿江一路以會楊載福之師更於普承堯
各營汰弱選精以待援應淮北屆期兵力儘有
不敷由鄂省另行籌募會同前進或於皖豫粵
捻各匪東奔北竄機宜稍資補救再查此次廬

州失陷李孟羣以數萬之勇見賊卽潰是兵多
而將不得人不僅糜餉亦且債事現在勝保袁
甲三兩營兵力稍厚相應請

旨飭下該大臣等就近力扼北竄庶抽調易於措置而
各路不致疏虞奏入

上命軍機大臣傳諭官文曰前因廬州失守諭令官文
知照李續賓都興阿等分兵赴援本日據官文奏兵

聖皇聖略卷一

四

力難分擬俟太湖攻克乘勢掃蕩舒城再行馳赴廬
州會圖克復並以俟吉安得手後撤回劉騰鶴一軍
代防湖口彭澤然後調留防各兵併交李續賓統帶
始能分兵沿江以會楊載福之師復因都興阿馬隊
不及千名方議由宿松進勦遠難抽調所籌雖係實
在情形但恐緩不濟急現在店埠梁園藕塘一帶均
爲賊踞定遠縣城萬分危急翁同書挫敗之餘軍械

全失卽勝保拔營前進仍慮兵力較單恐難遏賊北
竄該大臣既稱應援淮北如兵力不敷擬由楚省另
行籌募於勦辦粵捻機宜堪資補救著卽早爲籌募
並撥本省營兵二三千名卽派得力大員統帶徑赴
蘆州定遠以爲勝保等策應仍飭李續賓迅克太湖
卽未能速克舒桐儘能與勝保等謀面會商兩路夾
攻更爲得力都與阿一軍尙在宿松能否兼顧北路

欽定剿平粵匪方略卷一百一



督官文酌量調度

欽定剿平粵匪方略卷二百二 戊午年

中央民族
完國

八月十七日己未袁甲三奏言臣馳赴北

全賴調集東省官兵合力兜擊臣已照會曹克

各鎮並飛咨山東撫臣惟往返函商有需時日

應請

旨將山東南路各鎮之兵均由臣酌量調遣以期迅速

奏入

欽定剿平粵匪方略卷一百一



上命軍機大臣傳諭崇恩曰袁甲三請調山東附近之

兵合力兜擊著崇恩卽行飭知曹克各鎮將弁一經

袁甲三調取卽須迅速赴調不必候本省飭知有需

時日致誤事機

同日慶端奏言江右逆匪竄陷甯化縣城經前

代理汀州府知府雷瑞光等督率兵勇分路進

攻賊眾嬰城死守代理甯化縣知縣劉潤田挑

選壯勇假稱匪黨前往援應賺開南門雷瑞光亦卽督同文武員弁由下東等門攻入殲斃賊匪多名餘逆悉向西門奔竄至石子嶧地方復被伏兵截擊劉潤田亦卽追至刺斃騎馬賊目三名殺賊五百餘名生擒七十八名奪獲旗幟器械無算當將縣城收復該匪分股回竄中河泉上等處臣查閩省上游軍情喫緊甯化雖已收復而匪徒尙聚歸化甯化所轄地方肆擾邵武府城久爲賊踞本省兵勇連年徵調銳氣漸耗現奉

聖皇聖略卷三

二

諭旨飭令湖州鎮總兵壽山將原派兵勇二千名迅速帶赴汀州會同堵剿臣已飛飭該總兵兼程入汀先將歸化甯化一路賊匪搜捕淨盡卽由建甯泰甯等縣進剿直搗邵武會合閩軍四面兜

勦力圖克復奏入

上諭內閣曰福建甯化縣城被賊占踞經官兵分路進攻殺賊多名當將縣城收復所有在事出力及被害官兵等著慶端查明分別奏請獎卹該匪現竄中河等處並著飭令各該地方文武實力防剿毋任延蔓

聖皇聖略卷三

三

慶端又奏言江右逆匪竄入閩疆盤踞邵武崇安浦城松溪政和各郡縣臣檄調福甯鎮池建功候補道周揆源等統帶兵勇克復松政二縣後飭令搜捕餘匪並督率各軍四面攻擊務期克復各城嗣聞浙江敗匪復潛回松溪竄偏政和池建功等率兵勇擊退賊復竄陷崇安分股竄擾下梅石陂等處臣已添派官兵疾趨松政會同兜剿並飛催建陽鎮林向榮等奮力勦擊務將邵武崇安浦城各郡縣力圖克復不准遲

誤奏八報

十九日辛酉勝保翁同書奏言八月初三日廬州

逆匪數萬由古城集竄至定遠縣屬之界牌地

方臣等即派副都統銜克蒙額等迎剿賊眾向

藕塘大路竄撲副都統穆騰阿等分三路兜擊

施放連環槍箭該逆敗退官軍追殺二十餘里

欽定剿平粵匪方略卷三

四

斃賊四五百名焚燬賊營七座奪獲驢馬二二三

十匹旗幟槍礮刀矛不計其數初六日賊匪繞

襲池河臣勝保親率馬步各隊進剿賊遂向關

山大路奔遁藕塘之賊亦同時潰竄臣當飛飭

馬隊追躡賊蹤痛加勦洗至廬州之賊大股東

來或有可乘之機臣已選派馬步隊馳往梁園

店埠等處探明虛實相機勦辦此次穆騰阿等

奮勇進勦力挫兇鋒實屬著有勞績相應先行

開列仰懇

天恩准予獎敘以昭鼓勵奏入

上諭內閣曰廬州賊眾數萬由界牌窺伺定遠經官軍

痛加勦擊賊膽已寒所有尤為出力之副都統穆騰

阿著賞加頭品頂戴佐領善慶著賞給濟武固勒特

依巴圖魯名號驍騎校花尙阿著賞給額爾奇木圖

欽定剿平粵匪方略卷三

五

巴圖魯名號甲兵得春著賞換花翎其餘出力員弁

兵丁著准其擇尤酌保

二十一日癸亥德興阿奏言九洲之賊勾結金

陵下關賊划欲圖竄逸總兵陳國泰等率隊進

攻九洲賊壘連毀賊寨十數處擊倒望樓一

座奪獲賊划十餘隻餘划遁回連日疊據各路

偵探餘賊占踞三界候補道吳棠勇潰賊竄至

來安又李秀城陳玉城各賊全股東犯粵匪勾
聯眾各數萬來安西北之沙河集珠龍橋相繼
失守又勝保函稱賊已擾至池河旋報滁州股
匪東犯來安陳玉城西攻江浦 臣正籌防江浦
而陳逆已於八月十一日由烏衣直撲浦口占
踞東西葛地方鞠殿華等帶馬步兵勇千餘名
由小店迎截奮勇衝殺賊勢披靡當將東葛奪

聖皇聖略卷三

六

回追賊至西葛賊後股續到分路抄來愈集愈
多鞠殿華奮勇殺出撤回小店賊已踵至四面
合圍 臣飛飭海全等翻山往援 臣復親督官軍
馳往賊始奔竄仍占東葛十二日鞠殿華海全
等分兵前進遙望賊眾數萬遍野彌山我軍奮
勇進擊將賊三次壓敗復取東葛正乘勢追至
西葛賊營已布滿山谷後路及北山復有埋伏

分股突出賊回身力戰我軍盡入垓心賊愈裏
愈多時博奇馬隊適到內外夾攻鞠殿華手砍
賊目六名悍賊數十名參將文哲璋等各帶隊
殺入賊中左右衝突殲賊甚多 臣親督諸軍鼓
勇復進賊始全潰 臣查東西葛俱無險可扼將
全軍撤至小店即調安勇並由石磧橋撤回官
兵二千餘名協同固守惟大營四面受敵 臣兵

聖皇聖略卷三

七

勇祇一萬五千而全滁和州之賊本有數萬加
以廬州梁園新來賊股又有數萬之多其勢萬
難抵禦 臣不得已飛咨和春等借撥精兵二三
千名前來接應
德興阿又奏言八月十二日有另股賊匪竄至
江浦後路之新甸廟擄掠經派委防禦永林帶
隊追剿殲賊數十名又滁賊分股出撲雷官集

施官集等處富明阿等帶隊出勦賊匪紛紛折
竄我軍會合追擊屢有斬擒賊乘夜遁回水口
奏八

上命軍機大臣傳諭德興阿曰皖逆撲及浦營雖經我
兵以少擊衆而賊勢猖獗亟宜整頓各軍嚴密堵截
該大臣現調安勇回守小店尙恐兵力不敷和春所
撥援兵計已渡江賊黨雖多其中裹脅不少如能連

欽定剿平粵匪方略卷三

八

挫兇鋒其勢亦易解散一面督水師認真防勦毋令
水口之賊窺伺東路

上又命軍機大臣傳諭僧格林沁曰前因山東單縣被
圍緊急諭令僧格林沁將前次調赴江北官兵截留
交山東省調遣現在皖逆數萬撲及江浦勢甚危急
山東單縣業已解圍所有吉林馬隊及直隸提標官
兵著毋庸截留山東仍著飛咨飭令迅赴德興阿軍

營以資攻勦

二十三日^{乙丑}德興阿奏言皖賊全赴江浦各口
欲通金陵衆逾數萬臣飭安勇等晝夜嚴防並
派副將銜馬國升等聯絡聲勢合力痛勦賊由
汊河等處搭板過河博奇等馬步隊分投截擊
賊大敗潰復經張家渡一帶民團前來助戰聲
勢愈增追殺一千餘名餘賊淹斃無數和春已

欽定剿平粵匪方略卷三

九

派遊擊馮子材帶兵過江卽派同博奇等聯紮
數營於安定橋等處另派英貴駐紮陡岡以顧
浦營北路賊若全潰卽令馮子材移紮大營集
以顧六合現據富明阿等報六合稍鬆然浦口
江浦賊已紛撲而來難保不由高塘集再犯東
路所有六合及施官雷官大營來安文武兵勇
全責成富明阿溫紹原二員調遣再咨商和春

等添撥精兵二千布置江北以臻嚴密奏入報

聞

二十六日辰戊勝保奏言粵逆自池河敗遁後裹

脅十餘萬賊馬一二千匹竄至滁州因滁城閉

門不納向東竄去意欲攻撲江浦六合逆首陳

玉城偪令李世忠分攻來安李世忠進至水口

地方伴爲攻取稟請大營諭知來安以免驚擾

欽定四庫全書

十

欽定四庫全書

十一

臣卽飛咨江北軍營早爲防範以免該逆奪路

過江得爲金陵因賊援應臣在定遠部署稍就

卽折回馬頭城大營連日挑選兵勇帶同南下

其餘仍留鳳懷交徐廣緝督率進攻惟逐北追

奔必資馬隊穆騰阿所帶已全赴定遠廬營存

馬已屬不敷鳳懷一帶亦不能不酌留馬隊臣

前請調察哈爾官兵現已飛往迎提並飭李孟

聞

羣收集兵勇於壽州六安一帶扼要駐紮聽候

調遣廬營潰後頗難振作已嚴飭鎮將大加選

汰仍待臣親往整頓擬俟鳳懷攻勦事宜部署

停妥臣卽統帶兵勇馳會撫臣翁同書商定機

宜迅圖進取奏入報

勝保又奏言正緒摺開接袁甲三咨稱前調察

欽定四庫全書

十一

哈爾馬隊派員迎提統歸調遣並以北路較南

路爲喫緊臣查南路懷遠山川迴複有險可憑

張翼二逆盤踞其中悍賊結黨死守加以臨淮

鳳陽勢成犄角粵逆自陷廬州乘勢比犯急欲

與捻逆勾結臣以孤軍東至池河珠龍橋西抵

懷遠馬頭城二百餘里中流橫截兼派馬步兵

勇南駐定遠其勢萬分喫緊而袁甲三謂南路

較鬆並有懷遠空虛之說是於南路現辦情形全無聞見其北路滄渦兩岸向爲捻匪淵藪張落刑被剿窮蹙潛由龍元繞赴西路楚店集等處欲約孫葵心各股赴援懷城各捻未肯前來張落刑旋即遁歸與冀逆堅壘濬濠意圖死踞並未有大股回竄西路之事現在滋擾西北仍是劉狗等零股捻衆是北路賊情較之南路首

欽定剿平粵匪方略卷三十一

十一

惡所聚輕重懸殊臣深知捻匪實無北犯之志且現在首逆與各捻家口屬聚懷城賊黨斷無舍捨首棄妻孥而遠竄之理惟大股粵氛亟宜力遏北竄今春圍撲固始已駸駸有深入之勢若縱令聯爲一氣其患曷可勝言在臣全局通籌用力南賊正爲嚴防北路袁甲三如能向南進逼懷城久已合圍奈耽延多日致使東北空

虛任令逆捻肆行出沒查現在軍務以迅克盧

城顧全江北爲最要臣本擬懷鳳布置停妥統旅南征乃因新調馬隊遽被截留遂致師期又誤此時南北全局酌量輕重應於此項新調馬隊內分撥二百名暫留伊與額軍營協剿其餘三百餘名迅赴臣營聽調其暫留之兵應俟蕭縣捻匪擊退後仍令南來以厚兵力如此分籌

欽定剿平粵匪方略卷三十一

十一

兼顧庶於北路不致空虛而南路亦無牽掣奏

上命軍機大臣傳諭勝保曰該大臣現擬將懷鳳一帶布置停妥卽行督兵南下自爲南北兼顧惟因察哈爾馬隊爲袁甲三奏請截留力言捻逆情形南重於北猶未免各存意見該大臣旣統全皖軍務應如何分撥兵勇不妨徑行派撥卽袁甲三有全數截留之

奏亦可酌度緩急和衷商調况捻匪大股已越徐州而北擾及山東袁甲三所稱北路喫緊亦屬實在情形該大臣既擬將此項馬隊以二百名暫留淮北以三百名調赴南路即著照所請分撥此外馬步各軍應如何布置總宜與袁甲三商推分別緩急酌量調撥至廬州大股賊匪昨據德興阿奏已陸續東犯其由梁園等處竄撲來安江浦者不下數萬則廬城賊眾必已空虛勝保亟宜統兵前進掩其不備若能速克廬州亦足牽制南路之賊不使北犯袁甲三未能即赴臨鳳定遠以北誠不免空虛該大臣現已留兵該處並奏令徐廣縉暫行督率俟徐境賊勢稍鬆袁甲三仍當回顧淮南該大臣布置妥協即當迅速南征毋再遲延

同日前兵部侍郎曾國藩福建提督楊載福浙

勅諭軍機處

十四

勅諭軍機處

十五

江布政使李續賓奏言臣曾國藩於咸豐三年在衡州製造戰船設立水師四年越境勦賊自湘潭以至九江焚燒賊艦萬餘其後添置愈多均歸臣楊載福與彭玉麟統帶上下三千里舳舻不絕肅清江面之局大致釐定惟數年來弁勇陣亡不下三千餘人臣楊載福等就湖口石鐘山上建祠一所合祀水師陣亡各員弁勇丁名曰水師昭忠祠上以體

聖主褒揚忠義之意下以動各營觀感奮發之心至前

提臣塔齊布湘潭一役以千餘新集之師當數

萬方張之賊楚軍之勇敢實倡於此大局之轉

機亦始於此其後轉戰岳州武昌大冶興國田

家鎮廣濟黃梅等處身先士卒所向有功祇以

九江一郡未能速下忠憤填膺鬱氣成疾日對

孤城竟以身殉本年四月水陸諸軍克復九江
該處士民及在營弁勇公請建立專祠並附祀
陸師陣亡各員弁名曰塔忠武公祠現在兩處
祠宇俱已將次工竣臣等不揣冒昧籲懇

天恩准照昭忠祠之例飭地方官春秋致祭於

聖朝褒忠勸善之道或亦足裨補於萬一

會國藩李續賓又奏言查咸豐三年二月衡山

欽定剿平粵匪方略卷三十一

七

土匪曹戴李躍搆亂於草市派劉長佑王鑫前
往剿滅是爲湘勇殺賊立功之始其後南昌之
役謝邦翰易良幹羅信東等同時陣亡臣會國
藩時在衡州倡議於湘鄉建祠祀謝邦翰等及
在江殉難之人此後如有死事員弁以次附祀
名曰忠義祠數載以來湘勇援鄂援江援廣幾
無虛日今者臣等復奉

命援剿閩浙皖豫統計湘勇之出境征伐者不下五六

萬人員弁勇丁之陣亡者亦不下五千餘人其

間死事最著者羅澤南王鑫劉騰鴻業經奉

旨建立專祠亦應推廣

皇仁建祠本縣此外殉難各員如李杏春鍾近衡及營

官幫辦哨弁死難之人或慷慨以赴敵或力窮

而就義均應彙入總祠以資觀感臣等擬即倡

欽定剿平粵匪方略卷三十一

七

捐銀兩就所修之祠添購基地重加修葺凡陣
亡將領弁勇分別正祀附祀依次列入合無籲
懇

天恩准照各府昭忠祠之例飭地方官春秋致祭奏入

上諭內閣曰江西湖口石鐘山上建立水師昭忠祠九

江府城建立塔齊布祠現在將次工竣即著各該地

方官照各府昭忠祠之例春秋致祭以褒忠節

上又諭內閣曰湖南省自咸豐二年長沙解圍後經侍郎曾國藩等督率湘勇先後勦賊數年以來死事官紳忠節昭著現該侍郎等於湘鄉地方捐資倡建忠義總祠著准其照各府昭忠祠之例由地方官春秋致祭至已故布政使銜浙江甯紹台道羅澤南贈布政使銜記名道員王鑫補用直隸州知州劉騰鴻前經降旨分別建立專祠著再於本鄉各建一祠以

昭忠蓋

曾國藩又奏言浦城大股賊匪回竄廣豐縣五都地方自七月十一至十五等日疊次攻撲縣城守備彭大壽會合候選道李元度所派平江各營弁兵分路攻擊斃賊百餘名陣斬賊渠二人北路圍殺五六十人截斃接應賊匪二十餘名南路焚燒賊壘四座斃賊數百名東門外焚

聖朝聖略卷三

六

殺賊匪二百餘名生擒九十名餘匪向北逃奔是夜官軍出城復破其賊壘五座城圍立解其竄至玉山縣城賊匪自十五至二十二等日亦經李元度率勇守禦並出城迎擊殲斃無算李元度被礮傷暈絕仍復裹創督戰連日賊匪攻撲各城並於城外添築賊壘開挖地道悉經官軍平毀燒斃挖隧賊匪數十人總兵李定太等派勇來援我軍乘勢出擊連破賊卡數處該逆狂竄德興一帶我軍追殺二百餘名生擒四十七名奪獲軍裝旗幟數百件羸馬三十一匹並解玉山城圍臣查廣玉兩城當浙江福建江西三省之衝距安徽之婺源亦不過二百里一有疏虞則四省震動此次李元度以一軍力保危城厥功尤偉可否顯懇

聖朝聖略卷三

七

天恩優加獎敘陣亡把總易金榜李傳綸龔茂發張應

龍外委龔拱綸八品職銜監生李家純等應請

旨飭部照各本職從優議卹奏入

上諭內閣曰閩賊竄撲廣豐玉山縣城官軍擊剿屢勝
先後解圍李元度以一軍分守兩城身受槍傷苦戰
旬日力保危城厥功甚偉著加恩賞加按察使銜並
賞給色爾固楞巴圖魯名號其平江各營出力將士

欽定剿平粵匪方略卷三

三

並著曾國藩擇尤保奏陣亡之把總李傳綸龔茂發
張應龍外委龔拱綸八品職銜監生李家純監生黃
杏均著各照本職從優議卹

曾國藩又奏言現擾閩境賊匪探係偽易王石
達開屯踞崇安之星村黎源等處及建邵各屬
又據擒賊供稱偽國宗楊輔青與石逆共帶賊
黨十餘萬楊逆先踞浦城石逆自衢處敗竄入

閩窺犯延建等郡本年正月內楊石二逆互相

警殺楊逆遂棄浦城出犯廣豐玉山分道而馳

石逆尙有七八萬眾盤踞閩省各屬總兵周天

受等已抵浦城臣於八月初八日行抵河口鎮

張運蘭蕭啟江吳國佐朱品隆等軍均已到齊

伏查賊渠以石逆爲最悍請臣卽日親督兵勇

由鉛山入分水關直擣崇安由崇安而東北可

欽定剿平粵匪方略卷三

三

趨廣豐玉山一路由崇安而南約有三路東出
延平西至建甯中達汀州現署督臣慶端駐紮
延平東路當可無虞西路各境有道員劉長佑
扼隘駐紮賊情萬變其或北歸皖省南返廣東
老巢目前未能遽測臣俟抵崇安後探確賊蹤
再行分別進剿奏入報

二十八日午庚和春奏言金陵首逆被圍日久探

聞銅井援賊欲由江甯鎮一帶聯絡接應八月

初十日逆黨千餘竄至江甯鎮趕築卡牆參將

章友瑞等分路掩攻斃匪無算突有悍賊大股

由山後擁擁而來官兵更番疊擊總兵李若珠

親督隊伍馳至官兵三面兜剿逆眾大潰轟斃

百餘人餘皆遁歸銅井其南岸援賊如陳玉城

李秀城等均在滁全一帶而皖北自清流三界

失事後舒桐廬巢各路匪徒全行下竄將由江

浦六合而通江甯八月十一日東西各逆匪四

五萬人環撲小店營盤當派總兵馮子材參將

馬騰霄各帶兵勇星馳前往臣查金陵為首逆

老巢羣醜護持不遺餘力據報閩省回竄之賊

已由德興婺源直至東流建德將越徽池以入

甯大歸併金陵又聞蕪太賊壘日增揚言日內

即犯高遠東壩以解金陵之圍張國樞連日往

來南北各營督飭嚴防並將新舊壘壘培高挖

深現在濠牆完固士氣奮揚臣惟有與張國樞

許乃旬詳酌機宜迅籌堵剿奏入報

聞

和春又奏言蕪春鎮總兵鄭魁士前經奉

諭調赴皖北查現在定遠防務已鬆而蕪太之賊愈集

愈多且夕謀竄黃池等處又浙閩竄匪磨集饒

州婺源其前隊已入池州府界甯國防務日形

緊急鄧紹良力難兼顧其灣沚黃池一帶正當

賊衝該處防剿不容稍疏惟有仍令該鎮暫時

在彼會辦以資守禦奏入

上從之

和春又奏言八月二十日瞭見江北浦口一帶火光四起據報是日早間官兵攻勦賊營正在得手詎逆眾數萬從後抄襲將東路浦口各營全行焚燬又准德興阿函稱南北各軍會勦後路逆匪欲解小店之圍不料該逆大股數萬已踰陡岡由東而抄入浦口城遂致失利德興阿扶病親督兵勇衝出重圍現由七里店前赴六

欽定剿平粵匪方略卷三十二

三

合之謝家店收齊潰軍再圖守禦等因臣查浦口大營現已失利賊如盡銳全趨則六合以東危急萬分現在德興阿既經退守惟有嚴扼六合力保儀揚庶大局尙可收拾至此聞兵勇除兩次派援外已無可再分業經飛咨胡興仁酌量調回援閩之師徑赴六合防勦本日金陵城賊又復出巢肆擾臣已派撥官兵分投堵擊奏

八

上命軍機大臣傳諭德興阿和春曰金陵圍勦功在垂成逆援踵至堵禦為難此時浦口一失局勢又恐中變究竟員弁兵勇損失若干德興阿現赴六合能否整頓軍威力圖控扼和春先後派出之官兵五千名已陸續渡江自應合力會勦務使六合以東不致再有疏失方可徐圖恢復著德興阿收集潰兵力籌堵

欽定剿平粵匪方略卷三十三

三

勦仍飭沿江水師截住洲賊勿使勾連陸路此時賊勢猖獗金陵一日不克各路援賊日多和春等早稱功在垂成乃蹉跎至此不獨銳氣漸消即餉糈亦屬不繼著和春張國樑激勵將士迅克金陵即稍有竄逸亦不難分路勦辦終勝頓兵城下坐令逆黨生心也

上又命軍機大臣傳諭官文曰前因懷遠捻匪回竄北

路袁甲三兵力單薄諭令官文將李續賓馬步隊酌量分撥為南北兼籌之計本日據和春奏金陵援賊勢甚狡猾該處正當圍攻喫緊之時設有疏虞所關匪細著官文酌量情形即將李續賓分出之兵會同楊載福師船攻剿廬州安慶直達蕪湖等處以牽賊勢都興阿一軍尚在宿松其能否分撥赴援之處並著官文酌量調度

欽定四庫全書

三

上又命軍機大臣傳諭胡興仁曰江北大股賊匪直撲東路德興阿等迎擊不利浦口失守和春已撥兵五千馳往江北而閩省竄匪復將由甯太以援金陵賊勢狡猾兵力不敷於大局殊有關繫現在浙江防務稍鬆所有江南援浙各軍著胡興仁酌量情形即行飭回令赴六合以資援剿至浙省防務未容稍懈仍著該撫會商李定太等實力堵剿不得稍存玩視

二十九日 辛未 慶端奏言浙江大股敗匪回竄政

和經總兵池建功督率在防文武出城迎剿於

七月初九至十三等日晝夜鏖戰斃賊甚多賊

營二十餘里均經我軍追剿燒燬其回攻松溪

之賊亦於初八至十二等日經兵勇迎擊獲勝

松溪境內肅清敗匪竄到子孫坑水北等鄉擄

掠林向榮等馳往截剿小獲勝仗浦城賊匪由

欽定四庫全書

三

水陸救援各軍被匪衝截且戰且走林向榮等

退守迴龍政和賊匪又分股繞攻水吉浦城逆

匪復又從塔嶺下撲十九日水吉先陷林向榮

退守小湖二十日退守徐墩仔嗣又退守北津

二十二日賊匪竄至建陽代理邵武府知府匡

開益因眾寡不敵退守北津建陽縣城聞已被

賊占踞 臣思松政既已廓清自應迅攻浦城力

第一冊 續修四庫全書

圖恢復乃林向榮等節節退守奎齡等並不固
守建陽一任各兵潰退實堪痛恨臣現飭池建
功等分駐松政扼守以防回竄復派官兵進剿
水吉以便圖攻浦城第浦城賊匪麕聚急應添
調勁旅會合圍剿昨據周天受來咨已派張騰
蛟饒廷選帶領兵勇入閩會剿該鎮親統大兵
駐紮龍泉進逼浦城等語臣當即飛咨周天受

欽定剿平粵匪方略卷三十一

三十一

由松溪之花橋進攻浦城之前張騰蛟饒廷選
由江山進攻浦城之後臣仍飛飭林向榮等俟
恢復水吉即進紮臨江夕陽嶺一帶會合浙兵
四面兜圍併力合擊林向榮等應請分別懲處
慶端又奏言查此股髮匪係自湖北竄入江西
分竄閩浙今閩省兵勇分投截擊則該逆非同
竄浙江必仍奔江西此剿彼竄東擊西奔是閩

浙江西三省用兵將無已日臣愚以為乘此機
會亟宜三省合剿四面聚殲臣已咨商周天受
等合攻浦城又商令周天培駐軍龍泉李定太
扼守漁梁以防竄浙若河口一帶再有雄兵由
崇安入關扼剿則可聚而殲旃相應請

旨飭令會國藩統率所部勁旅馳由河口入閩會同圍
剿奏入

欽定剿平粵匪方略卷三十一

三十一

上命軍機大臣傳諭會國藩曰會國藩奉命援閩昨已
據奏行抵河口擬由鉛山入分水關直搗崇安諒能
確探賊蹤相機截擊現在松溪政和縣境肅清其浦
城之匪業經周天培等進攻收復城池惟浦崇竄匪
現撲建郡情形甚為猖獗該省兵力不敷若會國藩
所統勁旅由崇安入關扼剿會合閩浙兩省兵勇當
可四面聚殲著該侍郎迅速前進督飭張運蘭各軍

掃蕩逆氛毋稍延誤

上諭內閣曰賊匪回竄政和經池建功督兵擊退其回
攻松溪之賊亦經兵勇迎擊獲勝境內肅清惟浦城
於克復後竄匪又撲建郡署總兵林向榮等遷延不
進遇賊退守以致攻陷水吉村都司奎齡等並不固
守建陽一任各兵潰退實堪痛恨林向榮著革職留
任奎齡著革職擊問守備劉朝清邱壽昌遊擊戴慶

聖學聖略卷三

三

吳同知顧清濂都司銜許忠標武進士劉金標均著
革職仍與林向榮等留於軍營效力贖罪

同日耆齡奏言江西官軍自克復瑞臨撫建各
府城後惟吉安賊匪仍復負隅抗拒七月二十
一等日曾國荃等水陸各軍四面環攻城內之
賊屢次出撲並放木簞下衝均經各軍隨時擊
退八月初十日趙煥聯等會攻北門礮斃騎馬

賊目七名餘匪遁回遮克敦布自水東進攻南
街亦多斬獲是夜賊用大簞六架後繫小划數
十號乘急流衝下曾國荃遮克敦布等各戰船
併力迎擊將賊隊小划小簞在浮橋內擊奪淨
盡並擊散大簞一架斃賊無數餘大簞五架衝
斷鐵練浮橋下遁定湘等營水陸跟追先後在
三曲灘將大簞焚奪無遺登岸之賊概為陸勇
殲滅計擊斃溺斃之賊數千十一日各營踴毀
白鷺洲及城外賊壘多座十五夜即將吉安府
城克復江省全境一律蕩平臣已飭派水陸各
軍追捕逃匪悉數殲除毋留遺孽奏入

聖學聖略卷三

三

上諭曰吉安被陷已久此次耆齡督飭各路兵勇迅速
奏功辦理尚為得手竄逃餘匪仍著四面追剿毋令
再有蔓延出力員弁並著擇尤酌保

同日胡林翼奏言臣於本年七月十一日在任
丁母憂經督臣官文奏請開缺奉

上諭著照軍營例穿孝百日後仍著署理巡撫如扶柩
回籍再行賞假兩箇月俟軍務完竣准其補行終制
以遂孝思欽此臣當擇期扶柩回籍伏念臣終鮮兄
弟並無子嗣喪葬之事別無可託之人查丁憂
起復名教攸關卽墨經從戎亦屬萬不得已楚

欽定剿平粵匪方略卷三十二

三

境現已肅清督臣官文實能主持全局湖北治
理原不繫臣之去留且臣職任封圻當司風化
今於衰經之中起復視事心實不安惟有懇

恩俯准臣在本籍終制一俟服闋卽當泥首

宮門力圖報效奏入

上諭內閣曰現在楚境雖已肅清而逆氛未靖大軍水
陸東下儲備糧餉以及地方善後邊防各事宜均關

緊要胡林翼熟悉情形實心任事當此時事多艱正
臣子力圖報效之日未可拘泥恆情致誤事機胡林
翼著仍遵前旨於假滿後署理湖北巡撫印務俟軍
務完竣准其補行終制以遂孝思

同日江甯布政使楊能格奏言皖匪自陷廬州
後由梁園店埽竄入大柳池河一帶勾結捻匪
併滁全之賊勢已逾萬分股攻撲浦口六合圖

欽定剿平粵匪方略卷三十二

三

援金陵九洲洲賊又乘勢來撲以致浦營有失
浦口之糧臺行營糧米軍火器械亦俱失陷委
員等不知下落現在德興阿等聚兵駐守六合
以遏賊氛查自浦口至揚州道路紛歧防不勝
防賊若乘勢分股豕突旦夕可到在城兵勇僅
有數百何能支持行營糧臺已失所恃惟本臺
尚有積存之餉款軍械萬一再有疏虞何從措

手臣惟有督飭委員將銀錢軍火等項搬運上
船相機保護並知會淮揚道郭沛霖等督率在
城官弁嚴行防守奏入

上諭曰觀汝此時必以護餉為詞出城登舟何膽怯若
是大員尙如此慌張無怪乎居民紛徙保護軍械糧
餉豈無委員可派六合後路汝應幫同駐守將官協
方防堵毋得稍存膜視

聖諭

三十日

申

德興阿奏言浦營四面俱是賊巢狂
寇約近數萬浦南九洲之賊因逆援大至合
夥出撲臣久因核心因向和春借撥兵勇五千
名過江防勦八月二十日臣派兵勇先解小店
之圍先聞馮子材等已將賊壓下俄報馬步兵
勇俱敗紛紛過山賊窮追緊躡衝破陡岡軍營
直抄浦口臣因偕翰殿華拼死迎勦賊已陷浦

口城直撲臣疊臣等揮軍四面迎截槍礮連環
賊斃甚多無如賊匪太眾力戰不退另股並抄
江浦西路九洲之賊又浮水來撲臣與翰殿
華諸將殺出重圍暫駐通江集招聚潰兵飛囑
和春速為奏請就近撥兵以顧江北大局臣一
面派總兵陳國泰周希濂率各戰船防大江中
路陳世忠防寶塔根觀音門等處黃斌李新明

聖諭

仍防上游

臣

皇上將臣從重治罪臣現在沿途招集潰兵布置水師
仍防上游臣調度無方萬死莫贖惟請
謹防賊竄瓜儀查陸路六合尤為喫重聞賊已
由葛塘集東竄業已飛飭成明富明阿海全等
分帶兵勇會同溫紹原嚴加防範
同日翰殿華奏言查江北大局以扼六合防淮
揚為最要關鍵德興阿偕臣連夜進兵惟德興

阿六載行軍久成手足疼痛胸腹煩悶之證今歲各病日增又值浦口失事愁急交攻徹夜呻吟現雖赴六合防剿精力實已不支查三軍進止全資主帥刻下督防六合萬分喫緊臣祇得商諸將領除緊急軍務稟商外其餘防剿諸小節臣等相機妥辦現在潰兵漸集德興阿已派趙樹棠帶領一千名馳往六合又據和春來咨

欽定剿平粵匪方略卷百一

三

臣殺

添兵過江赴六合協剿是江北軍威復振臣殺賊不力負罪至重惟有調護主帥激勵將士努力堵剿或冀稍贖前愆於萬一均奏入

上命軍機大臣傳諭德興阿翰殿華曰浦口既已失利悍賊全趨北岸六合以東萬分危急速宜收拾潰兵先扼六合力保儀揚再圖攻復浦口城池支撐大局馮子材等赴援之軍皆屬精銳和春又添兵二千名

過江協剿著德興阿等妥為調度復振軍聲此時德興阿病勢頗重深恐精力不支著翰殿華善為保護並著與德興阿商酌在該營鎮將中擇其謀勇兼長堪勝幫辦者奏保一員候旨簡派至江浦孤城是否尙能固守浦口潰散各員下落傷亡弁兵若干著一併查明具奏

上諭內閣曰賊匪攻撲汧河集等處並九洲賊合夥

欽定剿平粵匪方略卷百二

三

出巢勢甚猖獗浦口營壘被陷德興阿統師兩載有餘從無挫失翰殿華亦素稱奮勇此次浦口潰敗雖因賊眾兵單究屬督率無方德興阿著拔去雙眼花翎革職留任翰殿華著革職留任仍著該大臣等激勵將士會同江南援軍迅將浦口克復以贖前愆同日翁同書奏言廬和賊匪竄至池河後由清流關竄撲江浦小店翰殿華力戰擊退該逆裏



脅數萬占踞東葛西葛等處連營數十里意圖
 接應金陵臣思賊蹤來去靡常若為浦口官軍
 擊敗勢必回撲定遠現在賊匪尚踞東西葛等
 處萬一向原路回竄則關山珠龍橋首當其衝
 大柳池河即其後路臣已添派兵勇分路防範
 定遠城外臣親督余成蛟等逐日操演南路張
 橋蔣家巷一帶駐紮兵勇亦令步步為營相機
 進剿

聖朝聖略卷三

三

同日耆齡奏言江西玉山敗賊由德興竄至景
 德鎮道員劉于瀉迎剿失利退守凰岡現添調
 兵勇再行進剿又福建光澤縣逆匪由鐵牛關
 瀘溪竄至金谿經各團練進剿逆眾敗退瀘溪
 分股竄往饒州府屬安仁縣之山背地方被水
 師礮斃多名臣查兩路竄賊均聚饒州屬境亟

閱

應迅速撲滅臣已札調各路兵勇馳赴瀘溪金
 谿堵剿並飛咨李定太速飭參將文瑞等剋日
 回江先剿安仁竄匪再行會攻景德鎮次第掃
 蕩均奏入報

聖朝聖略卷三

三